

# COMMENTARIA 2. CVM QVÆSTIONIBVS,

ET DVBIIS;

*In octo Libros de Physico auditu Aristotelis.*

F. MICHAELIS ZANARDI  
BERGOMATIS,  
EX VRGNANO;

Sacræ Theologiæ Lectoris, Sacri Ordinis Prædicatorum.

*Superiorum permissu, & Privilegijs.*



VENETIIS, MDCXVII.

---

Ex Typographia Ambrosij Dei.

COMMITTEE  
ON THE  
EDUCATION OF THE  
INDIAN TRIBES

REPORT  
OF THE  
COMMISSIONER OF THE  
BUREAU OF INDIAN AFFAIRS

FOR THE YEAR  
1887



WASHINGTON  
D. C.  
1888

ILLVSTRISSIMO,  
ET REVERENDISS. D. D.  
ANTONIO ZARA  
EPISCOPO PETINENSI.

D. Gollegoritiæ, & Serenissimi Archiducis Austriæ Ferdinandi  
Consiliario D. suo clementissimo.



*V*M sape sapius mecum ipse reputans, Illustriss. ac  
Reuerendiss. Prasul; excelsi tui præter, celestisq.  
magnitudinem animi, exemplaris integritatem vite,  
& Sæuitatem, ac innumeras quæ in te fulgent alias  
virtutes eximias; tui præsertim acris diuinæ acu-  
men, ac solertiam ingenij, & singularem doctrinæ,  
atque sapientiæ præstantiam (quibus auxiliantibus  
in Hebraico, Græco, Latino, Italicoq. sermone scien-  
tiam quamque tenes) sedulo & accuratè perpendo: in maximam nempe  
pari cum beneuolentia coniunctam tui semper admirationem traducor.  
Cum etenim felici admodum faustog. à Dei benignitate profecto, supe-  
rioribus annis meo mihi contigerit fato, vt præclarissimum illud, & im-  
mortale opus tuum, Anatomia ingeniorum, & Scientiarum iure merito in-  
scriptionem (quod mundo gratissimum, atque incundissimum, ab omnibus fuit  
amplexatum, ac obuijs vltis acceptum) meis ego typis emittere possem;  
tunc temporis præstantissimarum tuarum doctum, & virtutum ornamenta  
insignia, ac penè diuina, quæ te ad cælum vsque extollunt, & maximè  
amabilem omnibus efficiunt, perspecta mihi planeq. cognita fuerunt, ac  
incredibilem meum in te amorem, obseruantiam, & pietatem excitauit.  
Quamobrem secunda fortuna maximè votis visa est aspirasse meis, quæ  
hac occasione; arte impressoria mea tibi operam nauandi, facultatem mihi  
obtulit oportunam, tibi tanto viro, ac Heroi, omnigenæ virtutis alumno,  
qua maiori possem sedulitate, ac fidelitate inseruiendi, meq. famulum in  
perpetuum addicendi. Vt autem huiusce mei tanti, & ardentissimi erga  
te studij scintillam, ac vestigium tibi aliquod indicarem, ac etiam maxi-  
morum officiorum quibus tibi deuinctus teneor, minima tantum modo parte  
leuaret; dicani tibi, post Annuale dum hic esses, primum Reuer. Cessai

*Sacelluarium, confestim illud ad te mittens, quo primum tempore bellorum  
urbis in Foro Iulij commoueri ceperant. Sed quoniam (fortasse propterea)  
nullum abs te responsum acceperam, cum tamen magis magisque in dies  
sperarem, fore, ut secundus gratia muneris gradus tue præclarissime  
virtutis mihi obtingeret; ut nempe secundum abs te mihi promissum, &  
à me expectatum opus tuum, Anotomia rerum diuinarum inscriptum eis-  
dem typis meis edere mihi liceret, nec, ob idem forsan impedimentum,  
pro meo voto hoc secundum negotium euenire potnerit; me parum fortuna-  
tum existimaui. Attamen cum nunquam cupiditas qua flagrabam ser-  
niendi tibi, extincta, sed potius magis magisque inflammata fuerit; statui  
denud me tibi mantipare per dicationem tuoq. glorioso nomini nuncupatio-  
nem presentis voluminis, Vniuersum Cæleste inscripti, quæ quidem scientia  
est felicissimo indicio digna, cuius tu es, ut cuiusque alius perfectus  
possessor. Itaque confido, me quod priori ratione non sum adeptus, poste-  
riore assecuturum, cum præsertim, Diuino munere, superiores conuatio-  
nes bellorum videantur iam sedate. Quamvis autem operæ pretium, ac ra-  
tioni consentaneum esse non ignorem, ut iuxta communem, & peruulga-  
tam omnium consuetudinem, qui egregio cuipiam viro, ac Heroi opus ali-  
quod dicant, nunc ego, in vastissimum tuarum laudum pelagus ingrediens,  
recenserem commemorarem prius generose, ac nobilissimæ familie tue  
splendorem, & gloriam, deinde alias quibus ipse excellit, dotes amplissi-  
mas: quia tamen non ea sum ego doctrina, & eloquentia præditus, ut ora-  
tione mea minimam quamque illarum partem attingere valeam, cum tuba  
Homérica, tubicini Homerus, vel Demosthenis, Tullij, atque Hortensij elo-  
quio hoc dignum sit argumentum; idcirco quacunque in te sunt, animi,  
corporis, fortunaq. Heroica bona silentio mihi inuolucnda esse decreui.  
Nam si imperitissimus, atque insantissimus ego auderem hunc provinciam  
suscipere, non sit onus longe meis viribus impar, in maximum profectò  
arrogantiæ temeritatisq. crimen incurrerem, tuas enim virtutes magis ob-  
scurarem, quam quicquam laude dignum efficere, præstarem, & sic ta-  
cere satius esse mihi, quam parum inepteq. loqui existimaui. Sed antequam  
finem facio, te vehementer etiam, atque etiam oro, ut non tam munus  
quod tibi largitur, quam largientem ipsum qui se tibi deuouit, accipere non  
graueris. Vale.*



# NOS F. SERAPHINVS S I C C V S

S. Theologiæ Magister, ac totius Ordinis Prædicatorum  
humilis Generalis, & seruus.



Vm certi facti fuerimus te R. P. Fr. Michaelē Zarnardum de Vrgnano, Sacræ Theologiæ Lectorem, Ordinis nostri, multa Commentaria edidisse, ac Quæstiones quamplures in Philosophiam Aristot. ac in plura D. Thomæ opera composuisse, quæ si typis mandentur non parum legentibus proficient, supplicatumque nobis fuerit, vt tibi licentiam imprimendi concedere vellemus. Petitionibus tuis annuere volentes, harum serie nostri auctoritate officij, facultatem tibi Reuer. P. Fr. Michaeli Zanardo de Vrgnano, Sacræ Theologiæ Lectori concedimus, vt supradicta Commentaria, & Quæstiones typis mandare valeas, seruatis tamen prius omnibus seruandis, quæ à Sacro Concilio Tridentino decernuntur, & quæ ab omnibus nostris constitutionibus, & ordinationibus Capitulorum generalium statuuntur. In nomine Patris, & Filij, & Spiritus sancti. Amen.  
Datum Venetijs die 29. Iulij 1615.

Fr. Seraphinus Siceus, qui supra.

Registr. fol. 25.

Fr. Io. Baptista Bosius de Capriata,  
Magister, & Socius.

**E**Go Fr. Remigius Scrofa Lector Ord. Prædicatorum, ac Magister Studij in Conuentu S. Augústini de Padua, ex commissione Reuerend. P. Generalis Fr. Seraphini Sicci Papiensis, opus vere aureum in octo Libros Aristor. de Physico auditu Fr. Michaelis Zanardi Lectoris eiusdem Ord. satis attente perlegi, quod mihi opus Catholicum, pium, lectu quo dignissimum visum est, ob facilitatem, ac profunditatem, dignumque censco, quod in communẽ vtilitatem typis excussum in lucem prodeat.  
Dat. Patavij die 7. Aprilis 1617.

*Fr. Remigius Scrofa Lector, & Magister Studij, qui supra.*

**E**Go F. Io. Petrus Astorius Venetus, Sacræ Theologiæ Magister, Ordinis Prædicatorum vidi, ac diligenter examinaui Commentaria cum Questionibus in octo Libros Physic. Arist. R. P. Fr. Michaelis Zanardi de Vrgnano, Lect. Theol. ex commissione Reuerendiss. P. Fr. Seraphini Sicci Papiensis, totius Ord. Prædicatorum Generalis Magistri, & Adm. R. P. F. Io. Dominici Vignutij, Sacræ Theol. Magistri, Inqu. Generalis Venetiarum, cumque in eis nihil fidei contrarium, aut bonis moribus dissonum repperim, digna impressione censui.  
Dat. In Copu. SS. lc. & Pauli Venetiarum, die 7. Aprilis 1617.

*Fr. Io. Petrus, qui supra.*

**E**xaminaui Commentaria, ac Quæstiones in octo Libros de Physic. auditu Arist. R. P. F. Michaelis Zanardi, Lectoris Theologi, ego F. Hippolytus di Cignano, Sacræ Theologiæ Lector, & Prior Conu. S. Dominici Venetiarum, cumque in eis nihil fidei, vel bonis moribus contrarium repperim, immo facilitatem, ac securitatem Doctrinæ Angelicæ ea redolere cognouerim, digna impressione esse censui.  
Dat. Venetijs die 7. Aprilis 1617.

*Ita est, Ego F. Hippolytus Prior, & Lector, vi supra.*

**V**isa supradicta approbatione, admitto supradicta Commentaria impressioni.

*Fr. Io. Dominicus Vignutius, Magister, Generalis Inquisitor.*

# QVÆSTIONVM

## ET DVBIORVM

Primi Libri Phyc.

1	<i>V</i> trum de rebus naturalibus detur scientia.	6
2	<i>V</i> trum Phycica sit scientia speculativa.	11
3	<i>V</i> trum ens mobile sit subiectum in Phycica.	13
4	<i>V</i> trum ad cognitionem alicuius rei, necessarium sit cognoscere principia, causas &c.	22

### Dubia 28.

1	<i>A</i> n vniuersaliora sint notiora.	
2	<i>A</i> n recte arguat Arist. ex toto sensibili ad totum vniuersale?	
3	<i>A</i> n sit pugnantia inter primum, & secundum textum primi Phyc.	
4	<i>A</i> n definitum sit vniuersalius definientibus.	
5	<i>V</i> trum ens sit primum cognitum.	29
6	<i>V</i> trum Phycicus possit disputare contra negantes sua principia.	30
7	<i>V</i> trum si tantum esset vnum principium, vnum tantum esset ens.	31
8	<i>V</i> trum materia sit diuisibilis, & extensa.	32
9	<i>V</i> trum in naturalibus detur maximum, & minimum.	33
10	<i>V</i> trum totum distinguatur realiter à suis partibus.	38

### Dubia 39:

5	<i>A</i> n antiqui fecerint figuras contrarias.	
6	<i>A</i> n recte sint assignatæ conditiones contrariorum principiorum.	
11	<i>V</i> trum prima principia rerum sint prima contraria.	40

### Dubia 45.

7	<i>A</i> n in quolibet genere sit vna prima contrarietas.	
8	<i>A</i> n principia semper maneant.	
9	<i>A</i> n supponenda sit tertia natura.	
10	<i>A</i> n duabus contrarietatibus eadem natura subiiciatur.	

11 *A*n

## Index Quæstionum.

11	<i>An principia contraria differant genere.</i>	
12	<i>Utrum tria sint principia rerum naturalium.</i>	46
13	<i>Utrum ex materia, &amp; forma sint unum per se.</i>	48
14	<i>Utrum omnes formæ naturales educantur de potentia materia.</i>	50
15	<i>Utrum priuatio sit principium rerum naturalium.</i>	52
16	<i>Utrum priuatio sit ens reale.</i>	54
17	<i>Utrum materia secundum se sit incognoscibilis.</i>	56
	Dubia 56.	
12	<i>An priuatio sit potius idem cum materia, quam cum forma.</i>	
13	<i>An priuationis sit priuatio</i>	
14	<i>An aliquid dicatur fieri ex priuatione.</i>	
15	<i>An efficiens, &amp; finis sint principia rerum naturalium.</i>	
16	<i>An nomen principij dicatur vniuoce.</i>	
	Dubia 59.	
17	<i>An vna sit potentia materia.</i>	
18	<i>An materia appetat formam.</i>	
19	<i>An materia corrumpatur per accidens.</i>	

## Index Quæstionum Secundi Libri.

1	<b>V</b> <i>trum natura habeat in se principium intrinsecum sui motus.</i>	63
2	<i>Utrum ridiculum sit demonstrare velle naturam esse.</i>	63
3	<i>Utrum recta sit definitio naturæ.</i>	64
4	<i>Utrum materia sit natura.</i>	71
5	<i>Utrum forma sit natura.</i>	72
6	<i>Utrum forma sit magis natura, quam materia.</i>	73
7	<i>Utrum definitio naturæ conueniat animæ.</i>	ibidem
8	<i>Utrum abstrahentium sit mendacium.</i>	75
9	<i>Utrum scientia media sint magis Mathematica, quam naturales.</i>	76
10	<i>Utrum consideratio materiæ, &amp; formæ pertineat ad naturalem.</i>	79
	Dubia	
20	<i>An partes definitionis spectent ad causam formalem.</i>	
21	<i>An præmissæ sint causæ materiales, vel effectiua conclusionis.</i>	
11	<i>Utrum sit recta definitio causæ.</i>	81
12	<i>Utrum materia sit causa.</i>	83
13	<i>Utrum forma det esse.</i>	84
14	<i>Utrum causalitas agentis stet in agere.</i>	85
	De causa finali 85.	
	De causa exemplari 91.	
15	<i>Utrum causæ sint sibi inuicem causæ.</i>	91
16	<i>Utrum vnus, &amp; eiusdē effectus possint esse plures causæ totales &amp;c.</i>	94
17	<i>Utrum hoc possit esse per absolutam Dei potentiam.</i>	97
	18 <i>Utrum</i>	

# Index Quaestionum:

18	<i>Vtrum aliqua eueniant fortuito.</i>	99
19	<i>Vtrum sit recta definitio fortune.</i>	101
20	<i>Vtrum fortuna sit causa immanifesta; &amp; indeterminata.</i>	107
21	<i>Vtrum Arist. sibi contradicat in tex. 64.</i>	108
22	<i>Vtrum detur factum.</i>	109

## Dubia 112.

1	<i>An fortuna &amp; casus reducantur ad causas efficiētes.</i>	
2	<i>An naturalis consideret solum mouens motum.</i>	
	Dubia 114.	
3	<i>An antiqui posuerint causam effectiuam.</i>	
4	<i>An quae eueniunt vt in pluribus sint propter finem.</i>	
5	<i>An animalia agant propter finem.</i>	
23	<i>Vtrum animalia cognosceant finem.</i>	115
	Dubia 118.	

6	<i>An monstra sint intenti a natura.</i>	
7	<i>An in arboribus accidant monstra.</i>	
8	<i>An quae per se fiunt, producantur ex determinato semine.</i>	
24	<i>Vtrum monstra sint per se intenti a natura.</i>	119
25	<i>Vtrum natura agat propter finem.</i>	121

## Dubia 123.

9	<i>An efficiens sit causa necessaria absolute.</i>	
10	<i>An necessitas rerum naturalium praecise sumatur a materia.</i>	

## Index Quaestionum, & dubiorum tertij Libri.

### Dubia 127.

1	<i>An in aliquo genere sit motus.</i>	
2	<i>An ad cognoscendam naturam, sit necessarium cognoscere motum.</i>	
3	<i>An id quod est, sit in potentia &amp; actu.</i>	
1	<i>Vtrum ad sciendam naturam sit necessarium cognoscere motum.</i>	128
2	<i>Vtrum recta sit definitio motus.</i>	130
3	<i>Vtrum motus &amp; terminus motus sint idem realiter.</i>	135
4	<i>Vtrum motus distinguatur realiter a mobili.</i>	138
5	<i>Vtrum successio, &amp; continuitas sint de essentia motus.</i>	140
6	<i>Vtrum quae vni, &amp; eidem sunt eadem, eadem etiam sint inter se.</i>	141
7	<i>Vtrum actio, &amp; passio sint vnus motus.</i>	143
8	<i>Vtrum actio sit subiectiue in mobili.</i>	146
9	<i>Vtrum tractare de infinito spectet ad naturalem.</i>	148

### Dubia 148.

4	<i>An si daretur infinitum esset principiatum.</i>	
5	<i>An in aeternis differant esse, &amp; posse.</i>	
10	<i>Vtrum possit dari infinitum in actu.</i>	149
	11 Vtrum	

# Index. Quaestionum.

- 11 *Utrum intellectus creatus saltem Angelicus possit cognoscere infinitum.* 155  
 12 *Utrum possit dari multitudo actuum infinita, saltem per diuinam potentiam.* 157  
 13 *Utrum possit dari infinitum in potentia.* 163  
 14 *Utrum unum infinitum possit esse maius altero.* 164

## INDEX QVAESTIONVM.

& dubiorum quarti libri.

Dubia 167.

- 1 *AN omne quod est, in loco sit*  
 2 *AN ad naturalem spectet considerare de loco.*  
 3 *Quomodo.*  
 4 *AN locus trahat ad se locatum, conseruet ipsum, & ipsum perficiat.*  
 5 *AN sursum, & deorsum sint species loci.*  
 Dubia 170.  
 6 *AN locus terram praecesserit.*  
 7 *AN punctus sit in loco.*  
 8 *AN omne exemplum sit corporeum, vel incorporeum.*  
 9 *AN locus sit quoddam quantum, & corporeum.*  
 10 *AN locus sit causa efficiens.*  
 11 *AN forma contineat.*  
 1 *Utrum duo corpora naturaliter possint esse in eodem loco.* 171  
 2 *Utrum hoc fieri possit per absolutam Dei potentiam.* 172  
 3 *Utrum idem numero corpus simul possit esse in pluribus locis adaequatis.* 174

Dubia 177.

- 12 *AN locus sit de numero causarum.*  
 13 *AN cognitio materiae, & formae sit difficilis.*  
 Dubia 179.  
 14 *AN amphora vini dicatur in amphora vini.*  
 15 *AN locus sit aequalis locato.*  
 4 *Utrum recte sit definitus locus.* 180  
 5 *Utrum ultima sphaera sit in loco per partes.* 188  
 6 *Utrum si motus heret in vacuo, heret in instanti.* 195  
 7 *Utrum detur vacuum separatum, vel imbibitum corporibus.* 199  
 8 *Utrum motus, & tempus distinguantur realiter.* 203  
 9 *Utrum duratio rei distinguatur ab eius existentia realiter.* 204  
 10 *Utrum tempus sit numerus motus secundum prius, & posterius.* 205  
 11 *Utrum sit unum instans in toto tempore.* 209  
 12 *Utrum sit unum numero tempus.* 211  
 13 *Utrum tempus sit ens reale.* 213  
 De.

# Index Quaestionum.

De durationibus 215.

## INDEX QVAESTIONVM, & dubiorum quinti libri.

Dubia 219.

- 1 **A**N post tractatum de tempore sit agendum de motu.
- 2 **A**n ad motum partis totum moveri dicatur.
- 1 *Vtrum generatio sit motus.* 223
- 2 *Vtrum motus sit de subiecto in subiectum.* 223
- 3 *Vtrum in substantia sit motus.* 224
- 4 *Vtrum in ad aliquid sit motus.* 225
- 5 *Vtrum ad qualitatem sit per se motus.* 226
- 6 *Vtrum ad ubi detur motus.* 227
- 7 *Vtrum ad quantitatem sit per se motus.* 229
- 8 *Vtrum motus de magis perfecto ad minus perfectum, vel econtra sit eiusdem speciei.* 231
- 9 *Vtrum motus accipiat speciem a termino ad quem.* 232
- 10 *Vtrum ad unitatem motus, requiratur unitas formae, mobilis, temporis, & spaciij.* 232
- 11 *Vtrum agens naturale possit regenerare idem corruptum secundum numerum.* 242
- 12 *Vtrum sit una sanitas non interrupta per infirmitatem in sano.* 244
- 13 *Vtrum motus regularis sit magis unus, quam irregularis.* 244
- 14 *Vtrum sint duo motus, quando aliquid movetur de contrario in contrarium.* 244
- 15 *Vtrum quies contrarietur motui.* 246
- 16 *Vtrum quies sit perfectio motus.*

## INDEX QVAESTIONVM, & dubiorum septimi libri.

- 1 *Vtrum aliqua possint moveri a seipso.* 240
- 1 *An illud moveatur per se, quando una pars eius quiescit.*
- 2 *An totum possit moveri parte quiescente.*
- 3 *An ratio Arist. petat principium.*
- 4 *An sit demonstratio quia, vel propter quid.*
- 5 *An per illam probemus aliquid non moveri ab alio primo.*
- 1 *An omnia mobilia possint adinvicem continuari.*

Dubia 253.

7 An



# Index Quaestionum :

7	An in mouentibus, & motis possit esse processus in infinitum.	
2	Utrum mouens, & motum debeant esse simul.	254
3	Vtrum per absolutam Dei potentiam, agens possit agere, ubi non est praesens.	261
4	Vtrum ad solam tertiam speciem qualitatis sit alteratio.	267
5	Vtrum omnes motus sint comparabiles adinuicem.	274
6	Vtrum regulae comparationum motuum sint recte assignatae.	279

## INDEX QVAESTIONVM, & dubiorum octauī libri.

1	Vtrum Phil. text. primo intendat probare aeternitatem motus in communi.	282
2	Vtrum consideratio perpetuitatis motus, sit necessaria ad intelligendum primum principium esse.	284
3	Vtrum creatio detur ad mentem Arist.	284
4	Vtrum vniuersitas creaturarum semper fuerit.	284
5	Vtrum possibile fuerit, mundum esse productum ab aeterno.	299
6	Vtrum Arist. crediderit se demonstrasse aeternitatem mundi.	311
7	Vtrum Deus agat de necessitate naturae, aut libere.	312
8	Vtrum motus augmenti sit continuus.	320
9	Vtrum alteratio sit motus continuus.	322
10	Vtrum in animali pars intrinseca mouens, sit aliquod compositum.	329
11	Vtrum graua, & leuia a seipsis moucantur, vel a generante.	331
	Dubia 339.	
1	An primum moueat, & non moucatur.	
2	An prima causa possit operari sine secunda, sed non e contra.	
3	An ventus moueat, & non.	
4	An ens per accidens careat necessitate.	
5	An tria sint necessaria ad motum.	
6	An mobile moueat.	
7	An Arist. sibi contradicat laudando Anaxagoram.	
8	An sit inconueniens moueus moueri eadem specie motus.	
9	An sit processus in infinitum in generatione.	
10	An quod mouetur per accidens possit per se, se mouere.	
11	An quiescente toto pars possit moueri.	
12	Vtrum sit unum primum: eius immobile, principium omnium entium.	352
13	Vtrum motores corporum caelestium moueantur per accidens.	
	Dubia multa 361.	
14	Vtrum motus localis sit prior, &c. alijs.	364
15	Vtrum motus contrarios moriet quies.	367
	Dubia multa 370.	

# COMMENTARIA CVM QVÆSTIONIBVS

In Primum Physicorum.

F. MICHAELIS ZANARDI  
ORDINIS PRÆDICATORVM.

PRIMI PHYSICORVM.

LECTIO I. & II.



Oto (dixit Auerroes) in initio cuiuslibet scientiæ tanquam præambula sunt explicanda, scilicet intentio scientiæ, utilitas, or-

to, diuisio, portio, via doctrinæ, nomen libri, & nomen Auctoris. Sed antequam octo ista explicentur, prius aliqua generalia oportet annotare.

*Philosophia qd sit.*

Primo ergo venit notandum quid nominis, & quid rei Philosophiæ, esto quod Physica sit ianua realis Philosophiæ, cū sit prima scientia, quæ his temporibus nostris post Logicam ad discatur. Placuit igitur Aegyptijs vocare Philosophiā amorem sapientiæ. Hæc autem definitio, scilicet quod Philosophia sit amor sapientiæ potest bifariam intelligi. Primo formaliter, ita, vt sit amor sapientiæ formaliter, & ita est falsa, propterea quod Philosophia cum sit scientia, in intellectu sedet, & amor in voluntate collocatur. Secundo causaliter, quia scilicet Philosophia causat desiderium in homine, vt de imperfecta rerum cognitione, ad perfectā quæ sapientia dicitur ascendat. Stoici vero, & Ilatonici voluerunt Philosophiam esse diuinarum humanarumque rerum cognitionem. Sed hæc definitio non stat

pro partibus Philosophiæ nisi distributue, & pro tota Philosophia collectiue, nam de diuinis rebus Metaphysica agitur, de humanis vero Moralis, & Physica, Moralis quo ad mores, & Physica quo ad naturalia, cui etiam adiungimus Mathematicam, quæ secundum rem non abstrahit a materia; Pythagoras autem apud D. Hieronimum in apologia contra Rustinum affirmauit Philosophiam esse mortis contemplationem. Quam definitionem aliqui interpretantur, vt per mortis contemplationem intellexerit separationem a rerum caducarum consideratione; Sed hæc interpretatio stare non potest, cum Philosophia res perscrutetur, vt sunt; multæ autem sunt caduæ, & fluxibiles; Possumus igitur dicere voluisse Pythagoram, quod vera cognitio rerum non tantum sistat in eas scire, sed potius in eas ordinare ad finem totius humanæ vitæ. Vera tamen definitio Philosophiæ est illa Arist. 10. Metaph. vbi sic eam videtur definire. Philosophia est cognitio rerum, vt sunt, id est est cognitio rerum per suas causas, & per sua principia, vsq. ad elementa, prout explicuit primo Physicorum, & sexto Metaphysices.

Secundo notandum venit, quod scientia sic est diuindenda. Scientia quædam est infinita, & quædam finita; infinita est illa, quæ est de obiecto infinito, vt est Theologia, & hæc non est dicenda nec præcise practica, nec præcise speculativa, sed enim nenter vtrunq. & etiam formaliter, sed causaliter, & tamen magis est speculativa, quam practica, vt docet S. D. prima parte quæstione prima art. 1. Iuxta vero est illa, quæ est de obiecto finito, id est de

*Diuisi  
scientia  
nam.*

A cute

ente creato. Hæc autem vel est realis, quia scilicet est de ente reali, vel est rationalis, quia scilicet est de ente rationis. Rationalis est triplex, scilicet grammaticalis, quæ agit de sermone congruo, vel incongruo Rethorica quæ tractat de sermone ornatu, vel inornato; & Logica quæ considerat sermonem prout est verus, vel falsus; Realis autem vel est speculativa, vel practica; Si speculativa est triplex, scilicet Physica, Math. & Metaphysica, de qua divisione vide, quæ diximus sexto Metaphysica. Si practica, erit moralis.

*Intentio scientia.* Accedentes ergo ad octo illa examinanda ut supra: Tertio notato circa intentionem, quod duplex est intentio huius scientiæ secundum quod dupliciter dividitur. Nam quædam est intentio generalis totius Physicæ, & hæc est tractare de ente mobili, quod est obiectum totius naturalis Philosophiæ etiam introitus ad obiectum fertur. Alia est intentio particularis scilicet huius, vel illius partis scientiæ naturalis, prout agit de ente mobili sub tali, vel tali ratione contracta, verbi gratia in libris de cælo, & mundo, de ente mobili ad ubi.

*Utilitas Physicæ.* Quarto notandum venit circa utilitatem huius scientiæ, quod utile dupliciter sumitur. Primo proprie, prout illud dicitur utile, quod non propter se queritur, sed gratia alterius, ad quod serviliter, & instrumentaliter ordinatur, & hoc utile proprie reperitur in practicis; Secundo sumitur communiter, pro ea re, quæ propter se queritur, & si alteri auxilium prestat, hoc est vel dirigendo, vel imperando, & hoc utile quod & laudabile dicitur reperitur in scientiis speculativis, inter quas est Physica. Hæc autem scientia ad multa utilis est. Primo enim est utilis ratione nostri ad Metaph. propterea quod ex motu de quo est hæc scientia, veniam cognitionem primi Motoris, & numerum omnium intelligentiarum. Secundo est utilis ad medicum, ut infra ostendemus. Nam unico verbo dicere possumus eam esse utilem ad omnes scientias effectivæ, quia agit de intellectu, quo aliz scientiæ comparantur.

Hinc dicimus primo, quod Physica præfertur omnibus practicis scientiis. Primo quia speculativa præfertur practi-

cis, per Arist. sexto Metaph. cap. primo, & secundo, & 10. Ethicorum cap. 6. 7. & 8. & secundo, quia cognitio, ut cognitio, præfertur operi. Verum est tamen quod morales possunt esse utiliores, & dicitur corruptione morum, necessarios, sed non erunt honorabiliores speculativis; nam per Arist. primo Metaph. honorabilius est speculari, quam agere, & si vitius sit agere quam speculari. Secundo dicimus, quod si Physica cum speculativis comparatur indubie cedit locum Metaph. quæ cum sit de rebus divinis, divina scientia nuncupatur; Mathematicam vero præit dignitate, quia circa substantiam versatur, & Mathematica circa quantam, quæ sunt accidentia. Sed tamen distinguendum venit, quod nobilitas scientiæ ex duobus potest pensari. Primo ex nobilitate obiecti, quia scilicet est de nobiliori obiecto, & sic dicimus primam esse Metaph. secundam Physicam, & tertiam Mathematicam. Secundo ex certitudine demonstrationis, quia scilicet procedit per certiorum demonstrationem, & ita Mathematica videtur esse prima, ex eo quod demonstrationes Mathematicæ sunt in primo gradu certitudinis, ex Arist. primo Ethicorum cap. 3. & secundo Metaphysicæ cap. 3. & ex S. D. opusc. 70. in Boetium, questione vltima, artic. primo. Sed mihi distinguendum venit, quod duplex est certitudo. Primæ tenet ex parte rei, prout ipsa apæ nata est patere sui cognitionem, & si non pariat per accidens est idest respectu non penetrantis naturam illius rei. Secunda se tenet ex parte nostri, quia res illa a nobis facilius, & firmius cognoscitur. Primo modo certior est Metaph. quoniam quanto magis scientia est de ente magis in actu, tanto magis est certa, separata autem a materia, de quibus est Metaph. maxime sunt in actu. Secunda erit Physica, quia est de substantia, quæ est magis in actu, quam accidens de quo est Mathematica, unde non dicitur certior nisi ratione nostri.

Quinto notanda sunt duo circa ordinem. Primo enim ad notandum est ordo inter partes Philosophiæ speculativæ, ut nunc secludamus scientias morales. Secundo ad notandum est ordo repertus inter libros naturalis Philosophiæ. Circa primum autem non est immorandum, quod-

Ordo  
scientia  
rum.

quoniam de hoc ordine supra diximus quo ad dignitatem, i. de ordine naturæ, sed de ordine doctrinæ, qui a facilioribus originem ducit agendum est. Ammonius igitur in præfatione prædicabilium Porphyrij & Alb. hic autumant quod primo discenda sit Physica, secundo Mathematica, & tertio Metaph. ratio autem Animonij est. Quia Physica agit de non separatis a materia neq. secundum rem, neq. secundum rationem, at Mathematica agit de separatis secundum rationem, sed non secundum rem, sicut Metaphysica considerat separata a materia secundum rem, & secundum rationem. Modo à minus abstracto procedimus ad magis abstracti, & per medium peruenimus ad summum. Ergo Physica quæ minus abstrahit erit prima, Mathematica secunda, & Metaphysica tertia.

Ratio vero Alb. fuit, quoniam à vicinioribus sensibus vt à notioribus ordine doctrinæ incipiendum est. At Physica viciniora sunt sensibus, cum sint maxime sensata. Ergo ab his tanquam à notioribus exordium est.

Sed alijs placuit, quod Mathematica prima esset in adiscendo, secunda Physica, & tertia Metaphysica. Hoc probant primo per Arist. 6. Ethicorum cap. 6. vbi dicit, quod pueri possunt esse Mathematici, sed non Physici, quia Physica longam experientiam rerum postulat, Mathematica non.

Secundo quia Mathematica est de sensibilibus per se, i. de quantitate, quæ cadit sub sensibus, Physica vero est de sensibilibus per accidens, i. de substantia, quæ sentitur per alium. Et quia in hanc sententiam inclinat S. D. opus cap. 70. quasi. 6. art. p. & 6. Ethic. cap. 8. ideo rationibus factis pro prima opinione respondeo.

Ad primum ergo dicendum est, quod maior abstractio, vel minor prioritas naturæ, arguit, de qua non loquimur, sed de prioritate doctrinæ, secundum quam a maioribus incipimus. Secundo dicitur ad minorem, quod de extremo ad extremum transimus per medium, si illa sunt eiusdem generis, modo illæ scientiæ sunt diuersorum generum. Tertio dicemus, quod etiam Mathematica concedunt materiam secundum rem, & si ab ea abstrahant secundum rationem.

Ad secundum primo absolute negamus maiorem loquendo de cognitione intellectiua, quæ ex principijs completis exoritur, eam autem admittimus de cognitione sensitiua; Secundo melius respondetur negando minorem nam Mathematica secundum rem maxime sunt in promptu sensibus, & maxime facillima ad cognitionem, cum non indigeant penetratione essentia, & proprietatum sicut indigent naturalia. Habeas tamen hic, quod naturalis Philosophia prior est morali ex S. D. 6. Ethicorum cap. 8. Lect. 7. quia prius oportet scire rerum naturas, & proprietates, naturamq. animæ, eiusq. potentias, antequam de moribus nec ad eas pertineant, sit agendum. dum Nec obstat ratio Themistij recentis contrarium in initio huius operis, dum arguit, quod nullus redditur aptus ad studia Philosophiæ, qui prius per virtutes ab affectibus terrenis animam non seiuinxit. Dicitur enim, quod est morum probitas multum iuuat ad faciendum perfectum Philosophum, scilicet intellectu, & affectu, non tamen obstat, quod sine moralibus virtutibus quis non possit esse subtilissimus Philosophus, speculatiue saltem.

Sexto notandum venit circa diuisionem, quod vt annuit D. Th. hic, diuisio scientiarum desumenda venit à diuersis abstractionibus, quia abstractio est ratio sub qua ens in diuersis scientijs consideratur, vel realiter, vel applicatè. Sciendum est ergo, quod scientia speculatiua, vel considerat ens vt est abstractum a motu, & à materia secundum rem, & secundum rationem, vel vt est abstractum tantum secundum rationem, & non secundum rem, vel vt non est abstractum neq. secundum rem, neq. secundum rationem; Si primo modo, talis erit scientia Metaphysica, quæ est de entibus separatis à materia secundum rem, & secundum rationem, vt patet de intelligentijs; Si secundo modo talis erit Mathematica, quæ considerat quantum, verbi gratia lineam vt est longitudo sive latitudine, abstrahendo, i. non considerando illam lineam esse ligneam, vel sensuam; Si tertio modo erit Physica, quæ est de rebus materialibus, & mobilibus, & ideo non abstrahit à motu, & à materia, neq. secundum rem, neq. secundum rationem. Si quis autem

Diuisio  
scientiarum  
primo.

quarum distributionem partium Philosophiæ naturalis, respondemus omittendo multa non à modum necessaria, quod Arist. in principio primi Meteororum sex partes principales Philosophiæ naturalis assignat. Prima dicitur de motu, & principiis rerum naturalium, & hæc absolvitur in octo libris Physicorum. Secunda dicitur de cælo, & mundo, in quatuor libris diuisa, & in hac de cælo & mundo agit. Tertia dicitur de transmutatione, mixtione elementorum, de generatione, & corruptione, & hæc duos libros de generatione, & corruptione comprehendit. Quarta pars dicitur Meteorologica, in qua de impressionibus Meteorologicis fit sermo, & hæc habet quatuor libros. Quinta dicitur de animalibus, de partibus animalium, & de natura eorum, quæ multos libros ambit. Sexta dicitur de plantis, de qua pollicetur se scripturum esse, sed hæc scripta adhuc non extant. Parua autem naturalia superioribus libris adiunguntur; Si quis autem cupit videre longiorem tractationem de his partibus legat D Th in proemio de cælo, & mundo, & Petrium in secundo lib. de Philosophia naturali.

Propter  
vires scientiæ  
ita.

Septimo notandum circa proportionem, quod fecerunt Stoicos tres partes sunt Philosophiæ, scilicet Logica, Ethica, & Physica. Comparabant autem Physicam cuidam animali, in quo principem locum ei dabant, dicendo, eam esse ossa huius animalis, Logicam nervos, & Ethicam carnes. Insuper dixerunt Physicam posse dici animam huius animalis, quia ipsa est veluti anima totius Philosophiæ. Alij vero totam Philosophiam ouo assimilabant dicendo, corticem esse Logicam, album Ethicam, & rubeum Physicam. Insuper alij fecerunt Philosophiam viridarium pulchre rimari, cuius spes dixerunt esse Logicalia præcepta, quia sicut sepius custodiunt viridarium, ita argumentationibus, & disputationibus tueretur Philosophiam, Arbores huius dixerunt esse Physicam, & sanctus Ethicam, quia res naturales & præcipue homines, qui sunt fines naturalium, sunt illi qui producant fructus bonos, vel malos. Sed his metaphoris omissis, dicimus Physicam habere proportionem cum Philosophia,

partis ad totum, quia Physica est pars Philosophiæ.

Octavo notandum circa viam doctrinæ, quod Arist. in hac scientia quandoque vitur diuisione, quandoque definitione, sed vt plurimum demonstratione. Demonstratio autem vt nouimus ex libris Politæ duplex est Prima dicitur a priori, quæ procedit a causa ad effectum. Secunda dicitur a posteriori, quia procedit ab effectu ad causam, & hæc secunda demonstratione vt plurimum vitur Philosophus, quia hæc apta inuenitur ad penetrandam qualitatem, & naturam rerum naturalium, & ad ascendendum ad cognitionem primi motus, & primi motoris.

Via doctrinæ.

Nono notandum circa titulum libri, quod hi libri sunt octo, & vocantur de Physico auditu, circa quam athimologiam tripliciter immorabor. Primo adducendo opiniones multorum circa interpretationem tituli. Secundo eas improbando, & tertio veritatem aperiendo. Auerroes igitur fuit in sententia, quod hi libri vocentur de naturali auditione non per se, sed per accedens; nam per se sunt de naturali sermone, sed quia accedit sermoni audiri, ideo per accedens dicuntur de naturali auditione. Albertus vero dixit eos vocari de naturali auditione, quia quæ in Physicis tractantur, magis auditione quam demonstratione sciuntur. At opinio S.D. est, quod vocentur de Physico auditu, quia per modum doctrinæ discipulis traditi sunt. Nam Arist. consuevit hos libros ore tenus discipulis legere.

Alij vero sunt in sententia, quod à apud Græcos scripta Arist. in duplici differentia fuerunt; Nam quædam eorum dicta sunt exoterica, i. vulgaria, nulla subtilitate, vel diligenti persequutione tradita, vt sunt Rethorica, Historica, & Poetica, ad quorum intelligentiam etiam rudes amittebantur. Alia vero dicta sunt acroamatica, i. auscultatoria, quæ cum magnis difficultatibus sint obuiosa, non sine Magistro concedebantur, & inter hos libros connumerantur qui sunt de natura, de anima, de intelligentijs, & de alijs, quæ continentur in Metaph. & Physica, quæ propterea dicuntur de Physico auditu. Benedic-  
tus

Quis vero Pererius lib. secundo de naturali Philosophia talis opinionis fuit, quod hi libri intitulati sint de Physico auditu, non ab Arist. sed ab aliquo eius discipulo, qui ab Arist. eos audiuit, & ducitur hac ratione, quia nullibi in Commentarijs Arist. hoc titulo reperiuntur nominati. Tandem Ioannes Sepulveda negat partitionem factam in libros exotericos, & acromaticos, & eam nullam esse probat. Primo quia Arist. libros omnino difficilimos exotericos vocat, ut patet primo Eth. ubi citat libros de Anima, & eos vocat exotericos ad Nicomacum, & in primo libro de moribus ad Eudemum, similiter libros Metaphysicos vocat exotericos; Secundo quia a Laertio accuratissimo inuestigatore doctrinæ Arist. omnia fuit hæc diuisio. Tercio quia si libri Physici vocantur acromatici, quia difficultatibus sunt pleni; cur libri de Anima, & Metaphysici non dicuntur de auditu, cum difficultioribus questionibus sint implicati?

Quo ad secundum Pererius vt supra cap. 10. omnes aduersas interpretationes reprehendit præter illam Grecorum. Contra Aueroem instat, quia Arist. rejicit omnem modum dicendi Metaphoricum, qualis est iste. Contra Alb. pugnat, quia Arist. firmissimis rationibus, & validissimis demonstrationibus doctrinam Physicam confirmavit; Contra D. Th. insurgit, quia quod ipse pro ratione assignavit, commune est Logicæ, & Metaphysicæ. Contra Sepulvedam arguit, quod non sine magna ratione discedendum est à comuni sententia D. D. At contra cum arguere possumus, quod in re tam graui, & publica non est imaginandum, quod aliquis discipulus Arist. voluerit titulum eius libris imponere, quod magis esse incredibile confirmatur, cum non sic existimandum Arist. hos libros sine titulo exponere voluisse, stando maxima eius necessitate.

Opinio ergo amplexanda sic illa Grecorum, & D. Th. scilicet, quod quia libri acromatici magis erant difficultatis, ideo mos fuit Aristocli eos per modum doctrinæ tradere discipulis. Vnde ad rationem Pererij occurrimus dicendo, quod quamuis pluribus scientijs fuerit communis difficultas, tamen hoc peculiare Physicæ

attributum est, aut quia Physica est ferè inuisa aliarum scientiarum realium, aut quia Arist. voluit ostendere necessitatem magistri habendi in initio Philosophiæ naturalis, aut quia eos legit Alexander Magno, vnde legimus, quod cum Alexander conquæreretur cum ipso Arist. quod hos libros, quos sibi secreto legerat, postea diuulgasset, respondisse faceret Aristotelem, quod & si hos diuulgasset, nullus tamen sine ipso intellexisset.

Ad primam autem rationem Sepulvedæ dicendum est, quod si de anima, & ceteris difficultioribus dupliciter egie Arist. primo per rationes communes, & ex suppositis aliorum desumptas, secundum per propria rationes, & secundum propriam mentem adlucatas. Primo modo vocat scientiam de anima &c. exotericas secundum autem modo Acromaticas.

Ad secundum dicimus, quod nostra sententia fundata est in periclitosis Græcis, & Latinis, de quibus vide Pererium loco supra citato. Ad tertium patet ex supradictis.

Decimo notandum venit circa nomen auctoris, quod auctor horum librorum fuit Arist. Stagiryta, Peripateticorum Pater, magni Alexandri Magistri, & inter Philosophos Princeps. Hic teste Laertio in eius vita quadringentos libros descripsit, sed iniuria temporum mali ex his perierunt, ita vt modo apud nos non extant nisi centum viginti.

Nomen  
auctoris.

## LECTIO III. & IIII.

### QVÆSTIO I.

*Vtrum de rebus naturalibus de-  
tur scientia.*

Videtur quod non. Nam de ente per accidens non est scientia per Arist. primo Post. Sed entia naturalia sunt entia per accidens. Ergo. Minor probatur. Quia aggregatum ex rebus diuersorum generum est ens per accidens sed entia naturalia constant ex rebus diuersorum generum scilicet ex substantia, & accidentibus sensibilibus. Ergo.

Secundo. Corruptibilem non est scientia. Sed entia naturalia sunt corruptibilia; Ergo. Maior est Arist. primo Post. cap.



cap. 9. Minor probatur, quia entia naturalia materiam includunt. Materia autem est principium corruptionis. Ergo.

Tertio. Scientia est de abstractis à materia. At entia naturalia non abstrahunt à materia, nec secundum rem, nec secundum rationem, ut patet. Ergo.

Quarto. Infinitum non est scibile, per Arist. in hoc primo. At res naturales sunt infinitæ, cum dicant singularia infinita. Ergo.

Quinto. Sensibile non est scientiæ sed res naturales sunt sensibiles. Ergo. Maior est Arist. primo Posteriorum, & secundo Ethicorum. Minor est eiusdem in secundo de Anima.

Sexto. De illo est scientia, quod potest mouere intellectum ad intelligendum. Sed entia naturalia non possunt mouere intellectum. Ergo. Maior est uota. Minor probatur, quia mouens est nobilius re mota, & res naturales non sunt uoluntates intellectus. Ergo.

Septimo. Scientia est habitus omnino certus, ex primo Post. cap. secundo. Sed res naturales de quibus est Physica non sunt omnino certæ, cum subijciuntur incertitudini mutabilitatis. Ergo.

Octauo. Physica agit de motu, de materia, de Tempore, de gen. & corr. & de similibus, non solum prout intelliguntur, verum etiam, ut sunt. Sed prout sunt, mutabilia, & incerta sunt, ut experientia docet. Ergo.

Nono. Scientia essentiam rerum scibilem cognoscit. At Physica non cognoscit essentiam rerum naturalium. Ergo. Maiorem nota. Minor est Arist. 6. Metaph. cap. 1. tex. 1. & in 4. cap. 2. tex. 5. ubi dicit solum. Metaphysicam essentiam omnium rerum, etiam naturalium considerare, & perillustrare, considerando eorum quodquid est.

Decimo. Physica agit de materia accidentibus affecta. Sed materia talis est ens per accidentem de quo non est scientia. Ergo. Maior est nota. Minor probatur, quia accidentia ad sunt, & absunt subiecto, cum non habeant esse fixum substantiæ.

Vndecimo. Magia est pars Physicæ, sed Magia non est scientia. Ergo nec Physica. Maior probatur ex definitione magiæ apud Celsum lib. 6. sec. antiq. cap.

12. quæ est talis. Magia est pars Phyl. naturalis, quæ ex mutua, & opportuna naturalium virium copulatione, docet opera extra omnem admirationis caput. Minor probatur ex Arist. primo Magnorum mor. cap. 1. & 1. Ethic. cap. 1. & 4. ubi docet omnem doctrinam esse adiuuentam gratiæ alicuius boni. Magia autem ad peritum hominum transit.

Duodecimo. Quæ fidei repugnat vere scibilia non sunt, sed tantum deceptorie essentur. Sed Physica multis erroribus contra catholicam fidem pugnantibus scaturit. Nam per Tertullianum lib. de Hæret. perscrip. hæres à Phyl. suboritur, & per D. Hier. aduersus Pelag. Omnia hæreticorum venena de Philosophorum fontibus emanarunt. Ergo.

Tertiodecimo. Causa fallax certam notitiam parere non potest. Sed causa radicalis cognitionis rerum naturalium est fallax enim sensus, qui sæpe decipitur. Ergo.

Quartodecimo. Quod repugnat communi fere conceptioni sapientum, illud non est affirmandum ut verum, per Arist. primo Post. Sed quod de reb. naturalibus sit sci entia repugnat fere omni scholæ Phyl. (vna excepta Peripat.) Ergo. Probatur minor. Nam Pythagoræci apud Laertium in vita Pythagoræ fuerunt in sententia, quod de rebus naturalibus sit tantum opinio, ita Socratici, ex Socrate affirmauerunt nil certi de rebus naturalibus esse. Hoc idem dixerunt Academici apud D. Aug. lib. 3. contra Academicos. Ita Platonici ex Arist. 4. Metaph. cap. 4. ex quo Plato posuit tantum veritatem in mundo intelligibili, in sensibili vero solum secundum verisimilitudinem.

Pro enodatione huius questionis tria facio. Primo pono aliquas obseruationes fundamentum veritatis. Secundo eis addam duas conclusiones, quas rationibus firmabo. Tertio diluam argumenta.

Quo ad primum ergo primo obseruandum est, quod de scientia rerum naturalium tres apud Antiquos fuerunt opiniones. Prima fuit Heraclicæ, & Cratili negantium omnem scientiam de rebus naturalibus. Secunda fuit Platonis, qui scientiam harum rerum concessit, sed non per

Opinio  
nes.



per proprias species, sed per Ideas, de quibus satis in Metaphysica. Tertia est opinio Arist. forte communiter recepta scilicet, quod de rebus naturalibus datur scientia, & hanc sequimur.

*Res naturales sunt scibiles.* Secundo ergo sciendum, quod per res naturales intelligimus res in sui definitione materiam includentes, quia ut superius diximus, Physica quæ est de rebus naturalibus non abstrahit a materia, neque secundum rem, neque secundum rationem. Volumus ergo dicere, quod res naturales individuatæ ex materia sunt scibiles, & diffinibiles, nam materia abstracta a principiis individuans non dicitur materia scibilis, sed intelligibilis, quæ potius dicenda est materia Metaphorice, quam proprie.

*In universali.* Tercio tamen sciendum, quod res naturales dupliciter considerari possunt. Primo in particulari scilicet pro hac, vel illa re singulari, puta pro Sorte, pro Platone, vel Brunello. Secundo in universali considerando naturam prout in singularibus existit v. g. naturam humanam prout reperitur in Socrate, & Platone. Primo modo rebus naturalibus non est scientia directe, quia sic concernunt materiam ut est initium corruptionis, & mutationis; Secundo autem modo de eis est scientia, quia sic res naturales considerantur secundum suas rationes universales, quæ cum sint sempiternæ, & invariabiles, sunt etiam scibiles.

*Quo ad essentiam maximè.* Quarto ergo notandum, quod in re naturali in communi considerata duo sunt. Primum est natura, quæ non abstrahit a materia, nec a principiis materialibus in universali, sed bene in particulari, verbi gratia non abstrahit a carnibus, & ossibus, sed bene ab his carnibus, & his ossibus. Secundum est ratio, & definitio talis naturæ in universali consideratæ. Primo modo consideratur natura secundum existentiam, & secundo modo secundum essentiam. Primo ergo modo natura potest dici corruptibilis, non secundum se, sed prout existit in singularibus; Non enim est necessarium quod omne, quod existit in rebus sit singulare, sed quod vel sit singulare, vel universale singularizatum v. g. quod natura humana, vel planta sit singularizata in hoc Sorte, vel Platone, vel in hac, vel in illa planta. Secundo autem

modo idest res naturales considerata quo ad essentiam sunt incorruptibiles, & maxime scibiles, nam scientia, & definitio abstrahunt ab actuali existentia.

*Primo.* Quinto ergo ulterius notandum venit, quod de aliquo haberi scientia bifariam stat. Primo primario, & principaliter, per se, & secundum se v. g. quando cognosco triangulum habere tres angulos vel hominem esse rationalem. Secundo secundario, & reflexe i. per rationem superioris sub quo continentur, ut dum cognosco Ilochelem habere tres angulos vel Sortem, & Platone esse rationales; hoc enim percipio per rationem communem, quia scilicet, sunt homines. Primo modo de rebus naturalibus habetur scientia in communi, & secundo in particulari, prout individua continentur sub rationibus communibus.

*Et obiectiva.* Sexto igitur observandum est, quod intellectus videtur re cognita universali dupliciter. Primo obiective. i. ut re cognita, quia de ea format conceptum proprium, ut dum intelligit hominem esse substantiam animatam, sensibilem, & rationalem. Secundo, ut medio cognoscenti, nam cum singulare quatenus singulare materiale est sit directe, & primario sensibile, & non intelligibile, intellectus tunc videtur re universali, tanquam medio cognoscendi, applicando. i. rationem universalem singularibus, v. g. distinctionem hominis Socrati, & Platoni; Primo modo de singularibus non est scientia. scilicet per proprium conceptum, sed bene est sensus. Secundo autem modo secundario de eis est scientia, prout intelligantur contineri sub ratione communi, quæ eis applicatur.

*Ut sunt sub universali.* Septimo memorandum est illud, quod diximus nono cap. primi. Post. quod dum dicimus rerum universalem esse scientiam, hæc propositio potest habere quadruplicem sensum. Primus est, quod scientia sit rerum universalem, & hic sensus non est verus, quia non reperitur universale subsistens in rerum natura separatim a singularibus. Secundus est, quod scientia sit universalizatum, & hic sensus est falsus inscientijs realibus, & verus in Logicalibus; Tertius sensus est quod scientia sit rerum, & universalizatum tanquam duarum rerum, & universalizatum tanquam duarum rerum, & hic sensus etiam rejici-

reijcitur, quia aggregatum non est scibile nisi per accidens. Quartus sensus est quod scientia quidem sit rerum, sed non absolute, sed ut stant sub vniuersalitate siue qua sciri non possunt, & hic sensus est verus, & intentus.

Quo ad secundum prima conclusio est. De rebus naturalibus in vniuersali consideratis datur scientia. Probatur primo. Rerum incorruptibilium, & sempiternarum est scientia per Arist. primo Post. cap. 9. Sed res naturales in vniuersali consideratae sunt perpetuae, & incorruptibiles ex eodem Arist. capit. de substantia. Ergo de eis est scientia.

*Conclusio  
proba  
tur.*

Secundo. Quae habent propria principia, & proprias passiones de ipsis demonstrabiles, illa sunt scibilia, per Arist. primo Post. cap. primo. At res naturales habent propria principia, & proprias passiones, ut compertum erit in successu huius scientiae. Ergo &c. Tertio cognoscere effectum per causam est scire demonstratione, & scientialiter. At Physica multos effectus per suas causas ostendit, ut patet discurrenti per hanc scientiam. Ergo.

Secunda conclusio est. De singularibus est scientia secundario. Probatur. Cognoscens passionem de superiori, potest eandem demonstrare de inferiori, ut sub illo superiori continetur v. g. sciens triangulum habere tres, angulos potest eandem rationem. sc. habere tres cognoscere in llo cheli, ut continetur sub triangulo. Sed de rebus naturalibus in vniuersali consideratis per se demonstrantur multae passiones primario. Igitur secundario haec possunt demonstrari de singularibus, ut sub illis continentur.

*Argumentum  
causae  
naturae.* Ad primum respondetur ad probationem Minoris, quod aggregatum ex rebus diuersorum generum sic per accidens dupliciter intelligi potest. Primo si intrinsece, & ex aequo vtrunq; contineat, ut dicitur do albus musicus in recto. Secundo si vnum intrinsece, & aliud extrinsece seu ut determinatum includat; Primum aggregatum non est scibile nisi per accidens, secundum autem sic, ut contingit in proposito; nam Physicus considerat essentias rerum naturalium ut sunt determinatae per diuersas passiones, & accidentia.

Ad secundum dicendum, quod res naturales immo & materia in vniuersali sunt

scibiles, & incorruptibiles, quauis in particulari per accidens dicantur corrumpi. Sed contra hoc quod res naturales consideratae in vniuersali, corrumpantur per accidens, innuit Ioannes de Ganduuo dupliciter. Primo, quia cui inest vnum oppositorum per se, illi non inest aliud oppositum per accidens; Sed vniuersalia per se sunt incorruptibilia. Ergo per accidens non possunt esse corruptibilia. Secundo quia Arist. 10. Metaph. habet, quod omne quod corrumpitur, per se est corruptibile. Sed ad primum primo dicitur, quod aliquid conuenire alicui per se dupliciter intelligi potest. Primo in primo, vel in secundo modo perfectitatis, & sic vera est maior; nam si homo per se est rationalis, & risibilis, non est per accidens irrationalis, & irrisibilis. Secundo in tertio modo perfectitatis, videlicet absolute, & solitarie, & sic est falsa maior, nam natura vniuersalis per se solitarie considerata non est corruptibilis, sed prout est in hoc vel in illo corruptibili dicitur per aliud corruptibilis. Secundo respondetur, quod haec propositio: Cui conuenit vnum oppositorum per se, ei aliud non conuenit per accidens, potest dupliciter intelligi. Primo secundum omnem considerationem, & hoc est falsum. Secundo secundum illam considerationem, secundum quam vnum concernit aliud, & sic dicendum est, quod vniuersale ut denudatum intelligitur a conditionibus indiuiduantibus, neq. per se, neq. per accidens dicitur corruptibile, sed quatenus exiit in singularibus per accidens dicitur corruptibile, quia scilicet id in quo est, corruptibile est.

Ad secundum respondetur, quod ly per accidens bifariam intelligi potest. Primo ut idem sonat quod accidentaliter, & sic falsum est, quod vniuersalia corrumpantur per accidens. Secundo ut idem sonat, quod per aliud, quia scilicet illud in quo est (quod quidem per se corrumpitur) facit quod vniuersale in eo existens dicatur per aliud corruptibile, id est ad corruptionem alterius. Secundo respondetur, quod propositio Physicorum est vera in re singulari, & non in re vniuersali. Tertio respondetur quod corruptibile, & incorruptibile dupliciter considerari possunt. Primo ut vtrunq. dicatur corruptibile, vel incorruptibile, positue, intrinsece, & secundum

secundum suam naturam; Secundo negatiue, quia scilicet incorruptibile ex se non habet quod corrumpatur. Propositio ergo Philoſ. verificatur de corruptibili positiue, nos autem ponimus vniuersale incorruptibile negatiue.

Ad tertium principale dicitur, quod res naturales abstrahunt a materia in particulari, & non in communi, vt explicatum est.

Ad quartum dicendum, quod res naturales possunt habere infinitas differentias indiuiduales, si darentur infinita indiuidua, non vero vniuersales, quia tales sunt determinatæ; Vel secundo dicas, quod hoc esset secundum esse existentie, non vero quo ad esse essentie, quia hæc sunt determinatæ in genere.

Ad quintum dicendum ad maiorem, quod de rebus sensibilibus non est scientia in particulari, bene in vniuersali; Vel secundo dicendum, quod de eis non est scientia nisi reflexe vt sunt sensibiles, at vt intelligibiles bene, quia tunc intelliguntur secundum essentiam suam; Vel tertio dicendum, quod & si non sit scientia rerum sensibilibus, est tamen scientia earum essentiarum, quæ existunt in rebus sensibilibus.

Ad sextum dicendum ad probationem minoris, quod duplex est mobilitas. Prima dicitur simpliciter, & hæc pensanda est secundum excellentiam naturarum, & hoc modo res naturales non sunt nobiliores intellectus. Secunda dicitur secundum quid, prout vnum se habet vt mouens, & aliud vt motum, & sic res naturales sub hæc ratione possunt dici præstantiores intellectus sed de his suo loco.

Ad septimum primo dicitur ad minorem, quod res naturales subiunguntur mutationi in particulari, & non in communi, & ideo dicuntur scibiles, certæ, & necessariæ in communi. Secundo dicitur, quod cum scientia Physica sit scientia quæ non abstrahit a motu, nec a materia, & consequenter nec a mutatione habet considerare mutabilia, sed sub ratione immutabili, idest quo ad connexionem prædicati cum subiecto, & non quo ad rem subiectam in singulari.

Ad octauum dicendum, quod agere de tempore, motu, &c. prout sunt, potest dupliciter intelligi. Primo vt sunt pro

hac vel illa differentia temporis, loci &c. Secundo prout communiter sibi vendicant subijci temporis, mutationi &c. Primo modo ea considerat Philoſ. reflexe, & secundario; Secundo vero modo directe, & per se primo.

Ad nonum dicendum ad minorem, quod considerare, essentiam rerum naturalium stat dupliciter. Primo in vniuersali, quo ad prædicata vniuersalia, & communia. Secundo in particulari, vt sunt essentie subiectæ generationi, & mutabilitati. Primo modo eas considerat Metaphysicus, secundo Physicus; Vel secundo dicas, quod Metaphysicus eas considerat vt cadunt sub eius abstractione, & Physicus vt sub sua sunt. Vel tertio addas, quod Metaphysicus eas perfectius considerat, & Physicus proprius.

Ad decimum dicendum, quod Physicus considerat materiam per se vt est pars compositi, vt est pura potentia, vt est substantia, & quo ad similia prædicata, sed in ordine ad accidentia, non eam considerat per se primo, & directe vt facit secundum primam considerationem, est enim talis consideratio non per accidens sed per se, quia consideratur vt ei per se conuenit affici accidentibus, sed tamen est secundaria eius consideratio, quia prima attenditur iuxta naturam, & essentiam.

Ad vndecimum dicendum, quod duplex est magia. Prima dicitur demoniaca & superstitiosa, quæ arte Dæmonis varia beneficia ædificat. Secunda dicitur naturalis, quæ res naturales & mirabili modo cognoscit, & aptat. Prima damnatur, & secunda laudatur; & vt scientia amplectatur apud S. D. q. 16. de malo tertio contra Gentes c. 104. quodlib. 4. q. 9. art. 1. Albertum 1. Eth. tract. 3. cap. 2. Platonem in Alcibiade 1. Ciceronem lib. 1. de diuinatione.

Ad duodecimum dicendum, quod illi errores non procedunt ex Philosophia secundum se, & recte inspecta, sed ex Philosophatris male videntibus principijs veris Philosophiæ. Vel hoc euenit quo ad reuelata, & supernaturalia pro quanto Philosophi simplices rerum naturas inspicunt solum, & non ea quæ Deus potest facere supernaturaliter in natura.

Ad decimum tertium negatur minor. Nam sensus circa proprium sensibile non

decipiuntur, & si quandoq. falluntur, per ea quæ intellectus cognoscit corriguntur, & si vnum fallunt, alium non seducunt.

Ad decimumquartum dicendum, quod Socrates, & Pythagoras voluerunt in ferre nos non habere perfectam scientiam de rebus naturalibus, eo modo quo scibiles sunt perfecte, & quidditatiue, quia non penetramus eorum totales proprietates. Plato autem concessit scientiam sed per ideas, de Academicis vero non curamus.

## LECTIO V.

### QVÆSTIO II.

*Verum Physica sit scientia speculativa.*

**V**idetur quod non, sed quod sit scientia practica. Primo. Nam scientia speculativa ordinatur tantum ad scire, practica vero ad operari ex Arist. 1. & 6. Metaph. Sed Physica non solum ordinatur ad scire, sed etiam ad operari. Ergo erit practica. Probatur minor, nam cognitio rerum naturalium Dei amorem in nobis excitat, dum per eas tamquam per Dei similitudines in ipsum amore rapimur. Sed amor est operatiuus, & nunquam est otiosus per D. Gregorium. Ergo.

Secundo. Scientia speculativa cum quærat gratia sui dicitur libera, At Physica non est scientia libera, quia non est liberalis, non enim connumeratur inter septem scientias liberales. Ergo.

Tertio. Scientia nostra est diuinæ scientiæ similitudo, & participatio. Sed Deus de rebus naturalibus non solum habet scientiam speculatiuam, sed & practicam per S. D. p. q. 1. art. 4. & q. 14. art. 16. Ergo.

Quarto. Agere de operationibus munus est Artificis practici propter quod Moralis dicitur practica. Sed Physica agit de operationibus animæ in libris de Anima. Ergo.

Quinto. Physica, & Medicina sociantur, per Arist. dicentem quod vna per alteram diffinitur, taliter quod Medicina dicitur corporis Physica, & Physica, Animæ medicina. Sed Medicina cum agat

de corporibus n. edendis, & curandis practica est. Ergo.

Pro superficiali quæstione intelligentia, (nam de scientia practica & speculativa habes in 6. Metaph.) Primo notandum venit, quod speculativa scientia dicitur illa, quæ ordinatur ad scire, practica vero quæ dirigit scire ad operari, cum autem Physica tantum intendat nobis tradere notitiam rerum naturalium, ideo dicitur speculativa.

Secundo tamen est notandum, quod si quis ordinaret Physicam ad opus, vel ad lucrum, hoc esset per accidens, ita ut non esset finis scientiæ, sed scientis, & ideo non faceret quod esset practica.

Tertio ergo probatur conclusio. Primo. Nam Physica ordinatur ad scire. Ergo est speculativa ut supra. Secundo patet ex eius partibus, quæ de rebus naturalibus notitiam tradunt, nec vllam de operationibus practicis mentionem faciunt. Tertio est sententia Aristot. 6. Metaphys. textu 1. & 11. Platonis apud Alcinouum lib. de doctrina Platonis cap. 7. Diui Augustini 8. de Ciuitate Dei cap. 4. & Boetij de Trinitate, & est opinio communiter recepta.

Ad primum ergo dicitur, quod ordinari ad amorem, & ad opus itat dupliciter. Primo immediate, & per se. Secundo occasionaliter, quia scilicet ex re nota procedit occasio amandi, & operandi. Primum per se facit scientiam practica. Secundum non, nisi per accidens, & ab extrinseco, & in hoc sensu procedit argumentum.

Ad secundum dicendum, quod duplex est scientia liberalis. Prima secundum veritatem, & realitatem, & sic omnis scientia ingenua, & libera, ut est Physica potest dici liberalis. Secundo secundum famositatem, & vulgarem hominum numerationem, & sic non est posita inter septem liberales, quæ encyclopediæ, siue circulares vocabantur.

Ad tertium dicendum, quod scientia Dei est practica, & speculativa. Primo, quia Deus res cognoscit, & ut vniuersalis prouisor in suos fines eas dirigit, homines autem non habent omnes res ad suos fines ordinare. Secundo, quia scientia Dei est perfecta, infinita, & comprehensua, & ideo comprehendit omnes rationes.

*Speculativa scientia, quæ sit.*

*Habet scire pro fine.*

*Conclusio probatur.*

*Argumentum soluitur.*

## LECTIO VI. &amp; VII.

## QVÆSTIO III.

rationes rerum, speculatiuas, & practicas; scientia autē nostra imperfecta est, unde intellectus noster potest rem scire vltra progrediendo, & ordinando omne scire ad opus. Ideo ad argumentum dicitur, quod scientia nostra est imperfecta similitudo diuinæ scientiæ, & ideo non habet quod simul sit speculatiua, & practica, prout habet diuina.

Ad quantum dicimus, quod operationes sunt in duplici differentia. Nam quædam diriguntur ad opus externum, & pro regula habent praxim, & pro actu actum voluntatis, & hæc constituunt scientiam practica. Aliæ solum ordinantur ad sciendum, & ad intelligendum, & pro actibus habet operationes intellectus de quibus agit scientia de anima, & hæc faciunt scientiam speculatiuam.

Pro solutione quanti argumenti scito, quod Auicenna initio suæ Metaphysicæ, & Galenus in finitionibus, voluerit Medicinam in partem esse speculatiuam, scilicet, vt docet structuram hominis, complexionem &c. & in partem practica, vt de medicamentis tractat. At D. Thom. in Boetium de Trinitate q. 5. art. 1. Scotus in q. 4. prologi sententiarum, & Auerroes in 1. de Anima. comment. 17. descendunt Medicinam esse simpliciter practica. Primo quia habet pro obiecto corpus sanum, & infirmum, & pro fine ei restituere sanitatem, quando est infirmum, & illud conseruare in valetudine, quando est sanum. Hæc autem pro regula habent praxim, & finem practicum. Secundo, quia scientia extensione ad opus fit practica, idest quando ordinat scire speculatiuum ad opus, vt facit Medicina ordinando scientiam complexionem hominum ad opus. Nam etiam scientia moralis, & omnis alia scientia practica habent sua principia speculatiua, sed practica fit, quia ea ad opus dirigit. Ad argumentum ergo dicitur, quod medicina, & Physica in principiis sociantur, cum medicina assumat principia naturalia, at distinguuntur in fine, & in subiecto, à quibus ratio scientiæ practicæ, & speculatiuæ trahitur. In fine quidem, quia finis scientiæ naturalis est facere scire res naturales, at finis medicinæ est mederi. In obiecto etiam, quia obiectum naturalis est ens mobile, & medicinæ est corpus sanabile, vt est ens mobile motu alterationis.

*Vtrum ens mobile sit totius naturalis Philosophiæ subiectum.*

Videtur quod non. Nam ens mobile, vel significat substantiam, vel accidens, vel aliquid commune vtrique. Si substantiam, cum substantia mobilis, & corpus mobile sint idem conuertibiliter, sequitur quod corpus mobile possit esse subiectum. Si secundum, est contra veritatem, & contra communem sententiam. Si tertium, sequitur quod ens dicat vñ tertium conceptum abstrahibilem à substantia, & accidente, quod non admittitur à Thomistis, vt patet 4. Metaph.

Secundo. Subiectum debet esse vnius rationis, ex Philosopho primo de anima. Sed ens mobile dicit duas rationes, dicit enim aggregatum ex duabus rationibus, scilicet ex ente, & ex mobili. Nec valet respondere, quod illa duo ponuntur ad circumloquendum vnam rationem formalem, quia ratio formalis debet esse notissima in scientia, & non indigere circumlocutione.

Tertio. Si ens mobile esset subiectum in scientia naturali, sequeretur, quod Physica subalternaretur Metaphysicæ. Sed hoc est falsum, cum genere distinguatur. Ergo. Probatur assumptum, quia vna scientia dicitur alteri subalternari, quando addit differentiam accidentalem subiecto superioris scientiæ. At subiectum Metaphysicæ est ens, vt ens. Ergo si Physica ei addit differentiam mobilitatis, subalternabitur Metaphysicæ.

Quarto. Sic sequeretur, quod Physica non esset scientia particularis, sed pars Metaphysicæ. Hoc falsum vt patet ex Philosopho 6. Metaph. Ergo. Probatur assumptum, quia eadem scientia considerat subiectum, & modos eius. Si ergo ens mobile est modus entis. Igitur consideratur à Metaphysica.

Quinto. Ens per accidens sicut non est scibile, ita nec potest esse subiectum in aliqua scientia. Sed ens mobile est ens per accidens, cum sit quoddam aggregatum ex ente, & inobilitate, quæ inobilitas accidit enti.

B 2 Sexto.

Sexto . Subiectum in scientia est illud ad quod resoluuntur passionēs, & conclusiones illius scientiæ . Sed omnes passionēs, & conclusiones scientiæ naturalis resoluuntur ad substantiam mobilem, vel ad corpus mobile . Ergo . Maior est conditio subiecti . Minor probatur, quia omnia accidentia Physicæ causantur à substantia naturali .

Septimo . Inter subiectum, & rationē subiecti debet esse proportio, & adæquatio . Sed inter ens, & mobile non est adæquatio, ut patet in hac serie, ens, substantia, corpus, viuens, animal, homo, Petrus, in qua patet quod ens non recte coniungitur mobili, nec mobile adæquat rationem entis aliter omne ens esset mobile .

Octauo . Per Aristot. 6. Metaph. tex. 3. Si non essent substantiæ separatae, scientia naturalis esset prima Philosophia . Ergo distinguitur solū à Metaphysica, quia non considerat genus substantiarum separatarum, alia vero omnia, quæ à Metaphysico considerant speculatur utique . At ens mobile non se extendit ad hæc omnia, ut ad transcendentia, & multa prædicamenta, quæ præscindunt à motu . Ergo .

Nono Astrologia est illa, quæ agit de ente mobili, idest cælo . Ergo non Physica . Probatur, quia distinguitur .

Sed in contrarium stat authoritas D. Tho. in proemio primi Physicorum .

Pro enucleatione huius q. Primo ponam diuersas opiniones cum suis fundamentis, & rationibus . Secundo eas improbabo . Tertio opinionem D. Tho. explicabo, & propriam adiciam . Quarto omnibus argumentis contrariis respondebo .

Quo ad primum liceat pro prima opinionem illam ponere, quæ magnopere conangustat amplitudinem subiecti scientiæ naturalis, dum statuit, non omne ens mobile, vel corpus mobile motu Physico esse subiectum, sed tantum corpus mobile, quod est generabile, & corruptibile, ut corpora cælestia excludat . Hanc opinionem tenet Georgius Raguleus disput. 1. cap. 5. de peripateticis disputationibus, & eam probat 1. Subiectum scientiæ debet esse vniuocum . At corpus mobile absolute sumptum, non vniuoce, sed æqui-

uoce dicitur de corpore cælesti, incorruptibili, & generabili corruptibili, iuxta ea quæ tradit Aristot. 10. Metaph. Ergo . Nec valet (inquit) respondere, quod corpus mobile non vniuoce, nec æquiuoce dicitur de cælesti incorruptibili, & generabili corruptibili, sed analogice, & hoc sufficere . Nam necesse est omnem rationem esse vniuocam, vel æquiuocam, & ita rationem analogam ad vnam harum accedere . Probat hoc alijs etiam argumentis fundatis supra positiones à nobis reiectas, ut quod cælum sit corpus simplex, & non compositum ex materia, & forma, quod solum à Physico consideratur . Et quod definitio naturæ cælo non conueniat . Et quod eius principia non querantur in primo Physicorum, sed tantum corporis generabilis . Et quod motus non sit eius actus, quia non est in potentia . His enim omnibus obiectis dicimus, ens mobile esse analogum Physicæ analogia inæqualitatis ad corpora cælestia, & inferiora, Logice autem esse vniuocum, iuxta à nobis tradita in tract. de analogia in 4. nostræ Metaph. Ceterum falsum est cælum nō esse compositum ex materia & forma, ut probō 8. Metaphys. Et quod definitio naturæ cælo non conueniat, ut ostendo secundo Phy. Et quod materia, & forma non sint principia etiā cæli, in communi considerata, & non ut sunt tantum priuationi adjuncta, prout locutus est Arist. de his, primo Phy. ut ex notiori ratione ascenderemus ad altiorē, traditā in pluribus locis suæ Philosophiæ naturalis . Et quod motus cæli non sit in potentia secundum rationem ad diuersa vbi, maxime dato ei dexterum, & sinistrum cum Arist. 2. cæli . Censemus autem hanc sententiā cecidisse . Primo, quia sic scientia de cælo non esset naturalis, sed Mathematica, vel Metaphysica, quod est contra Arist. 2. Phy. Secundo quia consideratio primi motoris nō esset Physica contra Arist. 8. Phys. & 2. vbi habet hæc verba tex. 7. Duo sunt principia mouentia Physice, quorum alterū non est Physicum, quia non habet principium motus in seipsum . Ex quibus verbis deduco sequelam, Ergo quod habet principium motus Physici in seipso à fortiori erit considerationis scientiæ naturalis, utpote cadens sub eius obiecto, De cælo autem



hæc testatus est Arist. nâm in 6. mentionem facit de motu circulari, qui cõuenit celo, de quo ad longum in 8. pertractat, & ex professo de celo in libris de celo, & mundo, qui cũ non cadant sub abstractione Mathematica, vel Metaphysica necesse est fateri, eos spectare ad scientiam naturalem. Item de tempore agens in 4. ipsum ponit in motu primi celi, & in eodem quæ arto disputat, quomodo celum sit in loco. Dicere autem quod corpus celeste consideratur in Physica, vt principium corporum naturalium, & non vt pars scientiæ fuga est. Primo, quia ad eandem scientiam spectat considerare principium, & quæ sunt à principio. Secundo patet Arist. de celo, vt ens mobile secundum se sæpe sermonem habere; Et tertio, quia nobilissimum corpus esset prætermisum à propria consideratione.

Opinio-  
nes.

Sed apud Scotistas communis est sententia, substantiam mobilem, seu naturalem esse subiectum totius Philosophiæ naturalis. Primum horum fundamentum est, quod in subiecto duo cernuntur. Primum se tenet tanquam materiale, idest res considerata, vt substantia in Physica. Secundum se tenet vt formale, idest ratio sub qua res consideratur, verbi gratia, vt substantia est mobilis in eadem. Secundum est, quod sex sunt conditiones subiecti, quas infra ad tres reducam. His duobus fundamentis stantibus probant Scotistæ, quod substantia vt stat sub mobilitate, vel naturalitate sit subiectum in Physica.

Primo sic. Quia Aristot. hoc expresse asserit 6. Metaph. vbi ait. Quod Physica versatur circa substantiam, quæ in se habet principium motus, & quietis.

Secundo. Quia Angeli sunt substantiæ mobiles, & tamen non sunt corpora mobilia.

Secunda opinio fuit Alb. primo Phys. & Pererij lib. 1. suæ naturalis Philosophiæ asserentium, subiectum Physicæ esse corpus mobile, & ideo notant, quod triplex est corpus. Primum dicunt Metaphysicum, scilicet substantiam compositam ex materia, & forma, cum aptitudine ad quantitatem, quatenus tamen talis substantia consideratur ab intellectu absque quantitate. Secundum dicunt corpus Mathematicum, idest corpus trine dimensionis subiectum, idest longitudini,

latitudini, & profunditati. Tertium nominant corpus naturale, quod in se habet vnde moueatur, & hoc dicunt esse subiectum in Physica, & hoc probant sic. Illud est subiectum in scientia cuius principia, & passionem in illa scientia consideratur. At tale est corpus mobile, nam materia, & forma sunt eius principia, motus, quies, &c. eius passionem. Ergo.

Tertiam opinionem habet Toletus hic, scilicet, quod quauis sit probabile ens mobile esse subiectum in Physica, rectius tamen dicitur, illud esse ens naturale, hoc probat. Primo. Quia illud non est subiectum in scientia quod facit prædicationes identicas, & ridiculas. At tale est ens mobile, & non ens naturale. Igitur. Minor probatur, quia bene dicimus ens naturale est ens mobile, sed ridicule dicimus, ens mobile, est ens mobile.

Secundo. Subiectum debet exprimere radicem suarum passionum, & rationis formalis scientiæ. Sed hoc magis facit ens naturale, quam ens mobile, cum natura in secundo Physicorum diffiniatur per esse principium motus.

Tertio. Quia ens mobile multiplex est, nam quandoque sumitur pro passione, & aliquando pro principio passionis. At omne multiplex parit confusionem, à qua longe est ens naturale. Ergo.

Quarto. Ens mobile non exprimit quietem, quam ens naturale exprimit. Igitur ens naturale magis quam ens mobile erit subiectum in Physica.

Quo ad secundum sit prima conclusio contra opinionem Scotistarum. Substantia naturalis, seu mobilis non est adiectum subiectum Philosophiæ naturalis. Probatur primo. Nam illud est subiectum adæquatum in scientia, quod est subiectum primarum passionum scientiæ. Sed substantia naturalis, vel corpus mobile non sunt subiectum primarum passionum Physicæ. Ergo. Probatur minor. Quia substantia, & corpus pertinent ad prædicamentum substantiæ, ens vero mobile est etiam ad quantitatem, & qualitatem, & ad vbi, vt patet quinto Physicorum. Nec valet respondere, quod substantia naturalis virtualiter, & in obliquo predicatur etiam de his, quæ mouentur, secundum quantitatem, qualitatem, & vbi; quia Scotus expresse tenet in prologo primi

Conclusio  
prima  
contra  
Scotismum.

Sent.



Sent. q. 3. quod subiectum formaliter, & non tantum virtualiter debet continere omnes veritates illius scientiæ. De qua re vide D. Caietanum p.p.q. 1. art. 7.

Secundo. Scotus in primo posteriorum q. 47. habet hæc verba formalia. Hic dicitur, quod ens sub eadem ratione nō est subiectum cuiuslibet scientiæ, quia ens rationis est subiectum in Logica, ens in quantum mobile est subiectum naturalis scientiæ, & ens sub absoluta ratione est subiectum Metaphysicæ. Item quæstione tertia vniuersalem, non multum sibi constans ponit subiectum scientiæ naturalis corpus dicens hæc verba. Nec oportet subiectum prædicari de omnibus in scientia consideratis, sed esse id propter quod alia considerantur, vt patet de subiecto naturalis scientiæ, quod est corpus mobile, ibi tamen agitur de motu, & anima, quæ non sunt corpus mobile. Ergo opinio Scoti non est solida.

*Secunda conclusio contra Albertum.* Secunda conclusio ponitur contra Albertum, & est. Corpus mobile non est subiectum adequatum scientiæ naturalis. Probatur. Nulla scientia probat suum subiectum esse. At Philosophus 6. Physicorum probat, quod corpus mobile sit. Ergo non erit Physicæ subiectum. Respondent Albertisti, quod aliud est probare, quod corpus mobile sit, id est, quod existat, prout significatur esse per propositionem de secundo adiacente, & aliud est probare quod omne, quod mouetur sit corpus, per propositionem de tertio adiacente. Primum quælibet scientia supponit, & non probat. Secundum vero potest probare, in quo sensu ibi procedit Aristoteles. & non in primo sensu, secundum quem procedit argumentum. Sed hæc responsio non saluat opinionem Alberti. Quia, probare prædicatum non repugnat subiecto. est consequenter probare subiectum esse, sicut qui probaret rationale non repugnare homini, consequenter probaret hominem esse rationalem. Secundo. Quia ratio formalis subiecti, vapore cuius virtute omnia alia notificantur, debet esse notissima in scientia, & nullo modo de subiecto est probanda, unde non sufficit quod ibi Philosophus non probet existentiam de corpore mobili, sed adhuc opus est quod nec probet corpus naturale esse immobile, hoc enim supponendum est.

Confirmatur: Subiectum duo dicitur, vnum tanquam materiale, & hoc est secundum aduersarios, corpus. Alterum scilicet habet vt formale, id est mobile. Ratio autem formalis in scientia notior est ratione materiali, & per ipsam cognoscitur, sicut per rationalitatem cognosco hominem. Ergo mobilitas non potest probari de corpore, vt de subiecto. Nam si subiectum est notum, notior debet esse ratio subiecti. Nec valet responsio, quod ibi probatur omne mobile esse corpus, non vero corpus mobile esse. Nam differentia est verbalis, quia probando mobilitatem de corpore, probatur naturam corporis, sicut probando rationalitatem de homine, probatur hominem esse, & esse rationalem.

Secundo probatur conclusio per primam rationem factam contra Scotum: Quia scilicet corpus mobile est de prædicamento substantiæ, motus autem reperitur etiam in quantitate, qualitate, & vbi. Respondet Toletus vnum tantum esse corpus, ex materia, & forma compositum, & hoc moueri secundum quantitatem, qualitate, & vbi. Sed hæc responsio non euacuat argumentum: Quia hic loquimur de motu per se, vt est talis speciei; modo non conuenit corpori, vt est compositum substantiale moueri secundum augmentum, vel alterationem, sed ei tantum conuenit per accidens, id est, vt est substantia. Enti autem mobili quantum per se conuenit moueri secundum quantitatem, & quali secundum qualitatem. Ergo. Secundo, quia ens mobile, vt est quantum per se habet vnam differentiam, & vt alterabile aliam, vt autem est substantia has differentias non exprimit.

Tertio principaliter probatur. Quia subiectum debet continere omnia considerata in scientia, & de illis prædicari. Sed corpus mobile non dicitur de materia, forma, priuatione, & de mobili per accidens, nam materia est ens mobile subiectiue, & forma terminatiue. Ergo. Respondet Toletus sufficere, quod omnia considerata in scientia verificentur de subiecto, vel in recto, vel in obliquo, modo & si materia, & forma nō sint corpus mobile, sunt tamen principia corporis mobilis. Sed hæc responsio non soluit difficultatem. Primo, quia non attingit

verio-

vetiorem, & magis propriam predicationem. Nam bene possumus dicere in recto. Materia est ens mobile subiective, cum sit subiectum motus, & forma est ens mobile terminative, cum sit terminus motus, at dicere non possumus materia, & forma sunt corpus mobile. Secundo, quia & si verum sit, quod sumendo ens mobile pro eo quod proprie sit, materia & forma sic non dicantur entia mobilia, sed principia entis mobilis, tamen sumendo ens mobile aptitudinaliter, pro eo quod potest moveri, materia, & forma dicuntur entia mobilia secundum se, quia secundum se apta nata sunt moveri active, & passive. Tertio, quia compositum accidentale movetur, nec tamen proprie est corpus, cum non sit de genere substantiae, & tamen per se est ens mobile.

*Tertia conclusio contra Toletum.*

Tertia conclusio contra Toletum est. Rectius dicitur quod ens mobile sit subiectum in scientia naturali, quam ens naturale. Probatur primo. Quia rectius dicimus ens mobile est subiectum in scientia naturali, quam ens naturale est subiectum in scientia naturali. Nam per ly mobile exprimimus passionem subiecti. Per ly naturale vero nequaquam, sed idem videmur significare.

Secundo. Aristoteles 6. Metaph. dum scientias reales speculativas dividit, ait, Physicam esse circa naturam, quae est principium motus, & non dixit eam esse circa naturam, quae est principium naturalitatis. Igitur subiectum Physice melius exprimitur per mobile, quam per naturale.

Tertio. Ens mobile profundius explicat naturam subiecti Physicæ, quam ens naturale. Ergo. Probatur antecedens. Quia ens mobile non solum significat ens naturale, sed ulterius annuit ens naturale, quod est mobile.

Quoad tertium, scilicet, quoad opinionem S. D. & pro eius explanatione. Primo observandum est, circa ly mobile, quod motus dupliciter sumi potest. Primo communiter, pro quocunque mutabile, & quacunque mutative, sive sit secundum substantiam, ut patet in generatione, & corruptione, sive sit secundum accidentis, ut patet in motu secundum quantitatem, id est, secundum augmentum, & decrementum, vel secundum qualitatem, id est,

*Mobile hic sumitur communiter*

secundum alterationem, vel secundum motum localem. Secundo sumitur proprie, id est, pro triplici tantum specie motus, de quibus in quinto Physicorum, scilicet secundum quantitatem, qualitatem, & ubi. Primo modo ly mobile hic sumitur, id est, pro quacunque mutante, & non secundo modo.

Secundo notandum, quod mobile est duplex. Primum dicitur mobile subiective, quia est res, quæ movetur, verbi gratia, paries qui dealbatur, vel denigratur. Secundum dicitur mobile terminative, quoniam terminatur, verbi gratia, dealbationem, vel denigrationem, & utrumque comprehendit. Verum est tamen, quod mobile, hic non sumitur pro mobili quocunque motu, scilicet Physico, & Metaphysico, sed pro mobili tantum motu Physico subiective tamen, vel terminative, id est, secundum materiam, formam, vel compositum.

*Pro omni mobili est physice.*

Tertio notandum pariter circa ly mobile, quod quandoque significat aptitudinem ad motum, & quandoque fundamentum ipsius aptitudinis; nam sicut risibilitas quandoque significat aptitudinem ad ridendum, dum explicat hominem esse risibilem, & quandoque significat fundamentum aptitudinis ad ridendum, id est, rationalitatem, quæ est causa risibilitatis; ita in proposito mobilitas licet non sumitur, ut significat fundamentum mobilitatis, id est, hanc, vel illam rem, sed sumitur pro aptitudine ad motum, quia significat id quod aptum natum est moveri, & ita mobilitas se habet, ut ratio formalis determinativa entis ad hoc, vel istud tantum pro ente apto nato moveri. Unde quantumvis passio cum subiecto in genere entis faciat unum per accidentis, in genere tamen scibilis, id est, quoad quid est passionis facit unum per se, quia quod quid est passionis se habet ut causa formalis determinans ens ad standum pro mobili, & ideo dicimus reduplicative, quod ens mobile in quantum mobile, est subiectum naturalis Philosophiæ.

*Omne mobile.*

Quarto autem mihi distinguendum venit, ly mobile dupliciter. Primo ut significat aptitudinem ad motum, seu mobile in actu signato, id est, quod sit ens mutabile. Secundo ut significat motum in actu exercito. Si primo modo consideretur ly mobile

*In motu signato.*

mobile prout considerandum est, sic dicendum venit, quod ens mobile, & non corpus mobile constituendum est subiectum in Philosophia naturali. Primo. Quia ens prius est mobile, quam sit corpus mobile, non enim corpus esset mobile, nisi constaret ex entibus mobilibus, unde prius diuiditur ens in ens mobile, & in ens immobile, quam in corpus mobile, & immobile, unde corpus mobile continetur sub ente mobili, & non e contra, unde corpus mobile datur, quia ens mobile supponitur. Secundo. Quia ratio formalis subiecti per se explicat aptitudinem eius, & non actum. Si autem sumatur pro mobile in actu exercito, id est, pro eo quod proprie exercet actum motus, sic subiectum Physicæ erit corpus mobile, quia nihil proprie mouetur in actu exercito, nisi corpus, & hoc est, quod voluit affirmare Arist. 6. Physicorum dū dixit, quod omne quod mouetur, id est, in actu exercito, est corpus.

*Subiecti  
conditio  
nes.*

Quinto breuiter recolligendæ sunt conditiones subiecti, quæ sunt tres principales. Prima est, quod contineat omnia considerata in scientia, vel in recto, vel in obliquo, vel primario, vel secundario; unde debet prædicari de omnibus consideratis in scientia, vel vniuocæ, vel analogice. Secunda est quod habeat rationem formalem per quam distinguatur ab alijs scientijs, prout per mobilitatem non abstrahentem à materia diuiditur Physicæ ab alijs scientijs. Tertia est quod subiectum sit principale consideratum in illa scientia, ad quod omnia alia reducuntur, prout omnia considerata in Physica reducuntur ad mobile aliquo modo.

*Ratio-  
nes Sco-  
tistarū  
solun-  
tur.*

His stantibus ad primum Scottistarum dicimus, quod ibi Aristot. loquutus est de subiecto principali, id est, de parte nobiliori, & principaliori considerata in ista scientia; Nam talis est substantia naturalis; Nos autem hic loquimur de subiecto adæquato, quod ens mobile dicimus; nam etiam multa accidentalia mouentur.

Ad secundum pudet respondere, cum certum sit Angelos non moueri quacunque specie motus Physici, sed tantum moueri motu Metaphysico.

*Ratio  
Alberti  
soluitur.*

Ad argumentum Alb. patet ex supradictis; nam materia, & forma prius intelliguntur esse entia transmutabilia, an-

tequam intelligantur esse principia corporis mobilis. Nec te moueat quod S.D. primo Coeli dixerit corpus mobile esse subiectum scientiæ naturalis, nam huic authoritati aliqui respondent, quod ibi loquutus est de subiecto materiali, & principali, hic autem de subiecto adæquato; Sed nos dicimus ibi esse loquutū de subiecto in actu exercito, nos autem de eo loqui in actu signato. Nec tamen laudo responsum illorum, qui dicunt ens mobile, & corpus mobile esse idem, etiam secundum rationem. Primo quia (vt diximus) ens mobile infert corpus mobile, & non e contra vniuersaliter. Secundo, quia proprie corpus mobile nominat substantiam mobilem, ens verum mobile adhuc dicit mobile secundum accidens, in actu tamen exercito idem esse dicuntur realiter.

Ad primum Toleti dicitur, quod ly ens cum se teneat vt materiale in subiecto, & ly mobile vt ratio formalis, & ratio formalis distinguatur ab eo cuius est ratio formalis, vt passio à subiecto, ideo nō potest dici, quod ens mobile faciat prædicationes ridiculas, sed proprias. Secundo dicitur, quod eodem modo ridicule dicitur, corpus mobile est corpus mobile, & ens naturale est ens naturale, non vero ridicule dicitur ens mobile, est ens naturale, quod in se habet principium motus actiuum, & passiuum.

Ad secundum dicimus, quod ens mobile verius, & proprius explicat passionem subiecti quam faciat corpus mobile, vel ens naturale, unde Parmenides, & Melissus concedebant ens naturale, & ne gabāt ens mobile. Secundo dicitur, quod ens naturale magis explicat motum fundamentaliter, quia natura dicitur principium motus, sed formaliter magis hoc explicat mobile, quia exprimit actionem motus.

Ad tertium dicimus, quod ly mobile stat pro ratione formali, vt diximus, & ideo nullam parit æquiuocationem.

Ad quartum dicimus, quod ens mobile principaliter exprimit principium motus, qui se habet, vt habitus denominatiuus rei, quies autem se habet, vt priuatio motus, à priuatione autem res non denominatur, & si à secundaria ratione non excludatur.

Ad

*Argu-  
mentis sol  
uuntur.*

Ad primum autem argumentum principale respondetur, quod ens mobile significat quoddam commune analogum, substantiæ, & accidenti, nec hoc est contra Thomistam, qui negant conceptum vniuocum, & præcise substantiæ, & accidenti, non autem analogicum, vt in quarto Metaphysicæ ostendimus.

Ad secundum dicimus, quod ens mobile significat vnam rationem ipsius duobus terminis circumloquam.

Ad rationem autem in contrarium dicitur, quod ratio debet esse notissima, quoad quid rei in scientia à priori, sed in scientia habita à posteriori, qualis est ista, sufficit notitia quoad quid nominis. Secundo dicimus, quod illa ratio debeat esse notissima dupliciter intelligi potest. Primo absoluta, & perfecta cognitione, & hoc est falsum. Secundo comparatiua cognitione, id est maiori cognitione, quàm alia in illa scientia considerata, & hoc est verum. Vnde in proposito mobilitas notior est quacunque re cui conuenit moueri, cum prius cognoscamus mobilitatem, & deinde eam rebus attribuiamus.

Ad tertium dicimus, quod Physica nõ subalternatur Metaphysicæ nec ei addit differentiam accidentalem, quia enti communissime sumpto (subiecto in Metaphysica) non potest addi differentia accidentalis, cum nihil subterfugiat naturam entis, nec principia Physica probantur in Metaphysica negentur, vnde in Physica præponuntur per se nota.

Ad quartum dicendum, quod modi entis sunt in duplici differentia. Nam quidam sunt generales, emanantes à natura entis, vt ens est, & isti sunt de consideratione Metaphysicæ. Alij sunt applicati, & per diuersas rationes formales formalizati, vt ens mobile in Physica, & ens quantum in Mathematica, & ij modi has scientias constituunt. Secundo dicitur, quod illi modi vt cadunt sub abstractione Metaphysicæ pertinent ad Metaphysicum, sed vt cadunt sub alia abstractione, vt ens mobile sub abstractione nisi à materia singulari nec secundum rem, nec secundum rationem pertinent ad illam scientiam, sub cuius abstractione cadunt.

Ad quintum negatur minor. Sunt enim vnum realiter, & distinguuntur formaliter. Secundo dicitur, quod & si in genere

entis essent quoddam aggregatum vt sunt substantia, & accidens, non tamen aggregatum sunt in genere scibilis, quia vnum le habet vt ratio formalis alterius.

Ad sextum dictum est supra.

Ad septimum Pererij respondemus, quod ens dupliciter summi potest. Primo vt est quoddam transcendens, & sic non habet nec adæquationem, nec proportionem cum mobili. Secundo vt est ens naturale, cui competit motus, & sic cum mobili habet proportionem subiecti, & passionis.

Ad octauum dicitur, quod sublato genere substantiarum separatarum Physica esset prima Philosophia bifariam intelligi potest. Primo absolute, & simpliciter, & hoc est falsum, vt probat argumentum; quando adhuc essent transcendentia, actus, & potentia, vt sic sumpta, & multa alia quibus non repugnat esse separata à materia, & consequenter non possent esse de consideratione Physici, cum hic non abstrahat à materia. Secundo quo ad substantias, & earum considerationem, & sic est verum; nam si non essent substantiæ separatae à motu, & à materia, non esset necessaria Metaphysica, sed bene Physica, cum adhuc essent substantiæ materiales, & mobiles, & ideo Physica esset prima scientia, vt scientia est de substantia, quia esset de primis substantijs. Secundo dicitur, quod sic esset prima scientia primitate dignitatis, & principalitatis, sed non adæquationis.

Ad nonū patet, quod Astrologia agit de motu ad vbi, sed Physica agit de motu in cōmuni, & quo ad omnes eius species.

## LECTIO VIII.

S. D. I.

### CAPVT I.

*Quoniam quidem intelligere, & scire.  
textu 1.*

**I**N explicatione primi textus primi Physicorum tria agenda sunt. Primo enim adnotanda sunt aliqua necessaria ad dilucidationem textus. Secundo ex textu elicienda est vna conclusio, cum sua probatione. Tertio erit dubitandum.

C Quoad

Inven-  
tio text.

Quoad primum ergo primo sciendum est, quod in duobus istis textibus Primi, Philosophus duo quasi proemialiter docet. Primum quidem est, quod omne intelligere, & scire incipiendum est à cognitione principiorum, & causarum, & descendendum est usque ad elementa. Secundum est, quod in cognitione principiorum exordium est à cognitione principiorum universaliorem, quod docet in secundo textu Arist. Ibi, innata est autem.

Quid in-  
tellegat  
Philos.  
per intel-  
ligere, et  
scire.

Secundo notandum venit quid Philosophus intellexit in textu pro intelligere, & scire. Sententia ergo S. D. est, quod Philosophus per intelligere annuerit cognitionem rei, habitam per definitionem, & per scire cognitionem ex demonstratione deductam. Nam hæc est differentia inter cognitionem habitam per definitionem, & habitam per demonstrationem, quod per definitionem simplici apprehensione intelligimus quod quid est rei, at per demonstrationem rem ipsam cognoscimus per secundum, & tertiam operationem intellectus, scilicet per compositionem, & divisionem, per discursum, & ratiocinationem. Alij tamen per intelligere interpretantur cognitionem principiorum, & per scire cognitionem conclusionum, quia principia simplici apprehensione intelliguntur, & conclusiones per discursum deducuntur, & sciuntur. Sensus ergo Arist. erit, quod ad rem cognoscendam oportet de ea habere cognitionem, & principiorum, & definitionum, & conclusionum, & verag. expositio itare potest cum ferè in idem coeant.

Quid p-  
principi-  
um cau-  
sas et a-  
lementa.

Tertio notandum circa illa verba Arist. quoniam quid intelligere, & scire contingit circa omnes scientias quarum sunt principia, aut causæ, quod videtur verbis disjunctius, dicendo, quarum sunt principia, aut causæ, aut elementa. Quoniam omnes scientia non requirit cognitionem omnium principiorum, omnium causarum, & omnium elementorum, propterea quod non omnis scientia per omnes causas procedit. Nam Mathematica solum videtur causa formali, si Mathematicus ut Mathematicus demonstrat, et non ut Physicus, vel Metaphysicus, quia tunc etiam videtur alijs generibus causarum. Quod etiam intelligo secundo loquendo de Ma-

thematica, prout abstrahit à materia secundum rationem; nam quatenus realiter cōcetnit materiam omnes causas rei speculari potest, sed hæc non erit consideratio Mathematica, sed Physica. Metaphysica autem solum triplex genus causarum speculari, scilicet genus causæ efficientis, seu agentis (pro eodem enim sumimus efficientem, & agentem) nisi velimus dicere quod per causam efficientem intelligimus causam res producentem motu Physico, & per agentem causam simplici emanatione, vel in instanti, vel imperio voluntatis aliquid agentem, quæ tamen differentia in Arist. non reperitur expressa. Considerat etiam Metaphysicus causam formalem, & finalem, quia hæc possunt abstrahere à motu, & à materia, materiam autem non considerat, ut est subiectum transmutationis, quo pacto à Physico consideratur, sed ut est ens. & potentia quæ non subterfugit sic considerationem Metaphysici. Physicus autem quadsuplex genus causarum contemplantur, quoniam res eius considerationi subiectæ, omnes illas quatuor causas habere poterunt.

Quarto notandum venit, quid per principia, per causas, & elementa voluerit inferre Philosophus. Albetus ergo, & Averroes cum quibus videtur sentire D. Thom. arbitrantur, per principia intelligendas esse causas efficientes, quoniam de ratione causæ efficientis est importare ordinem, & processum, quæ item principium dicit, ut patet ex quinto Metaph. Per causas autem intelligendum dicit causam finalem, quoniam hæc causa causarum nominatur. Per elementa vero materiam, & formam sumunt, propterea quod elementum est ex quo aliquid fit, & ita ex materia, & forma tanquam ex duobus principiis intrinsecis compositum constituitur.

Sed contra hanc expositionem insurgit Pererius lib. 3. suæ naturalis Philosophiæ cap. 1. & eam duplici argumento impugnat. Primum est. Quia si finis vocatur causa causarum, quomodo etiā vocatur principium, sicut efficiens? Secundum est, quoniam per Eudemum, & Alexandrum Deus est principium omnium rerum, non ut efficiens, sed ut finis. Igitur finis ille erit, qui vocandus est principium.

Expli-  
catum.

cipium. Sed hæc friuola sunt. Nam ad primum dicitur, quod causa efficiens vocatur principium, & finis non, tum, quia de ratione principij est solum dicere originem, & processum, & non causalitatem, modo efficiens diffinitur à quo incipit motus, & consequenter significat originem, sicut facit etiam principium. Hinc pater dicitur principium filij in diuinis, & punctum lineæ, & mane diei, & non dicuntur causæ. At de ratione finis est mouere, & agere, quæ proprie conueniunt causæ. Ad secundum dicimus, secundum veritatem Deum esse appellandum agentem, & efficientem omnium rerum primo, secundario vero dicendum esse finem earundem rerum, quia omnia efficit, ut ad ipsum essent ordinatæ, quod voluerunt inferre Eudemus, & Alexander.

Alfarabius vero per principia sumit prima principia intelligendi, scilicet, prima principia complexa, quæ communes animi conceptiones vocantur, & ut notissima ab omnibus cõceduntur. Per causas vero præmissas, & propositiones ex quibus conclusio deducitur capit; & per elementa terminos ingredientibus demonstrationem intelligit, ut sic sensus. Quod si perfectam cognitionem cuiuscunque rei volumus habere, oportet scire rem ipsam per principia notissima, & per propositiones, & terminos conclusionem ingredientibus, scitos, & notos.

Sententia vero Auerrois, 2. diuinorum est. Quod per principia, causas extrinsecas, scilicet efficientem, & finem intelligimus. Per causas, materiam, & formam, efficientem, & finem, & per elementa, materiam tantum, & formam.

Mæa autem opinio non destruens superiores est. Quod per principia Philosophus non sumit aliquam ex quatuor causis, sed intelligit vniuersalissimam rei cognitionem, sicut per causas auñit cognitionem per propria cuiuslibet rei, intrinseca, & extrinseca, & per elementa exactam, perfectam, atque completam cognitionem, unde est sensus. Quod querendo cognitionem alicuius rei, oportet illam habere à primo actu, vsque ad vltimam potentiam, idest ab vniuersalissimis principijs, vsque ad vltima, procedendo per propria ipsius rei. Hanc autem

expositionem ostendit Philosophus in textu sequenti, in quo subiungit. Quod innata est nobis via à notioribus, & vniuersalioribus principijs exordiri.

Vltimo notandum est, quod Aristoteles in hoc primo textu talem consuevit conclusionem. In omni scientia exordium est à cognitione principiorum, & procedendum per causas, vsque ad vltima rei, & hoc præcipue in ista, in qua hæc omnia conspiciuntur. Hoc autem probat, quia communis animi conceptio est, quod in scientijs tali modo sit procedendum.

## LECTIO IX.

## QVÆSTIO IV.

*Verum ad cognitionem alicuius rei, necessesse sit cognoscere principia, causas, & elementa.*

Videtur quod non. Nam diffinitio scientiam perfectam generat. Sed hæc non constat nisi ex genere, & differentia, quæ se habent ut materia, & forma. Ergo ad perfectam cognitionem sufficit cognoscere materiam, & formam.

Secundo. Sic sequeretur, quod nullius rei perfectam notitiam consequeremur, nisi primam causam, à qua omnia dependent cognosceremus. Hoc autem videtur, vel impossibile, vel difficile. Ergo.

Tertio. Scientiæ Mathematicæ perfectissime demonstrant, per Commentatorem secundo Meth. Sed tales non procedunt per omnes causas, sed solum per formalem. Ergo.

Quarto. Non constat quid intellexerit Aristoteles in textu per perfectam, & completam cognitionem.

Quinto. Scire est sempiternorum, quo ad necessariam connexionem prædicæ cum subiecto, ut dicitur primo Post. c. 9. Sed hæc necessaria cõnexio cum sit opus rationis ab omni causalitate abstrahitur. Ergo ad cognitionem rei non est necessarium cognoscere eius causas.

Sexto. Commune assertum est, essentias non habere causas. Ergo ad earum cognitionem non est necessaria cognitio causarum.



Septimo. Sic daretur cognitio comprehensiva rerum naturalium. Hoc falsum. Ergo. Maior patet, quia cognoscere rem per principia, causas, & elementa, est ea in cognoscere quantum cognoscibilis est, i. comprehensivae. Minor probatur, quia data quacunq; cognitione perfecta rei naturalis, affecta per intellectum humanum, adhuc Angelus, & multo magis Deus, eandem rem perfectiori modo cognoscit.

Octavo. Sic materia esset incognoscibilis, nam cum dicat ordinem ad infinitas formas terminativae, in ea non potest intelligi hæc infinitas formarum, cum infinitum sit incognoscibile.

Nono. Secundum Arist. Mundus est æternus. Sed æternitas mundi supponit infinitas causas præcessisse, respectu cuiuscunque rei generabilis, ut respectu Sortis Pater, Avus, Proavus, Attavus, & sic in infinitum. Hoc autem est impossibile scire.

Decimo. S. D. 3. p. quæst. 10. art. 2. & 3. habet, Animam Christi cognovisse omnes effectus, causas, & singularia, quæ sunt in potestate cuiuscunque rei create, quia eius scientia erat comprehensiva. Ergo ad scientiam comprehensivam, quæ est illa quæ à principijs incipit, per causas progreditur, & ad elementa terminatur, cognitio omnium singulariarum requiritur. Sed hoc est impossibile humano intellectui, cum singularia sint infinita, & incognoscibilia. Ergo talis cognitio, qualem hic descripsit Philosophus, non datur.

**Cognitio complexa, & implexa.** Pro decisione huius quæst. primo notandum venit, quod cognitio duplex est. Prima dicitur implexa, i. simplex intellectus apprehensio, qua intellectus prima sua operatione essentiam rei intelligit, eam non componendo, vel separando ab aliquo prædicato. Secunda dicitur complexa, qua intellectus secunda, & tertia sui operatione rem eam aliquo prædicato componit, vel ab eo separat, circa eandem discurrendo, & ratiocinando; & utraque cognitio necessaria est; & si secunda magis faciat ad propositum.

**Perfecta in genere, & simpliciter.** Secundo notandum venit, quod duplex est cognitio complexa. Prima dicitur perfecta in genere, quia re perfecte cognoscimus per omnia illa quæ sunt illius generis, & ad cognitionem eius faciunt, ut

quod homo sit ens mobile, quia habet in se principium motus &c. Secunda dicitur cognitio perfecta simpliciter, quia postulat absolutam, & totalem rei cognitionem, per omnia principia, causas, & elementa, cuiuscunque sint rationis, per se ei convenientis, & de hac præcipue videtur loqui Philosophus.

Tertio notandum, quod causa quæ faciunt ad cognitionem rei, quædam sunt per se, quia ab his res ipsa pendet per se, & in esse, & in cognosci, quædam vero sunt per accidens, sic dicitur, quia accidunt rei. Dicunt ergo communiter D. D. quod cognitio causarum per accidens non est necessaria ad perfectam cognitionem rei, quia res ab ijs non dependet, nec in esse, nec in conservari, sed cognitio causarum per se, si est perfecta in genere, vult cognitionem omnium causarum illius generis; Si autem sit perfecta simpliciter, petit intelligentiam omnium principiorum, causarum, & elementorum, quoniam hæc cognitio vocatur comprehensiva, propterea quod facit cognoscere rem quantum cognoscibilis est. Intellige tamen per omnia naturalia, sed non per omnia supernaturalia, ad quæ est in potentia obediens, de qua diximus in 9. Metaphysicæ.

Mihi autem distinguendum videtur, quod de scientia dupliciter loqui possumus. Primo in acquisitione, & sic videtur necessaria cognitio omnium principiorum, causarum, & elementorum, si res ipsa perfecte cognoscatur. Secundo in usu, & sic non est necesse cognoscere nisi illas causas, quas considerat, vel per quas demonstrat v. g. ante inventionem Mathematicæ, necesse fuit scire causam materialem, effectivam, & finalem omnium figurarum quantitatis, sed post habitam scientiam, sufficit Mathematico cognoscere causam formalem, per quam demonstrat. Ex his autem patet intelligentia Arist.

Ad primum ergo responderetur secundum aliquos, distinguendo de duplici definitione, scilicet perfecta, quæ solum dicit cognitionem causarum intrinsecarum, scilicet materiæ, & formæ, & perfectissimæ, quæ supponit cognitionem omnium causarum, etiam extrinsecarum. Modo dicunt, quod ad perfectam definitionem

Per se, et  
per acci-  
dens.

luffi.



sufficit cognoscere proprium genus, & propriam differentiam. Sed Chrysostomus lauellus non approbat hanc responsionem, quoniam Arist. 7. Meth. tradens noticiam de diffinitione omni modo perfecta, nullam fecit mentionem de causis extrinsecis, sed solum de intrinsecis, Sed hæc impugnatio non subsistit, cum notum sit vnam diffinitionem alia esse perfectiorem, Ergo dabitur, & perfectissimæ. Hæc autem pendet à cognitione omnium causarum. Constat enim sæpe Arist. notificasse naturam rei per causam etiam finalem, & efficientem. Hinc secundo reijcitur distinctio aliorum dicentium, quod cognitio demonstratiua postulat cognitionem omnium causarum, sed diffinitiva, solis causis intrinsecis est contenta. Contra enim hanc responsionem primo stat, quod medium in demonstratione est diffinitio subiecti. Secundo, quia diffinitio, & demonstratio simul ad cognitionem rei perfecta ordinantur, quamvis secundum diuersas operationes intellectus. Nec verum est, quod diffinitio secundum totam latitudinem suæ perfectionis considerata consistet solum ex intrinsecis causis, cum clare consistat Arist. sæpe discernere res etiam per causas extrinsecas, ut patet de demonstratione, & de anima; Et quia si diffinitio omne esse explicat, illud explicare debet, cum omni sua dependentia, Et tandem, quia sic sequeretur, quod diffinitio esset rei notificatiua secundum quid, idest secundum aliquam, & non simpliciter, idest quo ad omnia. Censeo ergo, quod de diffinitione dupliciter loqui possimus. Primo ut est diffinitio, & sic non requirit nisi cognitionem proprii generis, & propriæ differentię, ex quibus constat. Secundo respectu rei diffinitæ, & sic si res diffinita quærit cognitionem omnium causarum, illas poterit explicare diffinitio, & si regulariter hoc non faciat.

Ad secundum dicitur, quod argumentum procedit de cognitione perfecta simpliciter, quæ non est sine cognitione primæ causæ.

Ad tertium, dicitur quod demonstrationes Mathematicę sunt perfectę in suo genere, idest per causam formalem, non autem simpliciter, nisi res Mathematica consideretur etiam secundum alias cau-

sas, ut faciunt Physicus, & Metaph.

Ad quartum dicendum, quod Aristot. intellexit loqui de perfecta cognitione rei prout postulat eius natura, secundum diuersas rationes considerata.

Ad quintum dicendum, quod in connexionē prædicati cum subiecto duo sunt pensanda. Primum est fundamentum huius connexionis, & hoc est ens reale, verbi gratia, homo, qui vere, & realiter est animal rationale. Secundum est formale, idest illa connexio relatiua realis, inter subiectum, & prædicatum, ut inter superius, & inferius, & hoc est opus rationis. Quoad primum, res est cognoscenda per sua principia, causas, & elementa realia. Quoad secundum, quo ad causam tantum formalem, secundum quam subiectum, & prædicatum dicuntur connexa in propositione sempiterna.

Ad sextum dicendum, quod essentiæ bifariam considerari possunt. Primo effectiue, & realiter, ut sunt res reales, & sic habent suas causas. Secundo formaliter, idest, quo ad significatum solum propositionis, & sic dicuntur præscindere a causis, quia hoc modo solum intuemur quid significent, & non quid sint, vel quomodo sint, sicut eas considerat naturalis.

Ad quintum dicendum, quod res cognoscatur quantum cognoscibilis est, stat dupliciter. Primo ex parte rei scitæ, & ita si est res naturalis, potest comprehendere ab intellectu creato tantum quantum à diuino, & si eā non comprehendat per accidens est. Secundo ex parte cognoscentis, vel medijs cognoscendi, & sic Deus, deinde Angelus, & tandem homo magis, minusque res cognoscunt, prout per excellentius lumen eas percipiunt.

Ad octauum primo negatur, quod materia dicat ordinem ad infinitas formas secundum speciem, cum species sint in determinato numero, secundum Aristot. 7. Metaph. cap. 2. & Platonem in Philebo. Secundo dicitur, quod data hac infinitate, quod materia non esset cognoscibilis, dupliciter intelligi. Primo secundum se, & ita cum sit ordinis naturalis, cadatque sub obiecto proportionato nostri intellectus, secundum se esset cognoscibilis, neque maior ratio esset quod cognosceretur secundum ordinem ad vnam formam

naturalem, quam ad aliam naturalem. Secundo per accide<sup>ntes</sup>, & quæ ab extrinseco, quia scilicet infinitum totum simul non potest cognosci, cum non possit pertransiri, & sic diceretur incomprehensibilis, quo ad omnes formas simul in actu.

Ad non in dicendam, quod Sortes generatus duo genera causarum habet. Primum est causarum per se, & tales Pater, & Mater, qui per virtutem generatiuum illum generauerunt. Secundum est causarum per accide<sup>ntes</sup> id est illarum causarum, quæ actuali influxu ad eius generationem non concurrunt, unde ad eius generationem non faciunt nisi in quantum Pater eius fuit ab Auo, & Auu ab Attauo, & sic in infinitum ascendendo. Cognitio ergo rei dependet tantum a causis per se, et de hac locutus est Philo<sup>sophus</sup>. non autem de ea quæ est a causa per accide<sup>ntes</sup>, de qua procedit argumentum.

Ad decimum dicendum, quod duplex est cognitio comprehensiva. Prima dicitur perfecta in genere, ut est humana, & hæc perfecta est, si attingat omnia principia rei, & eius causas, vltiq<sup>ue</sup> elementa. Secunda dicitur perfecta, & absoluta simpliciter, quoniam attingit etiam singularia, quæ non cadunt sub directa cognitione humana, & talis fuit cognitio comprehensiva animæ Christi, de qua procedit argumentum.

## LECTIO X.

*Innata vero naturaliter via est, &c.*

*sex. 2.*

**P**ostquam Philo<sup>sophus</sup> tradidit esse exordium a principiis, & causis, modo explicat quomodo ab his sit incipiendum dicendo, quod ab vniuersalioribus, ut a notioribus ad minus vniuersalia, ut ad minus nota procedendum est. In explicatione igitur huius tria faciemus. Primo vnam conclusionem eliciemus ex textu, adducendo probationes textus. Secundo aliqua ad maiorem explicationem adiungemus. Tertio aliqua dubia proponemus.

Quoad primum ergo. Conclusio in ijs textibus est. Ab vniuersalioribus tanquam a notioribus incipiendum est, & deinde procedendum ad minus vniuersalia, ut

ad minus nota. Quod sic probatur. In qualibet scientia incipiendum est a notioribus nobis, & procedendum est ad notiora naturæ. Sed vniuersalia sunt nobis notiora, & minus vniuersalia sunt notiora naturæ. Ergo procedendum est ab vniuersalioribus &c. Pro noticia maioris ait Philo<sup>sophus</sup>, quod eadem non sunt nobis nota, & naturæ, quia illa nobis dicuntur nota, quæ magis sunt sensibilia, & magis intellectui nostro proportionata. Illa autem dicuntur nota secundum naturam, quæ secundum se maioris sunt actualitatis in se, & perfectionis, ut sunt Deus, & Intelligentiæ. Minorem autem probat tripliciter, scilicet in triplici toto. Primo in toto sensibili, ut si aliquem a longe videro, prius cognoscam, quod sit ens, deinde quod sit substantia corporea, deinde quod sit homo, & tandem quod sit Sortes. Ens autem vniuersalissimum est, & transcendens. Secundo probat hoc in toto diffinibili, quia prius cognoscitur totum diffinibile, quam eius partes cognoscantur. Sed totum diffinibile se habet ut magis vniuersale, quam sue partes. Igitur Maior patet, quia prius cognosco hominem, qui est res diffinita, ante quam cognoscam animal, & rationale, quæ sunt partes eiusdem diffinitionis. Minor est nota, quia homo diffinitus se habet ut quoddam confusum. Nam diffinitio, & diffinitum ideo significant, sed diffinitum confusum; & diffinitio distincte. Tertio probat in toto intelligibili sic, quia sicut vniuersalius intelligibile, est prius nobis notum secundum intellectum, ut animal, homine, ita communius sensibile est prius notum nobis secundum sensum, ut hoc animal, quàm hic homo, quod dupliciter ostendit. Primo secundum locum, ut exemplificatum est de veniente a longe. Secundo secundum tempus, unde primo pueri appellant omnes homines patres, & feminas matres, & deinde discernunt hunc, vel hanc esse suum patrem, vel matrem, & non illum, vel alteram.

Quo ad secundum primo notandum est, quod quadrupliciter aliqua dicuntur magis nota secundum naturam, & quadrupliciter nobis ex opposito; quia quot modis dicitur vnum oppositorum tot modis dicitur & reliquum. Primo ergo modo aliqua dicuntur prius nota secundum

*Vniuersalia  
notiora;  
ut confusa  
sunt  
priora  
nostre cognitione*

*Notiora  
secundum*

*naturam*

*naturā, naturam, quæ magis à sensibus nostris  
et nobis elongantur, & sunt perfectioris entita-  
tis, vt Deus, & intelligentiæ; nam tanto  
magis res de se est intelligibilis, quanto  
magis est in actu, vt sunt Deus, & intelli-  
gentiæ, ex quo dicebat Phyl. 1. Metaph.*

quod intellectus noster se habet ad mani-  
festissima naturæ, sicut oculus noster ad  
lumen solis. E conuerso vero aliqua no-  
bis notiora dicuntur, quia magis sunt ma-  
terialia, & sensata, quoniam intellectus  
noster pro hoc statu à materialibus, &  
sensatis procedit ad immaterialia, & in-  
tellectualia, sic procedendo de imperfecto  
ad perfectum. Secundo modo aliqua  
sunt magis nota secundum naturā, quia  
magis sunt à natura intentā, cum natura  
intendat producere perfectissimum ens  
pro possibili, & ideo perfectiora dicuntur  
magis à natura intentā, vt species, gene-  
re, cum sit eo nobilior, vt homo, animal.  
E conuerso magis nobis dicuntur nota indi-  
uidua, quia minus intenduntur à natura,  
cum ab ea intenduntur propter conser-  
uationem speciei. Tertio modo aliqua  
dicuntur magis nota secundum naturam  
per independentiam, quia scilicet possunt  
cognosci sine alio, à quibus non conuer-  
titur subsistendi consequentia. Et e con-  
trario, quæ per aliud cognoscuntur, ma-  
gis nobis cognita dicuntur, & ideo quam-  
uis substantia secundum se magis sit co-  
gnita accidente, non tamen ratione no-  
stri, cum per sensibilia accidentia, ascen-  
damus ad cognitionē substantiæ. Quarto  
modo aliqua dicuntur magis nota secun-  
dum naturam, quia se habent vt causæ.  
Et e conuerso nobis, quia se habent vt  
effectus; nam si natura inciperet cogni-  
tionem, inciperet à causis. Nos autē ab  
effectibus incipimus, vt à notioribus.

*Natura sumitur  
quatuor  
placiter.* Secundo obseruandum venit, quod na-  
tura quatuor modis sumitur. Primo enī  
sumitur pro principio vniuersaliter acti-  
uo, & sic Deus, & intelligentiæ, & causæ  
rerum dicuntur primæ naturæ. Secundo  
capitur pro principijs intrinsecis rei na-  
turalis constitutiuis, & hoc modo Phyl.  
2 Phyl. vocauit materiam, & formam na-  
turas, prout tamen habent ordinem etiā  
ad motum. Tertio modo accipitur pro na-  
turali inclinatione rei, quo pacto Aristot.  
4. Phyl. dixit, quod natura abhorret va-  
cuum. Quarto modo sumitur pro quo-

libet agente naturali, & secundum duos  
sitate rei potest verificari iuxta modos  
supradictos eadem non esse nobis nota,  
& naturæ. His stantibus.

Tertio loco videndum igitur est, quid  
intellexit Phyl. in textu per confusa, *Confu-  
sū quid*  
dum dixit magis autem sunt nobis nota *signifi-  
cat.*  
confusa. Confusum ergo idē sonat quod  
plura continens indistincte, & in poten-  
tia; Distinctum vero idem sonat, quod  
plura continens distincte, & in actu, ver-  
bi gratia, animal dicitur quoddam confu-  
sum, vt continet suas species indistincte,  
& in potentia; Species autem distincte  
continet, quia verbi gratia, homo deter-  
minat animal, ad statum pro animali ra-  
tionali, vnde bene inquit Phyl. in tex-  
tu, quod quanto aliquid est magis vniuer-  
sale, tanto magis dicitur confusum, quia  
plura continet indistincte, & in potentia.

Quarto ergo loco versandum est circa *Intensio  
Aristot.  
qua sit ū  
tex. 2.*  
intentionem Arist. in ijs textib. Nam nō  
est vna omnium sententia. Auerroes er-  
go, & Græci tradunt, Arist. in ijs textib.  
voluisse declarare principia, causas, &  
elementa rerum naturalium, & hoc feci-  
sse per composita, quæ sunt secundum  
naturam posteriora, sed nobis notiora.  
Sed contra hanc expositionem dupliciter  
instat S. D. Primo, quod sic Arist. notare-  
tur superfluitate, cum in secundo Phyl.  
doceat modum demonstrandi hæc. Secun-  
do, quia male per composita intelligun-  
tur vniuersalia, subinferendo, quod ge-  
nus componitur ex speciebus, nam nullū  
compositum ex partibus de eisdem præ-  
dicatur in recto; Sed genus prædicatur in  
recto de suis speciebus. Ergo ex ipsis nō  
componitur. Notandum est tamen, quod  
duplex est compositio. Prima dicitur rea-  
lis, vt est compositio, materiæ, & formæ,  
& elementorum in composito. Secunda  
potest dici intentionalis, & abstractiua,  
prout intelligimus genus continere spe-  
cies. Prima compositio impedit prædica-  
tionem in recto, & in hoc sensu S. D. im-  
pugnat Auerroem, non autem in secun-  
do. Sed hæc secunda compositio dicitur  
Logica, & non Physica, prout de compo-  
sito hic loquitur Phyl. Alexander autem  
teste Simplicio, voluit Arist. in his  
textibus docere modum, & viam cogno-  
scendi prima principia rerum naturalium,  
quoniā hæc non cognoscantur nisi prius  
per

per quasdam quaestiones vniuersales. Sententia autem S. D. est, quod ab vniuersalioribus principiis sumenda est doctrina.

*Eadem* Quinto pro vltiori noticia horum *non sunt* textuum notandum est, quod hae propositiones non sunt Phylos. Quod in eadem scientia, *ta et na* eadem non sunt nobis nota, & naturae, *tura in* non est vniuersaliter vera, sed in pluribus; *quibus* nam in Physicis sic probatur à S. Thoma. *ualeat.* Quae sunt magis nota secundum naturam, maioris sunt entitatis, & magis elongata a sensibus nostris; notiora autem nobis, minoris sunt entitatis, & magis propinqua sensibus. Ergo in Physicis eadem non sunt nobis nota, & naturae. Commetator autem hoc sic probat. Illa sunt priora secundum naturam, quae prius natura cognosceret, si cognitionem haberet, & ea sunt nobis notiora, quae prius à nobis cognoscuntur. Sed non eadem quae primo à nobis cognoscuntur, cognoscerentur à natura, quia nostra cognitio non incipit à magis perfectis. Ergo.

Notandum est tamen circa hoc, quod in Physicis eadem non sunt nobis nota, & naturae, potest dupliciter intelligi. Primo per se, & hoc verum est, seruato ordine rerum naturalium diuersarum. Secundo fere per accides, id est respectu alicuius, nobis, & naturae noti, vt patet de principiis notissimis. Verba D. Th. & Aristot. in primo sensu intelliguntur, & non in secundo. Fallit autem in Mathematicis, cum Mathematica procedat per causas formales, & eius demonstrationes sint in primo gradu certitudinis, & secundum se, & ratione nostri, & ideo propositio Phylos. intelligenda est pro subiecta materia, i. in Physicis, quamuis extendatur etiam ad Metaphysicam, in qua sunt aliqua magis, minusve in actu.

#### D V B I A.

**C**irca supradicta autem multa occurrunt dubia. Primum autem dubium accidit contra id quod Aristot. dicit, quod vniuersaliora sunt nobis notiora, quam minus vniuersalia. Nam oppositum primo Metaph. dixit, scilicet quod vniuersalia quoniam maxime remota sunt a sensibus nostris, sunt nobis cognitu difficiliora.

Secundo. Idemmet Aristot. 1. Post. ait,

quod singularia nobis sunt notiora, & vniuersalia secundum naturam, quod repetit secundo Post.

Secundo dubitatur, quia Arist. aequiuoce procedit, dum ex toto sensibili, argumentatur ad totum vniuersale, quae sunt tota aequiuoca.

Tertio dubitatur, quia videtur esse repugnantia inter primum, & secundum textum. Nam in primo tradit esse incipiendum a principiis, in secundo vero a nobis notioribus. At principia sunt notiora secundum naturam, & effectus nobis.

Quarto dubitatur circa id, quod dixit, quod diffinitum est vniuersalius diffinitibus. Nam diffinitia sunt vniuersaliora, vt animal homine.

Ad primum autem horum dicitur primo, quod duplex pro nunc est vniuersale. Primum dicitur in causando, vt Deus, & intelligentiae, & hoc vt maxime entitatis, & perfectionis, est difficilis cognitionis, vt dixit Arist. in 1. Metaph. Secundum dicitur in praedicando, & hoc hic vocatum est facilius cognitionis. Vel secundo dicendum cum S. D. quod si sermo sit de vniuersali in praedicando, de eo duobus modis loqui contingit. Primo de eius cognitione incompleta, & confusa, sequente simplicem intellectus apprehensionem; Secundo de exacta, absoluta, & perfecta eius cognitione. Primo modo locutus est hic Phylos. quia sic sumitur vt maxime confusum, & ideo prius nobis notum. Secundo autem nodo locutus est Phyl. in primo Metaph. quia ad perfectam cognitionem vniuersalis, necesse est cognoscere omnia, & singula ei superiora, & inferiora.

Ad secundum respondet hic S. D. quod singulare duplex est. Primum dicitur singulare absolute, quod est singulare, sensibile, & materiale. Secundum dicitur singulare in respectu, vt est species respectu generis. Philosophus 1. Post. locutus est de singulari primo modo, & quoad cognitionem sensitiuam, hic autem loquitur de singulari secundo modo, prout verbi gratia, homo potest dici quoddam singulare, respectu animalis.

Ad secundum principale dicendum, quod Phyl. arguitur a proportionem, quia sicut totum sensibile confusum est, ita

ita etiam totum vniuersale, & in hoc stat proportionalitas, & vis argumenti.

Ad tertium dicimus, quod ruit difficultas, quia Arist. in primo textu tradit esse incipiendum à principijs, in secundo autem quod incipiendum est ab vniuersalissimis principijs, vnde comparat principia ad principia, & non principia ad effectus, vnde non est nobis obijciendum, quod effectus sint notiores suis principijs, nisi vellemus agere de sciētia, vt per inuentionem acquiritur, sed hoc erit extra propositum, cum hic de scientia loquamur habita per modum disciplinæ à Magistro, in qua incipiendum est ab vniuersalioribus principijs.

Ad quartum respondet hic S.D. quod diffinitia secundum se sunt notiora, secundum cognitionem distinctam. Diffinitum autem nobis cognitione cōfusa, secundum quam intelligitur esse vniuersalius, quia resoluitur in sua diffinitia.

## Q V Æ S T I O V.

*Vtrum ens sit primum cognitum.*

**H**anc quæstionem habes examinatam in 5. Metaphysicæ, quæst. 20. Ibi vide.

## L E C T I O X.

**Q**uoniam Phyllos. à textu 5. vsque ad 41. immoratur circa opiniones Antiquorum, de principijs rerum naturalium, quæ scitæ parum proficiūt, & diffuse tractatæ altiora studia impediūt, ideo in hac lectione summarie eas perstringam, addendo quædam dubia cum suis solutionibus.

Sciendum est ergo primo, quod aliqui fecerunt principia rerum naturalium infinita, alij finita, & quidam vnum solum. Qui ergo vnum tantum principium constituerunt, diuisi sunt. Nam Melissus hoc vnum principium dixit esse immobile, & infinitum, quæ sententia à vero non aberrat, si de primo principio effectiuo, idest de Deo optimo maximo intellexit, & non de materiali. Nam ipse Deus immotus manens, dat cunctis moueri, ait Boetius. Parmenides vero cum Melisso concordauit, ponendo vnum solum prin-

cipium, & hoc immobile, sed in hoc à Melisso discordauit, quod hoc principium fecit finitum. Tertiam sententiam habuit Tales Milesius, cum pluribus sapientum Græcorum, scilicet, quod aqua esset rerum naturalium principium, forsitan ex hoc, quod humidum est principium vitæ, & siccū mortis. Quarta sententia fuit Diogenis, & Anaximenis, facientium aerem principium rerum naturalium. Quinta fuit Heracliti, hoc attribuentis igni. Sexta est Hesiodi facientis terram. Septima fuit quorundam, tenentium vaporē medium inter aerem, & aquam esse rerum naturalium principium, & itæ septē sententiæ in hoc conuenerunt, quod vnum fecerūt, principium rerum naturalium.

Secundo obseruandum venit, quod similiter illi, qui tenuerunt principia rerum naturalium esse infinita, in plures classes partiti sunt. Nam Anaxagoras inter primos posuit infinitas particulas indiuisibiles, constantes ex infinitis alijs particulis indiuisibilibus, ex quibus componebatur totum. Posuit autem omnia prius existisse in quodā confuso, vocato Chaos, & deinde aduenisse intellectum, hæc omnia separantem, atque distinguentem. Democritus vero voluit omnia esse composita ex infinitis atomis, contradicendo in hoc Anaxagoræ, quod voluit has atomos esse eiusdem rationis cum compositis, & solum distingui figura, quia quædam sunt figuræ circularis, quædam triangularis, &c. Subdebatque, caput esse rotundum, quia ex atomis rotundis componebatur, & manus planas, & digitos rotundos, quia ex atomis planis, & rotundis conficiebantur.

Tertio sciendum est circa opinionem eorum, qui plura principia, sed finita fecerunt, quod Parmenides duo principia constituit, scilicet ignem, & terram; alij ignem, aerem, & aquam, alij vero vt Empedocles cum affecit quatuor elementa, Plato vero duo principia formauit, vñū tanquam materiale, scilicet magnum, & paruum, videlicet quantitatem, & materiam simul, vt aliqui exponunt, & Ideam tanquam principium formale, (vt alij interpretantur.) Pythagoras & ipse duo principia posuit, scilicet par, vt principium materiale, & impar, vt principium formale, propterea quia par est numus-

D rus

*Sententia eorum qui fecerunt vnum esse principium naturalium.*

*Et qui finia.*

rus diuifus, ficut etiam eft numerus par, & forma eft indiuiſibilis, ficut eft numerus diſpar. Sed Empedocles ad litem, & amicitiam auſugit, ponendo hęc principia rerum, quoniam amicitia eas vnit, & inimicitia ſeparat; & iterum per amicitiam dixit res redire ad Chaos, & per inimicitiam eſſe diſſoluendas, & ita in infinitum. Subdit autem Phyloſ. quod aliqui ex ijs naturaliter ſunt loquuti, vt qui cōceſſerunt motum, & quidam innaturaliter.

Quarto notandum circa id quod diximus de opinione Parmenidis. Nam ſibi videtur fuiſſe contrarius ( ſi Ariſtot. creditur. ) Nam in initio dixit, illum vnum ſolum principium, & hoc immobile feciſſe, & in ſubſequentibus adiunxit, illum duo principia poſuiſſe, ſcilicet ignem, & terram. Huic tacitę obiectioni dupliciter occurrimus dicēdo. Primo Parmenidem duos libros compoſuiſſe; vnum in quo accurate rerum principia inueſtigauit, & in hoc vnum tantum cōſtituit. Alium vulgarem, in quo duo principia eſſe voluit. Alij dicunt, quod ſecundum veritatem vnum tantum cōſtituit principium immobile, ſed ſecundum apparentiam duo, ſcilicet terram, & ignem. Si autem multa videre cupis curioſa circa has opiniones, lege Collegium Conimbricenſe hic, cap. 7. q. 1.

## QVÆSTIO VI.

*Verum Phyſicus poſſit diſputare contra negantes ſua principia.*

**V**idetur quod ſic. Quia expreſſe hic Phyloſ. diſputat contra Parmenidem, & Meliſſum, & alios negantes principia naturalia, vt motum eſſe, plura entia eſſe.

Secundo. Ad illud ſpectat defendere, & probare principia, quę illa habet tantam ſua, quoniam ad vnum quemque ſpectat ſua propria defendere. Ergo hoc non negabitur Phyſico, quod defendat ſua principia, contra negantes ea.

Pro enucleatione huius quaſt. primo obſeruandum eſt, quod principia ſcientiarum ſunt in duplici differentia. Nam quędam vocantur principia eſſendi, quia ex ijs res conſtant, vt in Phyſica mate-

ria, & forma, ex quibus conſtant res naturales. Quędam vero vocantur principia cognoscendi, & hęc ſunt principia immediata, per ſe nota, in qualibet ſcientia. Dicunt ergo aliqui, quod Phyſicus non poteſt, nec debet diſputare contra negantes ſua immediata principia cognoscendi, cum non habeat alia notiora principia, ex quibus poſſit illa probare, ſed poteſt probare ſua principia eſſendi, ſcilicet diſputare de materia, forma, & priuatione, pro vt facit Phyloſ. in ijs libris. Sed

Secundo notandum eſt, quod principia eſſendi, & cognoscendi adhuc dupliciter conſiderari poſſunt. Primo quoad eſſe exiſtentię, vt probando de ipsis exiſtentiam, vt quod materia ſit, natura ſit, & ſimilia. Secundum quoad eſſe quidditatum, accipiēdo proprium genus, & propriam eorum differentiam, & ſic hęc diſtinquendo. Primo modo non probantur principia, nec eſſendi, nec cognoscendi, quoniam ridiculum eſſet velle probare materiam in re materiali eſſe, & naturā in re naturali. Secundo autem modo nō incouenit ſingula principia diſtignire, per proprium genus, & per propriam differentiam, quoniam hoc munus eſt artificis ſcientis. Sed

Tertio notandum, quod principia eſſendi probentur à Phyſico, & ab eo contra aduerſarios defendantur, ſtat biſariam. Primo quoad eſſe naturę, & hoc abſurdum eſt. Secundo, quoad aliquam ſingularem rationem, vt quod naturā in quibuſdam eſt principium actiuum motus, & in quibuſdam paſſiuum. Primo modo nullus artifex probat ſua principia, ſed ea ſupponit. Secundo autem modo de eis quaſit, oſtendendo quod ex medullis rerum, eorum proprietates eſſe ſunt.

Quarto notandum venit, quod Phyſicus diſputet de principiis ſuis, etiam quoad an eſt, dupliciter intelligi poteſt. Primo vt Phyſicus eſt, & per principia ſua propria, & ſic falſum eſt, cum nullus artifex particularis habeat principia notiora ſuis propriis principiis, ex quibus poſſit aduerſarium conuincere, de veritate ſuorum principiorum. Secundo poteſt intelligi prout Phyſicus aſſumit habitum Metaphyſici, vel Dialectici, & ſic poteſt

*Phyſicus probat ſua principia eſſendi, nō cognoscendi.*

*Quoad quid eſt, non quoad an eſt.*

*Niſi vt indutus habitu Metaphyſico.*



potest ea probare, quia cum hæ scientiæ sint generalissimæ, per vniuersalissima principia sua possunt probare principia immediata omnium scientiarum; Metaphysica ostensiuæ, & Dialectica probabiliter, & hoc modo contingit in Physica, scilicet quod Physicus assumpto habitu Metaphysico, disputet de suis principijs, & per hoc patet ad primum.

Ad secundum dicendum, quod vnusquisque propria defendit, quando habet modum illa defendendi; modo Physicus secundum se non habet unde defendat sua principia ut Physicus est, bene, ut Metaphysicus.

## LECTIO XI.

## QVÆSTIO VII.

*Verum si tantum vnum esset principium, vnum tantum esset ens.*

**V**idetur quod sic. Quia hæc dictio exclusiua, solum, omne aliud excludit, idest valet, solum principium est. Ergo non est aliquid principiatum.

Secundo e contra arguitur. Quia si videtur vnum tantum ens esse, & principium, valet dicere. Est tantum principium. Ergo non principiatum. Ergo possumus etiam deducere. Ergo nec etiā erit principium. Probatur, quia correlatiua hoc habent, quod vno eorum sublato, aliud etiam tollitur, principium autē, & principiatum sunt correlatiua.

*Diſtio* Pro decisione huius quæst. primo notandum est, quod de dictione exclusiua *excluſiua* datur vna regula, ex qua tria correlaria *na exclu* deducuntur. Regula est, quod dictio exclusiua, ut tantum, solum, tantummodo, & similes, excludit esse aliud, quod distinguitur persona, seu supposito à cōsortio prædicati. Hinc deducitur primum correlarium, quod in relatiuis dictio exclusiua vni appositā, si illa relatiua realiter, & supposito distinguitur, ponendo vnum tantū, aliud negamus. Ut si dicamus tantum pater est: negamus, quod filius sit, quia pater distinguitur supposito à filio. Si autem duo relatiua realiter non distinguantur, ponendo vnum non tollimus aliud, ut dicendo, Sortes mouet tantum seipsum. Secundum correlarium est.

Quod dictio exclusiua non excludit vnum, quod in altero includatur, ut quia genus in specie includitur, & species in genere non valet dicere, tantum homo est. Ergo animal non est. Nec tantum animal est. Ergo homo non est. Tertium est, quod si vnum includat aliud tāquam partem sui, apponendo dictionem exclusiuam toti, non negamus partem, ut dicendo tantum domus est, non negamus quin parietes sint, & dicendo tantum homo est, nō excludimus quod habeat partes, ut manus, & pedes, & in summa totum valet in ijs quæ supposito distinguuntur.

Secundo notandum pro euidencia rationis Philosophi, quod duplex est principium. Primum dicitur principium productiuum effectiuum, quod realiter distinguitur supposito ab effectu productō & in hoc valet arguere. Tantum principium est. ergo non principiatum, quia principium à principio productiuo realiter distinguitur. Aliud vero vocatur principium materiale, vel formale, quod non distinguitur realiter, & supposito a productō, & in hoc non valet arguere. Tantum principium est. Ergo non principiatum, idest tantum homo est. Ergo animal non est. Modo Philosoph. loquebatur de ijs quæ realiter supposito distinguuntur, iuxta intētionem antiquorum, & per hoc patet ad primum.

Ad secundum dicendum, quod tunc correlatiuum, & si secundum nomen correlatiue teneatur, non tamen proprie, & formaliter, tunc correlatiuum est, quia de ratione correlatiui est habere pro termino aliud correlatiuum. Ergo quando solum principium est, & non principiatum formaliter non est relatiuum, sed vocatum sic relatiuum.

## LECTIO XII.

## QVÆSTIO VIII.

*Verum Materia sit diuisibilis, & extensa.*

**V**idetur quod sic. Nā partibus quantitatis partes materiæ correspondēt. Ergo si a materia separarentur diuersæ partes quantitatis, ipsa diuisa, & extensa appareret.

Secundo. Substantia corporea secundum se precedit omnem quantitatem, & secundum se dicitur totum integrale. Ergo in ea accipimus partes corporeas, quibus substantia dicitur corporea, & consequenter diuisibilis.

Tertio. Quod est causa antecedentis, est etiam causa consequentis. Sed materia est causa quantitatis, & eius diuisibilitatis. Ergo secundum se erit diuisibilis, quoniam nihil dat quod non habet.

Quarto. Si materia secundum se non esset extensa, nullo modo posset diuidi; Sed hoc est falsum, vt apparet in toto materiali diuiso, in quo sicut diuiduntur diuersæ eius partes quantæ, ita diuiduntur eius diuersæ partes materiales.

In contrarium est Arist. hic, textu 15. & 5. Metaph. textu 18. Hunc sequuntur S. D. p. p. q. 50 art. 2. Albertus Magnus hoc loco tract. 2. Auerroes de substantia orbis. Capreolus 2. dist. 18. q. p. artic. 3. & dist. 9. q. vnica art. 3. & alij plures. In gratiam quorum ponitur hæc conclusio.

Materia secundum se non est diuisibilis, nec extensa. Probatur primo. Substantia non est extensa, nec secundum se diuisibilis, cum secundum se non habeat partes, nõ suscipiat magis, & minus &c. Sed materia est substantia. Ergo.

Secundo. Proprium conuenit soli, & semper, cui est proprium. Sed diuisibilitas, & extensio est propria quantitati. Ergo. Maior est Porphyrij cap. de Proprio Minor est Arist. 5. Metaph. textu 18.

Tertio. Solum totum quantitatum est illud quod diuiditur, per Arist. 5. Metaph. vt supra. Sed substantia non est totum quantitatum, vt patet. Ergo.

Ad primum dicitur, quod materia solum per accidens diuiditur. Sed diuisione quantitatis, vnde sine quantitate maneret indiuisa, nam etiam forme perfectæ sunt indiuisibiles, & tamen informant omnes partes quanti corporis viuents.

Ad secundum negatur, quod materia secundum se dicatur totum integrale; hoc enim non conuenit ei, nisi per quantitatem, potest tamen dici tale totum radicaliter, propter ordinem quem includit ad partes quantitatis, sed non formaliter, quia secundum se non habet partes.

Ad tertium dicitur, quod materia est causa diuisibilitatis quantitatis materia-

lis, idest pars subiectiua, quoniam in se recipit quantitatem, cum eius extensione, sed in genere causæ formalis quantitas est illa quæ extendit materiam.

Ad quartum dicitur, quod si diuiditur, diuiditur per accidens, idest ratione quantitatis, cui inseparabiliter inheret.

## LECTIO XIII.

### Q V Æ S T I O IX.

*Verum in rebus naturalibus, & precipue in viuientibus, detur maximum, & minimum per se existens.*

Videtur quod non. Nam maximum in augmento viuentium à nutritiua potentia causatur; Sed data quacumque quantitate, & magnitudine viuētis, adhuc vis nutritiua, cum non sit diminuta potest nutrire. Ergo nutritum potest augeri ultra maximam suam quantitatem.

Secundo. Gigantes extra ordinariam formam magnitudinis hominum sunt. Ergo species humana (exempli gratia) non est determinata ad tantam quantitatem.

Tertio. Plures naturales ferunt Crocodillum, quamdiu viuunt, semper crescere. Ergo non habet determinatam quantitatem.

Quarto. Arist. hic textu 38. disputans contra Anaxagoram ait, illum sensisse ex minima carne non posse aliam minimam generari. Ergo secundum veritatem id fieri potest.

Quinto. Demus magnitudinem viuētis esse quinque cubitorum, si addatur ei cubitus, occubit, & si reducat ad quartum gradum, viuunt. Ergo non habet determinatam magnitudinem.

Sexto. Si datur minimum in rebus naturalibus, sequitur, quod corruptio substantialis non sit terminus alterationis, contra Arist. 1. de Generatione, tex. 18. Probatur. Accipiamus ver. gr. minimum ignis, i. minimam eius partem. Modo diuidatur hæc pars, tunc vel illæ partes separatæ remanent, vel corrumpuntur. Si remanent. Ergo datur minus minimo. Si corrumpuntur, cum nulla alteratio præcesserit, sequitur, quod corruptio sit sine alteratione, idest non sit eius terminus.

Septi-

Septimo. Omne graue est grauius minus, ex 4. Cæli, tex. 7. Ergo in graui non datur minimum: Nam post minimū graue, non datur aliud minus graue.

Octauo. Quantum per Phyl. 5. Metaph. tex. 8. est diuisibile in ea, quæ insūt, quorum vtrumque, aut singulum eorum fuit, & hoc aptum natum est esse, idest, per se subsistere. Quod exponens S. D. ait, hoc dictum esse propter partes substantiæ, scilicet propter materiam, & formam, quia separatae non possunt per se subsistere. Ergo non repugnat quanto; quod semper sit diuisibile, non solum in partes inexistentes, verum etiam in subsistentes.

Nono. Ignis est augmentabilis in infinitum, ex 2. de Anima tex. 41. Ergo in igne non datur maximum.

Decimo. Demus maximum ignem, & ei apponamus combustibile, aut illud comburet, aut non. Si comburet, Ergo potest dari maius maximo. Si dicatur quod non comburet, hoc videtur sine ratione dictum, cum in igne non deficiat virtus ad comburendum, sicut etiam hoc videtur irrationabile assertum, quod data maxima aqua, & ei noua pars addita, eam non recipiat, & augeatur.

Vndecimo. Sic dato maximo homine non posset pinguescere, & ex percussione inflari, quod videtur ridiculum.

Duodecimo. Demus vnā partem calorem ignis suscipientem, aut illa potest dari minor, aut non. Secundum non est dicendum cum calor partibiliter suscipiatur, & consequenter de parte ad partem transeat. Ergo non datur primum, idest minimum calor.

Tertiodecimo. Alimentum sicut continue in rem aliam conuertitur, ita continue corrumpitur. Ergo in ea parte non erit minima pars corrumpenda, quod ea minor dari non possit.

Quartodecimo. Partes quoad formam sunt eiusdem rationis cum toto. Ergo sicut totum existit, ita & ipsæ existere poterunt.

Quintodecimo. Partes sunt priores toto essentialiter. Ergo eis non repugnat contradictorie posse esse priores toto, diuisione.

Sextodecimo. Qualibet pars habet naturam, vt possit esse eiusdem speciei

in toto. Ergo sicut totum existit, ita & pars existere poterit.

Decimoseptimo. Non datur minimū in motu locali, cum non detur minima magnitudo supra quam fit motus, per Aristot. 8. Phys. Ergo non datur minimum in rebus naturalibus.

Pro resolutione huius quæst. tria faciemus. Primo enim ponemus aliquas obseruationes necessarias ad claritatem quæst. Secundo apponemus duas conclusiones, & eas probabimus. Tercio argumenta diluemus.

Primo ergo explicandi veniunt termini positi in titulo quæst. Primus ergo est (ly in rebus naturalibus.) Res autem naturalis dupliciter dicitur. Primo formaliter, & essentialiter; & sic tantum substantia dicitur res naturalis. Nam natura dicitur de materia, de forma, & de composito ex ijs, quæ sunt substantiæ. Secundo consecutiue, & concomitanter, & sic accidentia necessariò consequentia, substantiam concomitantia, naturalia dicuntur; vnde in præsentī in vtroque sensu accipimus rem naturalem, volentes inferre, quod in composito, & eius partibus, & naturalibus accidentibus datur maximum, & minimum.

Secundus terminus est (ly præcipue in viuētib.) quia in ijs est maior difficultas, quam in non viuētib. Scotus enim in 2. Sent. dist. 2. q. 9. & Ocham d. 8. tenent, quod in inanimatis non datur minimum in homogeneis, i. in ijs quæ sunt eiusdē rationis diuisa, vt sunt aer, aqua, ignis, & terra. Nam quælibet pars aquæ, aqua est, & quælibet pars ignis, ignis est, non sic in atherogeneis, i. in ijs quæ sunt dissimularum partium, quia ver. g. animal diuiditur in carnes, in ossa, & in neruos. Quod autem oporteat dari minimum in atherogeneis concedit Scotus, si sit per se existens, quoniam hoc habet determinatam virtutem, in determinata quantitate. Addunt aliqui, quod in homogeneis non datur maximum, quia quæcūq. parte eis apposita, non est inconueniens, quod augeatur, sed hoc negant in viuētib.

Tertius terminus est (ly maximum, & ly minimum.) Maximum autem cum sit superlatiuum, idem sonat quod ita magnum, vt eo maius esse non possit, & minimum, idem dicit, quod ita paruum, quod

Res naturalis dupliciter dicitur.

Terminus explicatur.

quod eo minus non possit adinueniri. Querimus ergo vtrum in rebus naturalibus substantijs, & accidentibus, vt in quantitate, quæ inseparabiliter comitatur substantiam materialem, & in qualitate, quæ modificat substantiam, secundum S.D. prima secundæ quæst. 49. art. 3. & singulariter in viuientibus, & etiam in non viuientibus, detur maximum, supra quod non possit esse maius, & minimum, sub quo non possit esse minus, tam in ætherogeneis, quam in homogeneis, & hoc in per se existentibus, idest in ijs quæ possunt separata esse a toto in esse, & conseruari.

Opinio-  
nes.

Secundo notandum, quod D.D. in duobus concordat, & in vno discordat. Concordat primo, quod minimum inexistens, idest, quod non habet existere, non datur, nec in homogeneis, nec in ætherogeneis, quia quilibet minima pars inexistens est corporea, & omne corporeum est diuisibile. Concordat secundo, quod in ætherogeneis datur minimum per se existens, idest per se totum, quod si diuidatur, non amplius conseruatur in esse, vt patet in animali; nam si animal diuideretur in plures partes, quia in eo forma sibi determinat tantam quantitatem, pro tali virtute, ideo occumberet, quia eius forma non potest saluari in minori quantitate. Discordant vero, vt dixi supra, quia Scotus tenet non dari maximum, nec minimum, nec in homogeneis, nec in ætherogeneis, si sit inexistens. Si vero sit existens, datur secundum ipsum in ætherogeneis, sed non in homogeneis. At oppositum docent S.D. in 4. dist. 44. quæst. p. art. 3. 2. de Anima textu 45. & p. p. quæst. 7. artic. 3. & ibid. Caiet. Item Capreolus in 2. distin. 19. quæst. 2. art. 3. & Gregorius in primo dist. 11. q. 2. art. 3. Durandus in 2. distin. 18. quæst. p. Auerroës 6. huius, comm. 32. & 99. & de substantia orbis. Seneca in 8. Metaphys. quæst. 3. Ferraricensis hic quæst. 7. & 12. uellus quæst. 19. Quam opinionem asserunt Themistius recepit Theophrastum Aristotelis auditorem, & in eius schola successorem, scilicet, quod datur in rebus naturalibus maximum, & minimum, per se existens in homogeneis, & ætherogeneis, ita vt res sub maiori, vel minori quantitate non possit conseruari.

tertio ergo notandum, quod de rebus naturalibus dupliciter loqui possumus. Primo Physice, idest vt sunt res naturales, habentes determinatam materiam, formam, & accidentia, idest quantitatem, & qualitates. Secundo Mathematicè, scilicet vt tantum sunt quanta, & continua. Si primo modo considerentur, dicimus omnium natura constantem esse determinatam formam, materiam, & quantitatem, vt habet Arist. 2. de Anima. Si secundo modo, nequaquam, quia quantum, vt quantum est, seu vt continuum, est in infinitum diuisibile in potentia. Sed caue ne fallaris, dum dicimus quantum vt quantum non habere maximum, & minimum. Nam omne quantum Physice consideratum, idest vt in rerum natura existit, sub determinata forma reperitur, & ideo semper sibi determinat quantitatem in maximum, & in minimum, vnde loquendo de quanto Mathematicè, non est de eo loqui prout est, sed prout per abstractionem a materia in qua est intelligi potest; nam sic dicitur diuisibile in infinitum, non in actu, quia venit ad vltimum, sed in potentia.

Res naturales  
Physice  
habent  
maximum  
et minimum.

Quarto notandum venit, quod res naturales bifariam considerari possunt. Primo secundum suam naturam tantum, & sic non videtur inconueniens, quod quocunque igne dato magno, si continuo ei apponatur combustibile, quod maior non fiat, & ita si alia aqua addatur aquæ. Secundo in ordine ad naturam vniuersalem, quæ vnicuique rei terminos in esse, & in perfectione statuit, & ita negamus ignem, & aquam posse augeri in infinitum, & exire propriam spheram, subintrando aliam, prout aqua subintraret spheram æris, & ignis, si eleuaretur vsque ad concauum orbis lunæ, & sic tollerentur elementa, & alia magna inconuenientia sequerentur.

Quoad secundum. Prima conclusio est. In rebus naturalibus viuientibus, datur maximum, & minimum. Probatur primo ex Arist. hic in textu 36. dicente, neque sterpes, neque animalia, aut horum partes quantumcunque magnitudinis, aut paruitatis esse posse, quod & de omnibus animantibus affirmat quarto de generatione animalium c. 4. & de omnibus viuientibus 2. de Ani. tex. 41. & 7. Poli. c. 4.

Conclusio  
prima.

Secun-

Secundo probatur rationibus. Prima. Determinata forma, sibi determinat determinatam accidentia. At omnes res habent suas determinatas formas. Ergo & determinata accidentia. Sed quantitas est unum de accidentibus, res naturales consequentibus, ergo erit determinata in maximum, & in minimum. Omnes propositiones sunt notæ. Et vltius maior experientia probatur. Cum appareat hominem non crescere, vt montem, nec euilces, vt boues, nec muschæ, vt aquilæ.

Secundo. Qualibet forma exigit determinatas dispositiones, extra quas non saluatur, per Arist. 2. de Anima textu 24. & Commentatorem libro de substantia orbis. Sed quantitas est prima, & necessaria dispositio materie, ad formam recipiendam, & conseruandam. Ergo erit determinata ad maximum, & minimum.

Tertio. Quis dicit formam Elephantis posse saluari in tam parua quantitate, quantum est grauum milij? Nam si diuidamus partes eius homogeneas, vt carnem in carnem, & neruos in neruos, & ossa in ossa, in minima, & minima quantitate, non solum perueniemus ad quantitatem grani milij, sed etiam ad minorem.

Secunda conclusio est. In rebus inanimatis homogeneis, & ætherogeneis datur maximum, & minimum. Probatur primo. Per Arist. 2. de Gen. dicentē, quod ex minima parte aeris (nota ly minima) produciuntur decem partes ignis, propter eius raritatem. Item primo de Gen. cap. vltimo dicit, mixtionem fieri non posse, nisi miscibilia reducuntur ad minimum; ita vt minimum vnius, tangat minimum alterius, & dat exemplum de grano ordei, quod non potest misceri cum grano frumenti, nisi fiat farina, quæ est minima eius pars. Et de sensu & sensato cap. 6. ait; quod species sensibiles sunt diuisibiles ad diuisionem suppositorum, & in eis deuenitur ad minima, quæ resoluuntur in continentia, vt minimus sapor infusus mari. Quod clarius affirmat primo de Gen. cap. de mixtione exemplificando de gutta vini posita, in mille amphoris aquæ. Item in tempore ponit minimū 4. Phys. id est nunc indiuisibile, & in motu momentum. Et in 8. Phys. tex. 44. affirmat, quod in entibus diuisibilibus deueniendum est ad vnum primum, quod est

minimum indiuisibile, & septimo Polit. cap. 4. arbitratur est, ciuitates debere habere certos limites, adducendo pro ratione, quia eos habent omnia animalia, & plantæ. Hanc sententiam habuit etiam Auerroes 3. Metaph. tex. 17. vbi dixit, minimam partem ignis esse compositā, ex materia, & forma, & minimum calorem, esse terminatum per se. Quod & facit 6. Phys. Comm. 9 & 49. & 8. Phys. tex. 44. & 62.

Secundo principaliter probatur rationibus. Primo. Quale est compositum, tales sunt partes componentes. Sed omne compositum est finitum, & determinatum. Ergo & eius partes Minor est clara. Maior est Comm. primo Phys. tex. 3. 6. & secundo de Anima tex. 42. & probatur, quia ex ijs coalescit.

Secundo. Omnis transmutatio, mixtio, generatio, & corruptio rerum naturalium non fiunt, nisi ad maximum, & minimum reducuntur. Non enim ignis fiet cinis, vel extinguetur, nisi ad minimum sit reductus; nec aqua fiet aer, nec aer ignis, nisi reducatur ad maximam raritatem. Ergo.

Tertio. Demus minimum habens partes in quas vt in minores posse diuidi. Tunc quæro dum in minores diuiditur. Aut corrumpitur, aut non. Si non, est minimum, quia dicimus illud minimum esse, quod sub minori non potest durare. Si corrumpitur. Ergo erat minimum, & sic habemus intentum.

Ad primum dicimus, quod nutritiua suos fines tenet, vltra quos non progreditur, vt conspicimus in omnibus animantibus, quæ cum ad certam quantitatem creuerint, amplius non crescunt. Sed hæc determinata quantitas in indiuisibili non est posita, sed latitudinem habet, vtpatet in Gigantibus in natura humana, & in Oceano in aqua, & per hoc patet ad secundum.

Ad tertium primo negamus Crocodillum semper crescere; nam sic nunquam moreretur, quia alitua resarciret calidum, & humidum radicale, in quibus collocata est vita animatis, & sic perpetuus fieret. Secundo dicitur, quod dato, & non concessio illi semper nutriri, & crescere, tamen non sequitur, quod possit excedere fines sue speciei, in tota sua latitudine

sum-

Argumenta  
soluta  
sunt.

Conclusio  
secunda.

sumptos, unde non fiet maior monte, vel elephante.

Ad quartum dicimus, quod Arist. ibi accusat Anaxagoram ponentem res per sectionem generari. Ait enim, quod cum sectio, & diuisio sit infinita, sequeretur minore carnis, minor posse generari, quod falsum est. Unde argumentum pro nobis facit.

Ad quintum dicimus, quod dato maximam quantitatem viuientis esse quinque cubitorum, si ei addatur cubitus, occumbet, quia excederet suum maximum, sed in quarto gradu viuet, si nondum peruenit ad minimum suam quantitatem.

Ad sextum primo dicitur, quod duplex est corruptio. Prima dicitur naturalis, & ab intrinseco, & hæc alteratio præcedit, ut dispositio ad corruptionem. Secunda dicitur violenta, & hanc non præcedit alteratio successiua, sed subita mutatio. Argumentum procedit de prima. Nos sumus in secunda. Secundo dicitur, quod diuisio partium minimi, virtualiter gerit vices alterationis. Sed quod partes minimi non corrumpantur arguit Scotus, in secundo dist. secunda. q. 9. quia non corrumpuntur nisi in continens. At quod in continens corrumpantur ab extrinseco est, unde eo remoto, & omni corruptiuo externo, non corrumperebuntur. Sed dicitur, quod ab extrinseco corrumpuntur causaliter, scilicet à diuisione, vel continente, vel ab alio corruptiuo, sed formaliter ad intrinsecum terminaretur corruptio, quia sub minori quantitate minima forma stare non potest.

Ad septimum dicitur, quod Philosoph. ex proprijs non loquitur, sed ex sententia illorum, qui omnia diffinebant in respectu, dicentes, omne graue, esse grauius aliquo.

Ad octauum dicimus, quod ibi Philosoph. diffinit quantum Mathematicè consideratum, & non Physicè, quia sic sibi vendicat minimam quantitatem, quod est quod S. D. docet.

Ad nonum aliqui dicunt primo, ibi Philosoph. arguere ex concessis ab his, qui dicebant augmentum esse ab igne, & ignem posse augeri in infinitum, apponendo ei nouum combustibile. Arguit ergo, quod sic possit dari augmentum ignis in infinitum, & ita non omnium natura constantiu

esset determinata quantitas. Secundo dicitur, quod Arist. ibi loquitur de vno igne per aggregationem, prout etiam acceruius lapidum ex infinita lapidum appositione posset fieri infinitus. Nos autem damus maximum, & minimum in vno simpliciter: Sed tertio dicitur, quod etiam ignis habet determinatam magnitudinem secundum suam naturam, & in ordine ad causam vniuersalem, & ideo & si videatur posse comburere omne combustibile, non tamen hoc est verum in ordine ad naturam vniuersalem, quæ vnicuique suos fines posuit, & per hoc patet ad decimum.

Ad vndecimum dicitur, quod illa transfusio est intra latitudinem quantitatis animalis percussu, nam si extra eam esset, animal corrumperebatur.

Ad duodecimum dicitur, quod data minima parte materiae suscipientis calorem ea non potest dari minor, in eadem tamen posset suscipi calor, quia indiuisibiliter susciperetur, prout affirmat Philosoph. 8. Phys. tex. 21. dum dicit, quod conuatio, & scissio lapidis fit tota simul; & quamuis alteratio sit motus continuus, in materia habente gradus per partes, tamen quia in minimo non sunt partes in actu, ideo secundum eas non susciperetur partibiliter. Sed & possumus dicere, quod in minimo in instanti introduceretur, sed successiue intenderetur, nam esset in vltima dispositione ex sua paruitate ad calorem, sed non perfectum.

Ad tertiumdecimum dicendum, quod potest dari minima pars corruptenda, postquam non erit viuens.

Ad quartumdecimum negatur, quod partes sint eiusdem formæ cum toto. Sunt equidem eiusdem generis, sed non eiusdem formæ, & dispositionis, quia in toto vniuntur, & habent subsistentiam totius, sed quia secundum se non subsistunt, ideo non conseruantur.

Ad quintumdecimum dicitur, quod partes sunt priores toto causaliter; Sed totum est prius partibus formaliter, & quo ad subsistentiam.

Ad decimum sextum dicitur, quod aliud est quod pars fit eiusdem naturæ cum toto, & aliud quod habeat id omne, quo à toto sibi vendicat, ut est subsistere. Primum est verum, & secundum falsum.

Ad



Ad decimum septimum dicendum, quod in motu non datur minimum respectu magnitudinis supra quam sit, si consideretur Mathematicè, sed l-hylice vtique.

## QVÆSTIO.

*Vtrum totum distinguatur realiter à suis partibus.*

Hanc quæstionem habes in septimo Metaph. quæst. 22.

## CAPVT V.

## LECTIO XIV.

## S. D. X.

*Omnes igitur contraria principia faciunt, & cap. 42. &c.*

**P**ostquam Phylol. longa digressionem contra antiquos de principijs rerum naturalium disputauit, hic intendit veritatem secundum propriam sententiam manifestare, incipiendo à contrarietate primorum principiorum.

*Principia rerum naturalium sunt contraria*  
Primo ergo ponit hanc conclusionem. Omnes cōtraria principia faciunt. Hanc dupliciter probat. Primo ex communi antiquorum sensu, vt sic formetur ratio. Illud est communiter tenendum, cui omnes assentiunt. Sed huic principio, quod principia sint contraria omnes ei assentiunt. Ergo prima principia sunt cōtraria. Minorem probat discurrendo per opiniones Antiquorum. Nam Parmenides & Melissus, qui innaturaliter sunt locuti ponentes vnum principium, & hoc immobile secundum veritatem, secundum existimationem tamen hominum, & secundum sensum posuerunt plura principia contraria, scilicet calidum, & frigidū. Ita qui naturaliter sunt locuti. Alij posuerunt rarum, & densum principia naturalium. Alij vacuum, & plenum, vacuum, & inane, & alij rectum, & circulare, quæ omnia opponuntur. Secundo hoc probat Arist. probabili, sed non demonstratiua ratione sic. De ratione primorum principiorum tria sunt. Primum, quod non sint ex alijs; Secundum, quod non sint

ex alterutris, idest vnum non fiat ex alio, & tertium, quod omnia alia sint ex ipsis. Sed hæc tria cōueniunt principijs rerum naturalium. Ergo &c. Minorem infra probabit. Maiorem autem hic sic ostendit. Nam quod prima principia non sint ex alijs patet, quia sunt prima principia. Ergo ex alijs prioribus esse non possunt. Item probat quod non sint ex alterutris, quia contrariū non fit ex contrario, verbi gratia, calidum non fit ex frigido. Tertium probat, scilicet, quod omnia sunt ex ipsis. Propterea quod in omni mutatione, & motu terminus à quo, & terminus ad quem sunt contrarij. Sed quodlibet fit ex suo termino contrario per se, & à quo, nam album non fit ex nigro, nisi per accidens, inquantū accidit quod nigrum, ex quo per se fit, sit musicum. Tandem Phylol. ostendit conuenientiam, & disconuenientiam in assignatione principiorum, quæ res parum refert.

*Dubia circa supradicta.*

**A**ccidit autem primum dubium hic, Quomodo antiqui potuerint figuræ facere contrarias, vt circulare, recto, vt eis impouit Phylol. Nam quantitati nihil est contrarium, ex cap. de quantitate in prædicamentis. Figuræ sunt quantitates. Ergo non possunt esse contrarie.

Secundo. Aristot. de Cælo, & mundo voluit figuræ circulari nihil esse contrarium. Ergo male in hoc assensit Antiquis, dicendo circulare esse contrarium recto.

Secundo dubitatur circa condiciones contrariorum principiorum. Nam non videntur realiter assignatæ à Phylol. Primo, quia inquit, quodlibet fieri ex suo contrario, huic autem obstat, quod contrarium corrumpit contrarium, & non illud facit.

Secundo. Quia secunda conditio videtur cum tertia pugnare. Nam in secunda conditione dixit, quod contraria non sunt ex alterutris, idest, vnum contrarium non fit ex altero, in tertia autem affirmauit, quod omnia sint ex ipsis. Nam hæc simul non stant, quod omnia fiant ex contrarijs, & quod vnum contrarium non fiat ex alio.

A primū dubium respondent aliqui duplicem esse contrarietatem. Prima dicitur secundum famositatem, seu secundum commune n exstimationem. Secunda dicitur secundum veritatem. Adjunt duplicem esse contrarietatem secundum veritatem. Primum nuncupant perfectam, propterea quod gaudet perfectis conditionibus veræ contrarietatis. Secunda n vocant imperfectam, & privativam, prout minus perfectum dicitur contrarium magis perfecto, quia ipsum privat tali perfectione. His stantibus respondent, quod quantitati nihil est contrariū veræ, & perfectæ contrarietate, quia talis contrarietas itat inter formas positivas, activas, actu existentes, & se expellentes ab eodem subiecto: non tamen inconuenit, quod vna quantitas sit alteri contraria contrarietate priuatiua, cum vna sit altera nobilior, & talis cōtrarietas repetitur in omnibus prædicamentis. Sed quis poterit dicere, hic Phylol. loqui secundum placita Antiquorum, prout faciebant ad suum propositum, non curando ea examinare, vt extra proprium locum, & per hoc patet ad secundum.

Ad secundum dubium principale, & si raulte possit adduci responsiones, prout nunc tamen sufficiat veriores recensere. Quod ergo vnum contrarium non fiat ex alio dupliciter potest intelligi. Primo per translationem formalem, vt sit sensus. Caliditas sit frigiditas. Secundo secundum terminum a quo, vt sit sensus. Calidum v. g. sit ex frigido tanquam ex termino a quo, id est calidū incipit transmutari a frigido. Primum non est intentum, sed secundum. Secundo respondetur, quod vnum contrarium fiat ex alio bifariam potest intelligi. Primo in abstracto, & intransitive. v. g. caliditas sit frigiditas. Secundo in concreto, & subiectiue, annuendo quod subiectū successiue tranfit de contrario in contrarium, vt manus de frigiditate, ad caliditatem. Primo ergo modo vnum contrarium non fit ex alio. Secundo vero modo utiq. prout experientia docet. Tertio respondetur, quod ly ex contrario, non significat causam materiam, vel effectiuam, sed denotat ordinem, vt sit sensus. Vnum contrarium fit ex alio, id est post aliud, vt frigidum sit post calidum, dies post noctem, & meri-

dies post mane. Et per has responsiones patet ad primum.

Ad secundum dicimus, quod conditiones assignatæ non opponuntur, quia dum asserit Philosophus rem fieri ex suo contrario, intelligit tamquam ex termino a quo, vel yty ex, notat ordinem, vel vt dicit expulsionem a subiecto. At ego dicerem, quod hæc adiunice non pagnant, quod contraria non fiant ex alterutris, & quod omnia fiant ex ipsis, quia duo sunt de ratione contrariorum. Primum, quod sint contraria, & sic in eo in quo sunt contraria, vnum non fit ex alio. Secundum est, quod sint principia, & sic habent quod illud quod generatur ex contrarijs, fiat contrarietate priuatiua, quia domus v. g. non fit ex domo, sed ex non domo. Erit ergo verum dictum Phylol. respectu tertij, ex contrarijs fiendi, non autem respectu contrariorum, adiunice comparatorum.

## LECTIO XV.

### ET QVÆSTIO X.

*Vtrum prima Principia rerum sint prima contraria.*

Videtur quod non. Nam prima principia non sunt ex alijs, vt hic asserit Phylol. Sed prima contraria sunt ex alijs, quia prima contraria continentur sub genere a quo sunt. Nam distinguuntur quod sunt duæ formæ sub eodem genere &c.

Secundo. Prima principia rerum sunt materia, & forma, quæ sunt substantiæ. Sed substantiæ nihil est contrarium per Phylol. lib. de prædicamentis cap. de substantia.

Tertio. Cælum est ens naturale. Sed cælum non est ex contrarijs, aliter esset corruptibile, nam omne compositum ex contrarijs, naturaliter est corruptibile. Ergo.

Quarto. Principia magent in re composita. At contraria non possunt esse in eodem.

Quinto. Ad generationem rei sufficit principium formale actiuum, quod est forma, & passiuum, quod est materia. Sed materia, & forma non sunt contraria, cum vnum contrarium non sit perfectio alte-

alterius, & forma sit perfectio materię .  
Ergo.

Sexto . Priuatio est vnum principium contrariorum, per Aristot. Sed priuatio nihil est. Ergo non potest esse principium.

Septimo . Vel ly ex significat terminum a quo, vel partem componentem. Si primum, vnum contrarium sit ex altero, vt a termino a quo, vt forma ex priuatione. Si secundum priuatio non est principium, cum non sit pars compositi.

Octauo . Forma equi sit ex materia, cum educatur ex eius potentia, & ex priuatione, cum generatio sit a priuatione formę ad formam ipsam. Ergo.

Nono . Vel hic distinguuntur principia vniuersalia in vniuersali, vel singularia in singulari; Non secundum, cum singularia non intrent compositionem omnium rerum. Si primum, ratio vniuersalis secundario conuenit singularibus. At hæc ratio principiorum, quod omnia fiunt ex ipsis non conuenit principijs singularibus, non enim ex materia, forma, & priuatione Sortis, omnia alia fiunt. Ergo.

Decimo . Probat quod prima contraria, non sint rerum naturalium principia. Nam prima contraria sunt quatuor primę qualitates, scilicet calidum, frigidum, humidum, & siccum. At ex ijs res naturales non fiunt. Ergo.

Vndecimo . In omni genere datur vna prima contrarietas, per Arist. tex. 50. & 56. Ergo etiam in generibus accidentiũ. Sed res naturales non fiunt ex accidentibus. Ergo res naturales non sunt ex contrarijs.

Duodecimo . Forma substantialis in communi sumpta, ita & priuatio in communi accepta, priora sunt forma substantiali, & priuatione formę substantialis, ex quibus res naturales generantur. Ergo prima contraria hic ab Arist. posita, scilicet forma substantialis, & priuatio eiusdę formę, non sunt prima principia.

*Principium in plus se habet q̃ causa.* Pro resolutione huius quæst. Primo notandum venit, quod principium secundum Ari. 5. Metaph. est illud ex quo primo res fit, si est principium essendi, vel primo ex quo res cognoscitur, si est principium cognoscendi, ideo in plus se habet quam causa. Nam causa dicitur dare esse, & distingui realiter ab effectu. Principium vero dicit ordinem, & præscindit

a dare esse, & ideo priuatio dicitur principium rerum naturalium, & non causa. Apud Græcos tamen sæpe pro eodem sumuntur.

Secundo notandum, quod principia res sunt in duplici differentia. Quædam enim sunt extrinseca, vt efficiens, & finis. Alia vero sunt intrinseca, vt materia, forma & priuatio, & de ijs tantum loquimur hic.

Tertio notandum, quod principia intrinseca adhuc sunt in duplici differentia. Quædam enim dicuntur principia in esse, & in fieri, quia concurrunt ad transformationem, & generationem rei, & etiam manent in se genita, & transmutata, & hæc sunt materia, & forma. Quodam vero vocatur principium intrinsecum transmutatiuum in fieri, quia necessario concurrens ad transformationem, sed non in esse, quia non manet in re transmutata, & tale est priuatio, cum nihil generetur ex præexistente, sed ex non præexistente. Non enim homo fit homo, dum est homo, sed ex non homine, fit homo.

Quarto notandum circa quartam conditionem contrariorum, scilicet quod contraria non sint ex alijs hoc bisariam posse intelligi. Primo quod non sint ex alijs principijs quomodolibet nec Metaphysicis, vt est Deus, & transcendentia, nec Logicis, vt sunt genus, & differentia. Secundo quod non sint ex alijs principijs Physicis, scilicet quod prima materia non sit ex alia materia, & forma ex alia forma, & priuatio ex alia priuatione, & in hoc sensu loquitur Physicoph. & non in primo.

Quinto notandum, quod principia sint contraria dupliciter potest intelligi. Primo contrarietate positiua, & Physica, quæ est inter duas formas, actiuas, inuicem expellentes ab eodem subiecto. Secundo contrarietate priuatiua, quæ reperitur inter habitum, & priuationem, & inter magis perfectum, & minus perfectum, prout minus perfectum, potest aliquo modo dici priuatio magis perfecti. Albertus primo modo intelligit principia rerum naturalium esse contraria, sed nos defendimus hanc contrarietatem esse secundum modo, quia contrarietas repetita in principijs rerum naturalium, stat inter priuationem, & formam.

Sexto notandum est, quod omnes illae tres conditiones recte sunt assignatae primis principijs naturalis transmutationis. Nam per hoc quod principia non sunt ex alterutris exclusimus elementa, & alia composita, quae ex se vicissim fieri solent. Per hoc vero quod non sunt ex alijs, & omnia sint ex ipsis excluduntur ea, quae compositionem ex materia, & forma non admittunt, ut sunt substantiae separatae, figurae, & alia similia.

Quo ad secundum principale. Prima conclusio est. Prima principia sunt contraria. Vide probationes supra.

Secunda conclusio. Haec contrarietas est priuatiua. Probatur ut supra.

Argu-  
mentis  
solum-  
tur.

Ad primum iam dictum est, quod principia rerum naturalium non sunt ex alijs principijs Physicis, non negando de Metaphysicis, & Logicis. Secundo respondent alijs, quod alio modo genus est principium contrarium, & alio modo materia, forma, & priuatio sunt principia rerum. Genus enim est veluti principium formale participationis, & definitionis formarum contrarium. Materia autem &c. sunt principia naturalis transmutationis, & de his tantum principijs, loquutus est hic Philosophus. Sed & tertio dicitur, quod priuatio, & forma ut opponuntur priuatiue in nullo sunt genere determinate, & secundum causalitatem, sed omne genus circumscribitur, quia in quolibet genere sunt contraria priuatiue.

Ad secundum respondetur, quod substantia non est substantiae contraria positiue, sed bene priuatiue, ea contrarietate, quae contrariatur magis perfectum, & minus perfectum. Nam haec contrarietas in omni praedicatione reperitur. Sed & secundo dicitur, quod substantia ut substantia non est substantiae contraria, sed bene ut est affecta his, vel alijs qualitatibus contrarijs.

Ad tertium dicitur primo, quod propositio Philof. verificatur de re naturali per generationem naturalem producta, reducendo nempe successiue materiam de pura potentia ad perfectum actum, modo caelum non est productum per generationem, sed per simplicem emanationem seu dicamus creationem. Secundo respondent alijs propositionem Philof. solum valere de re transmutabili, &

corruptibili, non autem de intransmutabili, & incorruptibili, ut est caelum. Tercio respondent alijs, quod & si in caelo non sint diuersa principia intrinseca contraria, cum forma caliditatem appetitum eius materiae satiet, tamen in eo sunt diuersa principia extrinseca, id est diuersa vbi, quia aliquando caelum est in oriente, aliquando in meridie, &c. Vel tandem quarto dicas, quod in caelo sunt principia naturalia, ut sunt rei naturalis in esse constitutiuum, scilicet materia, & forma, & priuatio alterius formae, sine potentia tamen ad aliam formam, unde in eo non sunt haec principia, ut sunt in transmutatione.

Ad quartum dictum est, quod principia essendi scilicet materia, & forma manent in re facta non autem priuatio, quae est principium tantum in fieri, seu in transmutari.

Ad quintum negatur maior, scilicet quod ad generationem rei sufficiant principium actiuum, & passiuum nam adhuc requiritur, quod materia sit priuata forma introducenda, aliter non fieret generatio, sed facta esse intelligeretur. Minorem omnes admittunt praeter Aquarium hic in additionibus ad quaestio. Ferrariensis sibi, sustinet enim materiam, & formam esse contraria, & ad rationem respondet, quod contraria sunt in duplici differentia. Quaedam enim sunt prima id est caliditas, frigiditas, siccitas, & humiditas, & alia sunt secunda, ut dulce, amarum, & similia. Item subdit quod duplex est contrarietas. Prima dicitur positiua, vel negatiua, alia talis quod habet tres conditiones assignatas hic à Philof. primis principijs, modo inquit quod materia, & forma contrariantur secundo modo, & si non primo modo, quod dupliciter probat primo. Quia materia non est ex alia materia, neque ex forma, & omnia quae sunt sunt ex ipsa. Secundo quia per Aristotelem si vnum contrarium fuisse in rerum naturam oportet & aliud esse. Ergo si forma est, materia quoque erit. Sed certe haec opinio sicut longe distat à comuni sententia, ita est Arist. contraria, qui non excogitauit talem contrarietatem, & semper affirmauit contrarietatem principiorum naturalium stare inter formam, & priuationem. Ad primam ergo eius rationem dicitur, quod ex materia

non

non est compositum, vt ex contrario, sed vt ex subiecto contrariorum. Ad secundum patet, quod Arist. loquebatur de contrarietate positiua, & nos loquimur de priuatiua.

Ad sextum dicimus, quod priuatio connotatiue importat proximam potentiam ad hoc, vt materia suscipiat formam.

Ad septimum dicitur, quod (ly ex) vtrumque significat, scilicet terminum a quo, & partem componentem, sed diuersimode. Nam ratione priuationis significat terminum a quo, ac ratione partis componentis significat materiam.

Ad octauum dicitur, quod forma equi non fit ex materia, sed deducitur ex eius potentia, virtute agentis, vnde materia remanet materia, & forma fit eius actus. Ex priuatione autem fit tanquam ex termino a quo, vt ly ex non significat partem componentem, sed ordinem, id est forma fit actus materię illa forma priuatę.

Ad nonum dicitur, quod principia hic sumuntur primo vt sunt communia, & secundo vt sunt singularia huius, vel alterius rei naturalis, nec opus est tunc quod vt singularia sunt omnia fiant ex ipsis, hæc enim adea vt vniuersalia sunt spectant, sed quod singularia sint ex illis.

Ad decimū primo dicitur, quod quatuor primę qualitates sunt positiue contrarię. At nos hic loquimur de contrarietate priuatiua, quę stat inter formam, & eius priuationem.

Ad vndecimum dicitur, quod in omni genere datur vna contrarietas Logica, quę fit per oppositas differentias, ex Aristot. 10. Metaph. tex. 23. Nos autem hic loquimur de contrarietate Physica, quę est in transmutatione, immo omnis contrarietas accidentium reducitur ad contrarietatem priuatiuam Physicam, id est in esse, quia vna species alteri comparata est ea perfectior, vel imperfectior.

Ad duodecimum dicitur, quod illa prioritas est secundum predicationem, nos autem hic loquimur de prioritatem in generatione, & productione reali rei naturalis.

## CAPVT VL

## LECTIO XVI.

S. D. vndecima.

*Consequens vero est vt dicamus, vtrum sint duo, aut tria. Tex. 30.*

**O**stenso quod principia sunt contraria, incipit Phylol. determinare de numero principiorum. A textu ergo 30. vsq. ad 35. ex textibus quattuor conclusiones habemus, cū suis probationibus.

Prima ergo conclusio est. Principia rerum naturalium non sunt vnum tantum. Probatur. Principia rerum naturalium sunt contraria vt supra ostensum est. Sed vnum non sibi ipsi contrariatur. Ergo vnum tantum non est principium rerum.

Secunda conclusio est. Principia rerum naturalium non sunt infinita. Probatur quadrupliciter. Primo. Ignoratis principijs, ignoratur id quod est ex principijs. Si ergo principia rerum naturalium sunt infinita, cum infinitum sit ignotū, sequitur quod nulla res naturalis sit scibilis.

Secundo. In quolibet genere est tantum vna prima contrarietas. Sed hæc nō stat nisi inter duas differentias diuidentes idem genus. Ergo principia rerum non erunt infinita.

Tertio. Frustra fit per plura, quod æque bene potest fieri per pauciora. Sed melius res naturales fiunt per principia finita, quam per infinita, vnde infra probabimus, quod tantum sint tria. Ergo. Et hinc est quod Empedocles melius dixit assignando rebus principia finita, quam Anaxagoras, qui ea fecit infinita. Quarto. Prima principia sunt prima contraria. Ergo si principia sunt infinita, omnia principia erunt prima contraria. Sed hoc est falsum, cum dentur secunda contraria, ex primis composita.

Tertia conclusio est. Hęc principia nō sunt duo tantum. Probatur tripliciter. Primo. Contrarium in abstracto sumptū non transmutatur in aliud contrarium abstractum v. g. caliditas non fit frigiditas. Sed contraria debent fieri circa idem succēssive, sicut caliditas, & frigiditas fiunt.

sunt circa eandem materiam. Ergo eis subijciendum est aliud principium, in quo vnum alteri succedat.

Secundo. Si duo tantum sunt principia rerum, & hæc sunt contraria. Igitur substantia erit posterior accidentibus. Nam contraria sunt accidentia. Ergo ad inueniendum est tertium principium, quod sit substantia, idest materia.

Tertio. Probat autem veritate antiquorum, qui hanc vnam tertiam naturam posuerunt, inter quos melius dixerunt, qui medium quoddam inter aere n, & aquam fecerunt, quia qui extrema constituerunt, idest ignem, & terram.

*Sed tria*

Quarta conclusio est. Principia rerum non sunt plura tribus. Probatur primo. Quia sufficit quod in generatione vnum sit principium passivum, & aliud actiuum, quod incipiat a priuatione. Ergo materia quæ est principium passivum, & forma quæ est principium actiuum, & priuatio quæ est principium vt a quo, sufficient ad generationem cuiuslibet rei naturalis.

Secundo probatur. Quia si essent plura tribus, essent plures primæ contrarietates. Hoc falsum vt supra. Ergo.

Circa supradicta autem primo notandum venit circa primam rationem, quod duplex est contrarietas. Prima dicitur positiva, & realis, & hæc reperitur inter duas formas reales, mutuo se expellentes ab eodem subiecto. Secunda dicitur rationis, vt esse dextrum, & sinistrum respectu sedis, cui secundum diuersas rationes possunt eidem cōuenire. De prima autem loquutus est Aristot. & non de secunda, quia prima facit ad generationem.

Secundo notandum circa illam propositionem. Frustra fit per plura quod potest fieri per pauciora, addendum est, & æque bene. Hoc autem prouenit, quia natura abhorret superfluum.

#### D V B I A.

**S**ed contra supradicta dubitatur. Et primo contra id quod dixit Phylsophus. In quolibet genere esse vnam primam contrarietatem. Nam contra arguitur. In eodem genere sunt multe contrarietates, verbi gratia, in genere substantiæ

corporeum, & incorporeum, sensitiuum, & non sensitiuum, rationale, & irrationale, & sic discurrendo per alia genera. Ergo in eodem genere sunt plures contrarietates.

Secundo dubitatur, circa id, quod supponit, scilicet. Principia semper manere. Nam contra stat, quod principia rerum naturalium sunt contraria. Sed contraria non possunt in eodem simul manere. Ergo principia non semper manent. Omnes propositiones sunt Phylsophi.

Tertio dubitatur circa aliud eius dictum, idest, quod si non supponeretur contrariis tertia natura, sequeretur, quod principia non essent accidentia, & substantia ipsa esset posterior. Nam contra. Forma substantialis, & priuatio in generatione substantiali non sunt accidentia, & tamen sunt contraria. Ergo falsum est dictum Phylsophi. quod omnia contraria sint accidentia.

Quarto dubitatur circa alteram propositionem. Quod duabus contrarietatibus eadem natura non subijcitur, vnde necessarium est, vt detur vna natura ipsi subiecta. Contra. Idem subiectum multis contrarietatibus subijcitur, verbi gratia, eadem manus subijcitur caliditati, & frigiditati, albedini, & nigredini. Igitur eadem natura pluribus contrarietatibus subijcitur.

Quintum dubium oritur circa id quod Phylsophus annuit, quod principia contraria differunt genere, sed secundum prius, & posterius. Nam contra. Quodlibet prædicamentum habet distincta principia genere. Ergo principia non solum differunt secundum prius, & posterius, sed etiam genere.

Ad primum dubium. Primo responderi potest, quod de contrarietate dupliciter loqui cōtingit. Primo de generica. Secundo de specifica. Dicitur ergo est, quod vna est contrarietas generica, sub qua multe specificæ continentur. Aristot. autem solum genericas negauit. Argumentum vero de specificis procedit. Secundo respondetur, quod Phylsophus hic loquitur de contrarietate priuatiua, & non depositiua, in quolibet autem prædicamento est tantum vna contrarietas priuatiua, verbi gratia substantiæ, & non substantiæ, corporis, non corporis. Sed  
melius



melius videtur dicendum, Phylos. hic non loqui de omni contrarietate reperi-  
ta, vel reperiibili in omni prædicamento,  
sed solum de primo vt annuit S.D. & hæc  
reperitur in prædicamento substantiæ.

Ad secundum dubium, omittis quibus-  
dam responsionibus falsis in doctrina D.  
Tho. Primo respondet Aegidius, quod  
materia, forma, & priuatio, dupliciter  
considerari possunt. Primo in communi.  
Secundo in particulari, scilicet pro hac  
vel illa priuatione, pro hac, vel illa ma-  
teria, & forma, tunc dicit, quod princi-  
pia communia, de quibus Phylos. loquitur  
semper manent: nõ autem si in par-  
ticulari samantur. Sed instat Iacellus cõ-  
tra hanc responsionem, quod hæc perma-  
nentia non est realis, de qua loquitur  
Phylosoph. sed rationis, quæ longe est à  
scientiâ hac reali. Respondet ergo ipse,  
quod prima principia dicuntur semper  
manere, prout non sunt ex prioribus  
principijs contrarijs, quia prima mate-  
ria non fit ex alia materia, ita prima for-  
ma, & prima priuatio, & hoc ad differen-  
tiam secundorum cõtrariorum, quæ sũt  
ex prioribus, & primis contrarijs. Sed  
dicere possumus, quod duo sunt de ra-  
tione principiorum, scilicet & quod sint  
principia, & quod sint contraria. Vt prin-  
cipia ergo semper manent, loquendo de  
principijs in esse, & fieri, ex quibus co-  
alescit compositum: principia autẽ om-  
nia quæ sunt in fieri non semper manẽt,  
quia priuatio definit: quod principia ha-  
bent vt contraria sunt.

Ad tertium dicitur, quod hæc propo-  
sitiõ. Omnia contrariâ sunt accidentia,  
simpliciter non est vera, sed apud illos  
tantum contra quos Phylos. disputabat.  
Nã apud Antiquos increbuerat opinio,  
quod omnes formæ essent accidentia, vt  
patet ex primo de generatione. Non est  
ergo, propositio assumenda, vt de mente  
Arist. absolute, sed vt ex suppositis An-  
tiquorum assumpta. Veritas tamen est,  
quod contraria propria, & positiue sunt  
qualitates, & accidentia, non autem con-  
traria communiter, & priuatiue, vt con-  
trariantur forma substantialis, & priuatio.

Ad quartum dicendum, quod Phylos.  
loquitur de primis contrarijs, vnde si es-  
sent quatuor prima contraria, qua ratio-  
ne duo prima sibi vendicarent tertiam

naturam subiectam, eadem ratione, &  
duo alia hoc sibi arrogarent, non enim  
esset maior ratio de duobus, quã de alijs.  
Veritas tamen stat, quod subiectum sub-  
sistens potest pluribus contrarijs subijci  
successiue, sed non simul.

At vltimum dicendum, quod Phylos.  
non loquitur de quibuscũque principijs  
cuiuslibet generis, sed de ijs quæ sunt de  
prædicamento substantiæ, in quo sunt  
multæ contrarietates, sed vna prima re-  
spectu cuius alia dicitur secundũ prius,  
ac posterius. Hæc autem dubia ex forma-  
litate textuum ab alijs deducta, assump-  
ta sunt.

## LECTIO XVII. &amp; XVIII.

## QVÆSTIO XI.

*Vtrum tria sint principia rerum natura-  
lium, scilicet materia, forma,  
& priuatio.*

**V**idetur quod non. Nam ad genera-  
tionem rerum naturalium concu-  
runt causa effectiua, & finalis. Ergo non  
erunt tantum tria principia rerum na-  
turalium.

Secundo. Non minus in generatione  
necessarium est, quod forma rei corrup-  
pendæ recedat, quam quod in aduentu  
nouæ formæ, priuatio ad sit. Quia, si illa  
forma prior non abesset, generatio non  
fieret. Ergo quatuor sunt principia, sci-  
licet forma recedens, forma succedens,  
materia, & priuatio.

Tertio. Forma non introducit nisi  
in materia disposita. Ergo vltra materiã,  
formam, & priuationem, requiritur dis-  
positio materiæ.

Quarto. Generatio per se terminatur  
ad compositum. Ergo non per se, sed con-  
sequatiue terminatur ad formam. Ergo  
forma non erit principium per se.

Quinto. Omnes mutationes recipiunt  
speciem à termino ad quem, & non à  
termino à quo, vt est priuatio. Ergo pri-  
uatio deficit à numero principiorum re-  
rum naturalium.

Sexto. In creatione Adam, fuerit ma-  
teria, forma, & priuatio, & tamen Adam  
non fuit per generationem productus.  
Ergo male dicitur, quod tantum in gene-  
ratione

ratione rerum naturalium hæc tria principia concurrant.

Septimo. In alijs mutationibus naturalibus quatuor sunt principia. Ergo & in generatione. Consequenter nota, quoniam mutationes in mutatione conueniunt. Antecedens ostenditur. Nam dum aliquid mutatur dealbedine in nigredinem, ibi est subiectum, quod mutatur, est ibi terminus ad quem, scilicet nigrum, est ibi non nigrum, cum mutatur de non nigro in nigrum, est etiam ibi album, quia mutatur ex albo in nigrum. Ergo quatuor sunt principia.

Octauo. Ex principiis omnia sunt. Sed ex materia, forma, & priuatione non omnia sunt, quia accidentia non sunt composita ex materia, & forma, cum materia, & forma sint substantiæ.

Nono. Eadem sunt principia essendi, & cognoscendi. Sed materia, & priuatio non sunt principia cognoscendi, cum secundum se sint minimæ cognoscibilitatis, per Aristot. secundo Metaph. Ergo nec etiam sunt principia essendi.

In contrarium est Philof. in præfenti loco, & quoniam conclusio affirmatiua, scilicet quod tantum tria sint principia rerum naturalium, & non plura, neque pauciora, in superioribus est probata, ideo transeo ad solutionem argumentorum.

*Argumētum sol-  
uunt.* Ad primum ergo dicendum, quod principia rerum naturalium; Quædam sunt intrinseca, ut materia, & forma, & etiam priuatio in fieri; Alia sunt extrinseca, scilicet finis, exemplar, & efficiens. De primis autem tantum hic loquitur Philof. quoniam ex ijs res ab intrinseco fit; In secundo autem loquitur de causis.

Ad secundum dicendum, quod priuatio formæ generandæ dicit formam corrumpendam, quia materia non potest existere sine forma, vnde dum vna expoliatur, alteram induit. Forma ergo corrumpenda non ponitur principium rerum naturalium, quia nihil facit ad generationem, nec positue, cum ex ea res naturalis non fiat, nec negatiue, nisi ratione priuationis.

Ad tertium dicendum, quod dum ponimus tria esse principia rerum naturalium, ea esse affirmamus principia, cum

suis requisitis. Modo de ratione materiæ est, quod sit disposita ad formam, & quod respectu multorum sit disposita per rationes seminales, & ita forma ponitur principium ut habet actuare, perficere, & mouere; vnde ista ponuntur principia rerum, ut suis circumstantiis, & rationibus sunt circumstantionata, & non absolute.

At quartum dicendum ad maiorem, quod duplex est terminus generationis. Primus dicitur quo, quia eo mediâte generatio terminatur, & talis est forma, quæ ideo ponitur principium generationis. Secundus dicitur quod, id est ultimus, & hoc non est principium, sed terminus generationis, & dicitur compositum.

Ad quintum dicendum, quod aliud est considerare rem, ut sit, & aliud ut facta, dicitur esse talis naturæ. Primo enim modo consideratur secundum principia ex quibus est, quæ consideratio vocatur materialis, & fundamentalis, ut dum domum considero quo ad eam componentia. Secundo vero modo consideratur ex termino, ex quo habet, quod formaliter talis dicatur, ut quod domus sit alba ex albedine, & quadrata ex quadratura. Primo autem modo hic Aristot. considerat res naturales.

At sextum dicendum, quod generatio dupliciter considerari potest. Primo formaliter, & intrinsece quo ad necessaria ad eam ab intrinseco, scilicet quo ad materiam, formam, & priuationem, & sic creatio adæ dicitur generatio, quoniam in ea omnia reperta sunt, quæ in singulari generatione inueniuntur. Secundo extrinsece, & quo ad causam extrinsecam, & sic non dicitur generatio facta per deificationem seminis a generante. Sed hoc est per accidens, & extra intentionem principiorum intrinsecorum rerum naturalium.

Ad septimum dicendum, quod forma sit ex contrario, ut album ex nigro, stat dupliciter. Primo ex contrario priuatiuo, & hoc semper necessarium est in generatione, scilicet quod forma introducatur in materia, ea forma priuata. Secundo ex contrario positiuo, scilicet quod album id est subiectum fiat ex nigro, id est post nigrum, & calidum, post frigidum, & hoc non est necessarium in generatione.

ne, sed in motu, qui est de contrario positio, in contrarium positum, unde non valet arguere ab ijs quæ motui conueniunt ad generationem, cum sint diuersæ mutationes.

Ad octauum aliqui negant accidentia generari dicentes hoc esse proprium compositi substantialis. Sed dicere possumus, quod sicut ad compositum substantiale requiruntur materia, forma, & priuatio formæ substantialis, ita ad compositum accidentale, requiritur subiectum tantum materia, & forma accidentalis, & priuatio talis formæ accidentalis, & ideo propositio Philof. potest extendi ad generationem accidentalem.

Ad nonum dicendum ad maiorem, quod eadem sunt principia essendi, & cognoscendi secundum se, sed ratione nostri propositio non est vniuersaliter vera, quia substantiæ separatæ sunt principia essendi, sed non cognoscendi respectu nostri, cum cognoscantur per effectus. Secundo dicere possumus, quod eo modo quo res sunt principia essendi, eo etiam modo sunt principia cognoscendi, & quia priuatio est principium per accidens ideo causat cognitionem rei, quoad id quod ei conuenit per accidens, & quia materia est principium essendi, ut stat sub forma, ideo hoc modo fit etiam principium cognoscendi. Tertio dicitur, quod maior valet de principijs essendi, quæ sunt in actu cum actus sit principium cognitionis, materia autem & priuatio non sunt entia realia in actu, & ideo in ijs fallit.

## QVÆSTIO XII.

*Vnum ex materia, & forma fit vnum per se.*

Videtur quod non, primo. Nam aut ex materia, & forma fit vnum per se, per aliquod medium, aut sine medio. Si per medium, hoc esset accidens, & sic fieret etiam per accedens. Si sine medio, hoc videtur inconueniens, cum necessaria sit dispositio ad hoc ut materia formam suscipiat, & etiam quia sic posset materia recipere formam sine quantitate, quod falsum est, cum res materiales habeant partes per quantitatem.

Secundo. Subiectum, & accidens se ha-

bent ut materia, & forma. Sed ex ijs non fit vnum per se. Ergo nec ex materia, & forma, quæ se habent ut actus, & potentia.

Tertio. Quæ magis distant, minus vniuntur. Sed materia, & forma substantialis magis distant, quam distant subiectum, & accidens, ex quibus tamen fit vnum per accidens. Ergo. Maior probatur, quia subiectum, & accidens, ambo sunt entia in actu, non sic materia, & forma.

Quarto. Quod vniorem non affectat, non est naturaliter cum altero vniibile. Sed materia vniorem non affectat, sed separationem, cum sit principium corruptionis, diuersitatis, & multitudinis, per Aristot. quinto, & nono Metaph.

Quinto. Sic anima intellectiua, si naturaliter vnicur corpori, per violentiam ab eo separatur. Ergo separata iterum cupit corpori vni; Sed cum nullum violentum sit perpetuum, inde ratione naturali deducemus resurrectionem mortuorum, & ita non erit articulus fidei.

Sexto. Materia prima est indifferens ad omnem formam. Sed indifferetia tollit inclinationem naturalem, quæ est ad vnum. Ergo ex materia, & forma, non fit vnum per se.

Pro resolutione huius quæst. Primo *Materia* notandum venit, quod cum esse sit cupit appetit libet rei naturali comaturale, ac materia secundum se sit pura potentia, neque possit existere sine forma, ideo oportet ut eam appetat naturaliter, ut sibi dantem esse. Materia ergo, & forma bifariam considerari possunt. Primo secundum luum absolutum, id est ut materia est substantia in potentia, & forma in actu, & sic secundum se differunt. Secundo ut se habent, sicut perfectiuni, & perfectibile, quoniam forma perficit materiã, & ideo necesse est, ut materia appetat vniorem formæ, eam perficientis.

Secundo notandum, quod duplex est vniõ. Prima dicitur substantialis, & simpliciter, & in hac actus, id est forma aduenit materiæ non existenti sub actu, sed in potentia, & hac vniõ dicitur naturalis, quia per eam imperfectum recipit suam perfectionem naturalem, ad quam erat in potentia. Dicitur etiam substantialis, quia forma in hac vniõne dat esse

primum, quod est substantiale. Secunda dicitur secundum quid, quia potentia iam intelligitur sub actu primo, cum potentia solum ad actum secundum, idest ad operationem, vel formam non substantialem, sed accidentalem. Vnio materiz, & formz, est vnio simpliciter, quia materia in ea intelligitur esse pura potetia, & forma actus substantialis. Dum vero subiectum accidens suscipit, tunc dicitur habere vnionem secundum quid, id est accidentalem.

Tertio notandum est, quod in hac vnione simpliciter, quz fit per generationem, tria sunt considerata. Primum est, quod virtus actiua agentis introducit in materia, per quam tollitur eius indifferencia, & amplitudo ad omnem formam, cum quodlibet agens disponat materiam, & in ea introducatur formam, suz speciei tantum. Secundum est, quod materia recepta virtute agentis eam disponente, continuo tendit ad proprium actum, viquequo peruenit ad vltimam dispositionem, per quam reddita est apta ad recipiendam formam immediate, cum illa dispositio vltima ad formam, sit eiusdem ordinis cum forma. Tertium est, quod materia sic disposita per se primo respicit actum, idest formam, & ideo sine medio, & propterea ex materia, & forma, fit vnus per se, immediate.

Quoad secundum principale. Conclusio est. Ex materia, & forma fit vnus per se. Probatur primo ex Aristot. 2. de Anima, textu septimo, & ex octauo Metaph. tex. 15. & est sententia communiter recepta, prater quam ab Academicis, dicentibus Animam nostram prius in quodam inuoluto illustriori inuolui, & deinde in minus illustri, & tandem in alio minus splendido, ex elementorum mixtione concreto, ne scilicet a sordibus corporis, in quo includebatur, vt in ergastulo.

Secundo probatur ratione. Vnio potentiz, & actus simpliciter, in hoc differt ab vnione potentiz, & actus secundum quid, quod vnio simpliciter, dat esse simpliciter, non sic vnio secundum quid; Sed vnio materiz, & formz, est simpliciter vnio. Ergo.

Ad primum dicendum, quod forma vnitur materiz sine medio. Ad improba-

tionem vero dicitur, quod dispositiones preecedentes formam in eius aduentu corrumpuntur, & in eodem instanti in quo forma introducit, quia primum non esse preecedentium dispositionum, sit primum esse subsequens formz, vt in secundo de Anima ostendimus. Itaque forma aduenit materiz nuda, non nudz, ordine ad eam, cum ad eam fuerit disposita sed nudz, prioribus dispositionibus, eam actuantibus. Ideo materia recipit formam sine quantitate in actu, quia accidentia non inhaerent subiecto, nisi postquam factum est in actu per formam, non tamen eam recipit sine ordine ad quantitatem, per quam fit diuisibilis, & extensa, implicat enim materiam esse corpoream, & extensam sine quantitate, vt docet Capreolus 1. dist. 92. quzst. 1. art. 6.

Ad secundam dicitur, quod subiectum, & accidens, se habent sicut materia, & forma secundum quid, non sic forma substantialis, & materia, vt supradictum fuit.

Ad tertium dicendum quod magis distare stat dupliciter. Primo in esse, quoniam vnus illorum est in actu, & aliud in potetia. Secundo in proportionem, quia scilicet vnus per se primo non ordinatur ad alterum. Quz primo modo distat, dummodo secundo modo non distat, magis vniuntur, & ita est in proposito; nam materia essentialiter primo respicit formam substantialem, subiectum vero respicit formam accidentalem secundario, & secundum quid. Secundo negatur minor, quia materia, & forma sunt eiusdem predicamenti, non sic subiectum, & accidens.

Ad quartum negitur minor, quia materia appetit formam, ad hoc vt per eam formaliter, & per quantitatem materialiter, distingatur. Quoniam tamen forma non faciat totum appetitum materiz, nec ab ea potest remouere qualitates corrumpentes, ideo dicitur principium corruptionis. Sed dum ad expolationem vnus formz tendit, alterum viuere fatagit.

Ad quintum dicendum, quod falsa est consequentia. Nam Anima, vt explicuimus in tertio de Anima, se habet vt quo corpus viuic, & vt quid per se subsistere valet; Dum ergo a corpore separatur, deficit ei quo, sed non quod, & ideo naturaliter

Verum ut  
anima de  
dispositio  
ne dispositio  
sit.

Conclu-  
sio pro-  
bat.

Argu-  
mentum sol-  
uuntur.

raliter extra corpus subsistit. Dicitur tamen supra naturaliter reuniri corpori, quoniam corpus respicit, ut orbatu prioribus dispositionibus illud ad eam aptantibus. Hoc autem non valuerunt intelligere Philosophi. scilicet, quod supernaturaliter in materia indispofita forma introducatur, quod nos fide credimus.

Ad sextu dicitur, quod materia in communi sumpta non est indifferens ad formam in communi consideratam, sed bene ad hanc, vel illam formam, in particulari, sed hæc materia non est indifferens ad hanc formam, sed ad eam est inclinata, & ordinata.

### QVÆSTIO XIII.

*Virum omnes forma naturales, educantur de potentia materia.*

**Q**uoniam hæc quæstio ex altera pendet, quam abunde in 7. Metaphys. quæst. 16. explicuimus, scilicet. An dentur inchoationes formarum in materia, idest, an formæ prius existant in materia imperfecte, & deinde ab agente traducantur ad esse completum, & perfectum, ideo omisiss multis ibi explicatis, breuiter noto, quod ad hoc, ut forma dicatur educi de potentia materię, requiritur. Primo, quod in materia sit potentia naturalis ad talem formam, ob cuius conditionis defectu excluduntur omnes actus, & formæ supranaturales, ad quas materia non est in potentia naturali, sed tantum obedienciali, ut ad gratiam, ad gloriam, ad vnionem hypostaticam, ad resurrectionem, & ad similia. Secunda est, quod talis forma, quæ dicitur educi de potentia materię, à materia dependeat in fieri, & in conseruari, defectu cuius conditionis anima nostra intellectiua, non dicitur educi de potentia materię, quia non dependet à materia in fieri, nisi dispositiue, nec in conseruari, quia potest separata à corpore subsistere, quia ut diximus, non solum dicit quo, sed etiam quod.

*Qua forma educatur de potentia materia*

*Et quomodo.*

Secundo ergo notandum, quod dupliciter potest intelligi formam educi de potentia materię. Primo, ita ut prius in ea jaceat in actu imperfecto, & postea traducatur ad actum perfectum, & hic sensus est falsus, ut ostendimus in 7. Metaph.

quæst. 10. Secundo, ita ut dicatur ibi esse in potentia, quia in ea est potentia, & habilitas, ut cum virtute agentis deueniat ad actum, & hoc verum est, & ideo non est materia, quæ producat illas formas, sed est illa quæ eas respicit, per actionem agentis, eam disponentis, ut formam suscipiat sibi connaturalem, & ab ea dependentem in fieri, & in conseruari, nam non alio modo agens potest agere ad formam effectiue producendam, nisi disponendo materiam, & per materiam.

Tertio notandum, quod ad hoc, ut forma, dicatur educi de potentia materię necesse est, ut in materia sit potentia essentialis ad illam formam, quia forma substantialis respicit suam potentiam substantialiter, ex quo formæ artificiales, ut imago Cælaris, non dicitur educi de potentia materię, quia est forma accidentalis, & supponit subiectum, idest lignum, in actu. Secundo similiter nec relationes, quæ adueniunt subiecto dicitur educi de potentia, tum quia sunt accidentia (si sunt relationes reales creatæ) tum quia non generantur, sed naturali sequela subiectum consequuntur tum quin ut dicunt ad non sunt formæ, aliter non possent aduenire subiecto sine eius mutatione, contra Arist. 1. Physic. propter quod, ut relationes formaliter dicunt respectum ad terminum, & non ad subiectum, nisi ut sunt accidentia. Sequitur tertio, quod nec lumen datum cæco, nec forma bouis, si iterum a Deo fieret, & conseruaretur, & de nouo introduceretur in caduere bouis dicerentur educi de potentia materię formaliter, & propriè, quia quamuis sint actus naturales illarum potentiariu, tamen introducerentur sine actione agentis, per ordinarias dispositiones materia traduentis ad esse. Realiter tamen possent dici formæ educæ de potentia materię, quia Deus operaretur loco agentis, &

*Magis explicatur.*

quia formæ datæ vere dependent à materia in fieri, & conseruari, & ita dic de multis alijs.

## CAPVT VII.

## LECTIO XX.

## S. D. XII.

*Sic igitur nos dicamus. tex. 17.*

*Fieri  
multi-  
plex.*

**S**uperius Phylos. disputatiue quæsiuit numerum principiorum. At incipit in tex. 17. determinare veritatem, scilicet, quod in quolibet fieri naturale tria principia requiruntur. Ait ergo, quod intendens tractare de omni generatione, debet incipere à communioribus, & descendere ad particularia, & specialia. Secundo dicit, quod duplex est fieri. Primum dicitur substantiale, quo generatur compositum substantiale. Secundum dicitur accidentale, quia ex eo generatur compositum, accidentale, vt paries albus; Item fieri siue substantiale, siue accidentale duplex est, quoddam dicitur simplex, vt dum fit mutatio inter terminos simplices, vt dum ex non homine, fit homo, & ex immusico fit musicus. Aliud dicitur compositum, vt dum, verbi gratia, demigratur compositum, dicendo, non musicus homo, fit musicus homo. Tercio subdit duplicem esse differentiam inter fieri simplices, & compositi. Prima est, quod aliud significat fieri substantiale, & aliud accidentale, id est simplicis, & compositi, quod in fieri simplicis dicimus, ex hoc, fit hoc, verbi gratia, ex non homine, fit homo, in fieri autem compositi dicimus hoc, fit hoc, verbi gratia, homo fit musicus. Secunda est, quod subiectum, id est, materia semper permanet cum forma in fieri compositi, id est in fieri accidentale, non autem sic in fieri substantiale, in quo materia forma priuatur.

*Si supponitur  
materia* Secundo ergo loco principali intendit determinare, quod in qualibet factione naturali tria requiruntur. Ait ergo, quod ex superioribus constat in quolibet fieri dari subiectum permañens sub vtroque extremo, quod mutatur, ita vt illud quod, verbi gratia, non erat homo, postea dicatur homo. Videtur igitur sic ratiocinari: In qualibet mutatione substantiali, & accidentali rei naturalis, & artificialis, vnum tertium supponitur, quod duorum

contrariorum vicissitudine iustinet. Ergo cum plura mutationum genera inueniri non possint, sequitur in omnibus tria illa principia concurrere.

Circa supradicta igitur notandum est, quod in quolibet fieri tria concurrunt, scilicet, terminus à quo, & terminus ad quem, & subiectum, quod diuersimode stat sub vtroque termino, verbi gratia, dum manus ex nigra fit alba, terminus à quo est nigredo, cum qua stat priuatio albedinis, nisi enim manus fuisset nigra, alba non fieret, terminus ad quem est albedo acquilata, & subiectum manus ipsa, quæ ex nigra fit alba. Hæc etiam in fieri rerum naturalium concurrunt, scilicet, terminus à quo, cum quo stat priuatio, vt quod ex non homine fiat homo, vnde esse hominem erit terminus ad quem acquisitus per ipsum fieri. Subiectum vero erit materia, & hoc est quod obscurissimis rationibus docet Phylos.

Secundo colligendum est etiam, quod sicut duplex est esse, ita duplex est fieri. Nam sicut datur esse substantiale, & accidentale, ista datur fieri compositi substantialis, & fieri compositi accidentalis. Primum dicitur esse simpliciter, quia per illud, compositum acquirit esse simpliciter. Secundum dicitur esse secundum quid, quia compositum per tale fieri solum acquirit formam accidentalem.

## QVÆSTIO XIII.

*Vtrum priuatio sit principium verum  
naturalium.*

**V**idetur quod non. Non ens, non potest esse principium entis. Sed priuatio est non ens, cum fit negatio in subiecto apto nato habere aliquam formam. Ergo.

Secundo. Principia rerum naturalium semper manent, vt dictum est. Sed priuatio definit in generatione rei naturalis, dum enim quis factus est musicus, iam definit esse immusicus.

Tertio. Si priuatio sit principium, esset, quia coniungitur subiecto (vt ait Phylos.) Sed hæc ratio non valet, quia potentia, & aptitudo ad formam, & similia coniunguntur subiecto, & tamen non ponuntur principia rerum naturalium, aliter

*In quali-  
bet fieri  
tria sũt.*



aliter essent plura tribus contra Aristot.  
Ergo.

Sed cōtra probatur quarto loco, quod non sit principium per accidens, quia sequeretur quod posset fieri transmutatio absque priuatione. Probatur. Quia non est inconueniens tollere principium per accidens, & rem manere.

Quinto. Non sunt secundum se materia, & priuatio, per Physio. Igitur vel vnum horum, vt superfluum apponitur, vel vtrumque est principium per se, vel vtrumque est principium per accidens.

In contrarium est Physio. Pro enucleatione præsents quæst. Primo sciendum est, quod priuatio dicitur negatio circa determinatum subiectum, ideo est obseruandum, quod priuatiue opposita primum locum obtinent post opposita contradictorie. Nam inter priuatiue opposita non datur aliquod medium, sicut inter positiue opposita. Nam inter albu,

& nigrum, quæ positiue opponuntur datur rubeum, nec datur aliqua dependentia inter ea, sicut inter relative opposita, vt inter patrem, & filium; Dicitur autē negatio, non absolute, sed circa determinatum subiectum, quia negatio absolute se tenet respectu oppositorum contradictorie, id est stat inter esse, & nō esse, sed dicitur negatio circa determinatum subiectum, quia hæc est differentia inter oppositionem contradictoriam, & priuatiuam, quod contradictoria absolute, & simpliciter negat esse, priuatiua autem negat formam aptam natam reperiri in tali subiecto, vt virtutem visiuam in oculo, vnde aliquo modo oppositio priuatiua retinet naturam oppositionis contradictionis. Per principium autem intelligimus causam, vnde quærimus vtrū priuatio aliquo modo sit causa rerum naturalium, per res naturales intelligēdo res sensibiles, non abstrahentes à motu, nec à materia, nec secundum rem, nec secundum rationem. Erit ergo sensus quæst. An priuatio quatenus est negatio alicuius forme circa determinatum subiectū, sit aliquo modo causa rerum sensibiliū, includentium materiam, & motum.

Secundo notandum, quod res naturales dupliciter considerari possunt. Primo quoad fieri, scilicet quatenus in trāsmutatione, & in fieri indigent aliqua causa

seu principio. Secundo in facto esse, scilicet quatenus aliquod principium dicitur permanere in re facta. Si ergo res naturales considerentur primo modo, priuatio dicitur principium per se, quia res non acquirit formam quam habet, sed qua est priuata. In facto autem esse priuatio non est principium rerum naturalium, quia eadem numero priuatio non permanet in re facta, sicut permanente materia, & forma quæ propterea dicuntur principia per se, & in fieri, & in facto esse.

Tertio notandum est, quod principium per se adhuc duplex est. Primum dicitur principale, propterea quod principaliter, & secundum se concurrat ad ponendum rem in esse, quo pacto materia, & forma in ratione actus, & potentie rem ipsam naturalem constituunt. Secundum dicitur minus principale, ob hoc, quod principaliter non concurrat, & si necessario, ad constitutionem rei, quomodo dispositiones ad formam hoc secundo modo dicuntur principia compositi, quia ratione etiam priuatio potest dici principium per se in fieri, sed secundario intantum.

Quarto notandum est, quomodo priuatio sit principium, seu causa rerum naturalium. Loquendo igitur de causis, priuatio non erit causa rerum naturalium, nec materialis, nec formalis, cum non maneat in re, sicut in ea manent materia, & forma, neque effectiua, neque finalis, cum hæc sint extra rem; priuatio autem neque totaliter, est rei intrinseca, neque omnino ab ea extranea. Non erit igitur causa directe, sed modaliter, & reductiue, & spectabit ad modum causæ materialis, prout omnes dispositiones, & conditiones spectantes ad materiam, in ordine ad susceptionem forme, reducuntur ad genus causæ materialis. Si autem ei velimus attribuire rationem principij, dicitur principium secundum primum modum, id est secundum id à quo incipit motus, quia priuatio in generatione se habet sicut terminus à quo fieri rei naturalis.

Quinto obseruandum venit, quod cum quatuor sint modi perfectitatis, dicendum videtur, quod priuatio sit in primo modo, in quo predicatum est de distinctione subiecti,

*Priuatione quid sit aperitur.*

*Et causa modaliter materialis.*

*In primo modo & se.*

*Est principium per se in fieri.*

subiecti, quia priuatio est de ratione motus, & fieri, cum terminus à quo per priuationem significatus, sit de essentia motus, & fieri. Sed recolendum est, quod tripliciter aliqua reponuntur in primo modo perfectatis. Primo quando prædicatum dicit totam essentiam subiecti, cuius est ratio formalis, & diffinitiva, secundum exigentiam rei, ut rationale est de diffinitione hominis. Secundo, quando se habet, vel ut pars. Vel tertio aliquo modo, ut concurrens ad constituendam essentiam subiecti, & hoc tertio modo, priuatio est principium per se, in primo modo perfectatis, quod est secundario esse principium.

*Conclusio pro-*  
*batur.*

Secundo loco principali ponitur hæc conclusio. Priuatio est principium per se rei naturalis, sed in fieri, non vero in facto esse. Probatur primo. Illud quod concurret necessario in fieri, sed non permanet in re facta, dicitur principium per se in fieri, sed non in facto esse. Talis est priuatio, ut supra ostensum est. Ergo &c.

*Argu-*  
*mentum sol-*  
*uuntur.*

Ad primum dicitur, quod duplex est non ens. Primum dicitur non ens, nec in esse, nec in fieri, quia nec habet esse, nec rationem, & hoc non ponitur principium. Secundum dicitur non ens per se, sed connotatiue ens, quia connotat non ens, id est priuationem circa tale subiectum, quæ tamen concurret necessario in actione generationis; & tale potest poni principium in fieri, & si non in facto esse, ut apparet in priuatione.

Ad secundum dicitur, quod maior ualeat de principio essendi, & non de principio fiendi, ut est priuatio. Dicitur tamen priuatio manere in re facta, non numeraliter, sed specificè, quia dum materia sub una forma iacet, altera semper priuatur.

Ad tertium dicitur, quod potentia, & aptitudo in materia ab ea non distinguuntur: priuatio vero sic, unde non est eadem ratio. Secundo dicitur, quod si distinguerentur à materia, non haberent alium modum principiandi ab ea; priuatio vero ita, quia se habet, ut oppositum, & contrarium principium formæ, & ut terminus à quo, & ideo ponitur principium distinctum.

Quintum argumentum concludit priuationem esse principium per se in fieri,

sed non in facto esse.

Ad quintum dicendum, quod materia, & priuatio distinguuntur realiter, non actualiter (cum priuatio non sit ens actuale), sed virtualiter, eo modo quo ens reale, & non ens reale distingui possunt.

## QVÆSTIO XV.

*Verum Priuatio sit ens reale.*

**V**idetur quod sic. Primo. Dans verum esse est verum ens. At priuatio dat verum esse. Nam Genesis primo dicitur, quod tenebræ (quæ sunt priuatio lucis) erant super faciem abyssi, & in hymno trium puerorum dicitur. Benedicite lux, & tenebræ Domino.

Secundo. Illud quod nocet est quoddam positium. At priuatio dicitur malefica hic, tex. 80. Ergo.

Tertio. Quod sensu percipitur, quid positium est. At tenebræ, aspectu percipiuntur, apud Aristotel. 2. de Anima, tex. 138. Ergo.

Quarto. Diffinitio est rei. At priuatio habet propriam diffinitionem, & proprium conceptum, secundum Arist. c. 2. Perihermeniarum.

Quinto. Hoc docet S. D. de malo, q. 2. art. 2. & Caiet. 1. p. q. 98. art. 2. de ente & ess. cap. p. & Ferrariensis 3. contra Gent. cap. 19.

In contrarium est hic Arist. & S. D. & ratio, quia non permanet in re genita.

Ad primum ergo dicitur, quod priuatio dicitur esse in rebus non ut forma positiua inhxrens, sed ut exercens actum priuandi formam, unde tenebræ dicuntur huic super faciem abyssi, quia ibi non erat lux. Dicuntur autem tenebræ benedicere Deum, non formaliter, sed casualiter, quia dant occasionem Deum benedicendi.

Ad secundum dicitur, quod priuatio est malefica priuatiue, quia priuat formam; non vero positiue, id est vires habens qualitatem maleficam.

Ad tertium dicitur, quod tenebræ percipiuntur aspectu negatiue, quia ibi non conspicitur lux.

Ad quartum dicitur, quod diffiniuntur ut signa rerum intellectuum, & consequenter

*Argu-*  
*mentum sol-*  
*uuntur.*

quenter vt entia rationis. Nam etiam ens rationis potest diffiniri suo modo.

Ad vltimum dicitur, quod D.D. adducti intelligunt priuationem esse in rebus non seorsum, & per se, sed in subiecto cui inhæret realiter, vt ipsum realiter denominat, quod est esse in rebus fundamentaliter, idest ratione subiecti, forma per generationem acquirēda priuati realiter, sed non formaliter, idest secundum se.

## LECTIO XXI.

S. D. Decimatertia.

*Manifestum igitur quod siquidem sunt causa, sex. 63.*

**Materia** **H**ic incipit Phyllof. ostendere in particulari, quot sint principia rerum naturalium. Primo ergo probat duo esse principia per se naturalia sic. Illa dicuntur principia alicuius rei, ex quibus res ipsa fit, & constituitur. Sed res naturales, & sunt, & constituuntur in esse per materiam, & formam. Ergo. Probat minorem, quia res ex illis constituitur, in quæ resoluitur, siue secundum esse siue secundum diffinitionem. Sed natura, & ratio rei factæ resoluitur in materiam, & formam, verbi gratia ratio hominis musci resoluitur in rationem hominis, tamquā in materiam, & in rationem musci, tamquam in formam.

**Prima-  
tio g acci-  
dens.** Secundo ostendit priuationē esse principium per accidens. Dicit ergo, quod & si priuatio, & materia vnum sint subiecto, differunt tamen diffinitione, vnde priuatio dicitur principium per accidens, quia accidit, materiam in qua est introducenda forma, esse tali forma priuatam, sicut dicimus ædificatorem esse causam per se domus, musicū vero per accidens, quia accidit ædificatorem esse musicum.

**Explica-  
tur.** Tertio correlarie deducit, quod si absolute interrogemur, quot sint principia rerum naturalium. Respondendum erit tria, quia priuatio, & ipsa aliquo modo est principium. Si vero interrogemur quot sint principia per se, dicendum erit duo, quia priuatio est principium per accidens. At si interrogemur quæ principia ex ijs sint contraria. Respondendum

erit priuatio, & forma. Epilogat autem supradicta subinferendo, quod duo sunt principia necessaria contraria, scilicet forma, & priuatio; sed forma est principium per se, & priuatio per accidens, materia vero est illa quæ ijs duobus contrariis subijcitur, & principium per se materiale vocatur.

Quarto docet, quod materia secundū se non est cognoscibilis, & ideo cognoscitur per analogiam ad formam; quod videtur sic probare. Sicut se habet lignū in artificialibus, ita se habet materia in naturalibus. Sed in artificialibus lignum cognoscitur aliud esse à forma lecti, vel scamni per has formas. Ergo similiter materia, quæ modo est sub forma aquæ, & postea sub forma aeris, per has formas cognoscitur, ideo materia non est quid determinatum, sed determinabile, quia est ens in potentia.

Circa suprad. Notandum est circa hæc propositionem Phyllof. Quod vnūquodque in ijs resoluitur, ex quibus primo, & non secundū accidens componitur. Quod primo dixit ex quibus, quia res quandoque componitur ex secundis principiis, vt mixta ex elementis, & secunda contraria ex primis; res autem vltima resolutione non resoluitur in ijs, ex quibus secundario componitur, sed primo, sicut mixta & contraria secunda tandem resoluntur in materiam, & formam. Dicit autem secundum accidens, vt annuat priuationem, quæ est principium solum per accidens vt supra. Additum fuit secundū rationem, quia partes diffinitionis correspondent partibus rei.

Secundo notandum, quod valet arguere, priuationem non esse principium per accidens, quia priuatio non accidit materiz dum est sub forma. Nam priuatio bifariam sumi potest. Primo, pro hac, vel illa singulari, & individuali priuatione, & sic materiz accidit quod dum est sub forma aquæ, nō habeat priuationem formæ aquæ, sed alterius rei. Secundo sumitur in generali, & sic semper priuatio materiam conitatur, quia impossibile est quod dum res generabilis, & corruptibilis est sub vna forma non dicatur in potentia ad aliam, qua dicitur priuata.

Tertio notandum, quod quamuis priuatio in fieri sit principium per se, absolute

*Materia  
& forma  
cognosci-  
tur.*

*Vnum-  
quodque  
resolui-  
tur in ea  
ex quibus  
componi-  
tur.*

*Prima-  
tio acci-  
dens mate-  
ria i par-  
ticulari.*

*Absolute  
et tamē  
lute*

*dicitur* hęc tamē Phylol. eam vocat principium  
per accidens. Primo, quia illa tantum  
sunt absolute digna nomine principij, &  
causę per se, quę manent in re facta, ma-  
teria autem manet, sed non priuatio vt  
supradictum est. Secundo, quia priuatio  
sempertendit ad maleficium, vnde se-  
cundam veritatem potius est principium  
corrumpendi, quam essendi, quia non est  
principium essendi, nisi prout est princi-  
pium corrumpendi priorem formam.

Quarto notandum, quod sępe Arist.  
ex artificialibus arguit ad naturalia, quia  
artificialia sunt nobis notiora, & maxime  
apta ad inducendam cognitionem a pos-  
teriori, prout vt plurimum procedit hęc  
scientia.

## Q V Æ S T I O. XVI.

*Verum materia secundum se sit  
cognoscibilis.*

**H**anc quęstiones habes in octauas  
Metaphysices.

## D V B I A.

**C**irca supradicta autem quędam du-  
bia occurrunt, & singulariter circa  
naturam priuationis.

Primum ergo dubium est. Quare pri-  
uatio dicatur potius esse idem cum ma-  
teria, quam cum forma, cum tamen sit  
priuatio, & absentia formę.

Secundum dubium est. Quod cum pri-  
uatio definat in generatione, sic videtur  
quod priuationis erit priuatio. Probatur  
assumptum, quia ad hoc vt forma defi-  
ciat, ponitur sub priuatione. Ergo ad  
hoc, vt priuatio deficiat, a simili erit ne-  
cessaria priuatio.

Tertium est. Quod cum Aristot. dicat  
omne quod fit ex opposito fieri, vel ex  
subiecto. Ergo res fit ex priuatione,  
quod est falsum vt supra.

Quartum est. Quia si priuatio dicitur  
principium rerum naturalium. Ergo mul-  
to magis hoc conueniet efficienti, fini  
quantitati, dispositionibus materię, lo-  
co, & tempori, cum hęc sint entia positi-  
ua, priuatio autem est ens negatiuum.

Quintum est. An nomen principij  
dicatur vniuocę, vel analogice de ma-

teria, forma, & priuatione.

Sextum est. Quomodo cum priuatio  
sit non ens, possit habere distinctionem,  
distinctionem &c.

Ad primum dubium dicitur, quod ob  
duplicem causam priuatio dicitur esse  
idem cum materia, & non cum forma.  
Primo, quia priuatio, & materia se tenēt  
ex parte termini a quo, at forma est ter-  
minus ad quem, isti autem termini sunt  
vt a quo. Secundo, quia priuatio, (vt di-  
ximus) tendit ad maleficium, idest ad  
destructionem formę sibi assumendo pro  
causa potentiam materię ad aliam for-  
mam, & ideo dicitur esse idem cum ma-  
teria, & non cum forma.

Ad secundum dicimus, quod forma  
non est priuatio, quia forma est ens posi-  
tiuum. At priuationis non est priuatio,  
quia priuatio est ens negatiuum, non ens  
autem non potest non ens esse priuatio.

Ad tertium dicimus, quod nulla res sit  
ex contrario, vt fieri denotat rem ingre-  
dientem compositum, dicitur autem fie-  
ri ex contrario, idest post contrarium, vt  
supra explicatum fuit.

Ad quartum respondendum est, quod  
vt supra diximus, hic loquimur de prin-  
cipijs intrinsicis, rem ipsam componen-  
tibus; enumerata autem in argumento,  
vel sunt principia extrinseca, vel non  
manent eum re facta, vt patet de dispo-  
sitionibus.

Ad quintum dicitur, quod nomen prin-  
cipij analogice dicitur de forma, mate-  
ria, & priuatione. Prius ergo prioritate  
perfectiōis dicitur de forma, & per po-  
sterius de materia, & tandem de priua-  
tione, quę est negatio concomitans na-  
turam materię. Prioritate vero genera-  
tionis, prius dicitur de priuatione, quę  
præintelligitur materię, secundo de ma-  
teria preparata ad formam, & tandem de  
forma terminante generationem.

Ad vltimum dicendum, quod priua-  
tiones sumunt vnitatem, & distinctio-  
nem a formis sibi aduersis. Nam pri-  
uatio per additum cognoscitur,  
priuatio autem nihil aliud est  
nisi negatio formę, aptę  
natę reperiri in ali-  
quo determi-  
nato sub-  
iecto.

## CAPVT VIII.

## LECTIO XXII.

S.D. XIV. &amp;c.

*Quod autem singulariter sic soluitur.**Tex. 71.*

**P**ostquam Philosophus ostendit numerum principiorum per se, & per accidens rerum naturalium, & quæ sint contraria, & quæ non, ex dictis intendit soluere defectus, & peccata Antiquorum circa assignationem generationis rerum naturalium.

*Reprehenduntur Antiqui* Primo ergo ait, quod ex dictis de principijs rerum, omnes defectus, seu dubitationes Antiquorum de eisdem principijs solvuntur. Nam quidam Antiquorum Philosophi propter imbecillitatem suam, & inexperiencem rerum in multis erroribus inciderunt, & præcipue dum negauerunt nihil generari, seu fieri, quia nescierunt soluere hanc rationem. Omne quod fit, aut fit ex ente, aut ex non ente. Sed verumque est impossibile. Ergo nihil fit. Probabant minorem, quo ad primam partem, scilicet, quod nihil fiat ex ente, quia quod est, non generatur, domus enim facta, non fit. Probabant secundam particulam, scilicet, quod non fiat ex non ente, quia ex nihilo nihil fit, & cuiusque generationi aliquid subiecitur.

*Solutio rationum Antiquorum* Secundo ergo loco respondet supradicto dubio, quod fieri ex aliquo stat dupliciter. Primo per se, secundo per accidens. Hocque taliter exemplo manifestat. Nam quod Medicus ædificet, per accidens est. Nam Medicus, ut Medicus medetur, quod vero ædificet, accidit ei, quia accidit Medico, ut Medicus est, quod fit ædificator. Ita pariter ex priuatione non fit ens per se, sed per accidens, prout accidit quod id, quod ex materia fit, per se habeat adiunctam priuationem. Ita dicendum est ad illum, qui interrogat, an ex ente fiat ens, nã dicitur, quod ex ente per se, non fit ens, sed bene ex ente per accidens, quia verbi gratia accidit formæ leonis, quod prius fuerit ex forma canis.

*Ex ente in potentia* Tertio ulterius dicit duplex esse ens, scilicet in actu, ut materia sub forma, &

in potentia, ut materia nude considerata; tunc subinfert, quod ex ente in actu nihil fit per se, & simpliciter, quoniam omnis talis generatio, vel mutatio est accidentalis, vel secundum quid; ex ente autem in potentia omne quod fit, per se, & simpliciter fit, quia ex materia, ut ex potentia, & ex forma, ut ex actu, fit compositum per se, & simpliciter.

Quarto proponit errorem illorum, qui naturam materię aliquo modo attigerunt, sed non perfecte, nescientes eam distinguere à priuatione, & dicentes, quod cū priuatio per se non sit ens, concedebant id quod ex materia fit, fieri ex non ente; Hi autem ducebantur duplici ratione. Primo ratione Parmenidis sic. Quidquid est præter ens, est non ens. At materia est præter ens, cum per se nõ existat actu. Ergo erit non ens. Secundo. Id quod subiecto vnum est, est etiam vnum ratione. Sed materia, & priuatio sunt vnum subiecto. Ergo etiam ratione. Ergo cum priuatio sit non ens, materia quoque erit non ens.

Quinto ergo loco respondet supradictis impugnationibus dicendo, quod quavis priuatio, & materia sunt vnum subiecto, tamen differunt ratione, quod dupliciter probat. Primo. Quia materia est non ens per accidens. At priuatio est nõ ens per se. Secundo. Quia materia est prope rem, & est substantia in potentia. Priuatio vero neque est prope rem, neque substantia in potentia. Igitur differunt.

Sexto respondet cuidam tacite objectioni, scilicet, quod Plato distinxerit materiam à priuatione, cum duo posuerit ex parte materię, scilicet magnũ, & paruum. Sed responderet, quod quamvis Plato posuerit magnum, & paruum ex parte materię, non tamen distinxit materiam à priuatione, dicens, quod materia est sicut mater, & priuatio sicut masculinum; unde priuationem contempsit.

Ultimo loco concludit, quod materia in generatione concurrat, ut principium passiuum, sicut concurrat, & mater, unde sicut foemina appetit virum, & triste bonum, ita materia appetit formam, quæ est quoddam diuinum, & optimum.

Circa supradicta autem quedam sunt notanda. Primo enim notandum est, quod

*ita fit compositum substantiale.*

*Error Parmenidis.*

*Materia differt à priuatione.*

*Non secundum Platonem.*

*Materia appetit formam.*

*Secundo nota.*

*hilo ni-* quod hæc propositio. Ex nihilo, nihil fit,  
*hil fit.* habet quasdam glossas. Prima est, quod  
 hæc propositio est vera in generatione  
 naturali, ad quam necessaria sunt, mate-  
 ria, forma, & priuatio, non autem est ve-  
 ra in simplici emanatione, seu creatione,  
 quæ ex nihilo fit. Secunda glossa est,  
 quod ex nihilo nihil fit ab agente parti-  
 culari, secus ab vniuersali omnium re-  
 rum Creatore.

*Quatu-* Secundo notanda sunt quatuor circa  
*or sunt y* opinionem illorum, qui dixerunt nihil  
*opinione* fieri, seu generari. Primum est, quod  
*Parme-* Phylos. hanc opinionem attribuit Parme-  
*nidis.* nidi, & Melisso, & recte, quia ij vnum  
 tantum ens constituerunt, & consequen-  
 ter generationem sustulerunt, quia ge-  
 nerans, & genitum duo entia sunt. Se-  
 cundum, quod errauerunt propter infir-  
 mitatem, idest ob debilitatē intellectus,  
 nescientes quomodo aliqua generentur,  
 & ex quibus. Tertium est, quod argu-  
 mentabantur ex principio sere ab omni-  
 bus concesso, scilicet, quod ex nihilo ni-  
 hil fit. Quartum est, quod vnam natu-  
 ram supponebant, & in ijs duobus vlti-  
 mis Arist. non discordat ab eis.

*Res non* Tertio pro explicatione dictorum Phy-  
*si ex pri* los. Notandum est, quod generatio desi-  
*uatione,* gnatur quandoq. fieri ex opposito, idest  
*idest, ex* ex priuatione, & quandoq. ex obiecto,  
*ea nō cō* idest ex materia. Erat igitur difficultas,  
*ponitur.* quomodo ex non ente, idest ex priuatione  
 aliquid fieret. Respondet autem Phy-  
 los. quod ex non ente, idest ex priuatione  
 non fit aliquid per se, idest, vt ex ente  
 ingrediente compositionem rei, sed di-  
 citur fieri ex non ente per accidens, qua-  
 teus accidit materiæ, quæ debet noniam  
 formam acquirere esse sub priuatione,  
 si enim sub priuatione non esset, res non  
 fieret, non quod ex priuatione fiat, sed  
 post priuationem.

*Priua-* Quarto notandum, quod aliud est di-  
*tiō ens* cere priuationem per se non esse ens, &  
*fundamē* aliud quod simpliciter sit non ens. Secun-  
*taliter.* dum non asserit Phylos. sed primum.  
 Differentia autem in hoc consistit, quod  
 priuatio non est ens per se, nec principium  
 rerum naturalium per se, sed est ens per  
 accidens, & principium per accidens,  
 idest accidit materiæ ad nouam formam  
 deducendæ, non tamen dicimus eam esse  
 non ens simpliciter, quia non ens simpli-

citer nihil est, nec formaliter, nec funda-  
 mentaliter, & ex consequenti nullo mo-  
 do potest esse principium, priuatio au-  
 tem quamuis sit non ens formaliter, fun-  
 damentaliter tamen est ens, cum sit ve-  
 ra, & realis negatio formæ generandæ  
 in materia.

Quinto notandum est, quod tria Ari-  
 stot. attribuit formæ in textu. Primum,  
 quod sit quoddam diuinum, vt est prin-  
 cipium compositi, & non principiatum,  
 diuina enim sunt quæ alijs communicant  
 esse. Secundo ei attribuit, quod sit quod-  
 dam optimum, idest perfectum, quia op-  
 timum in composito non est materia,  
 nec priuatio, sed forma, & omnis perfe-  
 ctio compositi causaliter est à forma. Ter-  
 tio ei attribuit esse quoddam appetibile,  
 prout perficit, & complet appetitum ma-  
 teriæ, quæ eam appetit sicut semina ap-  
 petit virum, & deforme pulcrum. Sed  
 præter supradicta nomina multis alijs  
 nominibus cohonestatur, & insignitur.  
 Nam quandoque vocatur forma, quia in-  
 formatem materiæ format. Dicitur spes-  
 cies, tum quia est pulchritudo rerum,  
 tum quia se habet vt actus, sicut species  
 vocatur actus generis. Tertio dicitur ra-  
 tio, idest definitio, quia ab ea principaliter  
 desumitur. Quarto vocatur quod  
 quid erat esse rei, idest essentia rei. Quin-  
 to dicitur actus, quia actualat. Sexto di-  
 citur terminus, quia generationem termi-  
 nat, & Septimo dicitur exemplar, quia  
 est causa formalis.

Sexto notandum, quod etiam materia *Attribu-  
ta mate-  
ria.* multis nominibus à Philosophis fuit no-  
 minata. Primo enim dicitur materia, in  
 ordine ad formam, quæ actualatur. Secun-  
 do dicitur elementum, quia ex ipsa res  
 constituuntur, sicut compositum mixtum  
 ex elementis componitur. Tertio dicitur  
 subiectum, quia ipsa est ratio suscipiendi  
 accidentia materialia, & his tribus no-  
 minibus à Peripateticis fuit nuncupata.  
 A Platoniciis vero dicta est receptaculum,  
 sinus, gremium, locus formarum, mater,  
 nutrix, & yle. Apud Arabes vero dicta  
 est, origo, massa, filia, & seminarium,  
 quorum nominum rationes, longum es-  
 set, & superfluum velle adducere.

Dubia.

Multa essent dubia hic pertractanda,  
 & resoluenda, scilicet quomodo materia  
 fit



fit sua potentia, An sit pura potentia; An habeat aliquas formas, seu dimensiones interminatas coæuas, An sit ingenerabilis, & incorruptibilis, sed hæc omnia dubia, & quæstiones habes in 8. Metaphysicis.

Primo ergo hic dubitatur. An vna, vel plures sint potentia materię.

Secundo dubitatur. An materia appetat formam.

Videtur enim quod non. Primo. Quia si materia appetit formam, vel eam appetitu animali, vel naturali. Non primū, quia non habet sensum. Non secundum, quia non habet formam, quia inclinetur, sicut lapis habet grauitatem, qua mouetur deorsum.

Secundo. Si eam appetit. Aut est, quia omni forma caret, quod est falsum, quia non subsisteret, Aut quia multas appetit, quod est incongruum, cum vna tantum debeat informari. Aut quia est fallidita prima, quod est ridiculum, cum per eam perficiatur. Ergo.

Tercio. Quia dicere, quod materia appetit formam, sicut femina virum, Metaphora est. Scientia autem non vtitur Metaphoris. Iper Arist. secundo. Post.

Tertio. Dubitatur circa hoc dictum scilicet quod materia corrumpatur per accedens, quia scilicet corrumpitur priuatio. Nam quod corrumpitur est ens; Priuatio autem non est ens. Ergo.

Secundo. Quia si priuatio corrumpitur per accedens; Ergo materia corrumpitur per se, cum differant.

Ad primum dicitur, quod potentia materię in vniuersali, & secundum se considerata, vna est realiter, cum quolibet genus diuidatur per actum, & potentiam, sed in particulari, & secundum

rationē diuersæ sunt potetia, propterea accedit materię disponi ad diuersas formas.

Pro solutione secundi dubij. Primo. notandum est, quod triplex est appetitus. Primus dicitur naturalis, idest naturalis ordo, & inclinatio ad propriam perfectionem. Secundus dicitur animalis, ortus ex aliqua cognitione sensitiua. Tertius dicitur intellectus, quia oritur a cognitione intellectiua, & solum reperitur in intellectualibus. Appetitus ergo materię erit naturalis, quia caret sensu, & intellectu.

Secundo notandum, quod differentia est inter hos appetitus, quod appetitus animalis, & rationalis requirunt formam superadditam, qua inclinentur in suos fines. Appetitus autem naturalis nihil aliud dicit nisi pondus naturæ, & ordinē potentia ad proprium actum, & propria perfectionem, & finem.

Ad primum ergo dicitur, quod valet de appetitu rationali, vel animali, nos autem loquimur de naturali.

Ad secundum dicimus, quod appetit formam vt propriam perfectionem, quia ea perficitur.

Ad tertium dicendum, quod vsus est exemplo nobis magis noto, quia hæc scientia est a posteriori, ex nobis notioribus.

Ad quartum dubium dicendum, quod aliquid dicitur corruptibile ita dupliciter. Primo proprie, quia perdit propriū esse. Secundo improprie, prout desinit vnā rationem habere, quam prius habebat. Primo modo corrumpitur compositum, quia amittit propriū esse, secundo modo priuatio, quia cessat denominare rem sub tali forma. Et per hæc patet ad argumenta.

Finis Primi Physicorum.

# COMMENTARIA CVM QVAESTIONIBVS.

In secundum Physic.

F. MICHAELIS ZANARDI  
ORDINIS PRAEDICATORVM.



## CAPVT I.

### LECTIO I.

S. D. L.

*Eorum qua sunt. Alia quidem sunt  
NATURA. TEX. 1.*

*Intentio  
Physico  
phi.*



Philosophi intentio in hoc secundo libro secundi Physic. est de natura, & de causis rerum naturalium, & de casu, & fortuna tractare; & quomodo omnia

propter finem operentur ostendere. Incipit autem volendo de natura sermonem habere à quadam diuisione, quia ut ipsemet tradidit secundo. Post. cap. 7. per diuisionem, & compositionem rerum naturas penetramus.

*Quada  
sunt na-  
tura, &  
quadam  
per ali-  
as cau-  
sas.*

Primo igitur dicit, quod quaedam constant, idest sunt natura, & quaedam sunt per alias causas, ut per casum, vel fortunam, vel per artem. Enumerat autem quae sunt natura, idest natura constant, ipsa reducendo ad aliquas species. Prima ergo species est eorum, quae vita animali viuunt, ut animalia ipsa, & species ipsorum. Secunda est eorum, quae viuunt vita vegetabili, ut sunt plantae. Tertia est corporum simplicium, idest quattuor elementorum, aeris, ignis, aquae, & terrae. Subdit vero quod naturalia à non naturalibus,

idest ab artificialibus in hoc differunt, quod naturalia in se habent principium intrinsecum sui motus, vel secundum locum, vel secundum augmentum, vel decrementum, vel secundum alterationem. Artificialia autem non habent in se ipsis principium sui motus, sed ab extrinseco mouentur, ut indumentum, & bestulus. Subdit tamen, quod entia artificialia dupliciter considerari possunt. Primo secundum formam, & sic per eam non mouentur. Secundo secundum materiam, verbi gratia, ut lignea, vel terrea sunt, & sic per se moueri possunt.

In secundo textu assignat differentiam inter naturam, & artem, & ex hac deducit diffinitionem naturae. Habet ergo, naturam in hoc ab arte differre, quod in se habet principium motus, & quietis, & ideo natura erit principium, & causa mouendi, & quiescendi eius in quo est, primo; per se, & non secundum accidens; declaratque hanc ultimam particulam, scilicet, non secundum accidens, exemplo Medici, nam Medicus infirmus non sanatur per se quatenus Medicus, sed per accidens, sanatur autem per se, ut infirmus, & ideo venit dicendum quaedam fieri à principio intrinseco, ut patet in natura, & naturalibus, & quaedam à principio extrinseco, ut patet in artificialibus.

In textu quarto, & quinto assignat discrimen inter naturam naturalia, à natura, & secundum naturam. Inquit ergo, quod natura, & naturalia dicuntur subiecta, idest substantiae sensibiles, compo-

*Diffini-  
tio Na-  
turae.*

*Differe-  
ntia  
ab ijs q  
sunt secu-  
dam na-  
tura, &  
à natu-  
ra.*

sive ex materia, & forma, quæ naturæ dicuntur, sicut naturalia nominantur ea, quæ originem ducunt à natura, ut sunt omnia accidentia, & passionēs naturales, à subiecto manantes. Secundum naturam autem appellantur proprietates, & inclinationes naturales, ut ferri fursum in igne, & deorsum in terra.

*Ridiculum est velle probare naturā esse*  
In textu vero sexto tradit quosdam se ridiculose habuisse, volentes probare naturam esse, hoc enim manifestissimū est. Arguit ergo sic. Ridiculum est velle probare manifestum, per immanifestum. Sed velle probare naturam esse, est probare manifestum per immanifestum, cum sensu constet multa moveri ab intrinseco. Dicit tandem, quod cæcus potest syllogizare de coloribus, non tamen habere scientiam colorum.

*Natura lia, et artificialia differunt, et conveniunt multipliciter.*  
Circa supradicta autem primo venit notandum, quod naturalia multipliciter differunt ab artificialibus. Primo, enim differunt, quod naturalia possunt sciri scientiā speculatiua, & practica secundū rem, ac artificialia sciuntur tantum scientiā practica secundum rem, & speculatiua secundum modum. Secundo, quod forma artificiorum accidentalis est, & tantum accidentaliter perficit naturam, sed forma rerum naturalium essentialis est, & eis dat esse verum, reale, & perfectiuum simpliciter. Hinc oritur quinta differentia, quod naturalia habent in seipsis principium intrinsecum sui motus, & possunt producere aliam naturam, idest formam, sed artificialia non possunt producere aliud artificiatum, verbi gratia, vna domus, aliam domū, & habent principium sui motus extrinsecum. Quarto differunt, quod naturalia produciuntur à natura, & artificialia ab artifice, à voluntate, & ab arte. Vltimo differunt, quod natura, idest res omnes naturales habent in se causam intrinsecam, quæ est natura; quæ vero sunt ab alijs causis, in se non habent principium intrinsecum, quod sit natura, sed extrinsecum, quod est ars.

Conueniunt tamen ars, & natura multipliciter. Primo, quia sicut ars quibusdā regulis, & legibus procedit, ita & natura, vnde Antiqui vocauerunt naturā, Dei artē. Secundo: Quia ars sibi simile producit, iuxta exemplar existens in mente Artificis, & ita natura generat sibi simile

in specie. Tercio, quia sicut ars compositum supponit, in quo formam accidentalem imprimit; ita forma supponit materiam, in quam formam substantialem introducit. Quarto, quia sicut ars de imperfecto ad perfectum procedit, ita & natura: in quo sensu intelligitur Arist. in problemate 44. sect. 10. dum dicit. Naturam primo facere prauæ, idest imperfecte omnia, & plura praua quam recta, idest imperfecta, quam perfecta, cum magis abundant secundū indiuidua ignobiliora entia, quam nobiliora, vnde plura sunt animalia quam homines, & lapides quam animalia. Quinto, quia sicut natura imitatur Deum, ita & ars naturam, quantum potest. Sexto, quia in arte, & natura cadit casus. Septimo, quia sicut natura, ut natura est, non deliberat, ita nec ars per Aristot. tex. 86. non consultat de regulis artis, sed eas ut notissimas supponit, verbi gratia, quod fundamentum debet esse primum in domo edificanda.

Secundo notandum venit, recte Arist. diffinisse naturam per relatiuum, & non per absolutum, quia cum natura sit principium motus, & principium relatione dicatur, sic diffinienda erat. Est tamen relatiuum secundum dici, cum natura principaliter absolutum importet, & secundum relationem dicat. Hinc deridendi sunt illi, qui volentes diffinitionem naturæ emendare dixerunt, naturam esse vim insitam rebus, nam vis idem significat quod principium.

Tercio notandum est ad maiorem explicationem supradictorum, quid sit natura, à natura, naturale, & secundum naturam. Natura igitur id significat, quod est principium motus, & quietis, si passiuum, erit materia, & si actiuum, forma. A natura compositum dicitur, ex naturis, scilicet ex materia, & forma constitutum, quia propter Philosophus docet compositum non dici naturam, sed à natura. Secundum naturam dicuntur proprietates, & inclinationes naturales, ut tendere sursum in re leui, & deorsum in re graui. Ex ijs autem dimanant ea, quæ vocantur secundum naturam.

*Natura recte dicitur principium,*

## QVÆSTIO I.

*Verum Natura habeat in se principium  
intrinsecum sui motus.*

**V**ideretur enim quod non, quia dum corpora simplicia, ut ignis, aer, & aqua, generantur, vel alterantur, hoc fit ab extrinseco principio, ut patet dum ex aere fit aqua, & de lignis aer.

*Incoha-  
tio for-  
matur  
negativè*

Pro solutione huius dubij. Primo notandum est aliquos dixisse duplex esse principium intrinsecum, scilicet perfectum, quod perfecte est principium intrinsecum motus, & imperfectum, quod coadiuvat actionem exterioris agentis, quod principium vocaverunt incohesionem formarum. Sed hanc incohesionem formarum reiecit in Metaph. Primo, quia nihil agit nisi in quantum est in actu. At incohesionem formarum non est actus, sed aptitudo ad actum, ut adversarij ipsi testantur. Secundo, quia nihil alterat se ipsum, nisi in se habeat plures partes, quarum una alteram alteret. At in composito non sunt istae partes. Ergo &c.

*Natura  
non est quo  
modolibet  
motus, sed  
principium  
motus.  
Sed acti-  
um, vel  
passivum.*

Secundo ergo notandum est, Philosophi non intellexisse omnia naturalia habere in se principium quodlibet, nec quomodolibet motus, sed accomode, scilicet vel active, vel passive, id est vel efficiendo motum, vel recipiendo aliquo modo.

Tertio ergo notandum, quod mobilem motu Physico, quaedam sunt entia incorruptibilia, ut corpora caelestia, & haec possunt bifariam considerari. Primo selecta intelligentia mouente, & sic solum habet in se principium passivum sui motus, cum effectiue ab intelligentia mouentur. Secundo inclusa intelligentia mouente, & sic dicuntur habere in se principium actiue sui motus. Alia vero sunt corpora simplicia, id est quatuor elementa. Cum autem simplex ut simplex non moueat se ipsum, ideo dicuntur moveri à generante effectiue, & ut quod, formaliter vero à propria forma, ut quo, & à se materialiter passive. Sed alia sunt mixta inanimata, & ista mouentur à generante ut supra, unde mixta animata effectiue, & formaliter mouentur à principio intrinseco, scilicet ab anima dante esse, & motum.

Ad argumentum igitur dicitur sufficere quod corpora simplicia habeant in se principium passivum sui motus.

## QVÆSTIO II.

*Verum ridiculum sit demonstrare  
naturam esse.*

**V**ideretur quod non. Nam quod est difficile scitu, recte est demonstrabile. At cognoscere motorem rei motæ, id est naturam, difficile est scire. Ergo non erit ridiculum demonstrare eam esse.

Pro enucleatione huius dubij sciendum est aliquos dicere, quod demonstrare naturam esse, stat dupliciter. Primo quoad an est, seu quoad existentiam, querendo an natura existat, & hoc velle probare ridiculum est, quia sensu constat naturam esse, sicut constat nivem esse albam, & ignem calidum. Secundo quoad quid est, id est quo ad convenientiam partium distributionis naturæ, & hoc facere non est ridiculum, sed convenientissimum. Secundo aliqui dicunt, aliud esse dicere, quod naturam esse, sit indemonstrabile, & aliud quod tentare demonstrare naturam esse, sit ridiculum. Nam affirmare primum, est inconueniens, at secundum tentare non est ridiculum, cum tantum dicat possibilitatem, & si dicat superfluitatem. Vel tertio dicere possumus, esse quidem ridiculum velle demonstrare naturam esse in communi, non vero in particulari, cum maxime sit difficile cognoscere naturam unius cuiusque rei, & per hoc patet ad argumentum.

*Natura  
esse quod  
posse de-  
monstrari*

## LECTIO II. &amp; III.

## QVÆSTIO III.

*Verum natura sit recte definita per esse  
principium, & causam, motus, & quie-  
tis, in eo, in quo est, & non  
secundum accidentis.*

**V**ideretur quod non, & primo arguitur, quod natura non sit principium. Nam nullum absolutum debet definiri per respectum. Sed Natura est quoddam absolutum. Ergo non debet definiri per principium, quod est respectum.

Minor

Minor nota. Maior probatur. Quia respectum est posterius absoluto. Diffinitio autem datur per priora.

Secundo arguitur, quod non sit causa motus. Nam causa motus distinguitur à re mota, sicut distinguuntur causa, & effectus. Sed eadem est res mota, & principium motus, ut patet in viuentē. Ergo &c.

Tertio. Idem non est causa oppositorum. Sed motus, & quies sunt opposita. Ergo natura non potest esse principium motus, & quietis.

Quarto. Idem videtur esse principium, quod causa. Ergo superflue dicitur, naturam esse principium, & causam.

Quinto. Calum est quædam natura simplex, & tamen non habet in se principium quietis, sed tantum motus. Ergo natura, non est principium motus, & quietis.

Sexto. Græue habet naturam, & tamen non habet in se principium motus, cum non moueatur. à seipso per Aristotilem octauo huius. Ergo &c.

Septimo. Natura, aut dicitur principium motus, ut est materia, aut ut est forma. Sed nullum horum potest esse, quia hæc non mouentur nisi per accides, scilicet ad motum totius compositi.

Octauo. Nullum reale est causa priuationis. At natura est quid reale, & quies est quædam priuatio motus. Ergo natura non erit principium, & causa motus, & quietis.

Nono. Arguitur contra differentiam assignatam inter naturam, & artem, scilicet. Quod natura sit principium intrinsecum motus, & ars non. Nam ex diuersitate figuræ, motus diuersificatur, quare ea quæ sunt figuræ circularis, & quadratæ, tardius descendunt, & quæ Pyramidalis citius. Sed figuræ sunt formæ accidentales. Ergo &c.

Decimo. Habitus acquisiti ex frequentatis actibus, sunt principia eorum in quibus sunt motus, ut cantus, & saltus. Et insuper quædam sunt artificia, quæ ex se ipsis mouentur nullo extrinseco mouente, ut patet in horologio. Ergo &c.

Vndecimo. Aurum Alchimicum arte conflatur, & per veram mutationem substantialem facientem, ærem, aurum, & argentum viuum solidum, &c.

Duodecimo. Arist. 1. Politicorum c. 3. & Plato in Menone referunt statuas Delali sponte huc, illucque discurrisse. Et apud Phylolstratum in Appolonij Thianei vita, in Conuiuio Iarcle Gimnosophystæ habemus, quosdam tripodas aureos se ipsos mutasse, & propincernis in seruisse. Et Saturninus apud Gellium lib. 10. noctium Atticarum cap. 12. narrat. Architam columbam ligneam consecisse volitantem. Et de Archimede legimus ipsum consecisse spheram vitream, in qua omnes motus aliorum apparebant.

Decimotertio. Quia Annulli, & Imagines Astronomicæ, idest, quæ sunt obseruato situ, & hora astrorum, multa supra naturæ cursum faciunt ut refert. D. August. 10 de ciuitate Dei, cap. 11. Plato in secundo Dialogo de furto, & Plotinus cap. 40. lib. quarto Ennead. quarto. Et de quoddam capite à D. Alberto Magno conflato multa dicuntur.

Decimoquarto. Quia Damones multa efficiunt quibusdam signis, & circulis à negromanticis induci.

Pro resolutione huius questionis, primo sciendum est, aliter esse opinatos antiquos, & aliter, Arist. Nam Plato dixit naturam esse quandam formam absolutam, & vim per corpora diffusam. Cui definitioni Hermes Trismegistus addidit esse formam quidem absolutam, sed à prima causa emanantem, & per vniuersas mundi partes discurrentem. Imaginabantur enim naturam esse quandam substantiam, diuinitatem præferentem, per corpora diffusam, omnibus esse, & viuere tribuentem, rectoricem, & gubernatricem omnium. Sed Aristoteles non cognoscens, aliam naturam, quæ formaliter, & intrinsece sit principium motus, & quietis, præter materiam, & formam, his tantum rationem principij, & causæ mouendi, & quiescendi attribuit, nam Deus quæ mouet per materiam, & formam, ut per principia immediata mouet, & quiescere facit. Sed sciendum est duplicem esse naturam Prima enim dicitur natura naturans, & hæc Deus est, qui omnibus dat esse, & moueri, & si de hac natura locuti sunt antiqui, non errauerunt. Secunda dicitur natura naturata, idest immediatum principium, & causa motus, & quietis, & de hac locutus est Arist.

Aristot. Naturam autem naturantem Seneca quarto de officiis Deum vocauit, & D. August. 15. de Trin. c. 1. naturam creatricem appellauit, & hæc a Philosophis sæpe nominatur natura vniuersalis.

*Natura multiplicata* (teste Boetio in libro de duabus naturis, & vna persona Christi) quatuor modis sumitur. Primo enim modo sumitur pro natura reali cuiuslibet rei, ad differentiam entium Chimericorum, & sic solemus dicere talem esse naturam substantiæ, & talem accidentis. Secundo modo capitur præsius, pro natura quæ est substantia tantum corporea, vel incorporea, & hoc modo accedens natura dici non potest. Tercio accipitur pro substantia tantum corporea, & sensibili, vt Deum, & intelligentias excludamus, quæ sunt entia separata à materia, & in hoc sensu hic eam diffiniuit Arist. Quarto sumitur pro vltima differentia specifica, rem in tali esse constituentem, prout consueuimus dicere, naturam hominis esse naturam rationalem. Alij vero dicunt, quod naturam primo sumitur pro vniuersaliusque rei quidditate, & essentia, per diffinitionem explicata, prout dicimus in diuinis vnam esse naturam, & vnum esse, & vniorem verbi non esse substantiam in natura, sed in persona, quia natura humana non fuit mutata in diuinam, sed bene humana natura fuit assumpta ad personalem verbi. Secundo capitur pro vniuersitate rerum, prout de ea locutus est Aristot. 12. Metaph. tex. 38. dum dixit, totam naturam à primo principio pendere, & nos dicimus miracula supra naturam fieri, cum natura non possit illa efficere. Tercio accipitur pro naturali inclinatione rei, & sic dicunt Philosophi naturam nihil frustra facere, quia omnia agit propter finem, & in hoc sensu dicunt illam optimum facere, superflua abhorre, necessaria non denegare, in otio non stare, & vnicuique quod suum est tribuere. Quarto sumitur pro nativo calore, ac vniuersaliusque animati temperamento, ex quatuor primis qualitatibus cōcreto, quo sensu Galenus libro artis Medice, cap. 77. dixit, naturam esse opificem, & Medicum, ministrum. Quinto sumitur per generationem viuentium, vnde natura dicitur quasi nascitura, & sic stat per internis rei principiis,

scilicet pro materia, & forma. Sed tu dic, quod si natura sumatur secundum id à quo nomen imponitur, à generatione venit, & dicitur quasi nascitura, sed secundum id à quod significandum nomen imponitur, multas acceptiones suprapositas recepit, inter quas est illa, quod significet principium intrinsecum motus, & quietis, & sic sumitur hic.

Tercio notandum venit. Philosoph. recte in textu dixisse naturam esse principium, & causam motus, sed in assignanda ratione Doctores varie loquuntur. Albertus igitur Magnus ait nomen principij communius esse quam causæ, vnde dicitur de materia, forma, & priuatione, & nomen causæ, tantum dicitur de materia, & forma. Sed contra Albertum instat Benedictus Pererius. Primo, quia natura dicitur principium motus per se, & non secundum accedens, priuatio autem non potest esse principium nisi per accedens. Secundo, quia Aristot. solum materiam, & formam vocauit naturas. Sed ijs possumus dicere ad primum, quod in moueri priuatio est principium per se, & in motu esse per accedens, sicut etiam dicitur esse principium rerum naturalium per se in fieri, & per accedens in facto esse, & per hoc patet ad secundum, quia Aristot. locutus est de natura, vt est principium motus per se, & in fieri, & in facto esse. Tenet autem Pererius Aristot. per eodem sumpsisse nomen principij, & causæ, prout etiam in primo dixit, exordium esse à cognitione principiorum, causarum, & elementorum, pro eodem hæc sumendo. Sed hæc sententia multa habet peccata. Primo enim peccat in fundamento, quia nomina causæ, & principij distinguuntur, prout ostendimus in primo Phys. tex. primo. Secundo peccat notando Aristot. superfluitate, & præcipue in diffinitione, quæ nihil superflui, vel diminuti continere debet (teste Porphyrio cap. de genere.) Tercio peccat expresse contra Aristot. quinto Diuinarum ibi expresse diuidentem principium à causa.

Sententia ergo S. D. est, quod natura dicitur principium ratione materię, & causæ ratione formę, quia natura non eodem modo est principium, & causa motus, & quietis, sed iuxta naturam rei mobilis actiue, vel passiue. Ferrariensis autem hic

*Natura est principium, & causa*



hic sustinet, quod ly principium non refertur ad motum, & quietem, sed ad compositum, ex natura constitutum, & causa refertur ad motum, & quietem, vt sit sensus. Natura, vt dicitur de materia, & forma est principium rerum naturalium, & insuper est causa motus, & quietis eius in quo est, scilicet in composito, quia materia facit quod compositum sit aptum moueri, & forma ipsum mouere. Sed sci-  
to toti non conuenire mouere, sed moueri, quia dicit ordinem ad formam, vt ad principium motus. Dicitur autem natura esse principium mouendi eius in quo est immediate, & per ipsum mediate, alia mouendi.

*Mouēdi* Aduertendum quarto circa (ly mouen-  
*di, & quiescēdi*) quod duplex est motus.  
*Secundi.* Primus dicimus Metaphysicus, cum sit actus potentia, à materia separata, verbi gratia, vel intellectus, vel voluntatis. Alium dicimus Phys. & hic in tres species diuiditur, idest in motum, augmenti, & decrementi secundum quantitatem, alterationis secundum qualitatem, & localis secundum diuersa vbi, & de hoc locutus est Philosophus. Item quies dupliciter sumi potest. Primo vt est negatio motus. Secundo vt dicit quietem cuiuslibet rei in loco suo naturali, prout dicimus terram deorsum quiescere, & ignē sursum, & sic sumitur in diffinitione, nā primo modo natura poneretur principium entis priuatiui. Vel dicamus cum Commentitilis, quod quies bifariam sumi potest. Primo vt dicit terminum à quo, & hanc motui contrariatur. Secundo vt dicit terminum ad quem, & hanc est perfectio motus, quia omne quod mouetur ad hoc mouetur, vt quiescat in suo termino, sui perfectiuo, & hanc nō est negatio motus, sed eius perfectio, & sic sumpta est a Philosopho in presenti.

*Expli-* Aduertendum hic autem circa eandem  
*catur.* particulas mouendi, & quiescendi, quod natura in omnibus non est causa motus, & quietis, sed vnius, vel alterius, iuxta naturam rei naturalis; nam cœlum semper mouetur, & nūquam quiescit, & terra semper immobilis stat, vnde textus legendus est coniunctim, in ijs quæ utrūq. suscipiunt, scilicet motum, & quietem, & disiunctim, in ijs quæ vnum tantum horum suscipiunt, scilicet motum, vel quietem.

Notandum est sexto circa (ly primo) aliquos dicere, quod ly primo idem significat quod secundum quod ipsum, vt sit sensus. Natura est principium, & causa motus, & quietis, primo, idest, vt natura est, & non per aliud, idest, non per principium extrinsecum, vt contingit in artificialibus. Sed alij interpretantur ly primo, vt idem sonet quod non instrumentaliter, nam esse principium motus stat dupliciter. Primo principaliter, & sic forma dicitur principium motus, & quietis. Secundo instrumentaliter, & sic aliqua qualitas, verbi gratia, grauitas in graui, & leuitas in leui possunt dici principia motus. Sed melius dicendum est, quod ly primo idem significat quod principium primum, & remotum, & non proximum. Et ideo sciendum, quod duplex est principium motus. Primum dicitur remotum, & primum, scilicet forma, vel anima. Secundum dicitur proximum, & immediatum, scilicet potentia naturalis rei, qua mediante anima, vel forma rem mouet ad proprium terminum, nam substantia non agit nisi mediante potentia, verbi gratia, anima non intelligit nisi per intellectum, & ita natura dicitur esse principium primum motus, & potentia proximum.

Aduertendum est se primo circa (ly in quo est) quod hæc particula ponitur ad differentiam artis, quæ non est principium motus, eius in quo est, idest, non est principium intrinsecum, sed tantum est principium motus extrinsecum, & ideo sciendum tripliciter differre formam artificialem à forma naturali. Primo enim differunt, quia forma naturalis immediate vnitur materie, aliter si vniatur materie iam aliqua forma informata, esset accidens, cū omnis forma adueniens enti in actu accidentaliter sit, & ideo cum forma artificiorum accidentaliter sit, aduenit enti in actu, vt figura Casaris, æri exstenti. Secundo differunt, quia forma naturalis intrinsece recipitur in materia, & est quoddam intrinsecum composito, forma autem accidentalis solum recipitur in exteriori superficie, vt figura Casaris in exteriori superficie æris. Tercio differunt, quia forma naturalis recipitur in materia per qualitates actiuas, & passiuas, quibus disponitur materia ad eius rece-

*Eius in quo est.*

prionem, forma vero artificialis sine ijs recipitur.

*Per se.* Aduertendum est octauo circa (ly per se, & non secundum accidens) quod ly per se, ponitur ad differentiam ly per accidens, nam verbi gratia, Medicus infirmus, si mouetur ad sanitatem, per se ad eam mouetur, non vt Medicus, sed vt infirmus; vnde cenfeo diffinitionem naturæ sic esse interpretandam. Natura est principium, & causa, eius in quo est, motus, & quietis, primo, & per se. Ergo non secundum accidens, vnde ly, & non secundum accidens, explicat ly per se.

*Analogia.* Aduertendum est nono, quod hæc non est quidditatiua diffinitio naturæ, sed potius descriptiua, nam diffinitio quidditatiua vniouca est, & non analogica; forma enim est magis natura, quam materia cum sit actus, & materia potentia. Saluatur etiam inter naturas analogia proportionalitatis, quia qualibet harum suo modo est principium motus.

Quoad secundum conclusio est. Natura recte fuit diffinita sic. Natura est principium, & causa, &c. Probatur ex supra dictis.

Ad primum respondetur ad maiorem, quod duplex est absolutum. Primum dicitur absolutum simpliciter, quia nullam dicit relationem, & tale nullo modo diffinitur per respectuum. Secundum dicitur absolutum primario, & secundo relatiuum, quod quidem dicit relationem secundum dici, & tale potest diffiniri per relatiuum, sicut est natura, vnde materia, & forma vt substantiæ sunt absoluta, & vt principia motus sunt relatiua.

Ad secundum dicitur, quod natura distinguitur a se ipsa prout diuiditur in partem mouentem, & motam. Vel secundum dicendum, quod natura, vt principium dicitur solum de materia, vel forma, & vt id quod mouetur de toto composito, quod potius vocatur a natura, vel consiliens ex naturis.

Ad tertium dicendum ad maiorem, quod idem non est causa oppositorum secundum ideam, sed secundum diuersa vtique. vt supra explicatum est. Vel secundum dicendum, quod contraria sunt in duplici differentia. Nam quædam sunt perfecta, quorum vnum non ordinatur ad aliud. Alia vero dicuntur imperfecta,

quorum vnum ad aliud ordinatur, & sic motus ordinatur ad quietem, tamquam ad terminum. Vel dicendum vt supra, quod quies vt dicit terminum motus, non ei opponitur, sed potius est eius perfectio.

Ad quartum satis dictum est in corpore.

Ad quintum similiter dictum fuit, quod diffinitio naturæ, vel intelligitur diuisiua, scilicet, quod sit principium, vel motus, vel quietis, vel actus, vel effectus, pro natura mobilis, vel quiescibilis. Ad maiorem tamen noticiam difficultatis, sciendum est, calos esse in duplici differentia. Nam quoddam vocatur empiricum, quod ponitur sedes beatorum, & hoc secundum, S. D. p. p. q. 66. art. 3. & q. 102. art. 2. est immobile, motu quidem circulari, quia motus celorum circularis, & si non ordinetur ad consecutionem propriæ perfectionis, cum sic sua natura sint perfectissima, ordinatur tamen ad perpetuitatem generationis, vt tradit S. D. in 4. dist. 48. quæst. 2. art. 2. & ideo ad hunc finem generabilibus, & corruptibilibus tribuendum, necessarius est in eis motus, & non quies. Cum ergo calum empiricum non ordinetur ad generationem rerum, sed ad hoc, vt sit sedes Beatorum, ideo immobilis stat, quo ad motum circularem. Alij igitur erunt cali empirici inferiores, ordinati ad motum, vt figura eorum circularis ad motum aptissima indicat, & perpetua eorum conformitas, & indeficientia in motu ostendit, & docuit Arist. primo de calo, & mundo, cap. 3. & in secundo, tex. 2. & in 9. Metaph. tex. 17. In istis igitur natura est principium tantum motus ab intrinseco, non solum ratione materię, verum etiam ratione forme proprię, dantis calo maximam inclinationem ad hoc, vt ab intelligentia moueatur, & sic in ordine ad eam, dicamus totum compositum cali moueri motu passiuo, quia intelligentia ipsum mouet effectiue. Vel tertio est dicendum, quod calum mouetur, & non quiescit quo ad orbem, sed quiescit, & non mouetur quo ad polos, & ita terra, & si secundum totum videatur immobilis, tamen secundum partes diuersis motibus alteratur, & quatitur.

Ad sextum similiter dictum est, quod in graui respectu generantis reperitur principium passiuum motus, & respectu pro-

proprie formæ actiuum, vnde mouetur vt quod, & se mouet vt quo.

Ad septimum dicendum, quod materia, & forma non dicuntur mota sed principia motus, & ideo mouentur solum per accidens, idest vt sunt in re mota.

Ad octauum dictum est in quarto notabili.

Ad nonum, & decimum dictum est, artem quandoque imitari naturam, vnde quoadque induit modum naturæ, & si non sit natura, quæ est primum principium motus, vnde dicitur natura modaliter, & non realiter.

Ad vndecimum respondendo primo supponimus dupliciter posse intelligi artem alchimicam efficere verum argentum, vel aurum. Primo vt est ars, & regula extrinseca à rebus. Secundo vt applicat actiua passiuis, temperando sulphurem, & argentum viuum, quæ sunt materia auri, & argenti, & sic transmutando, hoc non facit vi artis intrinsece sed vi artificiosæ applicationis, vnde ars nō concurrat nisi vt conditio sine qua non. De primo igitur non est difficultas, in secundo autem stat cōtroversia. Nam Alb Magnus lib. tertio de mineralibus, c. 9. Miradulanus de euerfione singularis certaminis lib. 9. sec. 7. & S. D. 2. 2. q. 77. ar. 2. quamuis hanc artem iudicent difficilem, non tamen eam faciunt impossibilem. Primo quia artis industria applicando actiua passiuis, generantur animalia, vi apes ex ventribus bouum, & scorpiones ex herbis. Secundo, quia Angeli hoc efficere possunt, applicando actiua passiuis. In contrarium tamen stat S. D. secundo sent. d. 7. q. 3. 2. p. & de potentia q. 6. 2. p. Auerroes in paraphasi ad primum librum de generatione animalium, & alij multi, qui hanc artem predicant vanam. Primo, quia aurum à calore solis efficitur, & nō ab igne, cum ignis non possit agere nisi vt instrumentum caloris æterei. Secundo, quia natura mineralibus locum assignauit in sinu terræ. Tertio, quia (vt ait Aegidius) ea quæ sunt perfecta in suo genere habent determinatum modum oriendi, & sic si natura ex minera deducit aurum, non ergo per artem chemicā, cum aurum inter mineralia sit perfectissimum. Et si ignis ex coitu radiorum, & actione alterius ignis generatur, hoc pro

uenit, quia in ijs latet eius qualitas ordinaria, quod vsque modo, in sulphure, & argento viuo visum non est. Hinc Ioannes 22. in extrauagant. Spondet, decernit, vt venditio talis auri sit prohibita, & quod illud vendens teneatur ad restitutionem in integrum. Romani etiam huius artis libros flammis dederunt, apud Calium q. 7. lec. antiq. Patet etiam eam esse reijciendam, quia nullus est vsque modo Alchimista, qui ostendere potuerit aurum alchimicum ita esse perfectum sicut est naturale, nam ignem non sustinet, colorem non seruat, in subtilissimas laminas deduci non potest, & medicinis non seruit. Concludendum est igitur, quod omnino est reijcienda, tum propter difficultatem eam inueniendi, tum propter vanas expensas, quæ inutiliter in ea inuenienda fiunt, tum etiam quia esset de raro contingentibus, quod non accidit in generatione animalium ex herbis, &c. nec nos Angelis possumus fieri æquales, nec cum Dæmonijs participare licet.

Ad duo decimum dicitur, quod ars nō potest ab intrinseco moueri, & si id facere videtur provenit, primo ex vi rei naturalis cum alio coniunctæ, vt facit Magia, de qua mirabilia leguntur apud Gullielmum Parisiensem, in suo opere. Vel secundo id fiet arte Dæmonis. Vel tertio opera naturæ nos latente. Nō tamen consistere poterit ars caput recte ad interrogata respondens, sicut quidam fabulamur de capite ab Alberto composito, nam si ars posset dare intellectum, sine intellectu anima, vel materiam animare, sine suo principio determinari, scilicet fine generante. Potest tamen esse, quod Dæmon includatur in aliquo quanto, & ex eo respondeat, sicut patet de Idolis Gentium. Ad argumentum igitur dicitur, quod illa, vel fuerunt arte Dæmonis, vel fuerunt aliqua arte sic aptata, vel Dæmonis subtilitate effecta, vel præstigio, & allucinatione sic apparentia.

Ad tertium decimum dicendum, quod annuli, & aliz figuræ sub determinata constellatione fabricatæ, habeant effectū stat dupliciter. Primo ex arte, & figura, & hoc falsum est, vt docet S. D. 2. 2. q. 96. art. 2. Secundo ex materia, quæ arte magi redditur apta ad aliquam actionem in

vno tempore, quam in alio, & hoc non inconuenit, cum celi agant in materiam prout eam inueniunt dispositam.

Ad decimumquartum dicimus, id totum esse Dæmonis arte effectum, vt homines à Dei cultu auertant, & ad vana, & superstitiosa conuertant, & ideo illi circuli, & familia bifaria considerari possunt. Primo vt figuræ sunt, & ita nihil habent cum Dæmone. Secundo, vt sunt signa pacti, & foederis initi, inter Dæmonem, & maleficum, & ita per illa signa mouentur, voluntate inordinata, vt animam lucrifaciant.

## LECTIO IV. & V.

S. D. II.

*Videntur autem natura, & substantia.*

*Tex. 7.*

**I**N præfenti lectione reducemus ea, quæ dicuntur ab Arist. à textu septimo vsq; ad textum 17. exclusiue ad tres conclusiones. Secundo quædam explicabimus quibusdam annotationibus. Tercio circa dicta mouebimus quasdam quæstiones, & soluemus.

*Materia est natura.*

Quoad primum ergo prima conclusio est. Materia est natura. Probat primo hoc suppositio facta, scilicet, quod natura idem significet, quod substantia semper manens. Illud quod semper in vnaquaque generatione manet, illud natura vocatur. Sed materia in quacunque generatione semper manet. Ergo. Probat minorem exemplo Antiphontis de lectulo in terra proiecto germinante. Nam & si per germinationem mutet figuram, non tamen mutat materiam, cum semper lignum remaneat. Vnde factum est ait Philosopho. quod aliqui posuerunt terram, alij ignem, alij aerem, alij aquam principia rerum naturalium, affirmantes omnia esse ignea, vel terrea, vel aquea, & mutari solum accidentalibus formis, & sic infinites generari, & corrumpi.

*Forma est natura.*

Secunda conclusio est. Forma est natura. Probat tripliciter. Primo. Sicut se habet forma artificialis ad rem artificiatam, ita se habet forma naturalis ad materiam. Sed à forma artificiali res dicitur artificiatæ, vt lectum dicitur à for-

ma lecti. Igitur, & res naturales dicuntur naturales à forma naturali, dante rationem, & nomen. Secundo. Illa est natura cuius virtute generans generat sibi simile. Sed agens naturale non generat sibi simile, nisi virtute formæ, quæ mediante generat. Ergo &c. Minor supponitur vt nota, maior probatur communi sententia antiquorum, ad hoc propositum dicentium, substantiam non generare nisi substantiam. Tercio. Generatio dicitur natura respectu termini. Sed terminus generationis est forma, id est vnio cum materia. Ergo forma est natura.

Tertia conclusio est. Forma est magis natura, quam materia. Probat. Illud magis est natura, quod facit rem esse in actu, quam illud quod constituit eam in potentia. At forma, cum sit actus, illa est quæ materiam, quæ in potentia est facit existeri in actu. Ergo magis dicitur natura.

Quoad secundum primo notandum venit, circa dicta antiquorum, quod non valuerunt peruenire ad cognitionem materię primæ, & ideo quidam aerem, & alij aliud elementum fecerunt principium rerum naturalium, & ideo sequebatur, quod forma his existentibus adueniens, esset accidentalis.

*Intentio antiquorum.*

Secundo notandum est, antiquos duo dixisse. Primum est, quod materia est natura, tanquam primum subiectum vniuscuiusque generationis. Secundum est, quod omne materię adueniens est forma accidentalis, non ponentes discrimen inter formam substantialem, & accidentalem, quare dicebant formam substantialem aduenire enti in actu, quod idem affirmabant de forma accidentali. Primum quidem Aristotiles concedit, vt communem animi conceptionem, secundum autem negat, affirmando formam esse magis naturam quam sit materia, quia ipsa est actus seu endelechia, & materia est potentia.

*Due dixerunt.*

Tercio animaduertendum venit, quod cum natura sit principium motus, ideo duplex erit natura: cum duplex sit principium motus, nam principium passiuum, cui subiectiue conuenit moueri erit materia, & principium actiuum motus, cui terminatiue conuenit moueri, erit forma.

*Duplex est natura.*

D V B I A .

*Vtrum terra sit principium rerum naturalium .*

**C**ontra supradicta vrgent aliqua dubia. Primum enim pugnat contra hoc dictum, quod aliqui posuerunt terram esse principium rerum naturalium. Nam in primo de Anima tex. 3. Aristot. dixit, nullum antiquorum posuisse terram principium rerum naturalium.

*Terra se-  
cundum  
antiquos  
fuit prin-  
cipium  
rerum na-  
turalium.* Huic dubio bisariam occurrimus. Primo dicendo, cum S.D. primo Physicorum lect. 2. quod nullus Antiquorum posuit principium terram esse principium rerum naturalium, sed cum alio elemento utique, ut patet de Parmenide ponente terram cum igne esse principium rerum naturalium. Secundo respondetur, nullum Philosophorum fecisse terram principium rerum naturalium, sed bene aliquos ex Poetis, ut Hesiodus, & sequaces.

Q V Æ S T I O I I I I .

*Vtrum materia signatura .*

**V**idetur quod non. Nam naturam esse indemonstrabile est, per Aristotilem hic in tex. 6. Sed materiam esse pluribus rationibus probauit Aristoteles primo Physicorum. Ergo.

Secundo. Quod est in potentia ad naturam non est natura. Sed materia est in potentia ad naturam, id est, ad esse principium motus, quia illum non principiat, nisi sit in actu. Ergo.

Sed ad primum patet per ea quae supradicta sunt, scilicet naturam esse in vniuersali, & quoad an est indemonstrabile esse, non vero considerando naturam in particulari, & quoad quid est, licet fecit Arist. in primo Physic.

Ad secundum similiter patet, quod materia ponitur principium passiuum motus, & non actiuum, unde non est necessarium quod sit ens in actu, sed sub actu.

Q V Æ S T I O V .

*Vtrum forma sit natura .*

**V**idetur quod non. Illud quod accidit alicui non est natura. Sed forma ac-

cidit materiz cum sit extra eius rationem. Ergo.

Secundo. Natura est quoddam respectiuum. At forma est quoddam absolutum.

Igitur non erit natura.

Circa hanc difficultatem arbitrat Scotus in 2. dist. 19. quod est. vnica formam non esse naturam, nisi ut induit rationem principij passiuum nam tenet, quod esse principium, & causa motus hoc tantum conueniat principio passiuo. Hoc probat, primo. Quia natura dicitur principium mutationis, & motus, prout ei conuenit transmutari, & moueri. At tantum moueri, & transmutari conuenit materiz, & moueri, & transmutare agenti. Ergo non conuenit formz.

Secundo. Natura est principium intrinsecum motus. Sed principium actiuum, ut est actiuum, non est intrinsecum, potest enim esse quod agens, verbi gratia, Medicus in se habeat artem medicatiuam, id est, in mente, & per hanc sanetur, & tamen patet hanc non esse principium actiuum intrinsecum.

In contrariam stat communis sententia Doctorum expressa ab Arist. hic tex. 2. 13. 21. & 81. in quibus discretis verbis vocat materiam, & formam naturas.

Ad primum ergo dicitur, quod minor est falsa. Nam & si in via Commentistarum tenentium formam non aduenire materiz nudz, sed sub aliquo actu habeat aliquam apparentiam, quia sic videtur accedens adueniens subiecto iam existenti, in via tamen Thomistarum argumentum nullum est, quia forma aduenit materiz nudz, ut est in potentia ad ipsam, unde per eam, & cognoscitur, & diffinitur, non ut aliquid eiusdem nature cum ea, sed ut per eam est perfectibilis.

Ad secundum dicitur, quod duplex est absolutum, scilicet, secundum esse, & secundum dici, & esse modo forma est quoddam absolutum secundum esse, & est quoddam respectiuum secundum dici, & sic dicitur principium, & causa motus.

Ad primum Scoti dicitur, quod transmutari, & moueri ab intrinseco conuenit nature ratione materiz, sicut moueri, & transmutare ab intrinseco ei conuenit ratione formz, agenti vero conuenit ab extrinseco.

*Argu-  
menta  
soluun-  
tur.*

Ad secundum negatur, quod principium actuum motus non sit intrinsecum, idest naturale, nam & si ars Medica in Medico sit intrinseca, idest in mente, non tamen est ei intrinseca, idest connaturalis, vnde non est natura, sed coadiuuat naturam ad sanitatem.

Colligamus ergo diffinitionem naturæ. Primo conuenire formæ, cum sit principium actuum generationis, & motus, tribuens esse, perfectionem, & speciem, vnde irrationabilis est opinio Scoti, quod formæ cōueniat diffinitio naturæ, vt principio passiuo. Processit autem error Scoti, quia cum Simplicio tenuit, hic nō diffinitur naturam, viuendum, sed tantum inanimatorum contra id quod asseruit Aristot. in initio huius libri dum dixit. (Naturæ sunt quidem animalia, & partes ipsorum.) Secundo conuenit diffinitio naturæ intrinsece, & proprie materiæ, & si non cum ea perfectione sicut conuenit formæ, vt expresse docet Aristot. tex. 4. & 5. Metaph. cap. 4. & sic excluditur error Valesij contr. 11. ad Tirones, docentis materiam esse naturam tantum secundum quid. Tertio conuenit etiam priuationi secundum Alb. & Themistium, non simpliciter, sed secundum quid, quod docuit Aristot. ad finem primi cap. dum priuationem absolute non vocat naturam, sed quoddammodo, & ideo notanda est doctrina S. D. hic, scilicet, quod esse principium, & causam motus, non sumuntur in diffinitione naturæ vno modo, vel pro hoc, vel pro illo principio, vel causa; sed prout abstrahit à tali ratione, & suo modo conuenit vnicuique, quod est principium motus, & quietis.

## QVÆSTIO VI.

*Vtrum forma sit magis natura, quam materia.*

**V**idetur quod non. Nam cuius agens nobilius est, id eīem est nobilius. Sed agens materiæ Deus est, cum à Deo solo creata sit, agens vero formæ educens eam de potentia materiæ creatur est, & minus nobile agente increato. Ergo. Secundo. Illud magis est natura, quod vniuersalius est, nam maior vniuersalitas est quid magis, minori vniuersalita-

te. Sed materia est vniuersalius principium motus forma, nam supradictum est multa habere in se principium passiuum motus, & non actiuum ergo.

In contrarium est Aristot. hic. Ad primum ergo respondetur. Primo ad maiorem, quod est vera quādo agens illam rem producit propter se, & tanquā terminum productionis, materia autem non est, quod produciatur, sed compositum, neque produciatur propter se, sed propter formam. Secundo dicitur, quod valet quando agens intendit producere nobilissimum effectum secundum totum suum posse, vnde valet in agentibus naturalibus, & non in liberis, libere operantibus.

Ad secundum dicimus, quod ly magis duo potest significare. Primum est hoc quod est vniuersalius, & sic materia poterit dici magis natura, vt sic absolute sumpta, nam vt est pars compositi eandem vniuersalitatem habet cum forma. Secundum est vt ly magis idem sonat, quod perfectius, & sic forma, est magis natura, idest perfectius, quam materia, sicut actus est quid perfectius potentia. Vel secundo dicendum, quod materia sub ratione principij motus potest esse magis natura extensius; sed forma erit magis natura intensius, cum motus materiæ sit propter formam.

## QVÆSTIO VII.

*Vtrum diffinitio naturæ conueniat Anima.*

**V**idetur enim quod non. Nam natura determinata est ad vnum, per Aristot. 9. diuinorum. At anima mouet ad multas partes, & ad omnes differentias loci. Igitur non erit natura.

Secundo. Anima est actus corporis organici. Ergo non erit natura. Probatur seq. quoniam secundum S. D. forma aduenit materiæ nudæ.

Tertio. Anima est actus corporis organici, sub augmento existentis. Sed multa sunt naturalia non organica, nec ab intrinseco augmentabilia. Ergo.

Quarto. Natura est actus corporis. Sed Anima intellectiua, vt est intellectiua separata est à corpore, & non est ei affixa

*Argumenta soluta.*



*Opinio-* affixa vt organo. Ergo.  
*nes.*

Quoniam hanc quæstionem examina-  
mus in primo de Anima, ideo nunc bre-  
uiter eam percurramus.

Primo ergo notandum est. Simpliciu,  
& Alb. primo Physic. c. 2. & lib. de ori-  
gine Animæ, cap. 4. tenuisse animæ non  
conuenire diffinitionem naturæ. Oppo-  
situm autem sentit hic S. D. cum com-  
muni fere.

*Anima* Secundo ergo notandum, quod Ani-  
*conuenit* ma dicatur natura stat dupliciter. Primo  
*diffini-* adæquate, adeo vt solum animata dican-  
*tio natu-* tur habere naturam. Secundo in adæqua-  
*ra inad-* te, ita vt diffinitio naturæ conueniat ani-  
*quate.* matis, & inanimatis suo modo, & hoc  
secundum affirmamus, sicut primum ne-  
gamus.

*Vt etiā* Tercio notandum est, quod maior dif-  
*est intel-* ficultas versatur circa animam, intelle-  
*lectiua.* ctuam an sit dicenda natura, de anima  
enim sensitua, & vegetatiua non est tan-  
ta difficultas, cum hæc sint actus materiæ,  
& ei immeritæ. Vt igitur rem ipsam pe-  
netremus considerandum venit, quod  
anima intellectiua non solum est natura,  
sed perfectissima natura, quoniam per-  
fectam animam homo habet esse specifi-  
cum, & ab alijs animatis differt. Si igitur  
est vera forma corporis, vt est intellecti-  
ua, ergo erit vera natura, quia forma est  
natura, qua propter anima intellectiua  
est principium multorum motuū in ho-  
mine, vt actus ridendi, flendi, loquendi,  
& similia. Et quamuis secundum in-  
tellectum nō sit terminus generationis,  
animatamen quæ est intellectiua est ter-  
minus vnionis, & est corporea, si non vt  
quod, vt quo; Resolutio igitur est, quod  
anima intellectiua secundum statum, quæ  
habet in corpore est speculationis Phy-  
losophi naturalis, sed secundum statum  
quem habet separatū a corpore est con-  
templationis Metaph. quia sic conuenit  
cum substantijs separatis.

Quoad secundum ergo conclusio est.  
Anima est natura, & ei conuenit diffini-  
tio naturæ, etiam vt est intellectiua. Pro-  
bat. Anima intellectiua est quo viu-  
imus, sentimus, mouemur, & intelligimus  
primo, per Aristot. secundo de Anima.  
Ergo est natura. Probat. sequela, quia  
& esse sentire, sunt quidam motus.

Confirmatur Auth. Aristot. primo de

partibus animalium, cap. 1. & primo de  
Anima tex. 11. & in secundo. in initio.  
Imo hoc etiam fuit diffinitum in Conci-  
lio Lateranensi, tertio sub Leone X. sess. 8.  
Ad primum ergo dicimus ad maiore,  
quod valet de natura inanimatarum.

Ad secundum dicitur, quod forma, seu  
anima aduenit materiæ nudæ, sed prius  
dispositæ, non per aliquod instans præ-  
cedens, sed pro eodem instanti, quia in  
mutationibus instantaneis, (vt est gene-  
ratio) primum non esse præcedentium  
formatum, est primum esse subsequen-  
tis formæ, seu Animæ, vt in secundo de  
Anima docemus.

Ad tertium dicitur, quod probat dif-  
finitionem naturæ non conuenire animæ  
adæquate.

Ad quartum dicimus, quod anima in-  
tellectiua bifariam sumi potest. Primo,  
vt pro hoc statu intelligit per conuersio-  
nem ad phantasiam materialia, & sic di-  
ximus eam posse esse speculationis natu-  
ralis. Secundo, vt extra corpus intelligit  
per species infusas, ad modum substan-  
tiarum separatarum, sine aliquo ordine  
ad materiam, & sic eam Metaph. spe-  
culatur.

## C. A P V T II.

### L E C T I O VI.

S. D. III.

Cum vero diffinitum. Tex. 16.

**P**ostquam Physiosop. ostendit quid sit  
natura, & quot modis dicatur, hic  
consequenter intendit probare quomodo  
Physica differat à Mathematica. Propo-  
nit ergo Aristot. dubium sic. Illæ scien-  
tiæ non differunt quæ versantur circa ead-  
em subiecta, seu vna est pars alterius.  
Sed sic se habet Physica, & Mathematica,  
quia Mathematica est de lineis, lon-  
gitudinibus, & superficialibus, & Physica  
pariter habet plana, idest superficies, &  
firma, idest soliditates, idest corpora, &  
longitudines, idest lineas, & etiam pun-  
cta. Confirmat dubium, quærendo vte-  
rius, an Astrologia sit Physica, & argu-  
mentatur quod sic. Quia Physicus con-  
siderat quid sit Sol, quid Luna, quid ter-  
ra,

ra, quæ etiam ab Astrologia, & Mathematica considerantur. His respondet Aristot. à textu 18. vsque ad vigesimum primum exclusiue, dicendo, quod Mathematica, & Physica diuersimode considerant eisdem obiectum, quia naturalis considerat solida, &c. ut sunt termini corporum naturalium; & Mathematicus hæc considerat secundum se, ut sunt mensuræ. Item naturalis non abstrahit à motu, nec à materia naturali, & sensibili, at Mathematicus hæc considerat, ut sunt abstracta secundum Platonem, & abstractum non est mendacium. Hinc corollarie reprehendit ratione ponentem Ideas separatas secundum rem, quasi esset necessarium, quod omne abstractum secundum intellectum, esset etiam abstractum secundum rem, hoc enim falsum est, quia intellectus aptus natus est adunata diuidere. Ex superiori autem differentia alterum deducit, videlicet Mathematicam, & Physicam habere diuersum modum definiendi, quoniam Mathematica definit sine materia, vnde se habet ut curuitas, & Physica ut finitas nasi, quæ non potest defini sine materia, idest sine naso. Addit scientias medias magis esse naturales, quam Mathematicas, vnde per hoc intelligit solum esse dubium de Astrologia, quæ est scientia media.

*Ratio dubitans.*

Circa supradicta autem, primo notandum venit circa ordinem, & textum, quod Aristot. dubitauit de Mathematica, & Physica, an essent vna scientia, quia habent vnum obiectum materiale, non vero hoc dubitauit de Metaphysica, quia hæc non consentit in obiecto cum supradictis, cum sit de omnino separatis à materia.

*Mathematica & Physica differunt.* Secundo loco collige differentias, quibus differunt Mathematica, & Physica. Primo ergo differunt ratione demonstrationis, quia demonstrationes naturales, ut plurimum sunt a posteriori, & Mathematicæ a priori, vnde demonstrationes perfectissimæ vocantur. Secundo differunt ratione obiecti, quia Mathematica considerat quantitatem, quæ est accidens, & Physica ens mobile, seu corpus mobile, quod per se, est de genere substantiæ. Tercio differunt ratione formali sub qua, quia Mathematica considerat quanta, ut

sunt abstracta à materia secundum rationem, & Physica, ut non sunt abstracta à materia, nec secundum rem, nec secundum rationem. Quarto differunt ratione definitionis, quia Mathematica diffinit sine materia, Physica vero cum materia. Quinto differunt ratione extensionis, quia Physica considerat plures res secundum substantiam, & accidentia, & Mathematica considerat solum eas secundum quantitatem.

## QVÆSTIO VIII.

*Verum abstractum sit mendacium.*

**V**idetur quod sic. Nam intelligens realiter quam sit, mentitur, & errat. Hoc facit abstrahens, dum verbi gratia considerat lineam coloratam, sine colore. Igitur.

Pro solutione huius dubij sciendum est, quod abstractio idem sonat quod separatio vnius ab alio. Duplex autem est talis separatio, seu abstractio. Prima dicitur realis, quia vnum secundum rem separatur ab altero, ut anima à corpore in morte, & caliditas à manu, dum sit frigida. Secunda dicitur rationis, seu intellectus, quia ipsa separat quæ sunt idem subiecto, & re secundum considerationem; vnum considerando; seu intelligendo sine alio. Hæc autem abstractio rationis duplex est. Prima dicitur apprehensiva, quia per primam operationem intellectus est. Secunda dicitur compositiua, quia intellectus rem intellectam à tali ratione separat, & cum alia coniungit. In prima autem neque verum, neque falsum reperitur per se, in secunda utique. Abstractio autem apprehensiva triplex est. Prima dicitur vniuersalis, quia per eam intellectus intelligit vniuersale, non intelligendo species eius, vel indiuidua. Secunda dicitur subiecti, quia intellectus per eam intelligit subiectum, non intelligendo eius passionem. Tertia dicitur formalis, idest secundum considerationem, & hæc dicitur Mathematica, secundum quam vnā eandemque rem secundum diuersas eius rationes, materiā non concernentes, rem considerat.

• Secundo

*Primo po-* Secundo notandum, quod velle abstra-  
*sestinal* here posterius à suo priori, errare est,  
*legi sine* quia posterius non potest intelligi sine  
*posteriori.* suo priori, vt homo sine animali, sed ab-  
*ri.* strahere prius à suo posteriori non est  
errare, quia prius potest intelligi sine po-  
steriori, vt animal sine homine. Modo in-  
ter prædicamēta talis est ordo, quod sub-  
stantia est prior omnibus accidentibus,  
& ideo potest sine his intelligi, & ita qua-  
litas est prior omnibus alijs accidentibus,  
& ideo sine eis considerari potest, & hoc  
est quod vult Philosoph. inferre, scilicet,  
posse intellectum considerare quantita-  
tem sine qualitatibus sensibilibus, sine  
mensuratio, & per hoc patet ad argumen-  
tum, nam intellectus potest considerare  
lineam, quæ est quantitas, absque colore,  
qui est qualitas. Vel dicendum ad maio-  
rem argumenti, quod hæc propositio.  
Considerare rem aliter quam sit est men-  
tiri, potest intelligi dupliciter Primo obie-  
ctiue, idest considerando rem sub di-  
uersa, vel contraria ratione, secunda in-  
tellectus operatione. Secundo modaliter,  
idest considerando rem materiale im-  
materialiter, & compositam simpliciter,  
& hoc non est mentiri, quia non est ali-  
quid affirmare de re, quod ei non conue-  
niat, vel negare ei aliquid quod conueniat  
ei, sed est eam considerare secundum vnā  
rationem, & non secundum aliam.

# QVÆSTIO IX.

*Verum scientia media sit magis Mathe-  
matica quam naturales.*

**V**idetur quod sic. Nam scientiæ se-  
cantur ex obiecto. Sed Geometria  
de linea agit, Perspectiua de visibili, Mu-  
sica de sonoro, & Astrologia de astris,  
(hæ enim sunt scientiæ mediæ.) Sed hæc  
obiecta sunt quantæ. Ergo Mathematicæ.

Secundo. Illæ scientiæ magis accedunt  
ad Mathematicam, quam ad Physicam,  
quæ magis res considerant, vt sunt sepa-  
ratæ à materia, quam illa, quæ eas specu-  
latur, vt sunt materiæ immissæ. Sed hoc  
faciunt scientiæ mediæ, vt patet. Ergo &c.

Tertio. Scientia denominatur ex prin-  
cipijs sed principia mediarum scientia-  
rum sunt Mathematica, vt conceditur.  
Ergo &c.

Quarto. Probatur auctoritate S. D.  
supra Boetium.

Pro enucleatione huius quæstionis, *Scientia*  
primo notandum est, quod scientiæ Ma- *Mathe-*  
thematicæ sunt in duplici differentia. *mat. que*  
Quædam enim vocantur pure Mathe- *dam pu-*  
tica, quæ per media pura Mathematica *ra, & q-*  
procedunt, nec de aliquo materiam con- *dam me-*  
conferente determinant, vt sunt Geome- *dia.*  
tria, & Arithmetica, quæ sunt de linea, &  
numero, vt sic. Quædam vero dicuntur  
mediæ, quia procedunt ex principijs Ma-  
thematicis, & ea ad materiam applicant,  
vt sunt Perspectiua, quæ considerat li-  
neam, vt est visualis, & Musica, quæ con-  
siderat numerum, vt est sonorus, & Astro-  
logia, quæ est de mensuris, vt sunt in cor-  
poribus cælestibus.

Secundo notandum venit, quod in *Ex par-*  
scientiis medijs duo considerari possunt. *te obie-*  
Vnum tanquam formale, idest principia *cti ob-*  
demonstrationis ex quibus procedunt, *iecti pri-*  
& ratione horum magis dicuntur Ma- *ncipioru.*  
thematicæ, quam naturales. Alterum tan-  
quam materiale, idest subiectum circa  
quod versantur, & ratione huius, magis  
dicuntur naturales, quam Mathematicæ,  
quia versantur circa materiam natura-  
lem, & per hoc patet ad tria prima argu-  
menta nam scientiæ non solum conside-  
rantur ex obiecto, verum etiam ex prin-  
cipijs.

Ad quartum similiter dicitur, quod  
S. D. supra Boetium considerauit scien-  
tias medias ratione principiorum, & sic  
vocauit eas Mathematicas, hic autem eas  
considerat quoad materiam, & sic dicit  
eas naturales. Sed ex hac responsione hic  
oritur dubium, quia S. Thomas hic assi-  
gnans rationem cur illæ scientiæ mediæ,  
sint magis naturales, quam Mathematicæ,  
ait hoc esse, quia denominatio fit à  
termino, secundum terminum autem ma-  
gis sunt naturales. At in contrarium illar,  
quod formalius est magis denominati-  
uum; principia autem quid formalius sūt  
quam subiectum, circa quod versantur.  
Sed responderetur, quod formalitas obie-  
ctiua est illa, quæ denominat scientias, &  
non formalitas principiorum, quia scien-  
tiæ specificantur ex obiectis, & actiones  
ex principijs. Quoniam tamen S. D. tex.  
20 & op. 70 Ferrariensis hic, q. 2. & Son-  
cinas 6. Metaph. q. 1. magis in hæc sen-  
ten-

rentiam videntur declinare, quod Perspectiua, Musica, & Astrologia, quæ scientiæ mediæ nuncupantur, magis dicantur Mathematicæ, quam naturales, & ideo solent inter Mathematicas connumerari. Ideo dicito, quod si secundum rem considerentur, magis dicuntur Physicæ, quàm Mathematicæ, quia substantiam considerant, vt de Astrologia docet expresse Aristot. 1. 1. Metaph. tex. 44. & hoc idem conspicimus in Perspectiua, dum sæpe eam errare contingit in figuris cognoscendis propter imbecillitatem visus hominum, & ita Musica est de sonis, vt sunt in voce sensibili, secundum rationem tamen magis appellatur Mathematicæ, quam naturales, quia procedunt per causam formalem, abstractam ab esse. Itaque ratione modi demonstrandi magis Mathematicæ, quam naturales dicuntur, sed ratione subiecti, cum materiam naturalem inuoluant, dicuntur magis naturales quam Mathematicæ.

## LECTIO VII.

## S. D. IV.

Quoniam autem natura, &c. Tex. 20.

Scientia  
naturæ  
lis confi-  
derat  
materiæ  
et formæ

Postquam Philosophus determinauit Mathematicas scientias, & Physicas, eandem rem considerare, transit deinde ad diffiniendum quousque se extendat consideratio naturalis. A textu igitur 21. vsque ad 26. immoratur circa hoc, an eadem scientia consideret materiam, & formam, cum ambæ naturæ dicantur. Respondet autem huic tacito dubio affirmatiue, scilicet ad Phylol. naturalem spectare, considerare materiam, & formam, quod tripliciter probat. Primo. Consideratio naturalis est sicut consideratio simi, sed consideratio simi est consideratio materiæ, & formæ. Ergo &c. Maior patet, quia in hoc naturalis discriminatur à Mathematico. Minor probatur, quia natus se habet sicut materia, & finis vt forma. Secundo. Sicut se habet natura circa naturalia, ita ars circa artificialia, quia ars imitatur naturam. Sed scientia artificialis considerat materiam, & formam, nam Medicina considerat sanitatem tanquam formam, & neruos, colemam, & flegmam,

tanquam materiam. Ergo &c. Tertio eadem scientia considerat finem, & ea quæ sunt ad finem, quia ratio eorum, quæ sunt ad finem, à fine sumitur. Sed materia ordinatur ad formam, vt ad vltimum, & optimum sui ipsius. Ergo ad eandem scientiam pertinet considerare vtrâque. Subdit tamen in tex. 26. Physicam considerare formam non absolute, quia sic est speculationis primæ Philosophiæ, sed prout est in subiecto, sicut Medicus non considerat neruum absolute, sed quatenus receptiuus est sanitatis.

Circa supradicta autem plura notanda veniunt. Primo ergo adnotandum est circa tertiam rationem, quod duo videtur Aristot. attribui finis, quod sit vltimū quoddā, & sit ad cuius gratiam aliquid fit. Primum non conuenit fini per se, secundum vtiq̃ue, quia in hoc stat ratio casualitatis ipsius. Hinc Aristot. reprehendit Euripidem poetam (tacito tamen nomine) quia vocauit mortem, finem cuius gratia factus est homo. Hoc enim falsum est, quia homo non est factus vt moriatur, sed magis vt viuatur, quia generatio ad esse tendit, & non ad non esse procedit, quare mors potest dici finis hominis per accidens, quatenus est vltimum viæ eius. Finis autem duplex est, scilicet finis quo, & finis gratia cuius. Finis quo est ipsa operatio, sicut visio Dei est finis, quo Deus videtur. Finis gratia cuius, est finis vltimatus, cuius gratia omnia sunt facta, vnde Deus est finis, cuius gratia omnia sunt facta.

Secundo adnotandum venit, quod artes sunt in triplici differentia. Nam quædam versatur circa materiam, vel eam facit, pro vt apparet in his, qui lateres, cæmenta, & similia faciunt. Quædam autem artificata non facit, sed facta ad constructionem præparat, vt in illis constat, qui ligna dolant, vel leuiuant, vel lapides sub aliqua forma construunt. Aliæ vero est ars quæ formam in materiam introducit, vt quæ ex dolatis lignis nauem fabricat, vel ex politis lapidibus, Domū construit, & hæc vocatur ars Architectonica, idest imperans, & ad hanc omnes aliæ artes ordinantur, ordinare, idest prima ars, ad secundam, & secunda ad tertiam.

Tertio adnotandum est circa hanc propositionem. Ars imitatur naturam, quod hoc

Duo sunt  
de ratione  
ne finis.

Ars triplex.

Ars imitatur naturam.

hoc in tribus apparet. Primo in operatione, quia sicut agēs naturale antequam ultimam formam in materiam introducat, prius eam præparat, & disponit, ita natura antequam formā introducat, materiam prius disponit per qualitates actiuas, & passiuas. Secundo hoc apparet in medio, & causa, quia natura intendit producere sibi simile secundum speciem, ita, & ars intendit producere artificiatum simile idē ab artifice præconcepte in mēte, vt quod Domus ad extra, assimilatur Domui ab intra, idē idē existenti in mente artificis. Tercio hoc apparet in fine, quia ars, & natura propter finem operatur vnde infra Philosophus dicit Deū, & naturam, & artem operari propter finem, & nihil frustra agere. Discriminantur tamē, quia natura producit effectum eiusdem speciei cum agente in esse naturali, nō sic ars, & propterea dicitur quod ars imitatur naturam, non absolute, sed in quantum potest.

*Homo est sens  
omnis  
rationalis.*

Quarto adnotandum est circa alteram propositionem, scilicet; quod homo est finis omnium, hoc posse dupliciter intelligi. Primo quod sit finis omnium rerum absolute in genere entiu, & hoc falsum est, cum hoc sit Deo proprium. Secundo hoc potest intelligi in genere artificialium, & sic verum est, quia omnia artificialia ordinantur ad hominem. Vel secundo possumus dicere hominem esse finem omnium rerum creaturarum. Dominatur enim piscibus maris, volatilibus celi, & bestiis terræ. Immo alia, & Angeli facta sunt, & mittuntur propter eos, qui hereditatē capiunt salutis. Immo Deus factus est homo, vt homo fieret Deus, per communicationem idiomatum.

## QVÆSTIO V.

*Verum consideratio materia, & forma  
pertineat ad naturalem.*

**V**idetur quod non, & primo probatur de materia. Nam eadem res, non spectat ad Metaphysicum, & ad Physicum. Sed de materia agit Metaphysicus in quinto Metaphysicæ. Ergo.

Secundo. Nulla scientia probat sua principia. At materia est principium rerum materialium, & probatur à Philo-

sopho esse. Ergo &c.

Tercio. Nulla scientia probat suum subiectum esse ex primo Post. Sed materia est ens mobile, quod est subiectum in Physica. Ergo.

Secundo arguitur quod consideratio formæ non spectet ad Philosophum naturalem. Nam naturalis ea considerat, quæ non sunt abstracta à materia. Sed anima saltem rationalis est abstracta à materia. Ergo &c.

Tercio arguitur contra id quod dictū est, scilicet Materiam, & formam esse relatiua. Contra. Sunt substantiæ. Ergo non sunt relatiua.

Quoniam hæc difficultates ex superioribus parent ideo non immoror, in enodatione earum. Patet enim materiam, & formam esse naturas, & principia rerum naturalium, vt bene considerauit Aueroes contra. Auicenam, sustinentem materiz considerationem pertinere ad primum Phylol.

Ad primum ergo dicimus, quod Metaph. considerat materiam primam sub ratione entis, & naturalis, sub ratione principij entis mobilis.

Ad secundum dicimus, quod maior valet de principijs cognoscendi, idē scientiz, & non de principijs essendi, vt est materia.

Ad tertium dicimus, nullam scientiam probare suum subiectum esse, sed aliquā eius partem subiectiuam vtiq. talis autem est materia.

Ad secundam difficultatem dictum est supra, vnde satis sit modo dicere Animam esse actum corporis.

Ad tertiam dicitur, quod materia, & forma, vt sunt entia secundum se considerata sunt substantiæ, sed vt induunt rationem actus, & potentiz, dicuntur relatiua secundum dici, & non secundum esse.

## CAPVT III.

### L E C T I O IX.

S. D. V.

*Determinatis autem his, &c. Tex. 27.*

**H**ic est tractatus secundus principialis secundi Phys. in quo Phylol. in-

1 2 tendit



tendit tractare de causis. In presenti ergo lectione, quatuor agenda sunt. Primo enim reducimus textum ad quædam puncta. Secundo circa textum aliqua adnotabimus. Tertio aliqua dubia soluemus, & quarto loco quædam de causis disputabimus.

Primo ergo ex textu habetur, quod postquam actum est de natura, modo tractandum venit de causis, quia tunc optinamur aliquid scire vere, cum rem per causam cognoscimus, propter quam res est. Agendum igitur erit de causis cuiusque generationis, ad hoc ut sciamus quomodo materia, & forma, sint natura, & principia cuiuslibet generationis, ac simul tractandum erit de ceteris causis concurrentibus ad quamcunque generationem, & alterationem.

Secundo loco incipit Aristot. definire causas, à causa materiali incohando, ut à priori via generationis, & nobis notiori.

*Quatuorplex.* Aut ergo causa materialis illa est, ex qua fit aliquid, cum in fit, & permanet in re facta. Hoc autem probat, ex nobis notis in artificialibus exemplo argenti, ex quo fit statua, ut per hoc exemplum naturalia intelligamus. Alio modo dicitur causa, forma, & exenplar, seu ratio efficiens, & dicitur actus materię ei dans esse sicut diapason dicitur forma duorum, id est duarum proportionum, forma etiā dicitur de exenplari, ut hic docet Arist. quia sic voluit negare ideas separatas, ponendo formas materię unitas, & quia forma est id, quod primo à natura respicitur, cum ab ea fit esse. Tertio modo dicitur causa, unde res incipit moveri, & talis dicitur efficiens. Quarto modo dicitur causa, id cuius gratia aliquid fit, & hæc dicitur causa finalis, sicut causa deambulationis infirmi est, ad recuperandam sanitatem. Distinguit autem de duplici fine, scilicet ultimo, ut est sanitas respectu infirmi, & medio ut sunt purgationes, & medicamenta, & alia instrumenta ordinata ad recuperandam sanitatem. Itaq. causa quadruplex est, scilicet materialis, formalis, efficiens, & finalis.

Tertio ex distinctionibus causarum tria correlaria elicit. Primum est. Quod cum sint multe causæ, contingit eas concurrere (in diuerso genere tamen causæ) ad producendum effectum, non quidem eius-

dem ordinis, verbi gratia respectu compositi substantialis, materia ut subiectum concurret, forma ut dans esse; efficiens ut illud producat, & finis ut id cuius gratia aliquid fit. Secundum est, quod causæ sunt sibi inuicem causæ, sed in diuerso genere causarum verbi gratia, finis secundum intentionem mouet agentem ad agendum, & agens secundum esse rem intentionem ad finem perducit. Tertium est, quod idem potest esse causa contrariorum, sed diuersimode, sicut gubernator nauis sua presentia est causa salutis nauis, & sua absentia submerisionis.

Quarto reducit omnes causas ad quatuor modos principales. Primus quoniam est, quando res ex aliquo fit, sicut syllaba fit ex litteris, & ex syllabis termini fiunt, & ex terminis propositiones, & ita composita naturalia dicuntur materia artificialium, & elementa mixtorum. Secundus modus est quando aliquid fit, sicut ex forma, dicas informantem, vel diffinientem. Tertius modus est aliud producere effectiue, & quartus mouere finaliter, de quibus infra.

Quo ad secundum primo notandum est circa ordinem, quod postquam Philosoph. tractauit de natura, subito transit ad tractandum de causis, & hoc propter tres rationes. Prima est, ut rerum naturalium causas sciamus, tunc enim arbitramur aliquid scire, cum causas eius cognoscimus, ut dicitur primo Post. c. 2. Secunda causa est, quia superius dixerat materiam, formam, & priuationem esse principia, & causas rerum naturalium, unde remanebat declarandum quo modo, & qualiter, & in quo genere causæ. Tertia est, quoniam tractaturus erat de omnibus naturis generabilibus, & corruptibilibus, & ideo opus erat ostendere per quas causas tales sint, & fiunt.

Secundo adnotandum venit, Metaphysicum, & Physicum de causis tractare, sed diuersimode. Primo, quia Metaphysicus de eis agit ut entia sunt abstracta à Materia sensibili, & Physicus ut eam concernunt. Secundo, quia Metaphysicus absolute agit de natura causarum, & de earum numero secundum vniuersi cuiusque causæ rationem formalem, ac Physicus de eis pertractat quatenus sunt principia entis transmutabilis.

Ordo.

*Meta-  
phys. &  
Physicus  
agunt de  
causis.*



## DV B I A.

**C**irca supradicta autem. Primo dubitatur propterea, quod Phylosop. in ijs tellibus sibi videtur contrarius. Nam in tex. 2.1. dicit, partes animalis se habere ut causam materialem animalis, & superius dixit, partes diffinitionis spectare ad causam formalem.

Secundum est, quoniam quandoque premissas vocat causas effectiuas conclusionis, & quandoque materiales. Hæc autem pugnant adinuicem.

*Partes induunt rationem causarum materialis, et formalis.*  
Ad primum primo de facili respondetur, quod partes integræ compositum sapiunt naturam causæ materialis, & partes diffinitionis naturam retinent causæ formalis. Vel secundo dicitur cum S. D. quod partes diffinitionis (si de ijs solum loquamur) dupliciter considerari possunt. Primo in ordine ad diffinitum, & sic habent modum causæ formalis. Secundo in ordine ad diffinitionem, quare constituunt, & sic dicunt rationem causæ materialis.

Ad secundum dicitur, quod præmissæ ut inferunt conclusionem, eius dicuntur causæ effectiuæ, & ut conclusio ex ijs coalescit, dicuntur eius causæ materiales, eam componentes.

## Q V A E S T I O X I.

*Quid nomine causa intelligendum veniat.*

*Diffinitio causa explicatur.*  
**O**missis multis diffinitionibus causæ a cæteris assignatis, dicimus cum S. D. in lib. de causis, quod causa est ad quod aliud, vt ab eo in esse dependens, per se, & proprie sequitur. Primo ergo diximus, quod est id ad quod aliud. Per ly aliud intelligendo distinctionem cadere inter causam, & effectum realem, quæ propter dum multa in vno inspicimus, quæ secundum esse distincta non sunt, affirmamus vnum alterius causam esse non posse, vt pater filij in diuinis cum vnum sit eorum esse. Secundo diximus dependens, quia de ratione effectus est accipere esse à causa vel materialiter, vel formaliter, vel finaliter, vel effectiue. Ideo vnum relatiuorum, vt relatiuum est, non dicitur alterius causa, quia ab eo non ac-

cipit esse, vt relatiuum est, & si possit illud recipere vt vnum est generans, & aliud genitum, quia verbi gratia filius generatur à patre. Ita generatio non dicitur causa priuationis, quia & si ab ea pendeat, non tamen ei dat esse. Et ita homo non dicitur causa rationalitatis, cum vnum esse cum ea præferat. Tercio diximus per se, ad remouendam causam per accidens, (vt Musicum respectu ædificij) & conditionem sine qua non, id est sine qua non sequitur effectus, quales sunt conditiones, locus, & tempus. Sed hoc intelligo de conditione sine qua non extrinseca, & non de intrinseca, seu immediata, vt est approximatio calfactibilis ad comburendum, & dispositio materię ad formam recipiendam. Quarto diximus proprie, quia perfectissimum in genere (vt est albedo in genere colorum) non dicitur proprie causa omnium colorum, sed primum in vnoquoque genere, si proprie sit primum in genere calfactitatis, & non in esse perfectionis dicitur causa omnium, quæ sunt in vno genere. Quinto diximus sequitur, quia & si verbum diuinum Christi humanitatem terminauerit, non tamen dicitur eius causa, quia verbum humanitatem non produxit, sed eam ad se assumpsit. Hoc autem intelligitur, dum causa proprie causa dicitur, vt supra: Nam causa bifariam summi potest. Primo communiter, & late, quo pacto priuatio dicta est causa ab Ar. 12. Metaph. tex. 12. & secundum Græcos principium dicitur causa, & ita improprie accipitur causa, vt tantum de causa agente verificatur, quo pacto. D. Augustinus lib. 83. quaestioni, quæst. 28, omnem causam dixit esse efficientem, & Plato in Hyppia affirmavit vnum, & idem esse mouere, efficere, & causare. Secundo sumitur proprie prout supra, & sic dicitur de quatuor generibus causarum.

Secundo notandum venit, quod quam *Genera* uis prius Philosophi plures quam quæ *causarum* tuor causas posuerint, tamen cum Arist. *sunt tan* quatuor tantum constitutenda sunt. Nam *tum qua* quot sunt genera quaestionum, tot sunt tuor. genera causarum; Sed genera quaestio- num quatuor sunt, Ergo & genera causarum. Prebatur maior. Nam cum quaeritur cuius gratia aliquid fit, per finem respondemus. Si à quo res fit interroge-  
mur,

mur, ab efficiente responsum damus. Si ex quo res fit, per materiam rem esse dicimus. Si propter quid, per formam. Ad causam autem effectuum reducitur causa instrumentalis, ut est calor respectu ignis, & serga respectu artificis, quia & si effectus principaliter non sit ab efficiente instrumentali, tamen ab eo est effectiue, instrumentaliter. Obiecta autem ad causam formalem reducuntur, quia actus causant in genere causae formalis, non in trinsce quidem componendo, quia actus non componunt, sed extrinsce, actus mensurando, ut docet S. D. p. 2. q. 1. art. 3. Exemplar quoque ad causam formalem reducitur, prout dicitur forma extrinsce, ad quam artifex aspiens operatur, ut explicat Caietanus 1. p. q. 6. art. 4. & q. 44. art. 3. & ante ipsum D. Dionysius quinto capite de divinis nominibus. August. lib. 83. quæst. & Boetius primo de Trinitate. Habet enim rationem similitudinis formalis, quia sicut forma in naturalibus dat esse rei naturali, ita in artificialibus exemplar dat esse exemplato.

Tertio notandum venit, quod in causa tria inspicere debemus. Primum est res, quæ denominatur causa, verbi gratia, materia, ut est potentia, forma ut actus, finis ut bonum, & efficiens, ut habens vim actiuam. Secundum est ipsa causalitas, quæ non est nisi quidam modus rei, à re ipsa realiter distinctus, cum res secundum se considerata à causalitate præscindat. Tertium est quidam respectus ortus inter causam, & effectum, ex hoc quod causa ad effectum ordinatur, & ad eum respectum dicitur. In primo ergo non consistit vera ratio causæ, cum sic res absolute intelligatur, nec in tercio collocatur, quia relatio effectus ad causam est posterior causa; quare vera ratio causalitatis collocanda est in modo vniuscuiusque causæ, secundum quod causare dicitur.

*Præstati*  
*à causa*  
*rum.*  
Quarto notandum est, quod causa, & effectus dupliciter considerari possunt. Primo ut causa dicitur causa, & effectus, causæ effectus formaliter, & sic causa, ut causa, semper est nobilior effectui, ut effectus est, quia nobilior est dare, ut est dare, quam recipere, ut est recipere. Secundo possunt considerari quoad suas entitates, in quibus fundantur. Si stantibus dicimus primo clarum esse causam effe-

ctiuam principalem suo effectu esse nobiliorem, si sit æquiuoca, quia id totum quod in effectu est, à causa principali est. Sed hoc non est verum de causa instrumentali, patet enim quod semen non est nobilior homine genito per illud, tanquam per instrumentum, & clarum est calorem instrumentum ignis, non esse ipso igne præstantior. Si autem sermo sit de causa vniuoca, dicendum venit eam esse eiusdem nobilitatis specificæ cum suo effectu, cum quo semper stat, quod ratio causæ, ut est causa, præstat supra ratione effectus, ut effectus est. Loquendo autem de causa formali, asserimus eam non esse compositio nobiliorem entitatiue, sed tantum causaliter, nam compositum habet esse formale à forma; sed ulterius materiam includit, & esse subsistens ut quod dicit. Forma est tamen præstantior materia, quia ei dat esse. De causa autem finali sermonem habendo affirmamus eam inter alias excellere, unde vocatur causa causarum, sed hoc intellige in mouendo, nam entitatiue non semper est nobilior agente quem mouet, quia quis potest Philosophia studere ob lucrum, & tamen possessio Philosophia aliorum est pecunia. Materia autem vitam tenet locum in causis, quoniam est veluti fex rerum.

## LECTIO VIII. IX. &amp; X.

## QVÆSTIO XII.

## Vtrum Materia sit causa.

Videtur enim quod non. Primo. Nam causa significat aliquid causare in actu. Sed hoc non potest conuenire materię, cum sit pura potentia. Ergo.

Secundo. Si esset causa, esset quia forma sustentaret. Sed hoc est falsum, cum non omnem formam sustentet, videlicet animam intellectiuam. Ergo.

Pro solutione huius quæstionis, & intelligentia sequentium, recollendum est, Aristot. hic non agere de causis absolute, (hoc enim est opus Metaphysici) sed ut concernunt motum, & ideo satis ei cum motu. fuit assignare propriam rationem suæ causalitatis cum motu.

Secundo etiam recollendum est, quod Ordo ipsæ causæ quadrupliciter considerari possunt. *Primo*

*Primo*

*Causa  
hic consi-  
deratur  
ut sunt  
ei cum motu.*

Primo secundum ordinem generationis, & sic materia est prima, cum sit eius subiectum; Secunda est forma, quæ actuatur, & dat esse materiæ. Tertia est efficiens, quod est principium motus, non intrinsecum, sicut est forma, sed extrinsecum ut est finis, qui est terminus generationis. Secundo considerantur secundum ordinem intentionis, & sic prima causa est finis, qui primo cadit in intentione, secunda est efficiens, motum à fine, tertia est forma, actuans materiam, & quarta est materia, actuata. Tertio modo considerantur secundum esse, & ita. Primum locum tenet efficiens, quod causat esse. Secundum tenet materia, ab efficiente disposita ad esse. Tertium obtinet forma, dans esse formaliter, & quartum locum habet finis, qui est ultimus in executione. Quarto considerantur secundum rationem agendi, & tunc primo loco stat forma, cum sit principium intrinsecum actionis, secundo efficiens, eius principium extrinsecum, tertio finis, ratio mouendi, & quarto materia, quæ solum recipit. Arist. autem in textu, primum ordinem seruauit.

*Causalitas materia est passiva.*

*Et limitatiua forma.*

Tertio notandum venit, quod causalitas materiæ consistit in recipere esse, & formam limitare. Nam natura eius non est causare actiue, ut alijs causis conuenit, sed passiue, ut eius naturæ congruit. Duplicem autem causalitatem habet materia ordinate, scilicet formam recipere, & limitare, & compositum facere.

Quarto adnotandum est, quod materia formam limitat. Sed scito quod duplex est limitatio. Quædam enim dicitur entitatiua, & sic quælibet res sua natura est limitata, cum non sit infinita, in perfectione; Altera dicitur limitatio modalis, quia eius amplitudo coarctatur ab alio in quo recipitur, & hoc modo dicimus formam à materia limitari, quia ab ea determinatur, ad hoc, vel illud esse in materia; nam si esset abstracta, retineret totam perfectionem suæ speciei.

Secundo ergo loco principali ponitur hæc conclusio. Causalitas materiæ stat in recipere. Probatur. De ratione principij passiu non est dare esse actiue, sed illud recipere passiue. At Mat. est principium passiuum. Ergo &c. omnia nota.

Ad primum ergo dicitur ad maiorem,

quod ualet de causis actiuis, & non de passiuis, ut est Mat.

Ad secundum dicimus, materiam sustentare animam intellectuam posse intelligi dupliciter. Primo quoad actum in formandi, & sic eam sustentat, ut proprium actum. Secundo quo ad esse, & sic eam non coarctat, ut ab ea separari non possit omnes autem alias formas eductas de potentia materiæ sustentat, & quoad actum informandi, & quoad esse.

## QVÆSTIO XIII.

*Verum forma det esse.*

**V**idetur enim quod causalitas formæ non sit in dare esse. Nam primo. Agens est illud quod dat esse. Ergo non forma; cum distinguantur.

Secundo. Si actuatur Materia, & ei dat esse, actuatur omnem materiam, & ei dabit esse. Sed hoc est falsum in materia cæli, cum habeat perpetuum esse. Ergo &c.

Pro intelligentia huius questionis notandum est, quod forma duo habet, scilicet dare esse materiæ, quæ de se, est pura potentia, & ex vnione eius cum materia habet vltierus constitutere compositum. Nam compositum, formæ comparatum, non habet rationem causæ constituentis, sed effectus constituti. Nec officit, quod sic effectus esset præstantior causa, quia verum est causam esse præstantiorem effectui, quādo id totum quod in effectui est, à causa est, secundum modum causæ; modo compositum vltra perfectionem formæ, includit etiam perfectionem materiæ sub forma, & substantiam ut quod, ut in Metaphysica ad longum ostendo.

Secundo notandum est, quod sicut potentia materiæ per quam redditur apta ad recipiendam formam, non est aliquid ab ea distinctum secundum rem, & ei superadditum, ita pariter nec aptitudo formæ ad informandam materiam, est aliquid ei superadditum, & ab ea realiter distinctum; quia propter formam secundum suam substantiam, & essentiam materiā informat, ut docet S. D. secundo contra Gentes, c. 8. & p. q. 76. ar. 7. & Comm. secundo lib. de anima tex. 8. & 8. Metaph. tex. 15.

*Forma actuatur materiā & constituit compositum.*

*Per seipsum immediata*

tex. 14. & Scotus in secundo dist. 12. q. p. Nam si per superadditum ei materiæ uniatur, unio materiæ, & formæ non esset immediata per se, & substantialis, quia inter ipsa intercederet illud medium, distinctum ab illis. Et quamvis ad hanc rationem formæ, materia præiis dispositionibus disponatur, tamē in unione formæ illæ præiis dispositiones corrumpuntur, ita ut primum esse formæ, sit primum non esse præcedentium dispositionum.

*Propter quod dicitur ad actum animam materiam ab agente.*  
Tertio considerandum venit, quod duo sunt pensanda in forma. Primum est eius substantia, & entitas, per quam differt à materia, ut entitas in actu ab entitate in potentia, & hoc modo non habet quod sit causa, aliter semper causaret, quod falsum esse cernimus in anima intellectiva separata. Secundum est illud, quod habet veluti propriam passionem, scilicet actuare, & informare materiam, non quod tamen sit passio ab ea realiter distincta, sicut nec potentia materiæ realiter distinguitur à materia, sed quia est eius modus, & natura, & secundum hoc habet rationem causæ. Nam intelligimus formam prius materiam informare, & deinde illam in uno composito substantiali unire. Unio autem formæ cum materia disposita, non est à naturali impetu formæ secundum se considerata, sed est à virtute agentis, eam ordinantis, ad actuandam materiam, unde semper ad generationem hominis indiget virtute agentis, ad hoc ut unijatur materiæ, quare non potest propria virtute naturali, & præcise se unire, ita docet Capreolus in 4. d. 43. q. 2. art. 3. & Scotus q. 3. & est sententia Aristoteli ponentis formam semper dependere ab agente.

*Modus forma.*  
Quarto loco colligendum venit, quod modus causandi formæ est coactare similitudinem materiæ. Nam cum materia prima secundum se sit indifferens, & in potentia ad omnes formas, hæc forma facit, quod materia stet solum sub illa forma, & hoc tam in naturalibus, quam artificialibus. Secundo loco igitur principali ponitur hæc conclusio. Causalitas formæ stat in actuare materiam, & efficere compositum. Probatur. Quia est actus materiæ, & ex unione eius cum materia fit compositum.

*Argumentum.* Ad primum ergo dicendum, quod agens

dat esse effectivè, & forma formaliter *muta* actuandam materiam, ut diximus. *solum.*

Ad secundum dicitur, quod forma semper dat esse formaliter, vel per generationem, ut in generabilibus, vel per creationem, ut in creabilibus, semper enim agens actuans materiam, vel eam creans, vel generat sub forma, vel concreat cum forma.

## QVÆSTIO XIV.

*Verum causalitas efficientis stat in agere, seu efficere.*

**V**idetur quod non. Nam Deus omnia efficit, & agit secundum illud Apostoli 2. Corinth. 3. Omnia in omnibus operatur. Ergo nulla alia erit causa effectiva.

Secundo. Multæ sunt actiones sine termino, ut saltare, cantare, citharizare, & similes. Ergo de ratione efficientis non est rem efficere, id est terminative producere, &c.

Pro resolutione huius questionis, multa adnotanda veniunt. Primo igitur adnotandum est, quod causa efficiens multiplex est. Prima dicitur prima causa effectiva, quia ipsa absolute, & simpliciter à nulla alia causa depēdet, & omnes aliæ causæ ab ea sunt. Secunda dicitur causa secunda, quia à prima dependet. Hæc autem duplex est. Prima dicitur principalis in genere creatorum, quia per propriam virtutem agit in effectum, verbi gratia intelligentia quæ movet cælum. Secunda dicitur instrumentalis, quia agit virtute causæ principalis, verbi gratia, calor naturalis dicitur instrumentum animæ, ad nutritionem, & augmentum animati. Vltcrius causa principalis duplex est, scilicet æquiuoca, quæ producit effectum diversæ speciei, ut dum Deus, & sol hominem produciunt, & uniuoca, quæ producit effectum eiusdem speciei, ut homo sic generat hominem. Prima semper est perfectior effectu, ut eo altior; secunda nequaquā, nisi ut diximus supra. Item causa principalis, quadam dicitur per se, quia per se producit effectum, ut stativarius per se facit statuum, & quadam dicitur per accedens, quia non per se producit effectum, sed coniungitur causæ,

*Causa multiplex est.*

causæ, per se illum producenti, vt dum musicum, vel album esse, coniungitur statuario facienti statuum. Causa autem per accidens dupliciter sumitur. Primo ex parte causæ, quia id quod est per accidens causæ coniungitur, vt dum musicum coniungitur statuario. Secundo ex parte effectus, quia id quod est per accidens coniungitur effectui per se, vt dum inuentio non intenta thesauri, coniungitur effossioni sepulchri per se intenti. Insuper causa per accidens ex parte causæ duplex est, scilicet Physica, & moralis. Physica est illa, quæ habet influxum realem in effectum, necessario, vel libere, dummodo influxus sit realis; moralis vero illa est, quæ obiectiue mouet, vt sunt consulens, præcipiens, & non impediens, quando potest, & tenetur impedire, quæ causæ, & si Physicæ dicantur per accidens, moraliter tamen possunt dici per se, quia in genere morum per se causant effectum, verbi gratia absentia gubernatoris Nautis. Physica est causa per accidens eius subuersionis, cum causa per se sit fractio Nautis, moraliter tamen est causa per se, quia non perijisset, si aduulset, unde ei imputatur per se culpa. Causa vero instrumentalis duplex est, scilicet coniuncta, & separata. Coniuncta est illa, quæ coniungitur causæ principali agentis, vt calor naturalis coniungitur animæ ad nutriendum animal. Separata est illa, quæ concurrit vt simplex instrumentum, sicut facit dolabra ad faciendum scamnum.

*Effectus  
na est pri  
mū prin  
cipium à  
quo actio  
procedit.*

Secundo notandum venit, quod quamuis multiplex sit causa effectiua, tamen omnis talis causa debet esse primū principium suo modo, à quo actio procedat, si sit causa per se, per se, si per accidens, per accidens, si principaliter, principaliter, si instrumentaliter, instrumentaliter. Sic enim distinguitur à materia, à qua actio non procedit, sed in eam procedit, & à forma, quæ materiam actuat, & in eam procedit formaliter, & non effectiue, sicut procedit à causa efficiente. Et ita distinguitur à fine, quia ab eo non procedit actio quo ad executionem realem, sed tantum quoad intentionem.

*Primum  
salutis  
stat in  
agere.*

Tertio ergo deducendum venit cum S.D. quinto Metaph. tex. 2. quod causalitas efficientis stat in agere, & efficere. Hoc enim primo deducitur ex verbis

S. D. vt supra, dicentis causam esse efficientem, in quantum agit. Secundo, quia ab actione dicitur agens, & ab efficere efficiens. Tertio, quia per agere, & efficere causa effectiua constituitur in actu. Nec verum est quod agere, vt agere sit effectus agentis; agere enim non fit, unde agere est efficientem in actu constituit, & res actu erit eius effectus; quapropter actio dicitur ab agente procedere, & in passo subiectari, vt ei coniungitur, quod agitur, non vero vt dicit simplicem actionem vt sic.

Quarto adnotandum venit secundum S.D. in 2. d. p. q. art. 4. & 3. contra Gentiles, cap. 69. & p. p. q. 1. of art. 5. quod circa efficientiam secundarum causarum multæ fuerunt opiniones. Prima quæ solet attribui Petro Aliacensi, & Gabrieli in 4. d. p. fuit, quod secundæ causæ nihil effectiue producant, sed Deus sit ille, qui ad earum præsentiam omnia efficit. Sed hæc opinio errat in fide, cum Scriptura dicat Deum dedisse terræ, germinare herbam virentem, & animam viuentem, Arboribus fructus facere, Soli illuminare, Animalibus generare, igni calefacere, &c. Nam ad dignitatem primæ causæ pertinet assumere secundas causas ad producendos suos effectus, quoad executionem, & si non quoad primam coordinationem, ita enim suauiter operatur omnia in omnibus.

Secunda sententia fuit Auicæbron, in libro fontis vite, negantis corporibus efficientiam, & illam tantum spiritualibus attribuentis. Sed hæc vt superior rejicitur, nec enim necesse est, vt omnis causa effectiua tactu corporeo penetret rem in quam agit, sed sufficit quod eam, vel extrinsece tangat, vel virtutem suam in illam immitat.

Tertia sententia fuit Auicennæ, in primo suæ suffr. cap. 10. & 4. suæ Metaphys. cap. 4. & 5. scilicet, quod prima intelligentia secundam produxit, & secunda tertiam, & sic vsque ad vltimam, quæ tandem omnes formas in materiam introducit, adeo vt corpora solum operentur, non in producendo formam, sed disponendo materiam. Sed hæc opinio duos errores continet. Primus est, quod omnia non sint à Deo creata, & secundus quod corpora solū accidentia dispositiua produ-

*Diversi-  
tas opi-  
nionum  
de effici-  
entia re-  
rum.*



producant, & non formam, cum clarum sit Leonem generare Leonem, & Bouē, Bouem. Vltima igitur sententia communiter recepta est. Quamlibet causam secundam, propriam virtutem habere ad proprium effectum producendum, vt docuit Aristot. 7 Phys. a textu 19. vsque ad 39. & 1 Metaph. cap. 2. & 1. Metheorum cap. p. de qua re ad longum ago, in 8. Metaph. ibi vide.

*Deus operatur omnia in omnibus, non solus, sed cum causis secundis, concurrente cum ipsis, non solum immediate virtutis, attingendo omnem productionē, verum etiam suppositi, habendo immediate suppositi cum secunda causa, non vt causa totalis eiusdem ordinis cum secunda, sed vt causa totalis diuersi ordinis, sufficiens, & perfecta. Nam & si causa secunda totalis dicatur sufficiens in suo ordine, non tamen talis dicitur absolute, & simpliciter, vnde dependet à Deo, à quo habet efficientiam, & motionem. Ideo merito S. Augustinus quinto super Genesim ad litteram cap. 20. rejicit opinionem illorum (quam postea recepit Durandus in secundo d. p. q. 5. & d. 37. q. p.) qui dixerunt Deum secundas causas cum suis virtutibus produxisse, & postea eas reliquisse vt ipsemet sine alio Dei concursu effectus suos producerent. Hoc enim repugnat Domino nostro dicenti. Pater meus vsque modo operatur, & ego operor, & Actorum 17. vbi dicitur. In ipso sumus, mouemur &c.*

*Modificando prius causis.* Sexto notandum venit, quod dupliciter possumus imaginari Deum concurrere cum omnibus causis ad agendum. Primo per impressionem alicuius prauij mouentis causam ad agendum, prius, non prioritate temporis, sed naturæ, quasi causa secunda secundum se sit veluti in actu primo ad agendum, quare si debeat exire in actum secundum, opus sit Deum ei aliquid prius imprimere, mouens eam ad agendum. Secundo non per impressionem alicuius, secundā causam precedentis, sed per actualementionem, & efficaciam receptam à prima causa, prout secunda causa non mouet, nisi mota à prima. His stantibus dico clarum esse apud S. D. p. p. q. 107. art. 5. ad secundum, & Capreolum in 2. d. p. q. 2.

art. 3. & Aegidium art. 6. quod actio Dei mouentis secundam causam ad agendum, non est distincta actio in genere actionis, & motionis ab actione secundæ causæ. Sed secundo tamen dicendum venit, quod cum hæc actio sit Dei, & Creaturæ, independens vt est Dei, & dependens, vt est Creaturæ modificatiua, & determinatiua secundæ causæ ad agendum, vt docet idem S. D. p. p. q. 19. art. 8. ideo necesse est præintelligere in hac actione quoddam prius determinatiuum actionis Creaturæ, non secundum prioritatem temporis, cum in vno eodemque instanti supponantur prima, & secunda causa agere, sed prioritate naturæ, & causalitatis, quia secunda causa non intelligitur sic agere, nisi vt prius intelligitur sic determinata ad agendum, non enim repugnat vnam eandemque actionem esse à duabus causis totalibus, & subordinatis diuersorum ordinum. Itaque concurrunt ambæ causæ, prima, & secunda, sed non eodem modo, quia prima agit independententer, & modificando, & secunda dependenter, & vt modificata. Hinc primo infertur, Deum omnia suauiter operari in omnibus, id est secundum naturam secundarum causarum, ita vt in agentibus liberis, libere operetur, in necessarijs, necessario, & in contingentibus, contingenter, quia omnes causas modificat, & applicat ad agendum, non contra ipsorum naturam, sed iuxta eam; quapropter hic concursus in omnibus secundis causis modificatus, erit effectiue, vt ab vna Dei virtute procedit, sed multiplex erit subiectiue, cum diuersificetur secundum naturam suscipientium. Secundo deducitur Deum non solum agere comitando, & conseruando virtutem causæ secundæ, sed etiam agere in causam, eam modificando, & applicando ad agendum, cum virtus secundæ causæ sit etiam primæ, quamuis diuersimode. Tercio deducitur, quod Deus eodem modo operatur sine secunda causa, sicut operatur cum ea producendo effectum, quia tunc gerit vices virtualiter, & æquiualeat secundæ causæ.

Septimo notandum venit circa actionem causæ effectiue instrumentalis, quod varius est modus dicendi de eius concursu ad agendum, cum causa principali. Nam Scotus in 4. dist. 5. q. 1. & Durandus in 4.

*Instrumenti a-*  
*ctio i quo*  
*consistat.*



in 2. dist. 1. quæst. 4. num. 12. sunt in sententia, non esse instrumento aliqui actionem propriam necessariam ad agendum cum principali agente, & ideo sufficere tantum elevationem eius factam à Deo. Sed hic modus dicendi rejicitur. Primo. Quia sic instrumentum tantum passive concurreret, & non active, hoc autem falsum est, cum instrumentum connumere retur inter causas effectivas. Secundo, quia sic Deus posset assumere omnes creaturas indifferenter ad certam, & determinatam actionem, ut quantitatem, & relationem ad creandam animam Petri, quia in instrumento non pensatur secundum hanc opinionem, id quod ei convenit secundum suam naturam, sed solum attenditur divina motio, & tertio quia sic Deus non ageret suavitè, assumendo secundas causas, ut instrumenta ad produciendos effectus eis commensurabiles. Hinc cõspicitur falsum esse, quod phantasia non concurrat instrumentaliter secundum aliquid sibi proprium ad speciem intelligibilem eliciendam, & ita species sensibilibus ad sentiendam, concurrunt enim suo modo, ut ostendo in tertio de Anima.

Secunda sententia tenet Deum non posse assumere quamlibet rem ut instrumentum ad aliquem effectum producendum, quia propter esse necessariam unitatem in instrumento effectui proportionato, unde secundum hos, nec sacramenta, nec passio Christi sunt instrumenta physica gratiæ, sed tantum moralia. Sed etiam hæc sententia sic generaliter intellecta non bene quadrat, quia sacramenta assumi ad causandum gratiam, suffinet Scolæ D. Tho. & Deus potest ubi improprio reperitur, proportionem facere. Ultima igitur sententia est S. D. 1. p. q. 45. art. 5. & ibidem Caietani, scilicet quod instrumentum debet habere aliquid proprium, scilicet propriam operationem, vel quid aliud ratione cuius ei correspondeat effectus, & hoc proprium debet esse proportionatum effectui, vel naturaliter, vel per elevationem, ita ut tale sit, vel fiat. Hinc dicimus creaturam non posse creare, nec principaliter, cum non sit infinita virtutis, nec instrumentaliter, quia non potest elevari, & sic proportionari ad habendam hanc operationem, ut sibi propriam, scilicet ad agendum in nihil, quod est ne-

cessarium ad creandum.

Octavo notandum venit duo esse in efficiente quibus agit. Primum dicitur principium primum, & radicale actionis, & hoc est substantia, verbi gratia, anima in intellectione. Secundum dicitur proximum, & immediatum, & hoc est potentia, ut intellectus ad intelligendum, & voluntas ad volendum, quia substantia non agit nisi mediante potetia, & sic dicimus accidens esse immediatum principium actionis, & generationis, sed in virtute substantia, & ut dicitur substantia causaliter, & si non entitative, ut ad longum ostendi in 7. Metaph. q. 6.

Ad primum ergo dictum est, quod Deus operatur omnia, ut causa prima, cum quod sit, quod quilibet effectus naturalis habeat suam causam proximam.

Ad secundum dicitur, quod illæ actiones cum sumantur ut in fieri, sufficit ut causa effectiva dicatur eorum causa ut in fieri, immo sufficit, quod sint à saltante, modulante, effectivæ.

#### De causa finali.

Radit Aristot. cap. 8. huius, & primo de partibus animalium c. primo, & primo Metaph. c. 1. quod propter ignorantiam causæ finalis multi erraverunt, quia propter de fine multa sunt dicenda, remittendo lectorem ad plura alia, quæ de ipso diximus in 5. Metaph.

Primo ergo distinguendum venit quod modis sumatur, ne in aequivoce laboremus. Finis ergo duplex est, scilicet. Primus, & proximus. Finis primus est ultimum appetibile, & desiderabile, ratione cuius omnia fienda sunt, & hic finis est summum bonum, id est Deus ipse. Finis proximus ille est, qui immediate, & proxime ab agente intenditur, verbi gratia sanitas, vel cibus. Finis primus dicitur ultimus simpliciter, & proximus secundum quid, quia per agentem naturaliter quandoque non ordinatur ad finem ultimum, ad quem tamen ordinari potest, & debet. Quare non est de ratione omnis finis, quod non sit appetibilis propter alterum, sed tantum hoc convenit ultimo fini, & si etiam proprio convenire possit, non aptitudinaliter, cum natura finis proximi ordinatur ad finem ultimum.

Finis  
quod-  
plex sit.

Potetia  
est immo  
dictum  
principii  
operatio-  
nis.

Argumentum  
ta solutio  
tur.

mun, sed actualiter, quia agens tunc actualiter non intendit finem ultimum.

Secundo diuiditur finis in finem cuius, & cui. Finis cuius est ille finis, qui intenditur ab agente, propter quem assequendum agens mouetur, vnde adeptus, dicitur finis factus, vt dum infirmus sumit medicinam propter sanitatem, sanitas enim est finis cuius, idest propter quem medicina sumitur, quæ assequuta dicitur finis factus, idest consequutus. Finis cui, qui etiam dicitur finis præsuppositus, est ille cui volumus finem cuius, verbi gratia infirmo sanitatem. Hi autem duo fines iuxta ea, quæ tradit S. D. p. 2. q. 1. ar. 8. & quæst. 2. art. 7. & quæst. 11. artic. 2. ad tertium, complete non habet nisi rationem vnius finis, quia finis cuius, ordinatur ad alterum, idest ad finem cui scilicet sanitas ad infirmum, vbi autem vnum est propter alterum, vnum dicitur tantum.

Tertio diuiditur finis elicitiue ex Aristot. 2. de Cælo, cap. 3. & in hoc 2. cap. 7. in finem operationis, idest quo mediante perficitur operans, vt generatione generans, & in finem rei factæ, vel genitæ, idest terminatis rem factam, vel genitæ, quæ est forma terminans, vel generationem naturalem, vel factionem artificialem, quia introducta forma, cessant factio, & generatio.

Quarto diuiditur in finem formalem, & obiectum, seu quo, & qui. Finis formalis est operatio, qua mediante agens consequitur obiectum, vt clara Dei visione beatus fit beatus. Obiectiuus est obiectum ipsum, quod assequimur per finem formalem, verbi gratia Deum per claram Dei visionem.

*Est vera causa realis* Secundo notandum venit, clarum esse in doctrina Arist. quod finis est vera causa realis. Hoc enim docuit hic cap. 3. & 2. Metaph. & 5. cap. 3. & probatur primo experientia in agentibus intellectualibus, operantibus aliquid à proposito, & non à casu deliberate, & non deliberate; effectus enim realis non dependet nisi à causa reali, scilicet à mouente realiter, intentionaliter, quare & si finis quoad executionem dicatur effectus agentis, idest vt est finis rei factæ, vel genitæ, quo ad intentionem tamen agentem mouet.

*Prima ratio motiua* Tertio à notandum est, quod prima ratio motiua in fine est bonitas rei, ex

qua sequitur, quod radicaliter, & in actu primo fiat appetibilis, & consequenter moueat agentem ad eius consequutionem. Quo autem finis habeat rationem appetibilis, tripliciter intelligi potest. Primo quasi appetibilitas sit communis bono, & malo, quasi vtrumque sit appetibile secundum se, vt amor, & odium, peccare ex malitia, & ex ignorantia, & sic Scotus in primo dist. 1. quæst. 4. & in 2. d. 43. quæst. 2. & Ocham in tertio dist. 13. dub. 3. tenent appetibilitatem esse communem bono, & malo, quod probant, quia eadem est potentia contrarium. Ergo voluntas quæ est potentia appetitiua, mouebitur à bono, & à malo. Sed hæc sententia est contra Dionysium de diuinis nominibus cap. 4. D. Aug. secundo confessionum, cap. 6. & 18. Greg. Nissenū lib. de Opificio hominis cap. 20. Damascenum lib. 2. fidei c. 21. & Aristot. 1. Ethic. cap. 1. Hi enim omnes clamant, quod nemo intendens ad malum operatur, quia quidquid homo appetit, etiam si malum sit, illud tamen appetit sub ratione boni. Secundo etiam probatur talis opinio falsa. Quia voluntas mouetur ab intellectu secundum quod illi repræsentat obiectum, sed intellectus non repræsentat obiectum voluntati, nisi sub ratione eligibilis, & convenientis. At malum vt malum intelligibile est, vt repugnans voluntati. Quod autem dicunt potentiam esse contrarium, intelligitur quando vtrūque habet rationem convenientis cum potentia, non vero quando vnum habet rationem disconuenientis, quia tunc in conueniens fertur positue, & in disconueniens negatiue. Secundo modo potest intelligi, quod appetibile dicat rationem boni non cum determinatione, sed cum in differentia, verbi gratia, ire in plateam sine determinatione boni, vel mali (nam dantur actus indifferentes.) Sed & hæc opinio rejicitur. Primo, quia indifferens, vt est indifferens non mouet, sed vt apprehenditur tanquam conueniens, vnde indifferens actus consistit in actu signato; nam in actu exercito nihil mouet nisi apprehendatur sub ratione conuenientis. Et ideo dicendum est cum S. D. p. 2. q. 1. art. 4. & Alensi 1. p. quæst. 12. & Aristot. hic tex. 3. & 1. Ethic. cap. 7. quod appetibilis finis mouet in actu exercito, vt finis

finis apprehenditur sub ratione determi-  
nata boni, & conuenientis.

*Eius cau-  
salitas  
statu-  
trahere.*

Quarto notandum venit, quod cau-  
salitas finis bifariam considerari potest.  
Primo radicaliter, & quasi in actu pri-  
mo, & sic habet mouere, attrahere, alli-  
cere, & inuitare voluntatem ad sui amo-  
rem, obiectiue. Secundo actualiter, vt hzc  
omnia habet in actu secundo, & sic in a-  
ctuali attrahere consumatur tandē eius  
causalitas actualis, & formalis, vt docet  
S. D. de potentia quæst. 5. art. 1. & quæst.  
22. de veritate, art. 2. & est sententia Al-  
berti Magni 5. Metaph. tract. 1. cap. 3. Son-  
cinasis, quæst. 2. Auicennæ in 6. l. 7. Metaph.  
tract. 5. cap. 5. Heruei quod. 2. quæst.  
1. & quæst. 8. & Antonij Ruio hic tract.  
5. de causa finali, quæst. 3. contra Connim-  
brices hic, cap. 7. quæst. 2. 1. ponentes  
aliquid reale saltem intentionale impres-  
sum realiter in motum ad finem, vnde di-  
cunt quod in hac impressione consistit  
actio finis. Hzc enim vera sunt de ratio-  
ne fundamentalis finis, non autem de for-  
mali, & cōpleta. Verum est tamen, quod  
si per impressionem præcedentem actio-  
nem intelligamus primam radicem motio-  
nis, verum dixerunt cum S. D. p. 2. q. 2.  
artic. 1. quia causaliter, impressio conue-  
nientiz finis præcedit actionem actualem  
motionis finis.

*Omnes  
actus hu-  
manis  
propter  
finem.*

Quinto notandum venit cum S. D. p.  
2. q. 3. art. 1. omnes actus humanos (sint  
circa finem, vel circa media ad finem,  
ante, & post consequentem finis) esse  
propter finem, & ideo esse effectus cau-  
sæ finalis. Sed hoc intellige non eodem  
modo, quia actus humanus vt est circa  
finem est necessarius specificatiue, quia  
appetitus naturaliter trahitur à bonitate  
finis, vt docuit S. D. cum Ferrariensi  
p. contra Gentes c. 77. scilicet quod cau-  
salitas finis in hoc consistit, quod propter  
ipsum alia desiderentur, non specifi-  
catiue, quia sic mouetur voluntas à fine,  
sed elicitue, & libere, id est cum indiffe-  
rentia eligibilitatis horum, vel aliorum  
mediorum ad finem. Ita actus humani  
antequam finis sit adeptus sunt circa ip-  
sum, vt circa rem habendam, at dum  
adeptus est, sunt circa ipsum, vt circa  
rem habitam, & possessam, ex quo tunc  
appetitus cum fine coniungitur, & sic  
per cum terminatur, & perficitur, vnde

illa coniunctio non excludit finem, sed  
ipsum includit, quo ad eius esse adeptum.

Sexto esset disputandum an finis moueat  
voluntatem vt ab extra est, vel vt  
in apprehensione ponitur, sed hanc quæ-  
stionem discussimus in quinto Metaph.  
q. 2. ibi vide.

*De causa exemplari.*

**E**xemplar secundum S. D. p. 1. q. 15. *Exemplar quid sit.*  
art. 1. idem est quod forma, & simi-  
litudo, & secundum Platonicos dicitur  
Idea. Exemplar autem sic diffinitur ab eo-  
dem S. D. quæst. 3. de veritate art. 1. his  
verbis. Exemplar est forma, quam effe-  
ctus imitatur ex intentione agentis, de-  
terminantis sibi finem. Primo ergo ponitur  
ly forma loco generis, quoniam  
multiplex est forma. Secundo dicitur  
quam effectus imitatur, ad differentiam  
formarum, ad quas effectus non sequun-  
tur. Tercio dicitur ex intentione agentis,  
ad differentiam formarum, & imaginū,  
quæ non sunt institutz ad representan-  
dum simile. Quarto dicitur determinan-  
tis sibi finem, ad differentiam formarum  
naturalium, quæ per se non determinat  
sibi finem. Hæc autem diffinitio proprie,  
& necessario conuenit exemplari inter-  
no, quod sibi efformat artifex, ad simili-  
tudinem cuius intendit aliquam rem ei  
similem facere, nam exemplar externum,  
verbi gratia domus fiendæ, descriptum  
in papiro, vel tabula, quamuis retineat  
veram rationem exemplaris iuxta illud.  
Fac iuxta exemplar, quod tibi in monte  
non stratum est, non tamen hoc exem-  
plar semper est necessarium, quia Arti-  
fex sine eius descriptione potest opera-  
ri, secundum exemplar quod in mente  
habet. Cetera quæ spectare possunt ad  
causam exemplarem habes in octauo Me-  
taphys. vbi de Ideis agitur, & dicemus  
1. p. quæst. 15.

Q V A E S T I O X V.

*Vtrum causa sint sibi inuicem causa.*

**V**idetur quod non. Primo. Nam cau-  
sa causæ, est etiam causa causati, ex  
lib. de causis, propositione prima. At si  
materia est causa formæ, & forma matre-  
rix,

rix, erit etiam causa sui ipsius, quia scilicet causat formam, & causatur à forma.

Secundo. Idem non potest esse prius, & posterius. Sed causa ut causa, est prior causato, & ut causata erit posterior. Ergo

Tertio. Finis est prima omnium causarum simpliciter. Ergo non dependet ab efficiente, quia sic esset causa solum secundum quid.

Quarto. Causalitas forme est actuare. Sed hoc non potest habere materia, sicut nec finis habet ab efficiente, ut sit id cuius gratia aliquid fit. Ergo causæ non sunt sibi inuicem causæ.

In contrarium est Arist. hic tex. 30. & 5. Metaph. tex. 2.

*Causæ  
sunt sibi  
inuicem  
causæ.*

Dicendum ergo venit, quod propositio Philosophi vera est, his conditionibus subintellectis. Prima est, quod generaliter erit vera, ascendendo in causis, ob necessarium nexum quem habent inferiora cum superioribus, non vero erit vera generaliter descendendo, nam materia dependet à forma, forma ab efficiente, & efficiens à fine, non autem omne efficiens, & finis à materia, & forma dependent, ut patet in separatis, cum hoc tamen quod efficiens semper dependeat à fine, vel actualiter, ut patet in creatis, vel virtualiter ut in Deo, quia omnia propter suam bonitatem operatur. Sed hæc prima conditio quamvis necessariam connexionem causarum ostendat, non tamen explicat, quomodo causæ sint sibi inuicem causæ, cum notum sit, materiam non causare esse formæ. Ideo secunda conditio erit, quod causæ sint sibi inuicem causæ suo modo. Ideo forma est causa materię, ut ei dat esse, & materia est causa forme, ut eam sustentat, & limitat, finis erit causa efficiens quoad operationem, quia agens agit propter finem, & efficiens erit causa finis quo ad terminum, quia efficiens conducit motionem intentionalem finis ad executionem, & terminum. Ideo apponitur. Tertia conditio, vel dicamus additur tertia glossa, scilicet quod causæ sunt sibi inuicem causæ, respectu vnus in quo concurrunt, hoc in quam intelligitur aliquo modo prout possunt, & conuenit. Hinc materia dicitur causa forme sustentatiue, quia eam sustentat, efficiens recipiue, quia eius actionem, & formam ab eo inducram recipit, finis dicitur

causa suppositiue, quia finis non mouet agentem ad aliquid agendum, nisi materiam supponat, in quam actio fieri debet. Ita forma est causa materię quoad informationem, efficiens quoad terminationem, quia eius actionem terminat, & finis quo ad perfectionem, quia finis mouet ad esse perfectum, prout possibile est.

Itaque inuenimus causas aliquo modo esse sibi inuicem causas.

Ad primum ergo dicimus, quod hæc propositio. Quod est causa causæ, est etiam causa causati, valet tantum in eodẽ genere causarum, & non in diuersis. Ideo verbi gratia, sol est causa lucis, & calor, quia ad hæc effectiue comparatur, non vero est causa materię, nec forme, quia materia, & forma sunt in alio genere.

Ad secundum dicimus ad maiorem, quod idem secundum eandem rationem, non potest esse prius, & posterius, causa, & effectus, at secundum diuersas rationes, & in diuerso genere causarum, in quibus solum propositio verificatur utique, ut ostensum est.

Ad tertium dicitur, quod finis non vocatur prima omnium causarum simpliciter, omnibus modis. Sed simpliciter prioritate motionis, quia primo mouet.

Ad quartum diximus, quod causæ non sunt sibi inuicem causæ quoad esse, quasi vnā producat esse alterius, sed dicitur causa causæ aliquo modo, & suo modo, ut declaratum est.

## LECTIO XI.

### S. D. VI.

*Modi autem Causarum, &c.  
Tex. 32.*

Postquam Phyls. ostendit quot modis dicantur causæ, modo intendit declarare quot sint modi causarum.

Primo ergo dicitur, quod si modi causarum secundum numerum, seu in particulari sumantur, multi sunt. Sed principales pauciores reperiuntur. Primus ergo modus erit, quod aliqua causa dicitur prior, & altera posterior, verbi gratia sanitatis causa prior erit Medicus, prout dicitur Artifex, & posterior, ut dicitur Medicus. Hic autem modus saluatur in

Causis

Causis eiusdem generis ad effectus comparatis.

Secundus modus causarum est, quod quædam causæ dicuntur per se, scilicet quæ operantur in quantum tales, & quædam dicuntur per accidens, quæ operantur non in quantum tales, sed prout accidunt causis, per se agentibus, verbi gratia statuarius ut statuarius est per se causa status, quod autem statuarius vocetur Policletus, hoc est per accidens. Subdit quod tam causæ per se, quam per accidens, quædam sunt priores, id est vniuersaliores, & quædam posteriores, id est minus vniuersales verbi gratia statuarius erit causa vniuersalior quam homo, vel animal. Scito autem quod causa per accidens hic sumitur ut dicitur talis ex parte causæ, & non ex parte effectus.

Tertius modus est, quod quædam causæ dicuntur actu operantes, id est quæ actualiter operantur, & quædam potentia operantes, quæ non actu operantur, sed sunt in potentia ad operandum, sicut ædificans actu, dicitur causa domus in actu, & ædificare potens dicitur causa in potentia. In his autem causis, accidunt modi superius positi scilicet vniuersalis, & particularis causæ, per se, & per accidens.

Quartus modus causarum est, quod quædam dicuntur causæ complexæ, & quædam incomplexæ, quare subinsert hos modos vniuersaliter esse sex, qui tandem in duodecim resoluntur, scilicet causa vniuersalis in actu, & vniuersalis in potentia, particularis in actu, & particularis in potentia, per se actu, & per se potentia, per accidens actu, & per accidens potentia, simplicis actu, simplicis in potentia, complexa in actu, & complexa in potentia.

*Vniuersale duplex in causando, & in prædicando.*  
Secundo loco principali assignat quædam discrimina inter modos harum causarum. Primum ergo est, quod causa in actu semper simul est cum effectu in actu, causa in potentia, nequaquam. Secundum est, quod in scientia oportet semper querere primam causam, id est immediatam, vel secundum alios vniuersalem. Tertium est, quod effectibus debent assignari proportionatæ, & propriæ causæ, & hæc erunt quasi pro corollariis.

Sed circa supradicta primo notandum

est cum S. D. quod causa vniuersalis duplex est. Prima dicitur vniuersalis in prædicando, quo modo dicimus Artificem sanare infirmum. Secunda dicitur in causando, secundum quam dicimus solem hominem generare tanquam causâ generationis vniuersalem, hominem vero tanquam causam proximam, & propriam. Conueniunt autem istæ causæ in hoc, quod sunt magis abstractæ, quam minus vniuersales. At hoc intelligas de abstractione formali, qua quantum res magis à materia elongantur, tanto abstractiones dicuntur, & sic perfectiores, non autem hoc verum est de abstractione abstractione vniuersalis, quæ confusum, id est genus abstrahitur à distinctis, id est speciebus, & indiuiduis, tale enim abstractum non dicitur perfectius minus abstracto, sed imperfectius, & confusum.

Secundo notandum venit circa illud dictum, scilicet quod causa, & effectus simul sunt, hoc posse dupliciter interpretari. Primo ut causa, & effectus dicuntur semper simul esse actu, & hic sensus est falsus, quia ædificator potest esse, & non ædificare. Secundo ut dicantur se simul accommode, id est ut causa eo modo quo est causa, semper simul sit cum suo effectu, ita ut si est causa in actu, simul sit cum effectu in actu, ut sunt simul illuminare, & illuminatio: si erit causa in fieri, simul sit cum effectu in fieri, sicut calor simul est cum calido dum coëscit; si erit causa in potentia, sit simul cum effectu in potentia, ut est de mus ædificanda cum ædificatore, potente ædificare.

Tertio adnotandum est circa alteram propositionem, ab Ari. assumptam text. 38. Quod oportet vniuersi cuiusque causâ summam querere, quod per causam summam aliqui interpretantur, causam proximam, & mediatam, quare dicunt hanc causam debere habere tres conditiones. Prima est, quod sit per se, quia effectus per se, non est reddenda causa per accidens. Secunda est, quod sit propria, & non vniuersalis, unde si inueniatur cur Medicus sanat, non bene respondebimus dicendo, quia est Artifex, non enim omnis Artifex sanat, sed dicemus, quia est Medicus, quia ut Medicus sanat. Tertia est, quod sit immediata, quoniam si Medicus sanat, sanat in quantum est Medicus. *Opus*



positum videtur sentire S. D. dum ait, quod per causam summam intelligimus causam vniuersalem, quia si interrogemur, cur homo aedificat, non satisfacimus dicendo, quia est aedificator, quia interrogans vltius instabit, cur sit aedificator, & sic erit ei respondendum, quia habet artem aedificatiam, & tunc cessabit omnis inuestigatio, & satisfactum erit interroganti. Sed hoc intellige, non de causa vniuersali cōmuni, sed de propria. Secundo hoc intellige, quando interrogator querit de prima radice effectus, & non de immediatæ causæ. Tercio, quod loquimur de prima causâ non absolute, sed in illo genere. Ex quo ita, quod loquimur de termino rei scitæ, quia secundum se scitur per immediatam.

### QVÆSTIO XVI.

*Virum vnius, & eiusdem effectus possint esse plures causas totales, eiusdem ordinis, &c.*

**V**idetur quod sic. Sint tres ignes æqualis virtutis, eodem modo stupæ approximati, & horum quilibet per se, & vt causa totalis possit illam stupam cōbure, tunc simul eam comburant, cum omnes illæ tres causæ sint totales, & eiusdem ordinis, & effectiue, profecto vnus & eiusdem effectus erunt plures causæ totales, &c.

Secundo. Demus Sortem esse à Platone, ita vt non possit esse ab alio, & Plato sit ab Euripide, quod non ab alio, & sic in infinitum. Tunc enim apparebit generationem horum indiuiduorum in infinitum tendere, & sic in essentialiter ordinatis, erit processus in infinitum. Hoc autem est contra Aristot. 2. Metaph. Ergo &c.

Tercio. Idem effectus potest simul à pluribus causis corrumpi. Ergo & fieri. Antecedens pater, quia homo potest simul corrumpi, & ab igne, & à ferro. Consequentia probatur, quia non videtur maior ratio de generatione, quam de corruptione.

Quarto. Plures causæ possunt producere eandem sensationem, vt si plures soni sibi succedentes causent auditionem, vel plures albedines, potentie visuæ immu-

tationem, ( fiat hoc vel naturaliter, vel supranaturaliter.) Sed tunc eiusdem sensationis erunt plures causæ totales, & eiusdem ordinis. Ergo &c.

Quinto. Ponamus vnum luminare illuminare in summo vnam aulam, tunc Deus addat huic aulæ alterum luminare in summo illuminans eandem aulam, tunc certe eiusdem effectus, id est illuminationis aulæ, erunt duæ causæ totales, & eiusdem ordinis.

Sexto. Plures Dæmones idem corpus vexant, & vexare possunt, vt causæ totales vexationis. Ergo eiusdem effectus possunt esse plures causæ totales, &c.

Septimo. Demus duos Angelos in eodem instanti, suam virtutem applicare, vt duæ causas totales ad vnum locum, & vnus mentem alterius ignoret, & in eodem instanti vterque intendat producere vnum, & eundem effectum, tunc apparebit, quod vnus, & eiusdem effectus erunt plures causæ effectiue.

Sed in contrarium stat Arist. hic.

Pro decisione huius quæst. primo sciendum est, quod causæ quædam sunt eiusdem generis, & quædam diuersorum generum. Causæ eiusdem generis sunt, quæ eodem genere causandi causant, sicut sunt duæ causæ efficientes, duæ formales, &c. Causæ autem diuersorum generum illæ sunt, quæ in diuerso genere causandi ad effectum producendum concurrunt, vt causa materialis, formalis, &c. Quod igitur eiusdem effectus possint esse plures causæ diuersorum generum admittitur, sed quod possint esse plures eiusdem ordinis hoc est, quod controuertitur. Nam quidam affirmatiuum tenent, sed communis opinio negatiua est.

Secundo ergo notandum, quod causæ eiusdem generis sunt in duplici differentia. Nam quædam dicuntur eiusdem generis, & ordinis, vt duæ causæ effectiue, proximæ, & immediatæ. Aliæ vero dicuntur diuersorum ordinum, vt causa prima effectiua, & proxima, finis vltimus, & proximus &c. Modo admittimus eiusdem effectus posse esse plures causas diuersorum ordinum, quia verbi gratia, sol vt causa vniuersalis generat hominem, & homo vt causa particularis, vnde hoc disputamus de causis eiusdem generis, & ordinis.

*Eiusdem effectus non possunt esse plures causas eiusdem generis.*

*Nec ordinis.*



**Totalis.** Sed tertio notandum est, quod loquimur de causis eiusdem generis, & ordinis, & totalibus, quæ scilicet ex se, & nullo alio sibi addito sufficiunt ad producendum effectum, nam quod eiusdem effectus, eiusdem generis, & ordinis possint esse plures causæ partiales, verbi gratia, multi trahentes Naue, non cadit sub difficultate, sicut nec quando hæ causæ respiciunt diuersos effectus secundū numerum, sermo enim est de vno eodemque effectū secundum numerum.

**In naturalibus.** Quarto vltius notandum est, quod quedam sunt causæ naturales, & quedam voluntariæ. Causæ voluntariæ sunt, quæ libere operantur, & ad finem mouentur, secundum quod ipsæ determinat. Causæ vero naturales sunt, quæ determinate ad finem mouentur. Non negamus quod causæ liberæ possint habere plures fines totales, vt quod homo vadat in Plateam, vt amicum videat, panem emat, vt Inimico reconcilietur, sed hoc negamus in causis naturalibus, & determinatis.

**In generationibus.** Quinto adnotandum venit, non esse eandem rationem de productione rei, & de eius corruptione, quia natura ad generationem procedit determinate, ad corruptionem vero confuse, & inordinare, vnde non videtur inconueniens, quod plures causæ eiusdem generis, ordinis, & totales concurrant ad rei corruptionem. Hoc tamen absolute non est accipiendum, si in causis his eundem modum operandi postulemus, in actu secundo.

Sexto igitur notandum, quod ad vnitatem effectus non solum requiritur vnitatis materię, quæ nimis generalis est, loquendo de materia prima, sed requiritur etiam vnitatis agentis, & formę, de qua re in quinto agemus.

**Conclusio probatur.** Quoad secundum ergo conclusio negatiua est. Eiusdem effectus non possunt esse plures causæ, eiusdem generis, & ordinis, & totales. Probatur primo. Natura abhorret superfluum, qui si superfluitatē admitteret, vitiosa esset, & non bona, contra illud Genesis primo. Vidit Deus cuncta quæ fecerat, & erant valde bona. Ergo eiusdem effectus non possunt esse plures causæ totales, &c. quia vna esset superflua.

Secundo. Determinatus effectus à causa determinata procedit. Ergo eiusdem

effectus non possunt esse plures causæ, &c. Probatur sequela quia si. A. effectus esset à B. E. & D. causis totalibus, si esset à B. causa determinata, non esset à C. vel D.

Tertio probatur auctoritate Philosophi in 5. Metaph.

Ad primū dicitur, quod tunc non causarent vt plures causæ, sed per modum vnius. Alij dicunt quod illa ituppa non combureretur, quia ignes illi in applicatione virtutis se impedirent. At aliqui impugnant hanc responsonem, quia ibi esset causa in actu, debite approximata, & ibi esset cōbustibile. Sed dicitur, quod illi ignes impedirentur à natura vniuersali, abhorrente superfluum, & cōsum.

Ad secundum dicimus, quod in Causis necessario connexis non sit processus in infinitum duobus modis potest intelligi. Primo ita vt omnes istæ Causæ simul, & in actu operentur, & hoc est falsum. Secundo ita vt aliqua ex his causis actu operetur, alia vero nequaquam, & hoc verum est. Nam Plato filius est à Sorte patre, vt à causa in actu, ab Auo, vero, Prouo, & Atrao, est vt à Causis non actu operantibus, sed virtute, & potentia.

Ad tertium dictum est, quod procedit de corruptione, nos autem loquimur de generatione. Sed vltius adlinius, quod non eodem modo operarentur, sed concurrerent vt cōcausæ.

Ad quartum dicendum, quod non esset eadem sensatio, quamvis a potentia non apprehenderetur variatio, variaretur tamen effectus, quia variarentur causæ.

Ad quintum respondemus sicut ad primum.

Ad sextum dicendum, quod plures Deiones esse in vno loco stat dupliciter. Primo materialiter, quia reperiuntur intra terminos continentis. Secundo formaliter, & vt Causæ totales operantes, secundum totam eorum potetiam ad vexandum corpus. Primum admittimus, & secundum negamus, dato quod quilibet Dæmon esset causa totalis vexationis.

Ad septimum dicimus, quod casus est impossibilis in Angelis beatis cum hi agant ex diuina ordinatione. Secundo dicimus, quod vel tunc se impediret quando virtutem suam ad effectum producendum applicarent; vel si non se impedi-

argu-  
menta  
soluuntur.

rent, vel à natura vniuersali non impedirentur, tunc vt concausa concurrerēt. Sed cōtra arguitur, quia si ponamus vnū Angelum mentem alterius ignorare, & consequenter in eo instanti in quo alius virtutem suam applicat ad producendum effectum, & ipse eam applicet propter eundem effectum, cum idem non possit esse instans applicationis, & impedimenti, videtur eiusdem effectus esse plures Causas totales. Respondetur, quod applicatio vtriusque virtutis erit in impedimentum, quia natura abhorrens superfluum, non permittet has virtutes suos producere effectus.

## QVÆSTIO XVII.

*An per absolutam Dei potentiam vnius, & eiusdem effectus, possint esse plures causa totales, &c.*

**N**egatiuam opinionem habuit Scotus, in 2.d.20.q.2. & in 3.d.p.q.2. Capr. in 2.d.2.q.vnica, art.3. & in 3.d.p.q.p.art.3. Ferrariensis testio contra Gentiles, cap.68. Iauellus 5. Metaph.q.7. & Soncinas q.6. quam probant.

Primo. Quia implicat duas causas adequatas, ad eundem effectum concurrere, si enim causa sunt adequatae, vna non admittit aliam, quia sic non esset causa adequata.

Secundo. Sic idem effectus bis produceretur. Nam actiones distinguuntur per causas agentes diuersas. Tunc essent duae Causae. Ergo & dux actiones, & duo effectus.

Tertio. Quia sic effectus à nulla earum dependeret, nam si dependet ab A. tanquam à causa totali, non dependebit à B &c.

Quarto. Quia effectus determinatus, est à causa determinata.

Oppositum tenet Caiet. p.p.q.52.art.3. Fonseca 4. Metaphysic. cap.21.q.15. sect.p. Suarez in Metaph. disp.26. sect.4. & Ruino hic, tract. de comparatione causarum q.2. & Probatur primo. Quia Deus potest facere, vt per modum vnius causae concurrerent, & secundo agendo ne mutuo se impedirent, quod malum non esset in ordine ad eius prouidentiam, pro eo tempore, sic has causas disponentem.

Ad primum ergo dicitur, quod essent duae Causae adequatae ex parte causae, non vero ex parte effectus, quia ab ijs dependet sicut ab vna Causa.

Ad secundum dicimus, quod tunc illae actiones vniuerentur in vno termino.

Ad tertium dicitur, quod ab vtraque esset per modum vnius.

Ad quartum dicimus, quod tunc determinatus effectus, esset à determinata causa, quia quauis illae causae essent plures in materialiter, non tamen formaliter, quia se haberent per modum vnius.

## CAPVT IV.

## LECTIO XII.

## S. D. VII.

*Dicitur autem fortuna, & casus, &c.*  
Ten. 40.

**P**ostquam Philosophus causas definiuit, & numerum earum tradidit, modo consequenter agit de causis vniuersalibus, & immanifestis.

Primo ergo dicit, quod postquam dictum est de causis, insuper tractandum restat de Casu, & Fortuna, & quomodo differant, & quid vtrumque sit. Aggrediendo ergo negotium ait, aliquos fuisse, qui fortunam, & casum negauerunt, duabus rationibus ducti. Prima est. Quia habent determinatam causam, à casu, & fortuna non fiunt. Sed omnia habent determinatam causam, quod enim aliquis fodiendo sepulchrum inueniat thesaurum habet determinatam causam, idest ipsam fositionem, sine qua thesaurus non esset inuentus. Secunda ratio est. Quia Antiqui agentes de generatione, & corruptione, nullam mentionem fecerunt de fortuna, & casu, quia existimauerunt hoc non dari.

Secundo loco soluit praedictas rationes, & ad secundam dicit, mirabile fuisse antiquos non fecisse mentionem de fortuna, & casu agentes de principijs rerum naturalium, quare debebant tractare de fortuna, & casu, vnde eis incumbere inquirere an fortuna sit causa, vel non, & an in rebus reperitur, vel non. Inconueniens est ergo ait Philosophus, quod Antiqui non

nō fecerint mentionem de fortuna, nam si tenuerunt eam esse, debebant de ea mentionem facere. Si negauerunt eam esse, obitabit Empedocles, qui dixit a fortuna fuisse, aerem supraterram collocatum esse, voluit enim quod lite res separāte acciderit, & fortuito euenerit, quod aer super terram collocaretur. Primam autem rationem soluebit infra.

Tertio loco ponit opiniones quorundam, qui fortunam, & casum admiserunt. Dicit ergo, quosdam fecisse casum a fortuna, & a casu esse, ponentes fortunam, & casum causas cali, & omnis motus stellarum, & reuolutionum mundi. Quæ opinio videtur fuisse Democriti, dum dixit, ex concursu atomorum, casum, & alia casualiter facta fuisse.

Quarto loco hanc opinionem refellit. Mirabile est enim (ait Phyl. animalia, & plātas habere causam determinatam, & non esse a fortuna, & casu, nam homo solum ex semine Maris, & feminæ generatur, & oliua, ex semine oliuæ, & idem nūm erit quod corpora celestia excellentiora, & diuiniora, a fortuna, & casu sint.

Quinto loco adducit alteram positionem Antiquorum, tenentium fortunam, & casum esse causas immanifestas, quādā diuinitate fauētas. Quibus opinionibus stantibus, pollicetur se velle tractare de fortuna, & casu secundum veram Philosophiam.

Circa supradicta primo notandum est, quod de fortuna agunt multi. Sed diuersimode. Nam Rethor agit de fortuna augendo, aut minuendo. Minuendo, verbi gratia delictum homicidij alicuius dicit. Casus omnino fuit inopinatus, sedato enim animo domo exiit, & finis fuit ad inuisendum amicum non loriceatus, non forciatus, accidit vt inimicum inueniret, & impensate eum occiderit. Augendo vero, forciando casum, omnibus conditionibus eum aggranantibus. Item Logicus de casu, & fortuna tractat excludendo fortuita, & casualia a scientia, & definitione. Metaph. vero agit, & ipse de contingentibus, & fortunis, tum quia est generalis Artifex, tum quia demonstrat bona omnia necessario euēire. Item Moralī de his sermonem facit, ostendendo an felicitas nostra possit consistere in re-

bus fortuitis, & quantum fortuita existimare debeamus. Theologus vero agit de fato, & fortuna, vt ostendat nihil posse accidere præter diuinam prouidentiam, omnia suauiter disponcutem. At Physicus de his tractat reiiciendo falsas veterum opiniones de fortuna, & casu, & disputando an sint Causa, & quæ causæ.

Secundo notandum venit circa vltimā opinionem fortunæ, videlicet quod esset quædam causa immanifesta, & diuina, quod tantæ excellētis fuit apud veteres fortuna, vt inulta tēpla ei edificauerint, & consecrauerint. Eam autē pingebant, mulierem cæcam supra rotam voluntatem, veste alba, & nigri coloris indutam. Distinguebant rotam in quatuor partes, & in vnaquaque Regem cum diademate constituēbant. Qui in suprema parte sedebat, diadema in capite habebat, & dicebat. Regno. Qui vero in inima parte proiectus stabat, diadema a pedes tenebat, & dicebat. Regnaui. At qui in parte exāte infidebat, cum diademā pariter cadente remanebat, & dicebat. Regnabā. Sed qui in parte asurgente cōsurgēbat, diadema in manu tenebat, & dicebat. Regnabo. Pinxerant ergo eam supra rotā, vt innuerent fortunam volubilem esse, & in fortuitis nullam spem esse collocandam, sed tantum in virtutibus, & bonis operibus esse constituendam. Fecerunt eam cæcam, vt annuerent eam quandoq. bona malis dare, & quandoq. bonos malis subijcere. Eam induerant duplici colore, scilicet albo, & nigro, vt ostenderet eam duas partes habere, idest fortunā, seu dicamus bonam fortunam, & infortunium, idest malam fortunam de quibus infra.

Fortuna  
desertio.

## QVÆSTIO XVIII.

Verum aliqua euēians fortuita.

Videtur quod non. Nam omne quod sit, habet determinatam causam. Sed determinata causa habet determinatum effectum. Ergo non fortuitum.

Secundo. Omne ens per accidens reducitur ad ens per se. Ergo omnis effectus per accidens, reducitur ad causam per se. Sed causa per se nihil fortuito operatur, vt hic Phyl. testatur. Ergo, &c.

L. 2. Tercio.

De fortuna  
multi  
tractant.

Tertio. Omne volitum, & ordinatum ab aliqua causa, non potest dici fortuitum. Sed omnia quæ eueniunt in hoc inferiori Hemispherio à prima causa volita sunt, & ordinata. Ergo &c.

Quarto. Omne vere causatum, veram habet causam. Sed omnis effectus est vere causatus. Ergo habet causam per se, & non per accidens, idest fortuitam.

Quinto. Omne quod est, à legitima causa est, teste Platone. Sed legitima causa per se producit effectum. Ergo nihil erit à fortuna.

Sexto. Omnis Actio terminatur ad determinatum finem, per Philosoph. infra. Ergo nihil erit fortuitum, & casuale.

Effectus  
fortuitus  
respicit  
causam  
proximam.

Pro resolutione huius quæstionis. Primo erunt aliqua notanda, & deinde formaliter erit respondendum argumentis.

Quo ad primum ergo, primo notandum est, non esse inconueniens, quod vnum duobus comparatū respectu vnius vnam rationem habeat, & respectu alterius aliam. Nam si effectus ad causas proximas comparatur, non erit inconueniens, quod aliquid fortuito eueniat, idest præter intentionem agentium particularium. At si comparetur ad causam vniuersalem, hic effectus nō erit fortuitus, sed intentus, nam verbi gratia. Dominus mittit dios seruos in forum, ad emendum pisces, vno ignorante aduentum alterius, modo sibi occurrunt in foro, hic occursum respectu seruorum est casualis, sed respectu Domini eos mittentis non est casus fortuitus, sed intentus. Causæ autem vniuersales sunt Deus, & intelligentia mouens cælum, & respectu horum non datur fortuna, & casus, vt ostendo in 8. Metaph.

Et vniuersale  
quod  
dicitur.

Secundo sciendum venit, quod intelligentia dupliciter considerari potest. Primo in ordine ad effectus, quos ipsa regulariter vt causa à Deo ordinata producit, & sic nihil accidit fortuito respectu intelligentiæ, cum sit causa vniuersalis. Secundo potest considerari in ordine ad Deum, aliquid super naturam disponentem, vt fuit quando stare fecit solem contra Gabaon, & retrocedere tempore Ezechiz, & sic respectu eius potest aliquid fortuito euenire, quia tunc comparata ad causam vniuersalem se habet, vt causa particularis.

Tertio tandem sciendum, quod Alb. anceps fuit, an respectu primæ causæ aliquid fortuito euenire dicendum sit. Negatiuum enim partem tripliciter probauit. Primo. Quia sic periret liberum arbitrium, dato quod omnia immobiliter eueniant, vt à Deo ordinata, nam immobile inuitabile est. Secundo. Quia sic intenderet monstra. Sed hoc est inconueniens, quia sic peruersa esset eius actio, & præter ordinem, & inclinationem datam naturæ. Tertio. Quia tunc nihil esset frustra simpliciter, quia intentum à primo agente, non potest dici frustra. Sed hæc sententia reiicienda venit, vt pugnat contra perfectionem primæ, & vniuersali simæ causæ. Vnde ad primum dicitur, quod immobile est immutabile in sensu composito, idest vt scitum, vt volitum, & vt prouisum à Deo, sed non in sensu diuiso, idest in ordine ad suas causas immediatas, quia Deus vult omnia euenire suo modo, necessaria, necessario, contingentia, contingenter, & libera libere.

Ad secundū dicimus, quod Deus monstra intendit, prout vult ea euenire, non per causas necessarias, sed per defectibiles, & impedibiles.

Ad tertium. Negatur assumptum, quia nihil est frustra respectu primæ causæ, sed tamen respectu causæ immediatæ.

Ad primum principale, primo negatur maior absolute. Secundo dicimus, quod omne quod fit, si fiat à determinata causa efficaci, & non impedita, necessario erit, at causæ naturales defectibiles sunt, & impedibiles.

Ad secundum. Primo respondemus ad maiorem, verum esse quod omne per accidens reducitur ad ens per se, sed non tanquam ad causam proximam, sed vt ad primam, & sic omnes effectus fortuiti reducuntur ad Deum, tanquam ad causam per se. Secundo dicitur ad eandem, quod omne ens per accidens reducitur ad causam per se, non quod sit per se causa illius accidentis, sed alterius, ad cuius esse consequutue lequitur effectus per accidens, & sic verum est, nam sodiens terram, per se intendit sotionem, sed per accidens consequitur eam inuentio thesauri. Tertio dicitur, quod sensus propositionis est duplex, scilicet quod omne accidens reducitur ad substantiam, & quod

quod omnis effectus per accidens, supponit effectum per se.

Ad tertium dictum est.

Ad quartum dicimus, quod hæc maior. Omnis effectus habet veram causam, potest dupliciter intelligi. Primo ut habeat veram causam per se, & determinatam, & hoc verum est de eo, quod per se producit. Secundo ut intelligamus habere veram causam, id est ei propriam, & sic verum est, quod illud quod per accidens producit, habet propriam causam, id est non per se agentem, sed per accidens.

Ad quintum dicendum, quod ly legitima causa stat pro proportionata causa, & sic verum est, quod causa proportionata effectui fortuito, non est causa per se, sed per accidens.

Ad sextum dicendum ad maiorem, quod vera est respectu intendentis finem.

## C A P V T V. & VI.

### LECTIO XIII.

#### S. D. VIII.

*Primum itaque cum alia semper eodem modo. Tex. 48.*

**A** signatis opinionibus antiquorum de fortuna, & casu, procedit Philosoph. ad veram diffinitionem fortunæ, quæ ut deducat multas distinctiones ponit, ex quibus tandem diffinitionem fortunæ concludit. Prima ergo diuisio est. Quod quædam semper sunt, & necessario, ut ortus solis in mane, & occasus in sero. Quædam vero sunt frequenter, ut quod in cane sint ællus, & siccitates, & in hieme frigora, & pluuiz, & quædam sunt raro, ut quod homo nascatur cum sex digitis. Tunc subinfert fortunam non accidere in ijs, quæ sunt semper, vel ut plurimum, sed in ijs quæ raro, & ut in paucioribus eueniunt. Secunda distinctio est, quod quædam sunt propter finem, & quædam non. Tertia est, quod quæ propter finem operantur, quædam mouentur à natura, & quædam à proposito, seu à voluntate, quia tam natura, quam voluntas si mouentur, & operantur, no-

uentur, & operantur propter finem. Quarta distinctio est, quod quæ sunt propter finem, & à proposito, quædam sunt propter se, & necessario, & quædam sunt propter accidens. Subinfert ergo, fortunam accidere in agentibus à proposito, ob aliquem finem, quorum actio aliquando frustrari contingit, unde sic elicit diffinitionem fortunæ. Fortuna est causa per accidens, in his quæ raro eueniunt, & à proposito agunt, propter finem. Hinc concludit quod fortuna in his accidit, in quibus intellectus reperitur.

Circa illa autem. Primo notandum venit circa primam diuisionem, scilicet, quod quædam semper eueniunt, quædam ut plurimum, & quædam raro, quod ea quæ necessario eueniunt. Primo corruptibilia sunt, nam quæ generationi, & corruptioni subduntur, deficere possunt. Secundo debent habere necessarium ordinem ad effectum, ita ut ille effectus sub alia ratione non saluetur. Et tertio, quod ab alia causa impedi non possit. Ea autem quæ ut plurimum eueniunt habent quidem ordinem ad effectum, sed hæc actio, quandoque potest frustrari. Primo ex dispositione superioris cause naturalis. Secundo ex debilitate agentis. Et tertio ex indispositione materiz. Ea autem quæ raro accidunt, ordinem non habent ad aliquam causam per se, sed per accidens, id est quatenus contingit, quod causa per se, possit deficere.

Secundo notandum venit circa secundam distinctionem, nempe quod quædam sunt propter finem, & quædam non. Quod alicui potest accidere dubium, quomodo aliqua sint, que non operentur propter finem, cum natura, & intellectus propter finem agunt. Ideo dicendum venit, quod aliud est omnia habere finem, & aliud omnia directe fieri propter finem. Primum admittimus, sed secundum negamus, nam verigratia, quis oppidum ceteram condidit. pro fine huius commissionis non habet in pletione ventris, sed delectatione in gullus, & tamen impletio ventris est finis operis, sed non operantis directe. Vel dicendum, quod agens in deliberata operans non dicitur operari propter finem, ut si sibi confriceret barbam, dum de re necessaria cogitat.

*Quædam sunt semper, quædam ut plurimum, quædam necessario quædam raro.*

*Non omnia agunt propter finem, cum natura.*

## QVÆSTIO XIX.

*Vtrum vella sit diffinitio fortuna.*

**V**idetur quod non recte sic diffinitur fortuna. Fortuna est causa per accidens, in ijs quæ in minori sunt, secundum propositum, eorum quæ sunt propter finem. Et primo probatur quod non sit causa per accidens. Nam fortuna, & volûtas sunt circa idem. Sed intellectus, & voluntas sunt causæ per se. Igitur, & fortuna.

Secundo. Id quod est secundum propositum, est intentum. Sed id quod est à fortuna non est intentum. Ergo fortuna non est causa in his, quæ sunt secundum propositum.

Tertio. Id quod est ordinatum ad finem determinatum est. Sed id quod est à fortuna non est determinatum. Ergo quod est à fortuna non est propter finem.

Quarto. Id quod est à proposito, est secundum finem. Ergo committitur nugatio in diffinitione dum dicitur, quod fortuna est causa secundum accidens, in his Sec.

Quinto. Physiofophus libro de bona fortuna dixit Fortunam esse impetum factum in anima, motam à Deo, ut est auctor totius nature. At impetus non est causa, sed effectus. Ergo male dicitur, quod fortuna sit causa.

Sexto. Eclipsis Lunæ, vel Solis raro sunt, & tamen non sunt à fortuna. Ergo fortuna non est in his quæ raro fiunt.

Septimo. Quis pergit ad ludum, ut lucretur, & de facto lucratur, & tamen hoc est fortuitum. Ergo fortuna potest esse in per se intentis.

Octavo. Sint duo homines, vnus quorum ut plurimum vincat, & alius ut plurimum perdat. Modo perdat, qui pluries vicit, tunc erit à casu, cum ille non intellexerit perdere. Ergo fortuna potest esse in his, quæ ut plurimum fiunt.

In contrarium est Physiof. hic.

*Opinio- nes de fortuna* Pro resolutione huius questionis. Primo notandum venit circa ly fortuna est causa, quod de fortuna triplex est opinio. Prima Boetij lib 7. de consolat. pro-  
fa prima, tenentis fortunam non esse causam, sed effectum, id est causam inopina-

tam, & extra intentionem agentis, ut si accadat quod vadens in forum ad emendum pradium inueniat amicum, unde sic diffiniebat fortunam. Fortuna est inopinatus casus, ex fluentibus causis, in his quæ ob aliud geruntur euentus, & sic de fortuna solent homines communiter loqui. Secunda opinio est Aristot. sentientis fortunam non esse effectum, sed causam. Nam causa bifariam potest producere effectum. Primo per se, sicut fodiens sepulchrum, per se fossionem facit, & ex intentione. Secundo per accidens, cau-  
sando quidem effectum, sed præter intentionem suam; nam fodiens sepulcrum, fossionem intendit, si autem thesaurum inueniat, extra eius intentionem erit, non enim fuit per se intentus, & hoc secundo modo dicit Aristot. fortunam esse causam per accidens, id est extra intentionem operantis. Tertia opinio fuit Platonis, facientis quidem fortunam causam, sed superiorem, & ordinatricem, unde Plotinus Platonius eam sic diffiniuit. Fortuna est Dæmoniaca potestas, causas in ordinatas, ad inuicem connectens.

Secundo adnotandum venit circa eandem partem, scilicet, quod fortuna sit causa per accidens, quod dicitur causa per accidens, non ex parte causæ, quia scilicet accidit causæ, nihil operando ad effectum, sed dicitur causa per accidens ex parte effectus, quia scilicet accidit effectui, sed præter intentionem agentis, quia scilicet accidit effectui, & non causæ, id est fossioni sepulchri, quod fodienti coniuncta existit inuentio thesauri.

Tertio notandum, quod tripliciter ali-  
quid potest coniungi ei, quod est per se. Primo necessario, sicut descensus lapidis necessario coniungitur remouetui prohibens, quia eo ipso quod prohibens remouet impedimentum lapis descendit. Secundo non necessario, nec in pluribus, sed pro eo tunc, pro quo ei coniungitur, sicut excitatio rixæ non coniungitur domui adficatæ, nec necessario, nec ut plurimum, sed pro eo tunc solum, pro quo ex aliqua causâ rixam suscitât. Tercio omnino indifferenter, ut quod dum Coriscus domum ingreditur, corrumpet, nam ingressus domus, nihil ad corrusionem facit. Fortuna itaque non dicitur prius modo causa per accidens, quia remouens

*Fortuna est causa ex parte effectus.*

*Hoc tripliciter potest intelligi.*

prohi-



prohibens vere est causa per se, & potest fieri a proposito, nec tertio modo dicitur causa per accidens, quia nihil faceret ad effectum, erit ergo causa per accidens secundo modo, quia accidit effectui ex positione causalitatis causæ, sed præter intentionem.

*In his qua in minori sunt.* Quarto notandum venit circa illam particulam. In his, quæ in minori sunt, quod per hanc intelligit Phisicorū. fortunam non esse causam necessariam, quæ semper, vel ut plurimum producat effectum, sicut est motus celi, qui dum solem ad Orientem rapit, diem facit, & dum ad Occidentem transit, noctem causat. Nec est causa necessaria pro tempore suo, & datis necessarijs, sicut est eclipsis Lunæ quæ necessario sequitur, quoties umbra terræ inter nos cadit, & Lunam; Nec est causa agens ut in pluribus, ut est quod homo hominem generet cum quinque digitis, sed est causa per accidens in his quæ raro eueniunt, ut quod homo nascatur cum sex digitis, & in casualibus, & in fortuitis, quod fodiens sepulchrum ad sepeliendum mortuum inueniat thesaurum, hoc enim raro euenit, & præter intentionem, & spem fodientis, & si posset hoc intendere absolute.

Quinto notandum circa eandem partem, quod aliquid de raro eueniat, stat dupliciter. Primo in ordine ad causam suam, secundum se consideratam, quia scilicet talis causa secundum se considerata raro producit effectum, ut quod fossio sepulchri causet inuentionem thesauri. Secundo in ordine ad tempus, ita ut ly raro sonet, raro in tempore. Secundo hoc modo non intelligitur, quia eclipsis Solis & Lunæ, coniunctiones Planetarum, & similia raro fiunt, & tamen non sunt per accidens, quia habent suam causam determinatam, quæ posita in actu, infallibiliter effectus sequitur. Intelligitur ergo primo modo. Sed & hoc dupliciter intelligi potest. Primo considerando causam cui accidit casualis, vel fortuitus effectus, ut in se est, verbi gratia fossio ut fossio est. Secundo ut est comitata talibus circumstantijs, verbi gratia quod fiat fossio ubi est thesaurus. Primo modo intelligitur, & non secundo modo, quia sic producit necessarium effectum.

*Non in* Sexto notandum venit, quod quamuis

reperiuntur contingentia ad vtrumlibet, quæ scilicet non sunt nec ut in pluribus nec ut in paucioribus ut sortem federe, & non federe (quod raro, & ut plurimum fieri potest) tamen in his contra Auicennam non datur fortuna, ut bene dixerunt Alexander, Themistius, & Commentator. Primo, quia a causa ad vtrumlibet, ut est ad vtrumlibet, nulla actio prouenit; dicit enim tantum indeterminationem, & non efficientiam, at fortuna est causa effectiua, & si per accidens, ut supra. Secundo. Quia causa ad vtrumlibet non determinatur nisi ab aliqua alia causa, cum secundum se sit ad vtrumlibet, fortuna autem est causa determinata, non per se, sed per accidens, quia necessaria sequela coniungitur tibi actioni, ut inuenio thesaurum huc fossioni, id est in hoc loco, ubiacet thesaurus, quamuis formaliter dicatur causa per accidens, quia præter intentionem euenit.

Septimo notandum venit (circa ly secundum propositum) quod per hanc partem intelligit Phisicorū. dicere fortunam non solum debere esse in agentibus cognoscentibus, ut sunt animalia bruta, sed etiam in eligentibus aliquid facere. Itaque fortuna est causa per accidens, quæ accidit his, quæ raro fiunt, & reperitur in agentibus a proposito, id est secundum electionem, & non tantum secundum cognitionem, quare subdit quæ fiunt propter finem, & licet electum. Quod autem fortuna sit in agentibus a proposito, bisariam intelligi potest. Primo ut ly secundum propositum cadat super effectus fortuitos, ut sit sensus, quod effectus fortuitus est ex electione, in his quæ propter finem operantur. Secundo ut ly secundum propositum cadat supra actionem causæ, ut sit sensus. Fortuna accidit actioni agentis a proposito, & propter finem, & hoc secundo modo intelligitur, & non primo modo, nisi virtualiter, & materialiter, id est ex parte rei, non vero formaliter, id est ex parte agentis, quoniam talem effectum non intellexit.

Octauo notandum est circa illam vltimam particulam, scilicet (quæ fiunt propter finem) quod actiones etiam hominum duplices sunt. Primæ dicuntur deliberatæ ad aliquem finem, ut quod quis vadat

*in his quæ sunt ad propositum.*

*Et propter finem.*

vadat ad forum, adipiscens emendum. Alię vero vocantur naturales, vt nutrire, augere, vel dicuntur humanę, & indeliberata, vt confricare barbam, aliud cogitando. Fortuna igitur non dicitur esse in actionibus naturalibus, & indeliberatis, sed potius in eis dicitur esse casus. In actionibus ergo deliberatis, & electis ad finem est fortuna, vt diximus. Neque videatur tibi repugnantia, quod fortuna dicatur in agentibus a proposito propter finem, & quod non sit intentus, quia non est eis per se, sed ex accidenti, idest istis coniungitur, pręter eorum intentionem, dum propter finem operantur.

*Conclusio probatur.* Secundo ergo loco principali ponitur conclusio. Recte diffinitur fortuna dum dicitur. Fortuna est causa secundum accidens. Probat. Illa est bona diffinitio, quę constat ex genere, & differentia, vel ex aliquo habente rationem generis, & differentię, & facit differre diffinitum a quolibet alio. Talis est ista. Ergo. Maior est nota, minor probatur. Nam ly causa se habet vt genus, quia duplex est causa, scilicet per se, & per accidens. Ly per accidens se habet vt differentia, faciens eā differre a causis per se. Ly in his quę in minori sunt, ab his quę vel semper, vel vt plurimum eueniunt. Ly secundum propositum a casu, qui est in naturalibus, & indeliberatis, & ly propter finem, ab agentibus ab alio directis in finem.

*Argumenta solvuntur.*

Ad primū dicimus ad maiorem, quod circa idem sunt voluntas, & fortuna, sed non eodem modo, quia voluntas est circa finem intentum per se, & circa fortunam, vt est causa per accidens.

Ad secundum dicimus ad maiorem, quod illud quod est secundum propositum est intentum, si sit per se secundum propositum, modo fortuna non est per se secundum propositum, quia non intenditur, sed per accidens, quia scilicet accidit effectui per se intento.

Ad tertium dicimus ad maiorem, quod valet de per se ordinato ad finem, & non de ordinato per accidens, vt est fortuna.

Ad quartum dicimus, quod esse a proposito propter finem stat dupliciter. Primo subiectiue idest respectu agentis, & sic quod est a proposito, est propter finem, quia hec duo sunt in agente intellectuali. Secundo obiectiue, & sic differunt, quia

solum actio hominis deliberata dicitur propter finem, & fortunę indistinctę.

Ad quintum dicimus ad maiorem, quod fortuna dupliciter considerari potest. Primo moraliter, idest secundum quod de ea homines vulgariter loquuntur. Secundo Physice, idest secundum id quod est. Primo modo fuit considerata a Philosopho in lib. de bona fortuna, solent enim homines dicere hunc, & illum esse fortunatum, ex bono influxu cęli. Secundo vero modo hic de ea loquitur Phyl. Vel dicas secundo, quod Philosoph. lib. de bona fortuna loquutus est de fortuna vt reducitur ad causam per se, idest ad Deum, qui per se, & ex intentione omnia disponit, hic autem loquitur de fortuna in ordine ad homines, qui non penetrantes effectum a Deo prouisum, videntes illum esse pręter eorum intentionem, illum dicunt esse fortuitum.

Ad sextum diximus, quod fortuna non solum est in illis, quę raro sunt, sed etiam non habet causam determinatam, vt habet eclipsis.

Ad septimum dicendum, quod effectus intentus, & si raro eueniat, non tamen dicitur fortuitus, vnde intendere victoriam in ludo, & vincere, etiam si raro accidat, non est fortuna; Vel secundo dicitur, quod ille qui vadit, vt vincat, & raro vincit, dum vincit, fortuite vincere dicitur secundum quid, idest in ordine ad effectum quem raro vidit per se, non vero simpliciter, quia vere iur ad ludum, animo lucrandi.

Ad octauum dicitur, quod ille qui vt plurimum perdit, si vincit, a casu vincit, quia raro, & qui vt plurimum vincit, & modo perdit a casu perdit, quia raro. Sed tamen nota, quod hic effectus qui raro contingit respectu vtriusq; dicitur fortuitus potest dupliciter intelligi. Primo actualiter ex parte agentis, & sic proprie nullus horum potest dici fortuitus, quia non est extra illorum intentionem. Secundo virtualiter ex parte agentis, & actualiter ex parte actionis, quę non est determinata, vt actio est simpliciter fortuita, vt plurimum, vel raro producat effectum, & ita casus adducti sunt fortuiti, quia ille qui de raro vincebat, & modo viuit, considerare potuit se potius debere perdere, quam vincere, propter minorem

norem excellentiam in arte ludendi, & si hoc non considerauit, sed sperauit se debere vincere, temere iudicauit.

LECTIO XIII.

S. D. IX.

*Et causa quidem per se, sex. 55.*

**I**N hac lectione tria faciemus. Primo explicabimus literaliter, quæ ab Aristot. dicuntur, à textu quinquagesimo, vsque ad sexagesimum quintum. Secundo circa hos textus aliqua adnotabimus. Tertio quædam dubia proponemus, & dissoluemus.

Quoad primū primo ergo habet Phyl. quod fortuna habet infinitas, & indeterminatas causas, & consequenter est incognita, & immanifesta, vnde formetur sic ratio. Infinitum est ignotum. Sed fortuna est infinita, cum habeat infinitas causas. Ergo erit incognita, & immanifesta. Maior nota est ex superioribus. Minor probatur, quia eiusdem effectus fortuiti possunt esse infinitæ causæ, verbi gratia, quod ego inueniam amicum potest esse in causa ire ad inuiscendum parentes, ad deambulandum, ad emenda necessaria, & similia.

Secundo dicit, quod illi qui negauerunt fortunam esse, in partem bene dixerunt, pro quanto fecerunt fortunam causam per accidens, & consequenter quæ fere nihil sit. Nam ea quæ sunt, in duplici differentia sunt. Quædam simpliciter sunt, & per se causæ sunt, & hæc absolute esse dicuntur. Alia vero per accidens sunt, vt est fortuna, & talia secundum quid esse dicuntur.

Tertio dicit aliquos dixisse fortunam esse sine ratione, propterea quod illud quod non euenit semper, vel vt in pluribus, sed raro dicitur esse extra rationē, & fines. Talis est fortuna vt superius diximus. Igitur dicenda esse videtur sine ratione.

Quarto mouet dubium circa id quod dictum est, fortunam multas habere causas, quarum aliquæ remotiores, & aliquæ proximiores sunt. Nam quod aliquis sanetur potest accidere, aut quia depilatus est, aut quia ventus sufflauit, & ideo vi-

dendum est respectu cuius causæ effectus dicatur fortuitus. Respondet Phyl. quod causæ remotiores minus dicuntur causæ, & proximiores magis.

Quinto loco diuidit fortunam in bonam, & malam. Bona fortuna dicitur, quæ aliquid boni affert ex incidenti, & mala, quæ aliquid mali affert, quare diuidit fortunam, in duas species, idest in eufortunium, seu dicamus bonam fortunam, & infortunium, idest malam fortunam. Dupliciter autem dicitur eufortunium, & infortunium. Primo de bona, & mala fortuna, vt supra, & secundo de proxima dispositione, vnde infortunium alicuius dicitur, quando fuit in proxima dispositione ad aliquod bonum consequendum, & illud bonum speratum amisit, & ita eufortunium vocatur, quando quis de seruitute ad libertatem, & de cætenis ad sceptrum inopinate transit, nam quod parum distat, nihil distare videtur.

Sexto loco asserit fortunam esse incertam, quod probat, quia id quod per accidens euenit, incertum est. At fortuna est causa per accidens. Igitur erit incerta.

Septimo loco docet quomodo differant fortuna, & casus. Dicit ergo quod primo differunt, quia casus est communior, quam fortuna, cum omne fortuitum sit casuale, non autem omne casuale fortuitum. Secundo differunt, quia fortuna est in agentibus à proposito, & practice, id est secundum iudicium rationis, casus vero reperitur in naturalibus, & in carentibus discursu. Quapropter infantes, bruta, & inanimata proprie non possunt dici fortunata, quia non habent vsuū, & iudicium rationis, Metaphorice tamen quandoque fortunata appellantur, prout Protarchus dixit lapides ex quibus constructa sunt templa Deorum esse fortunatos, quia reuerēbantur, & hoc ad similitudinem hominum; nam illi homines dicuntur bene fortunati, qui diuitijs affluunt, & in honore habentur; e contra vero illi infelices appellantur, qui egestate opprimuntur, & ab honoribus deiciunt. Casus etiam absolute in animatis, & inanimatis reperitur, vnde ambo casualia dici possunt, scilicet, quod equus fugiens ad fontem vt biberet, in bello non sit occisus, in quo omnes alij equi occisi sunt; nam ex fuga casualiter sal-

uatus est, non enim venit ad fontem, ut mortem fugeret, sed ut biberet, & ita casuale est quod tripoda, id est tres habens pedes cadat, & tunc sit accommodata ad sessionem alicuius.

*Fortuna est cognitio scibilis in fortuna naturali infiniti spatii, ideo quod parsiculari.*

Pro maiori explicatione supradictorum. Primo venit notandum, quod cum sit cognoscibilis, vel distinctibilis stat dupliciter. Primo in communi, quod ad communem rationem, & sic est cognoscibilis, & distinctibilis, sicut etiam hoc modo sunt cognoscibilia, & distinctibilia accidentia, contingentia, corruptibilia, & infinita. Secundo in particulari, prout est in hoc, & in illo effectu fortuito, & casuali, & sic cum non dicat determinatam causam, & possit ex infinitis causis accidere, dicimus eam in particulari non esse cognoscibilem, id est, ut dicit causam per accidens, vel effectum a causa per accidens procedentem.

*Pendet ab infinitis causis casualibus.*

Secundo adnotandum venit, quod fortuna procedat ex infinitis causis, duobus modis potest intelligi. Primo vere, & realiter, & sic falsum est, quia cum infinitum non detur in rerum, natura nec etiam dantur infinitae causae. Secundo non repugnanter, & sic verum est, quia casus fortuitus non determinat sibi hanc causam, quod ab alia esse non possit, cum non habeat causam per se, sed tantum per accidens.

*Non est finitio in ordine ad Deum.*

Tertio adnotandum est circa id quod dicit Philoſ. scilicet fortunam esse sine ratione, hoc quidem esse intelligendum in ordine ad causas particulares, de raro effectum producentes, non vero hoc esse accipiendum in ordine ad Deum ipsum, primam, & vniuersalissimam causam, omnia fortiter, & suauiter iuxta altissimam, ac benignissimam prouidentiam suam disponentem, & exequentem.

*Diuiditur in duos modos.*

Quarto sciendum est, quod diuisio fortunae in eufortunium, & infortunium, non est diuisio generis in suas species, cum fortuna non sit genus, unde est enumeratio in modos suos. Nam fortunae duplex est eisdem modus. Primus est bonus, quo bona dicitur, & bona promittit, & efficit, malaque euitare facit. Secundus dicitur malus, quo mala minatur, & efficit, vel a magno bono deiecit, & hoc est quod voluerunt annuere Poetae, dum fortunam cum duobus faciebus descriperunt.

Quinto notandum est, quod casus tripliciter summi potest. Primo communiter, secundum quod etiam effectus fortuiti casuales nuncupari possunt. Secundo proprie, prout distinguitur a fortuna, quod casus non est in agentibus a proposito, & fortuna utique Tertio summitur improprie, ut idem sonat, quod vanum frustratorium, & innane. Hac autem occasione scito, casum, & fortunam multipliciter differre. Primo (ut diximus) quia fortuna ponitur solum in agentibus a proposito, casus vero in agentibus naturalibus, in pueris, & in bestiis. Secundo, quia in plus se habet casus quam fortuna, ut supra, Tertio, quia fortuna proprie sibi videtur vendicare, eufortunium, & infortunium, cum homines sint illi, qui dicantur fortunati, & non fortunati. Casus vero secundum similitudinem sibi determinare videtur fortunium, & infortunium, unde dicebat Philoſ. lapides templorum similitudinarie esse fortunatos, quia habentur in magnum honorem, illi vero qui quotidie conculeantur, infortunatos esse, quia omni honore priuantur. Tandem differunt, quod causa fortunae solet esse extrinseca, & casus intrinseca.

*Differetiam a frustra, et temerarium.*

Sexto notandum est, quod quamuis secundum rem idem videantur esse casus, & fortuna, vanum, frustra, & temerarium, tamen distinguuntur secundum proprias rationes. Nam casus, & fortuna sunt extra intentionem agentis, & frustra non est extra intentionem agentis, sed executionis operis, quia agens non potest illud ad finem traducere. Vanum vero illud dicitur, quod in aliquem finem ordinatur, sed inchoate, & insipienter, ut si quis vellet Deo auxiliari, ut homicidium committeret, hoc enim vanum est. Temere vero illud dicitur, quando actio ad finem contrarium ordinatur, bonum quidem per accidens, ut si febricitans vinum biberet, & sic sanitatem consequeretur.

## QVÆSTIO XX.

*Utrum fortuna sit causa immanifesta, & indeterminata.*

**V**idetur quod non. Primo. Nam verbi gratia inuentio thesauri pro causa nota,

sa nota, & determinata habet fossionem sepulchri, & non aliam. Ergo effectus fortuitus habet causam notam, & determinatam.

Secundō. Effectus necessario ab hac causa proveniens, ita ut ab altera esse non possit, habet causam manifestam, & determinatam. Sed effectus fortuiti, & casuales tales sunt, nam si homo non fodisset sepulchrum, non inuenisset thesaurum, & si non generasset hominem, eum non generasset cum sex digitis, & nisi equus currisset ad flumen, ut biberet, manus militum num euasisset. Ergo fortuna dicitur causam manifestam, & determinatam.

*Causa  
fortuna  
in cōmu-  
ni sū in  
determi-  
nata.*

Pro noticia huius questionis. Primo recollendum est, quod hic loquimur de causis fortunæ in communi, quibus non repugnat talem effectum producere, unde loquimur de fortuna ut sic, & non respectu huius determinatæ causæ quæ iam produxit effectum, vel ad eum producendum ordinatur, & ex hypotesi potest dici necessaria, idest ex suppositione.

*Secundū  
se, & ex  
parte ef-  
fectus.*

Secundo sciendum est, quod bifariam contingit, quod aliqua causa dicatur determinata. Primo ratione sui ipsius, quia secundum se non magis inclinatur ad hunc effectum proctum producendum, quam ad alium. Secundo ex parte effectus, quia scilicet effectus non ita dependet ab hac causa, quin possit ab alia dependere, & utroque modo fortuna dicitur causa indeterminata. Ex parte quidem causæ, quia verbi gratia fossio sepulchri secundum se non magis inclinatur ad inueniendum thesaurum, quam serpente, vel librum. Ex parte etiam effectus, quia verbi gratia inuentio thesauri non magis dependet a fodiente sepulchrum, quam puteum, vel terram, ut ibi plantaret vineam.

*Quia fir-  
mitas est  
causa &  
accidens.*

Tertio sciendum est, hanc esse differentiam inter causas per se, & per accidens, quod dum interrogamur de effectu per se, certudinaliter respondemus, per causam per se; dum vero interrogamur de effectu, qui processit a causa per accidens, non possumus certam assignare ei causam, quod ab alia esse non possit. Modo cuiuslibet agentis est certus finis, extra cuius intentionem, effectus fortuitus procedit, unde effectus fortuitus, non dici-

tur habere causam certam, & determinatam.

Quarto notandum est, quod cuiuslibet agentis sit determinatus finis dupliciter intelligi potest. Primo loquendo de fine operantis, & hic multiplex esse potest, quia quis potest fodere terram, ut ibi mortuum sepeliat, arborem plantet, herbas eradicet &c. Secundo loquendo de fine operis, qui finis vocatur intrinsecus, & hic vnus est, ex vno opere procedens, cum ergo plures possint esse fines operantis, si vnum attingat, quem non intellexit, tunc dicitur operari fortuito, & casualiter.

Ad primum igitur dicendum, quod fortuna sit causa determinata potest dupliciter intelligi. Primo absolute, & hoc est falsum, cum non sit causa per se, sed per accidens. Secundo ex suppositione applicationis causæ, aptæ ad producendum vnum effectum, quauis non intentum. Et sic fortuna habet causam determinatam, quia dum res est, necesse est eam esse. Vel dicendum, quod effectus fortuitus potest habere causam determinatam Physice, idest in ordine ad causam suam Physicam, non vero habet causam determinatam moraliter, idest agentem ex intentione, quia euenit præter intentionem agentis.

Ad secundum dictum est. Currit enim de causa Physica, & non morali, in particulari, non in communi, ex suppositione, non absolute.

## QVÆSTIO XXI.

*An Aristoteles sibi contradicat.*

Videtur quod sic. Nam dum distinguit fortunam a casu, asserit, fortunam habere causam ab extra, & casum ab intra. At in textu 64. affirmat etiam casum habere causam extrinsecam.

Ad hanc difficultatem respondetur, quod aliqua causa dupliciter potest dici extrinseca. Primo secundum intentionem, ita ut illa dicatur causa extrinseca, quæ est extra intentionem agentis. Secundo secundum re, quia scilicet causa est extrinseca. Primo modo loquutus est Philosophus dum distinxit fortunam a casu. Nam cum fortuna sit in agentibus a proposito;

sed extra eorum propositum, id est extra intentionem, ideo dicitur causa extrinseca, ac casus cum sit in agentibus naturalibus, actiones quorum natura est principium intrinsecum, ideo casualia dicuntur habere causam intrinsecam. Vel dicendum venit, quod cum fortuna sit in agentibus à proposito, propter finem, ideo in effectibus fortuitis causa dicitur extrinseca, id est extra propositum; casus autem, & casualia cum sint in carentibus ratione, per impetum in eis impressum ab intelligentia non errante, ideo ratione huius motionis intrinsece, casualia dicuntur habere causam ab intra.

## QVÆSTIO XXII.

*Virtus datur fatum.*

**V**idetur quod non. Nam D. Gregorius dicit in Hom. Epiphaniæ. Absit à fidelium mentibus, ut fatum aliquid esse dicant. Ergo non datur fatum.

Secundo. Ea quæ fato aguntur, non sunt improvisa, sed prouisa, per D. Augustinum de Civ. Dei dicentem, quod fatum dicitur, quasi ab alio effatum. Ergo non datur fatum fortuitum, & casuale.

Tertio. Si daretur fatum, esset in creaturis. Sed hoc est falsum, per D. Augustinum de Civ. Dei dicentem, fatum esse Dei voluntatem, seu potestatem. Ergo non datur.

Quarto. Si fatum datur. Vel est substantia, vel accidens. Non substantia, cum non semper subsistat. Si accidens, ergo multiplicabitur secundum quantitatem substantiarum, & accidecium, cum accidens multiplicetur ad multiplicationem subiecti. Ergo non erit unum fatum.

Quinto. Si daretur, esset immobilis dispositio. Sed per eundem quarto de consolatione, fatum est mobile. Ergo non datur.

Quinto. Sic quæ fato evenirent, immobiliter evenirent, & sic perirent contingencia, & libertas nostra.

In contrarium stat Boetius quarto de consolatione, ubi fatum sic diffinit. Fatum est inhaerens rebus mobilibus dispositio, per quam providentia suis quoque necesse ordinibus.

Pro resolutione questionis. Primo notandum venit, quod de fato dupliciter loqui possumus. Primo secundum opinionem veterum. Secundo secundum veritatem. Si de eo primo modo loquamur, sic rejicitur, cum D. Augustinus in Ioannem Tract. 37. & quinto de Civit. Dei, & D. Gregorio ut supra. Nam Antiqui dixerunt fatum scilicet casum, & fortunam, quæ fatalia ab ipsis dicuntur, evenire absque aliqua ordinatione superioris causæ, id est sine divina providentia, adeo ut divinam providentiam omnia ordinantem tollant. Sed & alij ex opposito dixerunt, omnia quæ sic apud nos fortuito evenire dicuntur, necessario quidem evenire, ex dispositione coelorum, & influentiarum siderum, siue hæc pertineant ad actus humanos, siue ad naturales, unde fatum secundum hos. est necessaria, immutabilis, & immobilis dispositio siderum, in qua unusquisque natus est. Sed hæc opinio damnatur. Primo; Quia repugnat, actus voluntatis liberos, esse à sideribus immutabiliter coactos. Unde etiam Astrologus ait, quod sapiens dominabitur astris. Secundo. Quia sic fatum non esset idem quod fortuna, & casus, quæ ponuntur causæ per accidens; nam coelum si necessario agit, & ad unum determinatum movet, omnino tollitur causa per accidens. Si igitur de fato secundo modo loquamur, id est secundum veritatem, sic dicimus dari, quia fatum hoc modo sumptum, non est nisi divina providentia, omnia suavit, & fortiter disponens. Hæc enim divina dispositio ad causas secundas relata dicitur casualis, vel fortuita, id est extra intentionem earum. At in ordine ad Deum univalem prouisorum, fatum dicitur quasi prolocutum, & dispositum.

Secundo ergo notandum, quod fatum bifariam considerari potest. Primo ut est in Deo ordinante, & disponente omnia, & sic in eo non dicitur fatum, sed providentia. Secundo ut est in causis medijs, quibus Deus prouisorum ad executionem perducit, & sic fatum dicitur casuale, & fortuitum, quia Deus voluit, & disposuit quod contingencia, & fortuita evenirent per causas contingentes, defectibiles, & imperdibiles.

Idcirco tertio notandum venit, quod hæc dispositio-

*Opinio-  
nes de fa-  
to.*

*Fatum  
duplici-  
ter sumi-  
tur.*

*Duplici*



ser consi-  
deratur.

dispositio causarum secundarum, quæ factum nuncupatur bifariam considerari potest. Primo in sensu diuiso, idest secundum se, & ita effectus earum poterunt esse contingentes, & casuales, quia earum causæ vere impediri possunt in suis actionibus, & possunt multa euenire extra illarum intentionem. Secundo in sensu composito, idest, ut à Deo intelliguntur dispositæ, ut eo modo quo effectum producant illum producere habeant, & sic dicuntur necessario agere, non necessitate coactionis, cum Deus non immutet, vel inuertet naturam harum causarum, sed necessitate immutabilitatis, quia impossibile est, quod illud quod Deus disposuit euenire, non eueniat, & eo modo, quo vult illud euenire.

In natu-  
ralibus  
reperi-  
tur.

Quarto ergo notandum, quod res sunt in duplici differentia. Quædam enim Deus facit per causas secundas, & hæc omnia fato subduntur, quia subduntur secundum se causis defectibilibus, & non necessitatibus. Alia vero à Deo immediate efficiuntur, ut fuit creatio vniuersi, & ut est miraculorum operatio, glorificatio sanctorum, & similia, & ista longe sunt à fato, à casu, & à fortuna.

Ad primum ergo dicitur, quod Gregorius reprobatur factum, ut ipsum posuerunt Antiqui, scilicet ut causam necessitatem.

Ad secundum dicitur, quod procedit de fato, ut diuinam providentiam nominat, & non ut dicat ordinem causarum secundarum defectibilium, &c.

Ad tertium similiter dicitur, quod procedit de facto casualiter, idest, ut dicit providentiam; nos autem loquimur de fato essentialiter, idest, ut dicit ordinem causarum secundarum.

Ad quartum dicendum, quod factum est accidens, quia est ordo, & dispositio secundarum causarum. Quoad autem sit dispositio secundarum causarum, dupliciter potest intelligi. Primo, quod sit dispositio de genere qualitatis, & hoc negamus. Secundo quod sit dispositio, idest ordo, & connexio causarum inter se, secundum dependentiam vnius ab altera, & hoc affirmamus. Hic autem ordo bifariam considerari potest. Primo in ordine ad suum principium, & sic est vnus vnitate ordinis. Secundo in ordine ad causas ordinarias, & sic est multiplex, prout multipli-

cantur ordinata; sed hæc multiplicatio est materialis. Non sequitur autem, quod cum ordo sit relatio, relatio agat, maxime cum factum sit cum causa, sed sequitur, quod ordinata, idest causæ quæ sub sunt illi ordini, & relationi, ipsæ agant.

Ad quantum dicitur, quod factum est mobile, ut nominat causas ordinatas, & immobile, ut dicit diuinam providentiam ordinantem.

Ad sextum dicimus, quod factum non tollit contingentiam, nec liberat eam, quia omnia ei subsunt, ut diuinam providentiam important, non necessitate coactionis, sed immutabilitatis, ut supra.

## CAPVT VII.

## LECTIO XV.

*Sed moderum, causarum, in quibus est,  
unde principium motus.*

*Tex. 63.*

**A** Textu 63. vsque ad 75. tria principaliter docet Philosophus. Primo ergo docet fortunam, & casum reduci ad causas efficientes. Hoc probat, quia casus, & fortuna, vel accidunt agentibus naturalibus, vel intellectualibus, ut supra; sed tam agentia naturalia, quam intellectualia sunt causæ efficientes. Ergo sunt causæ efficientes. Hinc inuenit contra illos, qui dixerunt fortunam, & casum esse causas cæli sic. Si casus, & fortuna sunt circa causas agentes, voluntate, vel natura, necessarium est ponere naturam, & intellectum esse causas alicuius partis vniuersi per se; At causa per se præcedit causam per accidens, modo fortunæ, & casus sunt causæ per accidens. At hoc est inconueniens, dicere quod aliquis sit prius causa cælo. Ergo cælum non potest esse à fortuna, & casu.

Secundo docet, quod non sunt plures causæ quam superius sint assignatæ, quod probat sic. Tot sunt causæ, quot sunt propter quid. Sed tantum sunt quatuor propter quid. Ergo tantum quatuor causæ. Hoc totum explicat in causa formali per lineam, in mouente, & finali per pugnam, in materiali per corruptibilitatem corporis, ex contrariis elementis constituti.

Tertio docet ad naturalem speciem, confi-

considerare quatuor genera causarum, & omnia sunt clara in textu.

*Sufficiens* Circa supradicta primo notandum est, circa id præcipue, quod dicit Philosophus. quatuor esse genera causarum, & considerationem earum spectare ad naturalem, quod ex hoc deducimus sufficientiam causarum cum D. Thome. 69. Nam causa est ad cuius esse sequitur alterius esse. Esse ergo causæ, bifariam considerari potest.

Primo absolute, & tale esse significat formam, a quam sequitur esse, Vel secundo potest sumi quatenus reducit rem de potentia ad actum, quod si effectiue erit efficiens, si subiectiue, id est, sit subiectum transiens de potentia ad actum, erit materia. Omnis autem generatio, & actio alicuius gratia fit, & sic habemus causam finalem.

*Forma,* Secundo adnotandum venit, quod forma, efficiens, & finis sint idem quandoque. numero, contingit dupliciter. Primo in causis vniuocis, & hoc verum est, loquendo de finali in generatione, non autem de fine rei genitæ, nam forma dat esse actui, efficiens effectiue, & finis est esse subsistens rei. Secundo in causis æquiuocis, id est diuersarum specierum, & generum, & sic est fallum, quia cum æquiuoca, seu analogæ differunt genere, vel specie, non possunt conuenire in vna vnitatem numerali, ita vt dicantur esse idem numero.

*Trias sunt* Tercio adnotandum est circa alteram illam propositionem, quod tria sunt negotia. Primum circa immobile. Secundum circa mobile, sed incorruptibile, & Tertium circa mobile, & corruptibile. Per primum negotium aliqui intellexerunt Metaphysicam, per secundum Mathematicam, & per tertium Physicam, quia hæc tres sunt scientiæ reales, speculatiue, per Arist. 6. Metaph. Sed hæc expositio non placet S. D. quia Astrologia, quæ magis est naturalis quam Mathematica, est de ente mobili, sed incorruptibile. Per immobile igitur negotium exponit S. D. Metaphysicam quæ considerat abstracta à motu, & à materia, quæ entia dicuntur immobilia. Per mobile, sed incorruptibile, intellexit libros de Cælo, & de Anima, quoniam cælum, & anima rationalis sunt entia incorruptibilia. Per mobile vero, & corruptibile intellexit alia entia, generationis, & corruptioni subie-

cta. At si licet aliter exponere textum, dico Philosophum in eos tres partes Physicæ naturalis annuisse. Prima est in qua agit de primo motore, qui immotus, mouet, & hæc habetur in octauo Phys. Secunda est de cælo, & Anima, vt supra. Tertia alias partes Physicæ naturalis respicit, vnde ista sunt tria negotia Physica.

Quarto adnotandum est circa tex. 74. *Ad pro-* in quo Philosophus dicit reddendum esse *pter quod* quid, & inde quod sequitur, sicut *aliquid* quod sole appropinquante ad polum arcticum dicimus cum magis calefacere, & recedente infrigidare, & quod si aliquid ex contrarijs genitum est, corruptibile &c. Notandum inquam est, non esse semper necessarium in omnibus quod aliquid sequatur, hoc enim verum est in agentibus necessarijs semper, in agētibus, vt in pluribus, sed in raro producentibus effectū, non accidit intentum, sed aliud ex in dispositione materiæ.

## D V B I A.

**P** Rimum dubiū occurrit circa tex. 84. in quo dicitur quod fortuna, & casus reducuntur ad causas efficientes; nam videtur quod etiā reducuntur ad alias causas, quoniam si tutor intendat facere vestem, & inueniat pannum à tinea corrosum, casus reducitur ad causam materialem. Item si pictor intendat leonem facere; & faciat equum, casus erit in forma, & sic reducetur ad causam formalem. Item si quis Romam vadat ad visitanda limina Apostolorum, & Cardinalis fiat, erit fortuna in genere causæ finalis. Item si equus fracto freno ad fontem fugiat, vt bibat, & tunc manus militum euadat casus erit in genere causæ efficientis.

Pro resolutione huius dubij notandum est, quod Boetius voluit casum, & fortunam non esse causas, sed effectus fortuitos, & consequenter posse reperiri in omni genere causæ, sed oppositum hoc docuit Aristot. dum connumerat casum, & fortunam inter causas efficientes.

Secundo adnotandum est, quod casus, & fortuna reducuntur ad causas efficientes potest bifariam intelligi. Primo solū, & hoc non est verum, vt obiecta probauerunt. Secundo vt ad notiores, & famosiores,

fiore, & hoc verum est, nam fodiens sepulchrum, & sic inueniens thesaurum, reducitur ad causam effectiuam, idest ad fossionem sepulchri. Vel dicendum, quod si casus, & fortuna reducatur ad alias causas, non tamen eas reducuntur præcise, sed simul cum causa efficiente.

Ad primum igitur dicitur, quod panni corrosio dupliciter considerari potest. Primo, vt est rei corrosibilis, & sic non est à casu, sed per se. Secundo, vt habet ordinem ad efficientem, idest ad furorem intendentem incidere vestem in pannum integrum, & sic dicitur casus, & fortuna, vnde concludit intentum nostrum.

Ad secundum similiter dicitur, quod equus pictus pro leone, dicitur fortuna solum respectu pictoris intendentis pingere leonem, & pingentis equum, & sic dicendum est ad alia exempla.

Secundo dubitatur circa alteram propositionem hic assertam, scilicet, quod naturalis considerat solum moventem, quod mouendo mouetur. Nam oppositum habetur 8. Phys. vbi probat dari vnum primum motorem, ex motu æterno, omnino immobilem, & istius autem Phys. est pars scientiæ naturalis.

Secundo, quia dicit talem motorem non habere in se potentiam mouendi, nam si talis motor moueat, necesse est quod in se habeat potentiam mouendi. Ad hæc breuiter dicitur, & ad primum, quod Physicus probat, primum motorem omnino immobilem quoddam esse, vt Physicus, & si quoad aliquam prædicatam quidditatiua, de eo etiam agat, hoc facit indutus habitu Metaphysico.

Ad secundum dicitur, quod valet de potentia actiua motiua, non autem de passiva, quia dicitur moueri, & de qua intelligit Philosophus.

## CAPVT VIII.

## LECTIO XVI.

*Dicendum quidem igitur primum.*

*Tex. 75.*

**H**ic incipit Arist. disputare an natura agat propter finem, vnde primum aut in textu, duo hic esse definienda, scilicet quod natura, est de numero illarum

causarum, quæ agunt propter finem. Secundum est, an necessitas rerum naturalium pendeat solum à materia, vel etiam pendeat ab agente, forma, & fine, causa autem huius est, quia omnes antiqui reducebant necessitatem ad causam materiale, dicentes omnia euenire ex necessitate materiæ, vt quod aliqua essent frigida, & aliqua calida. Et quamuis aliqui aliquo modo tetigerint causam effectiuam, vt Anaxagoras, ponens intellectum diuidentem chaos, & Empedocles litem, & amicitiam, non tamen eam attigerunt, nisi in generali, vnde nobis restat de ea tractandum in speciali. Secundo loco ponit quoddam argumentum illorum qui tenuerunt omnia à casu euenire, & non propter aliquem finem, idest vt melius, vel vtilius quid fiat, vnde formatur sic argumentum. Illa quæ necessario eueniunt, non sunt ob aliquem finem. Sed omnia necessaria eueniunt. Igitur non sunt propter finem. Maior videtur clara, quia quod necessarium sit, non propter melius fieri dicitur. Minorem probabant, quia quod Iuppiter pluat, non est vt frumentum creascit, cum contingat ipsum pluuia corrumpi, sicut patet in frumento in arca posito, dum pluit. Hoc igitur euenit, quia sol vapores ad regionem frigidam attrahit, in nubes condensat, & aquam conficit, quæ cum sit grauis, & omne graue, naturaliter tendat deorsum, hinc pluit. Ita pariter, quod dentes anteriores sint acuti, & maxillares plani, non sunt à natura, vt acuti essent apti ad scindendum cibum, & maxillares ad masticandum, sed sunt in causa concursus materiæ ad illas partes in generatione. Et quia poterat contra eos obijci, multa esse ordinata ad bonum, vt quæ semper, vel vt in pluribus eueniunt, hinc ait, ipsos solere respondere omnia in principio facta esse à casu, quauis modo propter bonum sub vno esse, & vna ratione conseruentur. Sed tertio loco confutat Physiol. supradictam opinionem multis rationibus. Prima est. Omnia quæ sunt, aut fiunt propter finem, aut à casu. Sed quæ sunt à natura non sunt à casu. Ergo fiunt propter finem. Probat minorem. Quæ sunt à casu, non sunt nec semper, nec frequenter, sed raro, vt quod multum pluat in diebus canicu-

nicularibus, & sit æstus in hyeme, hoc enim est à casu, quia raro accidit. Sed quæ sunt à natura semper, vel frequenter eueniunt. Ergo sunt propter finem.

Secunda ratio est. Ea sunt propter finem ab arte, quæ si fiere a natura, eodem modo fierent. Sed si natura domum construeret, non eam faceret alio modo, quam modo ars faciat, verbi gratia ponendo fundamentum in ima parte, & tectum in superiori. At tamen, quædam fieri ab arte, quæ non possunt fieri à natura.

Tertia ratio desumitur ex manifestis naturæ, quia videmus araneas facere telas ut capiât muscas, & formicæ in æstate congregare grana, ut possint ea comedere in hyeme, unde multi dubitauerunt num agerent intellectu.

*Confide* Circa supradicta primo notandum est, *ratio na* quod hæc questio, vtrum natura agat *tura a-* propter finem, utilis est. Primo ad per- *getis pro* scrutandam diuinam providentiam, quo- *pter finem* nam cum videamus naturalia in finem *est utilis* tendere, nocua fugere, & bona persequi, non cognoscendo finem, deducimus ea omnipotentis Dei providentia, ac motione, moveri, ac gubernari. Secundum est utilis ad sciendum, an omnia eueniant ex necessitate materię, Nam si quædam propter finem sunt, non omnia ex necessitate materię absoluta proueniunt. Tercio est utilis ad sciendum quomodo multa animalia operentur propter finem, & intellectu, ac iudicio sint orbata.

*Pluuia* Secundo propter exemplum alatum *quomo-* de pluuiæ, sciendum est quomodo gene- *do gene* retur. Considerandum ergo venit, tres *retur.* esse aeris regiones. Prima terræ proxima, & hæc calefcit, & frigescit secundum, quod sol directis, vel obliquis radijs eam illuminat, ac percutit. Secunda dicitur media, quæ eum radijs solis causantibus reuerbationem, & repercussionem non sit subiecta, frigida remanet. Tertia dicitur suprema, & spheræ ignis propinqua, & ideo extans est. In secunda aeris regione pluuiæ generantur ex vapore aquoso, & humido, a sole ibi attrito, & in nubem condensato. Nam cum in illo vapore quædam partes calidæ confluerent, dum ad mediam regionem aeris, quæ frigida est accedunt, ipsa

nubes comprimit, quia proprium est frigidi constipare, & congregare. Quare cum calor circumsians vergeat, nubes se comprimendo; pluuiam emittunt unde in ætate cum maiori impetu descendit, quia tunc calor circumsians, magis constipat, & inuehit in humorem humidum, & aquosum.

## D V B I A.

**Q**Uæ autem dicta sunt in superioribus, dubijs non carent, & primo dubitatur circa illud dictum, quod antiqui non posuerunt causam effectiuam, sed solum materiam. Nam per Aristot. antiqui posuerunt calidum, & frigidum, & quidam item, & amicitiam, causas rerum. Sed hæc spectant ad causam effectiuam. Ergo sibi contradicit, dum asserit ipsos non posuisse causam effectiuam.

Ad hoc respondetur, quod in calido, & frigido duo sunt. Primum est actio calidi, & frigidi, sunt enim qualitates actiue. Secundum est ratio agendi, id est finis actionis horum. Primum antiqui admittebant, cum sensu constet calidum, & frigidum agere. Secundum negabant, id est quod propter finem agerent, dicentes hoc contingere ex necessitate materię. Sed hæc responsio non placet Toletio, quia etiam actio est ad finem. Sed hoc frivolum est, quia non disputamus de veritate rei, secundum quam verum est actionem esse propter finem, sed disputamus hic de sensu antiquorum. Non tamen abhorremus eius responsionem, quod duplex est agens. Primum dicitur purum, quia non componit cum re acta, ut dum ignis, ignem facit. Secundum dicitur compositum, quia compositionem facit, ut patet de quattuor elementis in mixto. Secundum concedebant, & ad materiam reducebant. Primum vero negabant, nolendo admittere tale principium esse distinctum a re acta. Sed possumus etiam dicere, ipsos posuisse calidum, & frigidum, item, & amicitiam esse principia effectiua rerum, non secundum veritatem, & intellectum, sed solum secundum estimationem, & sensum, secundum quod etiam diximus in primo Physicorum.

Secun-

Secundum dubium accidit, circa aliud dictum, videlicet, quod quæ eueniunt, vt in pluribus, sunt propter finem. Nam corruptio, vt in pluribus euenit. Sed corruptio est contra finem, cum finis habeat rationem boni conseruatiui, & corruptio mali, & destructiui.

Ad hoc breuiter (omittendo quæ dicunt Commentitæ) dicitur quod corruptio non sit propter finem sicut dupliciter. Primo ex parte rei corruptæ, & hoc verum est, quia nulla res intendit sui ipsius corruptionem. Secundo ex parte agentis intendentes nouam formam introducere, ad corruptionem prioris in materia, & sic dicitur esse propter finem, quia corruptio vnius est generatio alterius.

Tertium dubium est circa hoc, quod animalia agant propter finem. Nam quæ propter finem agunt, saltem ab extimatiua mouentur. Sed araneæ, & formicæ videntur careere extimatiua, cum hæc habeant determinata organa in capite, quæ non videtur posse assignari formicis, & araneis. Confirmatur, quia sic sequeretur araneam non facere telam nisi prius muscas senserit. Sed hoc est falsum, vt patet in araneæ modo genita.

Pro solutione huius questionis. Primo notandum venit, quod quidam dixerunt animalibus esse insitam cognitionem finis. Sed hoc est falsum, quia nec in vniuersali, nec in particulari cognoscunt finem, vt infra ostendemus. Dicendum est igitur, quod mouentur extimatiua, & phantasia circa obiectum tamen semper præsens, quia de futuro non iudicant, sed obiecto præsentem illud, vel vt nocuum fugiunt, vel vt proficuum sequuntur.

Sciendum est tamē secundo, quod quædam animalia videntur futurum cognoscere, sicut formica quæ in æstate grana congregat, propter hyemem, & bruta, quæ dum in paluis morantur futuram pluuiam cognoscendo, voracius comedunt, & domum redire quam citius cōeundunt. Ideo sciendum, quod animalia sunt in duplici differentia. Quædam enim solum iudicant conuenientiam, & disconuenientiam præsentem, & nullo modo de futuro cogitant, vnde non sibi in futurum prouident, vt patet in muscis. Alia vero sibi in futuro prouident de cibo, non cognoscendo tamen futura, & hæc vocantur animalia

prudentia naturali quidem, & potius metaphorica prudentia non vero rationali, & propria.

Tertio sciendum est igitur, quod cognoscere futurum stat dupliciter. Primo sub ratione futuri, conferendo præteritum, cum præsentem, & hæc cum futuro, quod est scire futurum, vt futurum. Secundo sub ratione præsentis, & hoc modo animalia, & primo modo homines dicuntur cognoscere futurum, nam dum formica in æstate grana congregat, suam necessitatem præsentem existimat, non cogitando de hyeme, quauis Deus illam moueat ad congreganda grana, & ad iudicandum de necessitate præsentem, propter futurum.

Ad primum ergo respondetur, quod duplex est phantasia. Prima dicitur determinata, quia habet determinata organa, & est circa determinatum obiectum. Secunda dicitur indeterminata, quia non postulat determinata organa in capite, & hæc fertur circa obiectum præsens, & tantum exigit extimatiuam, & phantasiam. Ad confirmationem dicendum venit, quod apprehensio æstimatorie, & phantasiæ dupliciter pensari potest. Primo vt causatur à sensibili exteriori, ex frequentatis actibus, & sic causatur memoriam. Secundo, vt ab obiecto exteriori præcise causatur, cum inclinatione quadam naturali. Prima reperitur in animalibus habentibus auditum. Secunda vero etiam in alijs, vt in araneis, & muscis, vnde in ijs non est necessaria memoria præteritorum.

## Q V A E S T I O XXIII.

*Vtrum animalia bruta agant propter finem ab ipsis cognitum.*

Videtur quod sic. Nam hoc tenet Porphyrius lib. 3. de abstinentia, ubi docet omnibus animalibus, quibus natura dedit visum, & memoriam, dedisse etiā rationem, & locutionem, & interpretationem, quam habuerunt (ait) Appollonius Tianeus, & Tales Milesius. Idem de Anaxagora refert Plutarcus, immo ipse videtur deuenisse in hanc sententiam, in dialogo inscripto, quod brutis ratio insit.

Secundo. Virtutes sunt animæ intellectiue dotes. Sed multæ de ijs in brutis apparent, vt magnanimitas in leone, fidelitas

tas in cane, pietas in ciconijs, fides coniugij in turturibus, prudentia in Elephantibus. Ergo habent rationem.

Tertio. Ars est actus intellectus, sed multæ sunt artes in brutis, vt ars texendi telam in aranea, instruendi exercitum in græ, regendi nauem in miluo, eijciendi malum sanguinē in hippopotoma. Ergo.

Quarto. Annunciare futura est intelligentis ca. At multa bruta futura annunciant, vt tempestates, aeris mutationes, & certius quam Astrologi, per scientiam Astrologiæ pronunciant. Ergo.

Quinto. Addiscere est actus rationis. At multæ volucres, & bestię addiscunt voces proferre, ac plurimos actus fere humanos facere. Ergo.

Sexto. Syllogizare est intelligentis. Hoc facit canis (ait D. Basilus hom. nona Hexam) quia si leporem persequitur, & in persequendo ad triuium venerit, cum primum duplicem viam ostenderit, nec odorem leporis senserit, tertiam viam ingreditur, sic syllogizans, quod per eam necessaria oportet illam fugisse.

Sed in contrarium stat primo, omnium fere sapientum consensus, qui belluas ratione orbatas asserit.

Secundo stat diffinitio hominis, nam ipse diffinitur, vt animal rationale, alia vero animalia dicuntur irrationalia.

Tertio stat, quod sic agerent ex electio- ne, & ita in eorum actionibus esset laus, viuiperium, meritum, & demeritum, honor, & contumelia, quæ omnia sunt cogitatione sapientum aliena.

Quarto. Hoc probat S. D. secundo contra Gentes, cap. 82. quia omnes belluæ habent determinatum modum operandi, non sic homines, qui artibus allu- scunt, rationibus viuunt, ac in diuersas operationes distrahuntur.

Ad primum ergo dicitur, quod illi Phylosophi voluerunt intelligere, in brutis esse rationem non vere, & secundum rē, sed secundum imitationem, & quod habent suos cantus, & voces per quas congregantur, & fugiunt, motæ ab intelligentia non errante.

Ad secundum dicimus, quod bruta in enumeratis non mouentur intellectu, sed imperu naturæ, imitando virtutes propriæ intellectuales.

Ad tertium, idem dicitur, quod illæ

non sunt artes propriæ, sed imitationes artium.

Ad quartum dicitur, quod illæ annunciationes futurorum sunt motus facti in eis ab intelligentia non errante, vt docet S. D. p. p. q. 86. art. 4.

Ad quintum dicimus, quod probat maiorem, & minorem imitationē veræ prudentiæ plus esse in quibusdam animalibus, quam in alijs, non vero probat in eis esse veram prudentiam, cum cognitione vocum ad placitum, cum discursu, & collatione præteriti, cum futuro, nullo motu præsentis exiliente.

## CAPVT IX.

### LECTIO XVII.

*Peccatum autem fit, & in his, tex. 82.*

Postquam Phylōsophus quibusdā rationibus, ex principijs proprijs desumptis, opinionem antiquorum negantium naturam agere propter finem, euer- tit, modo ex principijs eorundem antiquorum idem probare contendit. In his ergo duabus sectionibus primo explicabimus tex. Aristot. à tex. 82. vsque ad 90. Secundo circa hos textus aliqua annotabimus. Tertio quædam dubia adiiciemus, & quarto videbimus an natura agat propter finem.

Quoad primum. Primo loco Phylōsophus refutat quoddam argumentum antiquorum quo ducebantur ad negandum naturam agere propter finem, quia scilicet in operibus naturæ peccata, id est monstra accidebant. Arguebatur ergo primo sic. Sicut se habet ars in artificialibus, ita se habet natura in naturalibus. Sed ars, verbi gratia scribendi, quamvis agat propter finem tamen in ea accidunt peccata, id est errores, sicut etiam contingit in arte medica medicum malam medicinā tali morbo aptare, ergo ex hoc quod peccata, & monstra in naturalibus accidunt, tollendum non est, quod propter finem non agant. Hinc conuincitur Empedocles naturam agere propter finem, dum dixit, in principio mundi quasdam substantias media parte fuisse boues, & media leones. Nam talia animalia fuisse, opus est fieri, quia cum natura agat propter finem, non potuit



potuit ea ad vnitatem specificam cum generante deducere. Secundo probat naturam agere propter finem sic. Vbi sunt determinata principia, & determinata media agendi, ibi est determinatus finis. Sed in generatione determinata sunt principia, & media, nam semen prius est molle, postea sic durum, & deinde incipit viuere vita animæ vegetatiuæ, antequam animal perfectum fiat. Ergo in omni generatione, finis quoque erit determinatus. Tercio hoc probat. Si propter peccata naturæ ab ea subtraheretur ratio agendi propter finem ita ut omnia à casu eueniant, sequeretur, quod in arboribus tolleretur ratio finis, quia in his minus apparet ratio finis. Sed hoc est falsum (experientia teste) cum in arboribus insertis videamus eas diuersos fructus producere, ergo &c. Quarto si omnia casu euenirent, ita ut quodlibet posset produci à quolibet, sequeretur, quod ex semine hominis, leo posset generari, & ex semine leonis, capra, &c.

Secundo soluit Philosophus motiū illorum qui tenuerunt omnia à casu, & ex necessitate materiæ, & non propter finem euenire, sic contra eos arguendo. Id quod, vel semper, vel vt in pluribus finē consequitur, nisi impediatur, propter finem esse, fatendum est, & non à casu, vel ex necessitate materiæ. Sed naturalia si non impediuntur semper suum finem determinatum, & certum cōsequuntur, &c. Ergo sunt propter finem.

Tercio soluit tertium motiū antiquorum, negantium naturam agere propter finem, quia scilicet non deliberat. Nam contra hos sic arguit. Ars certissima, verbi gratia scribēdi, vel citarizandi propter finem est, & tamen non deliberat, ergo neque est necessarium naturam deliberare, ad hoc quod agat propter finem.

Quo ad secundum primo notandū est, quod Phyl. vocat monstra peccata naturæ, ob duplicem causam. Prima est, quia peccatum nihil aliud est quam auersio à fine recto, dum enim per peccatum à Deo auertimur, finem nostrū derelinquimus. Secunda est, quia peccatum defectum significat, vnde Theol. dicunt peccatū esse priuationem boni. A simili ergo dicimus, monstra esse peccata nature, quia cum natura intēdat sibi simile periclitū producere,

re, pro quāto potest, dum impeditur, accidit monstrum, quod ideo dicitur defectus naturæ.

Secundo notandum venit circa illam propositionem, quod non quodlibet fit ex quodlibet, sed simile fit à simili, quod de fieri rei dupliciter loqui contingit. Primo in generatione, & sic verum est, quod simile sibi simile generat, & non quodlibet fit ex quolibet, quoniam semen generantis in vna specie, non est aptum ad aliam speciem. Secundo in quocūque alio fieri, etiam per alterationē, vt dum aqua fit aer, & aer ignis, & sic habet aliquam difficultatem in Metaphys. examinatam.

D V B I A .

*Videtur monstra suos intentā à natura .*

Videtur enim quod sic. Nam habens causam determinatam, per se fit, sed monstra habent causam determinatam id est defectum materiæ, vel agentis. Ergo sunt intentā à natura.

Secundum dubium est contra id, quod asserit Philosophus in arboribus non accidere monstra. Nam contra stat experientia, quia videmus arborem vnā insertam, producere fructus arborum diuersarum specierum, verbi gratia oliuas, poma, & pira &c. Hoc autem videtur monstruosum. Igitur etiā in arboribus reperiuntur monstra.

Tercio dubitatur cōtra alteram propositionem, scilicet Quod quæ sunt per se, non possunt produci, nisi ex determinatō semine. At contra stat, quod quis sic arguere poterit. Ergo quæ sunt a casu, ex quolibet semine fieri possunt. Sed hoc est falsum, quia monstrum in natura humana nō fit nisi ex semine hominis, & inuentio thesauri, sub terra reconditi, non est nisi a fodiente terram, cum tamen hic effectus sit casualis.

Pro resolutione horum dubiorum multa erunt fienda, in speciali autem pro resolutione primi. Primo videbimus quid sit monstrum. Secundo quot sint eius genera. Tercio quot, & quæ causæ, & Quarto an à casu vel per se sint.

Quo ad primum dicimus. Monstrum secundum rem esse naturalem effectum, degenerantem a solita, & ordinaria dispo-

*Nō quod  
libet fit  
ex quoli  
bet.*

*Monstrū  
quid sit*

*Monstra  
dicuntur  
peccata  
nature.*

sitione generandi in vna specie. Secundū ætymologiam vero nominis ( teste Cicerone secundo de natura deorum ) monstrum dicitur a mōstrando, quia futuram aliquam calamitatem superuenturam significat, quare monstra a quibusdam alijs dicta sunt internuntia ira deorum, quia propter Romani vbi aliqua monitruosa accidisse audiebant, in quolibet anno, in remedium multas expiationes, & supplicationes faciebant, ad placandam iram deorum.

Ad hoc autem vt aliquid dicatur monitruosum. Primo requiritur, quod sit naturalis effectus, quia in artificialibus monstra non reperiuntur proprie, sed tantum metaphorice.

Secundo requiritur, quod sit defectus naturalis; nam natura non vitiosa; neque aliquo impedimento detenta, rem perfectam producit, & non monitruosam. Tertio requiritur quod raro eueniat, quia est ænusu. Quarto requiritur, quod deficiat a similitudine saltem individuali generantis, ex quo dicuntur monstra. Quinto, quod sint insolita in suo proprio ordine individuali, quare pygmei, gigantes, & similes, qui eodem modo in suo ordine solent generari, non possunt vocari monstra absolute, & si aliquo modo, per comparationem ad ordinarios homines.

Genera  
monstro-  
rum.

Quo ad secundum dicimus, quod multa sunt genera monstrorum. Primum est in sexu, vt patet in Hermaphroditis, habentibus vtrumque sexum. Secundum est in quantitate, vt si nasceretur homo cum capite magno vt modius est, vel paruo, vt est granum tritici. Tertium est in quantitate, & qualitate, vt si produceretur homo cum magna crassitie, vel macie. Quartum est in situ, vt si nasceretur homo cum capite iuverso, vel cum pedibus supra spatulas. Quintum est in figura, vt si produceretur homo ambulus super terram cum manibus, more brutorum. Sextum est in victu vt dicitur de canibals, & antropophagis, qui dicuntur comedere carnes humanas. Septimum est in numero, vt si nasceretur animal cum duobus capitibus, vel homo cum tribus manibus &c.

Cause  
monstro-  
rum.

Quo ad tertium id est quo ad causas propter quas sunt monstra. Has enim dicimus quinque esse. Prima ergo attenditur penes diminutionem materię. Secunda pe-

nes superfluitatem eius. Tertia propter qualitatē agentis, materię improprio nati. Quarta propter malitiam continentis, intrinseci, vel extrinseci. Quinta propter constellationes, de quibus omnibus breuiter dicemus. Prima ergo causa ex qua monstra oriri dicuntur est diminutio seu defectibilitas materię, & hoc contingit tripliciter. Primo secundum magnitudinem, vt cum infans nascitur paruus, sicut ouum. Secundo secundum numerum, vt dum nascitur infans sine aliquo membro verbi gratia sine vna manu. Tertio secundum numerum, & quantitatem, vt dum infans nascitur paruus quantitate, & defectuosus in aliquo membro. Quare autem hæc monstra accidunt dicimus ex duplici causa procedere. Primo ex debilitate agentis, vel imaginatione, nam agens pauci seminis filios, nanos, & minimos producit. Et ad hoc multum facit imaginatio eiusdem agentis. Secundo ex debilitate materię, quia scilicet semen remanet tenue, & debile.

Secunda causa monstrorum, est superfluitas materię, quod tripliciter fieri potest. Primo secundum magnitudinem, vt si homo nascatur magnus, vel habens aliquod membrum verbi gratia caput cum alijs improporionatum. Secundo secundum numerum, & hoc dupliciter. Primo abundando in membro debito, vt habendo duo capita. Secundo abundando in membro non debito, vel debito, sed extra tempus, vt dum quis nascitur cum dentibus, vel barba, vel magnis mamillis, vt de quadam puella de nouo nata refert Albertus, a cuius matre accepit, ipsam mentrua pati, quod non solet accidere puellis ante quartum decimum annum vt plurimum. Ad superfluitatem materię, & fortitudinem agentis reducitur partus gemellorum, vno partu natorum.

Tertia causa est improporatio materię, vnde nimia caliditas seminis producit homines vltra modum pingues, & nimia frigidas multum extenuatos, & si in semine concurrant qualitates contrarię scilicet masculinitatis, & femineitatis, tunc fit androgynus id est vtriusque sexus.

Quarta causa est malitia continentis, vnde sciendum, quod foetus inuoluitur in ventre matris in quadam tunica, seu membrana, quæ si rumpitur, semen fluit, vnde

Defecti-  
bilis  
materія

Super-  
fluitas  
materię

In pro-  
porcio  
materię

de infans nascitur, vel claudus, vel cæcus, vel in aliqua parte defectuosus.

*Malitia continens.* Quinta causa est malitia continens ex-  
trinseci idest aeris, & cæli, unde Alber-  
tus vult, quod dum cæli influunt ad gene-  
rationem hominum, tunc, bruta quæ ge-  
nerant, in genitis possunt imprimere faci-  
em aliquo modo similem hominis. Sed  
hæc extra intentionem nostram sunt di-  
recta.

Quo ad quartum scilicet an monstra  
sint intenta a natura, vel non, modo dispu-  
tandum est.

## LECTIO XVIII.

## QVAESTIO XXVI.

*Verum monstra per se sint intenta a na-  
tura.*

**V**idetur quod sic. Primo. Nam pul-  
critudo vniuersi est per se intenta  
a natura, secundum D. Aug. 16. de ciuitate  
Dei cap. 8. Sed monstra pertinent ad  
pulchritudinem vniuersi, quia varietas  
pulchritudinem facit. Ergo &c.

Secundo. Habens causam determinatam,  
est per se intentum a natura. Sed  
monstra habent causas determinatas, su-  
pra explicatas. Ergo &c.

Tertio. Natura non intendit sui fru-  
strationem. Ergo intendit monstra per se,  
quia aliter sua actio frustratur, non produ-  
cendo per se intentum.

*Monstra non sunt per se in-  
tenta.* In contrarium est Arist. hic cum S. D.  
& fere communi, excepto Benedicto Pe-  
rerio lib. 9. cap. 10. suæ Philosoph. tenen-  
tis monstra per se esse intenta a natura.

Primo ergo notandum venit, quod mô-  
stra bifariam considerari possunt. Primo  
in ordine ad agentem singularem, & sic  
non dicuntur per se intēta, quoniam om-  
ne agens intendit sibi assimilare rem ge-  
nitam perfecte, quantum potest. Secundo  
in ordine ad agentem vniuersalem, idest  
Deum, & sic sunt per se intenta, quia ni-  
hil est quod possit subterfugere intentionem  
Dei.

Secundo notandum venit, quod triplex  
est intentio naturæ. Prima dicitur princi-  
palis, qua intentione agens intendit produ-  
cere sibi simile, secundum speciem, &  
secundum indiuiduum, vt homo mascu-

lus intendit producere hominem mascu-  
lum. Secūda dicitur propria, sed secunda-  
ria, & hac agens intendit producere sibi  
simile secundum speciem. Tertia dicitur  
impropria, & fere coacta, & hac natura,  
ne totaliter frustretur sua actio intendit  
producere sibi simile non perfectum, sed  
quantum potest, dato impedimento.

Tertio loco principali ponitur conclusio.  
Monstra non sunt per se intenta princi-  
palia intentione. Probatur primo. Omne  
agens perfectum, intendit producere sibi  
simile principalia intentione quantum po-  
test. Sed tale non potest esse monstrum,  
vt patet. Ergo monstra non sunt per se  
intenta.

Secundo. Malum, & defectus non pos-  
sunt per se intēdi, sed monstra, sunt de-  
fectus, & mala naturæ. Ergo.

Tertio probatur testimonio Arist. di-  
centis monstra esse peccata naturæ, &  
ideo non per se intēta. Nec valet respon-  
sio Pererij, quod talia dicuntur, quia raro  
accident, & præter intentionem particu-  
laris agentis eueniunt. Primo, quia casua-  
lia non sunt per se intēta a natura, vt  
patet ex supradictis, & secundo quia na-  
tura agit per immediatam causam ad mo-  
dum eius.

Ad primum ergo negatur minor, mon-  
stra enim ostendunt defectibilitatem natu-  
ræ. Vel secundo dicitur, quod aliud est  
importare pulchritudinem vniuersi, &  
aliud variabilitatem eius, Primum enim  
denotat perfectionem, secundum vero in-  
constitutam, & defectibilitatem, unde va-  
rietas specierum, generum, & indiuiduo-  
rum pulchritudinem naturæ dicit, non  
vero varietas defectuum, qualis est mon-  
strorum.

Ad secundum dicendum ad minorum,  
quod habere causam determinatam stat  
dupliciter. Primo vt per se intēta. Se-  
cundo vt secundario intēta ne frustretur  
actio naturæ, & hoc secundo modo mon-  
stra habent causam determinatam, nos  
autem loquimur de causa determinata  
primo modo.

Ad tertium patet responsio, hoc solum  
addito, quod agens particulare nullo mo-  
do intendit monstra, quia extra omnem  
eius intentionem est, quod actio impedia-  
tur, & imperficiatur, unde natura vni-  
uersalis est illa, quæ secundario monstra  
intendit

*Prima-  
ria intē-  
tions.*

*Conclu-  
sio proba-  
tur.*

intendit, quia esse melius est, quam non esse.

Ad secundum dubium principale dicitur, quod Aristot. negat monstra esse in arboribus a natura, non vero ab arte, ut patet in arboribus infertis.

Ad tertium dictum est, quod habent causam determinatam non absolute, sed ex suppositione impimenti.

## Q V A E S T I O XXV.

*Utrum natura agat propter finem.*

**V**idetur quod non. Primo. Nam agens propter finem, cognoscit finem. Sed natura non cognoscit finem, cum non deliberet, ut dicit Aristot. Ergo.

Secundo. Sic natura magis benefica fuisset circa bruta quam circa homines, quia certius mouet bruta ad fines suos.

Tertio. Sic natura moueretur fine. Sed hoc est falsum, quia finis est posteriori natura, & nullum posterius mouet suum prius. Ergo.

Quarto. Quae sunt propter finem, ordinate sunt. At in natura multa sunt inordinate, ut monstra, terremotus, tempestates, & similia. Ergo.

Quinto. Quae ordinatae sunt ad finem, ordinatae sunt ad utilitatem, & non in perniciem. At multa sunt inutilia in vniuerso, & multae sunt herbae, metalla, & animalia in perniciem hominum constituta. Ergo natura non agit propter finem.

Pro resolutione huius questionis. Primo notandum est, quod per naturam non intelligimus materiam, vel formam, quae sunt principia quod agendi, & mouendi, sed per naturam intelligimus agens habens naturam quod dicitur principium quod mouendi, & quiescendi. Ita dum affirmamus omnia agere propter finem, per ly omnia non intelligimus omnes res, quia sic etiam finis moueretur propter finem, & sic in infinitum, sed per omnia intelligimus omnes res, quae non sunt finis.

Secundo notandum venit, quod ea quae agunt propter finem sunt in duplici differentia. Quaedam enim solum mouentur ab extrinseco ad finem sicut sagitta, si mouetur a sagitante, & sic quod taliter mouetur ad finem non naturaliter mouetur, id est per principium intrinsecum,

sed per violentiam moueri dicitur. Secundo aliqua mouentur ad finem ab intrinseco, id est per aliquam formam, a natura eis inditam, quomodo leuia per leuitatem sursum mouentur, & grauius per grauitatem deorsum, & hic motus dicitur naturalis.

Tertio notandum venit, quod diuersimode mouentur ad finem insensibilia, animalia, & homines. Nam insensibilia solum mouentur ad finem per inclinationem naturalem, sed per carentiam cuiuscunque cognitionis propriae. Bruta vero naturaliter cognoscunt aliquo modo finem, non vero, ut homines, quia nec perfecte cognoscunt finem, nec cum eligunt, vel de eo deliberant, & de medijs, ut facit homines. Triplex autem est finis agentium. Primus dicitur particularis, scilicet se conseruare in specie. Secundus dicitur homo, quoniam propter eum facta sunt omnia. Tertius dicitur vniuersalis, & praecipuus, & hic est ordo vniuersi, ad quem omnia ordinatae sunt, ut per hunc ad Deum ascendamus, qui sicut omnia fecit, ita omnia ad se ordinauit.

Quarto notandum est esse differentiam inter praedita ratione, & ea orbat, quod rationalia mouentur ad finem ex se, irrationalia vero directa ab intelligentia non errante, id est mota a prima causa.

Sed haec doctrina non placet Pererio lib. 8. cap. 3. vnde arguit, quod carentia ratione non moueantur directa ab alio. Primo, quia intelligentia mortices, vel non cognoscunt species sublunarium, vel eminentes eas cognoscunt, ut testantur (iplomet & teste) plerique illustres Philosophi. Secundo. Quia dato quod mundus esset absque intelligentijs, adhuc grauius deorsum tenderent, & leuia sursum, & omnia mouerentur, ad proprias actiones, & ad finem per suas qualitates, & formas.

Nec valet inquit exemplum de sagitta, quae dirigitur ad finem a sagitante, nam ipsa non habet intrinsecam formam, sicut habent naturalia, per quam moueatur de se ad finem.

Sed miror virum istum se opposuisse communi doctrinae Philosophorum. Nunquid apud Aristot. verum est, opus naturae, esse opus intelligentiae non errantis? Nunquid inferiora per superiora mouentur.

*Termini  
quoniam  
monstra  
explicat  
tur.*

*Moueri  
ad finem  
sunt du-  
pliciter.*

cur. Et cur ratione priuata certius, & vni-  
formius mouetur ad suum finem, quam  
rationalia, nisi quia mouetur à certiori  
principio, scilicet ab intelligentia on-  
erante? Cur boues, & alia animalia dum  
pluuia imminet, citius comedunt, & for-  
micæ in aestate grana congregant, nisi  
quia ad hæc mouentur à generali prou-  
idore, circa futurum? Vnde sileat ne Dei  
prouidentiam negare videatur, quod mel-  
ius erit, quam dicere Sanctum Doctorem  
Philosophice non loqui.

Ad primum ergo eius rationē nil aliud  
dicendum est nisi quod est falsum, intelli-  
gentias, etiam motrices non cognoscere  
inferiora, nam cognoscere eminenter, &  
per speciem in adæquatam, non est co-  
gnoscere imperfecte, sed perfecte.

Ad secundam etiam patet, nos non ne-  
gare, quod moueantur à proprijs formis,  
vt quo, sed dicimus moueri etiam ab au-  
ctore naturæ vt quod. Exemplum vero  
de sagitta currit tantum de directione, &  
nō de modo directionis. Relinquitur igitur  
hæc opinio, vt contraria Simplicio hic  
tex. 78. Themistio tex. 81. Auerroï 12.  
Meth. tex. 18. D. Thom. 2. parte quæst. 103.  
art. 1. & Aristot. expresse 4. de genera-  
tione animalium, vbi scripsit naturam nō  
esse absque ratione, quia ab alia ratione  
dirigitur, & primo de celo tex. 32. ait,  
Deum, & naturam nil frustra facere, quia  
natura diuino nutu mouetur, quod repe-  
tit 12. Meth. tex. 52.

Ad primum dicimus ad maiorem, quod  
agens propter finem cognoscit finem si  
se mouet ad finem, non vero si ab alio mo-  
ueatur, vt irrationalia ad eum mouentur.

Ad secundum dicitur, quod de perfe-  
ctione hominis est esse liberum, & esse  
dominum suorum actuum, vnde habet se  
dirigere in finem, & non ab alio dirigi, &  
ideo libertas in hoc præuallet certitudini,  
quæ est intelligentiæ.

Ad tertium dicimus, quod quamuis fi-  
nis sit posterior in executione, est tamen  
prior in intentione, vt suo loco dictū est.

Ad quartum dicimus, quod inordina-  
tiones respectu inferiorum sunt ordina-  
tiones primæ causæ, quamuis nos sæpe la-  
teant, & ordinantur ad ordinem vniuer-  
si, secundum quod ipsa disposuit sciendū.

Ad quintum similiter dicimus, quod &  
si multa in vniuerso nocua, vel superflua

videantur, tamen in ordine ad totum vni-  
uersum, & Dei prouidentiam talia non  
sunt, quia omnia sunt Dei opera, & eius  
instrumenta ordinata, vel ad ostendendam  
eius bonitatem, vel ad exercendam eius iustitiam.

## LECTIO XIX.

**I**N hac vltima Lectione secundi Physi-  
corum tria agenda erunt. Primo qui-  
dem erit explicandus titulus. Secundo ap-  
ponendæ aliquæ annotationes, & tertio  
ponetur aliqua dubia.

Primo ergo querit Philosoph. an ne-  
cessitas rerum naturalium sit absoluta, vel  
ex suppositione. Ait ergo quosdam posuiss  
se omnia ex necessitate materię absoluta  
provenire, vnde dicebant, quod lapides,  
quia sunt graues ponuntur in fundamen-  
to, & terra, super eos, vt leuior poneba-  
tur, & sic discurrendo.

Secundo loco rejicit hanc opinionem,  
& in summa hoc asserit, necessitatem re-  
rum naturalium pendere quidem ex ma-  
teria, sed non tantum, verum etiam ex fi-  
ne, & magis à fine, propter quem mate-  
rialia dicuntur necessaria.

Circa supradicta autem primo notan-  
dum est, quod cum quatuor sint genera  
causarum, materia, forma, & efficiens im-  
portant necessitatem absolutam, sed cum  
hoc quod dicant ordinem ad finem, vnde  
secundum se habent necessitatem absolu-  
tam, sed vt ordinata ad finem, ex supposi-  
tione, idest ex suppositione finis.

Secundo notandum venit, quod finis  
dicitur causa causarum, nō secundum esse  
reale consecutum, sed secundum esse in-  
tentionale motuum, quia mouet omnes  
causas, eas ad se ordinando.

Tertio notandum est duplicem esse dis-  
tinctionem. Prima dicitur partialis, & hæc  
datur tantum per vnā causam, vt si di-  
stinamus tonitruum per causam materia-  
lem tantum, dicimus. Tonitruum est con-  
tinuus sonus factus in nubibus. Secunda  
dicitur totalis, & datur per causam mate-  
rialem, & finalem cum inclusione aliarū,  
quare sic distingiendo tonitruum dicimus.  
Tonitruum est continuus sonus, factus in  
nubibus ob extinctionem ignis, & hæc  
etiam vocatur demonstratio sola positio-  
ne, idest ordine differens, & ex hoc dedu-  
cit Phil. materiam ordinari ad finem.

D V.

Finis est  
prima  
causarūNecessi-  
tas cau-  
sarum.



**S**ed aliqua occurrunt dubia circa supradicta. Primum ergo dubium accedit circa quendam dicta S.D. Nam in quinto Metaph. distinguit causas in intrinsecas, & extrinsecas, & ait, quod extrinsecæ sunt efficiens, & finis, & intrinsecæ sunt materia, & forma, tunc subdit, quod causa extrinsecæ dicuntur necessariæ ex suppositione, intrinsecæ vero absolute, hic autem asserit, quod efficiens vocatur causa necessaria absolute. Hæc autem sibi contradicere, patet.

Pro resolutione huius dubij. Primo sciendum est, quod necessarium dupliciter dicitur, primo absolute, secundo ex suppositione. Necessarium absolute illud est, quod omni alio circumscripto necessariam habitudinem causalitatis, & effectus importat. Necessarium vero ex suppositione illud est, quod ex alio necessitatem acquirit, & tale necessarium est illud, quod respicit finem. Necessitas autem absoluta quandoque à materia pendet, vt quod omne compositum ex contrarijs sit corruptibile, quandoque vero formam sequitur, vt quod homo sit rationalis. Necessitas autem finis duplex est. Prima dicitur simpliciter, quia importat aliquid sine quo finis non potest assequi, vt sine cibo quis non viuet. Secunda dicitur ad bene esse, quia solum facit ad commoditatem, vt equus dicitur necessarius volenti iter commode peragere.

Secundo notandum venit, quod duplex est necessitas absoluta. Prima dicitur consequentia, quia aliquo dato, ex eo aliud necessario sequitur, vt dato, quod ego sedeam, necesse est me sedere, & dato quod sol moueatur super hemispherium nostrum, & subtus, necessario sequitur alter natio diei, & noctis, nam dum super terram lucet, diem facit, & dum subtus, noctem constituit. Sed sciendum, quod duplex est necessitas consequentia. Prima dicitur conditionata, & in hac ex alio supposito aliud non necessario sequitur semper nam, verbi gratia, domus facta est ad habitandum, & tamen potest contingere ex multis impediementis, belli, exulij, quod non habitetur.

Secunda dicitur absoluta, & in hac ex alio dato, aliud necessario sequitur, vt

quod lucente Sole super terram, dies sit. Secunda necessitas absoluta, dicitur consequentis, & hæc pendet ex necessaria habitudine terminorum, vt quando prædicatum est de diffinitione subiecti, vt est rationale de diffinitione hominis, in primo modo dicendi per se.

Ad argumentum ergo respondetur, quod efficiens dicit necessitatem absolutam consequentia, sed non consequentis, vt dicunt materia, & forma. Vel dicendum, quod duplex est necessitas absoluta. Prima dicitur simpliciter, & hæc pellantur ex intrinseci. Secunda dicitur secundum quid & hæc etiam pensatur ex fine.

Secundo dubitatur. Vtrum necessitas rerum naturalium præcise sumatur à materia, vel præcise à fine. Nam proba, quod præcise sumatur à materia. Omne compositum ex contrarijs corruptibile est necessitate materia, & non finis, cum corruptio non possit habere rationem finis, qui bonus est. Ergo necessitas rerum naturalium non pendet à fine.

Sed contra probatur quod præcise pendet à fine. Omnis denominatio contingentis, & fortuiti à fine solum est. Sed omnes res naturales sub contingentia, & fortuna sunt positæ cum sint defectibiles. Ergo necessitas rerum naturalium solum pendet à fine. Respondeo necessitatem rerum naturalium præcise non pendere à fine, cum multæ ab eo consequendo impediuntur. Nec præcise pendat à materia, cum omnia propter aliquem finem sine creata. Ideo.

Secundo notandum est, quod omnia dicuntur necessaria necessitate finis. Sed duplex finis est. Primus dicitur distinctus à rebus ipsis, ad eum ordinatis aperte, & manifeste. Alius vero dicitur finis obcurus, & immanifestus, qualis est finis generationis, generatio, & corruptionis, corruptio, & diuisibilitatis, diuissio, & hic finis potius pensatur ex intrinseca natura, & conditione rei, quam ab extrinseco.

Ad argumentum ergo pro materia patet, quod corruptio est finis intrinsecus compositi ex contrarijs, finis vero extrinsecus erit ordo vniuersi, prout positus est in vicitudine generationis, & corruptionis.

Ad secundum similiter patet, quod res naturales denominantur tales etiam à materia, ex qua dicuntur materiales.



# INCIPIT LIBER TERTIVS.

## CAPVT I.

### LECTIO I.

*Quoniam autem natura est principium mo-  
tus. text. 1.*



Abitis his, quæ ad prin-  
cipia entis mobilis, &  
scientiæ naturalis fa-  
ciebant, hic incipien-  
dum est tractare de  
subiecto eiusdē scien-  
tiæ naturalis, idest de  
ente mobili. In præ-

senti autem lectione tria faciam, primo  
explicabo textus primi capitis huius ter-  
tij. Physicorum, secundo circa eos aliqua  
annotabo, & tertio dubitabo.

Quatuor igitur ex hoc primo cap. tex-  
tualiter habemus. Primum est, quod ad  
naturalem spectat agere de motu. Proba-  
tur. Ad Physicum spectat agere de natu-  
ra. Sed natura non potest cognosci sine  
motu, quia est principium motus, ergo  
ad Physicum spectabit tractare de motu.

Secundum est, quod similiter ad Phy-  
sicum spectat tractare de infinito, de lo-  
co, de vacuo, & de tempore, quod de in-  
finito probat. Determinans de aliquo sub-  
iecto, debet etiam determinare de con-  
sequentibus subiectum. Sed infinitum vt  
passio consequitur motum, vt subiectum.  
Ergo ad Physicum pertinet determinare  
de infinito. Maior supponitur vt nota. Mi-  
norem probat, quia motus est de numero  
continuatorum, continuus autem est diui-  
sibile in infinitum. Idem probat de loco,  
tempore, & vacuo sic. Motus non fit nisi  
in loco non vacuo, & fit in tempore. Ergo  
ad naturalem attinet de supradictis tra-  
ctare, ad hoc vt perfectam notitiam mo-  
tus consequatur. A communioribus au-  
tem incipendum erit, & deinde descen-  
dendum ad propria.

Tertio loco tradit quasdam diuisiones,  
ex quibus elicit definitionem motus. Pri-

ma ergo diuisio est, quod quædam res di-  
cuntur esse in potetia, vt materia, & que-  
dam in actu, vt forma. Secunda diuisio  
est, quod quæ sunt in actu, in decem præ-  
dicamenta secantur, quia quædam est sub-  
stantia, quædam quantitas, quædam qua-  
litas, ad aliquid, &c. Tertia est, quod ad  
aliquid quandoque fundatur super quan-  
titate, quandoque supra actione, & pas-  
sione, quia mobile dicitur à motu mobi-  
le, & motuum dicitur mobilis motuum.  
Habeas autem circa primam diuisionem,  
quod Doctores digladiantur, nam PSELLUS  
ALEXANDER, THEMISTIUS, SIMPLICIUS, & PHI-  
LOPONTUS distinguunt ens, in ens actu tan-  
tum, & in ens actu, & potentia simul, &  
dicunt ens actu tantum esse substantias  
separatas a materia, ens vero actu, & po-  
tentia esse decem predicamenta, quæ di-  
uiduntur per actum, & potentiam, iuxta  
ea quæ tradit Arist. quinto Methaph. cap. 7.  
Alij addunt tertium membrum, scilicet  
entis in potentia tantum, & dicunt, quod  
quæ tantum sunt actu, sunt omnes forme  
substantiales, & accidentales, quæ poten-  
tia tantum, materia. Et quæ actu, & po-  
tentia, composita ex materia, & forma.  
Sed communior expositio est, quod non  
de rebus hic fit sermo vt entia sunt, sed  
vt stant sub actu, & potentia. Ita vt sit  
sensu. Quædam res sunt tantum in po-  
tentia ad moueri, verbi gratia aqua ad ca-  
lesfactionem. Quædam tantum in actu,  
vt summe calida, & quædam in actu per-  
mixto cum potentia, vt est aqua tepida  
mobilis ad vltiorem gradum calidita-  
tis. Sic bene verificamus motum esse actum  
mobilis, existentem in actu, sed in poten-  
tia ad terminum motus.

Quarto loco tradit Arist. tria de mo-  
tu. Primum est, quod motus non est præ-  
ter res ad quas est motus, quia omnis mo-  
tus, aut est secundum substantiam, aut se-  
cundum quantitatem, aut secundum qua-  
litatem, aut ad vbi, vnde videtur deduci  
dum, quod motus, & terminus motus sint  
eiusdem predicamenti.

Secundum est, quod nihil est accipitur tam commune ad supradicta prædicamenta, in quibus est motus, quare non datur quoddam commune reale vniuersi Physice, vel ana- lagum Logice ad dicta prædicamenta, per vnam rationem præcisam motus. Tertium est, quod in quolibet prædicamento sunt multæ contrarietates, vt quæ attenditur inter perfectum, & imperfectum, & inter habuatum, & priuationem.

*Ratio or-  
dinis.*

Quo ad secundum autem principale, primo notandum est, quod recte Aristot. postquam de natura egi- t in secundo, hic incipit tractare de motu. Primo. Quia post cognitionem principij, & causæ agen- dum est de eo quod est a principio, & cau- sa. Modo natura est principium, & cau- sa motus, & ideo post tractatum de natu- ra, sequitur tractatus de motu. Secundo. Quia Phil. in primo lib. inuestigauit prin- cipia sui subiecti, in secundo vero inue- stigauit principia scientiæ naturalis scilicet naturam, & causas, ergo tandem erat agendum de subiecto mobili naturali, id est de motu rei naturalis. Tertio quia per- fecta cognitio naturæ, & vitæ præcipue penderet a motu, vt testatur Plato de legib. 10. nam per motum cognoscimus quæ entia viuunt, & quæ non, & ex eodem su- periorum, & inferiorum conditionem deprehendimus.

Secundo notandum venit circa ratio- nem adductam ab Aristot. quod Physicus agat de motu, quia scilicet agit de infiniti, quod est continuum. Considerandum enim est, quod conueniunt bisariam con- siderari potest. Primo quoad partes ex quibus componitur. Secundo quoad ea, in quibus resoluitur. Primo modo fuit definitum in prædicamentis, quod est id ad quod copulantur partes, vt ad terminum commune. Secundo vero modo definitum est hic, & quinto Methaphis. quod est quoddam diuisibile in infinitum. Ideo Philosophus dixit multoties defini- tum continuum per infinitum, non vero dixit semper, propter duplicem eius di- uisionem.

*Conti-  
nuum du-  
pliciter  
sumitur.*

*Motum  
multa  
modo sequi-  
tur.*

Tertio notandum venit, quod omnia ista dicuntur in textu cõsequi mutuum, scilicet infinitum, locus, tempus, & va- cuum, sed non eodem modo. Nam infi- nitum consequitur motum intrinsece,

quia motus intrinsece est continuus, & continuum intrinsece est diuisibile in in- finitum. Locus vero, tempus, & vacuum consequuntur motum extrinsece. Locus vt in quo est motus. Tempus vt est mensura motus. Vacuum autem non secun- dum veritatem, sed secundum exaltima- tionem plurimum, nam ad perfectum arti- ficem non solum spectat docere veritatem, sed etiam euertere omnem falsam opi- nionem.

Quarto notandum circa tertiam diui- sionem, quod cum relatio habeat debi- lissimū esse, ideo fundatur supra duo præcipua prædicamenta accidentium, scilicet supra quantitatem, & supra actionem, vel passionem. Nec obstat Aristot. in prædicamentis dixisse, quantitatem non dici ad aliud, quia hoc verum est de quanti- tate secundum se, & absolute considerata, non vero vt est ei proprium dici se- cundum æqualitatem, & inæqualitatem.

*Relatio  
fundatur  
in quan-  
titate.*

D. V. B. I. A.

Tertio loco se offerunt quædam dubia ventilanda. Primum autem est in quo genere reperitur motus, nam Philo- sophus in textu dixit non esse præter res ad quas est motus. Hec autem plures sunt, vt diximus.

Ad hoc dubium respondet Euerius libi. 13. cap. 2. suæ Philosophiæ, quod mo- tus per se in nullo est prædicamento, sed reductiue in illo est in quo est termi- nus motus. Hoc probat primo. Nam mo- tus per Aristot. hic, non est aliquid com- mune, præter illa prædicamenta ad quæ est motus. Ergo per se non erit aliquid distinctum a prædicamentis, in quibus re- peritur. Secundo, quia via ad terminum est eiudem prædicamenti cum termino. Motus est via, & prædicamentum terminus. Ergo reductiue erit in eodem prædicamento.

In contrarium multi tenent, motum non solum reductiue, sed per se esse in prædicamento.

Primo ergo notandū venit, quod aliud est dicere motum esse quoddam extraneū a prædicamentis, in quibus reperitur, & aliud, quod non sit in vno tantum prædicamento. Primum quidem falsum est, cum motus non sit præter res ad quas est motus.

motus, vt hic affert Aristot. Secundo vero falsum est in hoc sensu, quod motus in communi consideratus, non sit per se in prædicamento.

Secundo ergo cōsiderandum est, quod motus dupliciter considerari potest. Primo vt est talis motus, verbi gratia ad substantiam, vel ad quantitatem, &c. Secundo secundum hanc suam rationem absolutam, scilicet vt dicit fluxum, & tendentiam ad terminum motus, vt sic. Primo modo non est nisi in prædicamento in quo est talis res, quæ mouetur, quod probant rationes Perreij, vnde difficultas stat in secundo.

Ideo tertio dicendum, venit, quod motus absolute consideratus nō est quid reale distinctum realiter a prædicamento in quibus reperitur, secundum rationem tamen maiorem conuenientiam habet cum actione, & passione, quam cum alijs prædicamentis, quia motus est inter duos terminos, scilicet a quo, & ad quem, quorum vnus habet rationem actus, & alius passus. & ideo per se primo hanc rationem dicit, quia propter Arist. ipsum definiens dicit ipsum esse actum mobilis.

Secundo dubium occurrit circa primum textum; in quo Philosophus dixit, quod ad cognoscendum naturam oportet cognoscere motum, quia natura est principium, & causa motus. Sed hoc idem affirmare debebat de quiete, quoniam natura eius est causa, sicut, & motus. Ad hoc dicendum, quod motus habet rationem positivi, & quietes privatiui, modo per positium cognoscitur priuatiuum, & sic tradendo cognitionem motus, subintelligitur quoque explicata natura quietis. Non immoratur autem Philosoph. circa naturam quietis, sicut facit circa naturam motus: Primo, quia hæc scientia cum sit realis, & positia, debet agere de rebus, & positiuis, vt est motus, & non quies. Secundo, quia tractando de motu agitur de quiete, cum sit eius terminus. Tertio, quia res naturales per se ordinantur ad motum, cum sint in continuo fluxu, ad quietem vero ordinantur consequentur. Quarto, quia quies, vt dicit perfectionem, & statum rei præferret terminum motus, quare agendo de terminis motus, intelligitur etiam de eā habitus sermo.

Tertio dubitatur circa textum tertium, dum Philosoph. dicit, quod id quod est, quoddam est in potentia, & quoddam in actu. Nam contra stat, quod illud quod est in potentia, non vere est, sicut esse dicitur in potentia, non est vere esse dicitur.

Ad hoc respondetur, quod ens in potentia suo modo vere est ens, id est in potentia. Sed hic duo nota. Primum est, quod multum interest, inter esse actum, & esse in actu, & inter esse potentiam, & esse in potentia. Nam esse actum, est esse formam dantem esse subiecto, & esse in actu conuenit etiam subiecto materiali, quod dicitur esse in actu, per actum, id est per formam. Ita esse potentiam significat quid actui contradistinctum, sed esse in potentia significat subiectum sub vna forma existens esse in potentia ad aliam. Secundo ergo elige scilicet quod Arist. diuisit ens in id quod est in actu, & in potentia, & nō ipsum diuisit in actum, & potentiam, & per hæc duplex patet responsio ad argumentum.

Quarto dubitatur circa textum quintum, in quo dictum est, quod motus est perfectio rerum, & quomodo, non explicatur.

Respondetur, quod cum motus sit actus mobilis, ideo dicitur eius perfectio, quia facit, quod id quod in potentia erat mobile, actu moueatur.

## QVÆSTIO I.

*Vtrum ad sciendam naturam, sit necessaria cognitio motus.*

**V**idetur quod non. Nam sic sequeretur, quod motus nos duceret in cognitionem naturæ (vt dicitur in textu). Sed hoc est falsum, quia posterius non dicitur in cognitionem prioris, motus autem est quid posterius natura, cum natura sit eius principium.

Secundo, Effectu ignorato non est necesse ignorare causam, quia possum cognoscere causam absque aliquo effectuum eius. Sed motus est effectus naturæ, vt patet ex definitione eiusdem naturæ. Ergo ignorato motu, non ignoratur natura.

Tertio. Naturam esse est per se notum, & velle eam probare esse, est ridiculum,

vt dicitur secundo Physicorum cap. 1. ergo absque cognitione motus natura potest cognosci.

Quoniam hæc difficultas non est magna, ideo breuiter dico diuersas esse expositiones circa hoc, quod ex motu deueniamus in cognitionem naturæ. Nam Albertus per naturam hic interpretatur formam, & primum motorem, quem non percipimus nisi per motum, vt videndum erit 8. Physicorum. Sed hæc expositio non est sufficiens, quia non solum primum motorem, verum etiam alias naturas cognoscimus per motum. Alij igitur dicunt, quod natura potest bifariam considerari. Primo quoad an est, id est quoad existentiam, & sic possumus cognoscere naturam sine motu. Secundo quo ad quid est, & sic natura non potest quidditative cognosci, motu ignorato, quia per motum diffinitur. Sed melius dicendum est, quod natura bifariam sumi potest. Primo materialiter, vt est hæc, vel illa res materialis. Secundo formaliter, vt est principium motus, & quietis. Primo modo potest cognosci sine motu, sed hæc cognitio erit imperfecta, secundo autem modo per motum cognoscitur perfecte, & per eam quidditative definitur.

Ad primum ergo dicitur ad probationem minoris, quod & si posterius non ducit nos in cognitionem prioris à priori, nos tamen ad eam conducit à posteriori, & sic motus notificat naturam, sicut facit effectus causam.

Ad secundum dicendum, quod causa bifariam considerari potest. Primo materialiter, vt res est, & sic potest cognosci sine alio. Secundo formaliter, vt causa est, & sic calum non cognoscitur esse causa inferiorum, nisi vt inferiora cognoscuntur tanquam eius effectus, & ita motus esse effectus naturæ.

Ad tertium quidam dicunt argumentum currere de an est naturæ, & nos loqui de quid est, vt supra. Sed hæc responsio non subsistit, quia vt dicitur in textu per motum cognoscimus naturam esse. Ideo melius dicitur, naturam esse manifestum esse vt includit motum, sensu deprehensum, & non vt ipsum excludit.

## CAPVT II.

## LECTIO II. &amp; III.

*Disiunctio autem secundum vnumquodque genus. sex. 6.*

**P**ostquam Philosophus omnia ea præmisit, quæ ad diffinitionem motus dandam necessaria existimauit, hic accedit ad diffiniendum motum, & ad probandas singulas eius particulas. Ait ergo, quod sicut dictum est, ens quoddam est actus, & quoddam in potentia, ita deducendum venit, quod motus est endelechia, id est actus existentis, in potentia, in quantum eiusmodi. Probat autem hoc in omnibus speciebus motus, quia alteratio est actus alterabilis, in quantum alterabile est, & augmentum est actus rei augmentabilis, in quantum augmentabilis est, & decrementum est actus rei diminubilis, vt talis est, & generatio est actus rei generabilis, & corruptio rei, corruptibilis, in quantum eiusmodi, & loci mutatio est eorum, quæ locum mutant in quantum sunt potentia ad hoc, vt locum permutare possint. Transit deinde ad probandas singulas particulas positas in diffinitione. Et primo probat quod sit actus sic. Illud quo a liquid de potentia ad actum reducitur, illud tale actus est. Sed motus est, quod reducit mobile de potentia ad actum, ergo erit actus. Probat minorem quibusdam exemplis. Nam edificabile dum edificatur, reducitur de potentia ad actum, & sic dicendum est de medicatione, doctrinatione, voluatione, saltatione, iuuentute, id est augmento, & senectute, id est decremento. Secundo probat, quod sit actus existentis in potentia sic. Motus est actus illius rei in qua semper inuenitur. Sed motus semper inuenitur in existente in potentia, nam verbi gratia facit de potentia calidum, actu calidum. Ergo motus erit actus materię, vel existentis in potentia. Tertio probat illam particulam in quantum huiusmodi. Primo exemplariter, nam aes quod est in potentia ad formam statum, non acquirit formam statum, vt est aes, quia sic habet formam aris, sed in quantum est in potentia ad formam statum. Secundo hoc idem probat ratione sic. Subiectum, & potentia ad formam

per motum acquisibilem differunt, quia subiectum, ut subiectum non est simul susceptivum contrariorum, quod tantum habet ut est in potentia ad formas contrarias, successive acquirendas. Ergo motus erit actus entis existentis in potentia, in quantum est in potentia.

Circa supradicta autem primo notandum est, quod solus Zeno motum negavit, & debili ratione ductus, quod motus fieri debet per spatium continuum. Ergo infinitum, infinitum autem non est pertransibile. Nam responderetur, quod in continuo sunt partes infinite in potentia, sed finite in actu, & ideo non pertransitur in potentia, sed bene in actu.

*Motus mala diffinitio.* Secundo notandum venit cum Sancto Doctore, quod quidam definierunt motum dicentes, quod motus est exitus de potentia ad actum, non subito. At hæc diffinitio rejicitur dupliciter. Primo, quia nihil diffinitur per suum posterius. At ly exitus, cum dicat unam speciem motus, oportet eum esse posteriorem motu. Ita etiam ly subito, cum significet tempus, & tempus causetur à motu, erit quid motu posterius. Secundo rejicitur, quia diffinitio perfecta non est rejicienda propter imperfectam, sed diffinitio data ab Arist. de motu cum sit per actum, & potentiam, erit per priora, & consequenter per perfectiora, quam per exitum, quod est quid posterius. Ergo merito rejicitur.

*Motus sumitur hic cōiter.* Tertio notandum venit, quod motus dupliciter sumitur. Primo pro omni mutatione, sit substantialis, vel accidentalis. Secundo proprie, pro ut significat rem mobilem, non ex pura potentia ad actum transeuntem, ut sit in generatione, sed de esse imperfecto ad esse perfectum procedentem, prout contingit in motu augmenti, alterationis, & locali. Primo modo hic consideratur motus, ut exēpla in textum adducta à Philos. clare indicant.

## QVÆSTIO II.

*Utrum motus sit recte sic diffinitus. Motus est actus, entis, existentis in potentia, in quantum huiusmodi.*

**V**idetur quod motus non sit recte diffinitus, & primo arguitur quod non sit actus. Actus significat aliquid per se

flans, ut patet in intelligentijs, & Deo. Sed motus non significat rem per se flantem, sed fluentem, ergo non erit actus.

Secundo. Unus actus non potest esse diversorum. Sed motus est actus entis existentis, & in potentia, quæ sunt diversæ, ergo non erit actus.

Tertio. Actus facit subiectum existere in actu, sicut albedo facit parietem actum album. Sed motus non facit subiectum existere in actu, cum sit eius actus, ut existit in potentia, ut dicitur in diffinitione. Ergo &c.

Quarto. Non minus motus includit potentiam ad terminum, quam sit actus entis existentis. Ergo non minus debet dici potentia, quam actus.

Quinto. Actus per Arist. secundo de anima duplex est, primus, & secundus, idest esse, & operatio. Sed motus non est actus primus, quia non est esse rei, nec est actus secundus cum non sit operatio proveniens à forma, sed tendens ad formam. Ergo nullo modo est actus.

Sexto. Motus per Arist. quintus huius denominatur à termino ad quem, sed terminus motus non est actus, sed potentia, ad quam est, Ergo &c.

Septimo. Si motus est actus existentis in potentia, erit actus omnis existentis in potentia, & consequenter etiam materiz. Sed materia est pura potentia, & non actus permixtus potentiz. Ergo &c.

Octavo. Illa non est bona diffinitio, que convenit alteri à diffinito. Sed diffinitio motus convenit omni formæ, quoniam omnis forma est actus, non iam existentis in actu, sed in potetia. Ergo non est bona.

Nono. Hæc diffinitio convenit motui communiter sumpto, & consequenter etiam generationi. Sed generatio non est actus entis existentis, sed in potentia, neque successive fit, sed in instanti, ergo non est bona, quia non convenit omni contento sub diffinito.

Decimo. Aut motus definitur ut est actio, aut ut est passio. Si primum non est actus existentis in potentia, cum actio sit actus perfectus agentis. Si secundum, primum non est explicatum, idest, quomodo sit actus agentis, & sic definitio est mæca.

Vndecimo. Bona diffinitio debet explicare naturam definiti, sed hæc non explicat hoc, quia non explicat terminum à quo,



quo, & ad quem, inter quos est motus. Ergo &c.

Duodecimo. Actus, & forma idem significant. At forma, sit substantialis, vel accidentalis rem constituit in determinata specie sui prædicamenti. Sed motus non est in determinata specie prædicamenti, ut dictum est supra. Ergo &c.

Decimotertio. Intelligere, & velle per Arist. 9. Meth. sunt actiones, & motus. Sed hi actus non sunt existentes in potentia, cum sint actus intellectus, informati specie, & voluntatis properantis ad bonum. Ergo &c.

Decimoquarto. Dum aqua ex calida fit frigida mouetur, & tamen tunc non acquirit formam, sed eam deperdit. Ergo motus non est actus entis in potentia, inquam tum huiusmodi.

In contrarium est Arist. hic.

*Motus est res realis.* Pro explicatione huius questionis. Primo ponemus aliqua fundamenta. Secundo loco probabimus conclusionem, & Tertio soluemus argumenta. Primo ergo notandum venit, quod quædam res totaliter sunt ad extra, nec ab intellectu dependet, ut sunt Angeli, animalia, & similia. Quædam vero solum intellectu existunt, nec aliquod fundamentum habent in re, ut fictitia, & chimerica. Quædam vero fundamentaliter sunt in re, & formaliter in intellectu, & talis est motus, qui fundamentaliter est forma, sub fluxu constituta, sed formaliter importat relationem existentem, inter terminum à quo, & ad quem sub motu.

*Tria sunt in motu.* Secundo igitur considerandum venit, quod tria sunt in motu. Primum forma existens sub actu imperfecto, & progrediens ad perfectum, ut caliditas in duobus gradibus, quæ mouetur ad quintum gradum. Secundum est fluxus, seu tendentia, ad ulteriorem gradum deducens formam, de esse imperfecto ad esse perfectum. Tertium est ordo, seu relatio reperta inter actum perfectum, & imperfectum sub motu. Duo priora habet motus sine intellectu. Tertium vero ab intellectu est.

*Quæ sunt quædam motus.* Tertio notandum venit, quod quædam res sunt in actu perfecto, ut perfecte calidum, vel perfecte album, & hæc non mouentur, quia non possunt procedere de potentia ad actum. Quædam vero sunt in plurā potentia ad actum talem, verbi gr a-

tia lignum ad formam terræ, & etiam hæc non mouentur, quia carent forma mouente de esse imperfecto ad esse perfectum. Quædam vero sunt sub actu imperfecto, non cum potentiā tantum tendentia ad actum perfectum, sed cum actuali fluxu ad terminum, & hæc sunt illa, quæ dicuntur moveri.

Quarto notandum est circa (ly motus est actus) quod actus dupliciter considerari potest. Primo generaliter, ut distinguitur contra potentiam, quia actus dicit actualitatem, & potentia potentialitatem, & sic pertinet ad considerationem Methaph. & diuidit omnia prædicamenta. Secundo modo potest considerari pro actu imperfecto naturalis mutationis, & ita potentia pro potentia ad terminum, & sic hic ponuntur in distinctione motus, actus, & potentia. Hinc eliciuntur falsum dixisse Pererium, dum asserit, hanc distinctionem potius esse Methaph. quam Phys. quia consideratio actus, & potentia Methaph. est. Nam hoc verum est de actu, & potentia, ut sunt entia, & non ut talia entia, id est transmutationi naturali subiecta, prout dixit Arist. in 6. Meth. quod Meth. considerat ens, ut ens, & Phys. ut ens est mobile.

Quinto notandum est circa hunc terminum (motus est actus) quod dissidium est inter Doctores circa interpretationem ly actus, qui Græce dicitur endelechia. Nam Cicero in questionibus Tusculanarum solutione quarta per endelechiam intelligit continuatam motionem. Sed hæc interpretatio displicet quibusdam Græcis, cum apud eos non habeat tale significatū. At Porphyrius, Alexander, & Themistius per endelechiam intelligunt actum. Sed Simplicius censet subrahendum esse nomen endelechiz, cum significet actum perfectum, qualis non est motus, unde legendum venit secundum ipsum motus est energia, quod significat actum imperfectum. Sed textus communiter legit, motus est endelechia, sumendo endelechiam communiter, prout se extendit ad actum perfectum, & imperfectum, & non proprie, prout denotat tantum actum perfectum.

Sexto, notandum est circa alterum terminum, scilicet (ly entis) quod Pererius dicit hic non sumi eis, ut est de numero transcendentium, sed ut est participium verbi substantiui sumi, es, est, & idem significat

*Motus est actus.*

*Endelechia.*

*Entis.*



fiat quod existens. Sed dicendum venit, quod ly entis non significat existentiam entis, sed mobilitatem entis, unde motus dicitur actus entis, prout sub motu est in potentia ad terminum, & consequenter stabit pro ente mobili quod est subiectum naturalis Philosophus, sic enim dicitur propria passio per proprium subiectum, & eas sic considerationis Philof. naturalis, nam existentia est vniuersalis considerationis.

**Ratio motus.** Septimo notandum venit, quod motus (vt diximus) duo dicitur scilicet forma tendentem de esse imperfecto ad perfectum, & fluxum eiusdem forme tendentis de esse imperfecto ad perfectum. Ratio autem formalis motus precise non consistit in forma fluxu, vt dicitur Albertus, Simplicius, & Auerroes, quia forma non est mutatio, nec motus. Nec precise stat in fluxu, quia fluxus secundum se non fluxit, neque tendit de esse imperfecto ad esse perfectum. Stabit igitur in forma mobili sub fluxu, id est non in forma vt res est, sed vt mobilis est, & pro vt apta nata est acquirere terminum motus, vt dicit S. D. hic lectione secunda.

**Conclusio pro- batur.** Quo ad secundum principale pono hanc conclusionem. Recta est definitio motus. Probat. Illa est bona definitio, quae consistit ex genere, & differentia, & explicat naturam definiti, neque continet aliquid superfluum, vel diminutum. Talis est ista. Ergo est recta. Maior est Porphyrij cap. de genere. Minor prob. Nam actus stat pro genere, quia duplex est, scilicet perfectus, & imperfectus, substantialis, & accidentalis. Ly entis existens in potentia ponitur ad differentiam actuum in summo perfectorum, vt est summum calidum, & summum frigidum. Ly vt in potentia ponitur ad differentiam actuum imperfectorum, qui non sunt in fluxu ad perfectiorem gradum, vt est aqua tepida, quae habet in tepiditate, & non mouetur ad maiorem calorem.

**Argumenta soluntur.** Ad primum primo respondetur, quod aliud est dicere, quod aliquid sit actus, & aliud quod sit actus existens in potentia. Primum significat quid alicui inhaerens. Vel secundo dicas, quod actus formaliter non dicitur per se itas absolute, sed relative dicitur potentiae actus. Vel tertio dicendum, quod actus perfectus po-

test dicere substantiam, non vero actus mobilis ad terminum, vt dicitur motus.

Ad secundum dicendum, quod verba legenda sunt coniunctim, id est motus est actus existens in potentia, & non diuisim, id est entis, & potentiae.

Ad tertium dicendum, quod motus est actus existens quidem in actu, sed cum potentia ad terminum motus, ad quem reducitur per motum.

Ad quartum respondet Pererius lib. 13 cap. 3. adducendo multas causas, & intermiscendo multa falsa alibi tractanda. Veritas enim est, quod motus diffinitur per actum, & potentiam, vt patet ex eius diffinitione, sed magis diffinitur per actum, quia dum res sub actu motus est, tunc mouetur, & cum denegit ad terminum ad quem erat in potentia, quietis.

Ad quintum respondet Pererius, quod Philof. in secundo de anima locutus est solum de actu perfecto, qui diuiditur in primum, & secundum.

Sed errat, quia sic motus nullo modo esset actus, quia omnis actus, vel est primus, vel est secundus. Ideo dicendum venit quod esse, & operatio duplex est, scilicet esse perfectum, & imperfectum, & operatio perfecta, & imperfecta, unde motus dicitur esse imperfectum mobilis, vt mobile est, cum tendentia ad esse perfectum. Vel dicere possumus, motum esse actum secundum, id est operationem, & quamuis non proueniat a forma nude considerata, prouenit tamen ab ea, vt est qualitatibus coniuncta, si motus sit ab intrinseco, & si ab extrinseco prouenit ab agente, vt dealbate a dealbante.

Ad sextum respondetur, quod ob duplicem causam motus non diffinitur per terminum ad quem. Prima est, quia hic diffinitur motus in communi, terminus autem communis motus non est dabilis. Secunda est, quia motus significat fluxum, & fieri, terminus autem significat quietem. Vel dicendum, quod terminus ponitur implicite in diffinitione, quia per motum, intelligimus rem moueri ad terminum.

Ad septimum dictum est, quod motus non est actus simplicis potentiae, id est materiae primae, sed est actus existens in actu, secundum quod est in potentia ad terminum motus.

Ad octauum dicitur, quod diffinitio mo-

tus cōuenit omni formæ actui permixtæ, vt dicit actum cum potentia ad terminū, hoc autem non conuenit formæ substantiali proprie, quia ipsa est actus existentis in pura potentia.

Ad nonum dicitur, quod generatio dicitur motus communiter, non proprie, & ideo non est necesse, vt tendat cum successione ad terminum, sed ei sufficit, quod aliquo modo sit actus existentis in potentia. Vel secundo dicitur, quod generatio dupliciter summi potest. Primo cum præiis dispositionibus, & sic habet successionem. Secundo pro vltima forma, in instanti in materia introducta. Primo autem modo hic generatio dicitur motus, sed communiter. Et ideo exclusam habes opinionē Dominici Soto hic quæst. 1. Pererij lib. 13. cap. 5 & Conimbricensiū q. 1. art. 3. scilicet, quod hæc diffinitio non conueniat generationi, nec mutationibus instantaneis, hoc enim est contra Arist. hic, tex. 6. vbi exemplificat de generatione, & est contra S. D. hic, lect. 7. & 5. Phys. tex. 7. & est contra Simplicium, Themistium, & Ruuium hic, q. 2. & est contra rationem, quia generatio nō fit sine alteratione, quæ est vere motus, quamuis terminus eius sit instantaneus.

Ad decimum dicitur, quod motus diffinitur, vt est actus mobilis, idest patientis, sed non per exclusionem agentis, sed per eius inclusionem, quia actio, & passio sunt vnus motus. Hinc Arist. tripliciter diffinit motum. Primo hic tex. 6. dicendo, motum esse actum existentis in potentia. Secundo tex. 16. dicendo, motum esse actum mobilis, vt potest moueri. Tercio tex. 23. dicendo, motum esse actum mobilis eius, quod est agere, & pati, quæ tres diffinitiones vna sunt significato.

Ad vndecimum dicitur, quod illi termini ibi implicite explicantur, quia motus est actus entis existentis in potentia, vt à quo, & tendentis ad perfectum actum, vt ad terminum ad quem.

Ad duodecimum dicimus ad minorem, quod valet de forma perfecta, quæ est illa, quæ speciem constituit, motus autem est fluxus formæ imperfectæ, vnde fit speciei ad quam est motus. Si quis autem hic quærat, an ratio communis motus sit vniuoca, ad omnes mutationes particulares posituas, dicito, quod sic logice, quia eis

omnibus conuenit communis ratio motus, vt docet S. D. 1. d. 15. q. 4. art. 1. ad secundum, & in secundo, dist. 2. q. 1. art. 1. ad tertium. Physice tamen est analoga, quia Physice perfectiori modo saluatur in mutationibus posituiis, quam in priuatiis, & nobiliori etiam modo in nobilioribus posituiis.

Ad decimumtertium dicitur, quod illi sunt motus Meth.

Ad decimumquartum dicitur, quod talis motus dicitur priuatius. Vel dicas, quod est acquisitiuus alterius formæ, verbi gratia, in aqua, propriæ frigiditatis.

## CAPVT II. & III.

### LECTIO IIII. & V.

*Quoniam quidem igitur.*

tex. 11.

**P**ostquam Philosophus assignauit veram diffinitionem motus, hic incipit excludere opiniones falsas, & diffinitiones incongruas quas antiqui dederunt de motu, per hoc magis consolidando suam diffinitionem. Dicit ergo primo, motum esse actū, & hoc sic probat. Ille est actus, quo posito res est, vel mouetur, & ante, & post non mouebatur, nec mouetur. Sed res mobilis ante motum non mouebatur, neque post ipsum mouetur, verbi gratia, ædificabile ante ædificationem non ædificabatur, neque post ædificatur. Ergo motus erit actus existentis in potentia, in quantum eiusmodi.

Secundo loco, rectam esse suam diffinitionem patefacit, confutando alienas. Tripliciter enim antiqui definiunt motum. Primo, quod motus erat alteritas, quia semper alio, & alio modo se habet. Secundo, quod erat inæqualitas, quia quod successiue mouetur, magis, ac magis recedit à termino à quo, & accedit ad terminum ad quem. Tercio quod erat non ens, quia quod mouetur ad formam, verbi gratia, ad albedinem, nondum habet albedinem. Contra has igitur diffinitiones trifariam instat Philosophus. Primo. Si motus esset alteritas, aut inæqualitas, aut non ens, sequeretur, quod omne alteratum, inæquale, & non ens moueretur. Sed hoc non est necessarium, vt patet. Ergo &c.

Secun-

Secundo. Quia motus non est magis ad æquale, quam ad inæquale, nec magis ad nō ens, quam ad ens. Tertio, quia quod mouetur, non magis mouetur ab inæquali, quam ab æquali, nec magis à non ente, quam ab ente. Assignat autē causam cur antiqui posuerunt motum in genere alteritatis, &c. & ait fuisse, quia videtur significari, ut quoddam imperfectum, & priuatiuum, in coordinatione bonorum, & malorum, positiuorum, & priuatiuorum, & etiam quia non determinate ponitur sub actu, vel potentia, sed in actu permixto potentiz.

Tertio transit ad ostendendum, quomodo motus sit actus mobilis, vel mouentis. Difficultas ergo stat, quod mouens, mouēdo mouetur, quod ex duobus apparet. Primo, quia mouēs mouendo mutatur de potentia ad actum, dum transit de potentia ad mouendum, ad actum mouendum. Secundo, quia mouens dum non mouet dicitur esse in sua quiete, ergo dum mouebat non erat in sua quiete, & sic mouendo mouebatur.

Respondet autem Philos. accidere mouenti quod mouendo moueatur, quia scilicet mouens mouet tangendo, unde dum res mouetur, si agens tangit rem motam, necesse est quod moueatur. Hinc aliam definitionem motus deducit, id est, quod motus est actus mobilis, quia in mobili inuenitur, & non est actus mouentis, quia accedit mouenti, quod mouendo moueatur.

Sed circa supradicta primo notandum venit pro opinione illorum qui posuerunt motum esse de numero priuatiuorum, & non entium, quod Pythagoras cum asclēdis faciebant numeros principia, & initia rerum, ideo denarium numerum perfectissimum numerum vocabant, quia numerus ad ipsum terminatur, unde completo denario, necesse est ipsum reiterare. Dicebant ergo decem esse genera bonorum positiuorum, & entium, & decem malorum nō entium, & priuatiuorum, & inter hæc ponebant motum. Nam ea quæ de numero bonorum ab ipsis constituebantur, erant finitum, impar, vnum, dexterum, nias, quies, rectum, lumen, bonum, & quadratum. Quæ autem in genere malorum, & priuatiuorum ab eis ponebantur, erant infinitum, par, multiplex, sinistrum, formi-

na, motus, curuum, tenebra, malum, & longius altera parte, multa etiam alia dicebant de numeris. Primum, quod numerus quaternarius erat numerus diuinus, & sanctissimus, quia 1. 2. 3. 4. simul iunctis omnia rerum genera concludunt, & complent, quare iurare per numerum quaternarium, magnum erat apud ipsos sacramentum. Item quaternarium, & nouenarium numerum iustitiz assignabant, quaternarium, quia constat ex duplici numero pari, qui sunt duo, & duo nouenarium, quia æqualiter constat ex triplici ternario, iustitia autem paritatem postulat, & æqualitatem exigit. Numerum vero quinarium, numerum nuptialem appellabāt, quia componitur ex pari, & impari, nempe ex duobus, & tribus, numerum autem parem foeminae adscribebant, & parem mandabant. Numerum septenarium volebant esse numerum tempestiuium, quia multa sunt tempestiue in numero septenario. Nam infans quandoque in septimo mense nascitur, in septimo anno dente scit, in secundo pubescit, in tertio barbariam emittit, & semen fit aptum ad generationem. Sed de numeris lege Plutarcum, in libris de placitis Philosophorum, & inter recentiores Rongum nostrum Bergomensē, de sacris numeris.

Secundo notandum venit circa tex. 16. in quo habetur, quod mouens mouetur quia mouendo tangit mobile, quod hæc propositio dupliciter interpretari potest. Primo de tactu quantitatiuo, ut sit sensus, quod si mouēs debet mouere, necesse sit, quod tangat quantitatiue mobile, & hic sensus falsus est absolute, cum corpora cælestia moueant hæc inferiora, non tangendo ea, si autem erit verus erit in his quæ communicant in eadem materia. Secundo potest interpretari de tactu virtuali, & virtutis, & sic necessarium est, quod motum tangant à mouente, vel tactu quantitatiuo, & suppositi, vel saltem tactu virtutis, ut apparet in sagitta emissā à sagittante.

Tertio notandum venit circa eandem propositionem, quod mouens mouendo moueatur, hæc posse bisariam intelligi. Primo loquendo communiter de qualibet motione, & sic verum est, quod mouens eo modo quo mouet, est simul cum remota, & mouendo mouetur, scilicet vel virtute,

Accommode.

Opinio-  
nis de  
motu &  
terminā  
tione.

tate, vel tactu, vel potentia, vel in actu. Secundo ut intelligatur de mutatione secundum actum, & sic falsum est, ut supra diximus.

Quarto notandum venit circa opiniones antiquorum, quod motus sit inaequalitas, disparitas, & non ens, bifariam potest intelligi. Primo quidditative, & hoc falsum est, ut rationes Philoſ. probant. Secundo concomitanter, & sic verum est, quod alteritas, & inaequalitas consequuntur motum, prout continuo tendit de esse minus perfecto, ad esse magis perfectum, & hoc est quod concludebant rationes antiquorum. Dicebatur autem non ens in ordine ad terminum quo caret, non vero, hoc est verum absolute, quia motus est actus existentis in potentia.

### Q V A E S T I O III.

*Verum motus, & terminus motus sint idem realiter.*

**V**idetur quod non. Primo, quia sic sequeretur, quod motus naturalis gravis deorsum, & violentus levis deorsum essent idem. At hoc falsum.

Quia sic sequeretur, quod motus violentus, & naturalis essent idem. Patet, quia mouerentur ad eundem terminum.

Secundo. Sic motus circularis, & rectus essent idem, si mouerentur ad eundem terminum.

Tertio. Sic motus naturalis, & violentus essent idem, si in puncto eiusdem magnitudinis terminerentur unus ex una parte, & alius ex altera, se mouendo.

Quarto. Idem non est causa sui ipsius. Sed motus est causa termini motus. Ergo non sunt idem.

Quinto. Ad motum non est motus. Sed ad terminum est motus. Ergo distinguuntur.

Sexto. Motus diuiditur per diuersa mutata esse, non sic terminus motus. Ergo non sunt idem.

Septimo. Forma substantialis non suscipit magis, & minus, cum in instanti introducat. Ergo debet distinguere a se ipsa, ut est in via, & ut est in termino.

Octauo. Albedo nigredini permixta, a pura albedine differt, sed in termino est pura, & in via permixta. Ergo.

Nono. Motus duo habet, a termino diuersa. Ergo ab distinguuntur realiter. Antecedens probatur. Primo enim motus est quoddam continuum, & successuum, terminus vero, est entitas permanens. Secundo motus ex natura rei est via ad terminum, & terminus ex natura rei est quies motus.

Decimo. Quae separantur ad inuicem, distinguuntur realiter. Sic se habent motus, & terminus motus. Ergo. Maior est Arist. 7. Topicorum c. 1. Minor prob. quia quod motus definit, terminus permanet.

In contrarium est Phys. hic, dum dicit, quod motus non est praeter res ad quas est motus.

Pro decisione huius questionis praemittimus aliquas annotationes. Secundo probabimus duas conclusiones. Tertio loco soluemus argumenta.

Quo ad primum primo notandum venit, quod intellectus hoc habet, ut vni rei diuersas rationes attribuat, prout eam sub diuersis conceptibus intelligit, nam verbi gratia albedini attribuit disgregare visum, album facere, & similitudinem albedinis esse. Intellectus ergo aptus natus est eandem rem realem diuersis conceptibus, explicare, prout eam inuenit diuersis rationibus subijci.

Secundo considerandum venit, quod circa motus distinctionem duae sunt sententiae. Prima tenet distinctionem realem inter motum, & terminum motus. Hanc amplexati sunt Capreolus, in 2. dist. 1. q. 2. art. 2. & dist. 38. q. 1. art. 1. cum Aureolo, Paulo Veneto hic cap. 3. Burleo tex. 11. & Ruuio q. 4. Secunda sustinet distinctionem formalem, inter motum, & terminum motus. Hanc receperunt Socinas 5. Meth. q. 16. Sotus q. 1. & 2. huius. Ferrariensis q. 2. Petrius lib. 10. cap. 10. & Conimb. hic, quaest. 3.

Tertio sciendum venit, quod motus duobus modis considerari potest. Primo ut dicit fluxum, seu motum. Secundo ut dicit formam fluentem, idest tendentem de esse minus perfecto, ad esse magis perfectum. Primo modo sumitur motus secundum communem suam rationem, de qua diximus supra. Secundo autem modo sumitur in praesentiarum quaerendo, an forma ut est sub fluxu distinguatur a se ipsa, ut est in termino, quod est quaerere, an esse

*Intellectus.  
Rus.  
Plura  
tribuit  
viresci.*

*Opinio-  
nes.*

*Triasus  
in motu.*

an esse perfectum, & imperfectum eiusdē rei distinguantur realiter. Tria ergo sunt consideraada in motu, scilicet fluxus formę, forma fluens, & ordo prioris, & posterioris, idest vię, & termini, eiusdē rei. Duo priora idem esse fundamentaliter patet, omni practico intellectu, sed tertium non est nisi ab intellectu considerate motum, & terminum motus sub diuersis respectibus, prioris, & posterioris.

*Cōclū-*  
*sus Do-*  
*ctores.*

Quarto igitur animaduertendum est, quod vt sepius dictum fuit, duplex est distinctio realis, scilicet rei a re, & realitatis a realitate. Primo modo non distingui motum, & terminum motus concedunt etiā Doctores primę opinionis, quia terminus motus motum includit. Volunt ergo quod distinguuntur realiter, seu vt dicunt ex natura rei, seu secundum diuersos modos reales, quam distinctionem sepe Thomistę vocant formalem, non secundum rationem racionantem, sed secundum rationem racionatam. Quare cenſeo Doctores primę, & secundę sententię secundum veritatem non discordare, quoniam affectę secundę opinionis distinguunt motum a suo termino formaliter, sed realiter, quam distinctionem primi opinatores appellant realem, modale, seu ex natura rei. Dicunt enim motum non esse præter res ad quas terminatur quoad extensionem, quia non habet plures species, quam sint prædicamenta ad quę terminatur, vnde deducendum est, quod secundum has species non est præter ipsas, quia in qualibet specie cum suo termino identificatur.

Sed quinto notandum venit, quod nos qui tenemus motum dicere tendentiam formę de esse imperfecto ad perfectum, consequenter debemus considerare formam, vt est sub fluxu, non formaliter considerato, idest secundum rationem, & relationem, sed vt sumitur subiectiue, in forma fluente, & dicitur fluxus formę imperfectus, vt est in fieri, & perfectus, vt est in facto esse, idest in suo termino. Sic enim habemus esse vnius formę, secundum diuersos modos consideratę, scilicet secundum esse perfectum, & imperfectum. Hoc autem esse, vnum est secundum essentiam, quia est vnius formę secundum essentiam in diuisibilis, sed subiectiue, idest vt recipitur in subiecto suscipiente esse

minus perfectum, & magis perfectum, & ideo distinctio motus, & termini motus formaliter est a ratione considerante in vna forma indiuisibili duplex esse scilicet imperfectum, & perfectum, fundamentaliter autem, & radicaliter cum dicat duos modos suscipiendi formam a subiecto, possumus dicere, quod ex parte formę fluentis sit distinctio formalis, & ex parte subiecti, sit modalis, realis.

Quoad secundum prima conclusio est. Motus, & terminus motus non distinguuntur realiter. Prob. Esse magis perfectum, & minus perfectum in eadem specie, respectu vnius; & eundem non causant distinctionem realem. Sed motus, & terminus motus solum sic distinguuntur. Ergo non realiter. Maior est nota, quia distinctio realis cadit inter distincta subiecto, vel specie, vel genere, vel analogia, vel diuersa entitate, quorū nullum in ijs apparet. Minor clara est, ex præ habitis.

Secunda conclusio est. Motus, & terminus motus distinguuntur formaliter. *Cōclū-*  
*sus pbat.* Probatur. Quia motus multa includit, quę terminus excludit, scilicet fluxum, esse imperfectum, & similia.

Ad primum dicitur, quod mobilia duobus modis sumi possunt. Primo, vt sunt diuersarum specierum, & vt secundum suam naturam vendicant sibi diuersos terminos. Secundo, vt ab extrinseco quomodolibet conueniunt in vno termino. Primo modo distinguuntur, motus violentus, & naturalis. Secundo vero modo possunt conuenire in vno termino. Sed tutius dicendum venit, quod hic loquimur de vno motu, qui requirit non solum vnitatem termini, sed etiam vnitatem mobilis, vnitatem temporis, vnitatem rei per motum acquisitę, & vnitatem magnitudinis, supra quam sit motus; argumentū, autem non probat nisi vnitatem termini, & per hoc patet ad secundum, & ad tertium, omittis multis superflue adiectis a Ferrariensi.

Ad quartum dicendum est ad maiorem, quod idem non potest esse causa sui ipsius secundum eandem rationem, sed secundum diuersas, vtique, vt contingit in proposito, nam motus aliquo modo est causa dispositiua, & effectiua termini motus, terminus vero est causa formalis terminans motum.



Ad quintum dicimus, quod probat distinctionem formalem, sed non realem, & ita dicimus ad sextum, quod terminus motus, ut est idem realiter cum via ad terminum distinguitur per mutata esse, sicut & motus.

Ad septimum dicitur, quod sumendo generationem cum praxijs dispositionibus, eam sumimus cum motu, & termino motus.

Ad octavum dicendum, quod albedo nigredini permixta dupliciter considerari potest. Primo in quantum habet esse permanens. Secundo, ut mouetur ad albedinem puram. Primo modo distinguitur à pura albedine, secundo autem modo nequaquam, nisi sicut distinguitur eadem res sub esse imperfecto, & perfecto.

Ad nonum dicitur, quod forma prout recipitur in subiecto perfecte, & imperfecte est successiva, idest subiective, sed non formaliter, idest secundum essentiam suam, & ideo subiective vendicat sibi hos duos modos, scilicet dicere esse successivum, ut est in esse imperfecto, & dicere permanentiam, ut est recepta in esse perfecto.

Ad decimum dicimus, quod probat dueros modos eiusdem formæ, per motum acquisitæ.

## LECTIO VI. & VII.

### Q V A E S T I O IIII.

*Utrum motus distinguatur realiter à mobili.*

**V**idetur quod non. Nam in nutritione eadem est substantia, quæ nutritur, & augetur. Ergo non distinguuntur realiter.

Secundo. Non sunt multiplicanda entia sine necessitate. Sed nulla est necessitas ponendi motum distinctum à mobili, quia sufficienter intelligimus corpus moveri, dum diuerso modo se habet in diuersis partibus spatij, seu gradibus formæ, absq; noua entitate reali, Ergo &c.

Tertio. Mobile est forma, & motus est fluxus formæ. Sed idem non distinguitur à seipso, ut est in via, & ut est in termino. Ergo motus non distinguitur realiter à mobili.

In contrarium stat, quod motus est fluxus formæ, & mobile est subiectum. Sed fluxus formæ est accidens, & subiectum substantia, quæ distinguuntur realiter. Ergo motus, & mobile distinguuntur realiter.

Respondeo quod per mobile, vel intelligimus formam fluentem, quæ mouetur in subiecto de esse imperfecto ad esse perfectum: Vel intelligimus subiectum, in quo per diuersos modos radiationis formæ dicitur moueri. Si primum intelligimus, dicimus motum, & formam non distinguimus realiter, nisi ut supra. Si vero secundum intelligimus, dicimus motum, & mobile distinguimus realiter, ut argumentum in contrarium probauit. Difficultas autem est de mobili motu locali, quod cum nihil intrinsicum acquirat, ideo non dicitur actus existentis in potentia ad aliquid intrinsecum, sed tantum ad extrinsecum, ut aperte docet S. D. p. q. 110. ar. 3. & Arist. 8. Physicorum textu 59. & consequenter venit dicendum, quod forma in eo non possit distinguui secundum esse perfectum, & imperfectum, cum tamen Arist. generaliter dixerit in omni specie motus motum esse actum mobilis.

Secundo igitur notandum venit, quod circa hanc difficultatem est duplex opinio. Prima est Antonij Ruuio hic, quæ est. 3. tenentis generaliter omnem motum realiter esse in mobili, etiam in motu locali quod probat. Primo per Arist. 3. Physicorum, c. 2. & cap. 3. ubi docet motum esse actum motiui ut a quo, & mobilis, ut in quo, idest tanquam in subiecto mobili existens, & hoc dicit esse verum, in omni specie motus. Ergo etiam motus localis erit in subiecto mobili, & non in loco extrinseco, ad quem est motus.

Secundo. Terminus motus localis, est ubi, per Arist. 5. Physicorum cap. 2. Sed ubi est in mobili intrinsece, idest tanquam in subiecto, & non in loco extrinseco.

Tertio. Quando motus recipitur in termino ad quem, iam non est motus, cum finierit.

Quarto. Si daretur vacuum, mobile in eo haberet ubi, & non acquireret locum, quia in vacuo non datur locus.

In contrarium etiam pro motu locali stat sententia Arist. 8. Physicorum, textu 59. cum

*Quæstio explicatur.*

*Opinio.*



cum quo concordat S. D. docendo motum localem esse omnium perfectissimū, quia mobile per illum non acquirit aliquam formam: Nec valet respondere, quod Arist. cum S. Thoma voluerunt dicere, quod per motum alterationis, & augmenti acquiritur forma intrinseca absoluta, & permanens, non vērō per motum localem, sed per eum acquiritur quidam modus aliter se habendi ad spacium, qui dicit respectum extrinsecum, & ideo minus est in potentia, quia minus est esse in potentia ad illum modum, quam ad formam absolutam. Hæc enim responsio non subsistit, quia sufficit Arist. ibi docere mobile per motum localem non acquirere aliquid intrinsecum, quod esset in mobili, sed acquirere solum extrinsecum, & ita docet Socrinas 4. Meth. quæst. 4. & S. D. expressè p. p. quæst. 110 art. 3.

Tertio notandum venit, quod mobile ubique vbi semper habere dicitur, sit in via, vel in termino, quia in via, & in termino habet commensurationem ad polos mundi, & centrum terræ, sed locum non dicitur habere, vt terminum motus localis, nisi quando motus terminatus est, & ideo cum motus sit ad terminum, & terminus ad quem fuit in potentia, sit extrinsecus, ideo dicimus motum localem esse in termino locali extrinseco.

Sed quarto cogitandum venit, quod motus localis non sit in mobili localiter stat dupliciter. Primo vt in subiecto motus, & sic verum est, cum mobile, ad locum moueatur. Secundo vt in id quod aliquid acquirit per motum, & sic in hoc stat differentia inter alterationem, & augmentum ex vna parte, & motum localem ex altera, quod per alterationem, & augmentum acquiritur forma intrinseca, non sic per motum localem, quia per eum acquiritur aliquid, quod est extrinsecum scilicet locus. Hinc cessant argumenta Ruuij tria priora, quia concludunt de subiecto motus. Ad quartum dicitur, quod in vacuo id quod acquireretur, posset dici locus modaliter, quamuis formaliter non esset locus, propter carentiam superficie.

Ad primum autem principale dicitur, quod nutritio non est subiectum nutrimentum, sed est motus, & operatio animæ

vegetatiuæ, quæ conuertit cibum in substantiam aliti, vnde cum sit motus, & operatio, distinguitur realiter a mobili.

Ad secundum dicimus, quod mobile quod mouetur, id est corpus, distinguitur a partibus spatij acquisiti non solum in genere entis, quia corpus est substantia, & illa spatia quantitates, sed etiam in genere motus, & mobilis, quia corpus secundum se non suscipit diuisionem sicut faciunt illa spatia, Sed & insuper corpus est illud quod acquirit diuersos modos realiter, acquirendo diuersa spatia.

Ad tertium patet ex dictis.

## Q V A E S T I O V.

*Verum successio, & continuitas sine de essentia motus.*

**P**RO explicatione huius quæstionis scioto, quod sub triplici titulo disputari potest. Primo an successio, & continuitas sint de intrinseca ratione motus, pensata eius natura. Secundo an sint de essentia eius, aut eius passio. Tertio an per absolutam Dei potentiam possit esse motus sine successione, & continuitate. Si in primo sensu disputetur, absolute respondendum est, motum sibi vindicare ab intrinseco, & formaliter successione, & continuitatem. Prob. primo per Aristot. 5. Meth. tex. 18. & primo huius textu primo, & 4. Physicorum textu 99. quibus in locis docet motum non esse de numero permanentium, sed continuorum. Secundo hoc deducitur ex definitione motus transeuntis de potentia ad actum, transeundo de esse imperfecto ad perfectum, nam permanens non mouetur. Tertio, quia si motus fieret per instantia discontinua, mobile inter duo instantia quiesceret, contra Arist. quinto huius.

Si autem secundo modo quæramus, an successio, & continuitas dicant naturam, & essentiam motus, aut potius sint eius passio, inuenio aliquos teneantes successione esse de essentia, & natura motus, quod probant. Primo Quia motus non est nisi fluxus formæ, continuo tendentis de esse imperfecto, ad perfectum. Secundo, quia motus per hoc distinguitur a subiectis mutationibus. Per vnum autem, & idem

*Terminus motus localis est extrinsecus.*

*Explicatur.*

*Arg solutio.*

& idem aliquid constituitur, & ab alio distinguitur. Et tertio, quia Arist. affirmat motum esse de numero continuorum.

Oppositum vero docent Albertus magnus, tractatu de quantitate c. 8. Averroes 4. huius, tex. 119. Fonseca quinto Meth. cap. 13. q. 8. sect. tertia, & alij plures. Hoc probant. Primo. Quia motus est acquisitio formæ. Sed acquisitio non est formaliter continuas. Secundo. Motus est ens incompletum, tendens de esse imperfecto ad perfectum. At continuum secundum se est quid perfectum, quia solum habet extendere. Tertio. Motus est quid analogum, ut diximus. At continuas est quædam ratio vniuoca, omnibus æque conueniens.

Sed quamuis hæ rationes non sint multum efficaces, quia aduersarij dicere possunt, quod continuas quæ est de essentia motus, non est continuas ut sic, sed motus, & ideo induens naturam motus, & consequenter quædam acquisitio formæ est continuas motus, & sic dicit quid incompletum, & analogum. Tamen cum nos teneamus motum dicere formam ut est sub continuo fluxu, consequenter videtur dicendum formæ naturalis intensibili conuenire, non ut forma est, sed ut sibi passionem intensibilitatis, cum successione appropriat, unde fundamentaliter, & causaliter dicit essentiam motus, quia causatur à forma mobili motu Physico, formaliter vero erit eius passio. Hinc patet primum argumentum ad versariorum supponere falsum, scilicet quod motus sit fluxus, est enim forma stans sub fluxu, & per hoc distinguitur à formis permanentibus, ut permanentes sunt.

Sed maior est difficultas in tertio scilicet an per absolutam Dei potentiam possit dari motus Phys. sine successione ut excludamus motum Meth. ut est intelligere, & velle, quæ sunt actus perfecti. Et motum discretum Angelorum, quo possunt suam virtutem applicare extremis, eam non applicando medio. Et excludendo omnes mutationes instantaneas, quæ sunt in instanti. Loquendo igitur de motu Phys. proprie sumpto corporalium, clarum est, quod naturaliter implicat motum successuum distingui à mutationibus instantaneis, sine successione. At in ordine ad diuinam potentiam, discordan-

dat Doctores. Nam Scotus in 4. d. 43. q. 2. & 3. Greg. in 2. d. 6. q. 3. art. 2. Durandus in 4. d. 43. q. 4. & alij plures tenent, fieri posse per absolutam Dei potentiam, quod motus fiat in instanti. Hoc probant. Primo, quia si per Dei potentiam fieret vacuum, corpus contiguum moueretur in instanti ad illud replendum, ne vacuum daretur. Secundo. Quia per Arist. 8. Phys. c. 10. virtus infinita potest mouere in instanti corpus. Tertio. Quia communis resurrectio mortuorum fiet cum eögregatione ossium, etiam distantiam in instanti, & in actu oculi. Quarto. Quia Deus potest tollere omnem resistentiam, & imperfectionem formæ, & sic eam traducere ad perfectum esse in instanti. Quinto. Quia doctores tenent posse Deum sua absoluta potentia facere, quod formæ contrariæ, sint simul in summo in eodem subiecto, impediendo ne vna aliam expellat, v. g. frigus, caliditatem.

In oppositum videtur S. D. p. p. q. 53. art. 1. & secundo, ubi docet motum corporum necessario esse continuum, transiendo de extremo ad extremum per medium & hoc ad differentiam motus discreti Angelorum. Dicendum ergo venit, quod his seruatis impossibile est, & implicat (secundum nostrum modum philosophandi) quod motus fiat in instanti. Prima ergo conditio est, ut motus sit motus, & non subita mutatio. Secunda est, quod Deus non inuertat naturam motus. Potest enim facere quod forma quæ successiue debet naturaliter acquirere esse perfectum, in instantaneam mutationem conuertatur, & illud esse acquirat in instanti, ut quod in resurrectione mortuorum ossa etiam distantia in instanti adunentur. Tertia conditio est, quod in motu seruentur sui termini, à quo, & ad quem, & spatium inter hos terminos, nam sic impossibile est, quod vna eademque res, in vno eodemque instanti sit in termino à quo, & ad quem. Concedimus autem libentissime, Deum posse mouere corpus in instanti faciendo illud acquirere terminum in instanti, sed tantum tunc pensabitur acquisitio termini, & non considerabitur mobile, ut fuit sub termino à quo, sub altera mensura, quam sit sub termino ad quem, & ita potest esse, quod dato vacuo, corpus illud occuparet in instanti,

stanti, & quod exlum quod est mobile successiue, moueatur in instanti, quod nō est factibile, vt intelligitur esse sub terminō aquo sub quiete, nam sic tunc, pensanda erunt duo instantia, vnum mensurans mobile sub terminō a quo, & aliud ipsum mensurans sub terminē ad quem. Et ita dicimus cum D. Aug. in Eucherid. c. 9. & D. Ber. sermone secundo in festo omnium S. S. quod corpora Beatorum possunt in momento se transferre de loco ad locum, idest acquirere nouum locum, cum quo tamen itat, quod detur aliud instans in quo intelliguntur fuisse in priori loco. Vltima conditio est, quod vere saluetur natura motus, quia de motu sermo est.

## QVÆSTIO VI.

*Vtrum quæ vni, & eidem sunt eadem, eadem sint inter se.*

**O**ccasione probationis quod subiectum disert à potentia ad quam ordinatur, quia subiectum est in potentia ad contrarias formas, scilicet ad agritudinem, & sanitatem, idem autem non potest esse susceptiuum contrariorum simul, habuimus secundum sensum hanc propositionem. Quæ vni, & eidem sunt eadem, eadem etiam sunt inter se, ideo quæritur. An hæc propositio sit vera?

Videtur vero quod non. Nam tres diuinæ personæ sunt idem realiter cum diuina essentia, & tamen distinguuntur inter se realiter.

Respondetur tamen breuiter, quod hæc propositio habet multas interpretationes.

Prima est, quod valet in absolutis, non vero in relatiuis, quoniam hæc ex oppositione impossibilitatis distinguuntur, non enim potest idem, esse secundum idem, pater, & filius, vnde cessat argumentum quia diuinæ personæ distinguuntur relatiue. Secunda expositio est, quod valet quando illud tertium est incommunicabile, modo diuina essentia tribus personis communicatur. Tertia est Sancti Doctoris, p. 1. q. 28. art. 3. quod valet quando aliqua duo vnum, & idem sunt secundum rem, & rationem in vno tertio, modo & si diuinæ personæ sint idem cum diuina essentia secundum rem, ab ea tamen

distinguuntur secundum rationem. Quarta est Durandi, in primo d. 33. q. 1. & aliorum multorum, quod valet quando illud tertium adæquate distribuitur, idest dum accipitur pro omni re pro qua accipi potest. Hinc non valet argumentum, quia dum dicimus essentia diuina esse pater, non dicimus omnem rem, quæ est essentia diuina esse patrem, cum sit etiam, & filius, & spiritus sanctus.

Quinto Caietanus sic eam glossat. Quæ vni, & eidem sunt eadem, eadem etiam sunt inter se, non absolute, sed eo modo quo illi tertio sunt eadem, vnde pater, & filius sunt idem quo ad essentiam inter se, quia in ea communicant, non vero quo ad relationes.

Vltima glossa est, quod valet in creatis, non vero in Deo, in quo omnia identificantur, etiam relationes, quo ad in, & si non quo ad ad.

Sed contra expositionem S. D. arguunt plures. Primo. Quia sic talis propositio non esset vera nisi in synonymis, quia solum hæc sunt idem re, & ratione. Secundo. Quia sic ars syllogistica perij, quia sic non possumus arguere. Omne animal est viuens. Omnis homo est animal. Ergo omnis homo est viuens, quia extrema non sunt idem re, & ratione. Tertio. Quia diuersitas rationis non impedit vnitatem rei in tertio, sed tantum obstat vnitati rationis in tertio. Quarto. Quia S. D. non videtur sibi constare, nam secundo contra gentes c. 9. probat operationem, & essentiam esse idem in Deo, quia conueniunt in vno idest in substantia, & tamen constat hæc distinguui ratione, & inter se, & ab essentia.

Bannes etiam, & Fran. Cumel p. p. q. 28. art. 3. arguunt interpretationem Caietani, quia paternitas, & essentia semper se includant, ita, & filiatio, & consequenter non sunt accipienda, vt distincta.

Ad primum igitur contra expositionem S. D. dicere possumus. Primo S. D. intellexisse illam propositionem in synonymis esse veram, sed non tantum, & quamuis adduxerit exemplum de tunica, & vestimento, quæ idem sunt synonyme, tamen etiam adduxit exemplum de actione, & passione, de essentia, & diuinis relationibus, quæ realiter conueniunt in tertio, & tamen non sunt eadem inter se.

Secun-

Secundo dicitur, quod esse idem re, & ratione stat dupliciter. Primo ratione ratiocinata, & ratiocinâte, & ista omnino sunt eadem inter se, sicut etiam sunt vni tertio. Secundo aliqua dicuntur conuenire realiter in vno tertio, sed tamen ratione ratiocinata distinguuntur, & ita bifariam considerari possunt. Primo quoad id, quod includunt, siue materialiter, siue formaliter de illo tertio, verbi gratia, quod actio, & passio includunt de motu, & sic etiam sunt eadem inter se, sicut sunt eadem vni tertio. Secundo quo ad id, quod addunt, vel intelliguntur adde re, id est, quod ad oppositos respectus, in diuinis personis, & sic non intelliguntur esse idem cum illo tertio, sed per illos distinguuntur ab illo. Dum ergo S. D. annuit in synonymis valere, dicere voluit, quod non valet in alijs quæ habent plura nomina, & plures rationes quibus distinguuntur.

Ad secundum patet, nam viuens, & animal per suas rationes formales distinguuntur, per quas nec in tertio, nec inter se conueniunt, sed tamen vt vnum alteri includit, scilicet animal gradum viuentis, sic conuenire dicuntur, & licet arguere, sed non sic. Omne rationale, vt rationale, est animal, vel viuens, sed homo, vt homo, est animal, vel viuens. Ergo &c. Nam argumentum assumit ea in quibus distinguuntur.

Ad tertium dicitur, quod quæ conueniunt in tertio, eo modo quo in eo conueniunt, eo modo dicuntur esse idem, non autem secundum proprias rationes, ex quibus à tertio, & inter se distinguuntur, & ideo si diuidantur inter se realiter, distinguuntur realiter, & si ratione, ratione; vnde quamuis relationes diuinae sint idem realiter cum diuina essentia ratione esse absoluti, non tamen hoc verum est, ratione oppositionis relatiuæ, nam essentia realiter non dicitur ad aliud, relationes vtique, & sic possunt distinguui relatiue realiter, & per hoc patet ad quartum, & ad oppositionem contra Caietanum.

## LECTIO VIII.

*Et dubium autem manifestum est, sex. 18.*

**H**ic Arist. dubium quoddam soluit. Dubitari enim solet, cuiusnam mo-

tus sit actus, scilicet an mouentis, vel mobilis, & respondet ex dictis manifestum esse, quod motus est actus mobilis, quia actus est in eo cuius est actus, motus autem est in mobili, ergo erit actus mobilis. Subdit tamen quoddammodo esse actum mouētis, ad eo vt vtriusque dicatur vnus actus. Hoc probat. Quia tam in mouente, quam in mobili aliquid dicitur secundum potentiam, & secundum actum. In mouente secundum potentiam, dum dicitur posse mouere, & in actu, quando actualiter mouet. In mobili vero secundum potentiam, quando potest moueri, & secundum actum, quando mouetur, quare erit actus mobilis, & mouentis, quia id quod actiue à mouente procedit, in mobili recipitur, nec aliud recipitur, quod etiam manifestat exemplo duorum ad vnum, & vnus ad duo, & ascendentis, & descendentis. Dubitat vltcrius contra id, quod dictum est, eundem esse actum actiui, & passiui, quare actio, & passio sunt vnus motus, sed de his agendum erit in sequentibus questionibus.

## QVÆSTIO VIII.

*Verum actio, & passio sint vnus motus.*

**V**idetur quod non. Nam illa distinguuntur realiter, quorum vnum potest esse sine alio. Sed motus potest esse absque actione, vt motus sagitte projectæ à sagittante illico occidit. Ergo actio distinguitur realiter à motu.

Secundo. Idem non est causa sui ipsius. Sed actio, est causa motus, & passionis. Ergo ab his distinguitur.

Tertio. Quæ differunt genere, differunt etiam specie, & numero. Sed actio, & passio differunt genere, cum sint duo pradicamenta. Ergo.

Quarto. Illuminatio facta in aere à sole, est vera actio, & non motus, quia motus fit in tempore, & illuminatio in instanti. Ergo distinguuntur.

Quinto. Actio, & passio duo sunt quidditate, & diffinitione. Sed & motus habet propriam diffinitionem. Ergo distinguuntur.

Sed contra prob. quod sint idem re, & ratione. Primo. Nam per S. D. p. p. q. 28. art. secundo, ad primum hæc propositio.

*Quæ*

Quæ uni, & eidem sunt eadem, eadem sunt etiam inter se valet in synonymis, quæ sunt idem re, & ratione, vt tunica, & indumentum, & ibi etiam dat exemplum de actione, & passionem. Ergo sunt idem re, & ratione.

Secundo Arist. 2. Physicorum tex. 19. diffiniens causam agentem habet, quod est illa, quæ est principium motus. Ergo motus, vt motus est procedit ab agente. Sed actio non est nisi actus procedens ab agente.

Tertio. Mouere, formaliter est agere. Ergo actio formaliter est motus, & non differunt nisi sicut abstractum, & concretum.

Quarto. Arist. 5. Physicorum text. 10. tali argumento probat ad actionem, & passionem non esse motum. Ad motum, non est motus. Ergo nec ad actionem, & passionem, quia non sunt nisi motus. Ergo non distinguuntur formaliter.

Quinto. Si distinguerentur formaliter, per diuersos respectus, pertinerent ad prædicamentum relationis. Sed hoc est falsum, cum singularia prædicamēta constituent. Ergo & id ex quo sequitur, & sic non distinguuntur.

Pro explicatione huius questionis tria agenda erunt. Primo enim ponemus fundamenta necessaria. Secundo duas conclusiones, & tertio solutiones argumentorum vtriusque partis.

Quo ad primum igitur sciendum est, quod circa præsentem difficultatem sunt plures modi dicendi. Primus ex Scoti in quodlibetis q. 11. & in 4. dist. 23. q. 2. & conclu. 2. ubi docet totam rationem actionis consistere in relatione ad agens, & passionis in relatione ad patiens.

Secundus modus dicendi est locinatis 3. Meth. q. 3. scilicet quod actio, passio, & motus dicunt relationem, & motum, sed ex motu non distinguuntur, sed ex connotato idest ex relatione, quia actio connotat relationem motus, vt à quo, passio, vt in quem, & motus, vt ad quem, idest ad terminum.

Tertius modus est Capreoli, in 2. dist. 2. q. 2. tenentis, actionem, passionem, & motum formaliter, & in recto esse idem, quia sic non dicunt nisi motum, sed in obliquo distingui, scilicet ex connotato, vt etiam dixit Soncinas, quia actio in obli-

quo importat relationem originis motus, & causalitatis eius esse ab agente, & relationem effectus in obliquo esse in passio, quia in passio motus causatur ab agente. Hanc autem sententiam non differre ab ea quam habuit Soncinas secundum rem sentinus, immo esse communem Themistio, Simplicio, Philopono, Alexandro, & S. D. immo, & Arist. tex. 22. nam hi omnes affirmant, actionem, & passionem realiter esse idem, sed formaliter distingui. Vltimus modus dicendi fuit illorum, qui dixerunt, actionem, & passionem nec secundum rem, nec secundum rationem distingui à motu.

Secundo notandum venit, quod duplex *Motus* est actio. Prima dicitur immanens, quia *duplex* manet in agente, vt intelligere, & velle. Secunda dicitur transiens, quia transit in exteriorem materiam, vt secare, & vrere. Hic non disputamus de actione immanenti, quoniam talis non concernit motum physicum, de quo est sermo, sed Metaphysicum motum, qui est actus perfecti. Item hic non loquimur de motu proprie sumptum tantum, sed etiam de motu communiter, vt etiam se extendit ad instantaneas mutationes, in quibus etiam concurrunt actio, & passio.

Tertio notandum venit, quod actio, & passio dupliciter considerari possunt. Primo quo ad id quod dicunt in recto, idest quo ad motum, nam verum est dicere Actio est motus; passio est motus. Secundo quo ad id quod connotant in obliquo, idest, quo ad suos respectus, & sic dicuntur distingui formaliter, quia actio non dicit motum, sed connotat illum, vt est ab hoc, idest ab agere, & passio, vt est in hoc, idest in patiente. Hinc deducatur actionem, & passionem materialiter, & realiter, idest in ordine ad motum esse idem, & dicere eundem actum, non formalem, sed materiale, idest mobilitatem, sed tamen formaliter distinguuntur, quia per suas rationes formales respectibus diffiniuntur. Nec propter hoc, quod actio, & passio sint idem motus realiter, motus dicitur constituere prædicamentum, quia prædicamentum non constituitur per materiale, & incompletum, vt est motus, sed per formales rationes completas, vt dicunt actio, & passio, cum connotato. Quando autem dicimus actionem, & passionem di-

Q. ttingui

Opinio-  
nes.



tingui formaliter, & secundum rationem, non intelligas secundum rationem rationantem, sed secundum rationem rationatam, quia vere, & realiter actio est motus, ut ab hoc, & non in hoc, unde dicitur distinctio realis modalis, seu realitatis à realitate, accipiendo actionem, & passionem secundum id totum quod dicunt.

Quarto notandum est, quod actio, passio, & motus in tribus conveniunt sed non eodem modo. Primo enim conveniunt, quod terminum respiciunt, sed actio terminum respicit ut quid ab ea factum, quia ipsum producit, & passio ipsum inductur, ut quid ab agente effectum, motus vero, ut via ad ipsum tendens. Secundo conveniunt, quod in motu identificantur, quia actio physica est motus ut à quo, & passio, ut in quo. Tertio quod vnum ab alio dependet, quia hæc in motu esse oportet distinguuntur vero, quod motus dicit rationem incompletam, quoniam semper dicit ordinem ad terminum, quia de ratione eius est semper quod sit actus existentis in potentia, dum autem in termino est, non est amplius actus existentis in potentia, sed in actu completo, & per hanc rationem ab actione differt, quæ secundum se dicit egressum motus, & à passione, quæ secundum se dicit receptum motus, quare secundum suas rationes formales distinguuntur. Hæ autem sunt respectus, quoniam egressus motus est actus ad passum, & passio passionem, ad agentem.

*Conclusio.* Quo ad secundum principale prima conclusio est. Actio, & passio materialiter, & quo ad id quod dicunt in recto, sunt unus motus. Prob. ex superioribus, quia sic dicunt motum.

Secunda conclusio. Actio, & passio distinguuntur in obliquo, per suas formales rationes respectivas. Prob. primo. Illa distinguuntur formaliter realiter, quorum vnum de altero nec prædicari, nec verificari potest, quia à modis essendi, sunt modi prædicandi, sed ratio realis actionis non est, nec verificari potest de passione, ut supra ostensum est; ergo distinguuntur formaliter, realiter.

Secundo. Si Actio, & passio essent idem formaliter, haberent complexorem cum motu, sed complexum rejicitur à prædi-

camento; per Arist. tex. 5. 7. Diuinarum. Ergo &c.

Tertio. Hoc docuit Arist. text. 22. dum dixit, quod motus est actus actiui, ut ab hoc, & passivi ut in hoc, & se habet sicut doctio, & disciplina. Hæc autem dicunt vnum actum, sed diuersos respectus.

Ad primum negatur minor, & ad probationem dicitur, quod si agens sit corruptum, manet tamen virtualiter virtus agentis, & impulsus actionis, nec necessesse est quod inouens sit semper simul tactu cum moto, sed tactu, vel virtute in toto motu, vel in principio, secundum conditionem mouentis, & rei motæ.

Ad secundum dicendum ad minorem, quod actio dicitur causa passionis, non quo ad id in quo conveniunt, sed quo ad id in quibus distinguuntur, id est quo ad suas rationes formales.

Ad tertium dicendum, quod actio, & passio distinguuntur genere, & numero quo ad suos respectus, sed quo ad motum sunt idem numero, specie, & genere.

Ad quartum diximus, quod loquimur de omni mutatione, id est de motu non proprie, sed communiter sumpto.

Ad quintum dicendum, quod actio, & passio duo sunt distinctione, non autem materialiter, ut diximus, & per hæc patet quod actio, & passio sunt duo prædicamenta, formaliter distincta, & in vna re fundata id est in motu, qui cum sit quid incompletum, potest distrahi, & modificari in diuersis, per diuersos respectus.

Ad primum pro altera parte dicitur, quod S. D. dixit talem propositionem esse veram in synonymis, sed non tantum. Sed, & vide, quæ diximus supra ad hoc propositum.

Ad secundum dicendum, quod ex distinctione agentis, & actionis deducimus eius distinctionem à motu, quia actio dicitur eius principium, idem autem non est principium, & id quod est à principio. Unde aduerte, quod actio secundum id totum quod dicit semper includit respectum ad passum, ut ad effectum, quare multum errant, qui absolutum in actione considerant, & respectum excludunt, debent enim sumi secundum suas

*Argumēta solvuntur.*



suas rationes formales, & secundum id totum quod dicunt in recto, & in obliquo.

Ad tertium dicitur, quod motus non est mouere formaliter, sed est forma fluens sub motione, unde se habent sicut principium, & id quod est à principio.

Ad quartum dicitur, ibi Arist. considerare actionem, & passionem quo ad suum materiale, & secundum quod sunt idem realiter cum motu, unde quod de vno dicitur, de alio non negatur.

Ad quintum diximus, actionem duo dicere, vnum absolutum scilicet motum, & aliud respectuum scilicet respectuum, modo quæ pertinent ad prædicamentum relationis, non pertinent ad ipsum quoad absolutum, sed solum quo ad respectuum, & sic actio, & passio non pertinent quo ad id quod sunt, & dicunt ad prædicamentum relationis.

## LECTIO IX.

### QVÆSTIO IX.

*Utrum actio subsistat in mobili.*

Hanc questionem vide in 9. Meth. ubi eam examinauimus.

## CAPVT VI.

*De infinito.*

*Quoniam autem scientia &c. text. 14.*

**Q**uoniam multa dicuntur a Philosopho de infinito, quæ non sunt multum necessaria, ideo his omis- sis, & necessarioribus assumptis, ad tractatum de infinito accedam. Assentit ergo Philosophus primo, cognitionem infiniti ad Philosoph. naturalem spectare, & hoc dupliciter probat, primo sic Philosophus naturalis versatur circa magnitudines, tempus, & similia, sed hæc, vel sunt finita, vel infinita. Ergo de his debet agere naturalis. Secundo hoc probat à signo, quia omnes, qui mentionem fecerunt de re naturali, vel pro maiori parte aliquantulum tetigerunt naturam infiniti. Nam Pythagorici, & Platonici dixerunt infinitum, esse principium rerum,

sed Pythagorici radicem infinitatis quantitati attribuerunt scilicet numero, à Platone dubio infinita constituit, scilicet magnū, & paruum, ponēdo infinitum per se subsistere, cum tamen alij fuerint, qui illud accidens fecerunt, & rebus inhærent.

Secundo proponit quinque causas, ex quibus videtur infinitum dandum. Prima desumitur ex tempore, cum multi dixerint ipsum non incipisse, nec finitum esse. Secunda accipitur ex diuisione magnitudinis, quoniam Mathematici supponunt magnitudinem esse diuisibilem in infinitum. Tertia est ex generatione, & corruptione, quæ per ponentes æternitatem mundi, in infinitum sunt duraturæ. Quarta est ex ratione infiniti, quod interminabile videtur. Quinta desumitur ex imaginatione intellectus, quia quodlibet finito dato magnitudinem extendit, & ideo concludit dubium esse, an infinitum sit, vel non sit.

Tertio loco enumerat modos quibus aliquid dicitur infinitum, & à simili inuisibile. Primo ergo modo dicitur infinitum, quod non potest per transiri, sicut sic vox dicitur inuisibilis, quia non potest videri. Secundo quod potest pertransiri, sed non de facili, ut est profundum maris, & ita inuisibile dicitur, quod cum difficultate videtur, sicut est illud quod latet inobscuro. Tertio quod est transibile, sed non habet transitum ad finem, ut est linea infinita. Subdit quod infinita dicuntur tripliciter. Primo secundum multitudinem, ut patet in numero infinito. Secundo secundum magnitudinem, ut in magnitudine infinita. Tertio utroque modo, ut in tempore.

Quarto immoratur in consideratione infiniti separati, & non secundum magnitudinem, & multitudinem de quibus infra disputabimus.

Circa supradicta autem primo notandum est, quod infinitum quinqueplex sumitur. Primo pro infinito secundum perfectionem, ut est Deus, qui est infinite perfectus. Secundo pro infinito secundum vigorem, seu virtutem adiuam, ut est intelligentia, potens mouere tempore æterno. Tertio pro infinito secundum durationem, ut est ælum, & omnia ea quæ in seipsis non habent principium

*Infinitum  
quinque-  
plex.*

intrinsecum corruptionis. Quarto pro infinito secundum extensionem, ut esset linea si in infinitum duceretur. Quinto pro infinito secundum multitudinem, ut si daretur numerus infinitus. Hic Phil. agit de infinito secundum magnitudinem, & multitudinem, quod duplex est scilicet in actu, & in potentia, in 8. autem Physicorum de infinito secundum virtutem tractat, & in libris de celo, de infinito secundum durationem.

*Quadruplex dicitur.* Secundo notandum insuper, quod ut in textu dicitur, infinitum quatuor modis sumitur. Primo pro interminabile, & impertransibili, quia non est quantum & hoc dicitur infinitum negativae, ut est Deus, intelligentia, punctus, unitas, & similia. Secundo pro pertransibili, sed cum magna difficultate, ut est via de terra ad caelum. Tertio pro pepertransibili secundum se, sed non propter impedimentum, ut est profundum maris propter aquas suffocantes. Quarto pro quantitate continua, vel discreta, quae secundum se nata est habere principium, & finem, sed non habet, quia quacunque parte data, ulterior datur, & de hoc infinito loquitur Phil.

Tertio notandum venit, quod de infinito magnitudine, & tempore differunt Mathematici, Astrologi, & Physici, sed diversimode, nam de infinito agit Mathematicus supponendo quantum esse divisibile in infinitum, at naturalis de eo agit percontando, an de facto possit dari multitudo, vel magnitudo divisibilis in infinitum. De tempore autem tractat naturalis, ut est mensura motus, & Astrologus de eo agit secundum se. De magnitudine vero ut abstrahit à motu, & à materia Mathematicus disserit, sed ut est determinata ad corpus sensibile, vel ad numerum rerum naturalium numerat, agit naturalis. Item de infinito tractant naturalis, & Metaphys., sed Metaphysicus ut dicit entitatem illimitatam, vel limitatam, sed naturalis, at conuenit corpori sensibili, non secundum esse, sed secundum quantitatem.

## QVAESTIO X.

*Verum tractare de infinito spectet ad naturalem.*

**V**idetur quod non. Nam quod non est, non est scire, per Philosophum cap. 2. primi Posteriorum. Sed infinitum non est, idest non datur, ut infra videbimus. Ergo de eo non est scientia.

Secundo. Infinitum est ignotum, per Arist. primo Physicorum. Ergo de eo non est notitia idest scientia.

Tertio. Naturalis agit de compositis ex materia, & forma, ut ex principiis. Sed infinitum nullum habet principium. Ergo &c.

Pro solutione huius questionis. Primo animaduertendum venit, quod Phys. tractat de infinito stat dupliciter. Primo ut de se se intento, & considerato à naturali. Secundo ut de consequente ens naturale. Primo modo non consideratur à Physico, sic considerante materiam, formam, naturam, & motum, unde ipsum considerat secundo modo, idest consecutivae, prout consequitur motum per continuum, quod est divisibile in infinitum, siue sit in actu, siue in potentia.

Secundum sciendum est, quod de infinito dupliciter loqui possumus. Primo quidditative idest quoad suam definitionem, & ita cognoscitur, & sic diffinitur, quod est cuius est accipere semper partem post partem, & nunquam esse deuenire ad ultimam partem. Secundo existenter, idest quo ad suum esse in rerum natura, si tale haberet, & hoc pacto incognoscibile est.

Sed tertio notandum venit, quod aliud est cognoscere infinitum distincte, quoad omnes suas partes in actu, & aliud est ipsum cognoscere confuse, cognoscendo omnes suas partes in continuo ut est divisibile in infinitum. Primum est impossibile, quia non datur infinitum in actu. Secundum vero non est inconueniens, loquendo de cognitione infiniti per conceptum negatiuum, idest cognoscendo infinitum non existere. Sed, & hoc dupliciter primo per proprium conceptum negatiuum, & hoc non dicimus, quia negatiua, & non entia nō habent proprium conce-

conceptum. Secundo per conceptum sui oppositi scilicet per conceptum finiti, & hoc verum est, sicut etiam hoc modo cognoscitur malum per bonum, & tenebræ cognoscuntur per lucem, & per hoc patet ad primum.

Ad secundum similiter dictum est, quod procedit de infinito per modum infiniti sumpto, non autem per modum finiti, ut dum successivè cognoscitur, vel per conceptum sui oppositi.

Ad tertium pariter dictum est, quod naturalis agit de infinito non per se primo, sed consecutivè idest ut consequitur res naturales.

## D V B I A.

**S**ed accidit dubium circa hanc propositionem Phil. Si daretur infinitum non esset principium. Nam contra stat, quod si daretur infinitum quantum, non esse summum ens, idest Deus, igitur posset habere principium.

Pro solutione huius dubij scito, quod hic non loquimur de infinito simpliciter, idest secundum entitatem, & perfectionem, sed sermonem habemus de infinito secundum quantitatem, quod dicitur infinitum secundum quid, hoc autem videtur posse habere principium.

Ideo secundum notandum est, quod in infinito tria sunt. Primum est infinitas, idest carentia terminorum. Secundum est quantitas, & Tertium substantia substracta infinitæ quantitati, & respectu huius tertij hoc infinitum non potest habere principium, quia materia infinita non est disposita ad receptionem formæ, nec habet causam effectivam, quia in magnitudine infinita oportet esse virtutem infinitam, ut dicitur 8. huius. Sed ego putarem dicendum, quod de principio duobus modis loqui possumus. Primo simpliciter, & hoc principium non video negatum ab Arist. Secundo in genere tali, in quo dicitur infinitum, v.g. in genere quanti, non habet principium, nec in genere multitudinis, & hoc verum est, quia si est infinitum in illo genere, in eo non potest esse infinitum tale, finitum autem esset, si haberet principium, & per hoc patet ad argumentum.

Secundo dubitatur circa id quod dici-

tur in textu 32. quod in æternis non differunt esse, & posse. Nam contra arguitur. Materia est æterna, & potest esse sub forma ignis, & aquæ, sed non simul, quia contraria non possunt simul esse in eodem.

Ad hoc aliqui dicunt, propositionem solum verificari in Deo, in quo sunt idē, esse, & potentia, non autem in creaturis, in quibus distinguuntur. Sed hæc glossa, & si sit vera, non tamen non est ad mentem Arist. qui in illo loco nullam mentionem fecit de Deo. Ideo dicendum est cum S.D. quod posse duplex est, idest potentia actus, & passus, unde sensus propositionis est, quod in æternis non differunt esse, & posse idest potentia ad esse, quia in eis semper est coniuncta actui, ideo non est sermo de potentia actus, seu de voluntate agente, quæ distinguitur realiter ab essentia, secundum ea quæ tradit S. D. p. qualt. 54.

## L E C T I O X.

## Q V Æ S T I O X I.

*Utrum possit dari infinitum in actu.*

**V**idetur quod sic primo. Nam scientiæ Mathematicæ non supponunt falsum. Sed Mathematicæ scientiæ supponunt infinitum in suis demonstrationibus. Ergo potest dari infinitum.

Secundo. Infinitas non est contra rationem magnitudinis, cum sit divisibilis in infinitum. Ergo potest dari.

Tertio. Motus, & tempus sunt infiniti, per Arist. 8. Physicorum. Ergo, & magnitudo supra, & circa quam sunt.

Quarto. Quidquid Deus intelligit, potest facere, quia non est minus potens in faciendo, quam in intelligendo, sed Deus intelligit infinitum, ut tenent omnes Theologi. Ergo.

Quinto. Infinitum in potentia secundum appositionem si esset, daretur infinitum in actu, per Philosophum hic. Sed infinitum in potentia, per appositionem dabile videtur per D. Tho. dicentem, quod cuilibet quantitati finitæ potest fieri additio. Ergo.

Sexto. Potest Deus facere longitudinem infinitam. Ergo, & corpus infinitum.

Con.

Consequentia nota. Antecedens probatur. Quia in corpore lato per decem palmos, & in longum per decem sunt infinitæ partes, à Deo separabiles.

Septimo. Rarefact corpus pedale, & quolibet instanti vnius horæ acquirit novum genus pedale, cum tunc instantia sint infinita, & corpus factum erit infinitum.

Octavo. Passio non repugnat suo subiecto. Sed infinitas est passio quantitatis. Ergo ei convenire potest.

Nono. Potest Deus quacunq. specie dare aliam perfectiorem facere in infinitum, & eam conservare in esse, cum non sit maior Dei potentia ad creandum, quàm ad conservandum. At sic daretur infinitas in actu, data æternitate mundi. Ergo infinitum in actu dari potest.

*Infini-  
tum quod sit* Pro dilucidatione præsentis questionis. Primo ponemus aliqua fundamenta. Secundo conclusiones. Tertio annotationes circa ipsas, & tamen solutiones argumentorum. Primo ergo notandum venit, nos hic querere, an possit dari infinitum, vel naturaliter, vel saltem per absolutam Dei potentiam, secundum tamen ea quæ de ea philosophari possumus. In hac autem questione agemus de infinito tantum quantitativo, quod sic diffinitur. Infinitum id dicitur, in quo semper est accipere aliquid extra talem quantitatem, non quod accepta quantitate in finita adhuc extra eam sit accipere aliam quantitatem, sic enim non esset infinita, sed sic, quod accepta quantitate finita, adhuc ultra illam sit accipere aliam quantitatem, & ultra, aliam, & aliam, & sic in infinitum. Explicatius tamen sic possumus diffinire infinitum. Infinitum est, quod continet infinitas partes æquales vñ certæ, non communicantes inter se, simulque existentes. Diximus infinitas partes æquales, quia quævis in qualibet finita magnitudine sint infinitæ partes, non tamen sunt æquales. Diximus vñ certæ, quia dato quod proportionaliter sint plures partes in magnitudine, non tamen tunc æquales vñ certæ. Diximus non communicantes inter se, quia cubitus habet infinitas partes æquales vñ certæ, sed communicant inter se. Quarto diximus, simul existentes, ad excludendum tempus, & motum, quia si essent ab æterno, non tamen habe-

rent omnes partes simul. Sermo ergo erit de infinito quantitativo, & non secundum essentiam, & perfectionem, ex proprijs essentiz.

Secundo ergo notandum est, quod corpus bifariam speculari potest. Primo Physice, idest prout secundum suam naturam, vendicat sibi determinata principia, & accidentia, & passionem, eo modo quo diximus in primo Physicorum determinari ad maximum, & ad minimum. Secundo potest considerari Mathematicè, idest secundum quantitatem, non ut res est, sed ut considerabilis est à Mathematico, idest ut abstracta secundum rationem, & sic secundum imaginationem mathematicam quantum est divisibile in infinitum, unde Mathematicus supponit quantitatem infinitam, non vero naturalem, & in hoc sensu scilicet physice, & naturaliter negamus infinitum, & secundum vnam dimensionem, v.g. longitudinem, & secundum omnes dimensiones, v.g. secundum longitudinem, latitudinem, & profunditatem, si enim repugnat vni, repugnat & alteri. Secundo loco principali conclusio est contra Anaxagoram, Anaximandrum, Xenophanem Colophonium, Seleucum, & contra omnes eos contra quos disputat Aristot. hic à textu 40. vsque ad 76. & primo de celo textu 33. vsque ad 76. Impossibile est dari corpus naturale infinitum. Probatum rationibus elicitur Arist. Primo. Nam hoc corpus infinitum, vel esset compositum, vel simplex. Si compositum. Ergo ex infinitis partibus, quod est impossibile, quia infinitum non habet terminum. Si simplex, vel etiam compositum non posset moveri, quia omnem locum occupabit, motus autem est de loco ad locum.

Secundo. Ad quamlibet formam determinatam sequitur determinata quantitas, cum determinatis accidentibus. Sed omnes formæ naturales sunt determinatæ. Ergo habent determinatam quantitatem, nam quantitas est accidens consequens corpus naturale.

Tertio. Si daretur corpus actu infinitum tolleretur motus. Sed hoc est inconueniens, cum corpus naturale habeat in se principium motus, & quietis. Ergo, &c. Assumptum probatur. Non enim posset moveri motu recto, quia tale mobile mouetur

netur ad locum ad extra, modo extra infinitum nihil est. Nō moueretur motu circulari, quia lineæ egredientes à centro cum distarent in infinitum, non posset una peruenire ad locum alterius, & quia ut licet videre apud Euclidem lib. 3. prop. 16. Quæ longius distant à centro, longius distant, & intra se.

Quarto. Vel hoc infinitum fieret extra cælum, vel sub cælo. Non primum, quia ibi nihil est, natura autem ex nihilo nihil facit. Non secundum quia hoc spatium est finitum, in spacio autem finito non potest concludi infinitas corporum.

Quinto implicat quod idem corpus sit mobile, & immobilitate, sed infinitum ut corpus naturale esset mobile, & ut infinitum immobilitate. Ergo non potest dari.

Circa secundam rationem notandum est, quod maior potest dupliciter intelligi. Primo quod ad determinatam formam consequantur determinata accidentia secundum genus, vel speciem, ut quod rationem corporis sequantur lux, color, figura, &c. Secundo, quod non solum consequantur eam determinatam accidentia secundum genus, vel speciem, verum etiam secundum gradum intensiōis, vel extensionis. Primo modo, vera est, sed non inuenta, quia sic posset dari infinitum secundum speciem, quod non esset infinitum; secundum essentiam, vadē intelligitur secundo modo, sed & hoc dupliciter. Primo ut sit sensus, quod determinatam formam consequuntur determinata accidentia secundum genus, speciem & gradum in omnibus partibus, & hoc non intelligimus. Secundo in omnibus partibus seorsum, & per se Physice existere valentibus, ut determinantur ad maximum, & ad minimum, & hoc est quod intendimus.

Secunda conclusio est. In quantitate continua, actualiter existente, non est dabile infinitum in actu secundum appositionem, ita ut per appositionem, naturaliter possit transcendere quæcumque determinata quantitas. Sed antequam conclusio probetur quædam notanda sunt.

Primo igitur notandi sunt tres termini positi in conclusione. Primus est ly per appositionem, per hanc enim intelligimus additionem quantitatis ad quantitatem, ut si quantitati unius cubiti adderentur alie quantitates cubitales, in infinitum.

Secundus terminus, est ly naturaliter, quia forsitan per absolutam Dei potentiam fieri potest, quod quæcumque quantitate data, Deus posset maiorem producere in infinitum, saltem sine categorematice. Tertius est ly ita, ut excedatur quæcumque determinata quantitas, quia partes proportionales addi possunt quantitati, non tamen ita, ut quæcumque determinata quantitas excedatur.

Secundo notandum venit, non esse inconueniens in diuisione ad infinitum ire, in appositione vero utiq; quia ire ad diuisionem, est ire ad materiam, materia autem de se est quoddam indeterminatum, & infinitum. Ire autem ad appositionem est ire ad formam, cum autem de ratione formæ sit continere, limitare, & coardare, ideo per eam non itur ad infinitum. Sed & additur, quod in diuisione continui potentia semper admiscetur actui, quia diuisa quantitate in duas partes, adhuc diuisibilis est, sed in appositione ad tantam quantitatem deuenitur, quod ulterius non potest extendi; & hoc in actu, & seruato ordine vniuersi, non enim potest infinitum dari, ut vniuersum excedat, in rebus materialibus, de quibus locutus est Aristoteles.

Tertio sciendum est, quod duplex est numerus. Primus dicitur numerus numericus simplex, & formalis, & hic habet rationem formæ, & ideo non potest esse infinitus, quia per numerum denarium omnia numerantur. Secundus dicitur numerus numeratus, ut decem homines, viginti leones, & in hoc numero itur ad materiam, & ideo potest tendere in infinitum, quia per eum non proceditur ad vnum simpliciter, sed ad vnum per aggregationem, & quia diuidendo numerum formalem eum diuidimus in partes indiuisibiles, at diuidendo continuum diuidimus illud in partes semper diuisibiles, ideo in continuo, & aggregato potest esse processus in infinitum, sed non in numero formali, mensurante omnes species multitudinis per vnum.

Sed quarto notandum est, quod aliud est dicere non posse dari infinitum categorematice, id est in actu terminato, & completo, & aliud quod non possit dari in infinitum in actu sine categorematice, id est in actu permixto potentie, quia ei potest semper



semper fieri additio. Primum igitur infinitum negamus, etiam in rebus immaterialibus, modo dicendo infra. Secundum autem concedimus, data æternitate mundi, & inspecta absoluta Dei potentia, non enim ei repugnat, quod sit successiue, & in potentia cui potest fieri additio, ex ea parte, ex qua ei potest fieri, si ei fiat. Ex his igitur probata est conclusio, scilicet quod si daretur infinitum secundum appositionem, daretur infinitum in actu, si illa potentia posset reduci ad actum.

Ad primum dicendum, quod scientiæ Mathematicæ non dicunt fallum suo modo, idest secundum imaginationem, seu rationem, secundum quam supponit posse dari infinitum, non vero secundum rem. Secundum dicitur, quod Mathematicus supponit infinitum non actu, vt loquimur, sed in potentia, vt explicatum fuit.

Ad secundum dicendum, quod magnitudo duobus modis considerari potest. Primo in communi, vt est magnitudo, & sic non est contra eius rationem quod possit diuidi in infinitum. Secundo vt est determinata ad talem speciem, verbi gratia quatenus est bicubita, vel tricubita, & sic est contra eius rationem.

Ad tertium dicendum, quod motus, & tempus dicunt infinitum in potentia, & in successione, modo non negamus infinitum successivum data æternitate mundi, sed solum tollimus infinitum, simul, & in actu.

Ad quartum dicemus in fine questionis.

Ad quintum dicendum primo, quod D. Th. loquitur Mathematicæ, Phil. vero naturaliter, & in reali. Secundo respondet Ferrariensis, S. D. loqui de potentia Dei absoluta, qua non implicat dari infinitum in appositione in actu. Sed tutius putarem dicendum quod Deus possit facere infinitum in actu secundum appositionem stat dupliciter. Primo cum actu permixto potentia, ita ut quacumque magnitudine, & multitudine data, possit Deus his addere, & hoc videtur verum, quia sic diuina potentia non limitatur. Secundo in sensu composito, idest simul, & in actu, & hoc implicat, quia non potest esse infinitum secundum appositionem, & sit terminatum in actu, & sit infinitum simul.

Ad sextum dicimus implicare omnes illas partes proportionales, & infinitas se-

parari seorsum, ita ut existant in actu, quia de ratione infiniti est quod indeterminabile sit, & per hoc patet ad septimum.

Ad octauum aliqui dicunt infinitum non in actu, sed in potentia esse passionem quantitatis. Alij quod propositio Phil. est conditionalis, idest si datur infinitum, erit in quantitate, & non in substantia vel qualitate, &c. Conditionalis autem nihil ponit in esse. Sed tertio est dicendum, quod quantitas dupliciter considerari potest. Primo Mathematicæ, vt sic, & ita non repugnat ei infinitas. Secundo Physicæ, & vt determinata est ad maximum, & minimum secundum rem, & in actu, & ita repugnat ei infinitas in actu. Vel dicendum quarto, quod si est passio quantitatis, est passio negatiua, vt sit sensus. Finitum, & infinitum conueniunt quantitati, sed diuersimode, nam finitum ei conuenit positue, & secundum rem, infinitum vero negatiue secundum rem, & solum positue secundum imaginationem.

Ad nonum respondendo duo inuenio, quæ faciunt difficultatem.

*Quicumque specie data, potest Deus aliam creare perfectiorem.*

**P**rimum, an qualibet specie data possit Deus aliam creare perfectiorem in infinitum. Nam negatiuam partem tenuit Scotus, in 3. d. 13. q. 1. Durandus 1. dist. 44. q. 2. & Aureolus apud Capreolum d. 43. q. ult. art. 12. quæ sic probabant.

Primo. In creaturis datur infinitum in imo, idest materia prima. Ergo, & in summo, idest datur ita perfecta creatura, quod ea perfectior non possit creari. Nam non est maior ratio quod descendendo veniamus ad infimum, quam quod ascendendo, non veniamus ad summum. Confirmatur autoritate D. Aug. 12. Confessionum c. 7. vbi dicit. Duo fecisti Domine, alterum prope te, idest naturam angelicam, alterum prope nihil, idest materiam primam, vnum supremum, & aliud infimum.

Secundo. Vniuersitas specierum semper debet distare a Deo in infinitum. Ergo non poterit dari vna species quæ tandem sit infinita.

Tertio. Creatura procedunt a Deo, vt procedit numerus ab unitate, per D. Dionysium cap. 5. de diuinis nominibus. Sed inter



inter numerum binarium, & vnitate non potest cadere alius numerus. Ergo etiam dabitur aliqua creatura, inter quam, & Deum nulla alia poterit mediare.

Quarto. Non potest Deus seruata natura hominis alium essentialiter perfectiorem facere, nec numerum quaternarium eo seruato augere, nec duas species æqualis, perfectionis constituere. Ergo nec vnā speciem aliam perfectiorem in infinitum producere.

Quinto. Pulchritudo vniuersi augeri non potest, per D. Aug. in Enchirid. c. 10. Greg. Nazianzenum, & alios Patres. At hæc constat ex speciebus, & generibus. Ergo &c.

Sed in contrarium stat S. D. p. q. 25. art. 6. & 2. contra Gentiles cap. 26. D. Bonaventura 1. d. 44. q. 1. Capreolus 1. d. 43. q. ult. artic. 2. Soncinas 12. Methaphyl. q. 5. Aegidius quodlib. 3. q. 5. & alij plures, vno consensu affirmantes posse Deum quacūque specie data, aliam semper facere perfectiorem in infinitum. Prob.

Primo. Infinitum in potentia Deo non repugnat, per omnes Doctores, nec naturæ, per Aristot. Sed tale est infinitum ad perfectiorem semper speciem, vt patet. Ergo non repugnat dari.

Secundo. Diuina potentia exhaustiri non potest. At si nō posset data vna creatura perfecta aliam perfectiorem facere exhausta esset, & finita diuina potentia. Ergo &c.

Tertio. Diuina essentia est infinita, & infinite imitabilis. Ergo per successiuam productionem infinitarum specierum.

Quarto. Quia opinio Abailardi, & Vuitgleff dannata fuit ab Ecclesia in Concilio Constant. quod Deus non possit facere alia entia præter ea quæ fecit, vel futurus est. Quare dicendum venit, quod quacūque specie data, potest Deus perfectiorem facere.

Ad primum ergo aduersariorum dicitur, quod Deus posset ens imperfectius potentia creare quam sit materia prima, creando puram potentiam aptitudinalem tantum, ad actum accidentalem. Secundo dicitur disparem esse rationem, quia descendendo procedimus ad imperfectiorem, ascendendo vero procedimus, ad perfectiorem, imitabilem in infinitum, quæ est Dei perfectio. Ad confirmationem dici-

tur, quod probat id quod factum est, non quod fieri potest à Deo.

Ad secundum dicitur, quod nulla erit species inter eas quæ syncategorematice in infinitum sunt creabiles, quæ non distabit à Deo in infinitum, quia semper erit in genere creatorum. Neque in hac serie infinita specierum videbitur Deus aliquam speciem infinitam, quia cuiuslibet illarum potest fieri additio.

Ad tertium dicimus, quod in hoc stat similitudo, inter vnitatem, & numerum, quod omnes numeri radicaliter sunt in vnitatem, & in infinitum augeri possunt, ita pariter omnes species creaturarum sunt in Deo, vt in primo fonte, & in infinitum multiplicari possunt syncategorematice, & ideo argumentum pro nobis est.

Ad quartum dicimus, quod aliud est agere de specie producta, & aliud de producenda, nam producta nō potest saluari immota, & moueri, creabilis vtique quia ad id est in potentia.

Ad quintum respondet Caietanus, p. p. q. 50. art. 1. Vniuersum creatum esse perfectum quoad vniuersales gradus essendi, qui sunt corporale, & spirituale, corruptibile, & incorruptibile, intellectuale, & non, & similes generales, sed non quo ad species sub his gradibus.

Secundum quod facit difficultatem est, an conseruatis illis speciebus in esse daretur infinitum. Cui dicimus non quia esset cōiunctum finito, cum ei possit fieri additio.

Ad quartum principale primo dicimus generaliter maiorem esse falsam absolute, quia multa Deus intelligit quæ facere non potest, uam intelligit contradictoria, & tamen non potest facere quod simul sint vera. Secundo dicitur, quod maior sic glossatur, quidquid Deus intelligit possibile esse, id potest facere, modo non intelligit infinitum esse factibile.

#### Quomodo Deus cognoscat infinita.

AD maiorem autem supradictorum cognitionem, quædam sunt notanda, & quædam sub dubio ponenda. Primo ergo notandum est, quod duplex est scientia in Deo. Prima dicitur simplicis intelligentiæ, & hæc se extendit ad omnia, quæ Deus potest facere, sed nō facit.

Secunda dicitur visionis, & hac intuetur ea quæ de factō futura sunt in aliqua differentia tēporis. Primam possumus vocare naturalem Dei scientiam, & potius speculatiuam quam practicam, quia solum dicit cognitionem. Secunda vero potest dici practica, quia habet adiunctā voluntatem, & est sicut scientia artificis, quæ est causa rerum, sed conuenientius cum S. D. p. q. 1. art. 6. dicemus eam esse altiorē practica, & speculatiua, vt eo loci ostendimus. Loquendo ergo de cognitione Dei simpliciter intelligentiæ, affirmamus cōtra illos Philosophos de quibus dixit D. Aug. sec. 12. de Ciuitate Dei, cap. 18. Deum cognoscere infinita. Primo, quia cognoscit essentiam suam infinitam, infinita repræsentantem, & infinite imitabilem. Secundo, quia cum Deus habeat potentiam infinitam, & nulla re creata limitabilem, potest creare infinita. Si vero loquamur de scientia visionis.

Secundo dicendum venit, quod cognoscere infinitum scientia visionis ita dupliciter. Primo in actu, ita vt cognoscatur infinita categorematice, & per modum infiniti. Secundo in potentia permixta actui, scilicet categorematice, quia dato quocunque numero rerum adhuc cognoscit Deus ei alium numerum esse addendum, vt patet in cogitationibus hominum, & angelorum, quod est cognoscere infinitum per modum finiri. Quod ergo Deus secundo modo infinita cognouerit ab omnibus cōceditur, vnde in primo modo, est difficultas. Nam Durandus in 1. d. 3. q. 2. Almain in 3. dist. 14. q. 1. & nonnulli moderni tenent, Deum non cognoscere infinita extra se actu, sed bene in potentia, semper actui permixta.

Hoc probant. Primo. Deus eo modo cognoscit alia infinita quo cognoscit infinitas partes in continuo. Sed hæc non sunt cognoscibiles nisi vt per diuisionē successiue possunt esse infinitæ. Ergo. Secundo. Eo modo res Deus cognoscit quo futuræ sunt. Sed non sunt futuræ nisi cum potentia permixta actui, idest successiue. Ergo &c. Tercio. Quia, satis est ad ostendendam Dei potentiam dicere eum cognoscere infinita hoc modo, quod quibuscumque datis, adhuc cognoscit plura posse dari. Quarto. Quia S. D. primo contra gentes c. 69. & 3. p. q. 10. affirma-

uit Deum intuitiua cognitione non intelligere infinita.

In oppositum stat S. D. expresse p. p. q. 14. art. 12. & 13. & idest contra Gentes cap. 69. cum Ferrariensi S. Bonauentura 1. dist. 39. q. 1. artic. 3. & Capreolus in 3. dist. 14. q. 2. art. 1. Et prob. primo. Quia quæcumque futura sunt in tempore, Deo sunt præsentia in æternitate. At in tempore sunt futuræ infinitæ cogitationes, & volitiones angelorum, & animarum nostrarum. Ergo. Secundo. Deus habet apud se distinctas ideas omnium rerum creabilium, specie distinctarum, cum in essentia infinita non detur vltima idea. At hæc ideæ continentur in essentia diuina in actu, & non in potentia, cum nulla potest detur in essentia diuina, ergo &c.

Ad primū ergo dicitur, quod aliud est dicere partes continui nō esse diuisibiles nisi in potentia, & successiue, & aliud quod non possint simul cognosci. Primum est verum, sed secundum falsum apud Deū. Sed & respondet Ruuius hic, q. 2. de infinito, disparem esse rationem de continuo, & cogitationibus, nam continuum non habet actum diuisionis infinitæ, cogitationes vero vtrique, & extra causas suas, & ideo continuum non potest cognosci in actu quem non habebit, cogitationes vero. maxime.

Ad secundum dicimus ad maiore, quod dupliciter potest intelligi. Primo, quod Deus cognoscat futura prout in se erunt, ab eis accipiēdo cognitionem, & modum cognitionis. Secundo, quod dicat cognitum negando modum cognitionis, vt sit sensus. Deus cognoscit infinitas cogitationes, in tempore futuras, sed nō successiue, vt fiunt, sed simul, & vt ab eius essentia representantur. Ad tertium dicimus, illud non sufficere, quia cognitio rei in actu, præstat cognitioni in potentia. Ad quartum respondet Capreolus, in 2. dist. 14. q. 2. art. 1. Caietanus 3. p. q. 10. art. 3. & Ferrariensis primo contra Gentes, c. 69. quod infinitum in actu duplex esse potest. Primum in subsistentibus, vt in animabus nostris immortalibus. Secundum in non-subsistentibus, vt in cogitationibus, & volitionibus; primum negauit S. D. primo contra gentes, secundum vero admisit, locis vt supra.

## QVÆSTIO XII.

*An intellectus creatus saltem angelicus  
possit cognoscere infinitum.*

**C**irca hanc quæstionem multæ sunt opiniones. Prima fuit illorum Hæreticorum, qui dixerunt, nos posse in via cognoscere infinitum, etiam secundum perfectionem idest Deum secundum suam essentiam, & hoc naturæ tantum viribus, quod si non fit, accidit, quia non separamus mentes nostras à terrenis, intellectum nostrum offuscantibus. Sed hic error damnatus est in Concilio Vienensi, in Clem. Ad nostrum, de Hæreticis. Repugnat enim sacris literis, constituentibus visionem Dei non in viribus naturæ, sed in diuina gratia, & misericordia, & contra hunc errorem scripsit S.D. p.p.q. 12. art. 4. & 3. contra gentes cap. 52. & Scotus in 4.d.49. q. 11.

Secunda opinio fuit, Infinitum secundum magnitudinem, & multitudinem posse cognosci ab Angelo naturæ viribus. Quod docuit Cap. in 2.d.3.q.2.art. 3. & Sorcinas 12. Meth.q.62. & hoc probant. Inter mouentem, & mobile debet esse proportio in motu. per Arist. 12. Meth.tex.44. Sed Angelus mouet cælum ad producenda infinita, saltem indiuidua, data æternitate mundi. Ergo Angelus mouens cælum poterit hæc infinita cognoscere. Secundo. Angelus cognoscit id omne, quod per vnā speciem intelligibilem representatur. Sed species numeri representat Angelo omnes numeros, qui sunt infiniti. Ergo cognoscit infinitum. Tertio. Intellectus humanus non potest infinita intelligere, quia intelligit per conuersionem ad diuersa phantasmata, in quorum inspectione defatigatur. Sed hæc ratio cessat in Angelo, vt patet. Ergo. Quarto. Intellectus præcipue in dependens à sensu, quanto magis intelligit maius intelligibile, tanto magis confortatur. Ergo dato quocunq. magno intelligibili, Angelus qui non dependet à corpore, poterit maius intelligere in infinitum &c.

In contrarium stat S.D.p.p.q.86.art.2, & primo contra gentes cap.70. Item Scotus in 4.d.1.q.1. Aegid. 1.q.39. Caiet.p.p.

q.56.art.2. Ferras. contra gentes cap. 101. & inter antiquos D. Aug.4. in Gen. cap.35. & 15. de Trin. cap.24. & Arist.p. Phy. text.35. & 65. & secundo Meth.tex. 11. vbi docet infinitum, in quantum infinitum esse ignotum.

Et prob. primo. Inter potentiam cognoscentem, & cognitum debet esse proportio. At inter intellectum Angelicum, & infinitum non est proportio. Ergo intellectus Angelicus non poterit cognoscere infinitum. Maior est Arist.3.de anima. Minor probatur. Quia inter finitum, & infinitum non est proportio. Secundo. Potentia actiua finita habet certum terminum à natura præfixum per Arist. primo de cælo text. 116. Ergo terminus potentie finitæ non erit nisi finitum, aliter potentia non esset finita, sed infinita.

Ad primum ergo aduersariorum dicitur, quod species Angelorum sunt tantum actuales similitudines singularium, dum sunt in actu, quia tunc terminantur ad rem existentem, vnde ante quam res sit, species non est nisi ratio cognoscendi rem dum erit, & quia data æternitate mundi infinita indiuidua non essent infinita in actu simpliciter, ideo Angelus per illam speciem non potest intelligere infinita simpliciter in actu.

Ad secundum respondent Caiet. & Ferras. vt supra, quod Angeli non intelligunt quidquid per vnā speciem representatur, quia species non representat actualiter, nisi quæ actu sunt, hæc autem non sunt infinita.

Ad tertium dicimus non solum eam esse rationem, sed plures alias, superius adductas.

Ad quartum dicimus, quod valet de maximo intelligibili proportionato, infinitum autem non est tale, cum sit intellectui finito improporcionatum. Etset alia difficultas scilicet an per absolutam Dei potentiam intellectus creatus saltem beatus possit videre infinita indiuidua essentia, sed quoniam hæc difficultas

Theologica est, ideo vique

ad primam partem D.

Thom.q.12. eam

reseruo.

## LECTIONES

## QVÆSTIO XIII.

*Verum possit dari multitudo actu infinita, saltem per diuinam potentiam.*

**V**idetur quod sic. Primo. Nam omne quod est in potentia potest reduci ad actum, sed numerus, est infinitum multiplicabilis in potentia. Ergo potest reduci ad actum.

Secundo. Cuiuslibet speciei potest esse vnum indiuiduum. Sed species figuræ sunt infinitæ, secundum multitudinem. Ergo hoc infinitum potest dari.

Tertio quæ non se impediunt, fieri possunt. Sed data quacunque multitudine adhuc maior potest superaddi. Ergo &c.

Quarto. De niente Aristot. mundus est æternus, & anima immortalis. Ergo infinitæ animæ præcesserunt, & sic datur infinitum secundum multitudinem.

Quinto. Deus in quolibet instanti vnius horæ potest producere vnum hominem, vel vnum lapidem, & hæc conseruare in esse. Sed in vna hora sunt infinita instantia. Ergo potest creare infinitam multitudinem in actu.

Sexto. Potest Deus infinitas partes magnitudinis separare. Sed in magnitudine sunt infinitæ partes. Ergo &c.

Sexto. Quidquid Deus successiue facit, simul efficere potest, quia Diuina potentia non est determinata ad hoc, vel ad illud. Sed potest infinita successiue producere, vt omnes concedunt. Ergo etiam simul.

Octauo. Ponatur ignis in medio mundi, tunc non est maior ratio, quod ex vna parte ascendat quam ex alia. Ergo diuidetur in infinitas partes, ad hoc vt quodlibet punctum sursum ascendat.

Nono. Sit vas plenum aqua calida, frigida fiat, & consequenter inspissetur, tunc nequeum detur, vas rumpetur, & cum non sit maior ratio quod in vna parte rumpatur, quam in alia, in infinitas partes necesse erit ipsum rumpi.

Decimo. Idem decimus de filo rupto ex vi orientis a duobus trahentibus.

Vndecimo. Ignis inferni posset cruciare infinitas animas, si infinitæ essent.

Ergo à fortiori poterit Deus producere multitudinem infinitam.

Duodecimo. Materia est in potentia ad infinitas formas. Ergo possunt dari infinitæ formæ, nam frustra est illa potentia, quæ non reducit ad actum.

Decimotertio. Infinita potentia potest producere infinitum effectum; Potentia diuina est infinita. Ergo potest producere infinitum, vt effectum suum.

Decimoquarto. Non minoris potentia est diuina voluntas, quam sit diuinus intellectus. Sed diuinus intellectus intelligit infinita. Ergo & diuina voluntas potest ea facere.

Decimoquinto. Idea magnitudinis in Deo est infinita, non enim est limitata, & coarctata, aliter non potest facere maiorem, & maiorem magnitudinem, semper in infinitum. Sed Deus potest de facto producere omne id cuius apud eum est idea. Ergo, &c.

Decimosexto. Maior est virtus Dei, quam quorumcunque ignium. Sed si darentur infiniti ignes possent infinita combustibilia cumburere. Ergo, & Deus producere infinitum.

Decimoseptimo. Si Deus ageret de necessitate naturæ, ageret secundum totum suum posse. Sed ipse est infinitus. Ergo produceret infinita. Sed diuina libertas, nihil admittit à virtute diuina. Ergo potest dari infinitum.

Decimooctauo. In continuo sunt infinitæ partes proportionales, modo has diuidat Deus, & in esse conseruet, non enim minoris virtutis est ad conseruandum, quam ad diuidendum. Ergo poterunt dari infinitæ partes seorsû, & in actu.

Decimonono. Si non posset dari multitudo actu infinita, foret propter rationem adductam à D. Th. p. q. 7. art. 4. quia scilicet omnis multitudo est in aliqua specie numeri, nulla autem species numeri est infinita, quia sit per vnum. Sed hæc ratio peccat, quia multitudo est quid communius quam numerus, & consequenter debet habere plures species, vnde potest quis dicere, quod species multitudinis finitæ, sunt secundum species numeri, non autem species multitudinis absolute, quare Aristot. quinto Meth. c. de quanto dixit, pluralitatem finitæ esse numerum, quasi infinitam excipiat.

Vigili-

Vigesimo. Nec valet altera ratio S. D. quod omne creatum sub aliqua certa intentione creantis comprehendatur. Nam vel hæc certa intentio creantis erit certitudo finis, aut medij per quod finis acquiritur. Non primum, quia, vel intelligitur quod creatum sit finis certus, aut quod creatum habeat certum finem. Nā primum, quia creatū non est finis creantis. Non secundum, quia & si verum sit diuinam bonitatem participatam esse finem creantis, tamen non sequitur ex hoc quod res fiant sub certo numero. Si est certitudo medij per quod acquiritur finis propositio est falsa, & nihil probat. Et falsa, quia hoc medium potest intendi, non ut medium ad acquirendum finem, sed ut concomitans, vel ut proveniens ex certo medio, per quod acquiritur finis, ut patet ex Auerr. 12. Meth. com. 37. ubi vult intelligentias mouere cœlos, ut Deo assimilentur in faciendo entia, & propterea apud Auicennam sequuntur infinitæ circulationes. Secundo arguitur contra eandem rationem, quia videtur committere sophisma à sensu diuiso, ad compositum, scilicet à quolibet creato, ad multa. Nam vnum creatum est terminus, & finis vnius intentionis. Sed multa creata sunt fines multarum intentionum, & creationum, & consequenter poterunt dari infinita creata, sicut possunt dari infinitæ intentiones. Tertio. Quia non valet in creatis per accidens, quia multitudo infinita per accidens, non est intenta nisi per accidens idest propter aliud, ut anima, creatur propter corpus, dato igitur quod essent creata infinita corpora, necessario essent creatæ infinitæ animæ, & sic si remanissent, fuissent per accidens.

Pro resolutione huius questionis. Primo iacimus aliqua fundamenta. Secundo ponemus duas conclusiones, & probabimus. Tertio diluemus argumenta.

Quo ad primum sciendum est primo, quod hanc questionem disputamus non solum de facto scilicet an datur multitudo actū infinita, sed etiam de possibili scilicet an per absolutam saltem Dei potentiam possit dari. Circa igitur hanc difficultatem dux sunt sententiæ. Prima est affirmatiua idest quod possit dari. Hanc amplectantur Greg. in primo dist. 42. q. 4. Ocham quod 2. q. 5. & in secundo q. 8.

Maiores in 3. d. p. & alij plures. Secunda est negatiua scilicet quod non possit dari, & hanc defendit S. D. p. q. 7. & quod 9. art. 1. & quod 11. art. 2. Diuus Bonauentura 1. d. 43. q. 3. Scotus in secundo d. 1. q. 3. Ricardus q. 5. & 6. Cap. in primo d. 43. q. 1. Ferrarius primo contra gentes cap. 8. Scotus, & Ferrarius hic cum Ruuio, & Conimbr.

Secundo ergo sciendum, quod duplex est multitudo. Prima dicitur materialis, idest rerum materialium, & hæc causatur ex diuisione continui, & est de genere quantitatis. Secunda dicitur formalis, & transcendentalis, quæ in rebus spiritualibus reperitur, quia multitudine, & numero numerantur Angeli, & essentiz. Modo hic disputamus an possit dari multitudo primo, vel secundo modo infinita, in actu. Tertio notandum, quod Deus possit producere infinitam multitudinem stat dupliciter. Primo in sensu diuiso, siue sine categorematicæ, vel dicamus successive in actu permixto potentiz, ita ut non detur vltimum productum. Secundo in sensu composito, simul in actu, & cum permanentia, ita ut in infinitis instantibus infinitos Angelos produxerit, & eos in esse conseruauerit. Primo modo non est inconueniens, nec impossibile, quia quæ ratione vnum Angelum, vnum animal, lapidem, vel quid simile, in vno instanti potest producere, eadem ratione potest hoc in alio, & alio instanti. Secundo tamen modo est impossibile, quia cum in determinato tempore verbi gratia in vna hora sint infinita instantia in potentia, implicat quod idem sit simul in actu, & in potentia.

Quo ad secundum prima conclusio est. *Cōclusio*  
Impossibile est dari multitudinem actū infinitam, in rebus naturalibus prob. primo. Numerus rerum naturalium ex diuisione continui causatur. Sed impossibile est omnes partes continui simul existerent in actu, & esse diuisibiles successive in infinitum. Ergo.

Secundo. Id de cuius ratione intrinseca, & formalis, est esse actu cum permixtione potentiz, non potest secundū totum, esse simul. Sed de intrinseca, & formalis ratione infiniti est dicere actu idest diuisum, cum potentia ad vltiorem diuisionem. Igitur impossibile est, quod deret multitudo existens in actu in rebus naturalibus.

Secunda

Multitudo  
secundo du  
plex.

nes pro  
batur.

Opinio  
nes.

Secunda conclusio est. Secundum veritatem in rebus immaterialibus non potest dari infinitum; prob. primo. Omnis multitudo sit materialium, vel immaterialium est in aliqua specie. Sed quod est in specie non potest esse infinitum, quia omnis multitudo specifica pro principio habet vnum, in infinito autem non datur vnum primum. Ergo &c.

Secundo. Repugnat dari corpus sine forma, per Arist. in predicamento qualitatis. Sed corpus infinitum nullam potest habere figuram. Ergo prob. minor, quia figura resultat ex terminis, & extremis quantitatis, & corpus infinitum caret terminis, & extremis.

Confirmatur in multitudinem materialium. Quia non dantur corpora infinita numerata, nec separata.

Confirmatur in rebus spiritualibus, & primo in animabus. Nam animæ sunt formæ corporum. Sed corpora non possunt esse infinita. Ergo nec animæ.

Confirmatur secundo in Angelis. Nā creatum oportet esse sub certa intentione creantis, non sic infinitum, quia non habet certum terminum.

Confirmatur in infinito secundum entitatem, quia si daretur in his quæ sunt inferioris ordinis, posset etiam dari in his quæ sunt diuini ordinis à fortiori. Sed non potest dari lumen gloriæ quod est diuini ordinis infinitum, quia faceret cognoscere Deum quantum cognoscibilis est.

Tertio. Producat Deus tot Angelis quot potest. Tunc quæro, aut potest plures alios producere, vel non. Si secundum, exhausta est diuina potentia. Si primum, non erunt infiniti, quia eis potest fieri additio, infinito autem nulla additio fieri potest.

Quarto. Implicat quod totum non sit maius sua parte, sed hoc accideret in infinito, in quo omnes partes sunt infinitæ, nam quaternarius componitur, ex duplici binario, & tamen tunc essent numeri æquales, cumambo essent infiniti.

Quinto. Quod sit sub certa intentione, & sine finitum est necessarium, nam infinitum non seruit ad vsum. Sed impossibile est quod ea quæ facit Deus non faciat sub certa intentione, & sine. Quare dicere, quod sic ostenderet infinitam

suum potentiam impertinens est, quia aptius eam ostendit, non faciendo creaturam æqualem Creatori. Ergo, &c.

Sexto. Creet Deus infinitos Angelos, & singulis det vnum scutum, tunc hæc scuta erunt infinita, cum infiniti ponantur Angeli. Ergo Deus non poterit dare vni illorum Angelorum decem scuta, nam tunc necesse esset à nouem Angelis auferre suum scutum, & tunc sequitur. Primo, quod infinitum in actu finiatur, quia determinate auferretur, & quod si Deus ab omnibus Angelis scuta sua auferret, & in vnum congregaret, & primis daret decem, quod alijs nouissimis non posset dare, quia multa fuerunt ablata, & sic infinitum consumitur, & in infinito damus primum, & vltimum, quod implicat.

Septimo. Sic corpus posset moueri in instanti motu continuo. Probatur, quia si essent infiniti Angeli, & omnes se applicarent ad mouendum lapidem de Oriente in Occidentem, cum virtus illorum sit infinitorum, & aucta in infinitum, moueret in instanti, nam si virtus finita mouet in tempore, infinita mouebit in instanti.

Octauo. Vniuersum non potest esse sine ordine. At omnis ordo reducitur ad vnitatem, & proportionem. Sed in infinito nulla est vnitatis, nullus ordo, & nulla proportio, ad quæ reduceretur infinitum, quia sic finiretur. Ergo non potest dari.

Nono. Si Deus crearet infinitum exhausta esset eius potentia, quia extra ipsum non posset aliud creare. Sed hoc contradicit infinitæ diuinæ potentie.

Ad primum respondetur, quod numerus sit multiplicabilis in infinitum ita dupliciter. Primo in actu, & hoc est falsum. Secundo successiue, & in potentia, & hoc verum est, nec Philosopho contradicit, & ita dicimus ad secundum species figurarum non esse multiplicabiles in infinitum nisi successiue, & in potentia.

Ad tertium dicitur, quod repugnat quod quacumque multitudine data successiue detur alia maior, sed repugnat dari in actu vt supra.

Ad quartum difficilis est responsio, vnde Alexander propter hoc argumentum

Argumenta solvuntur.



tum animam fecit mortalem, Auerroes vnum esse omnium intellectum constituit, & Pythagorici transmigrationem animarum posuerunt. Sed dicendum venit, apud Aristot. forsitan non fuisse inconueniens ponere multitudinem infinitam in rebus immaterialibus. Vel dicendum, quod hæc ratio est particularis, quia forsitan Aristot. concessit mundum æternum quo ad omnes species, vna duntaxat excepta, idest humana, in tempore creata. Vel dicendum, quod non repugnat in infinito secundum quid, idest à parte ante, sed finito à parte post, quod infinitum dicitur infinitum permixtum potentie.

Sed supradicta non transeunt sine magna difficultate. Primo enim arguitur contra hoc quod in rebus immaterialibus de mente Arist. non repugnet infinitum. Nam si de animabus nostris sit sermo, patet, quod data multitudine earum infinita, dabitur etiam infinitum in rebus materialibus, cum quolibet anima sit forma corporis, vnde datis infinitis animabus, oportet etiam dare infinita earum receptacula, idest corpora. Si vero sit sermo de Angelis, qui sunt substantie completæ in specie ostendit primo Aristot. hic, text. 36. vbi expresse concludit etiam in separatâ à materia non dari infinitum. Hæc enim sunt eius verba. (Separatum igitur esse infinitum à sensibilibus impossibile est.) Secundo, quia hæc ratio Aristot. currit contra omne infinitum. Omnis multitudo est numerus, per vnum mensuratus. Sed multitudo per vnum mensurata est finita. Ergo non potest dari Confirmatur. Quia S. D. supradicta ratione motus, in prima parte quaest. 7. Art. 4. excludit infinitum etiam in immaterialibus, quamuis in secundo contra gentes cap. 81. & in Opusculo contra Auerroutas dixerit rationes Arist. non repugnare nisi rebus materialibus, non vero immaterialibus. Tertio accedit, quod infinitum secundum appositionem in potentia non potest dari. Ergo nec multitudo infinita in actu potentie permixta, quia tale infinitum est formale.

Sed ad primum dicitur primo, quod illa ratio est particularis, & tantum excludit generationem æternam hominum. Vel secundo dicendum, Arist. non repu-

gnare infinito in actu potentie permixto, ut esset generatio hominum.

Ad primum contra multitudinem immaterialium completorum in specie dicimus, Aristot. se declarare in textu 39. non loqui de infinito separato in Mathematicis, & intellectualibus, sed tantum de infinito separato à sensibilibus, prout dicebat Pythagoras dari quoddam infinitum de genere quantitatis, ab omni materia sensibili separatum, hæc enim sunt verba Aristot. text. 39. Sed fortassis est vniuersalior quaestio, si contingit in Mathematicis, & in intellectualibus, & in nullam habentibus magnitudinem, infinitum esse Nos autem intendimus de sensibilibus. Sed contra hoc stat expositio S. D. text. 6. huius, vbi dicit Arist. excludere etiam infinitum in rebus intellectualibus, contra Platonem. At responsio patet, Aristot. excludere infinitum intelligibile Mathematicum, non vero in intellectualibus, nam intelligibile Mathematicum non est secundum rem à materia separatum, ut est Angelus.

Ad secundum dicitur, Arist. exclusisse infinitam multitudinem materialium, quæ mensuratur per numerum de genere quantitatis, nos autem loquimur de Angelis mensuratis multitudine formalitè transcendentali. Ad confirmationem dicitur, non esse eandem rationem S. D. & Aristot. quia ratio Arist. procedit de multitudine, quæ est numerus materialium, ratio autem S. D. procedit de numero formalitè. Secundo, quia Aristot. dicit. Omnis numerus est multitudo per vnum mensurata, S. D. vero ait. Omnis numerus est multitudo per vnum facta, numerari autem, & fieri diuersa sunt. Etenim mensurari per vnum, est per vnitatis reduplicationem certificari, fieri vero per vnum, est numerum habere rationem formæ, & ideo variato numero, variatur forma numeri. Ratio ergo Aristot. hæc est. Omnis multitudo materialis in actu existens est in aliqua specie numeri. At infinita multitudo non est in aliqua specie numeri, quia omnis multitudo mensuratur per vnum, infinita autem multitudo non potest per vnum mensurari. Ratio vero S. D. hæc est. Quilibet species multitudinis est finita. At omnis multitudo actu existens est in aliqua specie multi.

multitudinis. Ergo est finita. Minor vt nota relinquatur. Maior probatur, quia quilibet species numeri fit per vnum, species autem numerorum non sunt infinitæ, quia quod per vnum fit, vt vno mensuratum non potest esse infinitum, cum infinitum careat primo, & ultimo, nec fiat, vel terminetur.

Ad aliud dicitur, quod non potest dari infinitum secundum appositionem in rebus materialibus, & stante ordine vniuersi, non absolute, vt modo loquimur.

Ad quintum principale dicitur, quod procedit de creatione infiniti syncategorematicæ.

Ad sextum idem dicitur, procedit enim de infinito, finite sumpto.

Ad septimum negatur maior, quoniã id repugnat ex parte rei factibilis.

Ad octauum dicendum, quod ille ignis, vel non mouebitur propter æqualitatem, vel mouebitur ad illam partem, in qua erit maior cæli influxus.

Ad nonum dicendum, quod illa aqua resoluetur in calorem, vel aerem, ne detur vacuum, vel fiet fractio, vbi erit maior compositio.

Ad decimum dicendum, quod ibi frangetur, vbi erit maior concursus virtutis.

Ad vndecimum dicendum, quod conditionalis est vera, sed res impossibilis.

Ad duodecimum dicendum, quod in materia est solum vna potentia realiter.

Ad decimumtertium respondetur ex S.D.p.p.q. 25. art. 2. & q. 3. art. 5. primo ad maiorem, quod valet in causa vniuoca, & non in æquiuoca, vt est Deus, qui excedit omnem creaturam in infinitum. Secundo dicitur, quod Deo correspondet infinitus effectus non in rebus quia non creauit infinitas res, sed in modo quia eas creauit cum modo arguente infinitam potentiam. Sed & tertio dicitur, quod finitas creaturarum arguit virtutem Dei infinitam quia quacunq. multitudine data, potest ei addere.

Ad decimumquartum, primo dicitur quod maior est vera respectu obiecti primarij idest ratione diuinæ essentia, non vero ratione obiecti secundarij, quia Deus multa intelligit scientia simplicis intelligentia, quæ non faciet. Secundo dicitur, quod Deus intelligit infinita, sed non vt factibilia simul in actu, diuina au-

tem voluntas comitatur intellectum in intellectis scientia visionis non vero simplicis intelligentia. Nec in hoc est aliqua imperfectio, & diminutio in diuina voluntate, quia non vult nisi factibilia.

Ad decimumquintum dicendum, quod diuina idea bifariam considerari potest. Primo subiectiue vt est idem cum diuina essentia, & sic est infinita. Secundo obiectiue idest vt respicit factibile, & sic finita est, quia respicit finitum.

Ad decimumsextum dicimus, antecedens repugnare scilicet quod dari possint infiniti ignes, & ideo consequentia erit impossibilis in actu scilicet quod possint dari infinitæ combustiones.

Ad decimumseptimum primo dicimus, Deum non posse agere de necessitate nature, quia sic non esset perfectissimus, cum agere libere præualeat. Secundo dicitur, quod hoc dato ageret secundum totum suum posse ad omne quod est producibile, infinitum autem non est producibile, vnde defectus est ex parte rei factibilis.

Ad decimumoctauum dicendum posse Deum quolibet instanti creare vnum angelum, lapidem, vel animam, vel diuidere infinitas partes continui, & illas conseruare, sed in sensu diuiso, non autem in sensu composito, & coniunctum, non enim illarum productiones possunt esse ordinatæ vna post aliam, quia momenta in tempore sic se habent, quod post vnũ sequuntur infinita, quare necesse est quod inter duo instantia mediet tempus, quod successiõnem semper dicit.

Ad decimumnonũ dicitur, quod aliud est dicere omnes species multitudinis esse species numeri, & aliud omnes species multitudinis esse species numeri idest proportionales illis. Primum est falsum, quia species numeri sunt de prædicamento quantitatis, non autem omnes species multitudinis, cum aliquæ sint rerum spiritualium. Secundum verum est, & intentum, quia species multitudinis proportionantur speciebus numerorum. Vel secundo dicitur, quod & si numerus materialis non conuertatur cum multitudine, numerus tamen formalis hoc habet, & in hoc sensu procedit ratio.

Ad vigesimum dicendum, quod pro certa

certa intentione creantis intelligimus creatum posse esse finem, & medium intentionis creantis, finis erit, vt est res producta, vel saltem producibilis, vt finis alicuius. Erit medium, in quantum poterit ordinari, vel non, ad vltiorem productionem. Creatum ergo non potest esse aliquod consequens creationis terminum, sed erit terminus creationis, & ita erit, vel finis, vel medium ad finem. Est ergo sensus propositionis, quod omne creatum comprehenditur sub intentione creantis determinata, & non indeterminata, & infinita, quia producitur, vel vt terminus creationis, vel vt medium, infinitum autem caret termino, & ineptum est ad hoc, vt sit medium. Creatum autem dicitur finis creantis, vt finis idem sonat quod intentum, vt terminus, vel medium, non vero vt perficiens creatum. Ad secundum dicitur, quod multa creata possunt sumi per modum vnius, & ita dicimus multa creata, vt vnum creatum accipi sub certa, intentione creantis, & sic non infinita, quia infinitas multitudinis repugnat rationi finis, & medij. Ad tertium primo dicitur, quod per accidens dupliciter sumitur. Primo vt idem sonat quod non per se, sed accidentaliter. Secundo vt idem sonat, quod per se, sed non primo, sed propter aliud. Primo modo animæ non dicuntur creati per accidens, sed secundo modo, & ideo per se dicuntur creatæ, & si non primo, repugnat autem creato per se, sub certa intentione creantis, quod illud tale sit infinitum. Secundo dicitur, quod anima dupliciter considerari potest. Primo vt ordinatur ad informandum corpus, & sic non dicitur per se primo intenta, sed in ordine ad corpus. Secundo in ordine ad creatum, & sic magis intenditur eius creatio quam corporis, quia nobilior magis intenditur, anima autem est nobilior corpore, vt ea excludit. Vel tertio dicas, quod anima intellectiua habet quod dicat quo, vt est actus corporis, & dicat quod, vt gaudet propria subsistentia, à corpore separata. Quamuis ergo primo modo non dicatur per se primo intenta, secundo modo tamen utiq. & ideo non potest dari infinitas animarum intellectiuarum.

Per supradicta autem cessant multa alia argumenta, vt si Deus intelligit infinitum,

possit etiam illud velle, & quod gratia vnionis sit infinita in actu, ita & merita Christi. Nam ad primum motuum dicitur, quod intelligere infinitum, dicit perfectionem in Deo, non sic velle infinitum, quia esset terminatum suæ potentia, & ideo dispar est ratio. Ad secundum dicitur, quod gratia vnionis non dicitur infinita secundum se, sed propter infinitatem verbi, vt docet S. D. 3. p. q. 7. art. 11. Ita dicimus gratiam habitualement Christi esse infinitam in genere gratiæ, sed non in genere entis simpliciter. Et ita meritum Christi dicitur infinitum in genere meriti idest vt acceptatur ad satisfaciendum de condigno pro peccatis, non vero dicitur infinitum in genere entis simpliciter. Sed etiam dic, quod hic disputamus de infinito secundum magnitudinem & multitudinem, & non secundum perfectionem.

#### Q V A E S T I O XIV.

*Verum possit dari infinitum in potentia.*

**V**idetur quod non. Nam infinitum in potentia reducibile esset ad actum, quia omnis potentia Physica est reducibilis ad actum. Sed hoc est falsum, vt probatum fuit supra. Ergo infinitum in potentia non est dabile.

Secundo. Cuiuslibet rei datur maximum, & minimum, per Arist. secundo de anima. Ergo res non sunt diuisibiles in infinitum in potentia.

Pro explicatione huius questionis. Primo notandum est, quod hic loquimur de diuisione infinita quantitatis Mathematicæ, non Physicæ, quia sic determinata est ad maximum, & ad minimum, nam primo modo per Arist. quinto Methaphysicæ quantitas est diuisibilis in infinitum.

Secundo notandum, quod hic loquimur de diuisione in partes proportionales idest secundum magis, & minus, vt si quantum diuidatur in duas partes, hæc habebunt ad totum proportionem dupli, & si iterum vna illarum diuidatur, erit proportio subdupli, & sic in infinitum. Non ergo loquimur de partibus eiusdem quantitatis secundum eandem mensuram, quia quantitas non est semper diuisibilis in partes æquales, nisi secundum.

cundum proportionem.

Tertio notandum est, quod hic dicimus quantum esse diuisibile in infinitum in potentia, quia numq. est deuenire ad vltimam partem indiuisibilem, cum continuum non componatur ex indiuisibilibus, quamuis in eo sint indiuisibiles, vt docet D.Th. expresse opusc. 36. c. 2. & q. 28. de veritate art. 2. ad 2. & quodl. 7. art. 9. ad secundum, Capreo. in secundo d. 2. q. 2. art. 3. Caiet. in prædic. quantitatis, & 3. p. q. 4. art. 2. Scotus in 2. d. 1. q. 3. & d. 2. q. 4. Ideo hic scito, quod quamuis indiuisibilia sint in actu in continuo, non tamen sunt realiter separata inter sese, & à partibus, sed actu eis coniuncta, cum quibus vnum continuum componunt, quare dum Arist. & D.Th. asserunt indiuisibilia non esse actu in continuo, sed in potentia tantum, non negant actum existentiz in eo, sed solum actum separationis, vnde puncta indiuisibilia terminant lineam vere, & realiter, & superficem, sed has non componunt indiuisibiliter, vnde continuum non diuiditur in indiuisibilia.

Quarto ergo loco ponitur hæc conclusio. Datur infinitum in potentia, in successiuis. Probatur. De ratione continui est diuidi in infinitum per Arist. in hoc tertio, & quinto Meth. Sed non in actu, cum infinitum in actu non sit dabile, ergo in potentia.

Ad argumenta patet, ad primū, quod potentia continui non est reducibilis ad actum Physice, quoniam omne quantum Physice consideratum determinatum est ad maximum, & ad minimum, vnde intelligitur Mathematicæ, & successiue, prout conuenit continuo, & per hoc patet ad secundum.

#### Q V A E S T I O XV.

*Vtrum vnum infinitum possit esse maius altero.*

**V**idetur quod non. Primo. Nam vnum infinitum esse maius altero, est vnum excedere aliud, sed hoc non

potest esse in duobus infinitis, quia si hic excessus est finitus, excessum non erit infinitum. Si infinitus, aliud non erit infinitum.

Secundo. Quilibet numerus infinitus omnes numeros continet, & omnes vnitates infinitas. Ergo non poterit dari alius numerus, quo vnum infinitum altero sit maius.

Tertio. Infinito nulla potest fieri additio. Ergo vnum non erit minus, quia sic ei potest fieri additio. Et ita tenent Conimbricenses hic, cap. 8. q. 2. art. 4. ad secundum.

In contrarium est S.D. 3. p. q. 10. art. 3. cum Caiet. Soncinas 12. Meth. q. 3. ad primum, & Ferrariensis secundo contra Gentes cap. 38. & probatur primo. Demus numerum, Angelorum esse infinitum, & ab eo decem auferri idest denarium numerum tunc numerus Angelorum remanentium minor erit numero infinito, decem ablatos comprehendere.

Secundo. Detur multitudo infinita corporum hominum, his Deus addat infinitam multitudinem animarū, & equorum, tunc infinitum hoc animarum immortalium hominum, & mortalium equorum infinitorum erit maius infinitum, quam multitudo infinita animarum tantum hominum. Huic difficultati respondet Ruuio hic, tractatu de infinito, q. 9. quod infinitum bifariam considerari potest. Primo formaliter, pro formali ratione infinitatis, & sic cum hæc ratio sit indiuisibilis, in vno non potest esse maior quam in altero. Secundo materialiter, pro rebus infinitis, & sic clarum est duo infinita simul coniuncta esse quid maius, vno tantum illorum infinitorum. Primi opinatores sument infinitum primo modo, & secundi secundo modo, & ideo vtraq. opinio stare potest, vnde patet ad argumenta, hoc solum considerato, quod numerus absolute sumptus intelligitur omnes numeros infinitos comprehendere, non sic infinitus binarius, vel ternarius, quia ei potest addi extensius alius numerus infinitus, verbi gratia qui narius.

*Finis Tertij Physicorum.*

COM.

# COMMENTARIA

## CVM QVÆSTIONIBVS

In quantum Physic.

### LECTIO I.

*Speculatio  
de  
loco ad  
Physicū  
spectat.*



Intentio Philosophi in hoc quarto Physicorum est, de loco, de vacuo, & de tempore agere. Vnde ex prima lectione Sancti Doctoris duas literaliter conclusiones eliciemus.

Secundo loco circa eas aliqua notando, & Tertio loco quædam dubia soluendo.

Prima igitur conclusio fit. Speculatio de loco ad Physicum spectat. Probatur rationibus Philosophi elicitiue. Primo sic. Id quod cadit sub communi opinione Philosophorum naturalium, illud pro certo est tenendum, & esse, & ad Phil. naturalem spectare. Sed locum esse sub communi opinione Phil. naturalium cadit. Ergo. Maior est nota ex primo posteriorum. Minor prob. Nam communis est Philosophorum conceptio, quod omne quod est, necesse sit illud in loco esse, exceptis chimericis, & ficticijs. Secunda ratio. Ad Philosophum naturalem pertinet tractare de motu, & præcipue de motu locali, qui est vniuersaliior motus; & causa cæterorum motuum. Sed motus localis cognosci non potest sine loco, cum vocetur localis, quia est ad locum. Igitur ad Philosophum naturalem pertinebit tractare de loco. Tertia ratio est. Munus Phil. naturalis est, omnes dubitationes circa res naturales emergentes enucleare, & soluere. Sed multæ dubitationes accidunt circa locum dupliciter. Primo ex parte loci, quia ab omnibus idem esse locum, non conceditur. Secundo ex parte nostri, quia multi errauerunt circa naturam loci. Ergo &c.

*Locus  
datur.*

Secunda conclusio est. Datur locus. Probatur primo ex mutatione loci facta a diuersis corporibus, sic, Ille vocatur

locus, a quo dum vnum corpus exit, in eo aliud succedit. Sed ab vno loco corpus aliquod exit, vt dum a vase aqua fluit, & in eodem vase aliud corpus succedit scilicet aer. Ergo locus datur. Secundo prob. ex motu sic. Ille est locus corporum, ad quem naturalia secundum se mouentur, tanquam ad suam perfectionem. Sed naturalia secundum se considerata mouentur ad suas differentias locales, secundum quas perficiuntur scilicet ad sursum, ad deorsum, ad dextrorsum, ad sinistrorsum, ad ante, & retro. Ergo. Tertio prob. ex ponentibus vacuum, & ex dictis Hesiodi, & omnia clara sunt in textu.

Circa supradicta notandum est primo *Ordo*: circa ordinem, quod postquam Phil. tractauit de motu, & de infinito, hic tractat de loco, de vacuo, & de tempore. Primo. Quia locus est veluti necessaria proprietas locorum secundum veritatem, & vacuum secundum quorundam opinionem, tempus vero est mensura motus. Secundo, quia a prioribus est incipiendum. At locus intelligitur præcedere tempus, & præcedi a motu, & infinito, vt sic, nam de motu secundum suas species, & ita de infinito agendum erit in quinto, & sexto.

Secundo notandum venit quod Philosophus multa dicta antiquorum non sustinenda admisceat suæ doctrinæ de loco, de vacuo, & tempore, vnde non sunt propositiones Aristotelis, sed antiquorum, contra quos inuehit, arguendo non demonstratiue, sed demonstratione ad hominem, idest ex concessis ab ipsis.

Tertio animaduertendum venit. Quod esse in loco stat dupliciter. Primo definitiue, idest ita determinari ad vnum locum, quod tale non vbiq; sit, sed tamen absque commensuratione quantitatiua, ita vt partes loci non correspondeant partibus locati, sed quasi modo indiuisibili,

S a bili,

bili, in eo sit, scilicet totum in toto loco, & totum etiam in singulis partibus, & hoc modo Angelus dicitur esse in loco definitiue, quoniam sibi vendicat determinatam spheram suæ actiuitatis, ad differentiam Dei, qui vbique est per immensitatem. Secundo modo aliqua dicuntur esse in loco circumscriptiue, id est per circumscriptionem, factam ab vltima superficie, ambientis corporis, ita vt partes superficiiei continentis, correspondant partibus corporis, & puncta, punctis, & hoc modo corpora sunt in loco. Datur etiam alius modus essendi in alio, vt dicitur esse corpus Christi in hostia, id est, vt in Sacramento. Non enim est ibi circumscriptiue, quia non aliqua superficie circumscribitur. Neque etiam est ibi definitiue, quia non definitur his, aut illis speciebus sacramentalibus, & ideo nullo modo Christus dicitur esse in hostia tanquam in loco, sed solum vt in Sacramento. Sed adhuc in loco esse circumscriptiue stat dupliciter. Primo per se, & hoc modo corpora naturalia sunt in loco circumscriptiue. Secundo per accidens, id est per aliud, & sic formæ artificiales dicuntur esse in loco per corpora in quibus sunt. Et ita Mathematica dicuntur esse in loco non vt abstrahunt a materia secundum rationem, sed vt eam concernunt secundum rem.

#### D V B I A.

**C**irca autem hæc dicta Philosophi à textu primo, vsque ad octauum, plura occurrunt dubia soluenda.

Primum dubium occurrit circa primum textum, in quo dixit Philosophus secundum antiquos. Omne quod est, in loco esse. Contra inflatur. Quia sic est arguere cum fallacia consequentis, nam sic videbantur arguere. Si id quod in nullo loco est, non est. Ergo omne quod est, in loco est. Arguere aut hoc modo non licet, nisi in conuertibilibus, quod non cernitur in presenti negotio, cum plura sint entia scilicet immaterialia, quæ non sunt in loco.

Ad hoc dubium dicitur. Quod ens bifariam sumi potest. Primo transcendent aliter, vt etiam de immaterialibus dicitur, & sic non licet arguere. Omne

quod est, in loco est, quia immaterialia sunt, & non sunt in loco circumscriptiue, immo Deus est, & non est in loco, nec circumscriptiue, nec definitiue. Secundo sumitur determinate, id est pro ente tantum sensibili, & materiali, & sic conuertitur. Ita vt omne corpus sensibile si est, in loco est, & quia antiqui non cognouerunt alia entia præter sensibilia, ideo dicebant, quod omne quod est, in loco est. Vel secundo dicendum, quod etiam si cognouerint substantias separatas, quoniam tamen eas fecerunt motrices coelorum, & celis applicatas, vnde eas constituerunt, vel in centro, vel in circulo, vt patet in octauo Physicorum textu 84. ideo dixerunt etiam eas esse in loco. Sed errauerunt, quia ibi non sunt per commensurationem quantitatum, sed solum per contactum virtutalem, id est definitiue, & non circumscriptiue.

Secundum dubium est. Quomodo ad naturalem spectat considerare de loco. Nā quod est per se notum, a nulla scientia sub disputatione est considerandum. Sed locum esse est per se notum, & ab omnibus concessum, vt dicitur in textu. Ergo.

Respondetur. Quod aliud est agere de an est loci, quærendo an detur locus, & aliud est quærere de quid loci quærendo quid sit locus. Primum quidem notum fuit apud antiquos, non vero secundum, vnde aliqui fecerunt locum, materiam, alij formam, alij interuallum &c. vt patebit infra.

Tertium dubium est. Quomodo consideratio loci pertineat ad philosophum naturalem. Nam illud quod conuenit omni enti, videtur potius pertinere ad Methaphysicā, quæ est circa omne ens, vt dicitur quarto Methaphysicæ, quam ad Physicam, quæ est circa determinatū ens, vt habetur 6. Methaphysicæ. Sed esse in loco conuenit omni enti, vt dicitur hic in textu. Ergo.

Hæc dubio iam satis dictum est, quod antiqui non omni enti attribuerunt esse in loco, sed tantum sensibili, & materiali, quod ens est de consideratione Philosophi naturalis.

Quartum dubium accidit circa textum quartum, vbi Philosophus videtur



tria attribuere loco, quorum primum est, trahere ad se locatum, secundum conservare ipsum, & tertium perficere ipsum. Contra enim primum stat, quod trahere spectat ad causam effectivam, ad quam non attinet locus, vt infra videbimus. Contra secundum est, quod animalia, & plantæ in propriis locis constitutæ, tandem corrumpuntur. Contra tertium vrget, quod perficere est actus formæ. At locus (vt infra videbitur) non est forma. Ergo.

Ad primum horum dicitur, quod trahere stat dupliciter. Primo effectiue, trahendo ad se tractum cum motu. Secundo finaliter, rapiendo ad se tractum, vt ad suum terminum. Primo modo, finis non trahit locatum, quoniam illud quandoque non tangit. Secundo igitur modo illud trahit, vt tanquam in proprio loco quiescat, & perficiatur, adeo, vt ab eo non extrahatur, nisi ab extrinseco per violentiam.

Ad id quod est contra secundum, dicitur. Quod conservare locatum stat dupliciter. Primo simpliciter, & absolute quia efficaciter, & in impedibiliter operatur ad eius conservationem, subtrahendo omne corruptivum; intrinsecum, & extrinsecum. Secundo secundum se, in suo genere, & quantum potest. Primo modo locus non conservat locatum, quoniam si est compositum ex contrariis, ab intrinseco habet quod corrumpatur, & quandoque etiam ab intrinseco a validiori corruptivo, cui locus resistere minimè potest. Secundo autem modo dicitur illud conservare, vnde cernimus arbores quosdam in quibusdam locis conservari, & in alijs interiri, & iea aromata, & animalia in vno climate vigere, & viuere, & in alio nequaquam. Locus ergo quantum potest, locatum conservat per se, & si per accidens ex aliqua mala qualitate illum alterante, vt facit infecta nebula, vapor nocius, cauma, malus odor, &c. horum ratione, & adiunctione possit agere per accidens, ad correctionem locati. Ad id quod contra tertium obijcitur. Respondetur, quod valet de perficiente intrinseco, dante esse, simpliciter, & formaliter, quod dicitur forma, nam locus dicitur perfectivus locati extrinsece, id est con-

stituendo locatum in sua quiete naturali, quo modo etiam intelligentia cælo assistens, & illud mouens, dicitur illud perficere, & ita Magister discipulo disputanti assistendo, & equus iter conficienti, commodum præbendo, & exercitus robustus Ducem adiuuando, & solium validum, Regem securum reddendo.

Quinto dubitatur. Vtrum sursum, & deorsum sint species loci. Videtur enim quod non: quia differre per diuersas superficies, non est differre per diuersas species, cum species differant per essentiales differentias, & non per diuersas superficies, secundum situm distinctas. Sed sursum, & deorsum differunt vt diuersæ superficies, vt patet. Ergo. &c.

Augetur difficultas, ex quodam dicto Commentatoris scilicet; quod sursum ad quod fertur ignis, & deorsum ad quod fertur terra, sunt extrema vnius longissimæ lineæ rectæ; Nam contra hoc est, quod illa linea potest pertrahi vsque ad Cælum Empireum, quod altius est igne, & defferri vsque ad centrum terræ, quod sub ea est.

Ad primum igitur horum dicitur quod sursum, & deorsum bifariam sumi possunt. Primo pro solis superficiebus, & sic specie non distinguuntur. Secundo pro corporibus locantibus, stantibus sursum, & deorsum, & sic specie distinguuntur, vt patet.

Ad secundum dicimus, dictum Commentatoris valere non de longissima linea possibili simpliciter, & absolute, vt probat argumentum: Sed de longissima linea tantum terminante motum grauium, & leuium, motus enim horum non transit orbem lunæ sursum, nec terram, vel eius centrum deorsum.

## LECTIO II.

*At vero habes desitum. text. 8.*

**A** Textu 8. vsque ad quartumdecimū immoratur Phil. ad oppugnandam supradictam conclusionem, scilicet quod locus detur. Sex igitur rationibus id probat. Primo sic. Si locus est aliquid, corpus est. Sed non potest esse corpus. Ergo nec aliquid.

aliquid. Maiorem vt notam relinquit, quia constat, ipsum mensurari longitudine, latitudine, & profunditate, quibus dimensionibus natura corporis diffinitur. Minorem probat. Locus, & locatum simul sunt. Ergo si locus est corpus, & locatum est corpus, duo corpora erunt simul in eodem loco, hoc autem est impossibile, quia non possunt se penetrare.

Secundo. Si locus daretur, superficiei, & puncti esset locus. Sed hoc est falsum. Ergo &c. Maiorem probat ex superiori dicto scilicet, quod locata sibi succedunt in eodem loco, Minorem ostendit, quia si puncto assignaretur locus, cum locus, & id quod loco continetur æqualia sint, & coniuncta, cum punctum sit indiuisibile, & locus esset indiuisibilis, & ita duo indiuisibilia quantitatis simul essent, quod fieri non potest.

Tertio. Si locus esset, vel esset elementum, vel ex elementis. Sed neutrum horum esse potest. Ergo. Probat minorem.

Quia elementum, & elementatum, vel sunt corporea, vel incorporea, cum locus, & locatum sint simul, duo corpora simul essent quod est improbatum. Si incorporea hoc cernitur falsum, quia locus habet magnitudinem. Ergo.

Quarto. Omne quod est, est de numero aliorum causarum. Sed locus non est de numero causarum. Ergo. Nam non est materia, quia res naturales non componuntur ex loco, sicut ex materia. Non est forma, quia tunc omnia, quæ essent in vno loco, vnius speciei essent, cum species, & forma coincident. Non est efficiens, cum non sit principium motus, sed potius terminus. Non est finis, cum magis locus sit propter locatum, quam locatum propter locum. Ergo.

Quinto arguit Zeno. Si locus est aliquid. Ergo erit in loco, quia omne quod est, est in loco. Ergo locus erit in loco, & sic in infinitum, quod est impossibile.

Sexto. Locus non est maior, nec minor locato. Ergo si locatum augetur, augetur & locus. Sed hoc est absurdum, quia cum locus sit immobilis, non potest augeri.

Pro intelligentia supradictorum notandum est. Hæc diffensionem inter Doctores de intentione Aristotelis in his textibus, multi enim (quos Toletus se-

quitur) sustinent Philos. hic non querere de an est loci, sed inuestigare quid sit locus, quod dupliciter probant. Primo, quia locum esse, per se notum est. Secundo, quia hæ rationes appugnant quid est loci, & non an est eiusdem. Sed aliud sentit Sanctus Doctor innixus textui, nam in superioribus textibus dixit Aristoteles, se velle prius determinare an sit locus, qua determinatione facta subinire dubitationem habere si locus est, & quid sit. Ideo dicendum, quod vtrumque querit, sed prius an est, & deinde quid est. Ideo ad primum dicitur. Non fuisse apud omnes ita notum quod locus sit, vt multi non dubitauerint de hoc, & ita dicitur ad secundum, quod Aristoteles hic dubitat secundum antiquos de an est, & quid est loci.

Secundo notandum venit, supradictas rationes esse antiquorum, & non Aristotelis, vnde super illis non fit stabile fundamentum, quoniam tamen multa concernunt veritati consona, ideo ad eorum sollicitudinem, quædam dubia mouebo, & explicabo.

#### D V B I A.

**P**rimo dubitatur circa textum sextum, in quo Aristoteles laudat Hesiodum dicentem, locum, terram præcessisse. At hoc est contra fidem, qua tenemus, omnia simul esse creata.

Ad hoc dubium respondet Commentator, quod admittentes creationem mundi, de difficili saluare possunt vacuum non præcessisse mundum, quia spatium in quo fuit creatus mundus vacuum erat. Sed fallitur Commentor, ex ignorantia positionis creationis mundi, dicimus enim ante creationem mundi non existisse aliquod spatium vacuum, secundum veritatem, sed tantum per imaginationem.

Ad argumentum ergo dicimus, Aristotelem non laudare Hesiodum de sua opinione, idest quod ante mundum præcesserit spatium, non repletum corpore, sed in hoc eum laudat, quod locum posuerit, quamuis in fundamento erraret.

Secundo contra secundam rationem dubitatur, dum ex ea habemus punctum non esse in loco, quia sic nulla esset diffentia inter punctum, & locum puncti.

At. Contra enim arguitur. Primo, quia punctum locatum, esset in locante, seu continente, & punctum locans in alio continente, & sic different, vt locans, & locatum.

Secundo. Quia non videtur esse eadem ratio de puncto, & loco puncti, quæ est de corpore, & loco corporis. Nam punctum est indiuisibile, & ideo totaliter attingitur à loco, non sic corpus, quod non attingitur nisi secundum superiorem superficiem.

Ad hoc dubium dicitur, quod antiqui tenuerunt ea quæ situ idem sunt, esse etiam idem in entitate, & ideo arguisse duo indiuisibilia esse idem. Quod ergo punctus, & locus puncti distinguantur, dupliciter intelligi potest. Primo, Physice, & entitatiue, idest secundum suas realitates, & sic dicendum venit secundum veritatem, quid distinguantur, prout probat argumentum. Secundo Mathematicè, & secundum abstractionem ab entitate, & ita quæ situ idem sunt, vt eadem etiam entitate recipiuntur.

Ad secundum similiter dicitur, diuersam quidem esse rationem, secundum veritatem, sed secundum supposita antiquorum nequaquam, quia secundum antiquos, quæ in eodem situ collocabantur idem esse secundum entitatem dicebantur.

Tertio dubitatur circa tertiam rationem, in qua assumitur, omne elementum esse corporeum, vel incorporeum. Nam implicat, elementum dari incorporeum.

Ad hoc dubium aliqui dicunt, Aristotelem per elementum incorporeum intellexisse ideas Platonis, à materia separatas, vel species intelligibiles immateriales, in intellectu nostro existentes. At nos dicimus hanc rationem fuisse antiquorum, qui entia vocabant corporea, & incorporea, prout habebant trinam dimensionem, vel ea carebant.

Quarto dubitatur circa eandem rationem, quoniam in ea affirmatur locum esse quoddam quantum, ergo corporeum. At in prima ratione dictum est, locum non esse corpus, hæc autem simul non stant. Respondetur. Quod quantum in plus se habet quam corpus, quia linea, & superficies sunt quedam quanta, & non corpus, quare locus potest esse superfi-

cies, & non corpus.

Quinto dubitatur contra quartam rationem, in qua negatum fuit locum esse causam efficientem, nam videmus terram in quibusdam partibus producere poma, pira, castaneas, & similia, & in alijs ferrum, plumbum, illamnum, argentum, & aurum, & in alijs lapides, &c. Ergo erit causa effectiua.

Ad hoc dicitur, quod locus duobus modis considerari potest. Primo materialiter, idest pro re quanta, quæ est locus, & ita cum sit superficies, & quædam quantitas, & quantitas secundum se non sit actiua, sic dicendum est, locum non esse causam effectiuam. Secundo modo sumitur quasi formaliter, scilicet pro tali quantitate habente talem virtutem, sibi à celo impressam, & sic connumerari potest inter causas effectiuas, in quo sensu etiam dixit Porphyrius cap. de Genere. Patrem, & Matrem esse principia generationis.

Sexto dubitatur. contra eandem rationem, pro quanto in ea asseritur, quod forma continet. Hoc enim videtur falsum, quia hoc est proprium materiz, quæ vocatur receptaculum formatum. Ergo non conuenit formæ.

Respondetur. Quod duplex est contentia. Prima dicitur materialis, quia continet materialiter intra terminos suæ quantitatis, quo modo vas plenum aqua dicitur continere aquam, & corpus animam, & hoc modo dicitur continere de materia. Secunda dicitur contentia formalis, quia aliquid finitur, determinatur, & mouetur, & ita forma continet materiam, quoniam ei dat esse, & motum, & ita Angelus continet locum in quo operatur, quia illum determinat ad leuandam operationem, & cum illi subijcit.

### LECTIO III. & IV.

#### Q V A E S T I O I.

*Verum naturaliter duo corpora possint simul esse in eodem loco.*

Septimo dubitatur circa primam rationem, in qua dictum est duo corpora non posse esse simul in eodem loco. Videtur enim hoc esse falsum. Quia in eodem

dem corpore multa sumi possunt, quæ diversorum corporum rationem habent, ut sumendo in eo duas manus, duos pedes, caput, & similia, hæc autem esse simul in eodem loco patet.

*Quantitas duplex.* Pro enodatione huius dubij. Primo sciendum est, quod corpus dupliciter considerari potest. Primo pro trina dimensionem quantitatis molis, & sic consideratur à Mathematico. Secundo pro superficie ambiente, & continente corpus locatum, & sic consideratur à Physico.

*Superficies duplex.* Secundo adnotandum est, quod superficies ambiens, & mensurans locatum duplex est. Prima dicitur adæquata toti corpori, quia ipsum respicit, & ambit, secundum se totum. Secunda dicitur inadæquata, quia partes mensurantur, & dicuntur esse in loco, non per se, sed per totum, modo de adæquata loquimur.

*Essentia eodem loco dupliciter.* Tertio sciendum est, quod duo corpora esse in eodem loco stat dupliciter. Primo per penetrationem, & incorporationem, ita ut vnum incorporetur alteri manenti in suo esse, & hoc est impossibile, quia qua ratione duo corpora possent esse in eodem loco, sic & infinita, quia non est maior ratio de duobus, quam de infinitis. Secundo secundum continuationem, vel contiguitatem, prout superficies corpus ambiens, est in superficie ipsam ambiente, & locatum est in sua propria, & immediata superficie.

*Duo corpora non possunt esse in eodem loco.* Quarto ergo adnotandum venit, quosdam (authore Alexandro in opusculo de mixtione) tenuisse duo corpora in eodem loco naturaliter esse posse, varias experientias afferentes, ut quod ignis per ferrum candens meet, aqua per cineres, & nummi per aquam in cato positam perambulent. At oppositum docet Arist. hic, & textu 27. & probatur primo. Quia sic duo corpora se penetrarēt, id est eundem locum occuparent, quod est impossibile naturaliter, quoniam cum una quantitas locum occupat, facit, quod impossibiliter alia eum occupare possit. Secundo, quia sic infinita corpora possent esse in eodem loco, ut supra. Ideo scito, aliud esse unam quantitatem aliam intra porros suos, & meatus suos proprios recipere, & aliud est unam quantitatem, nullo modo alteri cedentem cum

ea stare. Primum possibile est, ut experientia adversariorum testantur. At secundum naturaliter impossibile censetur, quia sic sequeretur hanc quantitatem hic esse, & hic non esse, cum dux illa quantitates debeant distinguui situ, & loco, quia propter quamvis quantitas per se non sit forma actiua, tamen ex consequenti trahit secum quandam modum actiuitatis, scilicet expellere aliam quantitatem, per impossibilitatem in eodem loco.

Ad argumentum ergo dicitur, quod procedit de his, quæ in loco ponuntur per accidens, & per mensuram sibi inadæquatam, & toti adæquatam. Hinc deducas, substantiam, quantitatem, & alia accidentia in vno locato existētia vnum locum, & vnum ubi tantum sibi vendicare adæquatam, cum hoc quod ratio locandi sit quantitas, & res locata sit substantia, cum suis partibus, & accidentibus, ita ut pars locati, correspondeat parti loci, & totum locatum, toti loco.

## Q V A E S T I O I I

*An per absolutam Dei potentiam duo corpora possint esse in eodem loco.*

**V**idetur quod non. Primo. Quia si duo corpora possent esse in eodem loco divina virtute. Ergo hoc idem poterunt habere duæ partes eiusdem corporis, quia sicut totum se habet ad totum, ita pars ad partem. Sed hoc est falsum, quoniam necesse est, quod in corpore habeant determinatum situm, & positionem, taliter quod caput non stet cum pedibus &c. Ergo duo corpora non possunt esse simul.

Secundo. Quia sic omnes partes, imo totum corpus posset reduci ad locum digiti, & ita pars erit maior toto, quod implicat.

Tertio. Sicut se habent partes successivæ ad totum successivum, ita partes permanentes ad totum permanentes. Sed duæ partes successivæ non possunt esse simul, scilicet prior, & posterior. Ergo nec permanentes. Minor est nota. Maior probatur, quia utrumque habet extensionem.

In hac difficultate duas invenio opiniones.

niones. Prima est negatiua, scilicet non posse nec etiam per diuinam potentiam duo corpora esse simul, in eodem loco. Hanc probabilem censent Durandus in 4. distin. 44. quæst. 6. & Scotus distin. 49. quæst. 16. ad secundum, dum dicit, implicare duo corpora locum occupantia esse in eodem loco, non vero si vnum illorum à loco absoluitur, quoniam penetratio corporum implicat contradictionem.

**Opinio.** Secunda est affirmatiua, scilicet hoc fieri posse per absolutam Dei potentiam, quam defendunt S. Doctor 3. parte, q. 54. art. 1. in quarto dist. 43. quæst. 2. art. 2. q. 3. ad 2. & 4. & super Boetium de Trini. quæst. de causarum pluralitate quæst. 5. D. Bonauentura in 4. dist. 49. quæst. 9. Suarez 3. parte, quæst. 54. art. 4. disput. 46. sectione 5. Ruuio hic, quam etiam amplecti sunt apud collegium Conimbr. Leo magnus, Cirillus, Gregorius, Esichius, Damascenus, Augustinus, Iustinus, & alij Patres.

**Quantitas duo habet.** Secundo ergo notandum venit, quod in corpore quanto duo sunt pensanda. Primum, est natura quantitatatis, quæ stat in extendere partes secundum magnitudinem. Secundum est radix, & ratio huius extensionis. Nam quantitas bifariam considerari potest. Primo ut est actu extensa, & ut partes in corpore in actu distinguit, & facit quod quantitas in actu, non admittat secum aliam quantitatem in actu, sed eam excludat, per actum incompossibilitatis. Secundo ut radicaliter, & aptitudinaliter habet, quod possit extendi, partes distinguere, aliam quantitatem ab eodem loco excludere, & incompossibilitatem cum alia quantitate constituere. Si primo modo consideretur, implicat duo corpora esse simul, quia sic fierent vnum corpus, & incompossibile in actu, fieret compossibile in actu, simul, & semel. Si vero secundo modo consideretur, hoc est possibile, quia Deus potest suspendere actum incompossibilitatis, ne in eo casu quantitas illum obtrineat, sicut potest suspendere inhaerentiam naturalem ab accidente, ut patet in Sacramento altaris. Dum ergo duo corpora se penetrant, Deus ab eis suspendit actum incompossibilitatis, quæ habent ut sunt impenetrabilia in actu,

relinquendo solum ut retineant impenetrabilitatem in aptitudine. Hoc enim potest facere Deus, quia vna quantitas aliam expellit per actionem realem cum autem hominis actio realis indigeat Dei concursu ad producendum suum effectum, suspendendo Deus suum concursum, hoc operatur, quod illa duo corpora se compatiuntur in eodem loco, & vnum aliud non expellit.

Tertio ergo loco ponitur hæc conclusio. Per diuinam Dei potentiam duo corpora possunt esse simul in eodem loco. **Conclusio probatur.** Probatur primo ex Sacris litteris, in quibus aperte legimus, Christum ex vtero virginali clauio processisse, & clauio sepulchro resurrexisse, & ianuis clausis ad discipulos ingressum fuisse, & ad dexteram Patris ascendendo coelos penetrasse, secundum illud D. Pauli, ad Hebræos 4. Habentes ergo Pontificem, qui penetrauit coelos, Iesum filium Dei. Secundo probatur. Quoniam Christus Dominus noster simul est cum speciebus panis, & vini in Sacramento altaris. Dicere autem esse ibi corpus Christi secundum substantiam, & non secundum quantitatem, ut annuit Durandus, error est, quia ibi est pro ut in cælo reperitur, secundum omnia sua membra.

Ad primum ergo dicitur, quod sicut per absolutam Dei potentiam posset mons ingens per foramen acus transire, si Deus suspenderet ab eius quantitate incompossibilitatem actualem alterius quantitatatis, ita possibile est per absolutam Dei potentiam, suspensa hac incompossibilitate, quod vna pars stet simul cum alia, & omnes in loco vnius, & per hoc patet ad secundum.

Ad tertium similiter dicitur, quod due partes successiuæ in actu, & formaliter non possunt esse simul, sed bene si a sua formalitate, & incompossibilitate separarentur, sicut facit Deus a duobus corporibus. Vel dicas, secundo, quod partes continuz supponuntur fuisse, ad preteritum autem non est potentia, sed solum ad futurum, ut diximus de penetratione corporum, dum ab eis tollitur incompossibilitas simul essendi in eodem loco.

dem corpore multa sumi possunt, quæ diuerforum corporum rationem habent, vt sumendo in eo duas manus, duos pedes, caput, & similia, hæc autem esse simul in eodem loco patet.

*Quantitas duplex.* Pro enodatione huius dubij. Primo sciendum est, quod corpus dupliciter considerari potest. Primo pro trina dimensionem quantitatis molis, & sic consideratur à Mathematico. Secundo pro superficie ambiente, & continente corpus locatum, & sic consideratur à Physico.

*Superficies duplex.* Secundo adnotandum est, quod superficies ambiens, & mensurans locatum duplex est. Prima dicitur adæquata toti corpori, quia ipsum respicit, & ambit, secundum se totum. Secunda dicitur inadæquata, quia partes mensurantur, & dicuntur esse in loco, non per se, sed per totum, modo de adæquata loquimur.

*Essentia eodem loco dupliciter.* Tertio sciendum est, quod duo corpora esse in eodem loco stat dupliciter. Primo per penetrationem, & incorporationem, ita vt vnum incorporaretur alteri manenti in suo esse, & hoc est impossibile, quia qua ratione duo corpora possent esse in eodem loco, sic & infinita, quia non est maior ratio de duobus, quam de infinitis. Secundo secundum continuationem, vel contiguitatem, prout superficies corpus ambiens, est in superficie ipsam ambiente, & locatum est in sua propria, & immediata superficie.

*Duo corpora non possunt esse in eodem loco.* Quarto ergo adnotandum venit, quosdam (authore Alexandro in opusculo de mixtione) tenuisse duo corpora in eodem loco naturaliter esse posse, varias experientias afferentes, vt quod ignis per ferrum candens meet, aqua per panem in ea intinctum penetret, aqua per cineres, & nummi per aquam in cato positam perambulent. At oppositum docet Arist. hic, & textu 27. & probatur primo. Quia sic duo corpora se penetrarēt, idest eundem locum occuparent, quod est impossibile naturaliter, quoniam cum vna quantitas locum occupat, facit, quod impossibilitèr alia eum occupare possit. Secundo, quia sic infinita corpora possent esse in eodem loco, vt supra. Ideo scito, aliud esse vnam quantitatem aliam intra porros suos, & meatus suos proprios recipere, & aliud esse vnā quantitatem, nullo modo alteri cedentem cum

ea stare. Primum possibile est, vt experientia aduersariorum testantur. At secundum naturaliter impossibile censetur, quia sic sequeretur hanc quantitatem hic esse, & hic non esse, cum duæ illæ quantitates debeant distingui situ, & loco, quæ propter quamvis quantitas per se non sit forma actiua, tamen ex consequenti trahit secum quandam modum actiuitatis, scilicet expellere aliam quantitatem, per impossibilitatem in eodem loco.

Ad argumentum ergo dicitur, quod procedit de his, quæ in loco ponuntur per accidens, & per mensuram sibi inadæquatam, & toti adæquatam. Hinc deducas, substantiam, quantitatem, & alia accidentia in vno locato existētia vnum locum, & vnum vbi tantum sibi vindicare adæquatam, cum hoc quod ratio locandi sit quantitas, & res locata sit substantia, cum suis partibus, & accidentibus, ita vt pars locati, correspondeat parti loci, & totum locatum, toti loco.

## Q V A E S T I O II.

*An per absolutam Dei potentiam duo corpora possint esse in eodem loco.*

Videtur quod non. Primo. Quia si duo corpora possent esse in eodem loco diuina virtute. Ergo hoc idem poterunt habere duæ partes eiusdem corporis, quia sicut totum se habet ad totum, ita pars ad partem. Sed hoc est falsum, quoniam necesse est, quod in corpore habeant determinatum situm, & positionem, taliter quod caput non stecum pedibus &c. Ergo duo corpora non possunt esse simul.

Secundo. Quia sic omnes partes, imo totum corpus posset reduci ad locum digiti, & ita pars erit maior toto, quod implicat.

Tertio. Sicut se habent partes successiuæ ad totum successium, ita partes permanentes ad totum permanens. Sed duæ partes successiuæ non possunt esse simul, scilicet prior, & posterior. Ergo nec permanentes. Minor est nota. Maior probatur, quia vtrumque habet extensionem.

In hac difficultate duas inuenio opinionones.



nitiones. Prima est negatiua, scilicet non posse nec etiam per diuinam potentiam duo corpora esse simul, in eodem loco. Hanc probabilem censent Durandus in 4. dist. 44. quæst. 6. & Scotus dist. 49. quæst. 16. ad secundum, dum dicit, implere duo corpora locum occupantia esse in eodem loco, non vero si vnum illorum à loco absoluitur, quoniam penetratio corporum implicat contradictionem.

Opinio-  
nes.

Secunda est affirmatiua, scilicet hoc fieri posse per absolutam Dei potentiam, quam defendunt S. Doctor 3. parte, q. 54. art. 1. in quarto dist. 43. quæst. 2. art. 2. q. 3. ad 2. & 4. & super Boetium de Trinitate quæst. de causarum pluralitate quæst. 5. D. Bonaventura in 4. dist. 49. quæst. 9. Suarez 3. parte, quæst. 54. art. 4. disput. 46. sectione 5. Ruuius hic, quam etiam amplectari sunt apud collegium Conimbr. Leo magnus, Cirillus, Gregorius, Esichius, Damascenus, Augustinus, Iustinus, & alij Patres.

Quanti-  
tas duo  
habet.

Secundo ergo notandum venit, quod in corpore quanto duo sunt pensanda. Primum, est natura quantitatis, quæ stat in extendere partes secundum magnitudinem. Secundum est radix, & ratio huius extensionis. Nam quantitas bifariam considerari potest. Primo ut est actu extensa, & ut partes in corpore in actu distinguit, & facit quod quantitas in actu, non admittat secum aliam quantitatem in actu, sed eam excludat, per actum impossibilitatis. Secundo ut radicaliter, & appetudinaliter habet, quod possit extendi, partes distinguere, aliam quantitatem ab eodem loco excludere, & impossibilitatem cum alia quantitate constituere. Si primo modo consideretur, implicat duo corpora esse simul, quia sic fierent vnum corpus, & impossibile in actu, fieret compossibile in actu, simul, & semel. Si vero secundo modo consideretur, hoc est possibile, quia Deus potest suspendere actum impossibilitatis, ne in eo casu quantitas illum obtrineat, sicut potest suspendere inherentiā naturalem ab accidente, ut patet in Sacramento altaris. Dum ergo duo corpora se penetrant, Deus ab eis suspendit actum impossibilitatis, quā habent ut sunt impenetrabilia in actu,

relinquendo solum ut retineant impenetrabilitatem in apertitudine. Hoc enim potest facere Deus, quia vna quantitas aliam expellit per actionem realem cum autem hominis actio realis indigeat Dei concursu ad producendum suum effectum, suspendendo Deus suum concursum, hoc operatur, quod illa duo corpora se compariuntur in eodem loco, & vnum aliud non expellit.

Tertio ergo loco ponitur hæc conclusio. Per diuinam Dei potentiam duo corpora possunt esse simul in eodem loco. *Conclu-  
sio pro-  
batur.* Probatur primo ex Sacris litteris, in quibus aperte legimus, Christum ex vtero virginali clauo processisse, & clauo sepulchro resurrexisse, & ianuis clausis ad discipulos ingressum fuisse, & ad dexteram Patris ascendendo coelos penetrasse, secundum illud D. Pauli, ad Hebræos 4. Habentes ergo Pontificem, qui penetrauit coelos, Iesum filium Dei. Secundo probatur. Quoniam Christus Dominus noster simul est cum speciebus panis, & vini in Sacramento altaris. Dicere autem esse ibi corpus Christi secundum substantiam, & non secundum quantitatem, ut annuit Durandus, error est, quia ibi est pro ut in cælo reperitur, secundum omnia sua membra.

Ad primum ergo dicitur, quod sicut per absolutam Dei potentiam posset mons ingens per foramen acus transire, si Deus suspenderet ab eius quantitate impossibilitatem actualem alterius quantitatis, ita possibile est per absolutam Dei potentiam, suspensa hac impossibilitate, quod vna pars stet simul cum alia, & omnes in loco vnius, & per hoc patet ad secundum.

Ad tertium similiter dicitur, quod due partes successiuæ in actu, & formaliter non possunt esse simul, sed bene si a sua formalitate, & impossibilitate separarentur, sicut facit Deus a duobus corporibus. Vel dicas, secundo, quod partes continuæ supponuntur fuisse, ad preteritum autem non est potentia, sed solum ad futurum, ut diximus de penetratione corporum, dum ab eis tollitur impossibilitas simul essendi in eodem loco.

Argu-  
menta  
soluuntur.

## QVÆSTIO III.

*An idem numero corpus possit simul esse  
in pluribus locis per diuinam  
potentiam.*

**V**idetur quod sic. Primo Duo corpora per diuinam virtutem possunt esse simul in eodem loco. Ergo & vnum corpus in duobus locis. Probatur sequela. Quia sicut corpus sibi vendicat proprium locum, ita multa corpora propria loca.

Secundo. Mirabilis est quod corpus Christi sit in cælo, & in hostia, simul, quâ quod vnum corpus sit in duobus locis. At primum est verum. Ergo & secundum. Maior probatur. Quia corpus Christi in hostia nō est modo naturali, vnum corpus vero in duobus locis esset vno modo naturali.

Tertio. Porrigat Christus, in hostia, existens, manum extra eam, tunc circumscriberetur loco, sicut fit in cælo, & sic erit in duobus locis circumscriptiue.

Quarto. Diuus Antoninus secunda parte, tit. 10. narrat D. Ambrosium Mediolani diuinis assistentem, eodem tempore Turronæ exequijs Diui Martini interfuisse.

Quinto. Extensio in ordine ad locum non pertinet ad essentiam quantitatis, sed est ei accidentalit. Ergo si Christus in duobus hostijs potest habere duas præsentias simplices, poterit etiam habere duas locales.

Sexto. Si implicaret idem corpus esse in duobus locis, esset, quia corpus coarctatur a superficie illud ambiente. Sed hoc est falsum, cum Christus circumscriptiue sit in cælo, & tamen etiam sic extra illud in multis hostijs.

*Opinio-  
nes.*

Circa hanc difficultatem duas inuenio opiniones. Prima est affirmatiua, scilicet quod & si naturaliter implicet vnum corpus esse in duobus locis, non tamen hoc implicat in ordine ad diuinam potetiam. Ita docet Scotus in 4. dist. 10. q. 2. Alensis 4. p. q. 1. art. 1. & q. 41. membr. 7. Cardinalis Bellarminus lib. 3. de Eucharistia cap. 3. & 4. Et Suarez cum pluribus alijs disp. 48. sec. 4. to. 2. in 3. p.

Secunda est negatiua, scilicet hoc im-

plicare, quam docet S. Doctor in 4. d. 10. q. 1. art. 1. & dist. 4. q. 2. art. 2. quæst. 3. ad 4. & 3. p. q. 75. artic. 1. ad 3. D. Bonauentura, in 4. d. 44. art. de dote subtilitatis, quæst. 1. ad 5. Egidius quodlibeto primo, quæst. 1. & quodlibet 2. quæst. 17. & Theoremate. 3. de Eucharistia. Capreolus in 4. dist. 10. quæst. 1. artic. 3. & Ferrariensis. 4. contra gentes cap. 68.

Secundo adnotandum venit. Quod aliud est loqui de re dū actu est, & aliud est loqui de ea, dum sub aptitudine sistit. Nam dum res est, necesse est eam esse, & non potest non esse. Dum vero sub aptitudine manet potest ab ea actus separari, & sic in alio statu poni. Quare diximus Deum posse facere vt duo corpora simul sint, in eodem loco suspendendo ab eis actum impossibilitatis, negamus vero (secundum modum nostrum Philosophandi) Deum posse facere, quod cum res est hic, simul, & semel sit hic, & alibi.

Tertio notandum est ergo, quod cum res in actu est, prout in actu est, secundum illum modum formalem non potest simul esse sub diuerso modo, vel ratione formali, & si possit esse secundum aliam rationem sub alio modo, verbi gratia, potest Deus facere, quod Christus sit in cælo tanquam in loco, & in Sacramento altaris tanquam in Sacramento. Sed quod sit in cælo tanquam in loco, & in infinitis hostijs, si darentur, (quod enim de duobus dicitur, de infinitis, verificari potest, per Aristotelem vt supra) hoc est quod inens non capit. Et ita potest esse quod per diuinam potentiam quis Mediolani existat secundum substantiam, & Turronæ secundum apparentiam, vel corpus assumptum (vt de D. Ambrosio legitur.) Sed quod eodem modo quo in vno loco corpus existit circumscriptiue, & adæquate, eo etiam tempore in alio loco distanti circumscriptiue, & adæquate sit, hoc est, quod a Thomistis merito negatur.

*Necessa-  
rio.*

Quarto ergo loco pono hanc conclusionem. Per absolutam Dei potentiam non potest idem corpus esse simul in duobus locis, adæquatis. Probatur primo Omne quod est in loco, vel est in eo circumscriptiue, vel diffinitiuè. Sed nullo horum modorum vnum corpus potest esse simul in pluribus locis. Ergo. Probatur

*Conclu-  
sio pro-  
batur.*

batur minor. Non inquam circumscriptiue, quia locus ambit, circumdat, & comprehendit locatum, ita vt extra illum illud esse non sinat. Non diffinitive, quia illud tale, si hic habet presentiam, alibi eam habere non potest simul, & semel. Respondent aduersarij primo. Quod locatum naturaliter quidem est in vno loco, sed per diuinam potentiam in pluribus. Secundo dicunt, quod esse in loco circumscriptiue non est comprehendere a loco, ita vt extra illum corpus locatum esse non possit, sed est continere locatū, ita vt locatum non sit absque loco.

Sed hæc responsiones voluntariæ sunt. Prima quidem, quia hoc est quod quæritur, quomodo per Dei potentiam vnum corpus possit esse in duobus locis, stante quod vnus locus adæquate correspondeat locato, & econtra conuertibiliter. Secunda nihil dicit, quia locus non dicitur continere locatum communi contentia, sed adæquate, & comprehensiuè, ita vt sibi correspondeant conuertibiliter. Secundo probatur conclusio. Si vnū corpus posset esse in pluribus locis, fieri posset, quod contradictoria prædicata possint verificari de eodem, verbi gratia quod hoc corpus exstet Romæ, & Venetijs, Venetijs infirmaretur, & Romæ sanaretur, Venetijs occideretur, & Romæ mederetur, in vno loco excæcetur, & in alio non. Respondent aduersarij multipliciter. Et primo Gabriel in 4. dist. 10. q. 1. artic. 2. & lect. 46. super canonem miliz. Marsilius in 4. q. 7. artic. 3. hoc esse impossibile naturaliter, non vero supernaturaliter. Sed hæc responsio fuga est, quia cum hoc corpus sit vnum corpus numero, & independentem a loco, quæ ei conueniunt ab intrinseco, nō debent diuersificari ab extrinseco scilicet a loco. At potest esse quod illud corpus secundum se Romæ occidatur, feriatur, dealbetur, & Venetijs non. Ergo poterunt verificari de eodem contradictoria, scilicet occidi, & non occidi, dealbari, & non dealbari, & esse, & annihilari, per diuinam potentiam. Nec valet dicere, quod hæc contradictoria non sunt pro eodem loco, quia esse, & non esse, hoc modo se habere, & hoc modo non se habere, ab intrinseco non dependent a loco.

Tertio. Admittunt aduersarij hoc qui-

dem implicare, quod Petrus modo Venetijs sit, & in hocmet instanti, Romæ annihiletur. Sed eadem est ratio (vt bene notauit Antonius Ruuius) quod homo in vno loco viuat, & sit, & in alio non, cum hæc contradicant, scilicet esse, & non esse. Alij igitur cum eodem Ruuius dicunt, quod intrinseca contraria non possunt eidem conuenire in duobus locis, extrinseca vtique, idest ea quæ dependent ex diuersa positione locorum. Sed nec hoc subsistit. Primo. Quia si idē corpus esset in duobus locis, ordinem haberet ad diuersa corruptiua, & præseruatiua, intrinseca, & extrinseca, & ideo in vno loco posset occidi, vel veneno interimi, & in alio non. Secundo. Quia implicat idem corpus in eodem instanti esse sub cōtrarijs, modo posset esse quod Petrus Romæ cubaret, & Venetijs non, sed curreret.

Ad primum ergo dictum est, magnum esse discrimen, quia a duobus corporibus tunc subtrahitur impossibilitas actualis, localis. At vni corpori in vno loco existenti adæquate, non datur tunc indifferencia, ad hoc vt simul possit esse in pluribus locis.

Ad secundum similiter dictū est, quod probat alium, & alium modum essendi in, & non eundem. Et per hoc patet ad tertium.

Ad quartum pariter dictum est.

Ad quintum negatur antecedens, quia non datur quantitas in actu sine extensione, si habeat modum quantitatis, & non induat modum substantiæ.

Ad sextum diximus, non implicare contradictionem esse in eodem circumscriptiue, & alio modo in alia re, vt est Christus in hostia tanquam in Sacramento. At bene implicat contradictionem, vñū, & idem corpus simul, & semel circumscriptiue adæquate esse in pluribus locis.

## LECTIO V.

*Quoniam autem aliud quidem secundum se, &c. text. 14.*

**A**T textu 14. vsque ad 23. duo principaliter tradidit Philocephus. Primum est, quod antiqui aliqui dixerunt locum esse materiam, vel formam. Ad

*Opinio-  
nes anti-  
quorum  
de loco.*

T 2 hoc

hoc autem vt explicet hanc opinionem , tradit , quod sicut eius quoddam dicitur per se , & quoddam per accidens , ita etiã quædam dicuntur in loco esse per se , & quædam per accidens , quia duplex est locus . Primus communis pluribus , vt cælum , ciuitas , & domus , quæ pluribus conueniunt . Secundus dicitur proprius , idest vni tantum personæ , vel rei attributus . Esse ergo in loco communi dicitur esse in loco per accidens , nam dicor esse in cælo , quia superficies , quæ me modo Venerijs ambit , in cælo est . At dicor esse in hac superficie quæ me modo continet , & terminat Venerijs , tanquam in proprio loco . Si ergo locus proprius continet , & determinat . Ergo deducitur , quod fit forma , quia forma est illa quæ continet , & determinat .

Subdit Opinionem Platonis , dicentis locum esse materiam . Argumentabatur autem sic Plato . Locus est quædam dimensio . Sed dimensio , & materia idem sunt . Ergo locus erit materia . Addit autem Philosophus , Platonem in scriptis tenuisse locum esse materiam , quia recipiebat formam , sed in his quæ ore tenus tradidit , affirmavit esse paruum , & magnum .

*Locus neque est materia , neque forma .* Secundo ergo loco principali ponit hanc conclusionem Philosophus , quam quinque rationibus probat , scilicet . Locus neque est materia , neque forma . Prius autem dicit , quod cognoscere quid sit locus difficile est , quia difficilis est speculatio materia , & formæ , quoniam vnũ illorum non potest cognosci absque alio . Probat ergo conclusionem primo sic . Materia , & forma non possunt separari sine corruptione rei , cuius dicuntur materia , vel forma . Sed locus separatur a locato absque eius corruptione , vt patet in vase , in quo prius erat aqua , a quo si fluat aqua , subingreditur aer , vase manente incorrupto .

Secundo . Materia , & forma non sunt extra rem , cuius dicuntur materia , & forma . Sed locus est extra locatum , cuius dicitur locus . Ergo , &c .

Tertio hoc probat specialiter contra Platonem , ponentem ideas separatas a materia , & locum esse materiam . Nam sic sequitur , quod numeri , & magnum , & paruum sint in materia . Probatur .

Participans est in re participata . Si igitur idem ab his participatur . Ergo sunt in illis .

Quarto . Res mouentur ad sua loca naturalia . Sed non mouentur ad materiam , & formam , cum hæc habeant . Ergo , &c .

Quinto . Locus corrumpitur per recessum rei locatæ . Sed materia , & forma non corrumpuntur per recessum rei locatæ ab vno loco . Ergo materia , & forma non sunt locus .

Circa supradicta autem primò notandum venit , antiquos propterea dixisse locum esse formam , quia forma determinat , coarctat , & finit , sicut facit forma . Sed sciendum quod determinare &c . stat dupliciter . Primo intrinsece , & essentialiter , determinando potentiam materiæ , & rem constituendo in tali esse . Secundo extrinsece , & accidentaliter , idest quo ad extrinseca , & accidentalia . Primo modo conuenit determinare formæ , & secundum modo loco , vnde ratio antiquorum laborabat in æquiuoco . Vel dicendum , quod loco non conuenit determinare proprie , quia sic conuenit formæ , sed habet de terminare improprie , & similitudinarie , quia locatum dicitur a loco .

Secundo adnotandum , quod dupliciter possunt interpretari verba Platonis , dicentis locum esse materiam . Primo , vt voluerit locum esse materiam proprie , & conuertibiliter , & hoc non video in Platone , nec potest esse verum . Secundo similitudinarie , quia sicut locus recipit locatæ , ita materia recipit formas , vnde vocatur earum receptaculum . Consuetum autem fuit apud antiquos vti figuratis locutionibus , vel quia ex notioribus nobis procedebant , vel quia rei cognitionem imperfectam , & quo ad quædam generalia habebant , quamobrem merito ab Arist. reprehenduntur , quia propria cognitio rei non penderet a Metaphoris , & similitudinibus .

Tertio animaduertendum venit , Philosophum dixisse speculationem materiæ , & formæ esse difficilem propter tria . Primum , quia materia , & forma sunt principia , & causæ rerum naturalium , horum autem altissima , idest difficilis est cognitio . Secundum , quia forma saltem intellectu secundum rem separatur a materia , materia autem minimum habet de actu .

*Locus communis de terminare extrinsece .*

*Opinio Platonis interpretatur .*

*Cognitio materiæ , & formæ difficilis est .*

de actui, qui est principium cognitionis, & ideo istorum cognitio redditur difficilis. Tertium est, quia hæc simul cognoscuntur, difficilior autem confurgit cognitio duorum simul, quam vnius, exteris paribus.

Quarto duo collige. Primum, quod Philosophus hucusque disputatiue processit, in sequentibus autem procedet diffinitive. Secundum est, quod difficilis est cognitio loci, quo ad quid est, non vero quo ad an est, quod & dicimus de materia, & forma.

## D V B I A.

**H**æc autem, quæ dicta sunt in superioribus, difficultate non carent.

Primum ergo dubium erit circa illud, quod dixit Philosophus locum esse de numero causarum. Hæc enim consequentia mala est. Si locus est. Ergo erit de numero causarum, non enim omne ens, est causa. Ad hoc dicitur, quod talis consequentia non est Philosophi, sed antiquorum, qui posuerunt locum esse causam. Secundo dicitur, quod sumendo locum non Mathematicæ, sed naturaliter, erit causa saltem modaliter, quia habet modum formæ determinantis. Vel dicendum tertio, quod optima est consequentia Philosophi, si colligatur cum alijs rationibus, sic enim conficitur argumentum. Aut locus est corpus, aut est quid indiuisibile, aut est elementum, aut est ex elementis quasi effectus, aut est de genere causarum. Sed nullo horum potest esse ut arguebant. Ergo non datur locus.

Secundum dubium accidit circa id quod Philosophus dixit, scilicet cognitionem materiæ, & formæ esse difficilem, quia vnum horum non potest cognosci sine alio, oppositum enim dixit in 8. Methaphysicæ text. 3. dum affirmavit formam esse separabilem cognitione. Ad hoc dicitur, quod materia, & forma duobus modis spectari possunt. Primo in vniuersali, pro materia, & forma ut sic. Secundo in speciali, pro tali materia, & tali forma. Primo modo sunt inseparabiles, quia dicunt ordinem ad inuicem. Secundo modo separantur cognitione, quia verbi gratia forma Mathematica secundum rationem separatur a materia naturali, non tamen

ab intelligibili, & hoc est quod voluit asserere Aristoteles, in 8. Methaph. Vel secundo dicendum, quod forma potest duobus modis considerari. Primo sub ratione independentiæ, & sic potest separari à materia, quia ab ea non dependet, sed e contra materia dependet à forma, & ideo non cognoscitur nisi per Analogiam ad formam, nam forma ut forma est actus, & materia potentia de se, actus autem ut actus de se est cognoscibilis, non sic potentia. Secundo modo possunt considerari formaliter, & relatiue, ut forma est materiæ forma, & materia est forma materiæ, & sic vnum non potest cognosci sine alio.

## LECTIO VI.

*Post hæc autem accipiendum est quot modis &c. text. 23.*

**P**ost quam Philosophus egit de loco secundum dicta antiquorum hic incipit tractare de vera natura loci. A textu igitur 23. vsque ad 35. quinque dicit.

Primum est, quod dicto modis aliquid dicitur esse in alio. Primo sicut pars in toto, ut digitus in manu. Secundo sicut totum in partibus. Tertio sicut genus in speciebus, & omne superius in inferioribus. Quarto sicut species in genere, & inferius in superiori. Quinto sicut sanitas in adæquatione humorum. Sexto sicut recta in re gente. Septimo sicut res sunt in optimo, & fine. Octauo sicut locatum est in loco.

Secundo loco mouet dubium. An idè possit esse in seipso. Et respondet negative, scilicet non posse esse in seipso perse, sed bene per acciden, pro ut partes dicuntur esse in toto, v.g. quia in amphora est vinum, ita ut dicatur vini amphora, idcirco vini amphora esse in seipsa perhibetur, non quidem primo, sed ratione partium.

Tertio soluit rationem Zenonis arguentis, quod si locus datur, locus erit in loco. Respondet enim, quod locus non erit in loco octauo modo, vel sicut acciden est in subiecto, vel ut sanitas est in calidis, & frigidis, quia locus est vltima superficies corporis continentis, & ideo habebit modum essendi in alio, sicut acciden

*Esse ali-  
quid in  
alio octa-  
uoliter.*

cidens est in subiecto. Soluit etiam rationes tenentium locum esse materiam, vel formam, de quibus supradictum est.

Quarto loco principali apponit quasdam responsiones, ex quibus incipit determinare de loco. Prima est, quod locus continet locatum, non tamen est aliquid locati, & sic excludit quod locus sit forma, quia forma est aliquid rei cuius dicitur esse forma. Secunda est, quod locus est æqualis locato, non maior, nec minor. Tertia est, quod locus nunquam deficit locato in specie, & si ei deficiat in numero. Quarta est, quod in omni loco reperiuntur quædam differentie locales, scilicet sursum, deorsum, &c. ad quas naturaliter mouentur res naturales.

Quinto loco tradit obseruanda pro assignanda bona diffinitione loci, & dicit, quod ex motu deuenimus in cognitionem loci, & quod ea quæ mouentur, quædam mouentur per se, & quædam per accidens, & omnia clara sunt in textu.

*Locus nihil est locatus intrinsece.* Circa supradicta primo adnotandum venit circa illam propositionem. Locus nihil est locati, quod duobus modis potest intelligi. Primo, ut nihil omnino sit locati, & hoc est falsum, quia constituit, trahit, & perficit locatum, & est superficies vltima corporis continentis. Secundo modo intelligi potest, ut nihil dicatur locati intrinsece, sicut materia, & forma dicuntur aliquid esse corporis, ex ipsis constituti, & sic intelligitur, quia locus non facit locatum, sed ipsum supponit esse.

*Est inseparabilis a locato secundum speciem.* Secundo notandum est, quod locus sit separabilis, vel inseparabilis a locato, bifariam sumi potest. Primo secundum numerum, & sic qualibet res separabilis est a loco, id est ab hoc, vel illo loco. Secundo secundum speciem, id est a loco, & sic intelligitur, quia quamuis locatum separaretur ab hoc, vel illo loco, tamen semper erit in aliquo loco.

*Qualis sit determinat sibi sursum & deorsum.* Tercio adnotandum est etiam circa illam propositionem. Qualibet res determinat sibi sursum, & deorsum, quod binas sibi faciam intelligi potest. Primo in rebus sursum, naturalibus, & sic est verum, quia leuia sursum tendunt, & graui deorsum descendunt &c. Secundo in rebus Mathematicis consideratis, & secundum ratio-

nem abstractis, & sic eadem res abstracta hinc à sursum, deorsum, dextrorsum, sinistrorsum ante, & retro.

Quarto adnotandum est, quod à Philosopho in textu quatuor assignantur conditiones bonæ diffinitionis. Prima est, quod explicet naturam diffiniti, quia ad hoc datur. Secunda est, quod tollat omnes difficultates, circa naturam rei diffinitæ emergentes, quia diffinitio soluit omnes difficultates. Sed hoc dupliciter stare potest. Primo formaliter, & sic est falsum. Secundo virtualiter, & sic est verum, quia ex assignatis particulis, & bene intellectis soluit omnes nodos difficultatum. Tertia est, quod innotescere faciat proprietates rei diffinitæ, quia est medium ad cognoscendam inhzrentiam passionum in subiecto. Sed hoc intellige, quod non faciet scire omnes, & quasquæ proprietates, sed solum essentielles. Quarta est, quod ex notitia eius pateat causa discordantiæ. Hæc autem omnia dicit esse assignanda in diffinitione loci.

Quinto notandum est, quod ex motu deueniamus in cognitionem loci, hoc est verum, non loquendo de cognitione à priori, quia locus supponitur prior motu, unde verum est de cognitione à posteriori, per notiora nobis, nam quia vidimus quæ mouentur mutare locum, & modo hic esse, & postea à libi, sic deuenimus in cognitionem loci.

*Diffinitio hinc tenet conditiones.*

*Ex motu cognoscimus locum.*

## D V B I A.

**C**ontra supradicta autem sunt duo dubia. Primum est, quia Philosophus concedit hanc propositionem. Amphora vini, est in amphora vini ratione partium. hoc autem non videtur concedendum, quia amphora est locus vini, locus autem non est in loco. Respondetur tamen, quod hic variatur suppositio, quia dum dicimus, vinum esse in amphoram intelligimus ut in loco, dum vero asserimus amphoram esse in vino, non ut contentum à vino, sed ut continens vinum.

Secundum dubium est. An locus æqualis sit locato, ut dicitur in textu. Videtur enim hoc esse falsum. Primo, quia locatum cum sit corpus habet tres dimensiones, locus vero cum sit superficies, duas solum habet. Ergo non sunt æquales. Secundo.



cundo. Contingens est maius contento, locus est continens, & locatum contentum. Ergo locus non est æqualis contento.

*Locus duplex communis*  
*Pro solutio*  
*huius dubij considerandum venit.* Primo quod duplex est locus, scilicet communis, qui plura continet, & proprius, qui tantum vnum ambit, & hunc dicimus esse æqualem locato.

*Aequalitas duplex*  
*Secundo adnotandum est cum Alberto Magno, quod duplex est æqualitas. Prima dicitur dimensionum, id est secundum dimensiones. Secunda dicitur continentiarum, in quantum vnum non plus continet quam aliud, & hoc secundo modo locus dicitur æqualis locato, quia non continet nisi locatum. Non autem æquales dicuntur primo modo, ut primum argumentum probat.*

*In superficie duo sunt consideranda.* Tercio adnotandum est, quod duæ superficies sunt considerandæ in loco, & locato. Prima dicitur concava, id est circumdans corpus. Secunda dicitur convexa, quæ terminatur ad concavam in indivisibili. Cum igitur duo indivisibilia se tangentia non faciant inæqualitatem, nec maioritatem, vel minoritatem, hinc dicimus locum, & locatum esse æquales.

Quarto notandum venit. Quod etiam aliquoties secundum dimensiones locus potest dici æqualis locato, quia vnum alteri esse æquale secundum dimensiones dupliciter stat. Primo essentialiter, & adæquate, & sic non sunt æqualia, nisi illa, quæ habent easdem dimensiones, & omnes. Secundo virtualiter, & æquivalenter, & hoc modo locus virtualiter, & æquivalenter dicitur habere profunditatem, sicut eam habet corpus locatum, quia illud conservat, & circumscribit, per omnes dimensiones, & per hæc patet ad argumenta.

## LECTIO VII.

*Ita ergo manifestum ex his. text. 35.*

**I**N his textibus immoratur Philosophus in explicatione diffinitionis loci. Ait ergo ex dictis esse manifestum, quid sit locus. Nam vel erit materia, vel forma, vel spatium consistens in medio corporum, vel erit extremum corporis continentis. Sed locus neque est materia, nec forma, nec spatium. Ergo erit extremum corpo-

ris continentis. Probat minorem. Primo quod non sit forma, quia forma continet intrinsece, & locus extrinsece. Secundo quod non sit spatium, & hoc dupliciter. Primo, quia si tale spatium trinam dimensionem habens daretur in natura, essent infinita loca, quia corpus locatum infinite dividi potest, & sic haberet infinita loca. Secundo, quia sic sequeretur locum esse in loco, locumque mutare, & plura simul loca esse. Tercio probat quod non sit materia. Primo, quia materia recipit formam, ut pars compositi, non sic locus. Secundo, quia materia non potest separari à composito sine corruptione, locus vero à locato utique. Reliquum ergo erit quod locus sit superficies corporis continentis, immobilis primo. Habeas autem hanc rationem non esse demonstrativam, quia antiqui potuissent dicere, locum esse aliquid aliud ab enumeratis, & ideo currit tantum contra famosiores opiniones.

## QVAESTIO IV.

*Verum recta sit diffinitio loci qua diffinitur. Locus est superficies corporis continentis, immobilis primo.*

**V**idetur quod non sit recta. Et primo probatur, quod non sit superficies. Nam locus, & superficies sunt diversæ species quantitatis, per Philosophum in predicamentis cap. de quantitate. Ergo locus non erit superficies. Probat, quia una species non est altera species.

Secundo. Corpora naturalia naturaliter moventur ad sua loca naturalia, ut ignis sursum, & terra deorsum. Sed nullo corpus naturale naturaliter movetur ad superficiem, cum non magis moveatur ad hanc, quam illam. Ergo &c.

Tercio. Si locus esset superficies, una, & eadem res simul esset in pluribus locis. Sed hoc est inconueniens. Ergo. Probat assumptum exemplo arboris, cuius radices sunt in terra, & rami in aere, hæc autem habet diversas superficies, scilicet aeris, & terræ.

Quarto. Si locus esset superficies, esset species specialissima, quia locus ponitur species specialissima quantitatis. Sed locus non potest esse species specialissima. Ergo.

Ergo. Probatur minor. Quia locus sub se continet plures species specialissimas loci, idest, sursum, deorsum, dextrorsum, sinistrorsum, &c.

Quinto. Sursum, & deorsum sunt per se differentie loci. Sed deorsum non potest conuenire superficiei, cum non habeat profunditatem. Ergo &c.

Sexto. Locus est immobilis. Sed superficies est mobilis. Ergo. Probatur minor. Quia turris immota manens mutat diuersas superficies, propter aerem flantem, & cimba in fluuiio posita, & immota manens mutat diuersas superficies aquæ fluentis.

Septimo. Immobile non est de conside ratione Phil. naturalis. Sed locus est immobilis. Ergo &c. Maior est Aristotelis 2. Physic. & 6. Methaph. Minor est eiusdem hic.

Octauo. De ratione loci est allicere corpora, allecta fouere, & conseruare. Sed superficies hæc non habet, cum sit quantitas, & quantitas non sit actiua, per Commentatorem hic textu 84. Ergo.

Nono. Angelus dum in loco operatur, in eo est. Sed in eo non potest esse per superficiem continentem, cum res immaterialis non possit contineri a materiali.

Decimo Corpus Christi reperitur sub superficie sub qua continentur species panis, & vini. Sed Christus non est sub illa superficie tanquam in loco. Ergo.

Vndecimo. Separet Deus quantitatem ab aqua, in vase constituta, ibi erit, & non per superficiem, quia superficies circumdat solum quanta.

Opinio-  
nes.

Pro decisione huius questionis ad notandum est, apud antiquos quatuor famo siores fuisse opiniones de loco, ut supra dictum est. Nam quidam illum fecerunt materiam, alij formam, & alij spaciū, seu interuallum, & tandem Arist. dixit, locū esse superficiem, & vltimum corporis continentis, immobilis primo, per quam diffinitionem saluamus quodammodo opiniones veterum. Nam, quia locus recipit locatum, dicitur habere rationem materię, & quia est vltimum rei locatę, dicitur habere modum formę, & etiam spaciij, pro quanto in loco successiue succedunt corpora locata. Si autem cupis scire quomodo antiqui diuisi sunt inter se, dū posuerunt locum esse spaciū inter late-

ra corporis continentis constitutum, lege Ruum hic, tractatu de natura loci, quæ stione prima.

Secundo adnotandum est, quod apud Aristotelis expositores varię sunt sententię de natura loci. Quidam enim dixerunt illum esse corpus, tangens vbiq; locatum. Alij dixerunt eum esse situm, & alij positionem, de quibus opinionibus aliqua dicenda erunt infra.

Tertio ergo accedendo ad veram diffinitionem loci adnotandum est, quod locus multis modis sumitur. Primo enim sumitur communiter pro corpore continēte locatum, quomodo libet, sicut dolium dicitur locus vini, aqua terrę, aer aquę, & ignis aeris, quia hæc continent. Secundo sumitur pro ratione locatiua, seu locandi, quo pacto dicimus corpus locari per quantitatem, immateriale per operationem, & secundum Auerroem vltima sphaera est in loco per centrū. Tertio modo capitur pro subiecto operationis, idest pro eo loco in quo quis operatur, vnde dicimus Angelū esse, vbi operatur. Quarto modo accipitur pro situ, per motū localem acquisito, & sic modo dicor esse Venetijs, & si adiero alium locum, ibi dicat esse. Quinto modo sumitur pro conseruatiuo locati, & sic terra dicitur esse locus arborum, & animalium, & aqua piscium. Sexto modo sumitur pro vltima superficie corporis continentis, immobilitatem habentis, & sic accipitur hic.

Quarto adnotandum est, Aristotelem in textu non ita expresse dixisse locum esse superficiem, sicut dixit eum esse vltimū corporis continentis, & hoc ob duas rationes. Prima est, quia locus est terminus rei locatę. Secunda est, quia dato quod aer subtraheretur, qui dicitur habere rationem superficiei, & tunc aliquid moueretur de orbe lunę ad terram, haberet vltimum secundum quod esset in longiori, vel propinquiore distantia ad terram, & tamen tunc non haberet vltimam superficiem, se ambientem.

Quinto adnotandum est, dupliciter posse intelligi locum esse superficiem. Primo sumendo superficiem, prout est quædam mensura quantitatiua, mēsurans locatum solum secundum longitudinem, & latitudinem, adeo ut sint idem identice, & cōuertibiliter, locus, & superficies, & sic

Locus  
multis  
modis  
sumitur,

Locus  
est vlti-  
mū cor-  
poris co-  
ntinentis.

Et super-  
ficies  
physica.

Et sic non intelligitur, quia non omnis locus est superficies. Secundo sumendo superficiem pro ultimo termino contentiuo corporis locati, mensurante locatum, & sic hic dicitur superficies, quod est dicere, locum non esse superficiem Mathematicam, sed Physicam.

Forma-  
liter.

Sexto notandum, diffidium esse inter Doctores. An superficies sit locus formaliter, vel materialiter, idem subiectiue. Nam Iandunus hic quaest. 4. tenet superficiem non esse locum formaliter, id est ut superficies est, unde asserit qualitatem actiuam, in superficie existentem, & locati cōseruatiuam esse locum formaliter. Sed hæc opinio falsa est. Primo. Quia locus ponitur ab Aristotele in prædicamento quantitatis, ut locus est. Ergo formaliter non spectabit ad qualitatem actiuam. Secundo. Quia potest esse locus sine qualitate actiua cōseruatiua locati, ut patet in aere infecto. Ideo secundo loco Scotus quodlibeto 1. 1. art. 1. affirmavit superficiem non esse genus loci, vel eius rationem formalem, unde dixit relationem cōtinentiæ esse loci. Sed hæc opinio etiā refellitur. Primo. Quia proprietates loci scilicet cōmēsurari, & æquari locato, ipsum cōseruari, &c. relationi non cōueniunt, quoniam ab his abstrahit.

Tertia ergo sententia est S. Doctoris, in secundo dist. 12. q. 1. art. 5. ad 2. Sonci. 5. Meth. q. 40. conclus. 2. & Toleti hic q. 4. scilicet quod superficies dicit rationem formalem loci, & se habet ut genus, quia superficies tripliciter cōsiderari potest. Primo ut dicit extensionem secundum longitudinem, & latitudinem, & sic ponitur secunda species quantitatis continuæ. Secundo ut per has dimensiones circūscribit locatum. Tercio ut abstrahit ab ordine ad corpus continens, & cōtētum, & solum dicit quantitatem continuam extensam secundum longitudinem, & latitudinem, & sic ponitur tanquam genus proximum prædicabile de suis speciebus dupliciter cōsiderari potest. Primo in ordine ad corpus, quod ambit, & circūscribit, & sic se habet ut eius forma determinatiua. Secundo ut ultra hoc immobilitatem importat, & sic se hæt ut materiale, quia formalitas loci quo ad immobilitatem trahitur a polis mundi, ut modo dicemus.

Septimo ergo notandum venit, quod circa immobilitatem loci extat triplex modus dicendi: Primo ergo A uerroës Commento 41. & Iandunus hic 26. dicit locum esse immobilem propter tres causas. Prima est, quia cum locus sit superficies, & superficies sit accidens, consequenter non mouebitur per se, quia accidens non mouetur nisi ad motum subiecti. Secunda est, quia si mouetur, non mouetur sicut locatum mouetur. Tertia est, quia non est necesse moueri locum, quando mouetur locatum. Sed hæc sententia non uidetur Aristotelica. Primo. Quia dicere locum esse immobilem, quia non mouetur, eo modo quo locatum mouetur, &c. non est facere locum immobilem per se, sed potius per accidens, & secundū quid. Secundo. Quia hoc non esset proprium loco, quia sic omnia accidentia non mouentur per se, sed si mouentur mouentur per accidens, scilicet quatenus sunt insubiecto mobili.

Scotus ergo in secundo dist. 1. q. 6. art. 1. s. 1. huius sententiæ, quod locus dicere tur immobilis secundum æquialentiam, quia dato, quod circa eandem rem locata diuersæ superficies varientur, una tamē alteri succedit, & primæ æquiualeat. Sed nec hæc opinio subsistit. Primo. Quia non obseruat unitatem numeralem loci, sed solum specificam, quoniam admittit variationem numeralem specierum, Aristoteles autem intelligit locum esse unū numeraliter, & sic immobilem. Secundo. Quia idemmet Aristoteles dat exemplū de nauī in fluuiū posita, circa quam variatur diuersæ superficies aquæ, & tamen dicitur esse immobilis localiter.

Sententia igitur S. Doctoris est. Quod duo sunt consideranda in loco. Primum se habet ut materiale, & tale est superficies, hoc tale corpus locatum ambiens, ut aer continuo circa turrim motus, vel aqua subtus nauim fluens. Secundum se habet ut formale, & hoc est illa distantia quares locata gaudet ad polos mundi, & ad cælum comparata. Si igitur primo modo locus consideretur, dicitur mobilis, & secundo immobilis, quia & si varientur superficies circa locatum, seruat tamen semper eandem distantiam ad polos mundi immobiles. Sed contra hanc sententiā cōsurgit Benedictus Pererius, lib. 1. c. 2.

sz naturalis Philof. & eam oppugnat (vt ipfe ait) validiffimis argumentis. Primo. Quia fic fequeretur, quod locus formaliter effet ens relatiuum, cum illa distantia non fit nifi quardam relatio, & confequenter ad locum non effet motus, quia ad relationem non eft motus. Secundo. Sic superficies non effet de effentia loci, fed tñum accederet illi feeparabiliter. Sed hoc eft abfurdũ. Ergo. Maior probatur. Quia superficies continuo mouetur, & feeparatur. Probetiam minor. Quia locus diffinitur per fuam fuperficiem, ranquam per fuum genus effentiale. Tercio. Aut hic ordo erit fubiectiue in celo, aut in fuperficie; id eft in aere continente verbi gratia turrim. Non in celo, cum celum eodem mó fe habeat ad omnia locata. Si in aere, cum varietur aer cum fuperficie, locus erit mobilis, & non immobilis. Quarto. Quia mirabile eft, Aristotelem nullam feiffe mentionem de hac distantia, fi ab hac pendet immobilitas loci.

At fententia S. Doctõris immobilis ftat, fed antequam eam ab argumentis huius viri defendamus, audiendum primũ eft, quid ifte fenderit. Opinio igitur huius in tribus punctis cõfiftit. Primum eft, quod folus locus naturalis corporum fimplicium, id eft elementorum eft immobilis, & de hoc folum locutus eft Philof. quare ignis femper furfum tẽdit, & terra deorfum. Secundum eft, quod quãdoque vñr pñmus fitum pro loco dicentes ea, quæ funt in fitu effe in loco, fumendo locum generaliter. Tercium eft, quod turris circa quam cõtinuo currunt diuerfæ fuperficies dicitur immobilis pñssue, quia fecundum fe non mouetur, aetiue tamen non dicitur immobilis propter fuperficiem mobilem. Sed hæc opinio rudis eft, nec Arist. confentanea. Primo. Quia Aristoteles hic diffinit genus loci, vt patet, & non fpeciem loci, id eft locum elementorum. Mirabile enim effet, quod præter miffiffet hoc tam neceffarium, fcilicet qd fit locus, & expreffiffet folum quid fit locus elementorum. Secundo ad quid quæfiffet quomodo diffinitio loci cõueniat vltimæ fphæræ, fi tantum de loco elementorum intellexiffet? Secundum punctum etiam falsum eft, quia fitus refpicit partes in loco, & locus dicit continentiam locati, vnde exemplum datum de

naui non facit pro fitu, fed pro loco, vt eft fuperficies. Tercium non eft dignum confideratione, cum manifefturn fit Aristotelem loqui de loco vt eft fuperficies, & propterea de eius immobilitate dubitauit.

Ad primum autem Pererij dicendum eft, quod locus bifariam confiderari potest. Primo pro fola distantia formaliter. Secundo pro distantia fundamentaliter id eft pro fuperficie fundante hanc distantiam, & hoc fecundo modo dicimus locum effe immobilem, confiderando fuperficiem prout dicit continentiam locati. Vel fecundo dicendum, quod locus dupliciter fumi potest. Primo pro hac fuperficie, & fic non eft immobilis, cum hæc fuperficies tranfeat. Secundo fumitur pro loco, vt dicitur locus rei locatæ, & fic ad ipfum eft motus, & ipfo dicit rem abfolutam id eft quantitatem, cum refpectu distantia &c.

Ad fecundũ negamus affumpẽũ, quia quamuis hæc fuperficies poffit feeparari a loco, non tamen omnis fuperficies, vnde pro eo tunc, pro quo locatum ambit, neceffario dicitur locus.

Ad tertium dicimus, quod talis distantia fubiectiue eft in re locata, & loco continente non abfolute, fed fecundum ordinem, quem habet ad polos immobiles celi. Qui ordo non eft æqualiter in celo, vt dicitur talem distantiam cum re locata.

Ad quartum dicitur: Aristotelem expreffiffe talem distantiam textu 37. in fine.

Ad quintum dicimus verum effe, quod locus refpectu fuperficie trahit, & conferuat locata diuerfimode propter diuerfum ordinem, quem habet ad cõelũ, quare tantum diuerfitatem confpicimus in animantibus fub diuerfo climate celi pñffitis, & de hac re velle dubitare irrationabile eft.

Ad primum principale dicitur, quod locus fit fuperficies, dupliciter confiderari potest. Primo in ratione mẽfuræ ad quæ, & fic dicimus diftingui. Secundo in ratione continentis, & ambientis, & ita affirmamus locum continere, & ambire locatum, quia eft eius fuperficies vltima.

Ad fecundum dicendum, quod nullum corpus mouetur ad fuperficiem præcife, fed bene vt dicit talem ordinem, & distantiam

LECTIO. VIII.

Cui quidem igitur corpori, &c.

TEXTUS 43.

stantiam ad cœli, ex quo habet virtutē attractiuam, & conseruantiam locati.

Ad tertium dicimus, quod multæ illæ superficies se habent per modum vnius superficiei, continentis locatum.

Ad quartum dicendum, quod superficies hic sumitur pro vt continet, & non entitatie, prout dicit vnum ens numero specie, vel genere.

Ad quintum dictum fuit, quod superficies habet profunditatem, non secundū dimensionem, sed secundum continentiam vel æquivalentiam.

Ad sextum, dictum fuit in 7. notabili.

Ad septimum dicitur, quod valet de immobili abstracto à materia secundum rem; & secundum rationem, tale enim est de consideratione Methaphysici, nō vero omne Immobile materiale, hoc enim est de consideratione Physici.

Ad octauum dicitur, quod conseruare locatum nō est locus formaliter, & essentialiter, sed est passio eius consecutiue.

Ad nonum dicitur, quod Angelus non dicitur esse in loco circumscriptiue, sed distinctiue; vnde nō continetur à superficie nisi materialiter, id est vt circumdat locum in quo Angelus operatur; Angelus vero dicitur continere locum formaliter, & causali continentia, sicut anima sic continet corpus.

Ad decimū dicitur, quod superficies, quæ est locus locatum circumscribit, & definit, vt ibi sit, & non alibi. Hoc autem non habet superficies circumdans species corporis Christi, quia non solum est sub hac superficie, sed sub omnibus, etiam infinitis, si infinitæ hostiæ darentur, & hoc simul, & semel.

Ad vndecimum dicendum erit in prima p. q. 5. art. 1. pro nunc autem superficialiter dicitur, quod cum tunc aqua quantitate careat, quæ est ratio locandi quantum, sicut operatio, est ratio locandi à materia separata, ideo erit tantum in loco imaginario. Vel dicendum, quod erit in vase, non practicalitate completa, sed incompleta, id est practicalitate ordinis.

Postquam Philos. tradidit distinctionem loci, modo mouet vnum dubiū, scilicet quomodo vltima sphaera sit in loco, cum non habeat extra se vltimum terminum, qua difficultate soluta transit ad soluendum difficultates in precedentiibus moras, circa naturam loci.

Primo ergo dicit Philos. quod ex data definitione loci elicimus illud corpus, quod extra se habet superficiem circumdantem, & ambientem, illud tale in loco erit. At illud quod hanc superficiem non habet, non erit in loco. Hinc subdit, quod vltima sphaera non est in loco secundum totum, sed secundum partes. Hoc autem declarat exemplo aquæ, quæ si non haberet aliud corpus ipsam circumdans, non esset in loco secundum se totam, sed diceretur esse in loco per partes, quia partes aquæ continuo mouerentur, & mutarent locum, & ideo ratione harum posset tota aqua dici esse in loco per partes.

Secundo loco adducit quasdam distinctiones. Prima harum est, quod esse in loco per partes fiat dupliciter. Primo in actu, id est per partes diuisas existentes in loco in actu. Secundo in potentia, id est per partes non actu diuisas, sed continuas, & hoc secundo modo aserit cœlum, & vltimam spheram esse in loco in potentia, id est per partes, non actu diuisas. Secunda distinctio est, quod quædam sunt in loco in actu, & per se, & quædam per accidens. Primo modo dicuntur esse in loco, quæ se mouendo mutant locum, vel quæ augmentum, vel decrementum sustinent. Quapropter cœlum cum secundum se totum non mutet locum, non dicitur esse in loco per se, sed per partes, quæ diuersa vbi in motu obtinent. Secundo vero modo, illa dicuntur esse in loco, scilicet per accidens, quia id, in quo sunt, dicitur esse in loco, & hoc modo anima dicitur esse in loco, quia corpus in quo est, in loco est; & ita cœli dicitur esse in loco per partes suas, quia secundum se totum non mutat locum sed per suas partes.



Tertio soluit rationem negantium locum esse &c. Sed de his in annotationibus, & dubijs.

*Intestio  
Arist.*

Circa supradicta igitur. Primo ad notandum est, litteram esse circa intentionem Aristotelis, quam habuit in textu 43. 44. & 45. Nam Græci dicunt quod cælum dupliciter sumi potest. Primo pro vltima sphaera, quæ secundum Aristotelem est firmamentum, id est cælum stellarum fixarum, vel secundum alios est decima sphaera, supra christialium exilens, id est primariū mobile. Secundo sumitur pro aggregato ex omnibus orbibus simul cōiunctis. Dicunt ergo Aristotelem intellexisse vltimam sphaeram cum alijs coniunctam esse in loco per partes, quia scilicet inferiores orbis sunt in loco. Albertus vero sentit, Aristotelem voluisse vltimam sphaeram esse in loco per partes, in quantum constat ex cælo, elementis, & clementis; nam istæ partes vniuersi in loco sunt. Sed sententia S. Doctoris est, quod per vltimam sphaeram, intelligat vltimum cælum, quod non est in loco per se, sed per partes, & non per partes in actu, vt sequitur, ex aliorum opinionibus, sed in potentia, quia secundum se sunt continuæ. Ad hoc enim tendunt distinctiones Philoſ. & eius verba. Inquit enim in eo enim quod circulariter sunt, continet alia &c. Sed contra hæc expositionem instat Toletus, Aristotelem dicere, quod partes mouentur sursum, & deorsum, hoc autem non potest contingere partibus orbium, vel cæli. Sed respondetur, quod ly sursum, & deorsum negative ponitur, vt sit sensus, quod mouetur circulariter, non mouetur sursum, nec deorsum, & propterea non mutat locum. Remanet ergo solida sententia S. Doctoris, & impugnata aliorum sententia, quia Aristoteles nullam mentionem fecit de hoc aggregato, sed de cælo, & quia cum vltima sphaera, & ipsa sit pars vniuersi, adhuc videndum erat, quomodo hæc pars esset in loco per aliam partem, quod non fecit Philosophus.

*Motus  
localis  
duplex.*

Secundo adnotandum est circa textum 45. in quo loco negat Arist. quod circulariter mouetur, moueri secundum locum, quod motus localis dupliciter sumi potest. Primo communiter, pro quocunque quod mouetur in loco. Secundo pro-

prie pro eo quod mouetur in loco, & a loco, quem non habet, nec secundum totum, nec secundum partes. Primo modo cælum potest dici moueri secundum locum, quia mouetur in loco, sed secundo modo non, quia non mutat locum secundum rem, & secundum totum, sed secundum partes, vnde hic motus non proprie dicitur localis, sed circularis.

Tertio notandum est, Aristotelem in *Soluit* textu 47. incipere soluere rationes oppugnantium veram naturam loci. Reliquæ tamen duas insolutas, scilicet, an locus esset elementum aut ex elementis, quia compertum erat, nullum horum esse, sed terminum corporis continentis, ita non soluit an locus sit causa, quia ex definitione eius, & proprietatibus explicatum remanebat. Respondet ergo primæ rationi, quia obijciebatur, quod si locus datur, erit æqualis locato, & sic deberet augeri, sicut augetur locatum. Respondet inquam non esse inconueniens, quod locus augeatur, quia cum sit superficies aerea de facili cedit, & augetur, & minuitur cum re locata. Secunda erat, quia puncti esset locus. Hoc negat, quia locus non est punctum, sed superficies. Tertia erat, quod duo corpora essent in eodem loco. Hoc quoque negat, quia superficies non penetrat corpus, sed solum illud circumdat. Quarta erat Zenonis, quod locus esset in loco. Hoc pariter negat, quia res locata est in continente, & circumdante, & locante.

Quarto animaduertendum venit circa textum 49. quod cum aqua in aerem transmutatur, & aer in ignem, quia tunc imperfectum sit perfectum, ideo hæc transmutatio poterit vocari generatio, quia transit ad esse perfectius, dum vero superius in inferius mutatur, cum sit minus perfectum, consequenter poterit dici corruptio.

#### D V B I A.

Sed primo non transit absque dubio, id quod asseruit Aristoteles textu 46. scilicet quod vnum elementum mouetur ad superficiem alterius elementi. Contra enim instatur.

Primo. Nam vnum elementum sic mouetur ad superficiem alterius elementi. Sed tertia non mouetur ad superficiem aquæ,



aquæ, sed ad suum centrum. Ergo.

Secundo. Quælibet res naturaliter quiescit in suo loco. Sed terra non quiescit naturaliter in superficie aquæ, quia si supra eam ponatur, deorsum mouebitur.

Tertio. Locus circumdat per totum locatum. Sed aqua non circumdat per totum terram, quia sic eam cooperiret. Ergo.

Pro decisione huius dubij sciendum est, quod locus dupliciter sumi potest.

Primo pro ratione locandi aliquid in continente, quam rationem appellabimus locum ut quo. Secundo modo sumi potest, pro superficie ambiente, & circumdante locatum, ipsumque ad se alligentem, ac conseruantem. Si locus primo modo sumatur, dicendum venit, omnia in loco poni per centrum mundi, quia hoc est causa, & ratio quod terra locetur in aqua, aqua in aere, & aer in igne. Si vero secundo modo sumatur, sic locus terræ naturalis est aqua, aquæ aer, & ignis aeris.

Secundo considerandum venit, quod talis superficies, bisariam considerari potest. Primo ut superficies tantum præcise. Secundo ut est in tali distantia ad altitudinem poli, sub tali climate &c. quibus rationibus locus dicitur conseruarius rei locatæ, & hoc secundo modo capitur.

Tertio adnotandum est, quod quædam elementa sunt grauiora, ut terra, & etiam aqua, quæ est terræ propinqua, & quædam sunt leuiora, idest aer, & ignis; quæ magis accedunt ad superiora. In grauius hoc operatur ratio locatius, quod facit ea dici esse in loco per centrum, magis quam per superficiem, quia per centrum quiescunt, & conseruantur ab exteriori superficie. At in leuius alia est ratio, nam hæc magis dicuntur esse in loco per superficiem, quia conseruantur, & quiescunt, dum superius tendunt, non ad centrum mundi.

Ad primum, & secundum iam dictum est, quod terra, & aqua ut grauiora primo mouentur ad centrum. Sed & terra secundum totum sumpta potest dici moueri ad superficiem aquæ, non motu locali, sed alterationis, idest conseruationis, quia terra non esset fructifera, nisi circumdaretur, & irrigaretur aquis.

Ad tertium dicimus ad minorem, quod

aqua terram circumdat, at quod terram non cooperiat non est ob carentiam potentia aquæ, sed ob voluntatem illius, qui dixit. Congregentur aquæ in locum vnum, & appareat arida, quod factum est ad conseruandam vitam animalium, se mouentium super terram.

Secundo dubitatur circa textum 48. in quo dicitur, quod locus non destruit rem locatam. Hoc enim falsum esse conspicitur, cum ignis sit locus aeris, ignis autem sit calidus, & aer humidus, & consequenter se tangendo per contrarias qualitates necesse est ut se alterent, & corrumpant.

Ad hoc dubium breuiter respondetur, quod elementa bisariam considerari possunt. Primo ut opponuntur in qualitate, ut aqua ratione humiditatis opponitur terræ, ratione siccitatis. Secundo, prout secundum superficies, secundum quas se tangunt similia sunt. Primo modo se alterant, & patiuntur ad inuicem. Secundo autem modo nequaquam, quia simile non patitur a simili, in eo in quo est sibi simile. Hoc autem habet secundum S. Doctorem ex influxu calis, faciente quod vnum elementum sit locus alterius secundum suas formas substantiales, sed per qualitates suas agentes, quoniam ex influxu corporis celestis habent, quod vna secundum id in quo cum altera conuenit, non se alterent, & si in tantum, non in totum, & per hoc patet ad argumentum.

## LECTIO IX.

### QVAESTIO V.

*Verum vltima sphaera sis in loco per partes.*

Videtur quod sic. Primo. Nam eo modo aliquid dicitur esse in loco, quo modo habet esse. Sed partes calis, & partes omne continui non habent esse nisi per esse totius. Ergo nec sunt in loco nisi per totum.

Secundo. Eo modo partes sunt in loco, quomodo mouentur. Sed partes non mouentur nisi per accedens, ad motum totius. Ergo similiter non sunt in loco nisi per esse totius.

Tertio. Locus non mouetur necessario ad

ad motum rei motæ. Sed ad motu vnius partis spheræ omnes mouentur. Ergo vna non est in altera, sicut in loco.

Quarto. Philof. textu 32. inquit. Cœlum maxime esse in loco putamus, quia semper esse in motu. Sed illud quod maxime est in loco, est in loco per totum. Ergo cœlum est in loco per totum.

Quinto. Si vltima spheræ esset in loco per partes (vt dicit S. Tho.) esset tantum in loco in potentia, vt explicatur in textu. Sed esse in loco in potentia non est absolute esse in loco. Ergo cœlum absolute non est in loco.

Sexto. Totum nihil est præter partes. Ergo si partes cœli sunt per se in loco. Ergo & totum cœlum.

Septimo. Quod mouetur in loco in actu, est in loco in actu, & non in potentia. Sed cœlum mouetur in loco in actu. Ergo erit in actu. Ergo non per partes. Probatur sequela. Quia esse in loco per partes, est esse in loco in potentia.

Octauo. Partes cœli quæ in potentia dicuntur esse in loco nunquam diuidentur. Sed frustra est illa potentia quæ non reducitur ad actum. Igitur vane dicimus cœlum esse in loco per partes.

Nono. Aut possibile est quod partes vltimæ spheræ sint in loco, aut hoc est impossibile. Non primum, cum corpus cœleste sit incorruptibile, & non possit diuidi, si secundum. Ergo non erunt in loco in potentia.

Decimo. Nec valet dicere, quod vltima spheræ sit in loco, quia mouetur circa septimam quæ est in loco. Nam hæc fuit opinio Auempacis, dicentis septimam spheram esse locum octauæ, quæ opinio reprobatur à S. Doctore.

Vndecimo. Locus continet, & non continetur. Sed octaua spheræ continet septimam. Ergo non est in loco per eam.

Duodecimo. D. Thomas in opusculo de de natura loci declinat à Themistio, & consentit cum Commentatore ponente vltimam spheram esse in loco per centrum. Ergo non erit in loco per partes.

Tertiodecimo. Si cœlum esset in loco per partes, sequeretur quod terra non esset in loco. Probatur, sic enim octaua spheræ est in septima, septima in sexta, sexta in quinta, quinta in quarta, quarta in tertia, tertia in secunda, secunda in

prima, Prima in igne, ignis in aere, aer in aqua, aqua in terra. Ergo terra non in loco erit.

Pro enucleatione huius quæstionis. Primo præmittemus aliquas adnotationes. Secundo loco probabimus nostram conclusionem, & Tertio diluemus argumenta. Quo ad primum igitur. Primo adnotandum venit. circa hanc difficultatem plures extitisse opiniones. Prima quidè fuit illorum Philosophorum, qui dixerunt locum cœli esse quoddam interuallum seu spatium, ab ipso occupatum. Sed contra hanc opinionem stat quod illud interuallum, seu spatium non est quid reale, sed imaginarium, fictitium, & ab Aristotele reiectum.

Secunda opinio fuit Alexandri Aphrodisei, negantis omnino cœlum esse in loco, quod probat. Primo quia vel esset in loco per se, vel per accidens. Non per se, quia non habet superficiem ambientem. Non per accidens, quia cœlum non est pars, vel accidens alterius. Secundo, quia Aristoteles arguendo Zenonem, dicebat locum non esse in loco. Sed cœlum est locus vltimus omnium. Ergo cœlum non erit in loco.

Sed hæc opinio de medio tollitur. Primo, quia omne quod mouetur, vel mouetur in loco, vel extra locum, non secundum, vt sensu patet. Ergo erit in loco.

Secundo. Omne corpus est in loco. Sed cœlum est corpus. Ergo erit in loco. Minor est nota sensu. Maior est Aristotelis supra. Nec valet respondere, quoddam esse corpus non exiens in loco, sed mobile circa locum, & tale esse cœlum. Nam primo obstat, quod oportet deuenire ad hoc an in loco sit, vel non, inter contradictoria enim non datur medium. Ad cœlum non est extra locum. Igitur erit in loco. Secundo obstat, quia illud quod mouetur circa locum, vt circa locum, oportet ipsum esse locum, cum ipsum contineat, & ab eo locatum dicatur.

Tertia igitur fuit opinio Auerrois, affirmantis vltimam spheram esse quidem in loco, sed per centrum. Hoc primo probat. Nam locus est immobilis. At cœlum per centrum est tale. Ergo. Secundo quia cœlum respectu centri dicitur non mutare locum. Ergo respectu eius in loco dicitur.

Opinio-  
nes.

Sed contra Auerroem primo in isto sic. Locus continet locatum. At centrum nō continet cœlum, sed a cœlo continetur. Igitur cœlum non est in loco per centrū. Respondet Pererius, maiorem tantū valere in corporibus motis motu recto, & non motu circulari, ut mouetur cœlum. Sed hæc responsio nullum habet fundamentum in Aristotele, immo cum eo clarissime pugnat, cum continere locatū fecerit vniuersalem conditionem loci, respectu cuiuscuque locati, sic enim cœlū non esset locus omnium, cum motu circulari moueatur, & omnia contineat.

Secundo. Locus est diuisibilis, cum sit superficies. At cœtrum est indiuisibile. Ergo nō erit locus cœli. Respondet Pererius, quod cœlum Mathematicum est indiuisibile, sed Physice est elementum terræ, circa quod cœlum voluitur. Sed hæc responsio ridicula est. Nam ubi inuenit iste terram esse vocatam centrum terræ, immobile secundum totum, pro ut tale est centrum? Sed cur aer, & aqua, & ignis, nō dicuntur centrum cœli, cum circa hæc voluitur, & secundum se tota non mutant locum?

Tertio. Habet Aristoteles cœlum esse in loco per accidens. Ergo non est dicendū cum Auerroem ipsum esse in loco per se ratione centri. Respondet Pererius, quod quia Aristoteles quærebat adinuenire locum cœlo, sicut attribuitur corporibus motis motu recto, ideo dixit ipsum esse in loco ratione terræ circa quam voluitur. Sed hæc responsio pugnat expresse cum textu loquente de his quæ circulari motu mouentur, & definiente cœlum circulari motu mobile non esse in loco, nisi per proprias partes in potentia.

Quarta ergo sententia est S. Doctoris sustinentis vltimam spheram esse in loco, per partes, sed quomodo dupliciter ipsum exponunt eius discipuli. Nam quidam dicunt vltimam spheram esse in loco per partes, quia concuum vltimæ spheræ (dato secundum Aristotelē quod esset firmamentum) est supra conuexum orbis saturni. Cum igitur orbis saturni sit in loco per se, id est per vltimam spheram ipsum ambientē, ideo vltima spheræ dicitur esse in loco per partes, quia secundum partes suas tangit inferiorem spheram existentem in loco per se. Alij

vero Thomistæ hoc interpretantur quod vltima spheræ dicatur esse in loco per partes, pro quanto partes eiusdem vltimæ spheræ sunt diuisibiles in potentia.

Secundo ergo venit notandum, quod locum dupliciter considerare possumus. Primo proprie, ut significat superficiem ambientem corpus locatum. Secundo communiter, pro quocunque corpore determinatum situm habente in vniuerso. Primo modo quærimus, an vltima spheræ sit in loco, omnibus enim constat eam habere supremum situm in vniuerso.

Tertio ergo notandum, quod de superficiebus corporis continui dupliciter loqui possumus. Primo prout possunt mensurari separate, & diuisim à toto per suas superficies. Secundo prout sunt coniunctæ, & vnitæ in toto. Si partes mensurarentur primo modo, dicerentur esse in loco per se, & in actu, quia per se, & in actu diuersis superficiebus mensurarentur. At secundo modo dicuntur esse in loco in potentia, quia in actu vnica tantum superficie totum ambiente circumscribuntur, & in potentia pluribus, pro quanto si illud totum in plures partes separaretur, quælibet illarum haberet propriam superficiem, & consequenter proprium locum.

Quarto igitur considerandum venit, quod sint diuersæ partes in cœlo bifaria intelligi potest. Primo secundum imaginationem nostram, diuersas partes in cœlo diuidentem, prout ipsum diuidimus in diuersa signa Zodiaci, in diuersas decanorias, & terminos. Secundo secundum se, adeo vt dicamus in cœlo secundum se esse diuersas partes, ratione quarum dicatur moueri, & esse in loco. Primam intelligentiam multi Thomistæ sequuntur, sed mihi secunda magis placet, quia vere, & realiter quo ad inditum dantur diuersæ partes in cœlo, quare Aristoteles secundo de cœlo, & mundo in cœlo assignauit dextrum, & sinistrum. Dico ergo cœlum esse in loco per partes, quia partes eius vere, & realiter mutant locum, id est diuersa vbi acquirunt, vnde cœlum dicitur esse in Oriente secundum se, dum ibi est verus Oriens, & sic discurrendo. Hæc autem sententia videtur omnes difficultates enervare, sed in gratiam etiam aliorum.

*Locus dupliciter sumitur.*

*Superficies dupliciter consideratur.*

*Quomodo sint diuersæ partes in cœlo.*

*Ipsamq. denomi-* Quinto loco adnotabo, quod totum  
*nant.* quandoque denominatur à parte, & quā-  
doque non. Quando ergo id quod con-  
uenit parti, aptum natum est etiam toti  
conuenire, totum denominat. Quando  
vero toti non potest conuenire, non de-  
nominat totum absolute. Cum igitur ef-  
se in loco possit cælo conuenire, sed non  
secundum totum, ideo absolute non est  
dicendum, cælum esse in loco, sed secun-  
dum quid, idest per partes.

*Ipsamq. in loco con-* Sed sexto adnotandum venit, quo mo-  
*stituunt.* do partes cæli moueantur, ad hoc vt scia-  
mus, quomodo sint in loco. Colligendum  
est ergo, quod partes cæli sunt coniun-  
ctæ secundum existentiam, & tamē actua-  
liter mouentur, quia mutant diuersa vbi,  
vnde assignatis diuersis partibus in cælo,  
Physice inspectis, & consideratis, quo ad  
diuersum earum influxum, dicendum ve-  
nit, quod cælum est in loco per partes in  
actu, si Physice considerentur, & in po-  
tentia, si Mathematicæ, idest si inspician-  
tur vt diuisibiles, & separabiles à toto.

*Conclu-* Quo ad secundum ergo Cōclusio est.  
*sio pro-* Vltima sphaera est in loco per partes. Pro-  
*batur.* batur. Eo modo vltima sphaera est in lo-  
co quo modo mouetur. Sed vltima sphe-  
ra secundum se tota non mouetur, idest  
non mutat locum, sed per partes, quæ ac-  
quirunt diuersa vbi. Ergo non est in loco  
nisi per partes. Hæc omnia in superiori-  
bus explicata sunt.

Ad primum ergo principale. Primo  
negatur maior, quia esse pendet à for-  
ma, & esse in loco à superficie ambien-  
te. Secundo dicimus, quod cælum facit,  
quod partes sint per esse suum, quia vnū  
est esse totius, & partium. At quod sint in  
loco, non facit nisi per quantitatem, vn-  
de alia, & alia est ratio.

Ad secundum dicimus ad minorem  
quod partes moueantur per accidens stat  
dupliciter. Primo vt ly per accidens idē  
sonat quod accidentaliter, & separabili-  
ter, & sic est falsum, mouentur enim ne-  
cessario cum toto. Secundo vt ly per ac-  
cidens idem sonat quod ad motum alte-  
rius, idest totius, & sic est verum, nec  
contra nos vrget.

Ad tertium dicendum, quod maior nō  
valet, quando locus, & locatum sunt con-  
tinua secundum naturam, vt sunt cælum,  
& eius partes.

Ad quartum dictum est, Aristotelem  
intellexisse cælum maxime esse in loco  
per partes, & non absolute, vnde est  
æquiuocatio in ly maxime, à secundum  
quid, ad simpliciter.

Ad quintum respondent, qui tenent  
vltimam sphaeram esse in loco per par-  
tes in potētia, quod etiam est in loco per  
partes in potentia, & non in actu, & hoc  
nō esse inconueniens in mobili motu cir-  
culari, quia tale non mutat locum. Sed  
melius puto dicendum, quod partes sunt  
in loco in actu, & totum in potentia, &  
hoc quia aliquid aptum natum est conue-  
nire partibus, & non toti, vt supra.

Ad sextum respondent alij, cælum, &  
partes nō esse in loco, nec mutare locum  
nisi in potentia. Sed melius dicendum,  
quod aliquid conuenit partibus, quod to-  
ti non conuenit; nam partes dupliciter  
sumuntur. Primo pro omnibus partibus  
simul, & secundum hunc sensum proced-  
it argumentum. Secundo vt seorsum  
considerantur, & vna pars habet sua pro-  
pria, & alia, alia, & totum alia, & sic dici-  
mus partes cæli mutare locum, & occu-  
pare diuersa vbi secundum se, quia data  
verbi gratia, quod signū arietis sit Oriēs  
cæli quandoque erit in Oriente, quan-  
doque in Meridie, quandoque in Occi-  
dente, & quandoque in imo cæli.

Ad septimum dictum est, quod partes  
sunt in loco in potentia, & non in actu,  
secundum diuisionem, & non secundum  
designationem, & diuersa vbi.

Ad octauum dicimus, quod corpus cæ-  
leste dupliciter considerari potest. Pri-  
mo vt corpus, & sic est diuisibile, in po-  
tentia non repugnantia. Secundo vt est  
corpus cæleste inalterabile, indiuisibile,  
& incorruptibile, & hoc modo non dicitur  
esse in loco, per partes diuisibiles in  
potentia, sed bene primo modo.

Ad nonum patet per superiorem re-  
sponzionem.

Ad decimū dicendum, quod tria dice-  
bat Auempaces. Primum, quod vltimæ  
spheræ debebatur locus essentialiter. Se-  
cundum, quod octaua sphaera secundum  
totum locatur circa septimam. Tertium,  
quod secundum omnes partes concavas  
tangebatur supram, & per hæc erat in lo-  
co. Primum negauit D. Th. quia, quod est  
in loco per se, & essentialiter, habet su-  
perficiem

perfectiorem ambientem, quæ caret ultima sphaera. Secundum quoque negavit, quia locus est æqualis locato, septima autem sphaera non est æqualis octauæ. Tertium autem admisit, & ideo in hoc non sunt contrarij.

Ad undecimum dicendum, quod septima sphaera continet, & tangit non omne corpus octauæ, sed partes illas, quæ ei sunt continuæ, & respectu earum dicitur esse in loco.

Ad duodecimum aliqui negant illud opusculum esse D. Tho. sed melius dicitur, quod se ipso doctior factus sententiam mutavit, vel aliqua ex illis opusculis in gratiam commenti starum conscripfit, quia in illis multa affirmat contraria posterioribus suis dictis.

Ad decimum tertium, quod est Toleti dicendum venit, quod esse in loco per se desumitur à superiori superficie, & non ab inferiori locante, & quia terra habet superiorem superficiem eam locantem, & sic ascendendo usque ad ultimam sphaeram, ideo hæc dicuntur esse in loco per se, & descendendo per partes.

Ad primum Alexandri dicitur, quod cælum est in loco per accidens, ut ly per accidens idem sonat quod per partes, sed non ut idem sonat, quod accidentaliter.

Ad secundum dicimus, quod ultimi loci non est locus per se, sed per partes, quod expressit Aristoteles.

Ad primum Auerrois dicimus, quod præter immobilitatem requiritur continentia, quæ non convenit centro respectu cæli. Secundo dicitur, quod cælum habet fixationem non à centro, sed à suis polis.

Ad secundum dictum, est quomodo cælum mutet locum non secundum se, sed per partes suas.

## LECTIO X.

### De vacuo.

#### CAPUT VI.

*Eodem autem modo accipiendum est &c. text. 30.*

**H**ic est secundus tractatus quartii Physicorum, in quo Phil. de vacuo

disputat, & tria ad solutionem huius questionis, an detur vacuum, præstat. Nam primo proponit varias Philosophorum sententias, cum eorum fundamentis. Secundo enumerat diuersas acceptiones vacui, & tertio loco soluit rationes ponentium vacuum.

Primo ergo habet Aristoteles in textu, ad naturalem spectare considerationem de vacuo, sicut ad eum spectat consideratio de loco. Hoc sic probat. Ea quæ habent eandem dubitationem, & fidem, sunt eiusdem considerationis. Sic sunt locus, & vacuum. Ergo pertinebunt ad eundem artificem. Minorem probat, quia aliqui dixerunt vacuum non differre à loco, quia vacuum est spacium seu locus non repletus corpore sensibili, & locus sic.

Secundo loco ait, quod ad tractandum de vacuo ordinate, primo sunt considerandæ rationes negantium vacuum esse. Secundo rationes ipsum ponentium, & tertio communes opiniones circa vacuum. Ait ergo, quod aliqui peccauerunt circa vacuum, quia voluerunt demonstrare non dari vacuum, quia aer est aliquid, & ubi corpus solidum cedit, aer succedit. Duplici autem experientia probant aerem esse aliquid. Primo, quia si vter repleatur statu, & aere, videbimus, quod resistet ponderi. Igitur aer est aliquid. Secundo in clypeis, aere, & aqua impletis, in quibus videmus aerem impedire exitum aquæ. Sed illi, qui ponunt vacuum, cum dicant vacuum esse spacium non repletum corpore sensibili, dicunt etiam quod cum aer sit minimum sensibile, ideo repletum aere vacuum esse affirmant. Non oportet ergo ait Phil. volendo disputare contra ponentes vacuum probare quod aer sit aliquid. Sed quod hoc spacium non detur, neque separatum à corporibus, sicut quidam illud posuerunt, neque corporibus inclusum, sicut alij illud esse affirmauerunt.

Tertio loco adducit Phil. rationes ponentium vacuum esse. Prima igitur horum ratio est. Motus augmenti non potest fieri in pleno. Ergo fiet in vacuo. Sequela est nota: Antecedens prob. Quia si motus fieret in pleno sequeretur, quod duo corpora essent simul, & si duo, multa alia, & consequenter sequeretur quod



in loco parvissimo magnum corpus staret, quia multa corpora parva facerent unum corpus maximum. Secunda ratio probans dari vacuum corporibus inclusum est. Quia vinum in vtre positum tantum est, quantum etiam est sine vtre. Vel dicamus, quod si dolium vino impletur vsq. ad summum, & tunc in eo immittantur lapides parvi, vel annuli, videbimus quod vinum dolium non exit, Igitur signum est quod in vino sunt multi pori vacui, qui tunc ex constrictione vini replentur. Tertia ratio est. Augmentum recipitur in re quæ augetur. Sed duo corpora non possunt esse simul. Igitur dicendum venit, quod in corpore sunt aliqua vacua. Quarta ducitur ab experientia vasis cineribus pleni, in quo si aqua immitatur, à cineribus ebibitur, ac si in eo non essent cineres. Ergo signum est, quod in cineribus dantur pori vacui.

Quarto loco ponit opinionem Pythagoricorum, qui de vacuo non sunt locuti naturaliter, dum dixerunt, vacuum ingredi ex infinito vacuo, posito extra eorum. His opinionibus positis transit Phil. ad explicandum quid nomen vacui significet, quia questio quid est, sequitur questionem an est. At ergo quinto loco antiquos dixisse vacuum esse locum, in quo nihil est, per nihil intelligentes non corpus, quia existimauerunt omne quod est, corpus esse, & hoc corpus debere esse tangibile, graue, vel leue. Vnde conficiebant hoc argumentum. Vbi non est corpus tangibile graue, vel leue, ibi est vacuum. Sed multa sunt spacia in quibus non est corpus tangibile, graue, vel leue. Igitur datur vacuum. Corrigit autem Phil. supradictam definitionem tanquam mancā, quia in puncto non est corpus tangibile, & tamen non est vacuum. Sic igitur diffiniendum est vacuum. Vacuum est locus, seu spacium non repletum corpore sensibili, tangibili, possibile tamen repleti. Ex hac autem definitione duas difficultates tollit. Prima est de puncto, quoniam punctum nec locus est, nec ipacium. Secunda est de spacio in quo sonus vel color reperiuntur, an scilicet possit dici vacuum. Respondet enim Phil. quod si illud spacium habet potentiam ad hoc vt possit repleti corpore, dicitur va-

cuum, & si non, nequaquam.

Sexto loco diffinit vacuum secundum Platonicos dicendo, quod ipsi dixerunt vacuum illud esse, in quo non est substantia aliqua particularis, vel corporea. Hinc dixerunt materiam forma priuatā dici vacuum, eam vocantes locum formarum. Sed hoc est falsum (ait Aristoteles) quia locus est separabilis à re locata, non sic materia.

Septimo loco subdit, quod cum sit determinatum de loco quod sit, determinandum quoque est de vacuo eodem modo. Sed determinatum est, quod locus non est ipacium separatum à re locata. Igitur dicendum similiter erit, quod cum non detur hoc spacium separatum, consequenter non detur vacuum. Hinc soluit rationes ponentium vacuum esse, quæ omnia habebuntur in annotationibus.

Citæ supradicta igitur. Primo ad notandum est, quod Phil. ob duplicem rationem egit de vacuo. Prima est, quia aliqui dixerunt vacuum esse locum. At agere de loco ad naturalem spectat. Ergo & agere de vacuo. Secunda ratio est, quia asserentes vacuum esse, assumpserunt quædam principia, principijs naturalibus repugnantia, vt quod motus non detur, non detur elementum aeris, & similia, cum autem in primo dixerit se velle tractare, & expendere opiniones negantium principia naturalia, iure merito illi agendum erat de vacuo. Non ergo agit Philosophus de vacuo positivè ostendendo illud esse, sed de eo agit negativè, ostendendo illud non esse, & soluendo omnes rationes ponentium illud esse. Vnde Phil. non agit de vacuo per inclusionem, sed per exclusionem.

Secundo notandum venit, quod illi qui negauerunt vacuum esse, non reprehenduntur ab Aristotele in hoc, quod dixerunt aerem aliquid esse, hoc enim concedit, & per hoc multa argumenta aduersariorum soluit, reprehenduntur ergo, quia directe argumentari debebant non dari illud ipacium non repletum corpore, & non quod aer sit aliquid. Indirecte tamen ratio hæc destruit vacuum. Nam si aer est aliquid, ex eundo corpus quantum, aer subintrat. Ergo non datur vacuum, quia aer est aliquid replens illud ipacium.

*Cur  
Philos.  
egit de  
vacuo.*

*Repre-  
hendun-  
tur an-  
tiqui.*



*Causa erroris ponditii vacuum.* Tertio notandum, quod antiqui ponentes vacuum, ex tribus videntur decepti. Primo, quia sequebantur imaginationem, imaginantes extra mundum esse spacium non repletum corpore. Secundo, quia cum aer sit corpus minimum sensibile, & parum pro nihilo reputandum sit, existimauerunt locum in quo aer erat esse vacuum. Tertio, quia nescierunt penetrare naturas rerum, & ponere discrimen inter densa, & rara; & deducere quod rara possunt inspissari sine poris.

*Definitiones vacuum.* Quarto notandum venit, quod tres videntur assignatae definitiones de vacuo. Prima fuit, quod vacuum est spacium non repletum corpore sensibili, graui, vel leui, possibile tamen repleri. Dicebant quod erat spacium, excludendo punctum, quod non potest esse vacuum. Dicebant corpore sensibili, putantes ea non esse (vt aerem non esse) quae non poterant tangi. Vnde negauerunt aerem esse corpus. Immo fecerunt corpus caeleste esse de numero compositorum ex quatuor elementis, dicentes ipsum esse corpus tangibile, & sensibile, quod negandum est secundum veram Phil. Dicebant graui, vel leui, per ly vel, subintelligentes &, quia corpus occupans vacuum vouerunt esse graue, & leue, nam aer solum leue est. Secunda definitio quae fuit Platoniorum erat, quod vacuum est in quo non est hoc aliquid vel substantia corporea. Dicebant vacuum esse in quo non est, nolentes ipsum nominare spacium, vel corpus, quia tenuerunt materiam in potentia esse vacuum, & locum formarum, nolentes tamen eam facere corpus. Dicebant in quo non est hoc aliquid, id est substantia completa, contemnentes omnem existentiam partium in eo. Tertia definitio fuit, quod vacuum est spacium in quo non est corpus in actu, sed in potentia.

*Solutio sur rationes antiquorum.* Quinto notandum est, quod praecipuum motuum ponentium vacuum fuit ad hoc, vt saluarent motum localem, vnde dicebant, quod vbi non erat vacuum, ibi non poterat dari motus localis. Hoc autem esse falsum dicit Phil. etiam in motu augmenti, quia partes possunt inspissari, & adunari, quod ostendit hac experientia. Projiciamus lapidem in aqua,

tunc videbimus descensum lapidis causare in aqua quasdam circulationes, haec autem non proueniunt aliunde, nisi propter hoc, quod cum lapis aquam scindit, facit, quod aqua scissa se restingat cum partibus proximioribus, & propterea ex constrictione causatur ille motus localis. Similiter excludit rationem ponentium vacuum in corporibus, quia (inquit) dum aliquid subintrat, aer, vel pars subtilior cedit, vt patet in spongia, nam dum est plena aere, per suam porositatem aquam trahit, cum autem comprimitur, aqua egreditur, & aer subintrat. Soluit etiam rationem de augmento, quoniam haec res altius petat examen. Afferimus ergo pro nunc, quod in quolibet membro nostri corporis sunt multi pori pleni aliquo humore vel spiritu. Sanguis autem qui est proxima materia alimenti diuiditur in minutissimas partes, vnde alimentum ingreditur in poros, & tunc cedunt illi spiritus subtile, & alimentum conuertitur in carnem, pro loco, & ratione mouendi, & se conuertendi, nam sanguis, qui vt diximus est proxima materia alimenti, si disponitur, a carne, fit caro, si ab esse, fit os, & si a neruo, fit neruus, vnde patet quod ratione alimenti non datur vacuum, corporibus inclusum. Tandem ad argumentum de cinere dicimus, ipsum habere multos poros, aere plenos, vnde dum aquam recipit, aer cedit.

## LECTIO XI.

*Quoniam autem non esse vacuum, &c. text. 64.*

Postquam Philosophus secundum aliorum placita disputaui de vacuo, hic secundum propriam sententiam disputare, & definire intendit, an detur in vacuum, vel non. Ait ergo, vacuum non esse necessarium propter motum localem, vt dixerunt antiqui. Hoc sex rationibus probat. Quarum prima est. Vnumquodq. ens naturale ex sua natura habet determinatum motum naturalem. Ergo causa motus localis non erit vacuum. Consequentia est nota. Antecedens probat. Quia omne leue sua natura sursum tendit, & omne graue deorsum. Secun-

da est. Quia sic non posset assignari causa motus naturalis, vel naturalis quietis. Probat. Vnumquodq. corpus naturale naturaliter mouetur ad suum locum naturalem. Sed dato vacuo tollitur locus naturalis, cum vacuum sit spaciū non repletum corpore, vel circumdatum superficie, cum superficies circumdet corpus solidum. Ergo sic tollitur motus naturalis &c. Tertia est à simili. Nam quidam Philosophi dixerunt, terram non moueri neq. ad dexteram, neq. ad sinistram, quia in medio mundi quiescit, & paribus vndiq. spacijs à Peripheria distat, nec vlla est ratio, cur huc potius quam illuc vergat. Sed hzc ratio de vacuo concludit, nam eo dato, nulla erit causa, vel ratio, cur magis res moueatur ad hanc partem vel illam, cum in vacuo non appareat maior ratio in vna parte, quam in alia, cum sit ens negatiuum. Quarta ratio ex duobus suppositis procedit. Primum est, quod duplex est motus scilicet naturalis, & violentus. Secundum est, quod motus naturalis prior est violento. Tunc sic arguit. Posito vacuo motus naturalis tollitur, cum partes in eo non habeant, vnde magis se moueant. Ergo tollitur omnis motus. Quinta desumitur ex positione illorum, qui dicebant sagittam moueri postquam demissa erat ab arcu. Nam quidam dicebant hoc euenire ex repercussione à eris, quia aer, aerem repercutit, & sic sagittam deducit. Alij vero dicebant hoc esse, quia aer velocius ferebat. At dato vacuo nullo horum modorum in eo moueri posset, cum in vacuo nullum corpus rem motam circumsciret. Sexta est. Quia dato vacuo non erit assignabilis causa quare res moueatur, vel quiescat, cum vacuum omni ex parte sit vniforme, sibi-que simile.

Secundo loco disputat, an si motus fieret in vacuo, fieret in instanti, vel in tempore, quam rem sub quæstione per-  
lustrabimus.

#### QVÆSTIO VI.

*An si motus fieret in vacuo, fieret in instanti.*

**V**idetur quod sic. Nam omne quod in tempore mouetur partim est in

termino à quo, & partim in termino ad quem. Sed hi termini non dantur in vacuo, cum ibi non sit medium, ratione cuius dicuntur terminus à quo, & terminus ad quem, nam vacuum dicitur per negationem medij. Ergo si motus fieret in vacuo, fieret in instanti.

Secundo. Causa tarditatis in motu est resistentia medij, vt hic videtur asserere Phil. Sed in vacuo nulla est resistentia medij. Ergo.

Tertio. D. Th. 4. Sent. d. 11. q. 1. art. 3. habet, quod quando inter terminos mutationis non datur medium, mutatio fit in instanti. Sed dato vacuo tollitur medium. Ergo mobile in vacuo moueretur in instanti.

Quarto. Si motus in vacuo non esset in instanti, hoc esset, quia terminus a quo & terminus ad quem sunt impossibiles. Sed hoc non obstat, quia non inconuenit, quod mobile omni medio circumscripto, non possit esse in duobus locis habentibus rationem termini à quo, & termini ad quem.

Quinto. Sic sequeretur, quod corpus grauius, tardius moueretur, quam leuius, quia illi magis est inconueniens quod reperiat in duobus locis.

Sexto. Sic æque velociter moueretur magis graue, sicut minus graue, quia non haberet resistentiam medij.

Pro dilucidatione huius quæstionistria faciemus. Primo proponemus aliquas annotationes pro notitia veritatis. Secundo probabimus conclusionem nostrā & Tertio soluemus argumenta.

Quo ad primum ergo. Primo adnotandum venit, circa hanc quæstionem, esse duplicem modum dicendi. Primus est Auerrois hic, Commento 71. Alberti Ma. & landuni hic, & Gregorij Ariminensis in 2. di. 6. q. 3. art. 2. Hi enim duo dicunt. Primum est, quod motus non potest dari in vacuo. Secundum est, quod si in eo daretur, fieret in instanti. Hoc secundum probant argumentis suprapositis. Et primum sic. Omnis motus sub-lunaris, est à celesti influxu. In vacuo non potest esse celestis influxus, cum in eo non detur medium, per quod transmittatur. Ergo in vacuo non potest esse motus.

Secundo. Si corpus ab vna parte spa-  
cij va-

*Opinio  
nas.*

ejus vacui ad aliam commearer, primam quam modo occupat, vacuum relinqueret, acque sic naturaliter daretur vacuū, quod fieri nequit.

Tertio. Omnis motus est ad locum. At in vacuo non est locus. Ergo nec in eo potest esse motus.

Quarto hoc suadent (dicunt) rationes Aristotelis superius positæ.

Secunda sententia est S. Docto. hic, & in 4. d. 44 q. 2. art. 3. Auempacis. Auicennæ, Scoti in 2. d. 2. q. 9. Licheti di. 2. q. 9. Soncinatis 12. Merhaph. 4. 43. Collegij; Conimbricensis. Toleti, & Ruuij quæ consistit in duobus dictis, superiori sententiæ oppositis, scilicet quod motus potest dari in vacuo, & si in eo fieret, non fieret an in instanti, sed in tempore.

*Termini  
quæ  
sionis  
explicatur.*

Secundo notandum, quod hanc questionem non disputamus de facto, quasi detur vacuum, sed eam disputamus de possibili, in ordine ad diuinam potentiam extraordinariam, idest an si per eam daretur vacuum, motus in eo fieret in tempore, vel in instanti. Et ita per instanti non intelligimus breuissimum tempus, sed instanti indiuisibile, quod non potest esse immediatum instanti.

*Causa  
cur motus  
fit  
in tempore.*

Tertio notandum est, multas esse causas propter quas idem mobile in eodem instanti non potest esse in duobus locis, vel vbi distinctis. Prima ergo causa est resistentia mediij, quia medium resistit, & non finit, vt idem mobile simul sit in vtroq. loco. Secunda est natura mobilis, quod aptum natum est successe acquirere locum, & suam perfectionem. Tertia est, impossibilitas terminorum, quia terminus a quo, non potest esse terminus ad quem, & implicat quod eadem res dum mouetur, quod sit mora, & ideo fuit perpetua sententia Aristotelis, motum non posse fieri nisi in tempore, ad differentiam mutationum substantialium, idest generationis, & corruptionis, quæ sunt in instanti.

Hæ igitur causæ adeo annexæ inueniuntur, vt vna obstat, & si non alia, & ideo quamuis vna non obstat, verbi gratia resistentia mediij, sufficit, vt alia obstat, verbi gratia impossibilitas terminorum, ne motus fiat in instanti.

*Explicatur  
causatur.*

Quarto igitur pensandum venit, duplicem esse mutationem. Primam dici-

mus negatiui, & positiui, vel positiui, & negatiui, idest de non esse simpliciter, ad esse simpliciter, & hanc dicimus generationem, vel de esse simpliciter, ad non esse simpliciter, & hanc appellamus corruptionem, & hæc mutatio, seu mutationes possunt fieri in instanti, quia inter positiuum, & negatiuum non datur medium. Secundam mutationem dicimus esse inter positiuum, & positiuum terminum, & in hac datur mediū, & talis est mutatio mobilis, vnde non potest simul esse in termino a quo, & in termino ad quem, & consequenter implicat, quod dum mobile mouetur, simul, & semel sit motum.

Sed quinto considerandum venit propter rationes Aristotelis, quibus si probatur motum non potest esse in vacuo, & si in eo fieret, quod esset in instanti, quod hæ rationes sunt ad contradicendum, vnde multa assumunt, quæ absolute vera non sunt, & tamen, vt vera ab antiquis concedebantur. Nam primo hi non ponebant diuersos terminos in motu locali, & secundo ipsi affirmabant solam resistentiam mediij causare quantitatem motus, quibus suppositis, sequuntur rationes Aristotelis, vnde pro nobis reducant, & non pro aduersariis, quia quod ipsi vt dictum Aristotelis sumunt, vt inconueniens deductum ex dictis antiquorum accipiendum est.

Quo ad secundum ergo ponimus conclusionem, duas partes habentem. Prima est. Motus posset fieri in vacuo, si daretur. Secunda est. Et tunc non fieret in instanti, sed in tempore. Probatur prima pars primo. Dato quod inter cælum, & terram sit vacuum, aut Angelus posset transire de terra ad cælum, & secum lapidem deferre, aut non. Non secundum, quia non habet impedimentum in motu. Si primum, habemus intentum. Secundo. Detur vacuum in mundo, & in medio eius creet Deus ignem, tunc quæro aut mouebitur sursum, aut non. Si primum, habemus intentum. Si secundum dicatur obstat ibi ordo generalis vniuersi, postulatis quod ignis propriam spheram petat, & repugnabit intrinseca ratio mobilis sursum. Tertio. Si motus in vacuo esset impossibilis aut esset, quia non haberet resistentiam

*Aristoteles explicatur.*

*Conclusio probatur.*

tiam medij, aut propter defectum vbi. Non primum, quia Deus potest destruerre media, & conseruare extrema, atque mobile moueatur. Non secundum, quia coeli mouentur in tempore sine resistentia medij.

Probat secundum pars primo. Extrinsecum non potest tollere intrinsecum rei, re salua. Sed continuitas, & successio est de intrinseca ratione motus. Ergo non potest tolli per carentiam medij extrinseci. Secundo. Contraria & impossibilia non possunt simul verificari de eodem. Sed terminus a quo, & terminus ad quem sunt contrarij. Ergo non possunt inesse eidem pro eodem instanti. Tertio. Effectus partialis non attribuitur causae totali. Sed resistentia medij non est nisi causa partialis huius totius effectus scilicet moueri in tempore, quoniam & aliz concurrunt simul vt supra ostensum est. Ergo motus non esset in instanti.

Ad primum ergo principale dicitur.

Quod aliud est dicere, quod terminus a quo & terminus ad quem habeant rationem diuersorum locorum, & aliud est quod habeant rationem diuersorum vbi. Dato vacuo quoniam subtraheretur omnis superficies ideo terminus a quo & terminus ad quem, non possunt habere rationem diuersorum locorum, haberent tamen rationem diuersorum vbi, non per negationem medij, sed per impossibilitatem terminorum.

Ad secundum dictum est, quod non sola resistentia medij causat motum in tempore, sed & impossibilitas terminorum, & natura motus, & mobilis.

Ad tertium dicitur, quod S.D. loquitur de mutatione substantiali, non de locali, vt supra.

Ad quartum conceditur, quod idem simul non possit esse in duobus vbi.

Ad quintum dicitur, quod tunc magna esset inaequalitas in motu, non tamen talis, vt vnus esset in tempore, & alius in instanti.

Ad primum pro primo dicto aduersariorum dicitur, quod in remobili virtualiter maneret influxus receptus a caelo in principio motus, dum recessit a termino a quo, & sic sufficeret.

Ad secundum dicitur, quod illud diuina virtute moueretur per vacuum, & sic eadem virtute remaneret vacuum.

Ad tertium dicitur, quod quamuis in vacuo non essent diuersa loca, ibi tamen essent diuersa vbi.

Ad quartum diximus de intentione Aristotelis.

## LECTIO XII.

Et per se autem considerans ibi.  
text. 76.

Continuat Aristoteles sermonem suum probando non dari vacuum, neque imbibitum corporibus, neque separatum ab eis. Probat ergo non dari alias dimensiones praeter dimensiones corporis locati, quod probat ad sensum. Nam si corpus materiale aliud corpus non penetrat, sed vnum alteri cedit, vt aqua lapidi in eo proiecto. Ergo cum vacuum eiusdem sit rationis cum corpore, non poterit aliud corpus penetrare. Hoc quidem explicat per corpus cubu, quod si in aqua ponitur, constat illi aquam cedere, quod & in aere accidit, quamuis in eo non sit ita manifestum, quia aer est corpus subtilius, & difficilius figurabile. Sed quia aliquis posset respondere, corpus cubicum non penetrare aquam propter qualitates diuersas, & ideo cum in vacuo non sint qualitates, non erit eadem ratio. Respondet Phil. hoc nihil esse, quia aqua non cedit corpori cubo ratione qualitatatum, sed ratione quantitatis, quantitas autem etiam reperitur in vacuo, quare corpora deberent illi cedere, sicut & corpori cubo cedit. Quod autem aqua cedat ratione quantitatis, probat, quia cedit secundum formam, & figuram corporis in eo immisi, & omnia clara sunt in textu.

Circa supradicta adnotandum est. Primo, quod rationes adductae a Phil. contra ponentes vacuum non sunt diuisim sumendae, sed coniunctim, quia aliquae procedunt de vacuo separato, aliquae de coniuncto, & aliquae de vtroque simul, & aliquae destruunt vacuum ex resistentia medij, & aliquae ex natura mobilis, & aliz ex natura mouentis.

Quare

Ron  
Arist  
mul  
mūtur.

Quare benediximus in præcedenti lectione, quod illa ratio Aristotelis, quod si vacuum daretur, motus fieret in instanti, erat cum alijs coniungenda, quia sic optime concludebat.

*Duo cor-  
pora nō  
possunt  
esse si-  
mul.*  
Secundo notandum venit, quod supradicta ratio Aristotelis vnum supponit, quod ab antiquis concedebatur, scilicet quod duo corpora non possunt esse in eodem loco, ex hoc enim argumentatur vnum alteri cedere, sicut aqua cedit corpori cubo, vacuo autem nihil cedit. Quod autem duo corpora non possent esse simul dupliciter potest intelligi. Primo secundum se tota, & ut sunt distincta, & sic est verum. Secundo ut vnum imbibitur in alio, & se habent per modum vnius, & sic est falsum, sicut apparet quando aqua bibitur a cineribus, & ex aqua, & farina fit panis.

*Vacuum  
coniun-  
ctū, &  
separa-  
tū quid  
sint.*  
Tercio notandum venit, quid per vacuum separatum, & quid per coniunctum intelligendum venit. Simplicius ergo per vacuum coniunctum, seu imbibitum multas particulas intelligit per totum corpus diffusas, per vacuum vero separatum, intelligit spacium quoddam continuum, & magnum, cuius ratione condensatio fit. At melius S. D. per vacuum separatum intelligit spacium a corporibus separatum, & per imbibitum, spacium in corporibus inclusum, & sic huic expositioni arridet Aetimologia vocabuli.

*Rarifica-  
tio, &  
conden-  
satio quid  
sint.*  
Quarto adnotandum est ad melius intelligendum exclusionem vacui, quid sit condensatio, & rarefactio. Rarefactio ergo est motus corporis fixi, & duri, vel saltem vniti in spacium. Condensatio vero e conuerso est motus corporis rari, in spissum verbi gratia dum parua aqua fit aer magnum spacium occupas, vocatur rarefactio, e conuerso vero dum magnus aer in paruam aquam resoluitur, condensatio appellatur, vel id dicas de stupra dum comburitur.

*Causa  
arita-  
tis, &  
frigida-  
tis.*  
Quinto notandum est, quod tres sunt causae raritatis, & densitatis. Prima causa raritatis est caliditas, & densitatis frigiditas. Patet enim quod si oua, castaneæ, &c. quæ multum de vapore ventoso retinente, igni apponantur, crepant, quia tunc ille vapor vel aer rare-

fit per calorem, & ita aqua igni applicata, extra vas ebulliendo exit, propter magnum calorem, eam calefacientem. Contrario vero, si vas aqua plenum hiemali tempore ad gelu ponatur, videbimus quod ad paruorem quantitatem se reducit. Secunda causa raritatis, & densitatis est generatio rei, facta cum alteratione caliditatis, & frigiditatis. Quare cum inferiora corpora in superiora mutantur, generatio, & rarefactio vocatur, quia tunc corpus spissum rarefit, ut conspiciamus in fumo egrediente a ligno viridi, & in vapore ex aqua egrediente tempore hyemis. B. contra vero quando superiora mutantur in inferiora, ut dum aer fit aqua vocatur condensatio, & alteratio, & etiam potest vocari corruptio, quia tale ens transibit nobiliori ente, ad minus nobile ens. Tertia causa adscribitur motui locali, quare videmus quod vento flante, aer condensatur, & eo non flante rarefit. Colligendum autem est hic vnum a Phil. assertum. scilicet quod in materia densa est potentia ad raritatem, & in materia rara est potentia ad condensationem, licet enim patet, quod non in qualibet re est potentia ad rarefendum, & condensandum, sed solum in his quod quandoque possunt esse sub diuersis formis.

## Q V A E S T I O VII.

*Vtrum detur vacuum separatum, vel imbibitum corporibus.*

**V**idetur quod sic. Primo. Nam extra mundum est quadam distantia, & spacium, in quo potest Deus creare nouum mundum. Sed illa distantia, & illud spacium priuatum est omni corpore. Ergo erit vacuum.

Secundo. Sumantur folles vndique complicati, & contriti, & ponantur per horrificium in vase vndequeque obtuso, ita ut non possit ex eo, vel in eo ingredi, vel egredi aer. Eleuentur tunc folles, quo aere tunc replebuntur. Si valis. Ergo vas remanebit vacuum aere. Et sic dabitur vacuum.

Tercio. Accipiatur vas plenum aqua calidissima, & tunc bene claudatur, aqua reducendo se ad propriam frigiditatem, patet



patet quod minorem locum occupabit. Ergo remanebit in illo vase spacium vacuum.

Quarto. Sumantur duo lapides æque plani, & vnus alteri supponatur, tunc pars superior secundum omnes partes æque eleuetur, tunc aer non intrabit æque cito, & per motum in instanti in omni illo spacio. Ergo dabitur vacuum.

Quinto. Accipiamus vas omni corpore (aere excepto) vacuum, vnde quæque bene obturetur, & in profundum maris projiciatur, tunc cum omne elementum extra propriam spheram positum corrumpatur, necesse est aerem illum corrumpi, & ob frigiditatem in paruum quantitatem aquæ reduci. Ergo alie partes vasis vacuæ remanebunt, & sic dabitur vacuum.

*Vacuū dupliciter sumitur.* Pro notitia huius rei. Primo notandum cum S.D. in 2.d. 1.q. 1.art. 5. ad 4. & p.p. 9.44.art. 1. ad 4. quod vacuum bifariam sumi potest. Primo pure negatiue, ita vt nec pro formali dicat aliquid positium, adeo vt secundum imaginationem dicatur spacium quoddam, vt illud imaginamur extra cælum esse, quod tamen secundum veritatem falsum est, & hoc potius vocatur inane, quam vacuum. Secundo sumitur priuatiue, & proprie, pro spacio reali inter latera corporis cadente, nullo corpore crasso, vel subtili repleto, & hoc est quod negamus, tam intra, quam extra corpora.

*Vacuū non datur naturaliter.* Secundo adnotandum venit, quod dupliciter possumus disputare, an vacuum detur. Primo, naturaliter. Secundo in ordine ad diuinam potentiam. Si in secundo sensu hanc quætionem disputemus, indubie fateamur, per diuinam potentiam, non ordinariam, sed extraordinariam posse dari vacuum, quia Deus potest aerem annihilare, vel impedire, ne corpora vacua repleat, & ita daretur vacuum. Si autem in primo sensu disputatio fiat. Vel loquimur de potentia naturæ, vel de Angelica, an scilicet per potentiam Angeli possit dari vacuum. Si in primo sensu, diximus non posse dari vacuum. Si in ordine ad potentiam Angeli, aliqui tenuerunt affirmatiuam (quod Deo non contradicente.) Hoc probauerunt. Primo. Quia corpora

Angelis obediunt, si nō ad omnem motum, ad motum tamen localem, vt docet S. D. p.p.q. 110.art. 5. Ergo poterunt impedire ne aer ingreditur illud corpus, quod aqua, vel alio corpore euacuatur. Secundo. Quia maior est virtus Angeli quam inclinatio cuiuslibet corporis ad motum. Ergo poterit impedire ne vnum corpus in locum alterius succedat, & sic dabitur vacuum.

Opposita tamen sententia tenenda est. Primo. Quia Angeli non possunt immutare ordinem præfixum elementis a Deo, vt docet S.D. q. 16. de malo. art. 10. ad vltimum, & consequenter non poterunt impedire ne corpus subtile aeris succedat in locum vacuum. Secundo. Quia sic possent immutare sphaeras elementorum, & impedire ne vna alteri esset continua.

Ideo tertio notandum venit, quod quædam sunt entia priuatiue (dicam) ordine ordinata, quia particularem ordinem dicunt, & important, vt mouere aliquam partem terræ, vel aquæ. Alia vero dicuntur ordinata ordine vniuersi, idest generali ordine, respiciente totum vniuersum, vt a Deo est constitutum. Quæ primo modo ordinantur, imperio Angelorum in motu locali subduntur, non vero quæ sunt ordinata secundo ordine, vt sunt partes principales vniuersi, inter quæ sunt elementa, vt sibi succedunt, & tangere se habent. Hinc non potest Angelus tollere, quod vbi erat corpus solidum, aer non subintret, quia hic ordo respicit ordinem vniuersi, ab Auctore naturæ præfixum, & per hoc patet ad motiua tenentium posse dari vacuum virtute Angelorum. Nam verum est quod particulares motus, quod ea quæ sunt particularis ordinis obediunt Angelis, non vero quæ respiciunt vniuersalem ordinem vniuersi. Et ita verum est maiorem esse virtutem Angelorum, quam corporum, vbi virtus concernit ordinem priuatum, nō tamen vbi respicit ordinem vniuersi a Deo præfixum, & ideo non possunt Angeli contradicere naturæ vniuersali, quæ constituit non admittere vacuum.

Quarto ergo loco ponitur hæc conclusio. Vacuum naturaliter nullo modo est possibile. Probatur primo. Societas



cietas elementorum, à Deo statuta, tolli non potest. Sed dato vacuo tolleretur. Ergo non datur. Maior habetur in speciali de Angelis ad Hebræos secundo dum dicitur. Non enim Angelis subiecit Deus orbem terræ, & Iob. 34. Quem constituit alium super terram, aut quem posuit super orbem quem fabricatus est. Minor prob. Quia connaturale est, quod ubi corpus solidum cecidit, subtile ingreditur. Secundo. Inferiora celestibus latioribus, & influxibus subduntur necessario. Sed hæc tollerentur dato vacuo, quia transmittuntur ad inferiora per elementa, & non per inane, & vacuum. Ergo non datur.

Tertio probatur experimentis. Nam latera folium contracta, nulla vi diduci queunt, nisi aperto orificio, ut aer ingreditur. Ita quamvis aqua sit gravis, si tamen ex fistula aer attrahatur, illico aqua ascendit. Ita cucurbitulæ, quæ medicis sunt in usu, carnem sursum attrahunt, quoniam aer qui prius igne incaluerat, & rarus factus fuerat, extincta flamma, frigiditatem, & densitatem recipit, unde caro eleuatur ne detur vacuum, & multæ alix tales experientix reperiuntur.

Ad primum ergo respondetur, quod illud spacium non est reale, sed imaginarium. Secundo dicitur, quod si daretur, non esset vocandum vacuum, quia vacuum est spacium replebile corpore naturaliter, illud autem spacium non posset repleti corpore naturaliter, & ideo non esset dicendum vacuum, sed inane.

Ad secundum dicendum, quod in illo casu solles non possent eleuari, & si vis adhiberetur, rumperentur, quia natura abhorret vacuum.

Ad tertium dicendum, quod ex aqua congelata vapores subtiliores ascendant, vel aer ingreditur, & sic non datur vacuum.

Ad quartum dicendum, quod tunc vnus lapis traheret alium, & si oblique penderet, aer subintraret quodam ordine.

Ad quintum dicendum, quod tunc ascenderent vapores subtiliores, vel rumperetur vas a natura vniuersali, contradicente vacuo.

Per hæc autem manent soluta tria alia argumenta, quorum primum de sumitur ex Arist. 2. cœli, tex. 27. ubi probatur sphaeras celestes esse orbiculares, ne datur vacuum, scilicet ne angulus succederet, ubi non erat corpus. At cœlum empyreum secundum Theologos est figuræ quadratæ. Ergo si moueretur, daretur vacuum.

Secundum est. Quia si non datur vacuum necesse est quandoque quod aliqua res moueatur contra proprium bonum, & inclinationem, ut quod aqua sursum ascendat per fistulam, ne detur vacuum. Hoc autem est contra Aristotelem dicentem, quod propter commune bonum, res sui detrimentum non appetit, sic enim dicit 8. Ethicorum cap. 2. Bonum amabile est, maxime autem vnicuique proprium. Ergo potest dari vacuum.

Tertio est. Ponatur homo in cœlo, & Deus faciat quod extra illud manum porrigat, aut lapidem iaciat, tunc hæc fient in vacuo.

Ad primum ergo horum dicunt aliqui, quod dato, quod cœlum empyreum moueretur, non daretur vacuum, quia anguli sibi succederent. At nobis melius videtur dicendum, quod in partibus intercedentibus inter angulos succederet aliqua virtus, vel influxus aeri in inferioribus æquiuallens, & hic contiguitatem causaret, & sic non daretur vacuum.

Ad secundum dicitur. Naturam magis esse inclinatam ad conseruationem boni communis, quam particularis, unde pars se exponit pro toto, & ideo propositio Aristotelis intelligitur, comparando bonum proprium priuatum, ad aliud bonum priuatum, & non ad vniuersale bonum.

Ad tertium dic sicut ad primum principale.

### LECTIO XIII.

De tempore.

Consequens autem dictis est. tex 27.

Hic est tertius tractatus principalis huius quarti libri, in quo Phil. agit de tem-

Argu-  
menta  
soluuntur.

de tempore. Ait ergo quod postquam determinatum est de loco, & vacuo, agendum est de tempore. Acturus autem de tempore, promittit prius per rationes extraneas id est ab alijs positas determinare, an sit tempus, vel non, & si est, quænam sit natura eius.

Secundo loco assignat duas rationes, quibus quidam dixerunt tempus non esse, vel à nobis esse imperceptibile. Prima est. Compositum ex partibus non existentibus non datur. Sed tempus componitur ex præterito, & futuro, tanquam ex partibus non existentibus, cum præteritum non sit, & futurum non existat. Ergo tempus non est. Secunda ratio est. Quilibet diuisibilis existens necesse est aliquam eius parte esse. Sed nulla pars temporis est, quia si esset, nunc esset. Sed tempus non componitur ex nunc indiuisibilibus, cum nullum diuisibile componatur ex indiuisibilibus. Ergo tempus non est.

Tertio loco inquit, an detur vnum nunc in toto tempore. Prius tamen habet, difficile esse scire, ytrum nunc temporis quod videtur distinguere inter præteritum, & futurum sit vnum in toto tempore. Ostendit autem quod non sit aliud, & aliud nunc tali ratione. Dicit partes temporis non possunt simul esse, nisi vna contineat aliam. Vel ergo necesse est quod duo nunc corrumpantur, vel quod sint infinita nunc simul. Omnia autem ista sunt inconuenientia. Quod vero non sit vnum nunc dupliciter probat. Primo. Nullus diuisibilis finiti potest esse vnus terminus tantum. Sed tempus est diuisibile finitum. Ergo non potest habere vnum nunc pro termino. Secundo. Si esset vnum nunc in toto tempore sequeretur, quod quæ ante mille annos fuerunt, modo essent in illo nunc.

Quarto loco assignat quid sit tempus iuxta placita antiquorum. Hi autem dupliciter de tempore locuti sunt. Nam quidam dicebant tempus esse motum cæli, & quidam vltimam spheram. Improbabat autem hanc opinionem scilicet quod tempus sit motus cæli dupliciter. Et primo sic. Pars temporis, tempus est. Sed pars circulationis non est circulatio. Ergo tempus non erit circulatio id est motus cæli. Secundo. Si darentur plures cæ-

li, plures essent circulationes. Ergo plura tempora, quod est absurdum. Secundo loco excludit opinionem, & motuum, quod esset vltima sphaera, motuum enim huius opinionis fuit, quod vltima sphaera, continet, & tempus continet. At hæc ratio inquit Philosophus dupliciter peccat. Primo. Quia æquiuoce conuenit continere tempori, & vltima sphaera. Secundo. Quia argumentabantur in secunda figura ex duabus affirmatiuis.

Quinto loco querit, verum motus, & tempus sint idem, & probat quod non, dupliciter. Et primo sic. Motus est solum in subiecta, quantitate, & vbi. At tempus est etiam in alijs ab his. Ergo distinguuntur. Secundo. Tempus neq. est velox, neq. tardum. Sed mutatio est velox, vel tarda. Ergo distinguuntur. Maiorem probat. Quia velox, vel tardum determinantur tempore. At nihil determinat seipsum. Ergo distinguuntur. Subdit tamen quod tempus non est sine motu, &c.

Circa supradicta notandum est, quod Philos. postquam egit de infinito, de loco, & vacuo, agit de tempore, quia locus, & vacuum sequuntur naturam rerum, locus secundum veritatem, vt continens, & mensurans locatum, & vacuum secundum ælimationem, tempus vero res naturales transmutabiles respicit, vt earum mensura, vnde de eo erat agendum.

Secundo notandum venit, quod tempus dicatur motus cæli, vel circulatio, potest dupliciter intelligi. Primo formaliter, & hoc est falsum, vt probauit Phil. Secundo virtualiter, & causaliter, & hoc est verum, cum tempus causetur à motu cæli, & à diuersis eius circulationibus, vt infra videbimus.

*Cum Arist. agit de tempore.*

*Tempus non est motus formaliter.*

## QVÆSTIO VIII.

*Verum motus & tempus distinguantur realiter.*

Videtur quod non. Nam motus, & tempus sunt entia successiua. Aut ergo erit eadem successio temporis, & motus, aut diuersa. Si eadem, habemus intentum. Si diuersa, hoc est absurdum, quia impossibile est duas quantitates permanentias, in eodem quanto permanentias esse. Ergo non poterunt simul esse hæc

duæ

duz successiones scilicet temporis, & motus.

Secundo. Philof. & S.D. hic asserunt, quod tempus est motus, quia tempus est prioris, & posterioris in motu.

Tertio. Argumentatur Pererius lib. 12. cap. 1. suz Phil. Tempus nihil aliud est, quam numerus prioris, & posterioris in motu. Prius autem & posterius nihil adiungunt motui secundum rem, ab eo distinctum, per Aristotelem hic. Ergo non distinguuntur realiter.

Quarto. Vna panni non est distincta secundum rem a panno, ut ipsum mensurat per quartas. Ergo nec tempus distinguitur a motu, quia eodem modo se habent.

Quinto. Tempus, & motus sunt res successiuæ, & ambo sunt numerus prioris, & posterioris. Ergo non distinguuntur secundum rem.

*Motus, & tempus sūt res successiuæ.* Pro decisione huius quæstionis. Primo adnotandum est, quod tempus, & motus sunt res successiuæ. Res autem successiuæ dupliciter distinguitur a re permanenti. Primo, quia partes rei permanentis sunt simul in actu v.g. omnes partes hominis existentis. Partes vero rei successiuæ, non omnes simul sunt in actu, sed vna est in actu, & alia in potentia, ut constat in tempore, & motu. Secundo differunt, quia totum permanens non est dum fit, dum enim homo generatur, homo non est, totum vero successiuum dum fit, est. Intellige tamen, quod partes rei permanentis simul sunt, non dum res fit, quia tunc habet rationem successiuæ, sed dum iam res facta est, & permanet. Ita dum vna pars temporis v.g. præsens aduenit, alia idest præteritum contumitur, quia de ratione successiuæ est non habere omnes partes simul.

*Tempus dupliciter sumitur.* Secundo sciendum est, quod tempus dupliciter sumitur. Primo communiter, pro quacunque mensura durationis, sicut solemus dicere, quod dum Sortes domum petit, merides est. Secundo sumitur proprie, pro mensura prioris, & posterioris rei mobilis, vt est sub motu, v.g. consideramus durationem mensurantem motum idest transitum de frigiditate ad caliditatem, quem facit manus dum caliditatem acquirit, & sic de tempore, & motu sermonem habemus in præfenti.

Tertio sciendum est, quod in motu tria sunt consideranda. Primum est subiectum motus, & hoc clarum est distingui a tempore, & motu. Secundum est forma illa imperfecta, quæ acquiritur per motum, & fluxum, de esse imperfecto eiusdem formæ ad esse perfectum. Tertium est mora, seu duratio, vel dicamus tempus quo mobile hanc perfectiorem formam acquirit, & hoc modo dicimus motum, & fluxum formæ tendentis de esse imperfecto ad esse perfectum distingui realiter a duratione, hunc transitum mensurante.

Quarto rememoranda est illa distinctio sæpius repetita, de distinctione reali idest quod aliud est distingui aliqua vt res, & res, & aliud est distingui vt realitas distinguitur a realitate. Primo enim modo non distinguuntur motus, & tempus, cum supponantur esse in eodem mobili. Secundo autem modo dicimus hæc distingui.

Quo ad secundum principale ponitur hæc conclusio. Motus, & tempus distinguuntur realiter. Probatur primo. Illa distinguuntur realiter, quæ distinguuntur proprijs definitionibus, cum definitio indicet esse. Sed alia est definitio temporis, & alia motus, sicut alia est consideratio motus, & alia temporis, vnde vendicant sibi distinctos libros in hac scientia, vt patet. Ergo distinguuntur realiter. Secundo. Illa distinguuntur realiter, quæ dicunt distinctas realitates. Sed sic se habent motus, & tempus. Ergo &c. Probatur minor, quia mobile per motum acquirit formam, vnde dicit fluxum formæ fluentis, per tempus vero eam non acquirit &c. Tertio. Passio, quæ non est transcendentalis distinguitur realiter a suo subiecto, quia distinguuntur prædicamento. Sed tempus est passio motus, ipsum consequens, per Aristotelem h. c. Quarto. Illa distinguuntur realiter, quæ habent distincta principia, & distinctas proprietates. Sed motus, & tempus sic se habent, nam principium motus est natura, temporis vero Deus, habetq. multa motus quæ non habet tempus, vt patet quinto Physicorum. Ergo. Sexto. Causa, & effectus distinguuntur realiter, per Aristotelem 5. Metaphy. Sed tempus est effectus motus, nam causatur

Cælestis  
sio probatur.

à priori, & posteriori in motu, vt patet ex definitione temporis. Ergo distinguuntur realiter.

Ad primum respondetur, quod tempus, & motus d.unt eandem successione materialiter, sed non formaliter, quia fundantur in diuersis modis successioneis distinctis, non solum secundum rationem ratiocinantem, sed etiam ratiocinatam, & per hoc soluuntur omnia argumenta, concludunt enim tempus, & motum fundari in eadem re, non tamen dicere eandem realitatem, modo explicato.

### QVÆSTIO IX.

*Verum duratio rei distinguatur ab eius existentia realiter.*

**C**irca hanc difficultatem duas opiniones inuenio. Prima est Scoti in 1. d. 2. q. 1. & quodlibet 6. Durandi in 2. dist. 2. q. 3. numero 14. Caiet. p. p. q. 10. art. 5. & 6. Suarez disp. 5. s. fuz Methaphy. sectio. 2. numero 5. & Toleti quæst. 13. huius. Hi enim tenent hæc distingui secundum rationem ratiocinatam, quod probant.

Primo. Quia duratio non est nisi permanentia in esse, vel continuatio eiusdem esse. Permanentia autem in esse, seu continuatio eiusdem in esse, non est distinctum esse ab eodem esse.

Secundo. Quia sic distingueretur realiter creatio, & conseruatio rei, nam creatio dicit motum, & conseruatio durationem eiusdem rei.

Tertio. Quia si duratio distingueretur ab existentia rei realiter, sequeretur quod existentia non esset vltima actualitas rei, quia mensuraretur mensura durationis.

Secunda opinio censetur S. Doct. in 2. dist. 4. q. 1. art. 2. & p. p. q. 10. art. 6. vbi docet tempus, & æum distingui ab Angelis, & mobilibus, vt mensura realis, à mensuratis realiter, & vt distinguuntur accidentia à proprijs subiectis, quorum distinctio est realis. Hanc sequuntur Luelius q. 10. huius. Soto q. 4. Conclusionem 3. & 4. Conimbr. & Ituuio hic tractatu de tempore. Hi enim omnes tenent durationem rei distingui realiter ab eius existentia. Hæc probant.

Primo. Quia accidens, & substantia

distinguuntur realiter, modo duratio est accidens reale, adiacens existentie rei, solus enim Deus mensuratur per suam substantiam.

Secundo. Diuina attributa æternitatis, & esse, distinguuntur realiter inter se virtualiter, seu secundum Scotum ex natura rei. Ergo realiter actualiter distinguuntur in creaturis. Probatur sequela. Quia minor est distinctio in Deo, quam in creaturis.

Tertio. Quæcunque non patiuntur eandem variationem realem, necesse est eadistingui realiter. Sed sic se habent duratio, & existentia, cum existentia non dicat prius, & posterius, vt dicit tempus, seu duratio, sed dicat esse.

Quarto. Quæ distinguuntur prædicamentaliter, ita vt vnum sibi vendicat determinatum prædicamentum, & non aliud, distinguuntur realiter. Sic se habent tempus, & existentia, quia tempus est de prædicamento quantitatis, & existentia substantie, est de prædicamento substantie, quantitati, quantitati, qualitatis, qualitatis, & sic discurrendo, nam actus, & potentia sunt eiusdem prædicamenti, per Aristotelem 9. diuiniorem.

Ad conciliandas has opiniones, in verbis solum differentes, dicimus primam opinionem esse veram, quod non distinguuntur vt duæ res, sed bene vt duæ realitates, quod intellexerunt Doctores secundæ sententie, vnde cessant omnia argumenta, nam primum primæ opinionis probat, durationem esse rei, stare cum existentia in eadem re, sed non in eadem realitate, quod & secundum probat, & tertium sed solum habet pro responsione ad tertium, quod existentia dicitur vltima actualitas in ordine ad causam effectiuam, quia terminat rei productionem. At duratio mensurat esse in genere causæ formalis, vnde variatur genus causæ.

### LECTIO XIV.

### QVÆSTIO X.

*Verum tempus sit numerus motus, secundum prius, & posterius.*

**V**idetur quod tempus non sit numerus. Primo. Nam quantitas con-

tinua, & quantitas discreta distinguuntur specie. Sed tempus est quantitas continua, & numerus quantitas discreta, vt patet per Aristotelem cap. de quantitate. Ergo tempus non est numerus.

Secundo. Numeratum non est numerus. Sed tempus est numeratum, per Commentatorem, numeratur enim numero formali. Ergo &c.

Tertio. Numerus est plurius. Ergo in definitione dicendum est, tempus est numerus motuum, & non numerus motus.

Quarto. Numerus est discretorum, cum sit quantitas discreta. Sed prius, & posterius in motu, & tempore sunt continua. Ergo non est numerus motus, secundum prius, & posterius.

Quinto. Si tempus est motus, aut tempus consequitur motum sensibilem extra animam, aut motum animæ, aut omnem motum. Non primum, quia sic qui non perciperet motum sensibilem, non perciperet tempus. Non secundum, quia sic tempus esset intentio animæ. Non tertium, quia sic tot essent tempora, quot motus. Ergo &c.

Sexto. Tempus est mensura motus. Sed mensura, & mensuratum sunt in tertio modo relatiuorum quorum vnum potest esse absq. alio. Ergo tempus necessarium non erit motus.

Septimo. Si tempus est numerus, aut est numerus partium motus, secundum quod vna pars est prior, & altera posterior. Vel est numerus secundum mutata esse indiuisibilia, quorum vnum est prius, & alterum posterius. Non primum, quia illæ partes sunt continuæ, & inter illas non est discretio. Non secundum, quia mutata esse sunt discreta. At tempus non est numerus discretorum, sed continuorum.

Octauo. Absolutum non est respectuum. Sed tempus est quoddam absolutum, & prius & posterius quoddam respectuum. Ergo tempus non est numerus motus, secundum prius, & posterius.

Nono. Prius, & posterius infra diffiniuntur per tempus, & modo tempus diffinitur per prius, & posterius. Ergo committitur circulus vitandus.

Decimo. Vel prius, & posterius in

tempore, sunt prius, & posterius spaciij, vel motus. Non spaciij, quia permanent. Non motus, quia sic tempus, & motus essent idem.

Vndecimo. Mensura est indiuisibilis, & minuta. Sed tempus est diuisibile, & longissimum. Ergo non erit numerus, idest mensura motus.

Duodecimo. Mensura debet esse manifesta. Sed tempus, est immanifestum, quare dicebat D. Augustinus 11. Confess. cap. 14. Quid est tempus si nemo ex me quærat scio, si quærenti explicare vouero, nescio. Ergo tempus non est numerus, idest mensura.

Tertiodecimo. Falsum videtur tempus esse numerum prioris, & posterioris in motu primi mobilis. Nam Genes. 1. habemus posita fuisse luminaria in firmamento cæli, vt diuiderent diem, ac noctem, essentque in signa, & tempora, dies, & annos, vnde per stellas, per solem, & lunam distinguimus dies, annos, & menses.

Quartodecimo. Tempus non solum est numerus motus, sed etiam quietis, quia etiam quies mensuratur tempore, vt asserit D. Augustinus lib. 11. Confess. cap. 24. Ergo male omissa est illa particula, est numerus motus, & quietis.

Pro enodatione huius questionis, omittis multis opinionibus de tempore, in Scholis antiquorum disputatis, quas licet videre apud Conimbricenses, quæst. 1. de tempore in hoc 4.

Primo notandum venit circa illam particulam, quod tempus sit numerus, duplicem esse numerum. Primus dicitur numerans, vt 1. 2. 3. Secundus numerus dicitur numeratus verbi gratia duæ horæ, tres homines. Primus vocatur numerus formalis, quia se habet vt quo res numeratæ numerantur. Secundus vero dicitur numerus materialis, quia respicit ipsa numerata materialia. Tempus non dicitur numerus numerans, sed numerus numeratus prioris, & posterioris motus, & partium rei motæ. Sed hoc etiam bifariam intelligi potest. Primo materialiter idest vt sit numerus rei, vt stat sub duratione. Secundo formaliter vt consideramus rem, existentem sub duratione secundum se continua, distingui ab anima in præteritum, præsens, & futurum,

Tempus  
est numerus  
rui.

rum, in dies, menses, & annos, nam intellectus aptus natus est continua diuidere, & hoc secundo modo tempus dicitur numerus formaliter, & completius.

**Motus.** Secundo adnotandum venit, quod tempus sit numerus motus, dupliciter considerari potest. Primo considerando motum ut dicit formam imperfectam, continuo ad esse perfectum tendentem. Secundo ut significat prioritatem, & posterioritatem. Nam si primo inodo consideretur, sit à tempore distinguitur, quia tempus, vt tempus non dicit esse formæ in subiecto. Secundo ergo modo tempus dicitur numerus motus, quia tempus consequitur motum, prout in motu datur prius, & posterius, quia hanc prioritatem, & posterioritatem mensurat tempus.

**Actiue, & passiue.** Tertio notandum est, tempus esse numerum motus bifariam posse intelligi. Primo actiue idest tempus est numerus numerans motum. Secundo passiue idest tempus est numerus numeratus. Auerroes hic textu 102. 103. & Conimbr. q. 1. de tempore, docent tempus esse numerum motus actiue idest est numerus numerans prius, & posterius motus. Oppositum docent alij plures, quibus videtur fauere S. D. opusculo de tempore cap. 2. Toletus, & Ruio hienam docent tempus esse numerum motus passiue. At ego distinguendum puto, dicendo, quod tempus dupliciter inspicitur potest. Primo secundum realitatem quam habet secundum se in motu primi orbis, & sic videtur numerus motus passiue, quia sic causatur ex circulationibus primi cæli. Secundo potest considerari formaliter, & complete, secundum quod habet esse formale, & completum ab anima numerante prius, & posterius motus, & sic videtur teneri actiue, quia per animam numerat motum.

**Secundū prius, et posterius.** Quarto adnotandum est circa ly prius, & posterius, quod prius, & posterius duobus modis sumi possunt. Primo pro priori, & posteriori temporis, habet enim tempus suum prius, & posterius. Secundo modo potest sumi pro priori, & posteriori motus, vel localis, vel augmenti, & decrementi, vel alterationis, secundum quod in his motibus reperitur prius

& posterius, & sic sumitur in diffinitione temporis, vnde tempus dicitur numerus motus, secundum prius, & posterius.

Secundo loco principali ponitur hæc *Conclusio conclusio*. Recte assignata fuit diffinitio temporis sic. Tempus est numerus motus, secundum prius, & posterius. Probat ergo primo, quod tempus sit aliquid motus. Nam simul sentimus motum, & tempus. Vel ergo tempus est motus, vel aliquid motus. Sed non est motus, vt visum est. Ergo erit aliquid motus.

Secundo probat Phil. quod tempus sit numerus motus. Illud quo iudicamus aliquid plus, vel minus, est numerus eius. Sed motum iudicamus maiorem, vel minorem ex tempore. Ergo tempus erit numerus motus.

Tertio probatur quod tempus sit numerus motus, secundum prius, & posterius sic. Cognito priori, & posteriori in motu, cognoscimus tempus. Ergo tempus est numerus motus secundum prius, & posterius. Antecedens patet, quia prius, & posterius motus, est causa cognitionis temporis.

Circa supradictas autem probationes. Primo venit notandum circa probationem, quod tempus est numerus motus, quod aliter diffinitum accidentia in concreto, & aliter in abstracto, dum enim ea diffinitum in abstracto, ea per proprium genus diffinitum, & loco differentie ponimus subiectum, quia differentia accidentis abstracti causatur ex principiis subiecti. Dum autem diffinitum accidentia in concreto, quia ea diffinitum per modum substantie, hinc cum genus à materia sumatur, ponimus subiectum loco generis. Verbi gratia. Si diffiniamus summatum in abstracto, dicemus, quod est curuitas nalis, at in concreto, quod est nalis curuus. Cum igitur tempus diffinitum sit in abstracto, ideo diffinitum est per proprium genus.

Secundo notandum venit circa probationem terræ particule, quod tempus causatur ex priori, & posteriori, in motu, bifariam hoc intelligi potest. Primo secundum prius, & posterius motus, in magnitudine, & sic videtur solum verificari de tempore mensurante motum localem,



sem, quia talis solum fit supra magnitudinem. Secundo secundum prius, & posterius motus ut sic, & ita cōtinuitas motus supra magnitudinem non erit præcisa ratio cōtinuitatis cuiuscunque motus, ut dicemus suo loco de motu augmenti, & alterationis.

Ad primum argumentum respondetur, quod tempus dupliciter considerari potest. Primo solitarie, & secundum se, & sic cum secundum se sit numerus, erit quantitas discreta. Secundo potest considerari subiective, ut est in subiecto mensurabili priori, & posteriori motus continui, & sic vocabitur quantitas continua. Secundo respondetur, quod numerus numerans, per actum animæ est quantitas discreta. At numerus numeratus prioris, & posterioris in motu continuo, ut est tempus, est quantitas continua.

Ad secundum dictum est in tertio notabili. Ad tertium dicendum, quod tempus ad duo potest referri. Primo ad prius, & posterius motus, & sic numerus dicitur plurius. Secundo ad motum, & sic dicitur numerus motus, habentis prius, & posterius.

Ad quartum dicendum est ut supra. Ad quintum dicendum, quod tempus dependet a motu primi mobilis, unde cessant omnia assumpta in argumento.

Ad sextum dicendum, quod tempus dupliciter consideratur. Primo ut mensura cuiuscunque motus, & sic potest esse sine vno motu, sed non sine omni motu. Secundo ut est passio motus primi mobilis, & sic fit mensura cæterorum motuum, & ita non potest esse sine omni motu, & hoc modo non dicitur mensura absolute, sed mensura inseparabilis, & formalis, quæ non potest esse sine mensurato.

Ad septimum dicendum, quod tempus dicitur numerus partium motus, secundum quod una pars est prior, & altera posterior, non quidem secundum esse, sed secundum apprehensionem, & designationem per actum animæ.

Ad octavum dicendum quod prius, & posterius formaliter dicunt respectum, sed fundamentaliter important absolute idem motum.

Ad nonum dictum est in quarto notabili.

Ad decimum dictum est pariter, quod prius, & posterius posita in diffinitione temporis sunt prius, & posterius motus, cum ordine ad spacium continuum &c.

Ad undecimum dicendum, quod duplex est mensura. Prima dicitur mensurans, & hæc consistit in indivisibili. Secunda dicitur mensura mensurata, & hæc longa est, & brevis, divisibilis, & indivisibilis, secundum quantitatem rei mensurate, & talis mensura est tempus, unde cum tempus sit longissimum, talis etiam est eius mensura. Sed hic adverte quod tempus bisariam considerari potest. Primo ut quoddam totum, & sic realiter stat in successione, quia est totum successuum. Secundo ut respicit instantia quorum unum dicitur principium futuri, & aliud terminus præteriti, inter quæ duo instantia intelligitur mediare tempus, & sic intelligitur existere in rerum natura solum per instantia, quia de tempore non habemus nisi nunc, & res dum fit, permanenter non est.

Ad duodecimum dicitur, quod tempus est notum secundum se, sed ratione nostri notificatur ex motu.

Ad decimum tertium dicitur, quod in primo mobili ut in prima, & maxime uniformi mensura residet tempus, in alijs vero orbibus prout habent cum eo collationem, unde Sol annos facit, & luna menses, sed primus orbis dies naturales constituit, & ex his fiunt menses, & anni.

Ad decimum quartum dicitur, quod mensurare secundum prius, & posterius convenit solum motui per se, quieti vero per aliud, id est per ordinem ad motum, ut annuit Aristoteles 8. Phys. tex. 83. & secundo de cælo text. 36. & ideo omnia est.

## LECTIO XV.

### QVAESTIO XI.

*Utrum sit unum instant in toto tempore.*

**V**idetur quod non. Primo. Nam sicut se habet mutatum esse ad motum, ita nunc ad tempus. Sed in motu sunt plura mutata esse, & motus. Ergo etiam in tempore erunt plura nunc. Minor patet.

et. Maior prob. quia indiuisibile temporis est nunc, & indiuisibile motus, mutatum esse.

Secundo. Si in toto tempore est tantum vnum nunc. Ergo omnia mutata esse, & omnes partes motus sunt simul. Sed hoc est absurdum, vt patet. Ergo &c. Maior prob. quia ea simul sunt, quæ in eo eodem nunc sunt.

Tertio. Nunc non potest bis demonstrari. Ergo raptim transit, & non est vnum. Antecedens est i philosophi.

Quarto. Cuiuslibet finis diuisibilis oportet esse duos terminos. Sed tempus v.g. hora, est quoddam diuisibile finitum. Igitur habebit duo nunc pro terminis.

Quinto. Si esset vnum nunc in toto tempore, sequeretur quod accidens migraret de subiecto in subiectum. Sed hoc est falsum. Ergo &c. Assumptum prob. Quia de vno mutato esse, transit ad aliud mutatum esse.

Sexto. Aut hoc nunc esset terminus discreti, vel continui. Non primum, quia non datur tempus discretum. Non secundum. Quia cuiuslibet continui dantur duo termini distincti.

Septimo. Per nunc temporis cognoscimus prius, & posterius in tempore. Sed hoc non fit per vnum nunc, quia nec etiam per vnum mobile cognoscimus prius, & posterius in motu. Ergo non datur vnum instans in toto tempore.

Pro enodatione huius questionis. Primum notandum venit, vt ascendamus ad cognitionem vnius nunc in toto tempore, quod in linea dantur duo puncta scilicet intrinsecum, & extrinsecum. Punctum extrinsecum illud est, quod suo motu intelligitur causare lineam suo fluxu, & sua continuatione. Dicitur autem extrinsecum, quia non est de ratione intrinseca lineæ, cum non possit esse in diuersis partibus lineæ. Nec etiam habet rationem terminum lineæ, quia terminos lineæ intelligimus duo puncta, quorum vnum se habet vt principium, & aliud vt finis, vnum autem instans hac duplici ratione gaudere non potest. Nec continuatur lineam, quia sic haberet plures partes in linea. Punctum intrinsecum illud dicitur, quod lineam continuatur, & in actu habet rationem duorum punctorum, & in potentia infinitorum, secundum quod

in linea intelligitur esse infinita puncta in potentia, quia linea est diuisibilis in infinitum. Puncta autem in actu sunt principium, & finis lineæ.

Secundo notandum, quod similiter in tempore sunt duo nunc, siue duo instantia, vel momenta. Primum dicitur extrinsecum, quod intelligimus suo fluxu, & motu causare tempus, sicut dictum est punctum extrinsecum apud Geometram causare lineam. Sed hoc instans neque continuatur tempus, neque ipsum terminatur, aliter non haberet rationem vnius instantis, quia terminans, & terminatum, continuum, & continuans, intelliguntur esse distincta. Secundum igitur instans dicitur intrinsecum, quia diuidit tempus prius, & posterius, ipsum continuatur, & terminatur, vt de eius intrinseca ratione. Si loquamur ergo de instanti intrinseco dicendum venit, quod in toto tempore sunt plura instantia, quoniam idem non potest esse, principium, & finis. Loquendo vero de instanti extrinseco, sic dicimus esse vnum in toto tempore, quia vnum est subiectum in quo subieciatur, vt vnum accidens. 1. in primo mobili.

Tertio ergo notandum, quod primum mobile, tripliciter considerari, potest. Primo: secundum suam substantiam, & sic cum sit incorruptibile, & vnum esse perpetuum habere vnico nunc mensuratur, quod secundum Aristotelem potest dici æternitas, & secundum Theologos æuum. Secundo modo consideratur quatenus est in motu, & diuersa vbi acquirit, nihil perdendo de sua substantia, & sic dicitur sub perpetuo motu vniformi, & inuariabili, & propterea affirmamus dicere vnum tempus, sicut dicit vnum motum. Tertio modo consideratur quoad esse accidentale, quod habet in diuersis instantibus temporis, mensurantis mutationem rei generabilis, & corruptibilis: & hoc tertio modo in primo mobili ponimus plura instantia casualiter, quia omnis motus est à primo motu, non tamen formaliter, quia tempus vt in primo mobili subieciatur, semper eodem modo est vniforme, & inuariabile.

Quarto animaduertendum venit, quod nunc extrinsecum, quod vnum tempus constituit, & intrinsecum quod plura

*Ita duplex nunc intrinsecum, & extrinsecum.*

*Primum mobile tripliciter consideratur.*

*Punctum duplex intrinsecum, & extrinsecum.*

*Nunc intrinsecum & extrinsecum differt.*

plura tempora facit, pluribus modis differunt. Primo, quia nunc extrinsecum ponitur mensura primi mobilis, & propterea cum vnum sit primum mobile, vniuniformi motu gaudens, vnicum dicitur esse instans. Intrinsecum vero ponitur mensura non primi mobilis, sed rerum, quæ dicuntur habere diuersa mutata esse, quæ cum plura sint, ideo dicimus similia nunc plura esse. Secundo differunt, quia nunc extrinsecum habet pro subiecto primum mobile, & nunc intrinsecum mutata esse. Tertio differunt, quia nunc extrinsecum causaliter tantum, & non formaliter terminat, vel continuat partes temporis, intrinsecum vero formaliter illas continuat, & terminat.

Quinto animaduertendum venit, quod esse vnum instans in toto tempore dupliciter, potest intelligi. Primo secundum rem subiectiue, & hoc est quod asserit Philosophus idest; quod subiecto, & realiter est vnum instans in toto tempore. Secundo, secundum rationem, prout consideramus diuersa instantia, & diuersas partes in eodem tempore, & sic in eo ponuntur plura instantia, & plures partes. Quomodo autem hoc sit verum multi multa dicunt. At ego puto dicendum, quod esse vnum nunc reale in toto tempore, & plura distincta secundum rationem bifariam potest intelligi. Primo vt tempus subiectatur in primo mobili, & sic est vnum nunc, quia in motu eius nulla est mutatio, nulla variatio, & maxima vniuniformitas. Secundo, vt perficitur per rationem nostram, ipsum distinguentem in lustra, annos, menses, dies, horas, & momenta, & sic in tempore sunt diuersa nunc. Sed ne intelligas diuersas partes, & diuersa nunc temporis esse tantum à ratione, nam fundamentaliter, & apertudinaliter sunt à natura temporis, entis successiui, & diuisibilis secundum prius, & posterius, completiue tamen & formaliter dicuntur esse à ratione, quia hæc est illa, quæ has partes actu, & formaliter distinguit, & nominat.

Secundo loco principali, ex Philosopho in textu elicimus hanc conclusionem. Vnum est nunc reale in toto tempore, & diuersum secundum rationem. Probatur, Sicut se habet tempus ad mo-

tum, ita nunc ad mobile, per commutatam proportionem. Sed vnum est mobile secundum substantiam in toto motu, & si diuersum sit secundum rationem, prout consideratur in diuersis vbi, &c. Ergo vnum est instans in toto tempore realiter, & plura distincta secundum rationem. Secundo. Nunc est vnitas primi mobilis, prout mobile est. Sed talis vnitas vna est, cum in eo detur maxima vniuniformitas. Ergo est vnum nunc tantum in tempore.

Tertio Causa est simul cum suo effectu, ex 5. Methaph. Sed nunc est causa temporis. Ergo semper erit cum tempore.

Contra autem hanc conclusionem sic explicatam, & probatam non militant argumenta Toleti, & Ruuii. Arguntur enim Toletus. Primo contra exemplum datum de vno puncto extrinsecum, & linea, & vno nunc extrinsecum in tempore, & ait, quod nunc causans lineam habet solum locum in imaginatione, & non in re, nos autem loquimur hic de vno nunc non secundum imaginationem, sed secundum rem.

Secundo arguit, quod presentia mobilis non facit vnum nunc formaliter, sed materialiter; nam formaliter, idest vt est sub motu, est vtique sub diuersis partibus motus.

Tertio arguit Ruuius ex Aristotele, textu 100. vbi aperte docet, & alia tisse momenta, idest nunc in tempore, quia tempus non est numerus numerans, sed numeratus.

Quarto, quia in tempore sunt diuersæ partes distinctæ realiter, quæ copulantur necessario ad diuersa nunc indiuisibilia.

Quinto, quia tempus continuo fluit, instans vero permanet, vnde pugnat cum tempore.

Sed hæc argumenta vt dixi non attingunt mentem nostram, qui loquimur de vno instanti subiectiue, & extrinsecum. Vnde primum argumentum soluitur dicendo. Quod punctum extrinsecum non habet subiectum existens, & suppositum reale, sicut habet nunc temporis primum mobile, vnde in isto puncto vtimur imaginatione, & in nunc temporis realitate.

ter. Maior prob. quia indiuisibile temporis est nunc, & in diuisibile motus, mutatum esse.

Secundo. Si in toto tempore est tantū vnum nunc. Ergo omnia mutata esse, & omnes partes motus sunt simul. Sed hoc est absurdum, vt patet. Ergo &c. Maior prob. quia ea simul sunt, quæ in eodem nunc sunt.

Tertio. Nunc non potest bis demonstrari. Ergo rapim transit, & non est vnum. Antecedens est i philosophi.

Quarto. Cuiuslibet finiti diuisibilis oportet esse duos terminos. Sed tempus v.g. hora, est quoddam diuisibile finitum. Igitur habebit duo nunc pro terminis.

Quinto. Si esset vnum nunc in toto tempore, sequeretur quod accidens migraret de subiecto in subiectū. Sed hoc est falsum. Ergo &c. Assumptum prob. Quia de vno mutato esse, transit ad aliud mutatum esse.

Sexto. Aut hoc nunc esset terminus discreti, vel continui. Non primum, quia non datur tempus discretum. Non secundum. Quia cuiuslibet continui dantur duo termini distincti.

Septimo. Per nunc temporis cognoscimus prius, & posterius in tempore. Sed hoc non fit per vnum nunc, quia nec etiam per vnum mobile cognoscimus prius, & posterius in motu. Ergo non datur vnum instans in toto tempore.

Pro enodatione huius quæstionis. Primo notandum venit, vt ascendamus ad cognitionem vnus nunc in toto tempore, quod in linea dantur duo puncta scilicet intrinsecum, & extrinsecum. Punctū extrinsecum illud est, quod suo motu intelligitur causare lineam suo fluxu, & sua continuatione. Dicitur autem extrinsecum, quia non est de ratione intrinseca lineæ, cum non possit esse in diuersis partibus lineæ. Nec etiam habet rationem terminum lineæ, quia terminos lineæ intelligimus duo puncta, quorum vnum se habet vt principium, & aliud vt finis, vnum autem instans hac duplici ratione gaudere non potest. Nec continuat lineam, quia sic haberet plures partes in linea. Punctum intrinsecum illud dicitur, quod lineam continuat, & in actu habet rationem duorum punctorum, & in potentia infinitorum, secundum quod

in linea intelligitur esse infinita puncta in potentia, quia linea est diuisibilis in infinitum. Puncta autē in actu sunt principium, & finis lineæ.

Secundo notandum, quod similiter in tempore sunt duo nunc, siue duo instantia, vel momenta. Primum dicitur extrinsecum, quod intelligimus suo fluxu, & motu causare tempus, sicut dictum est punctum extrinsecum apud Geometrā causare lineam. Sed hoc instans neque continuat tempus, neque ipsum terminat, aliter non haberet rationem vnus instantis, quia terminans, & terminatū, continuum, & continuans, intelliguntur esse distincta. Secundum igitur instans dicitur intrinsecum, quia diuidit tempus prius, & posterius, ipsum continuat, & terminat, vt de eius intrinseca ratione. Si loquamur ergo de instanti intrinseco dicendum venit, quod in toto tempore sunt plura instantia, quoniam idem non potest esse principium, & finis. Loquendo vero de instanti extrinseco, sic dicimus esse vnum in toto tempore, quia vnum est subiectum in quo subieciatur, vt vnum accidens. 1. in primo mobili.

Tertio ergo notandum, quod primum mobile, tripliciter considerari, potest. Primo: secundum suam substantiam, & sic cum sit incorruptibile, & vnum esse perpetuum habeat vnico nunc mensuratur, quod secundum Aristotelem potest dici æternitas, & secundum Theologos æuum. Secundo modo consideratur quatenus est in motu, & diuersa vbi acquirit, nihil perdendo de sua substantia, & sic dicitur sub perpetuo motu vniformi, & inuariabili, & propterea affirmamus dicere vnum tempus, sicut dicit vnum motum. Tertio modo consideratur quoad esse accidentale, quod habet in diuersis instantibus temporis, mensurantis mutationem rei generabilis, & corruptibilis: & hoc tertio modo in primo mobili ponimus plura instantia casualiter, quia omnis motus est a primo motu, non tamen formaliter, quia tempus vt in primo mobili subieciatur, semper eodem modo est vniforme, & inuariabile.

Quarto animaduertendum venit, quod nunc extrinsecum, quod vnum tempus constituit, & intrinsecum quod seruat plura

*Ita duplex nunc intrinsecum, & extrinsecum.*

*Primum mobile tripliciter consideratur*

*Punctū duplex intrinsecum, & extrinsecum.*

*Nunc intrinsecum, & extrinsecum.*

plura tempora facit, pluribus modis differunt. Primo, quia nunc extrinsecum ponitur mensura primi mobilis, & propterea cum vnum sit primum mobile, vniiformi motu gaudens, vnicum dicimus esse instans. Intrinsecum vero ponitur mensura non primi mobilis, sed rerum, quae dicuntur habere diuersa mutata esse, quae cum plura sunt, ideo dicimus similia nunc plura esse. Secundo differunt, quia nunc extrinsecum habet pro subiecto primum mobile, & nunc intrinsecum mutata esse. Tertio differunt, quia nunc extrinsecum causaliter tantum, & non formaliter terminat, vel continuat partes temporis, intrinsecum vero formaliter illas continuat, & terminat.

*Diuersa habens.* Quinto animaduertendum venit, quod esse vnum instans in toto tempore dupliciter, potest intelligi. Primo secundum rem subiectiue, & hoc est quod asserit Philosophus id est, quod subiecto, & realiter est vnum instans in toto tempore. Secundo, secundum rationem, prout consideramus diuersa instantia, & diuersas partes in eodem tempore, & sic in eo ponuntur plura instantia, & plures partes. Quomodo autem hoc sit verum multi multa dicunt. At ego puro dicendum, quod esse vnum nunc reale in toto tempore, & plura distincta secundum rationem bifariam potest intelligi. Primo vt tempus subiectatur in primo mobili, & sic est vnum punctum, quia in motu eius nulla est mutatio, nulla variatio, & maxima vniiformitas. Secundo, vt perficitur per rationem nostram, ipsum distinguentem in lustra, annos, menses, dies, horas, & momenta, & sic in tempore sunt diuersa nunc. Sed ne intelligas diuersas partes, & diuersa nunc temporis esse tantum a ratione, nam fundamentaliter, & apertudinaliter sunt a natura temporis, entis successiui, & diuisibilis secundum prius, & posterius, completiue tamen & formaliter dicuntur esse a ratione, quia haec est illa, quae has partes actu, & formaliter distinguit, & nominat.

*Conclusio probatur.* Secundo loco principali, ex Philosopho in textu elicimus hanc conclusionem. Vnum est nunc reale in toto tempore, & diuersum secundum rationem. Probatur, Sicut se habet tempus ad mo-

tum, ita nunc ad mobile, per commutatam proportionem. Sed vnum est mobile secundum substantiam in toto motu, & si diuersum sit secundum rationem, prout consideratur in diuersis vbi, &c. Ergo vnum est instans in toto tempore realiter, & plura distincta secundum rationem. Secundo. Nunc est vnitas primi mobilis, prout mobile est. Sed talis vnitas vna est, cum in eo detur maxima vni-formitas. Ergo est vnum nunc tantum in tempore.

Tertio Causa est simul cum suo effectu, ex 5. Methaph. Sed nunc est causa temporis. Ergo semper erit cum tempore.

Contra autem hanc conclusionem sic explicatam, & probatam non militant argumenta Tolet, & Ruuii. Arguentur enim Toletus. Primo contra exemplum datum de vno puncto extrinseco, & linea, & vno nunc extrinseco in tempore, & ait, quod nunc causans lineam habet solum locum in imaginatione, & non in re, nos autem loquimur hic de vno nunc non secundum imaginationem sed secundum rem.

Secundo arguit, quod praesentia mobilis non facit vnum nunc formaliter, sed materialiter; nam formaliter, id est vt est sub motu, est vtique sub diuersis partibus motus.

Tertio arguit Ruuius ex Aristotele, textu 100. vbi aperte docet, & alia esse momenta, id est nunc in tempore, quia tempus non est numerus numeratus, sed numeratus.

Quarto, quia in tempore sunt diuersae partes distinctae realiter, quae copulantur necessario ad diuersa nunc indiuisibilia.

Quinto, quia tempus continuo fuit, instans vero permanet, vnde pugnat cum tempore.

Sed haec argumenta vt dixi non attingunt mentem nostram, qui loquimur de vno instanti subiectiue, & extrinseco. Vnde primum argumentum soluitur dicendo. Quod punctum extrinsecum non habet subiectum existens, & suppositum reale, sicut habet nunc temporis primum mobile, vnde in isto puncto vtimur imaginatione, & in nunc temporis realitate.

Secundum cessat, quia motus primis  
vibis vniformis est, & inuariabilis, & se-  
cundum se, & ratione subiecti.

Argumenta autem Rubio procedunt  
de nunc intrinseco, quod plurificatur, &  
ita etiam de hoc nunc, & non de extrin-  
seco procedunt argumenta principalia.

QVÆSTIO XII.

An sit vnum numero tempus.

**E**X solutione superioris quæstionis  
altera soluta remanet, scilicet an sit  
vnum numero tempus. Nam de tempore  
dupliciter loqui contingit. Primo de  
tempore discreto, quo mensurantur ope-  
rationes Angel ex, & de hoc non loqui-  
mur, quia aliud tempus est. Secundo lo-  
quendo de tempore continuo, quod sub-  
iectatur in primo mobili, & de hoc est  
controversia. Nam Gregorius 4. dist. 4.  
quæst. 1. Simplicius, Themistius, & plu-  
res alij tenuerunt plura esse tempora na-  
mero, secundum pluralitatem quorum-  
cunque motuum, adeo vt secundum hos  
quilibet motus habeat suum tempus.

*Vtrum est  
vnum nu-  
mero.* Alia est sententia S. Doctoris hic. Al-  
berti cap. 17. Auerrois textu 132. Ferrar-  
iensis quæst. vltima. Soto q. 4. & Duran.  
in 2. dist. 2. q. 2. Hi enim omnes tenent  
vnum esse tempus numero, quia habet  
vnum tantum numero subiectum, scili-  
cet primum mobile. Dicendum est ergo,  
quod resolutio huius quæstionis ex su-  
periori pender, nam loquendo de tem-  
pore quo ad discretum nunc intrinseca, sic  
plura sunt tempora, quia plura sunt mo-  
bilia, & plures sunt motus. Si vero lo-  
quatur de tempore quoad nunc extrin-  
secum, id est vt subiectatur in primo mo-  
bili, sic dicitur tantum vnum esse, sicut  
vnum est mobile motu maxime vniformi,  
regulari, & perpetuo. Sufficit autem  
quod tempus in eo fundetur, vel actualiter,  
vel virtualiter, quia si cessaret motus  
primi mobilis, prout cessant per horas  
tempore solue, numeratio tamen fieret  
secundum mensuram motus eius per spa-  
cium viginti quatuor horarum, quo cõ-  
plet cursum suum. Materialiter ergo plu-  
res sunt motus, & plura sunt tempora,  
quia plura sunt mobilia, sed formaliter  
sicut est vnum primum mobile, ita est

vnum primum tempus, ad quod omnes  
motus referuntur, vt ad primam suam  
regulam, vel mensuram, per quam men-  
surantur, vel mensurari debent.

LECTIO XVI.

Quod quidam igitur tempus numerus mo-  
tus. tex 198.

**P**ostquam Philosophus egit de natu-  
ra temporis, nunc intendit tractare  
de proprietatibus eius. Dicit itaque ma-  
ximum esse ex dictis, tempus habere  
prius, & posterius, & esse quoddam con-  
tinuum. Sed hoc tempus sit continuum,  
dicit posse bifariam intelligi: Primo vt  
est numerus, & ita est discretum, quia nu-  
merus est quantitas discreta. Secundo vt  
est numerus motus, & sic cum motus sit  
quoddam continuum, tempus quoque  
dicitur esse continuum.

Secundo dicit, quod tempus non est  
numerus numerans, sed numeratus, &  
quod in numero numerante est inueni-  
re minimum, minimum tamen numeri  
simpliciter, & absolute sumpti, id est nu-  
merantis est dualitas. At in numero nu-  
merato rei continua sit inuenire mini-  
mum, duobus modis potest intelligi. Pri-  
mo multitudine, & sic est dare minimum  
numerus, & minimum tempus. Secun-  
do magnitudine, & hoc non, quia cum  
tempus sit quoddam continuum cuiuslibet  
temporis dari, est accipere aliquas  
partes in quas diuiditur, quod explicat  
exemplo lineæ, nam secundum multitu-  
dinem datur minima linea, id est vna li-  
nea, vel duæ, non tamen secundum ma-  
gnitudinem, quia qualibet linea minima  
datur, adhuc est diuisibilis.

Tertio, assignat aliam proprietatem  
temporis, nempe quod dicatur breue,  
vel longum, multum, & paucum, sed non  
velox, vel tardum. Hoc autem proue-  
nit, quia tempus est quoddam continuū,  
continuum vero potest esse longum, vel  
breue, sicut linea dicitur longa, vel bre-  
uis. Et quia tempus est etiam numerus,  
qui respicit paucum, & multum, ideo vt  
numerus est dicitur multum, & paucū.  
Non tamen tempus dici potest velox,  
vel tardum, quia numerus non dicitur  
velox, vel tardus, tempus vero est nu-  
merus.



merus. Sed animaduertendum venit circa hoc quod tempus non dicatur velox, vel tardum, propterea quia est numerus, & non numeratum, hoc inquam potest dupliciter intelligi. Primo, ut per hoc negetur quod tempus sit numerus numeratus, & ponatur numerus numerans, & hoc est contra id quod supra determinatum est. Secundo ut dicatur numerus numerans suas partes, & non numeratus a suis partibus, & hoc verum est, nam velox, & tardum tempus non numerant, sed a tempore numerantur, nam velox dicitur, quod paucio tempore numeratur, & tardum, quod multo tempore.

Quarto loco subdit, quod tempus est idem, & non est idem. Nam duobus modis considerari potest. Primo secundum se, & sic tempus semper est idem, non enim habet aliud, & aliud esse apud alios, & alios. Secundo secundum suas partes, & sic non est idem, quia prius temporis non est posterius eiusdem, hæc autem diuersitas nascitur ex diuersis nunc prout nos distinguimus tempus in ætates, secula, lustra, annos, menses, dies, horas, & instantia.

Quinto assignat tempori aliam proprietatem, scilicet quod reiteratur, sicut & motus. Hoc autem intellige non numeraliter, quia præterita circulario non est præsens. Hoc igitur intellige secundum speciem, quia v. g. dato quod motus solis inceperit a primo puncto Arietis, peracto cursu duodecim signorum Zodiaci in spacio vnius anni, ad idem punctum redibit, & de nouo nouum annum, & menses constituet.

Sexto loco ostendit Philosophus nos cognoscere tempus per motum, & motum per tempus, nam & tempus determinat motum, & motus tempus. Si enim consideretur tempus ut est numerus motus, sic motum determinat, secundum prius, & posterius. At si tempus consideretur respectu nostri, motus dicitur determinare tempus,

quoniam dicimus tempus esse longum, vel breue, quando motus est longus, vel breuis.

QVÆSTIO XIII.

Verum tempus sit ens reale.

Videtur quod non. Primo. Nam tempus est numerus numeratus. Ergo per animam numerantem. Ergo habet esse ab anima, & sic erit ens rationis.

Secundo. Tempus est continuum. Sed tempus ut quoddam continuum actu non existit, nam solum instantia temporis existit. Ergo habebit esse ab anima componente, & copulante præteritum, cum futuro, in vno instanti præteriti.

Tertio. Quæ actu non existunt, entia realia non sunt. Sed partes temporis actu non existunt, nam præteritum non est, & futurum expectatur. Instant vero aliquid reale esse non potest, quia vel esset vnum instans cum toto tempore, vel plura. Si vnum, non copulabile nisi partes quas proxime tangit. Si plura, vnum alteri succedit, & sic erunt multæ instantia immediata, quod à Philosopho non admittitur.

Quarto. Cum præteritum, & futurum non existant secundum se, si dicantur per instantia existere, sequitur quod non sint entia realia per se, sed per aliud, id est per instantia existens.

Circa presentem difficultatem tres opiniones inuenio. Prima fuit quorundam Philosophorum antiquorum, apud Albertum Magnum 4. huius, cap. 3. tract. 3. scilicet, quod tempus non est ens reale, sed rationis, apprehensum tantum, & imaginatum.

Secunda sententia sustinet tempus secundum se esse ens reale, & numerum prioris, & posterioris; nullamque complemeatur recipere ab anima numerant. Sic sentiunt Simplicius hic, in digressionem de tempore, Albertus, cap. 3. & 10. Toletus, Pererius, & Ruusio, quod probant, quia secundum suam naturam, & non ab extrinseco conuenit tempori esse numerum prioris, & posterioris.

Tertia sententia S. Doctoris l. 6. vltima huius, & p. p. q. 10. artic. 1. Auerrois tex. 131. Ianjuni quail. 27. Ferrarien-

Opinio-  
ner.

Secundum cessare, quia motus primi orbis uniformis est, & invariabilis, & secundum se, & ratione subiecti.

Argumenta autem Rasio procedunt de nunc intrinseco, quod pluralizatur, & ita etiam de hoc nunc, & non de extrinseco procedunt argumenta principalia.

### QVÆSTIO XII.

An sit unum numero tempus.

**E**X solutione superioris questionis altera soluta remanet, scilicet an sit unum numero tempus. Nam de tempore dupliciter loqui contingit. Primo de tempore discreto, quo mensurantur opere rationis Angel ex, & de hoc non loquimur, quia aliud tempus est. Secundo loquendo de tempore continuo, quod subiectatur in primo mobili, & de hoc est controuersia. Nam Gregorius 2. dist. 4. q. 1. Simplicius, Themistius, & plures alij tenuerunt plura esse tempora numero, secundum pluralitatem quorumcumque motuum, adeo ut secundum hos quilibet motus habeat suum tempus.

Alia est sententia S. Doctoris hic. Alberti cap. 17. Afferens textu 132. Ferracensis quæst. vltima. Soto q. 4. & Duran. in 2. dist. 1. q. 2. Hi enim omnes tenent unum esse tempus numero, quia habet unum tantum numero subiectum, scilicet primum mobile. Dicendum est ergo, quod resolutio huius questionis ex superiori pendet, nam loquendo de tempore quo ad diuersa nunc intrinseca, sic plura sunt tempora, quia plura sunt mobilia, & plures sunt motus. Si vero loquamur de tempore quoad nunc extrinsecum, id est ut subiectatur in primo mobili, sic dicitur tantum unum esse, sicut unum est mobile motu maxime uniformi, regulari, & perpetuo. Sufficit autem quod tempus in eo fuxdetur, vel actualiter, vel virtualiter, quia si cessaret motus primi mobilis, prout cessauit per horas tempore Iosue, numeratio tamen fieret secundum mensuram motus eius per spacium viginti quatuor horarum, quo cõplet cursum suum. Materialiter ergo plures sunt motus, & plura sunt tempora, quia plura sunt mobilia, sed formaliter sicut est unum primum mobile, ita est

unum primum tempus, ad quod omnes motus referuntur, ut ad primam suam regulam, vel mensuram, per quam mensurantur, vel mensurari debent.

### LECTIO XVI.

Quod quidam igitur tempus numerus motus.

**P**ostquam Philosophus egit de natura temporis, nunc intendit tractare de proprietatibus eius. Dicit itaque manifestum esse ex dictis, tempus habere prius, & posterius, & esse quoddam continuum. Sed hoc tempus sit continuum, dicit posse bisariam intelligi. Primo ut est numerus, & ita est discretum, quia numerus est quantitas discreta. Secundo ut est numerus motus, & sic cum motus sit quoddam continuum, tempus quoque dicitur esse continuum.

Secundo dicit, quod tempus non est numerus numerans, sed numeratus, & quod in numero numerante est inuenire minimum, minimum tamen numeri simpliciter, & absolute simpliciter, id est numerantis est dualitas. At in numero numerati rei continuæ sit inuenire minimum, duobus modis potest intelligi. Primo multitudine, & sic est dare minimum numerum, & minimum tempus. Secundo magnitudine, & hoc non, quia cum tempus sit quoddam continuum cuiuslibet temporis dari, est accipere aliquas partes in quas diuiditur, quod explicat exemplo lineæ, nam secundum multitudinem datur minima linea, id est una linea, vel duæ, non tamen secundum magnitudinem, quia quilibet linea minima data, adhuc est diuisibilis.

Tertio, assignat aliam proprietatem temporis, nempe quod dicatur breue, vel longum, multum, & paucum, sed non velox, vel tardum. Hoc autem prouenit, quia tempus est quoddam continuum, continuum vero potest esse longum, vel breue, sicut linea dicitur longa, vel breuis. Et quia tempus est etiam numerus, qui respicit paucum, & multum, ideo ut numerus est dicitur multum, & paucum. Non tamen tempus dici potest velox, vel tardum, quia numerus non dicitur velox, vel tardus, tempus vero est numerus.

Viri  
iustissimi  
more.

merus. Sed animaduertendum venit circa hoc quod tempus non dicatur velox, vel tardum, propterea quia est numerus, & non numeratum, hoc inquam potest dupliciter intelligi. Primo, ut per hoc negetur quod tempus sit numerus numeratus, & ponatur numerus numerans, & hoc est contra id quod supra determinatum est. Secundo ut dicatur numerus numerans suas partes, & non numeratus a suis partibus, & hoc verum est, nam velox, & tardum tempus non numerant, sed a tempore numerantur, nam velox dicitur, quod paucopore numeratur, & tardum, quod multo tempore.

Quarto loco subdit, quod tempus est idem, & non est idem. Nam duobus modis considerari potest. Primo secundum se, & sic tempus semper est idem, non enim habet aliud, & aliud esse apud alios, & alios. Secundo secundum suas partes, & sic non est idem, quia prius temporis non est posterius eiusdem, hæc autem diuersitas nascitur ex diuersis nunc, prout nos distinguimus tempus in ætates, sæcula, lustra, annos, menses, dies, horas, & instantia.

Quinto assignat temporis aliam proprietatem, scilicet quod reiteratur, sicut & motus. Hoc autem intelligi non numeraliter, quia præterita circulatio non est præsens. Hoc igitur intelligi secundum speciem, quia v. g. dato quod motus solis inceperit a primo puncto Arietis, peracto cursu duodecim signorum Zodiaci in spacio vnius anni, ad idem punctum redibit, & de nouo nouum annum, & menses constituet.

Sexto loco ostendit Philosophus nos cognoscere tempus per motum, & motum per tempus, nam & tempus determinat motum, & motus tempus. Si enim consideretur tempus ut est numerus motus, sic motum determinat, secundum prius, & posterius. At si tempus consideretur respectu nostri, motus

dicatur determinare tempus, quoniam dicimus tempus esse longum, vel breue, quando motus est longus, vel brevis.

# QVÆSTIO XIII.

Utrum tempus sit ens reale.

Videtur quod non. Primo. Nam tempus est numerus numeratus. Ergo per animam, numerantem. Ergo habet esse ab anima, & sic erit ens rationis.

Secundo. Tempus est continuum. Sed tempus ut quoddam continuum actu non existit, nam solum instantia temporis existit. Ergo habebit esse ab anima componente, & copulante præteritum, cum futuro, in vno instanti præsentis.

Tertio. Quæ actu non existunt, entia realia non sunt. Sed partes temporis actu non existunt, nam præteritum non est, & futurum expectatur. Instantes vero aliquid reale esse non potest, quia vel esset vnum instanti cum toto tempore, vel plura. Si vnum, non copulabit nisi partes quas proximo tangit. Si plura, vnum alteri succedit, & sic erunt multa instantia immediata, quod à Philosopho non admittitur.

Quarto. Cum præteritum, & futurum non existant secundum se, si dicantur per instantia existere, sequitur quod non sint entia realia per se, sed per aliud, id est per instantia existens.

Circa præsentem difficultatem tres opiniones inuenio. Prima fuit quorundam Philosophorum antiquorum, apud Albertum Magnum 4. huius, cap. 3. tract. 3. scilicet, quod tempus non est ens reale, sed rationis, apprehensum tantum, & imaginatum.

Secunda sententia sustinet tempus secundum se esse ens reale, & numerum prioris, & posterioris, nullaque complemeatum recipere ab anima numerantem. Sic sentiunt Simplicius hic, in digressionem de tempore, Albertus, cap. 3. & 10. Toletus, Pererius, & Ruus, quod probant, quia secundum suam naturam, & non ab extrinseco conuenit tempori esse numerum prioris, & posterioris.

Tertia sententia S. Doctoris lect. ultima huius, & p. p. q. 10. artic. 1. Auerrois tex. 131. Iandum quat. 27. Ferrarieu

Opinio-  
nes.

sis 1. con. gen. c. 10. Capreoli in 1. d. 1. la-  
uelli hic q. 24. & Contradictorium tract.  
de tempore, in quam consensit tandem  
Toletus in fine questionis. Hi enim om-  
nes tenent tempus bifariam considerari  
posse. Primo materialiter, & secundum  
se, & sic est verum ens reale, quia vere,  
& realiter est numerus prioris, & pos-  
terioris motus, qui est ens reale. Secun-  
do formaliter, & completiue, prout in-  
tellegimus illud prius, & posterius mo-  
tus ad vnum instans adunari, & diuidi  
in plures annos, menses, & dies, &c. &  
sic dicunt hoc complementum habere  
ab anima.

*Tempus  
habet com-  
plementum ab  
anima.*

Secundo igitur notandum venit, quod  
tempus includat prius, & posterius bifa-  
riam intelligi potest. Primo aptitudine,  
scilicet quod tempus omni intellectu  
præciso, adhuc sit numerus prioris, &  
posterioris, id est est numerus numerabi-  
lis. Secundo actu, & formaliter, &  
completiue, & sic dicimus hanc forma-  
litatem, & formalitatis complementum  
habere ab anima coniungente, compo-  
nente, & diuidente hoc prius, & poste-  
rius, in annos, menses &c. Errant igitur  
aduersarij arbitantes nos negare tem-  
pus secundum suam naturam non esse  
ens reale, hoc enim, nec diximas, nec  
somniauimus, patet enim Gene. 1. posuisse  
Deum luminaria celi, vt essent in signa,  
& tempora &c. Volumus ergo dicere  
non explicari a nobis, neque sub tali  
actu exprimi nisi per actum animæ.  
Ideo.

*Vt est  
quoddam  
totum.*

Tertio notandum est, cum S. D. hic,  
& Alberto Magno cap. 10. quod tempus  
bifariam considerari potest. Primo qui-  
dem secundum suas partes, id est non so-  
lum secundum prius, & posterius, verum  
etiam secundum diuersa priora, & pos-  
teriora, & sic dicitur habere esse rea-  
le, quia vere, & realiter hæc reperiun-  
tur in re mobili, in esse suo considera-  
to. Secundo potest tempus considerari  
secundum quod est quoddam totum, i.  
vt sumitur per modum horæ, mensis,  
vel anni, & sic dicitur habere esse a ra-  
tione, quia ratio est illa, quæ coaceruat,  
& coadunat tot circulationes, vel inten-  
siones formæ secundum tot priora,  
& posteriora, & hac distinguit in ho-  
ras, dies &c. & hoc modo dicitur ha-

bere complementum à ratione for-  
mali.

Quarto notandum venit cum eodem  
S. D. quod numerabilitas, & mensurabi-  
litas temporis dupliciter inspicì potest.  
Primo vt dependet à ratione formaliter,  
vt supra, & sic ei conuenit quasi ab ex-  
trinsèco, quia non facit ad eius comple-  
mentum, vt res est, sed vt intellectum  
est. Secundo vt dependet ab intellectu  
increato Dei, qui cum diuina voluntate  
omnium est causa, & sic hoc habet ex se,  
& a Deo, vnde si adhuc nullus esset in-  
tellectus creatus, tamen in tempore rea-  
liter, & materialiter esset numerabili-  
tas, quia à Deo numeraretur diuturni-  
tas rei motæ in ordine ad primum mo-  
bile.

Secundo loco principali ponuntur  
duæ conclusiones. Prima ponitur  
contra primam opinionem, & est.  
Tempus non acquirit suum esse ab in-  
tellectu, vnde non est ens rationis.  
Hanc Toletus probat septem ratio-  
nibus.

Prima est. Ens rationis ad nullum per-  
tinet prædicamentum in singulari. Sed  
tempus pertinet ad quantitatem, vt eius  
species. Ergo. &c.

Secunda. Tempus realiter numerat  
motum. At motus potest esse sine intel-  
lectu. Ergo & tempus.

Tertia. Tempus non est numerus nu-  
merans, sed numerus numeratus. Er-  
go habet esse in rebus numeratis per  
motum.

Quarta. Ablato numerante, non de-  
struitur numerabile, sicut ablata scien-  
tia, non tollitur scibile. Sed tempus  
secundum se est numerabile secundum  
prius, & posterius motus. Er-  
go &c.

Quinta. Sublato intellectu adhuc in  
motu est prius, & posterius. Ergo &  
tempus, quod hoc mensurat.

Sexta. Quantitas discreta non est ens  
rationis. Sed tempus est quantitas di-  
creta. Ergo &c.

Septima. Quia sic etiam motus essent  
ens rationis.

Secunda conclusio est. Tempus vt est  
quoddam totum formaliter, accipit cõ-  
plementum ab intellectu. Probatur pri-  
mo ex Aristot. expresse dicente cap. 14.  
quod

*Præci-  
pius in  
ordinem  
ad Deum.*

*Conclu-  
siones  
probantur.*

quod tempus est numerus prioris, & posterioris dependens ab anima numerante. Sed ab ea non dependet secundum suum esse reale. Ergo ab ea dependet tantum secundum suum esse formale completium.

Secundo. Tempus est quantitas continua, & tamen aliquo modo, ut est numerus sit discreta, non à re, cum ab ea habeat continuitatem. Ergo à ratione.

Tertio. Aut tempus nullo modo dependet ab anima, aut aliquo modo. Non primum, cum sit expresse contra Philosophum. S. Doctorem, ac omnes illustres expositores. Si secundum, si non dependet ab anima secundum suum esse aptitudinale, & materiale. Ergo secundum esse formale, & completium actuale.

*Argumentum solvitur.* Ad primum patet, quod tempus ex sua natura habet aptitudinaliter quod sit enim merus numeratus, non actus, & per motum totius, nisi ei superueniat actus anime, à qua dicitur accipere esse formale, & completium.

Ad secundum dicimus, non solum instans existeret, sed etiam partes temporis, non per modum permanentis, ut existit instans, sed ut ens successivum, nam duplex est ens reale scilicet permanens, & successivum.

Ad tertium diximus, & dicimus, unum esse instans extrinsecum, & plura intrinseca, sed non immediata, quia inter instans, & instans tempus mediat.

Ad quartum dicitur, quod partes temporis per se existunt, sed successive, permanentes autem dicuntur per aliud existere, scilicet per instans præteritum, quod intelligitur finis præteriti, & principium futuri.

*Brevi annotationes de mensuris durationis.*

**M**ultæ sunt mensuræ durationis, à Theologis, & Phil. tractatæ, de quibus per extensum non est opus agere, cum negotium Physicum superent, ideo pro nunc quædam breviter adiutabo, quæ in p. p. D. Thom. admissam

explicabo, durationes istæ sunt Aeternitas essentialiter. Aeternitas participata. Aeternitas, & tempus, discretum, & continuum.

Quo ad aeternitatem ergo primo dicimus contra Gabrielem in secundo d. 1. quæst. 1. conclus. 7. Aeternitatem esse totam simul, nec ullam successionem admittere, quare cum Deum mensuret, cuius esse est semper esse, ideo in ea non admittimus nec præteritum, nec futurum, iuxta illud domini nostri in D. Ioanne, Amen dico vobis quod antequam Abraham esset, ego sum, & alibi. Ego sum, qui sum.

Secundo notandum, quod aeternitas bifariam considerari potest. Primo secundum se, & sic est tota simul, & per hoc differt ab alijs durationibus. Secundo ratione nostri, prout tempori nostro coexistit, & sic in ea quandoque admittimus præteritum, præteritum, & futurum, unde dicimus modo tot annos transisse à quibus coexistebat Adæ.

Tertio notandum venit, quod solus Deus aeternitate mensuratur, quia ipse solus omnino est immutabilis. Nam duplex est mutatio. Prima est secundum substantiam, & operationem, & sic mutabilia sunt omnia generabilia, & corruptibilia. Secunda est secundum operationem, sed non secundum substantiam, ut sunt Angeli, & cali, qui secundum substantiam sunt incorruptibiles, cum tamen Angeli transcant de vna intelligentia, vel volitione ad aliam, & cali secundum diversas partes diversa ubi acquirant, quæ igitur primo modo mutantur, tempore nostro, quod est numerus prioris, & posterioris, mensurantur, & quæ secundo modo, ævo. Deus autem est omnino immutabilis, & ideo solus æternus.

Quarto notandum est, quod aeternitas sit realis mensura divini esse, duobus modis intelligi potest. Primo ut res à Deo distincta realiter, & hoc est falsum, quia Deus est simplicissimus, & in eo nulla datur distinctio realis actualis. Secundo ut res distincta à Deo virtualiter, & obiective, quia obijcitur intellectui ut mensura divini esse, ac si ab eo distingueretur, & hoc verum est, nam Deus ex sua eminentia est

*Aeternitas est tota simul.*

*Secundum se.*

*Mensuratur Deus.*

*Virtualiter obiective.*



est quidem simplicissimus, sed ex sua perfectione, hoc etiam obtinet ut possit verificare omnia attributa prædicta, ac perfectiones, ac si in eo distinguantur.

*Dicitur* *speculum* *rationis.* Quanto notandum venit, quod æternitas includat respectum rationis mensurabilitatis, bifariam potest intelligi. Primo secundum se, & hoc est falsum, ut docuit S. D. p. p. q. 10. artic. 1. ad 1. & cum eo Caiet. Non enim est aliquid in Deo, quod ab intellectu nostro dependeat, & ab eo secundum se mensurari possit. Secundo ut a nobis intelligitur, & sic quia a nobis capitur, ut sit duratio diuini esse sine principio, & fine, ideo eam dicimus includere respectum rationis, & sic est interpretandus Ferrariensis 3. cont. gent. capit. decimoquinto.

#### De Aternitate participata.

*Aternitas* *participata* *ab alijs du rationibus distinguatur.* Circa æternitatem participatam. Primo animaduertendum venit, quod busariam sumi potest. Primo vniuersaliter, pro qualibet duratione permanenti, non quidem ex se, sed dependenter à primo agente. Secundo particulariter, & proprie, pro quadam creata duratione ordinis diuini, & inuariabilis. Primo modo de ea locutus est D. August. lib. 83. quæstionum, quæst. 13. dum eam animæ attribuit, nam eam pro æuo sumpsit. Secundo autem modo nos de ea loquimur, distinguentes eam à cæteris durationibus. Nam ab æternitate distinguitur contra Ferrariensem 3. cont. gent. capit. 61. distinguentem æternitatem participatam ab essentiali non intrinsece, ita ut sint duæ æternitates entitatie, sed extrinsece, id est sit vna æternitas, habens duos modos, vel dicamus duas rationes mensurandi, scilicet diuinum esse, & visionem beatam creatam. Oppositum enim sentit Caiet. p. p. quæstion. 10. artic. 5. & bene, quia æternitas essentialiter est increata, & participata, creata, prima subiectatur in Deo, & secunda in primo beato, ut in nobilissimo suo subiecto. Distinguitur etiam ab æuo. Primo, quia est ordinis diuini, & æuum naturalis. Secundo, quia

mensurat operationem, & æuum substantiam. Tercio, quia æuum admittit variationem operationum liberarum, non sic visio beata. A tempore etiam distingui verum est, & clarum, cum tempus solum mensuret generabilia, & corruptibilia.

Secundo notandum venit, quod æternitas participata hæc omnia habet. Primum est, quod est mensura creata; nam cum mensuret operationem creatam id est visionem, & fruitionem Dei clare visi, & mensura formalis, & propria debeat esse eiusdem generis cum mensurato, dicimus eam esse creatam, & sic per hoc distinguitur ab æternitate essentiali, mensurante diuinum esse, & beatitudine n. eius. Secundum est, quod est ordinis diuini, unde diximus eam distingui ab æuo, quod est ordinis naturalis. Tertium est, quod sic inamissibilis, & per hoc distinguitur à gratia, & charitate, quæ quamuis sint ordinis diuini, amissibiliter tamen largiuntur in via. Quartum est, quod modo subiectatur tanquam in primo subiecto, & nobilissimo in anima Christi, quæ cæteris excellentius Deum videt, & eo fruitur, de qua re agemus p. p. q. 10. art. 5.

#### De Aeuo.

Querit S. D. in p. p. q. 10. art. 4. an æuus ab æternitate differat, & dicit aliquos constituisse differentiam inter suum, & æternitatem, quod æternitas non habet principium, nec finem, æuum vero principium habet, sed fine caret. Hanc opinionem merito rejicit S. D. quia talis differentia non est intrinseca, sed per accidens, quia etiam dato, quod Angeli, & cæli fuissent ab æterno creati, adhuc tamen æternitate non mensurarentur, quia non sunt entia omnino inuariabilia. Dicit ergo quod differat quia æternitas omnem mutationem excludit, tam in esse, quam in operationibus, Angeli vero admittunt variationem accidentalem operationum liberarum, & ubi, ut supra. Sed de his in p. p. ubi habent propriam sedem.



De tempore discreto.

**A** Tempus duplex esse dicimus. Primum dicitur continuum, eausdem ex diuisione continui, & hoc ponitur in praedictamento quantitatis, & de hoc solum egit Aristoteles. Secundum dicitur discretum, quia numerat diuersas operationes

Angeli, quae si considerentur ut ab eo exeant, in diuisibiles sunt, & totae simul quamuis per horas temporis nostri durent. Hoc autem tempus conflat ex pluribus unitatibus formalibus, & transcendentalibus, & necessario ponitur propter operationes Angelicas, ut p.p.q.53. ad longum ostendimus.

I . C . T . O . E . J

*Finis Quartus Physicorum.*

# COMMENTARIA

## CVM QVÆSTIONIBVS

In quantum Physic.

### LECTIO I

*Transmutatur autem transmutans  
omne, text. i.*



**I**N textu primo assignat Phil. quot modis aliqua dicantur transmutari, & ait esse tres. Primus dicitur secundum accidens, vt dicendo. Medicus cantat, accedit enim medico, vt medicus est, cantare. Secundus dicitur secundum partem, vt dicendo. Sortes sanatur secundum pedus, vel brachium, vel aliam partem. Tertius dicitur per se primo. Per se quidem ad differentiam transmutati per accidens, primo vero ad differentiam moti, vel transmutati secundum partem. Hoc autem quod transmutatur per se primo, pluribus modis fit, idest secundum augmentum, secundum alterationem, vt infra.

In secundo textu ostendit hos tres modos reperiri in mouente. Nam quoddam est mouens secundum accidens, vt annuimus, dicendo, musicus cantat vel ædificat. Quoddam dicitur mouens secundum partem, vt dum quis percutit pedus suum. Quoddam vero est mouens per se primo, vt dum Medicus sanat, vel ædificator ædificat, conuenit enim medico, vt medicus est sanare, & ædificatori, vt ædificator est ædificare.

In tertio textu ostendit hæc requiri ad motum. Primum est mouens, quod mouet. Secundum est mobile, quod mouetur. Tertium est tempus in quo mouens mouet & mobile mouetur. Quartum est terminus à quo, à quo incipit motus, vt dum frigidum fit calidum, frigiditas erit terminus à quo incipit calefactio. Quintum est terminus ad quem

idest forma acquisita per motum verbi gratia caliditas acquisita per calefactionem. Motus autem dicitur esse de subiecto in subiectum.

In quarto textu asserit, quod mobile terminus à quo, & terminus ad quem non sunt idem, sed distinguuntur v.g. lignum quod est mobile, frigidum quod est terminus à quo, & calidum quod est terminus ad quem distinguuntur. Denominatio autem non fit à termino à quo, sed à termino ad quem fit motus, sicut lignum ex frigido effectum calidum, calidum denominatur, quia caliditas in eo est terminus ad quem, vnde & generatio, & corruptio denominantur ab esse, ad quod tendunt.

In textu quinto mouet quendam dubitationem videlicet, an passibiles qualitates vt albedo, & nigredo sint motus. Huic difficultati respondet negative, quia non sunt motus, quod probat. Quia sic terminus motus, esset motus v.g. albedo acquisita quæ est terminus ad quem esset motus. Sed hoc est falsum, quia terminus non mouetur, & ideo non albedo sed dealbatio est motus. Subdit denominationem factam à termino ad quem tripliciter fieri posse scilicet per accidens, secundum partem, & per se primo.

Affirmat in textu sexto, quod mutatio per accidens omittenda est, tam ex parte mouentis, quam ex parte mobilis, & quod motus est in medijs, quæ omnia nota sunt in sequentibus.

Circa supradicta autem. Primo notandum venit, quod de motu dupliciter loqui possumus. Primo proprie, prout distinguitur à generatione, & corruptione. Secundo communiter, vt se extendit ad motum proprie dictum, & communiter. Philof. in hoc quinto motum considerat primo modo, & in tertio eum considerauit secundo modo. Egit autem de motu in tertio communiter sumpto, & hic

*Motus  
sumitur  
communiter, et  
proprie.*

& hic proprie, quia in tertio tractabat de consequentibus naturam, inter quæ connumerantur generatio, & corruptio, quæ dicuntur motus communiter, hic autem agit de motu secundum se, & ideo eum proprie considerat.

*Qualis motus à Physico consideratur.* Secundo adnotandum venit, quod cū triplex sit motus scilicet per accidens, secundum partem, & per se primo. Primus omnino excluditur ab arte, quia nec dicit propriam mutationem, nec generat certam scientiam. Secundus admittitur secundario, in quantum eadem est consideratio partis, & totius. Tertius autem est ille, qui proprie intenditur. Scias autem quod motus secundum partem dupliciter differt à motu per se primo. Primo, quia motus secundum partem absolute non denominatur subiectum, nō enim absolute dicitur homo sanari, si solum sanetur secundum brachia; motus vero per se primo absolute denominatur subiectum. Secundo, quia motus secundum partem aliquo modo dicitur per accidens, non vero motus per se primo, ut diximus supra.

*Tres sunt modi motus.* Tertio notandum est, quod motus sit triplex, bifariam intelligi potest. Primo subiectiue, idest, triplex sit subiectū motus, & hoc potest esse verum, sed non necessario quia vnum, idemque subiectum hoc triplici motu potest moueri. Secundo modaliter idest sint tres modi mouendi, & hoc verum est, & intentum.

*Quid sit moueri per se primo.* Quarto adnotandum venit, quod aliquid dicatur moueri per se primo, ut adificator edificare, duobus modis potest considerari. Primo ut idem sonat quod secundum quod ipsum, & omni alio preçiso. Secundo ut idem sonat quod immediate. Primo modo non intelligitur, quia quod mouetur ut à causa sua immediata, mouetur etiam ab intelligentia, ut à prima causa simul, & semel. Intelligitur ergo secundo modo idest aliqua mouentur per se primo idest immediate, in eodem genere causæ, sed de his in se primo.

*Quing. requiruntur ad motum.* Quinto notandum venit secundū Philosoph. in textu, ut etiam supra diximus, quod quinque requiruntur ad motum. Primum est mouens, siue sit per accidens, siue secundum partem, siue per se primo, qualis enim est motus talis est

& mouens. Secundum est mobile idest res mota quæ de sua natura sit mobilis, nam immobilia ab hac consideratione excluduntur. Tertium est tempus mensurans motum, vnde patet h-c solum esse sermonem de motu continuo. Quartum est terminus à quo incipit motus, quoniam res transmutabilis dum ab vna forma recedit, ad aliam accedit. Quintum est terminus ad quem, qui dicitur quies mobilis ipsum perficiens, & motum eius terminans.

## D V B I A.

**P**rimum dubium circa ordinem accedit, scilicet, cur postquam Phil. egit de tempore, agat de motu, cum cognitio temporis à motu dependeat, est enim tempus numerus motus.

Ad hoc dicitur, quod ob duplicem causam postquam Philosoph. egit de tempore agit de motu. Prima est, quia & si respicimus nostri motus notior sit tempore, & per motum deueniamus in cognitionem temporis, tamen tempus secundum se est prius motu, ut mensura est prior mensurato. Secunda est, quia Philosoph. prius intendebat agere de consequentibus naturam vniuersaliter, ut sunt motus communiter sumptus, & tempus, & deinde intendebat tractare de motu priore sumpto prout habet species & modos, nam ab vniuersalioribus incipiendum est.

Secundum dubium accedit circa tres modos motus, an scilicet quando pars mouetur, totum possit dici moueri. Pro affirmatiua enim est, quod totum non est nisi vnio partium, vnde videtur impossibile, quod pars moueatur & totum non moueatur. Pro negatiua vero stat, quod partes possunt moueri motibus contrarijs, ut si dextera fiat calida, & sinistra frigida, totum autem non potest moueri motibus contrarijs.

Ad hoc dicitur, quod duplex est pars. Quædam enim denominatur totum, ut cristiditudo capillorum, nam habens capillos cristipos absolute dicitur cristipus. Alia vero est pars, quæ totum non denominat ut albedo dentium, frigiditas vnus manus, & caliditas alterius. Quando pars denominat totum, parte mota totum moueri dicitur, quod non verificatur in par

A a t c non

te non denominante totum, de qua procedit argumentum. Vel melius dicitur, quod ad motum partis ut pars est, non dicitur moueri totum, sed bene quando pars sumitur ut pars totius.

## LECTIO II.

*Quoniam autem omnis mutatio, &c.*

*text. 7.*

**H**ic incipit Philof. ostendere quod sint species mutationis. In textu ergo 7. ait, quod motus est de subiecto in subiectum, ut nomē ostendit, & prius, & posterius motus notum facit. Hinc deducit vnam vniuersalissimam diuisionem, scilicet quod omnis mutatio aut est de subiecto in subiectum, aut de non subiecto in subiectum, aut de non subiecto in non subiectum. Explicat autem quid per subiectum intelligat dicendo: quod per subiectum intelligit id quod potest affirmatione monstrari. Hinc secundo deducit, quod tantum erunt tres species mutationis, scilicet de subiecto in subiectum, de non subiecto in subiectum, & de subiecto in non subiectum, vnde remanet exclusa quarta species, quæ erat de non subiecto, in non subiectum, quoniam omnis mutatio aut est inter contraria, aut inter contradictoria, & non inter duas negationes, qualis ponitur mutatio de non subiecto in non subiectum. Hinc tertio dicit, quod mutatio quæ reperitur inter contradictoria, id est de non subiecto in subiectum vocatur generatio, quia generatio est de non esse ad esse, sicut corruptio est de esse ad non esse, quæ dicitur mutatio de subiecto in non subiectum. Dicit tamen quod duplex est generatio & corruptio. Prima dicitur simpliciter, quia est de non esse simpliciter, ad esse simpliciter, si est generatio, & si est corruptio, est de esse simpliciter ad non esse simpliciter. Secunda dicitur secundum quid id est de non esse hoc, ad esse hoc, vel contra verbi gratia de non esse album, ad esse album, vel e conuerso.

In textu 8. intendit probare Phil. neque generationem neque corruptionem esse motum. Hoc igitur primo probat

de generatione dupliciter. Primo sic. Quod non est, non mouetur. Sed id quod generatur non est. Ergo non mouetur. Pro explicatione autem huius rationis dicit, quod non ens tripliciter dicitur. Primo de eo quod solum est in intellectu, & non in rebus, ut omne fictitium, & chimericum. Secundo de eo quod non existit simpliciter, sed solum in potentia, nam homo in potentia non dicitur simpliciter homo, sed homo in potentia. Tertio de eo quod existit simpliciter, sed dicitur non esse secundum quid, ut quod non est album vel nigrum. Non ens primo modo nullo modo mouetur, nec secundo modo nisi in potentia, vnde tertio tantum modo, quod non est secundum quid, mouetur. Hinc patet quod cum generatio dicat non esse simpliciter non potest nuncupari motus. Secundo idem probat. Quod mouetur, in loco est. At generatio non est in loco cum dicat non esse. Ergo non conuenit ei ratio motus. Secundo probat principaliter, quod corruptio non est motus sic. Motui nihil contrariatur nisi quies. Sed corruptioni contrariatur generatio. Ergo non erit motus.

Circa supradicta autem primo notandum venit, & quidem circa illos quatuor modos mutationis superius positos, quod de his duobus modis loqui possumus. Primo ut dicamus esse quatuor modos rerum natura existentes, & hoc fuit reiectum supra per Philof. Secundo ut dicamus tres horum modorum esse rerum natura, & quartum excogitatum ab intellectu ad construendam bonam diuisionem, & sic illud membrum reiectum fuit, positum à Philof.

Secundo notandum venit circa hoc *Quid dictum Phil. quod per subiectum intelligitur quod affirmatione significatur, per subiectum intelligitur.* Quod hoc dupliciter intelligi potest. Primo ut ly affirmatione solum significet propositionem affirmatiuam. Secundo ut etiam inferat exclusionem omnis particulæ negatiuæ, & hoc secundum est, quod intellexit Philof. ut dicendo, homo, equus, bos, capra, &c.

Tertio notandum venit, quod dum dicimus generationem esse de non esse ad esse, & corruptionem de esse ad non esse, per non esse duo possumus intelligere. Et quid  
*per non esse.*  
 re. Pri-

re. Primum, non esse omnino idest puram negationem, & hoc non est intentum, quia pura negatio non tendit ad esse, generatio autem dicitur tendentia ad esse. Secundum, ut per non esse intelligendum sit ens non existens actu sed potentia, & hoc verum est, quia generatio est de non esse actu, sed potentia, ad esse actu & non amplius in potentia.

Quarto notandum circa hoc quod motus non saluetur inter priuatiua, quod duplex est priuatio. Prima dicitur pura, & hæc non potest esse terminus motus nec a quo, nec ad quem, quia motus non est abente rationis, nec ad ens rationis. Secunda dicitur priuatio mixta actui sed imperfecto, & hæc per motum tendit ad actum perfectum, idest ad terminum motus.

Quinto notandum est quod motus, & mutatio idest motus proprie sumptus, & communiter sumptus multipliciter differunt. Primo enim differunt ex subiecto, quia subiectum generationis est ens in potentia, & subiectum motus ens actu. Secundo differunt ex termino, quia terminus generationis est substantia, & terminus motus est accidens. Tertio differunt, quia terminus generationis in indiuisibili acquiritur, unde in generatione non dantur duo instantia sed solum vnum instans, in quo primum non esse præcedentium formarum sit primum esse formæ substantialis subsequenter, terminus autem motus diuisibiliter, & continue acquiritur. Ex his autem habes quod forma substantialis non intenditur, & remittitur sed bene forma accidentalis prout explicui 3. Methaph. Item habes quod generatio fit in instanti de qua re vide quæ diximus in 2. de anima.

## Q V A E S T I O I.

*Verum generatio possit dici motus.*

**V**idetur quod sic. Omnis mutatio successiua est motus per Philos. hic. Sed generatio est mutatio successiua transiens de dispositionibus ad vltimam formam. Ergo generatio erit motus.

Secundo. Motus est actus existens in potentia per Philos. 3. Physic. Sed generatio est actus materię existens in po-

tentia. Ergo erit motus.

Tertio. Velocitas & tarditas sunt passionibus motus. Sed vna generatio altera dicitur tardior vel velocior per Philos. 7. huius. Ergo generatio erit motus. In contrarium est Philosophus hic.

Ad primum dicitur. Primo, quod generatio dupliciter sumi potest. Primo ut dicit vltimam introductionem formę substantialis. Secundo ut etiam includit pręuias dispositiones materiam disponentes ad introductionem vltimę formę. Secundo modo aliquantulum posset dici motus, quia materia continuo disponitur. Primo autem modo in quo consistit vera ratio generationis non dicitur motus sed instantanea mutatio. Secundo respondetur, quod duplex est successio. Prima dicitur propria, & hæc fit supra eandem magnitudinem respectu eiusdę formę per intensiorem vel remissionem acquisitę. Secunda dicitur impropria, quia est diuersarum formarum sibi succedentium. Prima successio motum dicit. Secunda autem nequaquam, & talis est successio generationis, quæ cadit inter pręuias dispositiones, & vltimam formam, nam hæc sunt diuersorum ordinum. Tertio negatur absolute, quod inter pręuias dispositiones, & vltimam formam detur successio, hoc enim falsum est, quia dum vltima forma aduenit priores dispositiones corrumpuntur.

Ad secundum primo dicendum, quod motus dicitur esse actus entis existentis in potentia non ad esse ut dicitur esse actus materię forma substantialis in generatione, sed ad terminum motus, & ideo multum differunt. Secundo dicitur, quod generatio prout dicitur motus communiter, est actus existentis in potentia, nunc vero ut motus sumitur proprie quia talis est cum successione.

Ad tertium dicitur, quod Aristoteles dixit generationem esse velociorem vel tardiorum vel includit pręuias dispositiones, non vero ut tantum dicit vltimam introductionem formę, quia hæc fit in instanti. Hæc autem introductio formę dicenda est vera actio, & positiua ut terminum dicit, sicut tenet Capreolus in 2. dist. 13. quæst. vnica, art. 3. ad argumenta contra primam conclusionem Ferrariensis 2. con. gen. cap. 17. Sencinas 7.

Methaph. q. 22. & Scotus in 2. d. 2. q. 4. & p. & in 3. d. 4. q. vnica.

## QVÆSTIO II.

*Virum motus sit de subiecto in subiectum.*

**V**idetur quod non. Principia transmutationis sunt materia, forma & priuatio per Arist. primo Physic. & consequenter omnis mutatio erit de priuatione ad formam. Sed motus dicit transmutationem. Ergo de priuatione ad formam, & non de subiecto in subiectum.

Secundo. Dum forma caliditatis verbi gratia per calorem intenditur sit motus, nec tamen tunc est mutatio formæ cum eadem semper permaneat.

In contrarium est Philosoph. hic.

Ad primum ergo dicitur. Primo, quod illa tria principia sunt mutationes substantiales, & non accidentales, qualis est motus. Secundo dicitur quod etiam in motu reperitur priuatio non quidem pura ut reperitur in generatione substantiali, sed permixta actui ut supra diximus.

Ad secundum dicendum, quod ad motum non est necessaria diuersitas formæ sed diuersitas gradus eiusdem formæ non enim est necesse quod semper sit de forma in formam, quia etiam potest fieri de gradu minus perfecto ad perfectiorem gradum.

## LECTIO III.

*Si igitur predicamenta diuisa sunt &c.*

*tex. 9.*

**I**n textu nono Philosoph. ponit hanc conclusionem. Motus non est nisi in qualitate, quantitate, & vbi. Hanc probat sic. Predicamenta sunt decem, neque plura sunt, neque pauciora. Sed in nullo alio predicamento præter tria enumerata reperitur motus. Ergo in illis tantum tribus datur. Maior est nota. Minorem probat quoad substantiam in textu 1. c. sic. Motus reperitur inter contraria. Sed substantiæ nihil est contrarium. Ergo in substantia non erit motus. Secundo hoc idem probat de predicamento ad aliquid sic. Motus dicit realem mutatio-

nem. Sed hoc non dicit ad aliquid, quia quis potest fieri albus, & tibi similis in albedine nulla mutatione in nie facta. Igitur in relatione non erit motus. Tertio probatur de actione, & passione, quia sicut generationis non est generatio, neque corruptionis corruptio, ita nec motus erit motus. Sed actio, & passio sunt motus. Ergo in actione, & passione non erit motus.

In textu ergo vndecimo prosequendo intentum solum ponit hanc conclusionem. Mutationis non est mutatio, quā multipliciter probat, & primo sic. Si mutationis esset mutatio, aut esset tanquam subiecti, aut tanquam termini. Sed mutationis non est mutatio tanquam subiecti, quia mutatio non est subiectum mutationis. Non tanquam termini idest vt vna mutatio secundum vnā speciem sit mutatio secundum aliam speciem. Nam sic necessario subiectum moueretur de vna mutatione in aliam, vt de ægitudine in sanitatem. Sed hoc est falsum, quia subiectum potest quiescere sub vna mutatione scilicet sub ægitudine, vel sanitate. Igitur mutationis non erit mutatio nec etiam vt termini. Secundo probat. Si mutationis esset mutatio. Ergo in mutationibus daretur processus in infinitum, quia non est maior ratio de vna mutatione v.g. de secunda, quam de prima. Ergo consequenter non erit motus, quia dum res sit, non est. Vltius hoc probat, quia cuiusque generationi subiicitur materia. Ergo alia erit generatio generationis materiæ, & sic in infinitum, & omnia clara sunt in textu.

Circa supradicta autem primo notandum venit, quod vis primæ rationis Philosoph. in hoc consistit, motus, & terminus motus sunt eiusdem predicamenti. Sed terminus motus solum reperitur in tribus predicamentis idest quantitate, qualitate, & vbi. Ergo in eis tantum datur motus. Reuocanda est igitur ad memoriam illa distinctio, quæ posita fuit in tertio videlicet, quod motus bifariam considerari potest. Primo vt significat fluxum, & fieri vt sic, quæ consideratio potius est motus secundum rationem, quā secundum rem. Secundo vt significat talem fluxum, & tale fieri, quod est de subiecto in subiectum successiue, & diuifibilibiter.

*Motus  
sumitur  
pro fluxu,  
& talem  
fluxum.*



biliter. Maior primo modo intelligenda est, quia secundo modo ponimus motum in pradicamento actionis, & passionis.

*In pradicamento  
camis  
quando  
sunt, &  
habere  
non est  
motus.* Secundo notandum venit, quod Philof. probando, quod in alijs pradicamentis a quantitate, qualitate, & ubi non reperitur motus, hoc pratermisit probare de pradicamentis, quando, situs, & habere. Hoc autem pratermisit de quando, quia quando significat tempus, tempus autem est mensura motus, & non motus.

Pratermisit hoc etiam probare de situ, & habere, quia hæc significant quandam relationem, situs quidem ordinum partium in loco, & habere adiacentiam &c. Probando igitur Philad relationem non esse motum, consequenter id etiam probavit de situ, & habere.

*In mutationibus  
non est  
processus  
in infinitum.* Tercio notandum est circa illam rationem, quod si mutationis esset mutatio daretur processus in infinitum in mutationibus, quod est inconueniens. Esse igitur inconueniens, quod datur processus in infinitum duobus modis stare potest.

Primo in essentialiter subordinatis, & sic est verum, quia in his oportet deuenire ad vnum primum, quod se habeat vt principium, & causa cæterorum subordinatorum. Secundo in non essentialiter subordinatis, & sic dicebat Phil. quod data æternitate mundi, non datur primus homo, primus bos, &c. Cum ergo motus sit de numero successiuorum, & subordinatorum, merito dixit in motibus, & mutationibus non esse processum in infinitum.

## LECTIO III. & IV.

### QVAESTIO III.

*Verum in substantia sit motus.*

**V**idetur quod sic. Nam Philof. in tercio inter species motus connumerat generationem, & corruptionem. At generatio, & corruptio sunt mutationes substantiales. Ergo ad substantiam est motus.

Secundo. Vbi est contrarietas, ibi est motus. Sed in genere substantiæ reperitur contrarietas. Ergo in ea est motus. Maior est Phil. hic. Minor probatur, quia quod corrumpitur, habet contrarium.

At multæ substantiæ corruptuntur. Ergo habent contrarium.

Tercio. Nec sufficit dicere necessarium esse propriam contrarietatem ad motum, & non sufficere communem, quia ad quantitatem, & ad ubi est motus, & tamen in eis non est propria contrarietas.

In contrarium est hic Philof.

Pro solutione huius questionis rememorandum est duplicem esse contrarietatem. Prima dicitur communis, quæ potest reperiri inter quæcumq. opposita. Secunda dicitur propria, quæ octo requirit condiciones, in pradicamento substantiæ explicatas, ad propositum autem nostrum duas exigit. Prima est, quod contraria maxime distent sub eodem genere, quare numeri non dicuntur contrarii, quia non maxime distant, cum numerus non maxime distet à numero. Secunda est, quod illa contraria sint duæ formæ contrariæ, sub eodem genere contentæ, quæ inuicem se alterent, & mutuo, & immediate, se expellant ab eodem subiecto. Si loquamur de contrarietate primo modo, sic in substantia est contrarietas, quia saltem vna species Physice est altera præstantior, vt anima rationalis, anima bruti. Secundo vero modo in substantia non est contrarietas, quia substantia non alterat substantiam, nec per se agit, sed mediantibus qualitatibus, actiuis, & passiuis.

Secundo notandum venit, quod hic sumitur substantia, non vt generaliter significat essentiam, sed vt proprie decernit singulare pradicamentum, & vt dicitur à per se essendo, & accidentibus substans, & contra ea distinguitur.

Ad primum dicendum, quod Phil. ibi considerabat motum communiiter, pro quacunque mutatione, non vero pro motu proprio, & successiuo. Sed quis instabit, generationem tempore, & successione mensurari, quia secundum Philof. Vbi datur prius, & posterius, ibi datur tempus. Sed in generatione datur prius, & posterius, idest dispositio materiæ ad formam præcedens introductionem formæ. Sed respondetur, quod generatio bifariam sumi potest. Primo vt includit præuias dispositiones, per quas materia disponitur ab introductionem formæ. Secundo sumitur pro introductione formæ.

*Contrarietas duplex.*

*Substantia proprie sumitur.*

*Argumenta soluta.* In ea datur prius, & posterius primo modo, de quo non loquimur, sed bene secundo modo, unde differentia inter formas. acquisibiles per motum, & per generationem est, quod formæ acquisibiles per motum succipiuntur diuisibiliter per motum idest secundum intensiorem, & remissionem, formæ vero acquisibiles per generationem, in indiuisibili consistunt, & ideo in instanti introducuntur in materiam, per corruptionem præcedentium dispositionum.

Ad secundum dicendum, quod maior valet de contrarietate propria, & non communi, qualis est illa, quæ reperitur in prædicamento substantiæ. Secundo respondetur ad minorem, quod substantia nude considerata non habet contrarium, sed ut habet adiunctas qualitates, utiq. sed hoc non est ratione substantiæ, sed ratione qualitatum contrariarum, ut diximus in prædicamentis.

Ad tertium dicitur, quod duplex est contrarietas communiter sumpta. Prima est inter terminos positivos, & hæc sufficit ad motum, & reperitur in prædicamento quantitatis, & ubi. Secunda est inter esse, & non esse, vel non esse, & esse, ut patet in generatione. & corruptione, & hæc non facit motum, sed mutationem substantialem.

#### QVÆSTIO IV.

*Utrum ad aliquid sit motus.*

**V**idetur quod sic. Nam dum quis albedinem acquirit, simul etiam similitudinem cum alio albo accipit. Sed albedinem non acquirit nisi per motum. Ergo nec similitudinem, quæ est relatio.

Secundo. Suscipere magis, & minus, non conuenit nisi rebus motis secundum intensiorem, & remissionem, per Arist. in prædicamentis, cap. de qualitate. Sed relatiua suscipiunt magis, & minus, saltem fundamentaliter. Ergo ad ea erit motus.

Tertio. Mutari est aliter affici quam prius. Sed per relationem quis aliter afficitur quam prius, quia v.g. Sortes non dicebatur prius pater, & modo dicitur pater. Ergo &c.

Quarto. Theologi propterea negant

Deo posse aduenire aliquam relationem, quia nulla ei potest aduenire mutatio. Ergo relatio aduenit cum mutatione.

Quinto. Quod producitur à causa effectiua est quid reale. Sed relatio producitur à causa effectiua. Ergo est quid reale. Sed nullum ens reale aduenit sine mutatione. Ergo ad relationem erit mutatio.

Pro solutione huius quæstionis in quarto Methaph. q. vi. pertractatæ sciendum est pro nunc, aliquos tenuisse relationem solum formaliter differre à fundamento, & consequenter, non ei aduenire cum mutatione reali. Alij vero quos recipio, sustinent relationem distingui realiter à fundamento. Hanc igitur opinionem amplectendo dicimus, quod aduenire aliquid alicui stat dupliciter. Primo quo ad fundamentum idest quo ad entitatem, v.g. quo ad quantitatem, vel qualitatem. Secundo quo ad complementum, vel formalitatem, v.g. ut æqualitas consequatur quantitatem, vel similitudo qualitatem. Pensandum est igitur, quod dum quis habet fundamentum similitudinis v.g. albedinem in quarto gradu, quod dum alius fit albus in quarto gradu, tunc ei nihil aduenit de nouo fundamentaliter, & radicaliter, sed tantum terminatiue, quia fit alteri similis in albedine. Quod ergo aduenit primo modo, aduenit per motum, quia aduenit per nouam entitatem, quod autem aduenit secundo modo, nequaquam, quia non aduenit ei nisi terminatio suæ entitatis. Sed & dicendum venit, quod aduenire alicui stat dupliciter. Primo media actione, ut calor aduenit aquæ per calefactionem. Secundo naturali sequela, & concomitantia, eiusdem actionis, quia comproduciunt cum alio, ut risibilitas cum rationalitate. Quod aduenit primo modo, aduenit cum motu, secundo vero modo nequaquam, & hoc modo relatio aduenit fundamento, & ideo sine motu.

Sed hæc responsio non transit sine difficultate, quia sic est salutare solum motum ubi est successiua transmutatio, hæc enim fit media aliqua actione. Hoc autem videtur falsum, quia ad qualitatem vere est motus, at qualitem potest esse motus in instanti, & naturali sequela, ut patet in illuminatione instantanea aeris. Sed respondetur, quod in illuminatione aduenit

aduenit de nouo absolutum idest forma, & non respectuum, quando autem aduenit aliquid de nouo absolutum, tunc fit cum motu, non sic quando aduenit aliquid naturali sequela, quod sit respectuum. Secundo dicitur, quod aduenire alicui in instanti non est idem quod aduenire naturali sequela, quia aduenire alicui naturali sequela, quod amplius dicit, quam in instanti idest eadem productione producti saltem quo ad esse fundamentale, & virtuale, & per hæc patet ad primum, & ad secundum, nam relatio dicitur suscipere magis, & minus ratione fundamenti.

Ad tertium dicendum, quod duplex est mutatio. Prima dicitur communiter idest per acquisitionem alicuius qd prius non habebatur, & talis mutatio potest etiam esse in rebus, sed non cum motu. Secunda dicitur propria, quia fit cum actione, & passione, & hæc negamus in rebus, mutuo se consequentibus naturali sequela.

Ad quartum dicitur, quod aduenire alicui aliquid de nouo relatiue præsupponit aliquid aduenisse prius fundamentaliter, quod Deo conuenire non potest, unde dicimus relationem Dei ad creaturas non esse realem, sed rationis.

Ad quintum dicendum est cum S. Doctore de potentia qua fr. 7. art. 8. ad quintum, quod causa effectiua per se dicitur producere fundamentum relationis cum vera actione, relationem vero consequenter, & naturali sequela, & ideo sine motu, & hoc dicimus de relationibus rebus; nam de relationibus rationis non est difficultas, cum constet columnam posse fieri alteri dexteram, & sinistram, nulla mutatione in ea facta.

## QVÆSTIO V.

*Utrum ad qualitatem sit per se motus.*

**V**idetur quod non. Primo. Motus est continuus. At alteratio secundum qualitatem non est motus continuus per Arist. 8. huius, tex. 23. Ergo ad eam non est motus.

Secundo. Si ad qualitatem est motus continuus, sequeretur qualitatem augeri in infinitum. Prob. Quia si per de-

cem gradus intendatur, cum in ea sint infinita instantia, aucta erit in infinitum.

Tertio. Extendatur qualitas ad diuersas partes subiecti, tunc hæc extensio fit ratione quantitatis, nam supponimus eandem caliditatem manere, & solum ad diuersas partes extendi. Ergo extensio qualitatis non erit motus per se, quia scilicet fit ratione quantitatis.

Quarto. De ratione motus est contrarietas, saltem virtualis, & gradualis, inter terminum à quo, & terminum ad quem, sed hæc non reperitur in extensione dum idem calor secundum eandem gradum extenditur tantum ad diuersas partes. Ergo &c.

In contrarium est Philosoph. hic, & ideo ponitur hæc conclusio. Ad qualitatem est per se motus intensiue, & extensiue. Prob. primo intensiue. Ad illum est motus ad quem est accessus continuus de contrario in contrarium, scilicet virtualiter, ut dum res de esse imperfecto transit ad perfectum, sed hæc reperiuntur in intensione qualitatis facta per alterationem, ut declaratum fuit supra. Ergo. Secundo prob. extensiue. Dum calor receptus continue, & intensiue in una parte ad alias extenditur, eodem modo in eis recipitur, sicut in prioribus partibus. Sed in eis receptus est intensiue, & contrarie. Ergo & in his, unde hæc extensio equiualeat primæ, & ei virtualiter correspondet.

Ad primum pro nunc superficialiter dicitur, quod, & si alteratio stricte non sit motus continuus, ut tenet Capreolus in primo d. 17. q. 2. Son. 8. Meth. q. 23. Landonus, & Ferr. 8. huius, aramen ratione forme, quæ de actu imperfecto ad perfectum in eam, & in tempore transit, in ea potest dici esse motus continuus, & hoc modo Arist. hic ponit ad qualitatem esse motum, & in primo sensu negat in octauo.

Ad secundum dicendum, quod ille patet non intelliguntur esse scortum, & in actu, sed tantum in potentia, & potius Mathematicæ, quam Physicæ, & ideo ille motus Physicæ dicitur finitus.

Ad tertium dicendum, quod illa extensio bifariam considerari potest. Primo ut recipitur in parte in qua non erat. Secundo ut virtualiter in ea recipitur sicut

cut in priori per motum recepta est. Primo modo non dicitur motum per se, ac secundo modo secundum quem est consideranda, utique & per hoc patet ad quartum, adest enim virtualis contrarietas, dum in virtute primæ alterationis in hac secunda parte recipitur motu Physico, sicut, & in prima recepta fuit.

## QVÆSTIO VI.

*Verum ad vbi datur motus.*

**V**idetur quod non. Nam ad situm non est motus. Ergo nec ad vbi. Antecedens est Arist. Consequentia prob. Quia tantum est obtinere situm, ut cubare, & iacere, quantum vbi circumscribi.

Secundo. In vacuo potest esse motus. At in vacuo non potest esse vbi, cum vbi dicat locum, & locus superficiem. Ergo &c.

Tertio. Angeli moventur localiter, & tamen non habent vbi, quia non determinantur a loco. Ergo &c.

In contrarium stat Arist. hic, & ratio. Nam in motu ad locum qui dicitur secundum vbi, est contrarietas terminorum, & successiva acquisitio spatij vsque ad terminum. Hæc autem motum constituunt.

Ad primum ergo negatur sequela, & ad probationem dicitur, quod situs dicit ordinem partium in loco, & vbi circumscriptionem locati, unde distinguuntur, sed vide quæ diximus in prædicamentis.

Ad secundum dicimus, quod in vacuo potest esse motus, & vbi, non materialiter idest, per aeris circumscriptionem, sed formaliter, per comparisonem corporis moti ad polos mundi, & centrum terræ.

Ad tertium dicimus, motum Angelorum esse discretum, & Angelum non contineri a loco, sed illum continere, ut late ostendamus p.p. 9. 51. S. Tho.

## LECTIO IV.

**A**textu 18. vsque ad 21. immoratur Philosophus ad probandum non esse motum nisi in quantitate, qualitate, & vbi. In textu ergo 18. talem rationem adducit. Motus non reperitur in substantia,

in ad aliquid, in actione, & passione. Igitur erit solum in quantitate, qualitate, & vbi. Probat consequentiam, quia contrarietas, & successio non reperiuntur in alijs prædicamentis a supra dictis. Secundo dicit quod motus reperitur in qualitate dicitur alteratio, huic enim consentit commune nomen. Distinguit autem duplex quale scilicet essentialis, scilicet differentia essentialis, & accidentale ut actio passio, & passibilis qualitas, ut album, nigrum, calidum, & frigidum dicuntur de aliquo, ut qualitates alterationis idest secundum alterationem. Tertio dicit motum secundum quantitatem, non habere commune nomen secundum, quamvis nominetur secundum speciem, unde motus ad perfectam quantitatem dicitur augmentum, & in imperfectam vocatur decrementum. Quarto dicit motum secundum locum non habere commune nomen, nec genericum, nec specificum, sed communi vocabulo vocari ad vbi. Explicat insuper, quæ sint illa, quæ proprie dicuntur moveri, & dicit ea esse, quæ in seipsis non habent principium sui motus, &c. In text. 19. respondet cuidam tacite objectioni, an dum quid de minus albo, sit magis album, hic sit motus secundum quantitatem idest augmentum, aut secundum qualitatem idest alterationem, & respondet, hunc esse motum secundum alterationem, sed moveri secundum alterationem stare dupliciter. Primo simpliciter, ut dum una species in alia mutatur, ut album in nigrum. Secundo secundum quid idest in eadem specie secundum magis, & minus, ut dum ex minus albo, sit magis album, & utraque mutatio vocatur alteratio, quod sic probat. Quando minus album sit magis album, aut e contra est mutatio de contrario, vel fere contrario in contrarium, quia minus album a nigro recedit, & ad albedinem accedit. At motus accipit denominationem à termino, & sic concludit solum esse tres species motus. Subdit, quod modis aliquid dicitur immobile. Primo ergo de immobile per impossibile, ut sonus. Secundo per difficile mobile, ut claudus, infirmus, & graui pondere granulatus. Tertio per negationem actus motus, quia non mouetur quando debet moueri, cum tamen aptum natum sit se mouere,

uere, & quiescit quiete, quæ est contra-  
ria motui, contrarietate communi nega-  
tiue, & non positiue. Epilogat tandem  
dicendo dictum esse quid sit motus, quid  
quies, & quot sint species mutationum.

Contra-  
rietates  
motuum  
nominat.

Circa supradicta primo notandum ve-  
nit, quomodo motus secundum quanti-  
tatem dicatur habere commune nomen,  
secundum genus proprium, & secun-  
dum speciem, motus vero secundum  
qualitatem habere commune nomen se-  
cundum speciem, & proprium, & mo-  
tus localis non habere, nec secundum  
genus, nec secundum speciem. Scien-  
dum est ergo, quod radix proprii nomi-  
nis motus est contrarietas, quoniam ergo  
quæ alterantur propriam contrarie-  
tatem habent secundum singulas spe-  
cies, ideo gaudent proprio nomine,  
quoniam vero contrarietas reperta in  
quantitate attenditur penes genus qua-  
nitatis, sed iuxta defectum, & excellen-  
tiam ideo non vno nomine generis, sed  
duplici specierum explicatur. At quia  
in motu locali non reperitur aliqua con-  
trarietas, nisi in ordine ad motum, ideo  
nullo nomine proprio gaudet.

Sed secundo notandum venit, quo-  
modo in quantitate non dicamus esse  
propriam, sed communem contrarieta-  
tem, in omnibus etiam alijs prædicamē-  
tis reperibilem, & tamen ab eis negetur  
motus, & non a quantitate. Notan-  
dum est ergo, quod contrarietas aug-  
menti, & decrementi bifariam conside-  
rari potest. Primo secundum nomen, &  
sic vocatur contrarietas excellentiæ, &  
defectus, nam augmentum excellentiam  
significat, & decrementum defectum.  
Secundo secundum rem. Primo modo  
quantitas dicitur habere contrarietatem  
communem, sed secundo modo pro-  
priam, quia vere, & realiter quantitas  
mutatur de parua in magnam, vel e cō-  
uerso, substantia autem numquam per-  
dit rationem perfectioris, vel minus  
perfectæ substantiæ si secundum se con-  
sideretur, & idem dic de alijs prædi-  
camentis a supradictis, in quibus est  
motus.

Tertio notandum venit, quod aliud  
est dicere, quod solum ad tria prædica-  
menta sit per se motus, & aliud quod ad  
alia prædicamenta accidentium nullo

modo sit motus. Primum enim signifi-  
cat quantitatem, qualitatem, & vbi es-  
se proprios terminos motus, & hoc verum  
est, quia si motus sit secundum qua-  
ritatem, dicitur augmentum, vel decre-  
mentum, si secundum qualitatem, dicitur  
alteratio, & sic secundum locum, dicitur  
motus localis. Secundum vero est  
significare nullo modo ad alia prædica-  
menta esse motum, & hoc negamus,  
cum omnia prædicamenta accidentium  
per motum acquirantur.

## QVÆSTIO VII.

Utrum ad quantitatem sit per se motus.

Videtur quod non. Nam per Phil.  
hie, motus debet esse de contrario  
in contrarium. Sed quantitati nihil est  
contrarium. Ergo ad quantitatem non  
est motus.

Secundo. Motus distinguitur a natu-  
rali sequela, quia motus sit in tempore,  
& naturalis sequela in instanti. Sed aug-  
mentum quantitatæ naturalis sequela,  
consequitur alterationem, & conuersio-  
nem alimentæ in substantiam aliti, nam  
illico viuens augetur. Ergo ad quantita-  
tem non est per se motus, sed solum ali-  
qua mutatio.

Tertio. Si augmentatio esset per se  
motus, diminutio quoque esset per se  
motus. Sed hoc est falsum, cum sit quæ-  
dam corruptio per se terminata ad non  
esse aliquid partis quantitatis. Er-  
go &c.

Quarto. Quantitas est materiæ coe-  
terna. Ergo non acquiritur per motum.  
Antecedens tenuerunt Pythagorici, Aca-  
demici, & Arabes, & patet, nō enim po-  
test dari substantia materialis extensa si-  
ne quantitate.

Pro solutione huius questionis. Pri-  
mo notando venit, quod non æquo mo-  
do reperitur contrarietas motus, in qua-  
ritate, qualitate, & vbi. Nam contrarietas  
in qualitate habet tres condiciones pro-  
priæ contrarietatis, & ideo vocatur con-  
trarietas perfectissima. Prima est, quod  
eius contraria sunt duæ formæ actiue.  
Secunda, quod maxime distant sub eo-  
dem genere, & Tertia quod continue ac-  
quiruntur. In quantitate autem deficit

In qua-  
ritate  
est con-  
trarietas.

Contra-  
rietates  
quantita-  
tis est  
propria.

Ad alia  
prædica-  
menta  
est mo-  
tus ali-

prima, vnde eius contrarietas dicitur secundum excellentiam, & defectum, tamen habet duas alias condiciones proprias contrarietatis, quia datur maxima, & minima quantitas, ultra quas non potest extendi, & hæ quantitates continuo, & diuisibiliter acquiruntur. Contrarietas vero motus localis attenditur secundum sursum, & deorsum, iuxta extrema longissimæ lineæ.

**Opinio-**  
**nes.** Secundo notandum venit duas esse opiniones circa hoc, an ad quantitatem sit per se motus. Prima est negatiua, & hanc habuit Plato Salenus, & Valeus controuersia 29. ad Tyrones. Hi enim duas tantum species motus poluerunt scilicet localis, & alterationis. Secunda opinio est affirmatiua scilicet quod ad quantitatem datur per se motus, & hanc defendit Arist. hic, cap. 2. & cum eo consentiunt omnes peripatetici.

**Condi-**  
**siones**  
**motus.** Tertio ergo notandum venit, ad motum tres principales condiciones esse necessarias. Prima est, quod res ad quam terminatur motus, transeat de contrario in contrarium, v.g. manus de frigiditate ad caliditatem. Attendas tamen contraria esse in triplici differentia. Quædam propriissime, sicut diximus supra hæcerni in qualitate. Secundo proprie, & hæc reperiri inter duos terminos impossibiles affirmamus v.g. inter calidum in summo, & tepidum, nam transitus de tepido ad calidum in summo sufficit ad proprium motum, & si non ad propriissimum, qui saluatur inter duas formas contrarias, sufficit enim ad propriam contrarietatem, quod etiam saluatur in eadem forma, habente latitudinem perfectionis, quia sic transit de vno gradu ad alium, relinquendo primum gradum sub quiete id est faciendo quod sit id a quo incipit motus. Tertio iungitur communiter, prout dicit transitum de priuatione ad habitum, vel e contra, & hæc contrarietas non dicitur motus proprie, sed mutatio substantialis, quæ dicitur motus communiter. Secunda conditio est, quod motus sit successiuus, id est cum successione fiat, & non in instanti, quia motus est transitus existentis in potentia (non substantiali, sed accidentaliter intensius) ad terminum motus. Tertia est, quod fiat cum vera mutatione, quia non aduenit

subiecto sine eius mutatione, vt supra.

Quarto ergo loca ex supradictis deducuntur aliquæ conclusiones. Prima est. Ad substantiam, relationem, &c. non est per se motus. Probatur. Nam substantiæ non conuenit mutatio successiua, nec inter contraria positiua. Nec relationi, quia vnum relatum sit alteri simile, sine sui mutatione. Nec actioni, & passioni, quia a l motum non est motus, vt supra. Nec ad alia prædicamenta a quantitate, qualitate, & vbi, quia includunt respectum quo ad suum formale, vnde idem concluditur de illis quod de relatione.

Secunda conclusio est. Ad quantitatem est motus. Probatur. Quia quantitas transit de minori ad maius, incomparabiliter, positiue, & successiue.

Ad primum respondetur, quod quantitati nihil est contrarium propriissime, vt dicuntur contrariæ duæ formæ actiue. Sed tamen est aliquid ei contrarium propriè, id est per impossibilitatem, quia maius, vt maius, non potest esse minus.

Ad secundum dicendum pro nunc, quod augmentum sit motus continuus sit dupliciter. Primo per se primo, & sic non est verum, quia dicit acquisitionem nouæ substantiæ partialis sub quantitate, eadem generatione. Secundo per se secundo scilicet vt quantum sub tanta dimensione comparatur ad se sub maiori, & sic dicitur motus continuus, quia illa quantitas augetur successiue, nam facta conuersione in substantiam extenditur substantiæ per quantitatem successiue, late tamen, vel virtualiter vt dicemus in 8.

Ad tertium similiter dicitur, quod diminutio non est propria corruptio, cum id quod minuitur, esse non amittat, sed extensionem, & ideo macies, & diminutio successiue sunt, dum calor naturalis non potest tantum nutrire, quantum opus esset, quare quantum minuitur.

Ad quartum dicendum, quod quantitas sit materiæ coruæ bifariam intelligi potest. Primo inseparabiliter, & ita verum est, quia materia non existit nisi extenta. Secundo productiue, ita vt intelligatur improductibilis ab agente disponente materiam ad talem formam, & ad tantam quantitatem, & hoc falsum est,

vt de-



vt docet S.D.p. p. q. 76. art. 6. Albert. Magnus in summa de homine tractatu de nutritiua. Capr. in 2.d. 18. q. 5. art. 1. con. 6. Caietanus de ente, & essentia cap. 7. q. vlt. Nam agens in generatione compositi producendo formam in materia, facit etiam quod consequenter eam introducat sub tanta quantitate, & tali qualitate.

# QVÆSTIO VIII.

*Verum motus de magis perfecto ad minus perfectum, vel e contra sit eiusdem speciei.*

**V**idetur quod non. Primo. Sumamus calorem introductum in aquam in summo, & comparemus eum ad septimum gradum caloris, tunc calor in septem, & in summo, se habent, vt duo extrema cum medio. Sed hæc extrema, & medium per Arist. 10. diuisionum differunt specie. Ergo &c.

Secundo. Corruptiua ad inuicem sunt diuersarum specierum, vt patet in calido, & frigido, in albo, & nigro. Sed magis calidum corrumpit minus calidum per Arist. dicentem, quod maior flamma corrumpit minorem. Ergo &c.

Tertio. Maior est differentia inter magis calidum, & minus calidum, quam inter duo calida. Sed duo calida differunt numero. Ergo magis calidum, & minus calidum non solum differunt numero, sed etiam specie.

*Magis, & minus quinque modis sumitur.* Pro solutione huius dubij notare oportet, quod magis, & minus quinque modis sumuntur. Primo secundum vnā formam participatam, quia participatur perfectiori, & imperfectiori modo. Secundo secundum modum participandi v.g. vt intelligere participatur ab Angelis sine discursu, & ab homine cum discursu. Tertio secundum quod de vno dicitur per essentiam, & de alio per participationem, vt esse dicitur de Deo per essentiam, & de creaturis per participationem. Quarto secundum quod de vno dicitur formaliter, & de alio eminenter, vt calidum dicitur de igne formaliter, & de sole eminenter. Quinto secundum magnitudinem, & quantitatem, vt homo puer, dicitur minus seipso viro facto. Patet autem quod secundo, tertio, & quar-

to modo dicit differentiam specificam quinto vero modo nequaquam, vnde de primo est difficultas.

Secundo igitur recolendum venit, id quod Philos. affirmat hic tex. 31. scilicet quod forma ad quam est motus tripliciter considerari potest. Primo secundum genus generalis sumum, prout dicimus alterationem esse ad qualitatem. Secundo secundum genus subalternum, prout dicimus collorationem esse ad colorem. Tertio secundum speciem specificissimam, pro vt dicimus albefactionem esse ad albedinem. In primo sensu non queritur, quia constat vnā qualitatem secundum genus esse altera perfectiorem, vt qualitates primæ, quam secundæ. Nec in secundo, quia sub colore dantur species, vna altera perfectior, & ideo in tertio solum est difficultas.

Tertio ergo loco ponitur hæc conclusio. Magis, & minus in eadem forma specifica participata, non facit diuersitatem specificam. Prob. Ad vnitatem specificam motus requiritur vnitas formæ acquisite secundum speciem per Arist. hic, tex. 31. Ergo necesse est quod forma participata secundum magis, & minus sit vnā specie.

Ad primum negatur minor, & ad Arist. dicitur, quod duplex est medium. Primum dicitur per intensionem, quia gradatim fit accessus ad perfectionem formæ. Secundum dicitur per compositionem, quia componitur ex extremis, specie distinctis, vt color viridis ex albo, & nigro. Primum non differt specie ab extremis, secundum vtiq. & de hoc procedit argumentum, & nos loquimur de primo.

Ad secundum dicimus ad maiorem, quod duplex est corruptiuum. Primum dicitur per se, vt aqua extinguit ignem, & hæc differunt specie. Secundum dicitur per accedens, quia accedit quod maius corrumpat minus, verbi gratia quod maior flamma corrumpat minorem, & hæc non distinguuntur specie, & de his est sermo.

Ad tertium negatur maior, de diuersitate specifica, & conceditur de diuersitate gradualī, eiusdem formæ specificæ.

## LECTIO V.

## CAPVT III.

*Post hac dicamus quid sit simul, &c.  
sex. 21.*

**P**ostquam Philos. in præcedentibus ostendit quot sint species motus, hic declarat consequenter quosdam terminos necessarios ad intelligentiam perfectam motus. In textu igitur 21. ponit suam intentionem, quam dicit esse, vellem mentionem facere de septem. Primo de simul. secundo de separato. Tertio de tangere. Quarto de inter. Quinto de consequenter. Sexto de contiguo, & Septimo de continuo, hæc enim sunt illa quæ motum, & mobile consequuntur.

In textu ergo 22. Primo explicat, quid sit simul dicendo, quod illa dicuntur esse simul, quæ sunt in vno loco proprio, quamobrem duas condiciones habet esse simul. Prima est esse simul secundum locum, nam esse simul ita dupliciter. Primo tempore id est esse in eodem tempore. Secundo loco id est in eodem loco. Secunda est esse in eodem loco proprio, nam duplex est locus. Primus dicitur communis, ut cælum respectu omnium viventium. Secundus dicitur esse proprius, & adequatus, quia continet vnum tantum corpus. Secundo explicat quid sonat separatim dicendo, quod illa dicuntur separata esse, quæ sunt indiuerfis locis proprijs. Tertio explicat quid sit tangere dicendo, quod illa dicuntur se tangere, quorum extrema sunt simul, ut quando duæ superficies coniunguntur. Quarto explicat quid sit inter, dicendo, hoc esse medium inter duo extrema, medians, ad quod prius peruenit id quod mouetur, antequam ad extremum veniat, ut si daretur linea longa decem palmis, dum esset mobile in quinto palmo, diceretur in medio.

In text. 23. explicat quid sit continue moueri, & ait esse absque aliqua interruptione temporis moueri, verbi gratia quis pulsando cytharam si tangat primo eandem ultimam grauem, & deinde subito ultimam leuem, non tangendo medias cordas, vel si quis continuo ambulare

absque aliqua interruptione temporis omitendo etiam aliquod spatium, diceretur continue moueri.

In textu 24. docet quomodo sit sumenda contrarietas in loco, dicendo, quod accipitur secundum extrema vnius lineæ, ut sunt sursum, & deorsum, ante, & retro, dextrum, & sinistrum, dummodo moueantur vna linea recta.

In textu 25. ponit quid significet consequenter, & tradit multa ei esse necessaria. Primum, quod id quod consequenter dicitur ante se habeat principium, ut secundus dies lunæ consequenter se habet ad primum, quia primum sequitur, & ita numerus ternarius, se habet ad binarium, quia ipsum immediate sequitur.

Secundum est, quod nihil mediet eiusdem generis, verbi gratia transiendo de domo ad domum, quod nulla domus mediet, & si possent mediare plura diuersi generis, verbi gratia lapides, ligna, vires, & similia. Insuper declarat, quod multis modis aliqua dicuntur se habere consequenter. Primo positione, sicut calla ad callam, si inter illas alia non mediet. Secundo natura, ut binarius consequitur unitatem. Tertio modaliter, ut simia consequitur naturam hominis, in similitudine altitum. Quarto tempore, cum multis alijs modis in litera positis. Deinde definit quid sit consequenter se habere per modum habitus, & dicit esse, dum duo mutuo se tangunt, non enim omnia mutuo se tangunt. Concludit tandem, quod cum omne quod mouetur de extremo per medium moueatur, & inter contradictoria non detur medium, ideo motus erit in contrarijs, & non in contradictorijs. Subdit, quod continuum est illud, quod aliud consequitur, & consequenter se habet per modum habitus, quia dicit consecutionem, & tactum. Alia quæ asserit in sequentibus clara sunt, unde ea omittimus, vno hoc notato, infra explicando, scilicet continuum non solum dicere tactum, verum etiam unitatem intrinsecam.

Circa supradicta autem primo venie notandum circa illud, quod illa dicuntur simul loco, quæ in vno loco proprio, & adequato sunt, quod per hoc non vult inferre Arist. duo corpora posse esse in eodem loco proprio, & adequato, hoc enim.

enim reprobatum fuit in quarto Physicorum, sed intelligit loqui conditionaliter scilicet quod si possibile esset, quod duo corpora se penetrarent, quod fieri nequit. Vel intelligit corpora esse in loco proprio, dum illum alteri non concedunt, ut faciunt orbes celestes, ignis in sua sphaera, & alia elementa secundum totum in suis sphaeris. Prima expositio est Simplicij. Secunda Conimbr. Sed huic secundae obliare videtur, quod sic tantum de loco proprio caelestium, & elementorum egisset, & non vniuersaliter de omni loco proprio, quod est contra vniuersalitatem sermonis, & maxime cum opponat esse in loco proprio, esse separato secundum locum, unde prima expositio melior est. Agit autem hic de esse simul loco, & non generalissime de omni esse simul, quoniam de hoc egit in praedicamentis.

Secundo notandum venit circa illa verba. Continenter autem mouetur, quod nihil, aut minimū intermitte &c. Quod haec verba dupliciter interpretantur. Primo quod Arist. voluerit dicere nihil offidere discontinuitatem temporis ad continuitatem motus, sed bene esse necessarium quod nulla pars spatij, vel saltem minima relinquatur, quasi continuitas motus pedeat à continuitate spatij, & non à continuitate temporis. At S. D. interpretatur hoc ut motus tunc dicatur esse continuus, si nihil, aut parum spatij praetermittatur, nullo vero modo continuitas temporis, quia ad continuitatem motus necessaria est continuitas temporis, & spatij, saltem quod parua eius pars praetermittatur, & haec expositio consentanea est Aristoteli. qui ut patet in successu sermonis sui, vult ad continuitatem motus, requiri continuitatem temporis, & spatij.

## QVAESTIO IX.

*UTRUM MOTUS ACCIPiat speciem à termino ad quem.*

Videtur quod non. Nam sic motus specie diuersi, idem dicerentur, verbi gratia motus circularis, & rectus si ad eundem terminum terminarentur.

Secundo. Motus violentus, & natu-

ralis, per se differunt specie. Sed hi possunt terminari ad vnum terminum, ut si lapis deorsum descendat in vno loco naturaliter, & per violentiam ad eundem locum ignis impellatur.

Tertio. Id quod dat speciem, debet esse. Sed existente motu, terminus non est, cum tunc motus cesserit, cum fuerit in termino. Ergo terminus non dat speciem.

Quarto. Idem non potest dare speciem contrariis. Sed contraria possunt terminari ad eundem terminum, ut calor, & frigus aquae ad tepidum. Ergo.

Quinto. Distinctio specifica, est distinctio quidditativa, & quidditatis, sed motus quidditativus per finem non distinguitur, quia quidditas abstrahit ab existentia, & finis non. Ergo.

Sexto Motus, & actio vnum sunt realiter, & consequenter quod de vno dicitur, de alio non negatur. Sed actiones, non distinguuntur ex terminis, sed ex agentibus, unde alia est actio Dei, & alia hominis. Ergo &c.

Septimo Motus distinguitur à simplici mutatione per terminum à quo quia scilicet simplex mutatio est de non esse simpliciter, ad esse simpliciter vel econtra, inotus vero est ad esse hoc. Ergo distinctio motus erit à termino à quo, & non à termino ad quem.

Octavo. Arist. septimo huius text. 5. dicit, illum esse vnum motum specie, quo ab eodem ad idem specie tenditur. Ergo non accipit speciem à termino extrinseco ad quem.

Nono. De ratione motus est quod sit inter terminos contrarios scilicet inter terminum à quo, & ad quem. Ergo natura motus pensatur etiam ex termino à quo.

Decimo. Motus ab albo in fuscum, & à nigro in fuscum sunt motus contrarij specie distincti. Sed motus hi distinguuntur solum specie à terminis à quibus sunt, ut patet. Ergo.

Vndecimo. Motus qui per media specie distincta tendunt in vnum finem specie distinguuntur, ut motus ab albo in nigrum per fuscum, & per ceruleum. Sed media se habent, ut termini à quibus incipit motus. Ergo ab eis desumitur distinctio, & valet motus.

Duode-

Quid sit  
esse in lo  
co pro-  
prio.

Duodecimo. Terminus ad quem motus debet esse positivus per Arist. supra. Sed in decremento terminus ad quem non est positivus, cum non sit acquisitio quantitatis, sed diminutio, & privatio eius. Ergo saltem decrementum, quod est motus secundum quantitatem, non accipit speciem à termino ad quem. Pro resolutione huius questionis. Primo ponemus aliqua fundamenta. Secundo loco probabimus nostram conclusionem. Tertio resolvemus argumenta.

*Opinio-  
nes.*

Quod ad primum ergo primo notandum venit, quod circa presentem difficultatem sunt duæ opiniones. Prima est Alberti de Saxonia hic, q. 6. & Burlei, & quorundam aliorum scilicet quod motus recipiat speciem, & distinctionem non solum à termino ad quem, sed etiam à termino à quo. Secunda est S. D. p. q. 23. art. 1. & q. 45. art. 1. Soto hic q. 3. Ferr. q. 4. Tol q. 2. Conimbr. & Ruuij. & est fere communiter recepta, scilicet quod motus speciem, & distinctionem sumat à termino ad quem.

*Motus  
duplici-  
ter su-  
mitur.*

Secundo ergo notandum venit, quod motus dupliciter considerari potest. Primo materialiter, ut est idem realiter cum termino motus. Secundo formaliter, ut ab eo distinguitur, quia ipse est via ad terminum, & terminus est complementum motus. Nam cum motus secundum se sit quid incompletum, non constituit prædicamentum, sed reducitur ad illud prædicamentum, ad quod est motus. De motu ergo primo modo hic non agimus; nam diximus in tertio sic motum esse idem realiter cum termino unde de motu secundo modo est præsens disputatio.

*In mo-  
tu qua-  
situr*

Tertio ergo notandum est, quod in motu quatuor considerare possum, scilicet agens, passum, terminum à quo, & terminum ad quem. Modo ab agente, vel passio motum non sumere unitatem genericam, vel specificam docuit S. D. q. 6. de potentia, art. 8. quia motus formaliter dicit fluxum formæ absolute. Cum igitur restent tantum in eo duo termini, scilicet à quo, & ad quem, dicimus à termino à quo, non esse sumendam unitatem, vel distinctionem specificam motus, sed à termino ad quem, quia terminus ad quem habet rationem formæ, & finis, forma autem, & finis sunt ea quæ

distingunt, ut docuit Arist. secundo Physicorum, & patet, quia imperfectum comparatur ad perfectum, ut ad formam. Motus autem se habet, ut quoddam imperfectum, & terminus ut quoddam perfectum.

Tertio ergo notandum venit cum Ferr. hic q. 4. quod aliud est esse speciem alicuius, & aliud ei dare speciem; nam species semper dicit essentiam, & quidditatem intrinsece, & formaliter eius, cuius dicitur species, ut rationale ab intrinseco, & formaliter hominem continuit. Dare autem speciem, & distinctionem specificam, & formaliter, potest etiam convenire alicui extrinseco, quando id quod ab extrinseco distinguitur, se habet ut potentia ad actum, vel ut actus ad obiectum, quia potentia distinguitur per actum, ut docuit Arist. secundo de anima. Modo motus est actus existentis in potentia ad terminum, & ideo per terminum, ut per actum complementem distinguitur.

Quarto tamen notandum est, quod in motu duo sunt. Primum est ordo ad terminum, & hic ab intrinseco ei convenit, quia secundum suam naturam dicit tendentiam in terminum. Secundum est eius complementum, & terminus, & hunc dicimus esse extrinsecum, vel posse esse. Vel melius dicitur, quod cum motus dicat formam fluentem, ut est sub fluxu, ratione fluxus dicit quid extrinsecum à forma, ratione vero formæ quam ad terminum ducit, ut est modus eius, ad eandem speciem pertinet, & hoc est quod dicit Arist. in tertio, motum non esse præter res ad quas est.

Quo ad secundum conclusio est. Motus accipit speciem à termino ad quem. Probatur primo per Arist. text. 31. ubi dicit, omnes dealbationes, & denigrationes esse unum specie, quia ad unum terminum terminantur scilicet dealbationes ad albedinem, & denigrationes, ad nigredinem.

Secundo. Idem non potest speciem sumere à duobus contrariis specie distinctis. At terminus à quo, & ad quem specie distinguntur, & contrariantur. Ergo non potest motus accipere speciem ab ambobus, sed solum à termino ad quem. Maior est nota. Minor est Arist. primo de celo

*Termini  
motus  
se  
habet  
ut for-  
ma.*

*Extrin-  
seco.*

*Conclu-  
sio pro-  
batur.*

coelo text. 86. & hic text. 43. & 8. huius text. 62.

Tertio. Res denominatur ab eo quod acquirit, & non ab eo quod perdit, unde generatio dicitur ab esse recepto, & corruptio ab esse corrupto. Sed motus recedendo à termino à quo ipsum perlit, & terminum ad quem acquirit. Ergo à termino ad quem habet specificationem.

Quarto. Id quod speciem alicui dat, etiam perfectionem, & de nominationem. Sed non terminus à quo, sed ad quem dat motui perfectionem, & denominationem, est enim perfectio acquisita, & denominata à termino, ut calefactio, à calore acquisito. Ergo &c.

Quinto. Multae dealbationes possunt habere diuersos terminos à quibus, v.g. à fusco, à viridi, &c. & tamen sunt vnum speciem, & distinctae solum numero. Ergo vntas distinctio, & denominatio motus desumitur, non à termino à quo, sed ad quem.

Ad primum, & secundum aliqui concesserunt, motum circulare, & rectum esse vnum motum specie, quando ad vnum terminum terminantur. Sed hoc est contra Arist. primo de celo c. tertio, & quarto, ubi probat prae ter quatuor elementa esse ponendum corpus calefieri essentialiter, & specificae ab eis distinctum, & hoc, quia motus circularis qui exlo conuenit, distinguitur specie à motu recto, qui elementis congruit, & ita hic expresse asserit, motum circulare, & rectum differre specie, quamuis quandoque possint habere eundem terminum, quia non habent idem spacium. Alij igitur dixerunt, locum, seu vbi ad quod est motus, dupliciter considerari posse. Primo ut est vbi tantum, & superficies corporis continentis. Secundo ut est connaturale rei motae ad illud. A primo asserunt non esse sumendam speciem, sed à secundo, & ideo & si motus rectus, & circularis possint habere idem vbi, seu eundem locum materialiter, non tamen formaliter, quia naturaliter conuenit coelo moueri circulariter, & elemento recte, & ita dicimus de remota violenter, & naturaliter. Sed hic modus dicendi displicuit Scoto, Alberto de Sax. & Comib. quia sic motus calefactionis ignis,

cum ab alio igne ad perfectam deinfertur, & aqua dum ab igne ab extrinseco, & per violentiam calida efficiuntur distinguuntur specie, quia conaturalitates sunt diuersae. Sed dicere quis poterit, hos motus specie distinguere ratione diuersi modi specifici causantis variationem. Sed dicendum est ad primum, & secundum, quod terminus ad quem specificet, & vnitatem tribuat mobili, ita dupliciter. Primo, se solo, & hoc est falsum. Secundo cum debitis conditionibus scilicet cum vnitatem spatij, & temporis, & mobilis, de quibus infra, & hoc est verum, modo in motu circulari & recto variatur spacium, & in motu violento, & naturali mutantur modi essentiales motus, & naturae rei mobilis, quae non est capax duorum contrariorum simul, & ita acta perfecta.

Ad tertium dicitur, quod dans speciem esse debet, eo modo quo ei species dat, modo terminus in via dat speciem in via, & in esse ultimato, in esse perfecto, & tunc terminus est, & realiter terminat.

Ad quartum dicendum ad maiorem similiter, idem non posse dare speciem contrarijs, vel contraria sunt, sed ut in vnum coire possint, utique, unde medij colores habent propriam speciem, & alterationes ad medium deductas.

Ad quintum negatur maior absolute, procedit enim de distinctio re quidditativa, & specifica ab intrinseco, & non de ea, quae est ab extrinseco. Vel secundum dicitur, quod dans speciem est forma, vel habet rationem, & modum formae, ut habent finis, & terminus respectu motus. Ad id autem quod obijciatur, quod finis non abstrahit ab existentia & quidditate, sic impertinens est, quia non loquimur de quidditate, sed de determinante ab extrinseco.

Ad septimum dicendum, quod motus, & actio sunt idem realiter, sed distinguuntur formaliter, & ideo quod ad suas rationes formales actio potest dici talis agentis, vel ab hoc agere, & motus talis, quia est ad talem terminum.

Ad septimum, Comib. tenent motum, & mutationem non distinguere essentialiter à terminis à quibus, quia generatio equi esset eiusdem speciei, ut modo,

Argumenta  
soluntur.

do, si in materia non præcessisse talia forma corrupta, vnde dicunt distinctionem motus, ac mutationis pendere essentialiter, & specificè a terminis ad quos, & cōnotatim ex terminis à quibus. At ego censco hic requiritionem accidere. Aliud est enim querere quomodo generatio, & motus distinguantur, & aliud quomodo diuersi motus distinguantur. Nam primum duo postulat, primum scilicet, quod generatio sit a non esse simpliciter, ad esse simpliciter, secundum vero quod sit momentanea. Motus vero exigit quod sit inter terminos posituios, sed hæc ratio est omnibus motibus communis, quæ de causa ex hac non sumitur diuersitas motuum specifica, sed exterminis ad quos, vnde negatur assumptum.

Ad octauum dicitur quod Arist. ibi intendit dicere, illum esse vnum motum specie, quando ab eodem materialiter ad idem formaliter tenditur, quod non fit nisi per terminos ad quos.

Ad nonum dicitur, quod illa est communis ratio motus, omni motui proprie sumpto conueniens, vnde distinctio motus pensanda est aliunde idest ex terminis ad quos.

Ad decimum dicendum, quod illi motus sunt specie distincti ita: dupliciter. Primo materialiter, vt sunt à terminis à quibus. Secundo formaliter, vt sunt ad terminum ad quem. Primum est verum, sed hoc non facit speciem motus, sed speciem rei mobilis distingui ab alia specie. Secundum vero est illud, quod dat speciem.

Ad vndecimum idem dicitur, quod illa distinctio mediour est materialis, & rei mobilis, & non formalis, & specifica, de qua tantum hic loquimur. Sed vltcrius distinguo quod aliud est querere an hi motus sint vnus motus secundum speciem, & aliud an dato quod specie distinguantur accipiant suam formalitatem à termino à quo, vel à termino ad quem. Primo modo querendo dicendum venit, quod hi motus specie distinguuntur, & non sunt vnus motus quia non habent vnitatem medij. Secundo vero modo dicuntur vnus speciei, quia acquirunt eandem formam specificam, scilicet albedinem. Vnde censco distinguen-

dum de vno motu. Primo simpliciter, & hic non solum debet habere vnitatem termini, sed & mobilis, & medij. Secundo secundum quid, idest ratione termini tantum, & sic motus per media specie diuersa dicitur vnus secundum speciem.

Ad duodecimum. Conimb. hic, & Fonseca quinto Meth. cap. 1. q. 9. tenent motum ad decrementum in quantitate, & ad remissionem formæ in qualitate, non esse motus posituios sed negatiuos idest ad terminum negatiuum. Primo, quia essentialiter sunt negationes, priuationes, & corruptiones prioris quantitatis, vel qualitatis. Secundo, quia hoc clarum est in aqua calefacta, quæ ita amittit calorem, vt nullum gradum eius retineat, sed ad suam naturalem frigiditatem se reducat. Tertio, quia sic augmentum, & decrementum specie non distinguuntur, cum sint motus in maius, & minus eiusdem quantitatis, vel formæ, vnde dicunt, quod in decremento forma quæ habebat rationem partis, quia dicebat gradum intensiōis formæ, vel extensiōis quantitatis, sortiuntur rationem totius per accidens, & non per se.

Oppositum videtur docere S.D. in primo d. 17. q. vltima, art. 2. ad secundum, & p. 2. q. 52. art. 2. & 2. 3. q. 24. art. 3. vbi docet, non esse necessarium ad veram rationem motus acquirere nouam realitatem, sed sufficere noui modi acquisitionem, & sic est verus motus, motus decrementi, & remissionis formæ, quia eadem forma nouum modum acquirit scilicet magis, & minus, vel maius, & minus. Hæc sententia est Philosophi hic, tex. 18. vbi enumerat decrementum, & remissionem inter veros motus, qui sunt inter terminos posituios. Quod autem voluerit terminum illorum motuum esse illis intrinsicum, patet, quia decrementum denominatur, determinatur, & constituit quantum sub tanta quantitate, vel alteratio formam sub tali gradu intensiōis. Vnde ad primum aduersariour dicitur, quod decrementum, & remissio intensiōis formæ non sunt proprie, & simpliciter corruptiones, sed secundum quid, quia non terminantur ad non esse simpliciter, sed ad non esse tale, quod est quid posituium.

Ad secundum pudet respondere, quia corru-



corruptio totius caliditatis in aqua non est remissio, vel decrecio, sed corruptio. Sed nec quisdicet, totalem decrecionem extensionis quantitatis, vel intensiois formæ esse decrementum, vel remissionem, sed totalem destructionem, & mutationem. Ad tertium dixit S.D. sufficere ad diuersitatem motus secundum speciem, quod forma varietur, vel secundum se, vel secundum modum habentem ratione termini positui, unde quod habebat rationem partis idest gradus intensiois, vel extensionis, acquirit modum totius idest termini à quo. Ideo dicimus augmentum, & decrementum non variare essentiam quantitatis, nec intensioem, & remissionem essentiam formæ, sed variare modos, unde dicitur distinctio specifica modalis, & non itricte formalis.

## LECTIO VI.

## CAPVT IV.

*Vnus autem motus dicitur multipliciter.  
tex. 31.*

**H**ic Philosophus incipit determinare de vnitate motus. Ait ergo textu 31. quod sicut vnum multipliciter dicitur, ita vnus motus. Primo modo ergo aliqua dicuntur esse vnum genere, quia sunt, in eadem ordinatione generis, & hinc est, quod ea quæ sunt de vno genere prædicamentali, dicuntur vnus motus genere, vt omnes ambulationes, & motus ad locum dicuntur spectare ad prædicamentum vbi, & omnes alterationes, ad prædicamentum qualitatís. Secundo modo aliqua dicuntur esse vnus motus specie, quia terminantur ad eandem speciem, vt omnes dealbationes, vel denigrationes, nam sic albedo differt specie à nigredine, & albefactio à denigratione. Tertio modo aliqua dicuntur vnus motus specie secundum quid, quia illa species est subalterna, quæ ad superiora comparata dicitur species, & constituere vnum motum secundum speciem, sed comparata ad inferiora dicitur genus, & vnus motus genere.

In tex. 32. & 33. Mouet vnā dubitationem scilicet an si motus fiat supra

vnā magnitudinem multoties, de eodem in idem, sit vnus. Respondet quod non, quia ad vnitatem motus non solum requiritur vnitas termini, sed etiā spatij, modo spatium non est vnum. Nam si ad vnitatem motus non requireretur vnitas spatij, sequeretur quod motus circularis, & rectus possent esse idem, cum possint habere vnum terminum.

In tex. 34. ponit quomodo motus dicatur vnus simpliciter, seu numero, & dicit, quod ille dicitur vnus motus numero, quando habet triplicem vnitatem. Prima est subiecti seu mobilis. Secunda est magnitudinis supra quam mobile mouetur. Tertia est temporis, in quo mobile mouetur.

In tex. 35. excludit duos modos quibus motus non dicitur esse vnus numero, & simpliciter. Primus est quando mobile est subiectum per accidens, v.g. Coriscus albus. Secundus quando habet solum vnitatem termini specificam, & non numeralem vt contingit, dum duo homines sanantur in eodem tempore, & eadem medicina, ab vna, eademque infirmitate.

In tex. 36. ponit quandam dubitationem, scilicet an si idem subiectum v.g. Socrates duabus vicibus ab vna infirmitate sanetur, v.g. ab infirmitate oculorum sit ne eadem sanitas. Respondet quod non, quia impossibile est quod res corrupta eadem numero redeat, cum ergo prima sanitas fuerit corrupta per infirmitatem, secunda non erit eadem numero. Cætera quæ ad literam Arist. pertinent clara sunt, & superiora confirmant.

## QVÆSTIO X.

*Virum ad vnitatem motus requiratur  
vnitas mobilis, spatij, forma per  
motum acquisita, & temporis.*

**V**idetur quod non, & primo arguitur de forma. Nam quod est in continuo fluxu, variatur. At forma sub motu est in continuo fluxu. Ergo variatur. Ergo non erit eadem forma.

Secundo. Si dicamus quod sit eadem forma, sed non secundum eundem gradum. Arguitur. Gradus imperfectior  
Cc in per-

in perfectiori continetur. Sed quod in alio continetur, non est eiusdem speciei cum continente, ut patet de vegetatio, quod continetur in sensitivo, & sensiuum in intellectu. Ergo &c.

Tertio. Sic darentur gradus in forma. Hoc falsum dicunt Heuueus in primo d. 17. q. 4. art. 2. & Greg. q. 4. artic. 1. quia. Primo forma est inuariabilis essentia. Secundo quia formæ se habent sicut numeri, numeri autem in indiuisibili consistunt. Tertio per formam res habent certitudinem. Sed per Arist. decimo diuinorum id quo res habet certitudinem est quid minimum, & quid indiuisibile. Ergo Quia to. Vna forma speciei non potest simul esse in diuersis subiectis, non solum numerum, sed etiam specie distinctis. Sed albedo v. g. est in niue, pariete, & manu, quæ specie distinguuntur. Ergo dum ista albefacit, non mouentur vno motu.

Quinto. Descendat corpus viuum de turri, & in medio descensus moriatur, tunc est vnus motus de sursum, ad deorsum, & tamen non est idem mobile, quia corpus viuum, & mortuum distinguuntur specie sub corpore. Ergo ad vnitatem motus non requiritur vnitas mobilis.

Sexto. Mouearur vna arbor, media parte viridis, & media sicca, tunc mobile non est vnum, & motus est vnus. Prob. quod mobile non sit vnum, quia quæ specie differunt, non possunt continuari. At lignum viride, & siccum specie distinguuntur, ut animatum, & inanimatum. Ergo &c.

Septimo. Arist. hic tex. 13. dicit, quod si quæ continuatæ pulsatione prius tangat summam cordam, & deinde imam, medijs non tactis, hic motus erit vnus, & tamen non est idem mobile, id est eadem corda tacta, & pulsata.

Octauo. Mouearur lapis de orbe lunæ ad terram, tunc hic motus est vnus, & non interruptus, & tamen spaciū non est idem, quia transit per ignem, aerem, aquam, & terram vsque ad centrum. At cum hæc elementa habeant diuersas superficies, dicunt etiam diuersa spacia, & loca.

Nono. Dum manus transit de frigido

ad calidum, transit de contrario ad contrarium. Ergo de forma ad formam. Ergo ad vnitatem motus non requiritur vnitas formæ.

Decimo. Demus terram esse perforatam à summo vsque deorsum, & quod per foramen lapidis proiciatur, tunc à centro transibit ad imum, & deinde redibit ad centrum, quia omne graue tendit ad centrum en vnum mobile duplicem motum habens.

Vndecimo. Probatur non esse necessariam vnitatem temporis. Nam per tempus vel intelligimus tempus vt est in primo mobili mensurante omnes motus. Vel per ipsum intelligimus mensuram propriam, & immediatam vniuscuiusque motus. Non primum, quia est vnum in omni motu, non secundum, quia hoc non sufficit.

Duodecimo. Ad huc ad vnitatem motus pollulari vnitas mouentis, quod expressit Arist. tex. 49. & hoc hic tacuit. Pro resolutione huius questionis. Primo aliqua annotabo. Secundo loco conclusionem nostram probabo. Tercio diluam argumenta. Primo ergo notandum venit, quod circa præsentem questionem plures essent ponendæ opiniones, nisi de intentione, & modo intentionis formæ egissem in 8. Meth. ideo nunc solum noto quod de vnitatem motus bifariam loqui contingit. Primo de vnitatem generica, vel specifica, & sic de hac non loquimur, quia abstrahit a tempore, & motu. Secundo de vnitatem formali, & ita de hac est disputatio, querendo v. g. an dum paries dealbatur, vel manus calefit, dealbatio, & calefactio possit dici vnus motus.

Secundo ergo loco noto, Aristot. hic tres conditiones attribuisse vnitati motus, scilicet vnitatem mobilis, formæ, & temporis, quibus ex sequentibus addenda est vnitas spatij, quod probauit Aristot. quia motus circularis, & rectus sunt diuersæ speciei, propterea quod sunt per diuersa spacia.

Quoad secundum conclusio est. Ad vnitatem motus requiruntur vnitas mobilis, formæ acquirite per motum, temporis, & spatij, supra quod fit motus. Prob. de vnitatem mobilis. Idem accidens non potest esse in diuersis subiectis. Sed

motus.

motus est accidens. Ergo idem motus non potest esse in duobus subiectis. Intellige discontinuis, & disparatis. Secundo prob. de vnitare formæ. Nam motus est fluxus formæ. Ergo vnus fluxus, vnus formæ. Tertio prob. de vnitare temporis. Nam qui est cessatio motus. Ergo si mobile per aliquam moram quiescat, amplius non mouetur, eo modo quo mouebatur. Ergo si incipit de nouo moueri, erit alius motus. Quarto prob. de vnitare spatij, quia aliter (vt diximus) motus circularis, & rectus esset idem.

*Argumenta soluta.* Ad primum dicitur, quod variari stat dupliciter. Primo per diuersas partes, seorsum existentes. Secundo per successiuam intensiōem, & perfectionem formæ in subiecto. Primo modo tollit vnitatem motus; vnde qui tenent intensiōem formæ esse per additionem partis ad partem, coguntur negare vnitatem motus. Secundo autem modo non est formam variari, sed alio, & alio modo à subiecto suscipi, idest intensius, & remissius & sic nos tenemus intensiōem formæ fieri per maiorem radicationem in subiecto.

Ad secundum dicimus, quod duplex est continens. Primum dicitur continens gradum eiusdem formæ. Primum distinguitur specie a forma contenta, vt dictum est de vegetatiuo, & sensitiuo in intellectu. Secundum vero non distinguitur specie, sed secundum magis, & minus, & hoc ratione subiecti participantis formam intensius, & remissius.

Ad tertium dicendum, quod dentur gradus in forma dupliciter intelligi potest. Primo in essentia formæ, & hoc est falsum, quia secundum se est inuariabilis, indiuisibilis, & se habet sicut numerus, vt argumenta probant. Secundo in subiecto, secundum quod ab eo suscipitur, & sic habet gradus intensiōis, & remissionis, quia in subiecto intenditur, & remittitur.

Ad quartum dicendum, quod vna forma non potest esse in diuersis subiectis sibi adæquatis, inadæquatis, utique vt sunt omnia illa quæ eam participant, sed non secundum totum suum esse, & per-

fectionem. Secundo dicitur quod valet de forma non participabili, non vero de participabili, vt sunt formæ, quæ possunt intendi, & remitti in subiecto.

Ad quintum respondent aliqui, illum esse vnum motum, quia subiectatur in materia, quæ remanet eadem sub viuo, & mortuo, sed hanc sententiam reieciimus in 7. Meth. vbi ostendimus compositum esse subiectum accidentium, & eadem accidentia nō remanere in viuo, & mortuo. Dicimus ergo illum motum non esse vnum simpliciter, quia ei deficit vnitas mobilis, nam dum in via moritur, primum non esse præcedentis formæ fit primum esse subsequens, idest cadaueris, & ideo cum formæ varientur, & mobile, & accidens, idest motus intelligitur variata.

Ad sextum dicendum, quod si mobile non est vnum (vt vere non est vnum continuum, sed tantum contiguum) nec motus erit vnus, nisi secundum quid, quia ei deicit vnitas mobilis.

Ad septimum primo dicimus, Arist. ibi explicasse ad continuitatem motus requiri etiam continuitatem spatij, sed parum interrupti, sicut fit in pulsatione cordarum citharæ, nam parum physice, pro nihilo reputatur. Secundo alij dicunt, ibi Arist. loqui de continuo solum secundum quid, idest de habente continuitatem temporis, insequentibus vero loqui de continuo simpliciter, dum motui etiam attribuit continuitatem spatij. Tertio respondent Conimbr. quod in pulsatione citharæ duo inspicere possumus, primum est manus, quæ cordas pulsar, secundum sunt cordæ pulsatæ. Dicunt ergo quod & si respectu cordarum motus non sit continuus, quia successiue non tanguntur, tamen ex pari manus motus est continuus, quia de se prima ad imam transit, vel e contra, transeundo etiam per spacium occupatum à cordis non pulsatis.

Ad octauum dicunt Conimbr. diuersas superficies non officere, cum tantum sit vnum vbi acquisitum. Sed si hoc valeret, procederet de vbi terminatiuo, nres mota semper habet aliquod vbi, vnde in diuersis locis sunt diuersa vbi. Si igitur diuersa sunt loca elementorum per quæ transit, plura habebit vbi. Dicen-

dum est igitur, quod illud spatium bifariam considerari potest. Primo Math. ut solum spatium dicit. Secundo Physice, ut dicitur spatium in tali, & tali re. Primo modo est vnum, & de tali spatio hic loquimur, argumentum autem procedit de spatio secundo modo, extra propositum.

Ad nonum dicendum, quod duplex est motus. Primus est secundum eandem formam, ut dum verbi gratia caliditas augetur, vel minuitur. Secundus est per diversas formas, ut dum à subiecto caliditas eijcitur, & frigiditas introducitur. Primus motus est positivus, & secundus aliquo modo negativus. Dum ergo nos dicimus ad unitatem motus preexigi unitatem formæ, loquimur quando est secundum eandem formam, nam quando est secundum diversas, dicitur potius generatio, vel corruptio secundum quid, quam motus. Vel secundo dicitur, quod tunc duplex est motus. Primus terminatur per vnam formam, & alius per aliam incipit, quare cum deficiat unitas formæ sub motu, non erit idem motus numero.

Ad decimum dicendum, quod lapis descendens quiescet in centro, quia ad suum terminum properavit, nec valet quod terra sit perforata, quia elementa in suo loco naturali non sunt gravia, ut patet de aqua in mari. Vel dicendum, quod si absque quiete in cætro ad aliam partem moveretur, & iterum rediret, duplex erit motus Physice, quia motus sursum, & deorsum Physice distinguuntur, Mathematicæ autem poterit dici vnus motus, quia non fuit per quietem interruptus.

Ad undecimum. multi multa dicunt, nos autem breuiter dicimus, per unitatem temporis sumere tempus sine media quiete, quod est subiective tanquam in primo subiecto in motu primi mobilis, & ut in mensurato in mobili, sub motu tunc nullo modo quiescente.

Ad duodecimum respondendo inuenio duas opiniones. Prima affirmat ad unitatem motus necessariam esse unitatem mouentis, scilicet quod vnus mouens moueat. Hanc defendunt Coninib. hic, c. 4. q. 5. & alij plures & probant. Primo expresso testimonio Arist. 3. Physicorum tex. 4. ubi dicit, ad unitatem motus

necessariam esse unitatem agentis. Secundo. Quia diuersa agentia agunt per diuersas virtutes, ergo per determinatas actiones. At motus, & actio idem sunt realiter, ergo si non est eadem actio, nec erit idem motus. Secunda sententia negat necessariam esse unitatem mouentis ad unitatem motus. Hoc probat. Primo. Quia Arist. de hac unitate nullam fecit mentionem, unde si fuisset necessaria manicus fuisset. Secundo. Quia semper sunt plura agentia ad eundem motum concurrentia scilicet prima, & proxima, superiora, & inferiora, quæ agunt per diuersas virtutes, & si subordinatas. Tertio. Quia non implicat per absolutam Dei potentiam plures causas immediatas, proximas & adequatas, concurrere ad productionem eiusdem effectus, & tunc necesse erit quod per eandem actionem agente & sic vnus effectus erit à pluribus causis. Ruuius hic cap. 4. q. 2. ad vltimum conatur has duas opiniones conciliare dicendo, quod motus bifariam considerari potest. Primo materialiter, ut est idem cum actione, & passione. Secundo formaliter, ut secundum se consideratur, Primo modo dicit postulare unitatem agentis, in quo sensu locutus est Arist. 3. Physicorum. Secundo vero modo sufficit ipsum habere condiciones superius assignatas, quo pacto fuit hic consideratus.

Sed melius puto dicendum, quod de unitate motus bifariam loqui contingit. Primo de unitate motus, ut in actu est. Secundo ut in potentia est. Ad primam unitatem sufficiunt quatuor illæ condiciones, & sic unitas agentis per accedens erit, nam motus ut motum, & fluxum dicit, non habet ab intrinseco quod sit ab vno, vel duobus agentibus, ab vna, vel duabus virtutibus per modum vnius. Secundo autem modo requirit unitatem mouentis formalis, reducentis potentiam mobile, ad actum motum, nam actiones, ut actiones ab agentibus determinantur, ideo vnus motus debet causari ab vno agente, vel à pluribus per modum vnius agentis. Vnde Arist. in 8. Physicorum loquitur de mouentibus per modum plurium concurrentibus, ut ibi patet aperte, & per hoc patet ad argumenta.

## LECTIO VII.

## QVÆSTIO II.

**P**RO complemento huius quinti libri, sunt solvenda aliquæ difficultates.

Prima ergo difficultas occurrit circa text. 36. An agens naturale possit regenerare idem corruptum secundum numerum, & secundum substantiam. Videtur quod sic. Nam per Philosophum secundo de generatione, text. 36. Idem in quantum idem, & similiter se habens, semper aptum natum est facere idem. Sed potest dari casus, quod unus ignis per tres horas eodem modo se habeat circa aquam, & in prima hora ei applicetur, ad calefendum per medietatem eiusdem horæ, & deinde remoueat ab igne, & refrigeretur, & refrigerata in initio secundæ horæ iterum applicetur igni eodem modo se habenti, & æqualiter ut prius calefacienti, tunc videtur dicendum, eandem esse calefactionem.

Secundo, per Philosophum quinto Meth. Illa sunt vnum numero, quorum materia est una. Sed una aqua pro materia potest stare sub duabus calefactionibus. Ergo &c.

*Sensus*  
*quæstio-*  
*nis ap-*  
*eritur.*  
**P**ro solutione huius dubij notandum est, quod hic loquimur de reparatione eiusdem numero, secundum numerum. Nam idem secundum speciem reparari patet in generatione, dum generans reparatur in genito. Secundo loquimur de reparatione substantiali, & terminatiue. Nam materia prima sæpe subiectiue generatur, & corrumpitur, se non eius substantia, nec terminatiue, ut alias ostendimus. Secundo loquimur naturaliter, ideo.

*Opinio-*  
*nes.*  
**S**ecundo notandum venit, quod an per diuinam potentiam idem secundum numerum possit reparari, est duplex opinio. Prima est quorundam, scilicet quod per absolutam Dei potentiam idem numero non possit bis generari. Hoc probant. Primo. Quia Deus non potest bis generare id quod est, quia dum res est, in generabilis est. Ergo nec potest eandem rem regenerare dum corrupta est. Probatur. Res quæ generatur non fuit ante, cum mutatio sit præsens de non ef-

se ad esse. Sed res corrupta actu fuit. Ergo non potest regenerari. Secundo. Nulla potest assignari causa, quod dum res est non possit iterum generari, & corrupta utique.

In contrarium ponuntur duæ conclusiones. Prima est. Idem numero corruptum, non potest regenerari, & reparari numeraliter. Probatur primo. Generatio fit per ordinem quem habet materia ad formam, sed materia non habet ordinem ad formam corruptam. Ergo. Probatur minor, quia ordo potentie ad actum supponit formam ut acquirendam, & non ut deperditam. Secundo. Maior est interruptio secundum esse, quam secundum magnitudinem. Sed interruptio secundum magnitudinem tollit unitatem rei diuisæ, ut si diuidatur lignum per medium, & ex vno ligno duo ligna fiant. Ergo corruptio quæ est interruptio secundum esse, unitati naturalis magis obstabit. Tertio quilibet generatio est terminus præcedentis alterationis. Sed in separatione essent duæ alterationes. Ergo ibi essent duæ generationes, & consequenter duo genita. Quarto Ad generationem inferiorum necessarii sunt influxus cælestes. Sed hi non possunt reparari, & redire cum sint inuariabiles. Ergo &c. Secunda conclusio. Per absolutam Dei potentiam idem numero corruptum potest reparari. Probatur. Non implicat Deum omnia illa quæ fuerunt necessaria, ad generationem v.g. Sortis in esse restituere, & in eadem priori dispositione, quia quod fecit, iterum facere potest. Ergo Deus poterit reparare idem numero genitum.

Ad primum contra primam conclusionem dicitur, quod propositio Philosophi intelligitur de idem, vel eodem secundum speciem, & non secundum numerum, nam ignis idem manens duplicem caliditatem in aqua producit, quia prima fuit corrupta, & non est simile si interrumpatur intentio caliditatis, quia quamuis interrumpatur intentio caliditatis, remanet tamen eadem forma, & ideo potest de nouo augeri, non sic vero quando corrupta est in totum, nam tunc non potest redire nisi secundum speciem.

Ad secundum dicitur ad propositum Philosophi, quod habere vnam ma-

*Conclus.*  
*proba-*  
*tur.*

teriam stat dupliciter. Primo sub eadem potentia proxima, & propria. Secundo sub potentia remota. Secundo modo non facit vnum numero, sed vnum specie, & genere. Primo autem modo facit vnum numero, modo negatur quod in corrupto sit eadem potentia propria, & proxima, quæ præcessit, est enim similis in specie, sed non eadem numero, cum sit corrupta. Hinc quamvis v.g. dulcedo, albedo, grauitas, & figura sint in vno subiecto, non tamen sunt formaliter, & inter se vnum numero, sed solum subiectiue, quia idem subiectum sub alia, & alia potentia respicit ista accidentia.

Ad primum autem contra secundam conclusionem dicitur, quod corruptum comparatur ad duplicem generationem, scilicet primam, & secundam à prima distinctam, & non vt eam includentem, vt argumentum peccando probat.

Ad secundam respondetur, hoc provenire ex parte rei, quia dum est, non est in potentia ad generationem, ad quam est in potentia dum corrupta est, & ideo potest iterum reduci ad actum.

## QVÆSTIO XII.

*An sit vna sanitas non interrupta per infirmitatem in sano.*

**A**rist. tex. 36. quaerit, an sit eadem sanitas numero, quæ manet in sano, non infirmato, & tex. 38. dicit, hoc dubium esse extra intentionem Physici, quia agere de vnitatem, ac diuersitate formarum est munus Meth. qui in 10. Meth. agit de vno, multis, diuersis &c. tamen ne ieiunus recedas, arguo non esse eandem sanitatem. Nam quod mutatur, idem non manet. Sed sanitas mutatur, quia corpus quandoque est magis sanum, & quandoque minus. Respondetur primo, quod duplex est forma. Prima stat in indivisibili, quia nec intenditur, nec remittitur, vt est forma substantialis, & numeri. Aliæ vero sunt intensibiles, & remissibiles, quæ sunt de genere qualitatis, vt albedo, caliditas, & similes, quæ suscipiuntur secundum magis, & minus. Modo dico quod id quod mutatur primo modo non manet idem, quod vero mutatur secundo modo, vt est sanitas, sem-

per est eadem quamvis non eodem modo participetur. Vnde secundo respondetur, quod sanitas bifariam considerari potest. Primo secundum se, & sic est forma simplex, & non mutatur secundum suam essentiam, nec suscipit magis, & minus. Secundo vt participatur à subiecto, & sic mutatur secundum magis, & minus, quia subiectum quandoque est magis sanum, & quandoque minus, sed hæc non est mutatio formæ, sed subiecti, vt bene explicat. S. D. tex. 37.

## QVÆSTIO XIII.

*Si motus regularis est magis vnus, quam irregularis.*

**A**stert Philosophus tex. 43. Motum regularem, idest seruantem eandem vniiformitatem in velocitate, vel tarditate motus, esse magis vnum, quam motum irregularem idest non seruantem eandem vniiformitatem. Hoc autem videtur falsum, quia vnitas motus non consistit in tarditate, & velocitate, sed in vnitatem formæ, mobilis, spatij, & temporis, quæ etiam possunt seruari in motu difformi, & irregulari, vt si duo pergant continuo per vnā viam, & per mediā horam eadem celeritate, & in alia medietate, vnus eadem velocitate iter continet, & alius remissius pergat, sed continue.

Sed respondetur, quod duplex est vnitas motus. Prima dicitur essentialis, & hæc consistit in quatuor illis enumeratis. Secunda dicitur essentialis, & modalis simul, & hæc vltra enumerata postulat eandem velocitatem, vel tarditatem, ideo vnus motus secundo modo, vt est motus vniiformis, est magis vnus extensius, & pluribus modis quam motus difformis, qui est tantum vnus essentialiter, sed non modaliter, & ita omnia recta videntur magis vnum, quam tortuosa, quia recta habent vniiformitatem in longitudine, non sic tortuosa.



LECTIO VIII.

QVAESTIO XIV.

**A**N sint duo motus secundum se, quādo aliquid ex contrario mouetur, in contrarium.

Philosophus text. 47. docet motum de contrario in contrarium esse vnum re, & diuersum ratione, ideo hac occasione quaeritur, an hic vere duplex sit motus, vel vnus tantum. Videtur enim vnus tantum. Primo, quia Philosophus hic docet talem motum esse vnum re, & eiusdem speciei.

Secundo. Dum manus ex frigida fit calida, idem est subiectum vtriusque contrarij, quod de vno ad aliud tendit. Ergo est vnus motus, quia vnum est mobile.

Tertio. Vbi est vnus terminus ad quē, ibi est vnus motus secundum speciem. Sed dum nigrum fit album vnus est terminus ad quem, quia mobile deperdendo nigredinem tendit ad albedinem. Ergo erit vnus numero motus.

Quarto. Si illi essent duo motus, sequeretur, quod vnus motus haberet duos modos contrarios, v.g. acquisitio albedinis haberet pro contrario deperditionem albedinis, quia acquisitio albedinis contrariatur deperditioni, & insuper haberet pro contrario acquisitionem nigredinis, quia acquisitio albedinis, & deperditio nigredinis sunt motus contrarij. At per Arist. vnus motus nō habet duos modos contrarios. Ergo &c.

Quinto. Sic etiam sequeretur, quod vnus duobus motibus moueretur, puta deperditione albedinis, & acquisitione nigredinis, quia acquisitio nigredinis terminatur ad nigredinem, & deperditio albedinis in albedinem, qui sunt motus contrarij ad quos.

Sexto. Vnitas motus desumitur ab id quod est motus intrinsecus. At solum terminus ad quem est motus intrinsecus, & hic vnus est, terminus vero à quo est extrinsecus. Ergo motus de contrario in contrarium intrinsece non erit nisi vnus.

Pro solutione huius quaestionis. Primo notandum venit, quod circa eam sunt plures modi dicendi. Nam quidam di-

cunt, quod motus sumptus pro fluxu vnus est, quia tantum tendit in terminum ad quem, sumptus vero pro forma est duplex, quia vna abijciatur, & alia acquiritur. Ita docet Paulus Venerus hic, cum quibusdam alijs. Alij dicunt, proprie non esse duplicem motū id est inter duos terminos posituios, sed potius habere rationem corruptionis, quia forma à qua in contrarium incipit motus corrumpitur. & forma ad quam est motus acquiritur. Alij dicunt, quod vnus tantum est motus, quia vnus tantum est terminus intrinsecus motus id est terminus ad quem, terminus vero à quo extrinsece se habet ad motum. At opinio S.D. hic, Coment. & Alberti Magni est, quod duo sint motus.

Secundo igitur notandum venit, quod motus de contrario in contrarium bisariam considerari potest. Primum vt dicit tantum fluxum, & sic dicitur de se vnus, quia terminus à quo non intelligitur sub fluxu, cum ab eo sit recessus, & ad terminum ad quem si accessus. Secundo vt dicit formam sub fluxu successiuo, & sic dicimus duplicem esse motum.

Tertio ergo notandum, quod hic non loquimur de inuentionibus formarum, in inuisibilis consistentium. Nam hae non dicuntur moueri successiue, sed in instanti mutari. Loquimur ergo de formis, quae intensionem, & remissionem pariuntur. Hae autem in terminis ad quem contraria dicuntur, vt albedo, & nigredo, sanitas, & infirmitas, sed in medio permiscuntur, vnde contrarietas ipsarum non pensatur ex medio, sed ex extremis. Volumus igitur dicere, quod in motu de contrario in contrarium est duplex motus. Primus quo intelligitur forma termini à quo moueri ad medium, & alius quo intelligimus formam termini ad quē cōtinui abijcere formam termini à quo, & quo ad gradum intensionem, & remissionem, & accedere ad terminum ad quem id est ad suum esse formale, quo contrariari dicitur foris exillenti sub termino à quo.

Quarto ergo loco principali ponitur hae conclusio. Dum mobile mouetur de contrario in contrarium, intelligitur duplici motu moueri. Probat. Primo. Dum nigrum fit album, non solum albe-

albedo fuit, sed etiam nigredo, vna ascendendo, & alia recedendo. At vbi duplex est fluxus duarum formarum, duplex est motus. Ergo in motu de contrario in contrarium duplex est motus. Respondet Toletus, quod fluxus termini à quo non est motus, sed mutatio, vnde solus fluxus termini ad quē dicitur motus. Sed hæc responsio est falsa. Primo, quia nigredo non corrumpitur in instanti, sed in tempore, idest successiue, vsque quo venit ad medium. Secundo quia sic nullus esset motus distinctus à mutatione, si terminus à quo intelligitur corrumpi, & mutari, & non moueri. Hoc autem est contra Arist. ponentem motum de contrario in contrarium inter duos terminos posituios.

Secundo. Motus augmenti, & decrementi, accessus, & recessus duo sunt. Sed talis motus reperitur inter duo contraria, quia intensio vnus decrescit, & alterius crescit. Ergo &c.

Tertio. Terminus à quo non facit ad vnitatem motus, vt supra probatum fuit. Ergo facit ad eius diuersitatem.

Ad primum dicimus, motum de contrario in contrarium vere esse vnum materialiter, quia vere est vnus fluxus, sed distingui formaliter, scilicet ratione formarum fluentium.

Ad secundum dicimus, vnum esse mobile, sed sub duplici forma fluente, & ideo duplicem esse motum.

Ad tertium dicendum, quod terminus ad quem facit motum esse vnum formaliter, & denominatione, quia motus specificatur à termino ad quem, sed tamen hic vnus motus supponit alium motum idest deperditionem sui contrarij.

Ad quartum dicimus, acquisitionem albedinis includere contrarietatem deperditionis nigredinis, quia vnum expellit aliud, & ideo non sunt duæ contrarietates, sed vna.

Ad quintum dicimus, quod deperditio albedinis non terminatur ad albedinem, quia albedo non acquiritur, sed deperditur, vnde terminatur ad medium.

Ad sextum negatur minor, de ratione enim intrinseca motus est vterque terminus, quamuis diuersimode vt explicatum est.

## Q V AESTIO XV.

*An quies contrarietur motui.*

**V**idetur quod non. Nam per Arist. 10. Diuinorum. Vnum, vni est contrarium. Sed motus contrariatur motui per Arist. hic, vbi dicit ægritudinem contrariari sanatio, quia ægritudo est motus ad ægritudinem, & sanatio ad sanitatem. Ergo quies non potest contrariari duobus &c.

Secundo Oppositio contraria est inter duos terminos posituios, & priuatiua inter priuationem, & habitum. At quies opponitur motui, vt eius priuatio. Ergo non opponitur ei contrarie. Maior est Arist. 10. Diuinorum Minor patet.

Tertio. Illud quod ad aliud ordinatur, non opponitur ei ad quod ordinatur, cum contraria opponantur ad inuicem, & non ad inuicem ordinentur. Sed motus ordinatur ad quietem, nam mouens mouet formam ad terminum, vt sub eo quiescat. Ergo &c.

In contrarium est Philosophus hic, tex. 53.

Pro resolutione questionis dicito, quietem contrariari motui, his subintellectis. Primum, quod ei contrariatur contrarietate communiter, quæ stat inter habitum, & priuationem, non autem contrarietate propria quæ stat inter duos terminos posituios. Secundum, quod hic est sermo non de quiete quam habet mobile in termino ad quem ad quam ordinatur motus, sed de ea quam habet in termino à quo motus incipit, verbi gratia Petrus incipit albescere à nigredine quæ rejicit. Tertium est, quod loquimur de termino à quo, non vt est in amissione forme successiue, sed vt est sub quiete, vt Petrus subnigredine debeat moueri ad albedinem.

Ad primum primo dicimus ad maiorem, quod hæc propositio. Vnum vni est contrarium glosatur primo de contrarijs in extremo sumptis scilicet in termino à quo, & ad quem, & non vt in medio adiunctis, quia medium potest opponi duobus extremis, vt color fuscus, albedi-

albedini, & nigredini. Secundo valet de contrarijs contrarietate perfecta, quæ dicit maximam distantiam duarum formarum, positiuarum, sub eodem genere, non vero valet de contrarietate imperfecta, & communiter, quia vnum pluribus potest contrariari. Tertio valet, quod si vnum pluribus contrarietur, erit verum pro quanto accedit ad naturam, vel rationem eius proprii contrarij. Patet ergo quod non valet in priuatione, & consequenter in quiete quæ priuatione opponitur motui. Vel secundo dicas ad minorem, quod quies bifariam considerari potest. Primo vt respicit terminum ad quem, & sic dicitur eius priuatio. Secundo vt dicit formam sub termino à quo, & sic forma existens, sub termino à quo, contrariatur formæ existenti sub termino ad quem, & per hæc patet ad secundum.

Ad tertium dicitur, quod procedit de quiete sub termino ad quem, nos autem loquimur de quiete sub termino à quo.

## I 2 V H 9 Q V Æ S T I O XVI.

*Verum quies in terminum ad quem sit per se  
finitio motus.*

**R**esolutio huius quæsitæ formalis, & breuis est, quod metus bifariam sumi potest. Primo pro fluxu, & sic quies in termino ad quem non est eius perfectio, sed negatio, & priuatio. Secundo pro forma fluente, & transiente de esse imperfecto sub motu ad esse perfectum, & permanentem sub termino motus, & sic dicitur perfectio motus, quia sic adipiscitur suam perfectionem, & statum permanentem.

### Finis Quinti Libri Physicorum.



# SEPTIMVS

## PHYSICORVM

CAPVT I.

### LECTIO I.

S. D. I.



**H**ic Philosophus intendit determinare de motu in ordine ad primum motorem, unde pro explicatione eorū quæ dicuntur ab Arist. in prima lectione S.D.

contenta, tria agenda erunt. Primo enim breuiter explicauimus literam. Secundo ad eam aliquas annotationes addemus. Tercio. quædam dubia apponemus.

Quo ad primum habendum est pro generali intentione Arist. in hoc septimo libro, quod intendit aliqua principia ponere, ex quibus in octauo concludet causam effectricem motus esse æternam. In primo ergo text. *Incipit vna in vniuersalem hypotesin, videlicet, quod omne quod mouetur, ab alio mouetur, quam in duobus primis textibus duabus rationibus probat.* Prima ergo ratio est. Omne quod mouetur, aut mouetur ab intrinseco, aut ab extrinseco. Sed quod mouetur ab extrinseco, ab alio mouetur, vt patet de lapide sursum proiecto, à proiiciente. Item quod mouetur ab intrinseco, ab alio mouetur, quia tam animalium, quam inanimatum, mouetur à partibus, quarum vna se habet vt mouens, & alia vt mota. Secundo hoc probat sic. Illud quod mouetur ad motum alterius, & quiescit ad quietem alterius, non mouetur per se primo, quia sic ab alio dependet. Sed omne quod mouetur, mouetur ad motum alterius, & quiescit ad alterius quietem. Igitur ab alio mouetur. Minor in quo stat dif-

ficultas probatur, quia omne quod mouetur, est diuissibile saltem in duas partes. Modo patet, quod vna mota, alia mouetur, & vna quiescente, & alia quiescit. Tercio potest hoc probari elicitur ex Phil. sic. Idem non potest simul esse in potentia, & in actu. Sed in compositis ex partibus foris mouetur, ergo quod se habet vs materia, mouetur. Quo ad secundam, primo notandum est, quod motus dupliciter considerari potest. Primo secundum se, & in ordine ad naturam, & ad suas partes proximas, & cetera quæ motum consequuntur, videlicet infinitum, locus, tempus, & quoad suas species, & sic de eo hucusque actum est. Secundo potest considerari in ordine ad primum motorem, & sic in hoc libro consideratur, unde aliqui fuerunt in sententia, hunc septimum librum esse partem octauī libri. Sed nos communem sequimur opinionem, esse præambula rem ad octauum, & Aristotilem pro auctore habere, quod constanter docet Simplicius, & Auerroes, Diuidentur autem in duas partes principales, in prima, ostendit dari primum motum, & primum motorem, in secunda vero comparat mobilia in velocitate, & tarditate motus.

Secundo notandum venit, Philosophum in his libris physicis ordinem doctrinæ seruare, & non naturæ. Nam communiora nobis notiora dicuntur, & ab his incipiendum venit per Arist. primo Physicorum, modo principia motus vniuersaliora, & communiora sunt ea de quibus hucusque actum est, nam modo ea applicantur ad primum motorem, quapropter Arist. primo egit de principijs essendi rerum naturalium, videlicet de materia, forma, & priuatione, & hoc in primo libro, in secundo vero egit de principijs cognoscendi, id est de natura, de causis per se, & per accidens, in tertio de consequentibus naturam, id est de motu, infinito, loco, vacuo, & tempore.

Ordo p-  
cedendi.

pote. In quibus disputatur de speciebus motus, de eius unitate, & diversitate; & in sexeo de diuisibilitate, & indiuisibilitate motus, hic autem incipit hæc principia applicare ad primum motorem.

Tertio notandum venit, quod Philosophus in text. dicit, quendam moueri ab intrinseco, & quendam ab extrinseco; & quod in motis ab extrinseco clarum est; quod per se primo à seipso non mouentur. Hoc autem dixit esse manifestum ob duplicem causam. Prima est, quia mora ab alio propter hoc quod ab alio mouentur, à seipsis non moueri constat. Secunda est quia mora ab alio violenter (de quibus apud Doctores habet sermonem Philosophus) patet non moueri per se. In motibus autem intrinsece motu physico, & diuisibili, necesse est dicere, quod cum diuidantur in duas partes, ratione vnius moueant, & ratione alterius moueantur, & sic non mouentur per se.

Q V A B S T I O L.

Utrum aliquid possit moueri à seipso.

Videtur quod sic. Voluntas seipsam mouet ad actum volendi. Ergo.

Secundo. Aqua calefacta se reducit ad frigiditatem. Ergo mouetur a seipsa.

Tertio. Subiectum per naturalem consuetudinem causat, & recipit propriam passionem. Ergo &c.

Quarto. Cor mouetur motu locali in corpore, sed non ab alio, cum sit principium omnis motus in corpore, & idem non possit esse mouens, & motum. Ergo aliquid potest moueri a seipso primo.

Quamuis hanc questionem ad longum examinauerimus in 9. Meth. tamen in gratiam Physicorum aliqua alia dicemus, & repetemus. Sciendum est ergo primo generaliter, quod Aristoteles intelligit semper, & directe verificare hanc propositionem. Omne quod mouetur, ab alio mouetur, &c. in motis motu Physico, in motis vero motu Metaphysico, solum extensiuè, & indirecte. Sed nec intendit loqui absolute in omni natura, sed in composita ex materia, & forma, quæ est illa, quæ proprie mouetur Physice, ut notauit S. D. de veritate q. 3. art. 3.

Sed distinguendum venit, quod qua-

drupliciter potest intelligi aliquid moueri a seipso primo de eo quod dicitur moueri virtualiter, & potentia. Secundo loquendo de eo quod secundum omnes suas partes mouetur, & non solum secundum vnam, & secundum manum, vel brachium. Tertio de eo quod mouetur a se, & per se primo, ut est primum mouens. Quarto de eo quod primo mouetur, via generationis, ut est cor secundum medicos. His modis stantibus, quærimus, an aliquid possit moueri a se ipso.

Secundo igitur notandum, quod duobus modis potest intelligi moueri a se ipso primo. Primo ut idem sonat quod intrinsece; Secundo ut idem sonat secundum quod ipsum totum, & non ratione alicuius partis. In primo modo non est difficultas, quia omne compositum ex materia, & forma dicitur moueri per se, id est intrinsece a sua forma, vnde in secundo stat nodus difficultatis.

Tertio sciendum est, quod moueri secundum totum adhuc stat dupliciter. Primo ut idem dicit quod non per partem. Secundo ut idem sonat quod omni alio præciso, ita ut sit sibi causa motus, & hoc ab alio non habeat. Tunc Scotus dicit, quod aliquid potest moueri per se primo, primo modo, ut graue descendendo deorsum, non tamen secundo modo, quia quamuis graue non secundum omnem suam partem se moueat, & moueatur, id tantum, se mouet orni alio præciso. Sed hæc opinio figmentum est, & alibi reprobata, nam omne diuisibile per se primo non potest moueri per Aristotelem. graue etiam est diuisibile. Ergo.

Ad primum igitur dicendum, quod voluntas mouetur a Deo, & ab intellectu. A Deo quidem quo ad primum actum voluntatis. & ita intellectus cum specie producat intellectionem, & ut pura potentia eam recipit. Et ita Angelus seipsum per suam substantiam intelligit, & eius intellectio in intellectu eius recipitur, & voluntas ut potentia recipit volitionem, & cum potentia eam producit.

Ad secundum dicendum, quod in aqua se reducens ad frigiditatem duo sunt. Primum est agens principale, quod dicitur generans, operans mediante substantia aquæ, & eius potentia reducens aquam ad frigiditatem. Secundum dicitur

Moueri  
à seipso  
quadrup-  
liciter.

Intelli-  
gitur du-  
pliciter.

tur agens quo, scilicet quo mediante aqua mouetur ad frigiditatem, & tale est qualitas frigiditatis existens in aqua, qua mediante generans eam reducit ad frigiditatem. Ita habeas calorem se augere in ventriculo tempore hyemis ab alio, scilicet a frigore circumstante, & ita dic de multis alijs similibus.

Ad tertium dicimus, quod duplex est motus, & motio, scilicet per mediam actionem, & per naturalem concomitantiam absque alia singulari actione. Argu-mentum procedit de motione secundo modo, nos autem loquimur hic proprie de ea primo modo.

Ad quartum dicimus cum S. D. opus. 35. cor moueri motu continuo, & circulari ab anima, vt a primo principio motus, & a potentia motrice, quæ in ipso hæret, vnde ratione potentie, mouetur, & ratione virtutis motricis dicitur mouere, hocque sibi vendicat ex sua perfectione, quia est principium omnis motus in animali.

#### Dubia.

Circa supradicta etiam sunt aliqua dubia. Primo enim dubitatur circa rationem Philosophi, nam eam impugnari Galenus sic. Id quod mouetur per partem, mouetur per se. Ergo non bene inferitur, illud mobile non moueri per se, quando vna pars quiescit, & alia pars mouetur.

Ad hoc dicitur, quod moueri per se stat dupliciter. Primo vt distinguitur e contra per accidens, & sic verum est, quod id quod per partem mouetur, per se mouetur. Secundo vt distinguitur contra hoc quod est primo moueri, & non per aliud, & hoc est quod intendit Philosophus, scilicet quod illud quod mouetur per partem, ab alio mouetur, & non per se primo.

Secundo dubitatur contra eandem rationem, quia supponit vnum impossibile, nempe quod totum moueatur, & pars quiescat. Nam totum non est nisi suæ partes. Ergo si mouetur totum, mouetur secundum omnes suas partes.

Ad hoc respondent aliqui dicentes, esse impossibile considerando totum non in genere, sed vt tale est, nam cælo moto, impossibile est quod aliqua eius pars

quiescat, vt est cælum motum; sed vt est corpus, possibile est ipsum quiescere. Sed hæc responsio reijcitur a S. D. quia cum Philosophus loquatur formaliter, & realiter, prout res vere mouentur, sic impossibile est toto moto, partem quiescere. Respondet ergo ipse, argumentum Philosophi fundari supra propositione conditionali, videlicet, quod si totum a seipso moueretur, non dependeret a partibus, modo motus totius a partibus dependet, vnde est arguere ex conditionali impossibili, vt si arguatur. Si homo est asinus. Ergo est irrationalis, & si asinus habet alas, volat, quod tamen in facto falsum est.

Tertio arguitur contra eandem rationem, quia videtur petere principium. Assumit enim id quod debet probare, scilicet quod id quod mouetur ad motum partis, non mouetur per se primo, quod non probauit.

Ad hoc de facili dicitur, quod Philosophus non petit principium, quia argumentatur ex conditionibus.

Quarto queritur an, talis demonstratio sit quia, vel propter quid. Nam videtur quod sit demonstratio quia, quia arguere ex quiete partis ad totum, est arguere ab effectu ad causam, nam quies est causa motus. Sic autem arguit Philosophus.

Ad quartum commentator respondet, hanc esse demonstrationem signi, sed S. D. asserit eam esse demonstrationem causæ, quia quod totum non moueatur a se ex hoc pendet, quia eius motus dependet a motu partium, cum partes sint causæ materiales motus totius, & si non sine causæ formales, sed sic totum ac intentio Phil. vt apparet in tex. est comparare partes ad totum, vt materiale ad formale.

Quinto arguitur contra eandem rationem, quia per eam probare possumus quod nihil moueatur ab alio primo. Quia omne motum est diuisibile. Igitur ad quietem vnius partis totum quiesceret. Ad hoc omnis multis responsionibus dico, non esse eandem rationem de moto, & mouente, quia mouens se dependet ab aliquo in se habente rationem causæ, sed motu ab alio dicitur solum passionem, vnde debet huius vt passionem solum, &



non ut passuum ad actum; sicut sumitur mouens seipsum.

## LECTIO II

Quoniam autem omne quod mouetur  
102. 30.

**A** Tex. 30. v. que ad 9. 9. hęc habemus. Primum est, quod datur primum mouens. Probatur. In mouentibus, & motis non est processus in infinitum, neque possibile est infinita mobilia moueri in tempore finito. Sed hoc accideret nisi daretur primam mouens. Ergo. Probatur minor. Sit A mobile, & moueatur a B. & a C. & sic in infinitum, modo sit tempus B. finitum, si moueantur illa mobilia, tunc apparet quod in tempore B. finito, moueantur infinita mobilia. Sed hæc ratio infirma est, sed in octauo roborabitur.

Secundum quod tradit Philosophus est, quod motus potest dici vnus tripliciter. Primo numero, idest ille, qui erit de vno subiecto numerali, ad aliud subiectum numerale, vt de hoc albo, in hoc nigrum. Secundum dicitur vnus specie, quia est ad eandem speciem motus, v.g. ad alterationem, vel augmentum, vel ad motum localem. Tertius dicitur vnus genere, quia est ad vnum genus. s. vel quantitatis vel qualitatis, vel vbi. Tercio dubitat, an infinita mobilia faciunt infinitos motus. Nam videtur omne mobile facere vnum motum. Respondet Philosophus, quod si omnia mobilia continentur ad inuicem, quod non est impossibile, erit vnus numero motus. Explicat autem quomodo omnia mobilia possint continuari ad inuicem dicendo, quod hoc non erit secundum se, & quia se possunt differre; vnde erit quatenus mobilia sunt, sicut homini repugnat habere alas, quatenus homo est, non tamen vt animal est, vt sic, quia dantur multa animalia alata.

Circa supradicta autem primo notandum est, quod in hac ratione intendit Philosophus probare dari primum mouens, & motem, mouentem, & non motum, quia si in mouentibus, & motis non datur processus in infinitum, deuenientium erit ad primum motorem. Considerandum est ergo pro nunc, quod in causis non est

processus in infinitum, vnde deuenientium est ad vnam primam causam. Sciendum est tamen, quod causę sunt in duplici differentia. Nam quedam vocantur necessario subordinatę, id est inter se necessario dependentes, adeo vt secunda dependeat a prima necessario in esse, & operari. Alię vero dicuntur non necessario subordinatę, quoniam in operari necessario non dependet ab inuicem, cum vna operetur in actu sine alia. Hinc triplex est differentia inter causas subordinatas, & non subordinatas. Prima est, quod subordinatę ita se habent, quod inferior accipit virtutem operandi a superiori, vt in moralibus Balium a Rege, & in naturalibus homo a sole, & a Deo. In subordinatis vero nisi accidentaliter, non est necessarium inferiorem accipere virtutem operandi a superiori, & si ab ea potuerit habere esse, vnde Plato filius Socratis, filium generat post obitum patris. Secunda est, quod in necessario subordinatis superior est perfectior inferiori, & diuersę naturę ab ea, vt patet in intelligentia celo, & homine generante. In accidentaliter vero tantum ordinatis, omnes causę, possunt esse eiusdem naturę, & perfectionis, vt omnes homines generantes, omnes mali fororum percutientes, & similes. Hoc autem intelligitur, quando causa prior est principalis, & non quando est instrumentalis, quia nutritiua generationem antecedit, & non est ea nobilior; & operatio sensus precedit operationem intellectus, & non est eo prestantior. Concurrent enim in his instrumentaliter, & non principaliter. Tertia differentia est, quod primę. i. subordinatę simul concurrunt ad effectum producendum, non vero secundę. i. non necessario subordinatę.

His stantibus elicimus primo, non esse processum in infinitum in causis efficientibus, quia sic omnes causę essent medię, cum nulla esset prima, & sic non mouerentur, quia secunda non mouet nisi mota a prima, & quia in perfectis datur vnum primum perfectum, & ideo dicimus in his necessario subordinatis non esse processum in infinitum, sed nec in non necessario subordinatis, sed simul existentibus, quod tamen ab extrinseco prouenit, quia. i. non potest dari infinitum in actu.

actu, in non vero simul existentibus, sed successiue, potest esse processus in infinitum, v.g. in generatione, si esset æterna.

*Neque in causis materialibus.* Secundo elicimus, in causis etiam materialibus non esse processum in infinitum unde quando Philosophus secundo Meth. tex. 12 vocat materiam infinitam, hoc intelligitur nõ positum, quasi habeat de facto aliquam infinitatem, sed intelligitur negative, quia secundum se non vëdicat sibi aliquam propriam formam, qua finiri dicatur. Hinc negamus generationem æternam, quoad species, cum sint determinatæ, aliter super vna specie essent infinitæ aliz superiores in esse, & in perfectione, quod contra dicit species finitis, quare, & si possit dari infinitum materiale, vt quantum diuisibile in infinitum, & generatio æterna, hæc non erit nisi successiue, & non simul in actu, quod & accideret in infinita transmutatione elementorum, vt aer fieret aqua, & aqua aer infinites.

*Neque in causalibus formis.*

Tertio elicimus in causis etiam formalibus non esse processum in infinitum secundum speciem, secundum indiuidua vtiue in specie humana, data immortalitate animæ, & æternitate mundi. Et quamuis numeri differant species, & in eis sit processus in infinitum, tamen numeri non sunt necessario subordinati secundum aliquam rationem causalitatis, sed tantum prioritatis, & posterioritatis in numeratione.

*Nec in finalibus.*

Quarto etiam elicimus in causis finalibus non esse processum in infinitum, cum finis habent rationem vltimi.

Secundo principaliter notandum venit, quod Philosophus duo theorematia assumpsit. Primum est, quod omne quod mouetur, ab alio mouetur, quod quidem in tex. tertio applicauit ad mobile motu locali, quia omne quod mouetur localiter, ab alio mouetur, vique quo peruenient sit ad primum mouens immobile. Hoc autem probauit in motu locali, & non in alijs speciebus motus ob duplicem causam. Prima est, quia motus localis perfectissimus est, & ceterorum motuum causa, & propter ea quod de primo dicitur, de alijs etiam dictum intelligitur. Secunda est, quia motus localis ducit nos in cognitionem primæ causæ mouentis localiter cælum,

secundum diuersa vbi, & hoc immediate. Secundum theorema fuit, quod in mouentibus, & motis non est processus in infinitum, sed deueniendum est ad vnum primum mouens immobile, quod in s. magis probabitur.

### Dulcia.

*Immoderati.* Sed supradicta non transeunt sine difficultate. Primo ergo dubitatur circa illud, quod dictum est, omnia mobilia posse ad inuicem continuari. Nam corruptibile, & incorruptibile, & ea quæ mutuo se destruunt non possunt continuari ad inuicem. Sed talia sunt mobilia. Ergo falsum est dictum Philosophi.

Ad hoc dubium dicitur, quod omnia corpora corruptibilia, & incorruptibilia bifariam considerari possunt. Primo secundum eorum naturam, & esse. Secundo vt corpora mobilia, & mouentia. Primo modo non possunt continuari ad inuicem. Secundo autem modo sic, & in hoc sensu locutus est Philosophus. Sed contra hæc responsum D. Tho. arguit lapidus dupliciter. Primo, quod Dn. Thom. non sibi constat, nam in præcedentibus impugnabat illos, qui dicebant non esse impossibile partem quiescere, toto moto, considerando hæc in genere, & pro ratione adducebat, quod illud tunc dicitur impossibile, quando prædictum repugnat subiecto ratione differentie specificæ, sed ratione differentie specificæ repugnat, quod omnia mobilia possint fieri vnum, quatenus corpora non sient illa potentia esset frustra, quod est contra naturam potentie.

Ad primum horum omnis aliorum responsonibus dicimus, quod possibile, & impossibile dupliciter iungitur primo in ordine ad aliquam potentiam actiuam, vel passiuam reducibilem ad actum. Secundo in ordine ad non repugnantiam terminorum possibile, quod tamen impossibile est. Physicæ secundum potentiam actiuam, vel passiuam. Illud ergo quod dicitur impossibile primo modo, habet dicere repugnantiam prædicati cum subiecto, ratione differentie specificæ, & hoc est primum assertum s. Th.

sed

sed secundum assertum in hoc ita, quod Physice, sed non Logice repugnat quod omnia corpora ut sunt motibilia, & mouentia possint concurrere ad inuicem, & per hoc patet ad secundum, quod procedit de potentia Physica, cum tamen nos loquamur de potentia Logica, & obiectiua.

Secundum dubium accedit, (& si aptius ad alium locum transferri posuisset) quod in mouentibus, & motus non est processus in infinitum, unde ad vnum primum mouens efficiens improductum deveniendum est. Nam oppositum videtur docere idem Philosophus secundo Meth. c. x. quarto, ubi dicit, quod principia semper existentia non habent aliquam causam ut sint. Ergo apud eum datur plura principia improducta.

Ad hoc dubium pro nunc breuiter dicitur, clarum esse apud Philosophum 12. Meth. 8. Phys. inmo & secundo Methaph. loco citato, quod datur vnum primum principium improductum; dicit enim ibi, vnum esse primum, a quo omnia alia dependent, sicut a primo calido; omnia calida sunt, & hoc quidem effectiue, ut patet exemplo ignis, & non finaliter, ut male interpretatus est Gregor. de Arimino in secundo d. p. quest. 1.

Non enim calida sunt a primo calido finaliter, sed effectiue, & ita omnia etiam a prima causa, ut ibi explicat Commentator. Ad auctoritatem ergo Philos. primo dicitur, quod ibi sumpsit plurale pro singulari, sicut etiam saepe alibi hoc fecit, praecipue 12. Meth. dum dixit tex. 5. & 39. quod datur substantia separata, semper manens, illico transiundo ad loquendum de ea in plurali dicendo, omnes substantias separatas esse sine materia. Ideo scito, quod genus aliquando sumitur distributiue pro omnibus in genere contentis, & quandoque collectiue, pro primo generis. Primo modo de eo loquitur in plurali, ut loquendo de animalibus, de omnibus animalibus. Secundo vero modo loquitur de eo in singulari, ut de animali ut sic; & ita in proposito loquendo de separatis a materia distributiue loquitur de omnibus in plurali, & loquendo collectiue, de primo tantum. Secundo alij interpretantur verba Philosophi sic, quod princi-

pia semper existentia, i. coelorum sunt semper, & non habent aliquam causam, ut aliquando sit, & aliquando non, sed sunt cause horum inferiorum, sed cum dependentia a primo motore qui est causa causarum. Alij dicunt, quod ly non habent intelligitur non quo ad esse, sed quo ad mouere, quia creati sunt, ut motores coelorum, ita ut non habeant causam extra primum, quae eos moueat ad mouendum. Quarto dicitur, quod duo dicit ibi Philosophus de principiis semper existentia. Primum quod semper sunt vera, secundum quod illis non est aliqua causa ut sint. Quod ergo semper sint vera, & sine causa, stat dupliciter. Primo ab intrinseco, quasi eorum veritas, & esse pendeat ex compositione partium, ut accedit in generalibus, & corruptibilibus. Secundo ab extrinseco, quia producta sunt ex nihilo, & habent primam causam pro causa esse, & veritatis ipsorum. Primum est quod intellexit Philos. volendo per hoc ponere differentiam inter ipsa, & composita, non vero affirmavit secundum, quod est quod nos docemus. Omnes intelligentes in esse, & motu dependere a prima causa, eas creante sine nouitate essendi.

## LECTIO III.

Primum autem motum c. 6. tex. 9.

Pro explicatione eorum, quae dicuntur ab Arist. a tex. 9. vsque ad vndecimum proponenda, & explicanda venit sequens quaestio.

## QUESTIO II.

Verum motus, & motum debent esse simul.

Videtur quod non. Primo. Nam sagitta proijcit a sagitante, eo immoto. Igitur mouens, & motum non sunt simul.

Secundo. Sol calefacit aerem, & tamen non est simul cum aere, cum inter aerem, & ipsum mediant multi orbes. I. Veneris, Mercurij, &c.

Tertio. Per Philosophum secundo de

de anima duo corpora dura non possunt se tangere in aere, vel aqua, quin mediet aer, si sunt aere, vel aqua, si sunt in aqua, sed contingit quod corpora mota sint corpora dura, ergo tunc mouens, & motum non erunt simul.

Quarto. Magnes trahit ferrum per magnam distantiam. Ergo &c.

Quinto. Auicenna dicit homines sua imaginatione pluuias generare, & partes corporis distantes immutare, & ita fasci maiores nocere animalibus ab eis distantibus. Ergo &c.

Sexto. Arguit Scotus hoc non esse necessarium, saltem in prima causa. i. Deo. Nam Arist. primo de celo text. 100. ascribit Deo locum cōuexi primi coeli, a quo loco dicit eum transmittere suam virtutem, vnde non est necesse, quod simul sit cum passo, vel moto.

Septimo. Infinita virtus non habet modum determinatum agendi. Sed Deus habet virtutem infinitam agendi.

Ergo non determinatur ad hunc modum, vt simul sit cum passo, &c.

Octavo. Sol & Altra multos producit effectus, non autem per suas virtutes, quia sunt accidentia, accidens autem nō potest generare substantiam. Ergo &c.

*Esse simul multiplicitate.* Pro resolutione questionis. Primum notandum est, quod duplex est agens. Primum dicitur proximum, quod supposito, & contactu tangit rem motam, sicut facit figulus rotam. Secundum dicitur remotum, quod supposito non tangit rem motam, sed virtute, sicut facit sol dum calefacit terram. Quod mouens igitur, & motum sint simul stat duobus modis. Primo supposito, & contractu, saltem in principio motus, sicut experimur in sagittante, nauem trahente, vel soles ducente secundo virtute, vt supra. Primo modo intelligit Philosophus mouens, & motus esse simul, sed etiam secundo modo verum est. Non autem intelligimus mouens, & motum, esse simul loco. i. in eodem loco esse, quia hoc est impossibile, sed dicimus hoc modo esse simul contactu, quod inter ipsa non mediet aliud suppositum, si sunt simul supposito, vel alia virtus si sint simul inmediate non virtutis.

His instantibus circa praesentem difficultatem inuenio duas opiniones. Prima ne-

gat necessarium esse simultatem contactus inter mouens, & motum, agens, & passum, vnde dicit Deum posse agere in omnibus rebus, etiam quod eis non esset praesens, quapropter dicit Deum esse in omnibus rebus propter immensitatem, non vero propter operationem, nisi concomitanter, & per accidens. Ita Scotus in primo d. 37. q. vnica; & ibidem Okam Balolis, Gabriel, & inter veteres Alexander 1. Meth. Cont. 18. Secunda opinio affirmat cum Arist. necessarium esse contactum, & impediationem, vel suppositi, vel virtutis inter mouens, & motum. Hanc tuentur S. D. 1. p. q. 8. art. 1. cū Caiet. Ferr. Banneſio, Zumello, & alijs ibidem, & tertio contra gentes cap. 68. cum Ferr. ibidem, & hic Durandus 1. d. 18. q. 1. Albert. Magnus d. 37. art. 1. D. Bonauentura 1. p. d. 1. art. 1. Aegidius. 1. p. d. q. 1. art. 1. Capreolus in primo dist. 37. q. 1. art. 2. Toletus, Conimb. Iaceluis, & Ruuio hic.

Tertio ergo sciendum, quod mouere, seu trahere rem motam stat quadupliciter. Primo per modum finis. i. amore, vnde inquebat Poeta. Trahit vnumquemque sua propria volupeas, & in hoc tractu trahens non imprimit virtutem in tracto, sed tractus sua virtute, & inclinatione mouetur ad trahentem, vt locatum, ad locum. Secundo per modum vacui, & sic in fistula absorpto aere trahitur aqua. Tertio per impressionem virtutis, seu qualitatē aliterantis rem tractam, sicut patet in magnete trahente ferrum, & ambra rapiente palleas, & in generante mouente grauiā, & leuiā secundum S. D. hic. In tali enim tractu imprimitur aliqua virtus trahens non tantum per modum finis, sed etiam per modum sufficientis. Quarto per violentiam aliquam, vt dum vehementiori motu lapis projicitur deorsum, quam eius naturalis motus efficiat. Intentio ergo Philos. ad omnes hos modos extendi potest, sed proprie tamen de quarto intelligit.

Quarto sciendum, quod agens remotum per medium operans non habet eundem effectum producere in re mota, & dum in medio, sicut sol non alterat corpora media, celestia, & alterat terram, & picis temporis sic dicitur secundum Plinium 9. Hist. cap.

*Tractus quadru.*

*Non habet eundem modum in medio.*

*Opinio 2a.*

cap. 37. & 29. de animalibus stupefacit manus piscatores, & non stupefacit retia. Item Hechenis piscis nauigia retardat, & immobilizat, teste eodem Plinio lib. 32. Histor. cap. 1. & tamen minimus est. Ita mirabile est, quod fundus lebetis aqua pleni antequam aqua ferueat calidus sit, & ea feruente tepescat, de qua re multi multa dicunt, apud Conimbr. hic, artic. 6. Ergo autem censeo hoc provenire, quod cum ignis sursum tendat, ideo vigorosior effectus transmittit calorem ad superiores partes, sed quia aqua sua natura frigida est, ideo ubi reperit impetum ignis, ibi ei resistit, quod accidit in fundo lebetis.

*Conclusio probatur.* Secundo loco principali ponitur hæc conclusio. Mouens, & motum sunt simul, in motu locali. Probatur. Omne quod mouetur, aut mouetur ab intrinseco, aut ab extrinseco, sed in utroque motu mouens, & motum sunt simul, nam in motu intrinseco constat mouens, & motum se tangere. Hoc etiam patet in motis ab extrinseco secundum quatuor species motus ab extrinseco scilicet pulsionis, vecionis tractionis, & vertiginis. Nam pulsio est motus quo mouens a se elongat mobile, quod non facit nisi tangendo, & mouendo ipsum. Pulsio vero quæ diuiditur in impulsione, quæ est motus in quo mouens nunquam relinquit mobile sed ipsum continuo pellit, sicut fit dum quis pondus trahit secum, & in extrusione, quæ est motus quo mouens

tur vnde induit natura dictarum specierum. Adiungimus hoc etiam esse verum in duos modos principales tractionis, scilicet in tractione ad seipsum, ut est respiratio, qua trahitur aer, & expiratione qua expellitur.

Secundo loco principali probatur conclusio vniuersaliter contra Scotum, & affectas, ex illo psalmi. Quo ibi a spiritu tuo &c. concludit enim. Etenim illuc manus tua deducit me, &c. Ita D. Paulus Act. 17. ait de Deo. Quamuis non longesit ab vnoquoque nostrum, in ipso enim viuimus, mouemur, & sumus. Hoc idem docent D. Aug. 8. super Gen. cap. 16. D. Ambros. lib. 1. de spiritu sancto D. Bern. sermone 6. D. Hilar. 8. de Trin. D. Anselmus in Monologio cap. 22. Ac alij partes. Hi enim omnes dicunt Deum ideo vbique esse, quia vbique agit.

Tertio. Vnicuique agenti assignata est sphaera suæ actiuitatis, vnde extra eam agere non potest. Ergo necessarium est quod agens, & passum, mouens, & motum sint simul.

Quarto. Sol secundum aduersarios non attingit vltima nisi per media. Ergo oportet quod prius in medio necessario agat, quam in extremis.

Quinto. Propter hoc Doctores non concedunt vacuum, quia necesse est coelestes influxus per celos, & elementa transire ad elementata. Ergo necesse est, quod superiora prius inferiora immediata tangant.

Sexto. Prima causa cum secundis concurrat, & eas quasi pro effectibus habet. Sed implicat quod causa agat per aliam causam, & per eam non agat. Ergo necesse est quod simul cum secundis causis effectus attingat.

Ad primum ergo dicitur, sufficere quod mouens sit simul cum moto, vel in principio motus, vel in successu totius motus, vel virtute, vel supposito, ut supra. Si quis autem quærat, quomodo proiecta, & iacta moueantur. Aliqui, vt Toletus 8. huius tex. 36. & Conimbr. hic artic. 8. hoc provenire affirmant ab impetu eis impresso a iacente, vel proiiciente, his inhaerente, & consequenter dicunt hunc impetum esse qualitatem realem inhaerentem rei motæ, vel proiectæ. Primo hoc probant. Quia patet, &c quod

*Quinto de proiectione motus.*



quod cum Angelus celestem sphaeram mouet, in eam impulsam imprimat, & in grauit conflat, quod cum centro appropinquat, celerius mouetur, & ita leue dum suae sphaerae appropinquat, & pariter dum mobilia contra eorum naturam mouentur tardius in fine procedant, propterea quod ille impulsus deficit. Secundo. Quia Angeli boni per vim Demones in hunc, aut illam locum impellunt, imprimendo in eis spirituales impulsus, non est materialis negandus. Tercio. Quia lapis celerius mouetur iactus quam penna quia habilius est lapis ad recipiendum impetum, quam penna. Quarto. Quia Angelus in vacuo potest iaculum mouere, & projicere, & tamen tunc ab aere non moueretur, cum a vacuo aer excludatur. Quinto. Quia globi tormentarii, qui mœnia diruunt potius æreum videntur mouere, & frangere, quam ab eo moueri.

Secunda sententia est S. D. tertio de celo, tex. 28. Simplicij 8. huius tex. 82. Auerris ibidem. Themistij in sua paraphrasi lib. de Informis cap. 9. Burlei 8. huius tex. 76. Maironis in secundo d. 13. q. 7. & aliorum plurimum. Hi enim docent, iacta, & proiecta ab aere fracto moueri, qui dum se post iactum, & prodictum venit, hæc mouet, magis, & minus, prout cum maiori, vel minori impetu aer frangitur, & commouetur. Dicendum igitur venit, quod causa motus proiectorum duplex est. Prima dicitur remota, & talis est projiciens, qui impetu facto in se proiecta, eam pellit. Secunda dicitur proxima corporalis, & talis est medium, in quo fit motus, id est aer fractus, & adunatus, qui rem impulsam defert.

Hoc expresse docuit Aristot. 8. huius tex. 82. & tertio de celo tex. 28. & libello de informis cap. secundo & in problematib. sec. 11. prob. sexto &c. prob. primo. Quia si proiectum moueretur per qualitatem ei impressam, seq. quod in initio motus fortius moueretur, quia tunc illa virtus esset in suo initio, hoc autem falsum est, experientia testis. Ergo dicendum venit hoc ab aere obliuente prouenire, antequam frangatur, & eo subito fracto velocius moueri, & celerius quidem quam in fine, quia tunc sunt con-

citatz plures partes aeris, quam post ut tradit S. D. secundo de celo a tex. 35.

Ad primum ergo aduersariorum dicitur, quod virtus Angeli motiua applicatur celo, & sic per eam mouet. Grauius autem, & leuius projecta contra propriam inclinationem, dum suo loco accedunt, celerius mouentur a generante, & a suis qualitatibus naturalibus. Ad secundum dicitur, quod ille impulsus est per alligationem, grauium vero, & leuium a generante, & per qualitatem intrinsecam unde diuersa est ratio. Ad tertium dicitur, quod penna cum sit leuis, non frangit cum impetu aerem, & per eum concitatur mouetur cum tanto impetu, vel lapis, quia ipse magis aerem concitat. Ad quartum dicimus, quod tunc in vacuo moueretur iactum per impulsam in eo factum in initio motus, & si motus esset violentus, qualitas moti retrocederet motum, quia non haberet requisita ad continuationem motus violenti. Quintum pro nobis concludit, quia magna concitatio aeris magnum impetum facit.

Ad secundum principalem dicendum est, quod sol non est agens proximum, sed remotum, cui sufficit esse simul cum remota contactu virtutis. Secundo dicitur, quod est simul suo modo. Et si quis quærat, quodnam agens proximum erit in calefactione terræ, dicemus, esse radios reflexos solis. Nec negandum est, solem calefacere terram, cum non calefaciat medios orbes, quia eius actio recipitur in diuersis subiectis secundum eorum dispositionem, liquefacit enim terram, & non liquefacit lapides, & in uno loco producit aurum, in alio argenti, & in alio plumbum, pro natura, & dispositione suscipientium eius actionem.

Ad tertium dicendum, quod duplex est corpus. scilicet resiliens, & non resiliens, unde intendit Philosophus negare inter mouens, & motum, non omne corpus non resiliens ut est aer, & aqua, sed corpus resiliens, & agens.

Ad quartum dicebat Alexander, magnetem trahere ferrum per modum finis. Sed hoc impugnatur S. D. Primo. Quia sic traheret ferrum in quacunque distantia, quod falsum cernitur. Secundo, quia magnam ferrum non trahitur nisi a magna magnete. Tercio, quia



sic semper traheret, quod non est verum, quia si perungeretur alijs, non trahit, nec Ambra ad se trahet paleas nisi prius sit calefacta. Dicendum venit, quod talis attractio non est propria, de qua intelligebat Phil. in propria enim attractione mouens, & motum mouentur ambo, saltem in initio motus. Vel tertio melius dicas, quod magnes trahit ferrum effectiue, imprimendo in eo quandam qualitatem attractiuam, & tradit. Galenus primo de natura, & propterea censo ferrum, seu acum quandoque ad diuersas partes trahi a magnete, si vera sunt quae tradunt Lusitani, in Fernandi Magaliani admirabili nauigatione. Oportet enim in locis illis ad quae se conuertit acus magnesijs, esse aliquam qualitatem attrahentem, quae nobis nota non est, cum in nostris nauigationibus Europaeis sciamus pixidem magnesijs non conuerti nisi ad articum polum Vide autem de hac re multa iocunda apud Conimb. hic quaest. 1.

Ad argumentum Auicennae dicimus, falsum esse homines sua imaginatione pluuias facere, hoc enim vel casu, vel miraculo, vel actione Demonis fit. Quod tamen imaginatio, & phantasia corpus alteret, docet S. D. de quaerit. q. 26. artic. tertio ad vndecimum, nam cum motu cordis appetitum diuersimode excitat, vnde in timore corpus pallet, ac frigescit, in verecundia rubore perfunditur, in ira sanguis accenditur, & in dolore florida facies obscuratur. Hoc autem prouenit, quia apprehensio nocuit, vel proficit, amabilis, vel odibilis appetitum mouet, & appetitus sanguinem alterat, concitat, & secundum diuersas eius alterationes varios motus, & effectus producit. De fascinatione autem dicendum venit, quod ab oculis fascinantis vapores pessimi egrediuntur, qui aerem corrumpunt, & sic viuens attrahens hunc aerem nocium, patitur sicut etiam contingit tempore pestis. Quot enim fascinati dunt, docuit Arist. in prob. sex. 20. prop. 34. D. Th. ad caput tertium Epistolae ad Galatas, & p. p. quaest. 112. art. 3. & tertio contragentes cap. 100. & Albertus Magnus lib. 22. de Animalibus cap. quinto Immo aliquibus famelijs in est fascinario à natiuitate, vt tradit Plin.

lib. 7. cap. 2. & lib. 33. cap. 10. nat. hist. Ex oculis autem praecipue fascinatio prouenit. Primo, quia animalia venenosa in extremis, venenum habent. Secundo quia oculi spiritosi sunt, & affectus cordis ad eos de facili transeunt.

Ad sextum dicendum, Aristot. ponere Deum in concavo primi caeli, non tanquam in loco sibi adequato, sed vt in loco proportionato eius excellentiae, & maxime accommodato ad diffundendam suam virtutem.

Ad septimum dicimus, infinitam Dei virtutem ab alio non determinari ad agendum hoc, vel illo modo, sed se determinare, ad agendum prout ei conuenit, & secundum se, & in ordine ad causas secundas.

Ad octauum dicimus, quod illae virtutes quauis natura sua sint accidentia, causaliter tamen dicuntur substantiae, quia agunt, vt eius instrumentum coniunctum, vt docuimus 7. Meth. vide ibi.

## LECTIO IV.

## S. D. IV.

*At vero neque inter id quod alteratur.*

**I**N text. 12. & 13. confirmat Phil. conclusionem in praecedentibus positam, & quo ad motum localem probaram. scilicet quod mouens, & motum debent esse simul. Probat igitur etiam hic primo quadam inductione, quod mouens, & motum sint simul in motu alterationis sic. Nam omnia quae alterantur hoc habent, quod vltimum alterans. id est immediatum, & non remotum, & primum alteratum id est, quod primo via generationis alteratur, sunt simul tactu. Nam duplex est alterans. Primum dicitur remotum, vt ignis à longe calefaciens secundum dicitur proximum, vt aer ab igne calefactus. Primum non est simul cum alterato. Secundum vero vtrique, & de hoc loquitur Philosoph. dum dicit, necessarium esse, quod alterans tangat, vel secundum totum, vel secundum partem alteratum, aut secundum totum, aut secundum partem. Secundo loco probat eandem conclusionem tali ratione.

Ecce 2. tione.

tione. Omnis alteratio est similis alterationi sensibili. i. quæ fit secundum sensum. Sed in alteratione quæ est secundum sensum alterans, & alteratum sunt simul. Ergo, & in qualibet alteratione. Maiorem ostendit, quia alteratio fit secundum qualitates sensibiles, quæ consistunt in tertiam speciem qualitatis, ut sunt gravitas, leuitas durities, & molli- ties, quæ sensu percipiuntur, sonus, & non sonus, quæ auditu, albedo, & nigredo visu, dulcedo, & amaritudo gustu, humiditas, & siccitas, densitas, & rari- tas, tactu & sic de contrariis supradic- tis, & inedijs. Omnes enim hæc dicuntur passionem, quia passionem sensibus ingruit, vel quia a passionibus causantur. Secundum autem has qualitates cor- pora dupliciter differunt. Primo vel se- cundum eandem qualitatem, magis, mi- nusve participatam. Secundo quia ha- bent diuersas qualitates. Nam ignis ab aqua differt per diuersas qualitates, quia ignis calidus, & siccus est, aqua vero tri- gida, & humida. Album vero, & minus album differunt secundum magis, & mi- nus, respectu eiusdem formæ. i. albedi- nis, quia diuersimode eam participant, subdit. Quod secundum has qualitates alterantur corpora animata, & inna- timata, & partes animarum quæ sunt innata, ut pili, & ungues, quia calefcunt, & frigescunt, & alio modo al- terantur. Minorem vero ostendit, quia inter alterans, & alteratum nullum cadit medium, nam si substantia agit per qualitates tamquam per medium, medi- um non erit medium, unde formetur sic ra- tio. Alteratio fit secundum, qualitates sensibiles, quæ sunt obiecta sensuum, se- cundum quod eorum sunt obiecta. Sed hæc agunt semper per medium conti- guum. Ergo inter alterans, & alteratum nullum est medium, Maior supra est ex- plicata. Minorem ostendit per medijs con- tiguam, nam corpori aer est conti- guus, & ita visui quare lumen agit in corpus, & superficiem per aerem conti- guum, & color similiter per aerem in vi- sum agit, & sic in alijs sensibus. Tandem hoc probat in motu augmenti, & decre- menti ab extrinseco, relinquendo quod in eo quod est ab intrinseco hoc notum sit. Hoc ergo sic probat. Appositio, &

subtrahio sunt per hoc, quod per appo- sitionem quanti quantum augetur, & per subtrahionem minuitur, sed hoc non po- test fieri nisi apponens sit simul cum ap- positio, & subtrahens cum subtrahio. Er- go in motu augmenti, & decrementi, mouens, & motum erunt simul.

Circa supradicta autem primo venit notandum, quod primum, & vltimum dupliciter sumuntur. Primo pro primo in ordine causandi, quod est primum re- motum alterans. Secundo pro proxi- mo, eo quia ascendendo ab effectu ad causam primum quod occurrit est illud. i. proxima causa. Dum ergo Philos. di- cit mouens, & motum, agens, & pa- tiens, esse simul proprie, & formaliter loquitur de primo agente, & mouente, nam primum. i. remotum non solet esse simul cum re mota supposito, & tactu, sed virtute, & causalitate prout apparet in virtute solis generantis sortem cum patre eius.

Secundo notandum est, quod dum A- ristot. attribuit obiectis sensum alterare potentias, exemplificat etiam de sono, quod S. D. interpretatur de sono in apri- tudine sumpto, & non in actu. Sonus igitur bisariam sumi potest. Primo ut est sonus in actu, & sic est qualitas in ae- re consequens aliquem motum localem, quare secundum huiusmodi qualitatem non videtur primo, & per se esse altera- tio. Secundo ut dicitur sonus in aptitu- dine alicuius sonabilis, & sic non fit ali- quid sonabile, vel non sonabile nisi per aliquam alterationem. Hæc autem distin- ctio S. D. bisariam intelligi potest. Primo de sonabili, secundo de sono. Si intelligatur de sono formaliter, & subiectiue, dixit ipsum sonum esse in aere secundum quandam qualitatem consequentem motum localem soni vique ad auditum vnde ad ipsum non est primo, & per se al- teratio. i. ad sonum formaliter, nam in au- ditu causabit alterationem per receptionem soni. Si vero sumatur subiectiue pro sonabili, sic conspicuum est quod id quod erat solum in potentia sonabile, non fiet actu sonabile nisi per alterationem re- ducentem sonabile de potentia ad actum, vel econtra ipsum remouens ab actu, & sic necesse erit, ut sint simul.

Tertio notandum venit, quod Philos. attribuit

*altera* attribuit alterationem animatis, & inanimatis, sed cum multiplici differentia. *matorum*. Prima est in cognitione, quia animata, & inanimata vel cognoscunt, vel cognoscere possunt. *animato*. sua cognitione sensitiua alterationem; non sic inanimata. Secunda in vniuersalium differentia, quia quæ alterant inanimata, possunt etiam alterare animata, sed non omnia quæ alterant animata possunt alterare inanimata possunt alterent per apprehensionem quæ inanimata caret. Tertia est, quia alteratio animatorum formalis dicitur alteratio secundum qualitatem sensibilem, quia sentitur, non sic alteratio inanimatorum, cum sensu sint orbata, vnde alterantur qualitate sensibili secundum se, non vero ab ipsis.

*Sunt secundum motum.*

Quarto notandum venit, quod aliud est loqui de mouente, & moto secundum supposita, & aliud secundum quod se tangunt. Nam loquendo secundum supposita quibus actiones attribuuntur, non est necessarium quod suppositum mouens sit semper simul tactu cum supposito moto, nam Aristot. tex. 13. dixit mouens tangere motum per aerem medium. Loquendo vero de tactu, dicimus quod cum aer sit quoddam medium deferens actionem suppositi mouentis, & operantis, ita ut agat eius virtute, & motione, ideo agens, & patiens, mouens, & motum, alterans, & alteratum dicuntur esse simul, & generaliter suppositum agens cum re acta, quia qualitas per quam agit suppositum substantiale, dicitur substantia, non formaliter, sed causaliter, vt 7. Meta. ostendimus.

### Q V A E S T I O III.

*An per absolutam Dei potentiam fieri possit, quod agens agat, ubi non est praesens.*

**V**idetur quod sic. Nam principale agens potest mouere instrumentum, vt agat tantum vt a Deo motum, & non secundum propriam virtutem. Igitur agens agat vbi non erit, &c.

Secundo. Probabile est Phantasiam in capite residentem, vt instrumentum animæ effectiue mouere appetitum, in corde insidentem, & tamen multum distant. Igitur fieri potest, vt aliquod agens as-

sumatur ad agendum in loco, vel passo a quo multum distat.

Tertio. Credibile est ignem inferni in centro terræ existens, agere in Dæmones, per aerem vagantes, vt est Dei instrumentum, & tamen ab his distat.

Quarto. Humanitas Christi fuit Diuinitatis organum, & instrumentum ad miracula operandum. At Christus miracula in distantem locum operabatur. Igitur non est inconueniens posse Deum assumere aliquod agens ad agendum, vt eius instrumentum in locum distantem ab eo.

Quinto. Omnis creatura Deo per potentiam obediencialem subditur, ad omnia ea quæ Deus voluerit in ea, & per eam operari. Sed non est in congruum dicere, posse Deum Paulum Romæ existentem assumi vt eius instrumentum ad aliquid operandum Venetijs, quia hoc non excedit Dei virtutem infinitam.

Sexto. Simultas agentis, & passi vt condicio extrinseca requisita ad agendum cum actio, & virtus a similitudine non dependeant. At Deus potest supplere pro omni conditione extrinseca. Ergo &c.

Septimo. Secundum S. D. 3. p. q. 32. art. quarto Sacramenta concurrunt vt instrumenta gratiæ, sed hæc sæpe operantur vbi non sunt, vt patet in matrimonio inter absentes, in eis operans gratiam. Ergo &c. Pro explicatione huius questionis. Primo notandum venit, quod circa eam sunt duæ opiniones. Prima affirmat posse Deum assumere aliquid vt eius instrumentum ad operandum, vbi nullam habeat virtutem.

Hanc tenuit Scotus, in primo d. 37. & naturaliter, & a fortiori per absolutam Dei potentiam. Item Palud. in 4. d. 1. q. 1. Couimb. hic, cap. 2. q. 2. Cardinalis Bellarminus li. 2. de Sacram. in genere cap. 11. Suarez 3. p. q. 13. art. 1. dist. 31. lect. 6. quæ inmerito Couimb. attribuunt etiam D. Th. Caiet. cum tamen hoc non affirmant, sed oppositum.

Secunda sententia censetur S. D. p. q. 43. vbi docet instrumentum a Dei eleuatum debere aliqua sua virtute concurrere ad operandum, quapropter creatura non potest eleuari ad creandum, quia non potest habere actum proprium in

*Opinio.*

in nihil. Hanc sententiam receperunt Molina p.p. quaest. 8. art. 1. dist. 2. & Ruvio hic. q. 2.

Pro resolutione igitur questionis tot intelligimus. Primo loqui de potentia Dei absoluta, secundum quod de ea philosophari possumus, nam forsitan habet modos latentes in sua infinita potentia, secundum quos potest facere, ut agens agat in absens, & in nihil. Secundum est, quod loquimur de presentia litate suppositi, vel virtuali, & volumus dicere, implicare, agentem posse agere in aliquid sine contactu suppositi, vel virtuali. Tertium est, quod si loquamur de contactu tantum virtuali, dicimus implicare instrumentum agere in rem quam sua virtute non tangit, hac enim contradicunt, agere sua virtute in aliquam rem, & eam sua virtute non tangere. Non negamus autem posse Deum assumere aliquid ut instrumentum inanimatum, quod nihil operetur, sed tunc habebit presentia litatem suppositi, & si non virtutis.

*Conclusio pro  
batur.* His stantibus conclusio est. Implicat agens agere in rem quam non tangat, vel supposito, vel virtute. Probatur primo. Necessaria est existentia ad esse in rerum natura, adeo ut implicet rem existere sine existentia, & ita ad operari in tempore, necessarium est esse in tempore. Ergo similiter ad operandum in loco, necesse est esse in loco, vel supposito, vel virtute. Ideo dum Conimb. dicunt posse Deum facere, quod agens non attingat rem in quam agit secundum suam substantiam, sed bene secundum suam actionem, tunc affirmant quod nos defensamus, scilicet necessarium esse agentem esse presentem ei in quod agit, vel presentia suppositi, vel saltem virtutis, & actionis.

Secundo implicat instrumentum Physice operari in rem aliquam, & Physice non esse cum ea, vel operari moraliter, & moraliter non esse cum ea, nam affirmamus quod agens eo modo quo agit, simul est cum re in quam agit.

*Argumentum  
soluuntur.* Ad primum ergo dicitur, quod tunc instrumentum erit simul supposito, i. presentia litate rei, & si non virtutis, cum re in quam agit. Sed hoc non est dissidium nostrum. Disputatio enim est quando

instrumentum concurret ut instrumentum Physice, & ut instrumentum coniunctum, an tunc possit esse, quod rem attingat sua virtute, & non sit presentia virtute, & per hoc patet ad alia argumenta. Secundo enim probat phantasia non esse simul cum corde contactu rei, non vero probat non esse simul cum eo virtutis contactu. Ita si ignis inferni exerciat Dæmones Physice, necessarium erit, quod per aliquam actionem, & virtutem eos excruciet. Si vero eos affligit moraliter, simul cum eis erit moraliter, & obiective. Ita quantum probat humanitatem Christi ut instrumentum verbi fuisse simul cum his in quibus miracula operabantur, quæ est similitudo virtutis, & si non suppositi. Ita quantum docet tunc Deum assumere corpus ad operandum in aliquo loco per presentia litatem virtutis, & in summa omnia probant aliquam similitudinem, vel realem, vel moralem, vel ut instrumenti, coniuncti, vel ut separati, unde disceptatio potius est verbalis, quam realis.

## C A P V T I I I.

### L E C T I O V.

#### S. D. V. & VI.

*Quoniam autem qua alterantur, &c.  
sex. 14.*

**A** Textu 14. usque ad vigesimum primum immoratur Philosophus ad probandum quod solum ad tertiam speciem qualitatatis est alteratio. i. secundum qualitates sensibiles, in text. ergo 14. proponit, quod omnia alterantur secundum qualitates sensibiles, unde illa solum alterantur, quæ nata sunt pari a qualitatibus sensibilibus.

In textu vero quintodecimo arguit videri circa quartam speciem qualitatatis esse alterationem. i. circa formam, & figuram, & hoc idem probat de prima specie sic. Acquisitio, & remissio qualitatatis, non videtur fieri posse nisi per alterationem. At in prima, & quarta specie qualitatatis datur acquisitio, & remissio qualitatatis, v.g. acquisitio, & remissio virtu-

tis in prima specie, vel formæ, vel figure in quarta. Ergo ad eas est alteratio. Respondet Philoſ. quod ad has per ſe, & principaliter non eſt alteratio, quod probat multipliciter. Primo. Ad eas nõ eſt per ſe primo, & principaliter alteratio, quæ conſequentur alterationes primarum qualitarum. At ſic ſe habent forma, & figura, quia non ſunt condenſatio, vel rarefactio, ſed hæc conſequentur. Ita cum aliquid caleſcit, vel inſrigidatur in æquæ, hæc calefactionem, & inſtrigationem, conſequitur ſanitas, vel ægritudo. Ergo cum omnis alteratio quæ eſt in prima, & quarta ſpecie non fit niſi propter rarum, & denſum, caliditatem, & frigiditatem, vel ſimilem qualitatem ſenſibilem, ad primam, & ad quartam ſpeciem non eſt per ſe alteratio. De ſecunda autem ſpecie. i. de naturali potentia, & impotentia hoc non probat, quia conſtat, quod hæc non acquiruntur, niſi per tranſmutationem naturarum, quæ non fit niſi per qualitates ſenſibiles.

Secundo probat de quarta ſpecie qualitatis ſic. Quando forma imprimitur per alterationem, ſubiectum prædicatur in recto de qualitate ipſa, & non in obliquo. Sed in artiſiciis in quibus attenditur forma accidentalis, & figura, ſubiectum ſeu materia non prædicatur in recto, ſed tantum denominative de forma, & figura. Ergo ad hæc non eſt primo, & principaliter alteratio. Maiorẽ, & minorem explicat exemplis, nam dicimus aerem, vel argentum eſſe calidũ, vel frigidum, humidum vel ſiccum in recto, non vero dicimus eſſe triangulũ, vel pyramidem, ſed tantum denominative. i. habere formam, vel figuram pyramidis, vel trianguli. Tertio hoc ſic probat. Dum res fit, alterari non dicitur, non enim dicitur domus alterari dum fit. i. dum lateratur, vel tegitur. At dum res acquirit formam, & figuram. i. dum domus lateratur, & cooperitur dicitur fieri, ergo non alterari.

Quod autem probavit in quarta ſpecie, intendit etiam probari in prima, ſcilicet quod ad primam ſpeciem qualitatis. i. ad habitum, & diſpoſitionem, non fit primo per ſe alteratio. Et quoniam habitus, & diſpoſitiones ſunt in duplici di-

ferentia. ſ. corporis, & animæ, ideo a text. 17. uſque ad 21. hoc conatur probare. Hæc igitur primo probat de habitibus, & diſpoſitionibus corporis ſic. At aliquid non eſt per ſe primo, & principaliter in ære. Sed quæ ponuntur in prima ſpecie qualitatis ſunt ad aliquid. Ergo ad hæc non eſt motus. Ergo nec alteratio. Probitur, quia alteratio non fit niſi cum motu. Maior habita eſt in quinto & probatur. Virtutes, & malitiæ ſunt habitus. At hæc dicuntur ad aliquid. Minorem oſtendit ſic. Quæ bonum, vel malum reddunt habentem ſunt habitus, tales ſunt virtutes, quæ bonum eum reddunt. i. aptum ad aliquid agendum, vel non, & malitiæ, quæ eum inabilem reddunt, ad bene aliquid operandum, vel facit ægritudo. Minorem probat exemplis, quia ſanitas dicitur cõmenſuratio, & proportio humorum. Ita pulchritudo eſt cõmenſuratio, & proportio omnium partium corporis, & in acies. i. diſpoſicio optima ad motum, & actionem. Ergo cũ hæc dicatur per reſpectum ad opus agendum, dicuntur relativi.

Secundo principaliter probat ad habitum animæ non eſſe alterationem, & hoc dupliciter. Primo quantum ad partem appetitivam. Secundo quantum ad partem intellectivam. Primum ſic probat. Nihil dicitur per ſe primo alterari quando perſcitur, vel quando corrumpitur. Sed anima per virtutes quæ ſunt habitus perſcitur, & per malitiam corrumpitur. Igitur ad habitus, & diſpoſitiones non eſt per ſe primo alteratio. Maior ut ex ſuperioribus nota relinquitur. Minorẽ probat ita. Tunc res dicitur perſci, quædo accipit complementum ſux perfectionis, & imperfecti, quando ipſum amittit. Virtus autem eſt complementum naturæ in naturalibus, nam tunc dicimus naturam perſci, quando habet ſuam virtutem, ut operari bene poſſit, & ita in Mathematicis, tunc res Mathematica dicitur perfectæ, quando habet perfectam ſux formæ, ut circulus formam circularem. Secundo oſtendit, quod tamen conſecutive ad virtutes, & malitiæ eſt alteratio, & hoc dupliciter. Sed prius ſciendum eſt, duas fuiſſe opiniones apud homines, de virtute, & malitiæ. Nam Stoici dicebant, omnes paſſiones, ut ſpes,

spes, timor, & eiusmodi esse perturbationes animæ, & eius ægritudines, unde dicebatur virtutem esse animæ sanitatem, & causare in anima tranquillitatem, & ideo non posse in ea introduci, nisi remotis omnibus. At Petiparetici dixerunt virtutem stare in medio, & in moderatione passionum, ut dicitur secundo Ethicorum. Malitiam vero constituerunt in superabundantia, & defectu passionum, cum habilitate, ad passionem contrarias virtuti, quibus statibus secundum veramque opinionem probatur primo ad virtutem, & malitiam consequi alterationem. Remotio passionum totalis, vel aliqualis, ita earum moderatio secundum secundam opinionem, non potest fieri sine alteratione, quia passionem secum trahunt alterationem. Sed virtus non est nisi remotio passionum, vel earum moderatio. Ergo ad eas consequitur alteratio. Secundo idem probat sic. Omnis virtus moralis consistit in aliqua delectatione, vel tristitia. At delectatio, & tristitia non sunt sine alteratione. Ergo ad virtutes morales, quæ sunt in appetitiva parte consequitur alteratio. Maior ostenditur, quia non est virtuosus, qui in actibus iustitiæ non delectatur, & in actibus iniustitiæ non tristatur, & hoc, vel in actu secundo, vel in memoria præteritorum, vel in spe futurorum. Maior vero est clara; quia tristitia, & delectatio afficiunt sensum.

In textu secundo ulterius progreditur ostendendo, quod alteratio non est in parte animæ intellectivæ, & hoc dupliciter. primo in generali, secundo in speciali. In generali sic. Ad ea quæ sunt de prædicamento ad aliquid non est motus alterationis. Sed scientia, quæ est in parte intellectiva, est de prædicamento ad aliquid. Ergo ad eam non est motus alterationis. Maior fuit probata in quinto, quia scilicet motus non advenit lubie *Et* sine eius mutatione, ad aliquid vero vitæ & ita scientia advenit intellectui absque eius mutatione, cum intellectus accipiat scientiam ex experientia particularium quæ residet in sensibus. Minor videtur clara, quia scientia dicitur relativa, idest scibilis scientia.

Secundo hoc probat in speciali dupliciter. Primo in usu scientiæ. Secundo in

acquisitione eiusdem. Quod ad usum sic. Alteratio non fit nisi per acquisitionem accidentium. Sed usus scientiæ non est acquisitio accidentium. Ergo non est alteratio. Maior patet ex dictis in quinto, minor probatur. Quia usus specierum non est generatio, vel acquisitio ipsarum, v.g. videre non est alteratio vidētis, sed usus specierum visibilis, & ita consideratio est actus, & usus specierum intellectivæ potentia, & non vera acquisitio alteratiua. Secundo hoc idem probat de acquisitione scientiæ sic. Quidquid advenit alicui per solam quietationem perurbationum, & passionum, non advenit per generationem, & alterationem, sed scientia quæ est cognitio speculativa, & prudentia quæ est ratio practica adveniunt animæ per quietationem, & remotiōem corporalium passionum, &urbationum. Ergo scientia, & prudentia non adveniunt animæ per generationem, & alterationem. Maior potest ostendi exemplo habentis scientiam, qui si inebrietur, dormiat, vel infirmetur propter has perturbationes non potest uti scientia, & his sedatis maxime. Minorem explicat exemplo iuvenum, qui propter multitudinem, & confusionem passionum non sunt bene apti ad scientiam, & prudentiam; sicut sunt presbyteri, idest senes, qui habent passionem, vel ab ætate, vel exercitio sedatas, nam sic sedendo, & quiescendo animus fit prudens.

Circa supradicta autem plura sunt notanda. Primo enim notandum venit circa primam rationem, quod Phil. probabat alterationem non esse ad quartam speciem qualitatis, quia quod alteratur prædicatur in recto de alterato, dicimus enim lignum esse calidum, frigidum, &c. Si vero ex eo fiat figura Cæsaris non dicimus ipsam figuram esse humidam, vel frigidam &c. Sciendum circa hoc est, quod alteratio est qualitas non mutans rem, seu subiectum quale, sed solum ei impræmens passibilem qualitatem, v.g. faciens manum de frigida calidam. At forma, & figura variant rem, quia faciunt quod illud quod dicebatur calidum, & hoc calidum, seu lignum, amplius non dicatur lignum, vel calidum, sed forma, & figura v.g. figura Cæsaris, Hercules &c. quare dicere lignum est calidum, est prædicatio

Forma  
supra prædicatio  
intelligitur  
*Et*o.



Ratio formalis, & id recto, dicere vero lignum est figura Cælaris. i. formatum sub figura Cælaris, est prædicatio in obliquo, & denominatiue.

*Habitus corporis dupliciter considerari possunt.* Secundo notandum venit circa tex. 12. in quo probauit Arist. habitus corporis, vt robur, sanitas, fortitudo, & similes esse ad aliquid. Scito quod huiusmodi dupliciter considerari possunt. Primo secundum esse, seu secundum id quod sunt, & ita sunt res absolute, sanitas enim est quædam temperies humorum, &c. Secundo vt includunt quandam propositionem, & ordinem, & sic relative dicuntur.

*Sanitas corporibus deputat.* Tercio animaduertendum venit ex eodem textu, circa exemplum sanitatis, quod Aristot. dixit. sanitatem esse debitam commensurationem humorum dupliciter. Primo (inquit) eorum quæ sunt infra, & Secundo ad continens. Commentator ergo per commensurationem humorum, quæ sunt infra, intelligit temperamentum humorum, ex quibus corpus componitur, quod, & sentit S. D. sed circa 15, & ad continens dissipium est, quia per continens Commentator cum Simplicio, & Magno Alberto intelligit aerem continentem, ita vt sanitas a duobus dependeat, primo a debito temperamento humorum, secundo a continente, & circumstante aere, non valente eam tollere, vel enervare, nam aer ex virtute cæli si bonus est, magna operatur ad sanitatem, & si malus est, ad ægritudinem, vt etiam docuit Aristot. in prob. sect. 14. & septimo Polit. cap. 11. & Hippocrat. in lib. de locis, aere, & aqua. At S. D. per continens intelligit corpus continens sanitatem, quia corpus multum facit ad sanitatem, vnde temperies humorum corporis leonis, poterit esse infirmas corporis hominis. Quod autem Aristot. per continens non intelligat aerem probat, quia sanitas animalis non dicitur per comparisonem ad aerem sanum, sed contra aer dicitur vnus per comparisonem ad animal, quia est ei sanus. Sed hæc duæ opiniones de facili conciliari possunt dicendo, quod verba Aristot. prægnantia sunt, adeo vt de corpore continente, & aere circumstante intelligi possint, sed de corpore per se, vt de continente sanitatem ab intrinseco, de

aere vero per aliud id est, per ordinem ad corpus, quod ab extrinseco ambit.

Quarto notandum est pariter circa eundem textum, quod Aristot. ait sanitatem pulchritudinem, & similes dispositiones, & habitus debere iudicari per comparisonem ad optimum. Per optimum autem Commentator intelligit quoddam extrinsecum, vt homo debet iudicari sanus per respectum ad sanissimum hominem, & pulcher per respectum ad pulcherrimum. At S. D. per optimum intelligit opus, seu exercitium propriarum operationum, vnde homo dicitur sanus quando potest exercere operationes sani, & pulcher, quando ostendit debitam commensurationem omnium partium corporis. Reprehenditur expositio Auerrois, quia accidit pulchritudini, & sanitati relatio ad vnum primum sanum, vel pulchrum extrinsecum, ab intrinseco autem conuenit sanitati, esse debitam commensurationem humorum, ad exercendas proprias operationes &c.

Quinto notandum venit, quod Philosoph. text. 19. dixit totam virtutem moralem esse positam in delectationibus, & tristitijs, intelligit secundum sensum, quatum etiam virtutes intellectuales habent, & ipse propriam delectationem intellectualem, & maiorem.

Sexto notandum venit circa text. vigesimum, quo affirmauit animam nostram quiescendo a passionibus sapientem fieri, & prudentem, quod in hac per se locutus est secundum opinionem Platoniorum, vt bene notat S. D. Dicebant enim Platonici formas separatas duos causare. Primum excellentiam rerum naturalium, & generationes earum, pro quanto materia aliquo modo participabat has formas separatas secundum esse. Secundum est, quod etiam causabant in animam nostram scienciam, pro quanto eas aliquo modo quo ad scire participabat, vnde secundum Platonicos nostrum scire non acquirebatur a rebus, sed a substantijs separatis, & hoc in infusione animæ, quare si iuuenes non ita bene intelligebant, nec prudentes erant, proueniebat propter abundantiam passionum quibus in eis sedatis, tunc anima ab his expedita recte, & clare discernebant, ac rerum naturas diiudicabat.

bat. Oppositum autem ex propria sententia docuit Arist. primo Posteriorum, & tertio de anima, scilicet quod nostrū scire sit generatio. i. acquisitio scientiæ, facta adminiculo sensuum interiorum, & exteriorum, & lumine intellectus agentis. Mos autem fuit Arist. ante suam sententiam aliorum sententijs uti, sicut etiam in tertio secundum opinionem Platonis dixit, omne corpus sensibile habere gravitatem, vel levitatem, cuius oppositum ex propria sententia ostendit in primo de calo.

Septimo igitur ad hoc vt salvemus secundam opinionem Arist. scientiam esse ad aliquid, & sine alteratione acquiri, notandum est, quod susceptivum alicuius formæ, tripliciter se potest ad eam habere: Primo in ultima dispositione, ita vt ad præsentiam actus, formæ, vel obiecti sequatur actualis informatio, & noticia, sicut ad præsentiam corporis coram speculo, in eo refuleat eius imago, & ad præsentiam solis, aer subito illuminatur, & ad præsentiam obiecti per experimentū cogniti, & lumen intellectus agentis illustrari, intellectus possibilis dum eius speciem recipit, illud intelligit. Secundo non in ultima dispositione, cum susceptivum sit indispotum ad suscipiendam formam, vnde prius debet disponi. Tertio in ultima quidem dispositione, sed sub impedimento, vt dum aer in camera clausa, lumine priuatur. Primo modo acquiritur forma immediate sine alteratione, & sic acquiritur scientia, vnde ad eam non est alteratio, & ita tertio modo, deductis impedimentis, id est passionibus, & turbationibus. Secundo autem modo forma non acquiritur sine alteratione, quia materia per alterationem traducitur de potentia ad actum, & hoc modo negatum fuit scientiam generari. Hoc autem habet prædicamentum ad aliquid, quod naturali sequela, & sine alteratione acquirit terminum, v. g. aliquid sit mihi æqualis, vel similis, nulla mutatione in me facta.

Octavo notandum, quod duplex est modus acquirendi aliquid. Primus dicitur ex alio, quia ex alio acquirit motum esse, vel suam perfectionem, vel per transmutationem, sicut subiectum ex frigido fit calidum, vel ex nigro album, &

sic cū hæc mutatio sit inter terminos positivos, erit cum motu, & alteratione. Secundus dicitur post aliud, quia vnum ad aliud sequitur, sicut lux ad tenebras. i. post tenebras, & scientia ad ignorantiam. i. post ignorantiam, & talis mutatio non est cum alteratione, quia ex negatione fit acquisitio positivi. Hinc est, quod quavis intelligere, fit pati, non tamen est pati passione corruptiva, & alterativa, sed perfectiva, quæ dicit perfectionem esse, post non esse.

## LECTIO VI.

## QVÆSTIO III.

*Vtrum ad solam tertiam speciem qualitatis sit alteratio.*

Videtur quod non. Ad tangibiles qualitates est alteratio, cum sint sensibiles, sed mollietates, & durities sunt qualitates tangibiles. Ergo ad eas est alteratio. Sed hoc est falsum, quia per Arist. in prædicamentis sunt naturales potentie, & impotentie, de secunda specie qualitatis. Ergo ad solam tertiam speciem &c. non est alteratio.

Secundo. Ad illam qualitatem proprie est alteratio, quæ acquiritur cum abiectione contrarij. Sed inultæ virtutes quæ sunt in prima specie acquiritur, cum abiectione habitus contrarij positiui, vt dum quis ex habitu falso, & erroneo ad veram scientiam reducitur, & ex habitu vitioso, ad virtutem. Ergo.

Tertio. Ad eas qualitates per se primo, & proprie dicitur esse alteratio, quando per se terminant alterationem. Sed albedo, nigredo, & similes, non sunt per se termini alterationis. Ergo &c. Maior est Arist. in textu. Minor probatur. Quia hæc qualitates resultant ex intentione, & remissione primarum qualitatum, vnde videtur dicendum, quod tantum ad primas qualitates sit alteratio, & non ad alias, quæ tamen sunt passibiles, & sensibiles qualitates.

Quarto. Passiones tam sensitiuæ, quæ appetitiuæ non per se primo terminant alterationem. Ergo ad eas non est proprie, & per se alteratio, vt dicit hic Philosophus. Antecedens probatur in potentijs

eius sensitivis cognoscitivis, nam primo terminantur ad species sensibiles, & per hanc terminationem sequitur sensitio, & ita ira, gaudium, & quæ passionēs appetitivæ sunt, primo terminantur ad cor, & ad calorem.

Quinto. Sicut ex calefactione cera figuratur. i. fit liquida, pallida, vel rubea, ita per sculpturam materia figuratur. Ergo si figuratio ceræ est alteratio, ita erit & sculptura, nam idem est terminus idest figuratio, & sic ad quartum erit alteratio.

Sexto. Caliditas, & frigiditas ponuntur ab Arist. in prædicamentis in prima specie qualitatis. At ad has est alteratio, vt patet. Ergo ad primam speciem erit alteratio.

Septimo. Ad aliquod secundum dici potest esse alteratio, cum etiam quæ sunt de tertia specie possint esse ad aliquod secundum dici. Sed sanitas, scientia, & similia, quæ ponuntur in prima specie sunt ad aliquod, seu relatiua secundum dici. Ergo ad has erit alteratio.

Octavo. Quidam habitus morales sunt in appetitu sensitivo, vt fortitudo, & temperantia secundum S.D. p.2.q.59. art.9. Ergo ad virtutes morales erit alteratio, contra id quod asserit Arist. tex. 18. Sequela patet, quia ad iram, & gaudium dicitur esse alteratio, quia sunt in appetitu sensitivo.

Nono. Omnes habitus intellectuales. i. virtutum intellectualium sunt intensibiles, & remissibiles, idest patiuntur maiorem, & minorem perfectionem, sicut etiam faciunt habitus sensibiles, sed ad ea ad quæ est motus intensivus, & remissionis est alteratio secundum Philosophum 5. Physic. Ergo &c.

Decimo. Nec obstat quod dū res perficitur, nec alteretur, nam etiam aqua calida dum fit frigida perficitur, & tamen tunc alteratur.

Vndecimo. Sanitas, & ægrotudo non sunt nisi adæquatio, & inadæquatio primarum qualitatum, scilicet caliditatis, & frigiditatis, humiditatis, & siccitatis, vnde terminus sanitatis est adæquatio, & infirmitatis inadæquatio harum qualitatum. Sed hoc fieri non potest nisi per alterationem horum qualitatum. Ergo ad sanitatem, & infirmitatem

tem quæ ponuntur in prima specie, est alteratio.

Duodecimo. Arguitur contra primam rationem, quæ probavit Philosoph. ad figuram non esse alterationem, quia scilicet subiectum de ipsa non prædicatur, quod fit in alijs qualitativis. Contra. Vel sumit signum in abstractione, vel in concreto. Non primum, quia sic nec prædicatur de qualitate sensibili, sicut enim non dicitur cathedralem signum, ita nec dicitur albedo est corpus. Si in concreto, de utroque prædicatur, vt enim dicitur album est corpus, ita dicitur lignum est figuratum, & triangulare, & ita erit eadem ratio de qualitativis sensibilibus, & de figuratis.

Decimotertio. Arguitur contra illam consequentiam. Domus fit. Ergo non dicitur alterari. Contra. Si hæc ratio valeret, nec calidum, aut frigidum dicendum esset alterari, nam sunt calidū, & frigidum. Quod sic dicatur subiectum. i. corpus alterari secundum illas qualitates, ita dicemus lignum, aut lapides alterari secundum illas qualitates.

Decimoquarto. Arguitur contra id quod dicitur, virtutes esse ad aliquod. Virtutes sunt qualitates absolutæ, distinctæ a subiectis in quibus sunt. Sed qualitas distincta a subiecto non acquiritur nisi per alterationem. Ergo.

Decimoquinto. Arguitur contra illud, quod dicitur, hominem præfici secundum virtutem. Vel sermo est de perfectione de essentiali, vel de accidentali. Non primum, quia virtus est accidens, & consequenter non potest essentialiter perficere substantiam. Si secundum. Quodlibet corpus perficitur per accidentia, vnde secundum illam non est alteratio, quod est falsum. Ergo &c.

Pro resolutione huius questionis, primo notandum venit, quod alteratio bifariam sumi potest. Primo communiter, pro omni mutatione terminata ad qualitates, siue sit successiua, sicut est acquisitio caloris, vel instantanea, sicut est acquisitio luminis, supponit aliam mutationem, siue non. Secundo sumitur proprie, pro receptione successiua qualitatis, cum abiectione formæ contrariæ, &c. Primo modo ad quamlibet speciem qualitatis est alteratio. i. aliqua mutatio,

ff 2 non

*Alteratio dupliciter sumitur.*

non autem secundo modo, ut modoloquimur.

*Alterationis cum alterationem propriam, tot conditiones requiruntur.* Prima est, quod sit mutatio, & alteratio successiva, quare illuminatio aeris non dicitur alteratio. Secunda est quod fiat de subiectum in subiectum, i. de contrario in contrarium, & ideo in secunda & quarta specie qualitatis non est per se alteratio, quia in illis non est propria contrarietas. Et ita nec ad primam speciem, quia fere semper acquiruntur non possunt esse positivi habitus contrarii, sed post negationem, ut quid sit sciens post ignorantiam, quæ est negatio scientiæ, sed & si aliquis habitus acquiratur post habitum contrarium positum, tamen hoc non esset cum successione, unde deficeret prima conditio. Tertia est, quod habeat conditiones proprii motus, prout dictum est in quinto.

*Qualitas dupliciter terminatur terminatur.* Tercio notandum venit, quod aliqua qualitas motum terminet stat dupliciter. Primo per se primo, & principaliter, & tunc argueretur, & quod talis qualitas sit acquisita per motum proprium, & stricte sit terminus motus. Secundo, quod illi terminet per se, & non ratione alterius. Tercio, quod hoc faciat cum abiectione formæ contrariæ positivæ. Quarto partibiliter idest successive, & Quinto nullo alio prærequisito terminante motum ad acquisitionem illius qualitatis, & hoc modo primæ qualitates dicuntur terminare motum per se primo, quia non ratione alterius qualitatis, nec quacunque alia prærequisita, & cum successione, & contrarietate positivæ terminant motum. Secundo terminare motum dicitur per se, sed non primo, quod est terminare motum per aliud, non tamen accidentaliter, & sic convenit secundis qualitatibus, ut sunt colores, sapores, odores, & similes, quæ non contrariantur, mutuo se expellentes a subiecto, nisi participatione primarum qualitatibus, & earum virtute. Et ita habitus corporis, ut sanitas, ægritudo, pulchritudo, & habitus anime intellectivæ, scilicet intellectus, sapientia, scientia, prudentia, & ars, & habitus partis appetitivæ, qui dicuntur habitus morales, ut fortitudo, magnanimitas, liberalitas, magnificentia, mansuetudo,

& aliz virtutes, de quibus agit Aristoteles. Ethic. non dicuntur per se primo terminare motum, quia non est necessarium quod partibiliter, & successive acquirantur, & ex contrario positivo, dato quod non supponant necessarium, & si quandoque habitum contrarium in subiecto, post cuius expulsionem acquirantur.

Primo ergo loco ponitur talis conclusio. Ad qualitates tantum tertiæ speciei est per se prima alteratio, idest ad passionem, & passibiles qualitates. Probatur præter rationes adductas a Philosopho. Ille solum qualitates per se primo terminant motum, quæ inter se primo habent contrarietatem positivam, casu latitudinis successione, ex propria natura. Sed solum qualitates tertiæ speciei hoc habent. Ergo &c. Probatur minor, quia naturales potentie aptæ naturæ sunt fieri simul in obiecto, cum sequantur naturali sequela generationem substantiæ. Ita habitus corporis, ut sanitas, & ægritudo consequuntur commensurationem, vel non humorem. Habitus vero anime immediate possunt acquiri, forma vero, & figura nullam contrarietatem habent, unde remanet quod ad solas qualitates tertiæ speciei, sit alteratio per se primo.

Ad primum respondet Albertus septimo huius, tract. primo, cap. quinto, quod mollia, & dura bitariam considerari possunt. Primo ut sunt talia aliena siccitate, & humiditate, idest, ut talia sunt per has qualitates ab extrinseco, & sic ad eas est alteratio, & pertinet ad tertiam speciem qualitatis. Secundo ut sunt talia ex sua natura propria siccitate, & humiditate, & sic pertinent ad naturalem potentiam, & ad eas non est alteratio, nisi secundario.

Ad secundum dicitur ad maiorem, quod ultra contrarietatem sequitur partibilis acquisitio, quod non convenit virtuti. Secundo dicitur, quod acquiri cum obiectione contrarii stat dupliciter. Primo per se, & necessario. Secundo permissivæ, & non repugnantæ. Ad quæ sitatem est alteratio dum acquiritur primo modo, quod virtuti non convenit secundum suam naturam, quia acquiratur secundum essentiam suam in instanti.

*Conclusio probatur.*

*Argumentum solvitur.*

ti, & si permissiue, & per accidens possit acquiri cum abiectione contrarij. Sed hic quis querere poterit, quomodo habitus non acquirantur cum alteratione, si acquiruntur secundum magis, & minus, sanitas enim, & scientia maior, & minor esse possunt. Sed respondetur cum D. Th. 2. q. 92. art. 1. quod ad habitus est alteratio non primo sed consequutiue, quia facta alteratione secundum calidum, & frigidum sequitur animal alterari secundum sanum, & aegrum, & facta alteratione secundum passionem appetitus sensitivi, vel secundum vires sensitivas apprehensiuas sequitur alteratio secundum scientiam, & virtutes, vt docuit etiam Philosophus in hoc septimo.

Ad septimum primo respondet Soto hic, quæst. 1. quod albedo, nigredo, & alia medix qualitates sunt per se termini alterationis, quia aliud est quod per se dicant modum singularem acquisitionis, scilicet cum abiectione contrarij, & successiue, & aliud quod componantur ex primis, secundum Aueroem, sed primum est intentum, & sic dicuntur esse per se termini alterationis. Alij respondent esse per se terminos motus, quia contrariantur, & se expellunt a subiecto, quod non conuenit per se habitibus, nec formis, & figuris. Sed & tertio dico, aliud esse quod qualitates medix componantur ex primis, & aliud quod seorsum non terminent motum, nisi seorsum motus prius terminetur a primis qualitatibus. Primum affirmamus, sed secundum negamus, quia motus ad eas per se, & immediate terminatur, ad primam autem, secundam, & quartam speciem consequutiue, vt docuimus.

Ad quartum respondet Soto, quod alteratio in sensibus non fit ad sensationes ipsas, sed ad species, & quod in vsu sensus, & scientia non est alteratio, vt docuit Arist. tex. secundo & quod in ira est alteratio materialiter, in commotione sanguinis. At ego cum Arist. secundo de anima dico, in potentijs sensitivis non esse alterationem in acquisitione scientia, quia sensus sunt in actu primo, & consequenter in proxima dispositione, & immediata ad recipiendas species. Ad motuum vero passionum sensitivarum ira gaudij, &c. dicimus, quod dum ter-

minantur ad calorem fit alteratio in corde, vnde illa simul sunt.

Ad quintum dicitur, quod aliud est eam colorari colore suo naturali dum calefit, & liquefit, & aliud est eam figurari forma, & figura permanenti. Primum enim est cum alteratione, & terminus eius est calefactio, & liquefactio, secundum vero non est alteratio, sed est quid consequens alterationem, scilicet liquefactionem, & indurationem, sicut etiam primus terminus sculptionis est aullisq. particularium lapidis, ex quo consecutiue fit ipsa statua. Et primus terminus pictiois, non est imago, sed pictio, ad quam consequitur imago. Et dum cera liquefit, primus terminus liquefactionis est extensio quantitatis cere, & consecutiue figura.

Ad sextum dicitur, quod caliditas, & frigiditas bifariam considerari possunt. Primo vt sunt ignis, vel aque effectus, & sensationis causa. Secundo vt conueniunt, & disconueniunt subiecto. Primo modo ponuntur in tertia specie, & ad eas per se est alteratio. Secundo autem modo ponuntur in prima, nam disemperatis calor generat quartanam, & excessus frigoris paralisim, & ita causant ægritudines, si disemperentur, & sanitatem si proportionem feruent.

Ad septimum respondet Conimb. virtutes, & vitia esse relativa secundum esse, & ideo ad eas non esse motum. At hoc est contra communem sententiam, nam per se sunt de prædicamento qualitatis, & prius sunt qualitates, quam relationes, & ideo non sunt ad aliquid nisi secundum dici. Dicendum est ergo, quod qualitates tertiæ speciei, & si possint esse relativa secundum dici, non tamen propter hoc habebunt, quod sint termini alterationis, sed quia sunt formæ contrariæ actiue, & successiue acquisibiles, quare propter hoc non sunt termini alterationis, & non quia sunt in prima specie.

Ad octauum dicitur, quod ad iram, & gaudium non dicitur esse alteratio, quia sunt in appetitu sensitivo, sed quia sunt in appetitu sensitivo, vt passionem, & non vt virtutes morales.

Ad nonum dictum est, quod sola intensio, & remissio non sufficiunt ad hoc, vt intensibilia, & remissibilia dicantur

per se termini alterationis, sed adhuc necessarium est, quod non consequantur ex commensuratione, quod non sint rei perfectiones, ut supra, & quod successive acquirantur.

Ad decimum dicitur, quod dum aqua se reducit ad frigiditatem, proprie non dicitur alterari, quia nihil tunc acquirit, quod sua natura non habeat, unde subiectum est illud, quod alteratur. Sed additur, quod si id quod perficitur, per alterationem perficiatur ad ipsum erit motus non vero si solam perfectionem importet, precipue si naturali sequela, vel in instanti sit acquisita.

Ad undecimum dicimus, quod primæ qualitates dum ad temperamentum veniunt, vel ab eo recedunt, tunc alterari, & postea consequi hanc alterationem sinitatem, & agritudinem quasi effectus.

Ad duodecimum primo respondetur, duplex esse coniunctum. Primum dicitur primum, quia per solam unionem formæ fit, ut album, & nigrum, quæ talia dicuntur propter hoc solum, quod albedo, & nigredo subiecto inhaeret. Secundum dicitur secundum, quia à primo subiecto denominatur, ut dealbatum, denigratū. Hoc ergo duplex coniunctum dicitur periri in formis, & figuris. Primum ergo erit res ipsa, sub forma, vel figura v. g. domus cathedra arca. Secundum denominatum primi secundum formam, ut domificatum, cathedratum, & similia. Pradicari ergo in concreto quinto conuenit formæ sensibili, quia v. g. dicimus lignum esse calidum, vel frigidum, non autem dicimus lignum esse cathedratū, vel arcatum, nisi prius facta sit mutatio in ligno.

Ad decimum tertium dicendum, quod recte affirmamus subiectum alterari, dum calidum fit, & frigidum, non vero dum figuratur, quia alteratio primo, & per se terminatur ad calidum, & frigidum, & non ad figuram, nisi consecutiuè. Vis ergo rationis Philos. est. Quod sicut dum domus fit, alterari non dicitur, quia aliud est fieri, & aliud alterari, ita dum forma fit, non dicitur alterari, sed fieri, ex maxima similitudine quam habet productio formæ accidentalis figuratiua, cum productione substantiæ. Loqui autem de subiecto est loqui de alterato per se, &

consecutiuè figurato.

Ad decimum quartum dicitur, quod qualitas acquiritur per alterationem, vel per se primo, vel per se secundo. Si est sensibilis per se primo acquiritur, & si alterius speciei, per se secundo, ut iam ostensum est.

Ad decimum quintum respondebat Auerroes, id quod perficitur non dici alterari, quia perfectio fit in instanti, & alteratio in tempore, & successiuè. Sed hanc solutionem impugnatur S. D. dupliciter. Primo, quia dato, quod generatio perfectionis .i. introductio formæ etiam accidentaliter esset in diuisibili, tamen corruptio .i. recessus à perfectione non fit in in diuisibili, quia magis, ac magis à perfectione receditur, unde sic sequeretur, quod corruptio esset alteratio. Secundo, quia etiam alteratio secundum vltimum gradum fit in instanti, nam summe calidum fit in instanti. Dicitur ergo, id quod perficitur non alterari, quia dum perficitur, non est, alterari autem est eius quod iam est. Argumentum autem procedit de alteratione communiter sumpta, quæ aliquam mutationem dicit, non autem de proprie accepta, secundum illas conditiones, quæ habent passibiles qualitates.

#### CAPVT IV.

#### LECTIO. VII.

#### S. D. VII. & VIII.

*Dubitabit autem aliquis utrum omnis motus sit c. sex. 21.*

**H**ic Arist. incipit tractare de comparatione motuum, querendo an omnis motus alteri motui sit comparabilis. In tex. ergo 21. arguit omnem motum non esse alteri motui comparabilem dupliciter. Primo. Si motus sunt comparabiles, sequitur quod motus rectus, & circularis sint comparabiles. Hoc falsum. Ergo vnus motus non est alteri comparabilis. Maior ut nota relinquitur, minor probatur. Nam dictum est in sexto, illos motus esse æqualiter veloces, qui in eodem tempore, & per æquale spacium habent æqualem velocitatem. At non potest esse quod motus circularis, & rectus idem



idem spacium transeant in æquali tempore sicut nec curuum, nec circulare potest esse recto æquale. Secundo. Quia sic latius .i. motus circularis esset æqualis alterationi. innotui secundum alterationem, si in æquali tempore mouerentur. Hoc autem non potest esse, quia qualitas non transit spacium æquale cum motu circulari. Et quia quis posset primo argumentum respondere dicendo, motum circularem, & rectum esse comparabiles, non in eadem velocitate, sed in maiori, & minori, sicut comparantur motus secundum sursum, & deorsum.

Hinc tex. 22. & 23. hanc responsionem excludit, & tota vis exclusionis in hoc consistit, quod cum linea circularis, & recta æquales esse non possint, nec motus poterunt esse æquales, quia motus dicuntur æquales, quando transeunt idem spacium æquale. Quod autem non potest esse æquale in velocitate, nec etiam potest comparari in maiori, & minori velocitate, quia quæ non conveniunt in forma, nec etiam convenire dicuntur in participatione eiusdem formæ, secundum magis, & minus.

In tex. 24. incipit tradere ea, quæ requiruntur ad comparationem. Primo, ergo dicit, quod ad comparationem requiritur, quod comparabilia non sint æquivoca, quia hæc in solo nomine conveniunt, & ratione differunt. Quare cum acutum dicatur de unaquaque re acuta, v.g. de angulo, vel stilo, vel in saporibus de vino, & in vocibus de voce ultima, id est suprema in melodijs, vel Cithara, inter hæc non erit comparatio, quia hæc habent solum nomen acuitatis commune, & rationem diversam. Potest autem corda acuta ad eam comparari, quæ sibi proxima est, ut una dicatur magis, & minus acuta in eodem ordine .s. melodiæ. Et ita vnus motus circularis potest alteri motui circulari comparari, in maiori, & minori velocitate, sed non motui recto, quia hæc sunt diversorum ordinum, & rationum.

In tex. vero 25. & 26. hoc prosequitur .s. non sufficere quod illud in quo comparabilia comparantur non sit æquivocum, quod multis exemplis manifestat, unde in tex. 27. tradit secundam conditionem comparabilium .i. quod habeant

idem susceptivum immediatum, quare canis, & equus in albedine comparari possunt, quia habent vnum immediatum susceptivum, & vnam naturam albedinis participatam, vel æqualiter, vel secundum magis, & minus. Hoc autem immediatum susceptivum dicit esse superficiem. Similiter magnitudo in vitroque est comparabilis secundum maius, & minus, quia eadem est magnitudo, & subiectum magnitudinis in vitroque .s. substantia corporis mixti. Non sic autem, est in voce, & aqua, quia subiectum aquæ est substantia, & subiectum vocis est sonus, qui est qualitas.

In tex. vero 28. & 29. concludit supradictas duas conditiones non sufficere. Primo, quia possunt esse multæ naturæ distinctæ secundum se, ut dulce, & album, & non solum ex receptivo. Secundo, quia plures formæ susceptæ secundum se veniant sibi propria receptiva, & ideo ad invicem dicuntur. Necessaria est ergo tertia conditio, scilicet quod comparabilia conveniant in eadē specie arthoma, seu ultima, non divisibili per plures differentias specificas, unde quæ comparantur ad invicem in albedine, debent convenire in eadem specie albedinis, & quæ in nigredine, in eadem specie nigredinis sic, quod participare dicantur eadem formam, vel æqualiter, vel secundum magis, & minus.

His conditionibus ponibus positis, eas applicat in tex. 30. & deinceps ad comparationes motuum, & tota summa in his punctis consistit. Primum, quod motus diversi generis, ut alteratio, & motus localis non sunt comparabiles ad invicem in velocitate, & tarditate, non enim erit propria locutio dicere, aqua velocius calefit, quam homo moveatur de loco ad locum. Secundum est, quod nec motus eiusdem generis possunt comparari ad invicem, si sint diversi speciei, unde motus circularis proprie non dicitur, velocius recto, quia sunt diversi speciei. Tertium est, quod nec motus eiusdem speciei sunt proprie comparabiles ad invicem, nisi sint eiusdem speciei specialissimæ,

&c.

QVÆ.

## QVÆSTIO IV.

*Verum motus quicunque sint comparabiles adinvicem per conditiones comparabilium.*

**V**idetur quod sic. Illi enim motus sunt comparabiles in tempore, qui in eodem tempore æquale spacium transeunt. Sed potest esse quod mobile per circulum in vna hora transeat spacium decem cubitorum, & hoc idem transeat mobile per lineam rectam. Ergo sunt comparabiles.

Secundo. Differentia specifica communem rationem duorum non tollit. Ergo quamvis figura circularis, & recta specie differant, tamen poterunt convenire in vna communi ratione velocitatis motus.

Tertio. Omnis quantitas secundum æqualitatem, vel inæqualitatem dicitur. Sed lineæ, circuli, & similia sunt quanta. Ergo dicuntur secundum æqualitatem, vel inæqualitatem.

Quarto. Substantia dicitur magis ens, quam accidens, & Deus sapientior quam creatura, & tamen ens non dicitur vniuoce de substantia, & accidente, nec sapientia de diuina, & humana. Ergo ad veram comparisonem non requiritur, quod comparabilia sint eiusdem generis vniuoci.

Quinto scientia Angeli comparatur scientiæ humanæ, & dicitur ea maior, & ita lux dicitur maior in sole, quàm in igne, & tamen hæc non habent idem immediatum susceptiuium. Ergo immediatum susceptiuium non postulatur in comparationibus.

Sexto. Sicut dicimus albedinem esse intensiorem in nive, quam in papyro, ita dicimus colorem in vno magis intendi quam in alio. At calor est genus ad albedinem, nigredinem, &c. Ergo iuxta genus potest esse comparatio.

Septimo. Per Arist. in prædicamentis, quanta est superficies per quam albedo extenditur, tanta est albedo per superficiem extensa. At quantitas, & albedo differunt genere. Ergo iuxta genus potest esse comparationes.

Octauo. Ignis dicitur esse maioris acti-

uitatis quam aqua frigida, & sanitas in animali potest esse tardior quam calfactio in eo. Sed hæc dicuntur differre genere. Ergo &c.

Nono. Omnia mobilia in vno tempore secundum speciem mouentur, cum sit tantum vnum tempus per Arist. quarto Physicorum. Ergo mobile circulariter, & recte sunt comparabilia in idem secundum speciem.

Decimo. Creaturæ comparatur Creatori. Sed inter creaturam, & Creatorem est distantia infinita, quæ non est inter motum rectum, & circularem. Ergo motus rectus, & circularis comparantur.

Vndecimo. Istæ sunt frequentes comparationes. Melior vnus est, quam alter sit malus, & nigrius est coruus, quam cingulum sit albus, & in euangelio filij tenebrarum vocantur prouideriores, quam sint filij lucis, & tamen supradicta differunt specie. Ergo &c.

Duodecimo. Hoc est commune Axioma Geometricum, quod omnium linearum ductarum ab vno puncto in aliud, breuissima est recta, & tamen constat reliquas esse arcuales, nam aliter non possent duci plures lineæ inter duo puncta. Ergo lineæ recta comparatur curuis in breuitate.

Decimotertio. Genus dicit vnam naturam vnica definitione definibilem, siquit species dicit vnam naturam, vnica definitione definibilem. Ergo si propter hoc in specie est comparatio, erit etiam in genere.

Decimoquarto. Istæ sunt veræ, & reales comparationes, homo est perfectior anima, quam leo, vel bos, & tamen id in quo comparantur non est vnum specie.

Decimoquinto. Sicut albedo est acci-  
dens corporis, ita velocitas, & tarditas *comparabilis*  
motus, sed prima est comparatio secundum *conditio-*  
nem speciem. Ergo & secunda. Pro eno-  
nes.  
datione huius quæstionis. Primo obser-  
uandum est, Aristot. hic tres expressisse  
conditiones comparabilium. Prima est,  
quod id in quo sit comparatio sit vniuocum,  
& vniuoce prædicetur de comparatis, nam comparatio vera, & realis non  
debet esse in nomine, vel voce, quæ est  
ad placidum, sed in vna, vera natura, se-  
cundum rem à pluribus participatam.  
Sed considerandum est, quod hæc com-  
munis

munis natura bifariam inspicí potest. Primo logica, idest secundum rationem, vel essentiam tantum, quo pacto animal prædicatur de homine, & de leone, cum dicat vnam naturam sensitiuam, in amobus essentialiter reperibilem. Secundo Physice. i. non solum secundum essentiam, sed etiam secundum perfectionem subiectorum in quibus reperitur, & sic natura animalis nõ dicitur vniuocæ Physice de homine, & de leone, quia per mobilius esse, & per mobiliorem differentiam contrahitur ad hominem, quam ad leonem, cum mobilius sit esse hominis, quam leonis, & hoc modo negauit Arist. hic in generibus esse veras, & proprias comparationes vniuocas, & dixit iuxta genera latere equiuocationes, & sicco Diuinorum dixit corruptibile, & incorruptibile differre plusquam genere scilicet Physice, & secundum esse, & non Logicæ, idest intentionem, nam habere tres dimensiones vniuocæ Logice prædicatur de corporibus celestibus incorruptibilibus, & inferioribus corruptibilibus.

Secunda conditio est, quod natura in qua fit comparatio sit in diuersis subiectis secundum vnam rationem, vt homo, & paries sunt comparabiles in albedine, quia possunt habere vnum idemque subiectum immediatum scilicet superficiem, non vero vox, & homo, quia vox non potest habere superficiem, qua mediante dicatur alba. Aduerte tamen, quod duplex est subiectum. Primum dicitur, quod idest natura subsistens. Secundum dicitur quo, idest ratio substans aliud in aliquo, vt est superficies respectu omnium alborum. Dum ergo Aristor. ait comparabilia habere vnum primum subiectum, non intelligit de subiecto quod, idest debere habere vnam naturam, nam sic homo, & canis sic specie differunt, vnde loquitur de subiecto quo, idest de vna ratione, mediante qua aliqua forma dicitur esse in duobus subiectis natura distinctis.

Tertia conditio, & quidem semper necessaria est, quod comparatio fiat in specie æthoma, adeo vt solum in specie specialissima possit esse propria comparatio, vt duorum alborum in albedine, vel in velocitate motus secundum rectum,

vel secundum circulum. Hæc autem conditio glossanda est, vt primo loquamur de propria comparatione, & in rigore sumpta, non enim negamus secundum genus, & species subalternas posse esse aliquam comparationem, immo etiam inter ea, quæ genere differunt, vt inter animal pictum, & verum, inter celum, & terram, sed hæc comparationes, non sunt propriæ, sed aliquales. Vnde secunda glossa est, vt intelligatur de comparatione vniuocæ, idest secundum vniuocationem, & non secundum analogiam, maxime propositionalitatis, quare non excludimus proportionales, & propositionalitates analogas, ab omni comparatione, sed bene ab ista, quæ dicit vnam formam indiuisibilem formaliter. Ideo nota quod quamuis genus dicat vnam naturam, tamen hæc vnitas minor est quam vnitas naturæ specificæ, nam natura generica plurificatur, & perficitur per plures formalitates, seu differentias formales, vt animal per rationale, & irrationale, at natura specifica formaliter est implurificabilis, & indiuisibilis, vnde solum materialiter plurificatur, & diuiditur, idest secundum diuersa indiuidua, non distincta in forma, vt Sorres, & Plato in rationali, sed tantum in principiis indiuiduantibus, idest in diuersis carnis, & ossibus. Tertia glossa est, vt hæc comparatio attendatur non solum in ratione formali speciei, sed etiam in modo participationis illius rationis specificæ, quare non sufficit comparare motum circularem, & rectum in velocitate, quia dato, quod vna esset velocitas secundum speciem, non tamen esset vna in modo eam participandi, quia non participaretur a diuersis solum numero materiali distinctis, sed etiam numero formali. Addimus quartam, scilicet, quod habeat easdem causas in illis a quibus participatur. His stantibus dicimus motum circularem, & rectum non posse comparari in velocitate. Nam mobilia comparata non dicuntur diuersa secundum rationem participatam, sed secundum diuersitatem naturæ, propterea motus circularis cum dicat diuersam causam, diuersum spacium, & diuersum modum illud transeundi,

non potest comparari motui recto. Item nec motus rectus eorum quæ mouentur sursum, motui recto eorum, quæ mouentur deorsum, & ideo comparatio erit solum inter ea, quæ eodem modo circulariter, vel recte, vel oblique, mouentur. Hoc igitur inspicendum venit, quod hic loquimur de propriissima, & strictissima comparatione, secundum conditiones antedictas, nam his conditionibus inspectis, omnia argumenta ruunt, in gratiam tamen nouiorem ea singulariter soluimus.

*Argumenta  
et solutio  
aut.*

Ad primum ergo dicit Soto, quod comparabilia debent mensurari eadem mensura, modo linea recta, & circularis non mensurantur eadem mensura, quia inter lineas illas dicitur longior, cuius extremita magis distant, & inter circulares, quæ maiorem habet portionem eiusdem circuli. Ideo velocitas motus recti non attenditur nisi penes longitudinem lineæ, sed velocitas motus circularis pensatur ex circuitione, cum descriptione equalium angulorum circa centrum, unde alia, & alia est mensura. At Valefius, controuersia 43. ad tyrones, dicit, motum circularem, & rectum bifariam considerari posse. Primo sub communi ratione motus localis, quatenus motus rectus, & circularis sunt motus. Secundo sub speciali, & propria ratione motus circularis, & recti. Primo modo dicere posse comparari, non vero secundo modo, quia speciem distinguuntur. Sed contra Valefium itat, quod talis communis ratio est generica, in qua non est comparatio secundum Aristot. hic, & insuper tunc non sumuntur secundum propria, sed secundum communem rationem. Alij dicunt, quod materialiter non possunt comparari, id est considerando res, quæ mouentur motu recto, & circulari, sed formaliter possunt comparari, id est secundum quod conueniunt in velocitate. Sed contra hos etiam itat, quod velocitas debet esse una formaliter, & specificè, modo hæc talis non est, quoniam predicatur de pluribus differentibus specie. Dicendum ergo venit, quod talis est comparatio communis, & non propria, & stricta, de qua hic loquitur Aristot. & per hoc patet ad secundum, nam illa communis ra-

tio debet esse specifica, & indiuisibilis.

Ad tertium dicitur, quod quædam quantia sunt æqualia, & quædam inæqualia, & in æqualitate non comparabilia, & talia sunt linea recta, & circularis in motu. Secundo dicitur, quod æqualitas, & in æqualitas in quantitate dicunt vnam rationem communem genericam, & non specificam, secundum quam est propria comparatio.

Ad quartum dicitur, quod tales comparationes sunt analogæ, & non vniuocæ, & ita dicitur ad quintum.

Ad sextum dicimus, quod dum affirmamus albedinem esse maiorem, minorem, vel æqualem in vno, quam in alio, comparamus speciem indiuiduis, secundum idem susceptionem, & secundum eandem rationem formaliter indiuisibilem, & id eo ei attribuiamus propriam comparationem, sed dum dicimus colorem esse magis in vna specie, quam in alia, vel in subiectis diuersis dicimus vnam rationem genericam communem in pluribus reperiibilem, & ideo solum ei attribuiamus comparationem communem. Nec valet dicere, quod color non solum potest dici maior, minor, vel æqualis in speciebus, sed etiam in subiectis, & suppositis v.g. in papyro, vel niue, quia hoc non obinet immediate, sed mediante aliqua specie coloris, v.g. mediante albedine in niue, & papyro.

Ad septimum dicendum, sensum Aristot. esse albedinem extensam, & superficiem extendentem esse æquales in extensione. Albedo ergo & superficies bifariam considerari possunt. Primo vt sunt quædam res, & sic non comparantur. Secundo vt sunt extensibiles, & sic comparabiles sunt, non proprie, quantum extensio est communis omnibus quantis.

Ad octauum non oportet respondere, quia solum probat communitatem.

Ad nonum dicendum, quod tempus bifariam considerari potest. Primo formaliter, vt dicit prius, & posterius motus. Secundo subiectiue, vt est numerus prioris, & posterioris motus in hoc, vel illo subiecto, hoc vel illo modo. Primo modo dicitur esse vnum, & secundo modo plura, modo comparatio pensatur secundum id in quo comparabilia comparantur.

parantur, & quia motus circularis, & rectus diuerso modo contrahunt tempus, non solum materialiter, sed etiam formaliter per suas rationes formales, secundum speciem diuersas, ideo non dicuntur comparari in tempore. Vel dicas, quod si habent comparationem in tempore, non eam habent in velocitate, & temporis, quia non mensurantur vna mensura immediata.

Ad decimum patet, quod procedit de comparatione communiter. Nam inter Deum, & creaturam duplex comparatio attenditur. Prima dicitur proportionalitatis, quæ etiam potest esse inter finitum, & infinitum, quia sicut Deus se habet ad suum esse infinitum, ita creatura ad vnum esse finitum. Secunda dicitur attributionis, quia creatura comparatur creatori, ut affectus suæ causæ analogæ. Vide quæ de his diximus in quarto Meth. in tractatu de analogia nominum.

Vndecimum, & duodecimum probant comparationem communem.

Ad decimum tertium pariter diximus, maiorem esse unitatem speciei quam generis, quia dimissio generis formalis est, & speciei materialis.

Ad decimum quartum dicimus, procedere de comparatione communiter sumpta, quæ etiam habet gradus, ut illa quæ est duarum specierum in genere dicatur magis propria, quam illa quæ est duorum generum in vno analogo.

Ad decimum quintum dicimus, disparere esse rationem de albedine, & velocitate. Nam albedo est species attributa, non sic velocitas, quia alio modo reperitur in linea recta, & alio modo in curva, de qua rem vide Toletum hic, q. 4. in responsione ad vltimum.

## CAPVT V.

## LECTIO VIII.

## S. D. IX.

*Quoniam autem mouens mouet semper aliquod, & in aliquo*  
tex. 35.

**H**Vsq̃ modo tractauit Philosophus, quod motus sint comparabiles, mo-

do à tex. 35. vsque ad finem libri tradit quomodo sint comparabiles, & in summa septem regulas comparationis motuum ponit, quatuor veras, duas falsas, & vnā ad alterationes, & augmentationes spectantem supponit autem primo quatuor ad motum concurrere, scilicet mouens quod mouet, mobile quod mouetur, tempus in quo mouetur, & spaciū supra quod mobile mouetur, & in alterationibus latitudo, & in augumentationibus extensio.

His stantibus prima regula est. Si mouens mouet mobile per tantum spaciū, & in tanto tempore, idem mouens, vel aliud ei æquale in virtute poterit mouere mobile dimidij ponderis in eodem tempore per duplum spaciū, & motum, in duplo velociori, & hoc per idem spaciū. Secunda est. Si aliqua virtus motiua mouet tantum pondus per tantum spaciū, & in tanto tempore, poterit etiam idem pondus mouere in dimidio tempore per dimidium spaciū, & motu æqualis velocitatis cum primo. Tertia regula est. Si aliqua virtus mouet tantum pondus per tantum spaciū in tanto tempore dimidium eiusdem virtutis poterit mouere dimidium eiusdem ponderis per idem spaciū, eodem, vel æquali tempore, & motu dimidiatæ velocitatis. Probatur. Sicut se habet tota virtus ad totum pondus, ita dimidia virtus ad dimidium ponderis. Ergo sicut tota virtus mouet tantum pondus per tantum spaciū, in tanto tempore, ita dimidia virtus mouebit dimidium ponderis alijs seruatīs. Quarta regula est. Si duæ virtutes se se habeant, quod qualibet possit per se portare tantum pondus, in tanto tempore, & per tantum spaciū, si coniungantur, poterunt portare vtrumque pondus, eodem tempore, per idem spaciū, & eadem velocitate motus. Probatur ex illo dicto communi. Eadem proportio, quæ est vnius ad vnum, est etiam duorum ad duo. Quinta regula apparens, sed non vera est. Si aliqua virtus tanto tempore mouet pondus, ut duo, poterit etiam mouere pondus ut quatuor eodem, vel æquali tempore, per dimidium spatij. Sed hoc est falsum, quia potest esse quod duplicatum pondus omnino

*Regula comparationis*



excedat virtutem motiuam, & ideo illud nullo modo possit mouere. Sexta regula etiam falsa est. Si dimidium alicuius virtutis, certo tempore mouet dimidium alicuius ponderis, toti virtuti adæquari poterit quogue eadem dimidiata virtus mouere idemmet pondus totale, & adæquatim integræ virtuti per dimidium tempus vel saltem per aliquod. Sed hoc etiam falsum est, quia potest esse quod totum pondus nō habeat proportionem cum dimidiata virtute, sed solum cum totali, & ideo nullo modo a dimidiata poterit moueri. Pro alterationibus autem, & augmentationibus talem tradidit regulam. Si virtus aliqua aliquo tempore determinato tantum alteret, vel augeat, alterare, vel augere poterit duplo maius in duplo maiori tempore, & etiam in dimidio temporis poterit alterare, vel augere dimidium, & omnia clara sunt.

### QVÆSTIO V.

*Vtrum regula superiores uniuersaliter sine vera.*

**V**idetur quod non. Nam intelligentia mouet cœlum tanto tempore, & per virtutem indiuisibilem, & incorpoream. Ergo non potest sumi aliqua pars huius virtutis, quæ partem cœli moueat, ut dicitur in regulis.

Secundo. Nec diuisio partium virtutis, & spacijs altruit impossibile. Nam deus hominem qui possit portare vnam libram triginta vntiarum per miliare, iste non poterit trigessimam partem libæ portare per triginta miliaria, quia potest esse, quod per tot miliaria non possint moueri.

Tertio. Nec similiter valet. Petrus potest per 100. passus lapideum iacere ergo partem decimam poterit iacere per mille passus.

Quarto. Arguitur contra primam regulam. Velocius motus consistit in excessus virtutis supra resistentiam. Ergo proportio velocitatis duorum motuum consistit in proportionem excessuum. Sed virtutis ut octo excessus supra quatuor est tantum quatuor, excessus autem supra duo eruat sex. At hi excessus sunt in

sexquialtera proportionem. Ergo vnus & illorum erit non in duplo, sed sexquialtero.

Ad primum autem istorum dixit Auerroes, has regulas solum verificari de virtutibus corporeis motiuis, non vero de incorporeis, ut sunt illa intelligentiarum, quia in indiuisibilibus, non est proportio ad diuisibilia, nec virtutis ad resistentiam, quia hæc solum est incorporee, dicit autem vnam intelligentiam velocius mouere altera, quia est nobilior altera. Sed hanc sententiam rejicit Toletus hic quæst. 5. Primo, quia excedere in nobilitate dicit excessum, excessus autem dicit diuisibilitatem illius in quō excedit, & illius in quo non. Secundo. Vbi est motus, & determinatus motus, ibi est aliqua propositio virtutis, & resistentia. Intelligentia mouet cœlum motu determinato, ita ut non possit esse velocior. Ergo ibi erit proportio mouentis, & moti. Tertio, quia ibi est actio, & passio. Ergo, & proportio inter mouens, & motum. Respondetur ergo, quod duplex est diuisibilitas. Prima dicitur molis, id est quantitas, vel qualitatis secundum gradus intensiōis in subiecto, & hoc modo intelligentie cum suis virtutibus dicuntur indiuisibiles. Secunda dicitur virtutis, quia vna virtus est altera maior secundum speciem (propter intelligentie distinguuntur) & sic in eis accipitur diuisibilitate modo suo maior, & minor virtus, & per hoc soluitur ratio Toleti.

Ad secundum dicte Toletus, quod per virtutem motiuam solum intelligimus virtutem non mixtam cum resistentia, per spaciū solum quantitatem, absque resistentia, & per mobile totam resistentiam, quæ potest prouenire ex hoc, quod non possit se mouere vltra tale spaciū, & potest prouenire ex resistentia medijs id est acris, ut tertium argumentum probat. Sed melius puto dicendum, Aristoteli loqui de virtute quoad possibilia, hoc enim regulæ supponunt, & quod non sit impedimentum, ex quacunque parte, ut secundum, & tertium argumentum adducunt.

Ad quartum dicendum, quod proportio velocitatis motus non est sumenda penes proportionem excessuum, sed penes



penes proportionalitatem virtutum, ad suas resistentias. Ideo duo erunt pependenda. Primum erit in qua proportionē virtutes excedant suas resistentias, verbi gratia sit virtus vt decem, mouens pondera quatuor, modo detur alia virtus vt octo, quæ moueat tantum duo pondera. Secundum est, quæ nam proportio sit inter illas duas proportionē, quia in hac vnus motus erit altero velocior, vt in exemplo dato. Prior virtus octo, quæ mouebat pondera quatuor, erit

ad suam resistentiam in proportione dupla, quia virtus vt octo potest mouere duo quatuor, quia duo quatuor faciunt octo. Virtus vero secunda vt 8. quæ mouebat pondera vt duo, erit in proportionē quadrupla scilicet octo ad duo, quia quatuor duo faciunt octo. Quia ergo proportio quadrupla est dupla, duplum motus quoque erit duplo velocior, & sic habebis regulam veram. Si autem vis videre varia de proportionibus, lege Soto hic quæst. 2. & 4.

*Finis Septimi Physicorum.*



# OCTAVI PHYSICORVM

## LECTIO PRIMA

### S. D. PRIMA.

#### CAPVT I.

*Utrum autem factus sit aliquando motus, &c. text. 1.*



Quæstionem an est præcedere quæstionem quid est, & qualis est, dixit Arist. 2. Post. & hic obseruauit, quia postquàm in septimo quæsiuit, & determinauit necessarium esse ponere primum mobile, primum motum, & primum motorem transit ad ostendendum qualis sit primus motor, primus motus, & primum mobile.

In primo ergo textu inquit, an factus sit aliquando motus, ita ut possit dari prius, in quo motus non erat, & dabile sit posterius, in quo non erit, quod est quærere, an motus sit sempiternus, ad eo ut nec initium habuerit, nec finem habiturus sit taliter quod sit veluti vita rerum naturalium perpetua, & non sit possibile esse res naturales sine motu. Propositæ autem quæstioni respondet primo, & aliorum sententiæ affirmatiuæ tali ratione. Qui ponunt mundum factum, & in eo quædam generari, & quædam corrumpi, necessario habent concedere motum, quia mundus non potest fieri sine motu, nec generatio, & corruptio sine motu esse possunt. Sed antiqui posuerunt mundum factum, & in eo esse generationem, & corruptionem ergo tenentur concedere motum semper fuisse. Maior supponitur communis conceptio. Minorem prouert primo ex Democrito, &

eius assecclis, qui dixerunt semper esse generationes, & corruptiones aliquorum mundorum, quæ non possunt esse nisi cū motu. Secundo id probatur etiam in text. secundo ex his qui posuerunt vnum mundum non semper fuisse, sed incepiss. Hoc enim dupliciter intelligi potest. Primo quod mundus factus sit ex magno Caos segregante eius partes intellectū, ita ut mundus prius non fuerit, & deinde sic factus sit (ut dixit Anaxagoras,) At hæc separatio rerum prius sub quiete in illo magno Caos existentium, non potest esse sine quiete. Secundo potest intelligi, quod mundus iam fuerit, sed in aliquo tempore non. Ponebant enim quidam amicitiam, & litem esse principia rerum naturalium, taliter quod amicitia res in vnum congregabat, & his has in multa disperdebat. Hæc autem aggregatio, & segregatio sine motu esse non potest.

His stantibus in textu tertio dicit, necesse esse hoc discutere, scilicet an motus sit sempiternus propter duo. Primum ad perfectionem scientiæ naturalis, quoniam scientia naturalis, quæ est de ente naturali mobili habet cognoscere an motus semper fuerit. Secundum ad scientiam de primo principio, quia si detur primum principium de nouo mundum creasse, oportebit fateri mundum præcessisse, quia, causa præcedit effectum. Si vero statuatur mundus, & motus æternus, necesse erit facere motorem æternum, quia motus æternus non potest esse nisi a motore æterno.

Circa supradicta autem primo venit notandum, quod Arist. in his octo libris Physicis ordinem doctrinæ seruauit, quia a nobis facilioribus, & notioribus exorditur,

dicitur, nam patet primum mobile, primum motum, & primum mouens ordine naturalium, & perfectionis antequam quantitas, & materialia corruptibilia, quæ se mouent, & mouentur, de quibus sunt anteriores septem libri Physici. Hic autem liber in tres partes principales diuiditur. In prima ostendit ex omnibus mobilibus, & mouentibus deueniendum esse ad unum primum mobile, & ad unum primum motum, & mouentem. In secunda docet primum motum debere esse circulare, & non rectum. In tertia probatur primum motum esse unum, immobilem, indiuisibilem, carentem magnitudine, & materialitate.

Secundo notandum, venit tot ex primo textu haberi. Primum quod Aristoteles intendit disputare, an motus sit perpetuus, id est sine principio, & sine, vel non. Secundum quod motus est veluti vita naturalium, dixit autem veluti vita, ut notat Simplicius, quia non omnia naturalia viuunt, sed solum quæ habent in se principium actuum sui motus. Vel melius dicendum erit, motum non esse vitam, sed veluti vitam, quia non est forma, seu anima, quæ est vita, & dans vitam, sed veluti eius effectus, & signum, quia motus ab anima procedit, & est signum vitæ. Vel dicendum quod motus dicitur veluti vitam totius vniuersi, quia totum vniuersum constat ex mouentibus & motis. Tertium est, quod omnes de natura aliquid dicentes (affirmat Phil.) posuisse motum, Dixit autem de natura loquentes, quia idem Aristoteles dixit primo Physici, illos qui negauerunt motum, innaturaliter esse locutos, quia natura est principium motus. Quartum est quod his ex textibus tres sententias antiquorum habemus de mundo. Prima est Democriti, Leucippi, & Epicuri, hi enim dixerunt infinitos esse, mundos & unum esse semipiternum, quia quamuis unus ex alio generetur, vnus tamen semper extabat, & sic mundus non hic, vel ille, sed aliquis erat perpetuus. Secunda opinio fuit Anaxagoræ, & Empedoclis ponentium non infinitos mundos, (ut posuit prima opinio) sed unum tantum, & hunc non semper fuisse. Tertia est Aristoteles contraria primæ in hoc, quod unum tantum mundum ponit, & secundæ in hoc, quod eum sem-

piternum facit, ita ut semper fuerit, & semper erit. Hæ autem tres opiniones quamuis dissentiant in positione mundi, tamē consentiunt in concedendo motum, quia generatio mundi secundum primam opinionem est infinita, & secundum secundam finita, & secundum tertiam sine generatione, sed cum motu æterno conueniunt in ponendo motum, loquitur autem Philosophus de motu communiter sumptum pro quacunque mutatione, quia sic generatio dicitur motus, & non proprie ut secundo Philosophus ostendimus.

## QVÆSTIO I.

*Verum Phil. intendat probare æternitatem primi motus, vel motus in communi.*

**V**idetur quod velit probare æternitatem primi motus, & non motus in communi. Nam de illo motu probat æternitatem, cui essentialiter æternitas conuenit. Sed tantum primo motui æternitas conuenit essentialiter, alijs vero motibus per accidens, & per dependentiam a primo motu, ergo probat æternitatem primi motus.

Secundo. De illo motu probat æternitatem, qui est veluti vita omnibus existentibus. Sed talis est motus primi cœli, quo ceteri motus dependent, ut operationes vitales a vita. Ergo &c.

Tertio. Arguit enim Phil. hic, motum esse æternum, quia præsupponit mobile, cuius est actus; sed actus alicuius est actus, igitur motus alicuius erit motus. Si alicuius, ergo primi mobilis, quia est primum.

Quarto. Aristoteles soluit rationes hic probantium non esse aliquem unum motum æternum, & non rationes probantes motum in communi non esse æternum, ergo de æternitate primi motus intendit.

Quinto. Aristoteles arguit, ideo motum esse æternum, quia ante omnem motum nouum, est dare aliquem motum, sed talis non potest esse nisi primus motus, quoniam hic est causa omnium aliorum motuum, ut dicitur in secundo de generatione & 12. Metaph. ergo &c.

Sexto. Efficacia rationum Philosophus in hoc stat, quod ideo motus est æternus,

non.

Ordo.

Summa  
textus.

nus, quia datur motus aliquis æternus, sed nullus motus præter motum cæli est æternus, omnes enim alij motus deficiunt, ut patet ergo Arist. probat primum motum æternum.

*Opinio- nes.* Pro enodatione huius quæstionis primo notandum venit, quod circa eam sunt duæ opiniones. Prima fuit Auerrois hic com. 1. & Alberti Magni tract. 1. c. 1. quod intentio Arist. hic, sit probare æternitatem de primo motu. i. de motu cæli. Secunda est S. D. hic, Simplicij, Ioan. Grammatici, Auicennæ, & Alpharabij, Auempace, & fere omnium recentiorum, quod intentio Aristot. sit probare æternitatem de motu in communi, non descendendo ad hunc, vel illum motum.

*Censilia  
SNT.*

Secundo ergo notandum venit pro cõsiliatione fere harum opinionum, quod intentio Auctoris duplex est potest. Prima primaria & directa. Secunda secundaria, & indirecta. Itaque si loquamur si primaria intentione Arist. dicimus esse probare æternitatem de motu in communi, nam ex positione antiquorum ponentium mundos generari deducit æternitatem motus, ac motus generationis, & corruptionis non est motus primi cæli. Si vero loquamur de secundaria, affirmamus esse probare æternitatem primi motus, quia hic regularis est, & perpetuus, causaque aliorum motuum, unde analogia duorum ad vnum tertium, motus in communi erit primus, & principaliter intentus, sed analogia attributionis vnius ad alterum, motus primus erit primus, & etiam principaliter intentus, quoniam ad hunc probandum perpetuū dirigitur scopus huius libri.

Tertio ergo loco pono talem conclusionem de mente S. D. Intentio Aristot. principalis in hoc octauo libro est, demonstrare motum, in communi confideratum, esse perpetuum. Probatur primo. Quid in conclusione concluditur, debet in præmissis assumi: sed nulla rationum Arist. à tex. 4. vsque ad 14. assumit motum primi cæli esse perpetuum, sed tantum motum ut sic, ut patet legenti: Ergo intentio Arist. dirigitur ad motum in communi.

Secundo ex perpetuitate possibili motus Arist. infra, tex. 53. probabit motum

cæli esse perpetuum; Ergo hoc non hic probat, sed ibi. Probatur sequela. Primo, quia sic esset superfluum, & secundo, quia prius est ostendendum prædicatum aliquod conuenire generi, antequam probetur conuenire speciei. i. motui, antequam huic motui.

Tertio. De eo motu Arist. probat æternitatem, qui antiquos cõvincere potest: Sed æternitas motus non primi cæli, sed motus in communi eos conuincere potuit (ut ipse credidit &c.) ergo de motu in communi intendit &c. Maior patet, quia ex ipsis deducit æternitatem motus, nam nullam mentionem fecerunt de primo motu, saltem directe.

Ad primum ergo dicendum primo ad maiorem, quod æternitas conueniat essentialiter motui stat dupliciter. Primo in actu signato, quia scilicet prædicatum dicitur de subiecto, nec ei repugnat, ut in proposito æternitas non repugnat motui, ut est motus. Sed in actu exercito, quia. s. subiectum exercet per se, & per independentiam actus exerciti prædicatum. Primo modo conuenit motui in communi, & secundo modo primo motui: unde falsa est minor absolute. Secundo dicitur, quod aliud est probare motum esse æternum, & aliud hoc, vel illo modo, scilicet essentialiter, vel independenter. Primum facit Aristot. in initio octauo. Secundum vero in sequentibus, ubi ostendit subiectum primi motus esse primum mobile, alias responsiones affert Ferr. hic, sed quoniam non satis mihi bene quadrant, ideo eas omitto.

Ad secundum negatur minor, si velit inferre motum in communi non esse veluti vitam mobilibus, est enim Primo, quia nihil conuenit speciei quod non cõueniat generi, nec tali motui, quod non conueniat motui. Secundo, quia omnis motus omni mobili quodcumque sit dat moueri, & ita est veluti eius vita. i. initium motus.

Ad tertium dicimus, motum esse actum alicuius mobilis, sed negatur ergo huius, solum. Nam prius in motu est esse actum mobilis ut sic, quam huius mobilis, idest primi.

Ad quartum similem dicitur, Arist. soluere rationes negantium motum ut motus est, esse æternum, & non ut huius est,

*Argumenta  
sola soluū  
SNT.*

est, primaria intentione, vt diximus. Ad quintum dicimus, concludere pro nobis, si enim ante omnem motum non vnus est motus, ergo ante hunc, vel illum motum, qui dicuntur motus noui, & sic concluditur perpetuitas de motu in comuni.

Ad sextum dicendum, quod concludit motum æternum in actu exercito esse in primo mobili, non vero quod ratio æternæ mobilitatis, & mutationis nõ conueniat etiam motui, vt sic.

## QVÆSTIO II.

*Primum consideratio perpetuitatis motus sic necessaria ad intelligendum primum principium esse.*

**H**Anc quæstionem habes in Metaph. quæst. 2.

## LECTIO II.

S. D. 2. 3. & 4.

**Q**Voniam Aristot. a text. 4. vsque ad text. 21. intendit tantum disputare, & resolueret, an motus, tempus, & mundus sint æterna, inciperintque, vel non inciperint, ideo satis erit per quæstiones veritatem, ac mentem eius explanare.

## QVÆSTIO III.

*An creatio datur ad mentem Arist.*

**H**Anc quæstionem habes in nostra Metaph. lib. 2. q. 4. ibi vide.

## QVÆSTIO IV.

*An vniuersitas creaturarum semper fuerit.*

**V**idetur quod sic, & primo hoc probatur de motu per rationes Aristot. hic, ac aliorum sequacium eius. Aut mobilia fuerunt ante motum, aut non. Si primum dicatur, impossibile alitruatur, quia mobile, motu produciatur, & ita ante mobile necesse est esse motum. Si secundum, inconueniens, & falsum dicetur, quia mo-

bile præcedit motum, quia motus est actus mobilis, iam existentis. Secundo si mouens datur æternum, & mobile, non vero motus, aut necesse est quod mouens æternum, & mobile æternum sint sub motu æterno, vel sub quiete. Si primum habeo intentum (dicit Arist.) quod motus est æternus. Si secundum, idest si fuerunt prius sub quiete, hoc est impossibile. Primo, quia quies est priuatio motus. Ergo præcessit motus, cuius quies dicitur priuatio. Secundo, quia mobile quod aptum natum est moueri, si nõ mouetur est ex aliqua causa impediente. Si igitur erit motus, causa remouetur, sed causa non remouetur, nisi per motum remouentem, ergo erit motus præcedens primum motum, quod implicat.

Tertio. Deus non est inuidus. At si ab æterno potuit, & noluit producere mundum, dicendum venit eum fuisse inuidum, potuit enim bonum communicare, & noluit. Ergo dicendum est, quod mundus fuit ab æterno.

Quarto vel Deus est causa in actu, vel in potentia; Si in actu, ergo mundum produxit ab æterno, quia causa in actu producit effectum in actu. Si in potentia primo non erit prima causa, quia causa in potentia reducitur ad actum per priorē causam, quæ est in actu.

Quinto. Exemplar, & exemplatum sunt correlatiua; sed Deus est exemplar æternum mundi, ergo etiam mundus est æternum exemplatum a Deo, & sic erit æternus.

Sexto. Omne quod modo agit, & ante non agebat, dum agit, dicitur mutari, ergo si Deus ab æterno mundum non creauit, & in tempore sic, erit mutatus. Sed hoc est & falsum, quia Deus dicitur immutabilis ergo.

Septimo. Deus est perfectissima causa, agens perfectissimo modo, sed esse causam in actu est quid perfectius, quam esse causam in potentia, & agere in actu, quam agere in potentia, ergo Deus est causa in actu mundi.

Octauo. Si mundus incipit, ergo & tempus. Hoc falsum probatur, si tempus incipit, per primum nunc incipit. At cuilibet nunc correspondet mutatum esse, quod tempus non est sine motu. Ergo illi primo nunc correspondet mutatum esse,

Hh in 1

in aliquo motu. Sed ante omne mutatum esse est motus. Ergo & tempus, & ita non dabitur primum nunc, ante quod non sit tempus.

Nono. Si tempus incipit, ergo aliquando non fuit. Et si deficiet, ergo aliquando non erit. Sed aliquando dicit tempus, ergo necesse est tempus semper fuisse, & semper fore.

Decimo. Si mundus incipit, aliqua mutatione incipit: At omnis mutatio necessario subiectum supponit, ergo subiectum ex nihilo non est creatum.

Vndecimo. Si Deus mundum creauit, illum quoque corrumpere posset. Hoc falsum, quia vel mundus fuit creatus perfectus, vel non: Si non, ergo neque Deus esset perfectus, quia perfecta causa effectum producit perfectum; Si perfectus, a Deo dissolui non poterit, quia prauit, & vitiis tantum hominis est destruere perfecta; Deus autem non potest esse iniquus, nec malus, ergo mundus est æternus.

Duodecimo. Actio Dei est diuina substantia, vt dicitur 1. cæli, tex. 17. Sed substantia Dei est indiuisibilis, ergo & eius actio. At in indiuisibili non datur fieri, quod præcedat mutatum esse, ergo necesse est mundum esse æternum.

Decimotertio. Omne quod fit, aut ex nihilo fieri dicitur, aut ex materia. Si ex materia, ergo natura præerat ante mundum. Si ex nihilo, hoc videtur contra commune assertum Philosophorum scilicet quod ex nihilo nihil fit, vt dicitur primo Phys. com. 15. & tertio cæli com. 15. & 1. de generatione com. 66. & quarto Metaphys. com. 17. ergo.

Decimoquarto. Motus cessare non potest. Ergo signum est eius æternitatis. Consequentia est, quia sic, si modo non potest cessare, ergo nec ante. Antecedens probatur primo. Quia si cessaret, esset propter lassitudinem mouentis, aut violentiam in motu. At motus cæli non potest esse violentus, nec in eo dari violentia nec lassitudo in mouente, vt dicitur secundo cæli tex. 5. & 39. Secundo, Quia dato cælo in vna positione ubi, est in potentia ad aliam. Ergo ad eam reducetur ne eius potentia sit frustra. Nam nihil potest esse frustra, vt dicitur primo cæli tex. 32. & 2. tex. 39. Tertio, quia sol est

indifferentis ad hoc, vt sit in oriente, vel occidente, & consequenter nullibi poterit quiescere.

Decimoquinto. Appetitus rerum naturalium tendit ad æternitatem, & perpetuitatem. Sed talis appetitus naturalis esset frustra, si mundus non esset æternus, ergo ponendus est æternus.

Decimosexto. Omne quod incipit esse, antequam fuerit, fuit possibile esse. At possibile esse, seu potentia adesse est materia. Ergo antequam mundus fuit, materia fuit, At materia non potest esse sine forma, & composita mundum constituent. Ergo mundus fuit ab æterno.

Decimosextimo. Nullum corruptibile quandoque esse, & quandoque non est, cum incorruptibile habeat virtutem vt sit semper, sed multa sunt incorruptibilia in vniuerso, vt corpora cælestia, & intelligentia, ergo saltem ista fuerunt ab æterno.

Decimo octauo. Nullum ingenitum incipit esse; Sed materia est ingenita per Arist. 1. Phys. & cælum est ingenitum per eundem primo de cælo, & mundo. Ergo.

Decimonono. Vacuum est spaciū nō repletum corpore, possibile tamen reple ri. Si ergo mundus ab æterno non existeret, saltem vacuum ipsum præcessit, & sic saltem vacuum erit æternum.

Vigesimo. Quod prius non mouebat, & modo mouet, per aliquam mutationem incipit mouere. Sed mutatio est motus. Ergo ante motum est motus, & sic motus erit æternus.

Vigesimoprimum. Omne agens, aut est naturale, aut voluntarium. Sed naturale semper eodem modo operatur, & ideo si Deus esset agens naturale secum produxisset vniuersum, Voluntarium veto per aliquam mutationem modo operatur, & non antea, quod non est in Deo. Ergo.

Vigesimosecundo. Quicquid est semper in suo principio, & in suo fine est semper; sed tempus est semper in suo principio, & sine fine, quia de tempore non habemus nisi nunc, quod est finis præteriti, & principium futuri. Ergo tempus semper est.

Vigesimotertio. Aut Deus dicitur prior mundo natura, aut tempore. Si tantum naturam, ergo sicut Deus æternus, ita & mundus est æternus, si tempore

etiam



etiam, cum prius, & posterius sint partes temporis. Ergo tempus semper fuit.

Vigesimoquarto. Deus omnibus modis est causa mundi, Effectiua, ratione suæ potentiz, finalis, ratione suæ bonitatis, exemplaris, ratione suæ sapientiz, & sufficiens, ratione suæ actualitatis. Ergo habebit mundum in actu perfecto.

Vigesimoquinto. Ab actione æterna, est effectus æternus. Actio Dei est æterna, cum non detur, in eo mutatio. Ergo, & mundus ab eo productus.

Quoniam consilium Lateranense tertium, scilicet. 8. præcipit nos debere ostendere mundi creationem non repugnare rationi naturali, immo maxime cum ea consentire, ideo pro explicatione motus quæstionis, tria offeruabo. Primo enim ponam aliqua fundamēta necessaria, ad eius intelligentiam. Secundo conclusionem nostram multis rationibus comprobabo. Tertio solam argumenta.

Quoad primum primo notandum venit, quod circa creationem mundi sunt duæ præcipuæ opiniones. Prima eum creatum dicit, & hanc tenuerunt fere omnes ante Aristot. ut ipsemet annuit. 1. de coelo cap. 10. & 12. Metaph. cap. 6. unde legimus eum apud Hierophontem sacerdotem fuisse accusatum. Primo quod in Lyceo vnum Deum docuisset, contra patrios ritus, & sententias de multitudine Deorum. Secundo, quod mundum sempiternum enuntiasset, quem initio temporis conditum tota Græcia putabat. Sic enim tradiderunt. Trismegistus, (apud Diodorum lib. 1. rerum antiquarum cap. 12. & lib. 2. cap. 1.) e cuius fontibus vniuersa Græcia bibisse dicitur. Ita Muses, Linus, Epicharmus, Orpheus, Hesiodus, & Homerus inter poetas. Ita Anaxagoras, Zoroastes, Melissus, Empedocles, Pherecides, Philolaus, Democritus, & Zareta Caldeus inter philosophos. De Pythagora autem, & Platone, variz sunt sententiz. Nam Tertulianus in Apologetico vult, quod eum ingenitum fecerit, & alij cum Zareta Caldeo eius magistro eum genitum constituerit. Ita Porphyrius Iamblicus, Plotinus, Roclus, Apuleus, Alcinous, Simplicius, & Taurus affirmant Platonem fecisse mundum æternum. At Philo Iudeus, Laertius in vita Platonis.

Cicero in quæstionibus Tusculanis, Atticus, Seuerus, Mutarchus Aphrodisæus, ac alij plures sustinent Platonem sensisse mundum non esse æternum. Et hæc est vera sententia Platonis, quæ quidem fuit recepta apud DD. Ambrosium, Augustinum, Iustinum Martirem, Clementem Alexandrinum, Theodoretum, Eusebium Cæsariensem, Sepimium, D. Tho. & Theophrastum, & patet expresse ex eius verbis in Timeo, & Critia, Dicere vero Platonem fecisse mundum genitum non per primum sui esse, sed quia semper generatur, & sit à Deo perpetuo, ut lux à Sole, impertinens est interpretatio, quia Plato expresse de factiōne mundi loquitur, & non de conservatiōne. Verum est tamen ut docet S. D. 12. Metaphys. lect. 6. quod Plato tenuit elementa, & materiam esse entia æterna, & ante constitutionem mundi quibusdam inordinatis motibus mobilia, sed in tempore Deum ad ordinem ea reduxisse, unde secundum Platonem ordo vniuersi est in tempore, sed præcipue eius partes æternæ.

Secundo ergo vltius notandum venit, quod Ethnici in quibusdam cum nobis consenserunt, & in quibusdam a nobis dissenserunt. Conuenerunt primo, quod ante mundum, & ab æterno aliquid præfuit, quia nihil aliquid facere non potest, nec idem non existens seipsum existens. Secundo quod aliqua causa effectiua fuit ab æterno, siue ponatur motus æternus, siue non, nam effectus æternus, ut esset motus æternus, requirit causam æternam, & si motus non erit æternus, ab aliqua causa erit. Tertio conueniunt, quod omnia quæ sunt, facta sint, vel non, non sunt destruenda, quod nos tamen affirmamus non de motibus, & generationibus, sed de principalioribus partibus vniuersi, scilicet de elementis, corporibus celestibus, & hominibus resurrecturis. Quarto conueniunt, quod omnes Ethnici ante ipsum Aristot. dixerunt mundum non semper fuisse, sed cum tempore incœpisse, factumque a prima, & vniuersali causa, & si inter ipsos non erat vnus modus dicendi de principio mundi in particulari, quia Anaxagoras posuit mentem æternam, segregantē

*Quid veri & falsi continens.*

Chaos æternum, & materiam æternam. Democritus vero constituit inmundum factum ex infinitis Atomis. Alij ex vno, vel pluribus elementis &c. Nos autem, & si dicamus mundum factum, tamen adhuc affirmamus non esse effectum a Deo, Opt. Max. ex aliquo præexistenti, sed ex nihilo vnde.

Primo discriminamur ab antiquis in obiecto, quoniam antiqui cum prima causa æterna effectrice mundi potuerunt aliquid aliud æternum, quo mundus est factus, nos vero tenemus eum ex nihilo esse conditum. Secundo in factiōe, quia antiqui concedebant mundum esse constitutum cum aliquo motu, vnde rationes Aristot. contra eos virgent, pro æternitate motus. Nos autem docemus mundum, non cum motu, supponente mobile, sed ex simplici emanationem, nihil supponente, quæ ideo vocatur mutatio sine nouitate essendi, sicut motus dicitur mutatio cum nouitate essendi processisse. Tercio in qualitate actionis, & effectiōis mundi, quia antiqui videntur dixisse Deum de necessitate naturæ mundum constituisse, ac nos libera eius voluntate ipsum effectum esse affirmamus, ita vt ab æterno, & in tempore illum condere potuisset, si voluisset. Quarto in statu actionis, quia (vt testatur D. Augustinus lib. 11. de ciuitate Dei) antiqui non valuerunt, intelligere quomodo Deus in tempore mundum effecerit sine aliqua mutatione suæ voluntatis, quod nos pro inconuenienti non habemus, vnde dicimus Deum voluntate æterna, effectum nouum in tempore produxisse, sicut ille non dicitur esse mutatus, qui aliquo die mensis futuri destinauit aliquid facere, & in eadem deliberatione semper perseuerauit.

Tercio notandum est ergo, quod aliqua fieri contingit multipliciter, Primo per creationem, seu dicamus simplicem emanationem, idest, per actionem nullum subiectum supponentem. Secundo per motum, subiectum in actu præsupponentem, sicut caliditas introducta in manum, manum supponit. Tercio per simplicem mutationem, subiectum quidem exigentem, sed non in actu, sed in potentia. Primum fieri dicitur creatio, secundum motus, tertium generatio,

vel corruptio. In primo simul sunt fieri, & factum esse, creari, & creatum esse. In secundo autem fieri præcedit mutatum esse prius enim aqua calefit, antequam calefacta sit. In tertio vero simul sunt mutari, & mutatum esse, quia vno instanti mensurantur, sed hoc verum est quo ad mutationem, non vero quo ad suppositum in hac mutatione, quia generatio non producit omne quod ad generationem concurrir, non enim producit materiam, creatio autem est productio totius esse, idest, cuiuscunque concurrentis ad esse rei, & hoc modo mundum dicimus esse productum, id est quod ex nihilo incepit esse, per creationem Dei, Opt. & Max. opere. s. eius & efficientia.

Quarto tamen notandum est, quod dum affirmamus mundum ab æterno non fuisse, sed in tempore incepisse, nolumus affirmare tempus mundum præcessisse, vt videntur concessisse antiqui, contra quos Arist. arguit, sed intentio nostra est statuere mundum simul cum tempore a Deo præcessisse, ita vt possint dari duæ aliz durationes mundi effectiōum antecessentes, saltem respectu creationis corruptibilium. s. æternitas, & æuum, quamuis enim vniuersum cum partibus suis indeficientibus æuo mensuretur, non tamen æuo mensuratur quoad partes suas corruptibiles, & generabiles, sed tempore. Sed & æuum quamuis dicat indeficientiam esse à parte post, non tamen excludit inceptionem à parte ante, vnde sola æternitas, quæ est mensura diuini esse potuit mundum, & omnes eius partes præcedere. Dicimus ergo mundum non esse æternum, quia æternitate non mensuratur, sed sub æuo, & tempore constituitur.

Quinto ad maiorem quæstionis nostre explicationem, notandum venit cum D. Tho. p. p. quæst. 43. art. 4. quod creatio dupliciter sumi potest. Primo proprie, & precise, & sic ei tantum conuenit creatio, cui conuenit esse. Esse autem per se, & vt conuenit subsistentibus, i. compositis, & simplicibus, per se existentibus, vt sunt angeli, qui non sunt compositi ex materia, & forma, & animæ rationales, quæ quamuis in corpore sint, & dicantur subsistentia totius subsistere, tamen adhuc habent, quod per se subsistere valeant,

*Fieri  
multiplex.*

*Mundus  
quò  
fuit.*

*Creatio  
quid sit.*

valeant, quia gaudent propria subsistentia, cum corporibus non inhæreant, vt accidentia, neque a corporibus dependant, vt animæeductæ de potentia materiæ, & ideo ad hoc vt aliquid proprie dicatur creati, sufficit quod creetur, vt subsistens, vel vt subsistere potens per se, vel secundum substantiam, vel secundum modum, quod dicto propter accidens, a Deo absoluta sua potentia sine subiecto productum, quod & si secundum suam naturam dependentiam a subiecto (saltem aptitudinalem) diceret, tamen tunc modum substantiæ obtineret. Secundo sumitur creatio largius, & communius, & sic dicitur de omni productione ex nihilo. i. de non supponente subiectum, quod quadrifariam contingit. Primo per repugnantium subiecti præsuppositi, vt contingit in immaterialibus completis, quæ præcendant ab omni materia, & in materia prima, quæ si est prima, non potest esse ex alia materia. Secundo per comproductionem, sicut si aliquid compositum materiale corruptibile, vel incorruptibile, quo ad materiam, & formam a Deo efficeretur, tunc enim materia, & forma dicerentur concreta, idest simul creata in composito, non autem creata, quia seorsum non essent producta, vnde quia cælum fuit simul cum materia, & forma sua creatum, ideo materia, & forma cæli non dicuntur creata, sed concreta. Tercio per infusionem, sed cum independentia, vt dicitur creati in homine anima, & ei infundi, sed sine dependentia in esse a corpore, vt dicit quod. Quarto per dependentiam a subiecto, sed sine potentia naturali subiecti, sicut sunt omnia bona supernaturalia, data creaturæ intellectuali, quæ non habent potentiam naturalem in homine, vel Angelo, sed tantum obedientialem, vt docet S. D. 1. 2. quæst. 110. art. 2. Capreol. in 4. dist. 1. 4. 1. & Ferret. 4. contra gentes c. 57. & hoc modo de creatione sermonem ampliamus, quo ad partes vniuersi in particulari, & respectu vniuersi, vt sic, in primo sensu flantes.

Sexto loco ad maiorem amplitudinem questionis, & eius enodationem aliqua deduco, cum S. Thom. par. p. quæst. 44.

Primum est. Omne ens a Deo esse, quod dicitur contra Gnosticos, & Manicheos, *Corrolaria.* & habetur Gen. 1. ibi. In principio creauit Deus cælum, & terram, &c. & Io. 1. Omnia per ipsum facta sunt, & sine ipso factum est nihil, & Act. 17. Deus qui creauit mundum, & omnia quæ in ipso sunt. Et probatur a S. D. articulo primo. Quia omne ens per participationem, oportet esse ab eo, quod habet esse per essentiam. At esse soli Deo conuenit per essentiam. Ergo omnibus alijs per participationem, & effectiorem. Habeas autem quod maior habet multas interpretationes. Prima est, quod esse tale per essentiam itat dupliciter, & ita per participationem. Primo vt ly per essentiam idem sonat quod prædicabile essentialiter de aliquo, vt animal prædicatur de homine, & esse per participationem idem dicit, quod non habere illud, vt prædicatum essentialiter, sicut ferrum non habet ignitum, pro prædicato essentiali, sed accidentaliter. Secundo vt ly per essentiam idem sonat quod ipsa essentia, sine aliquo limite, vt homo dicitur sic rationalis quia est sua natura talis, & ex ratione intrinseca sui constitutiva, & per participationem, esse tale, est tale esse per aliquod contractum, sicut homo dicitur animal non secundum totam animalis amplitudinem, sed per hoc quod trahitur ad standum pro animali rationali. Hoc autem tale secundo modo per essentiam tres habet conditiones. Prima quod sit ipsa essentia, & quidditas, & sic Deus dicitur bonus, quia est ipsa essentia bonitatis. Secundum quod non sit ab aliquo contracta, quia ratione anima separata non est rationalis naturæ per essentiam, quia limitatur per habitudinem quam habet ad corpus. Tertia quod per se subsistat, absque aliquo contractu, quo iure priuatur Angelus qui habet suum modum essendi particulare, & non dicit omne esse mundi, vnde non dicitur naturæ intellectualis per essentiam, & ita nulla res creata potest dici esse talis per essentiam, quia aliquo modo contrahitur per aliquod distinctiuium, s. per excellentiam, vel subiectum, vel differentiam, vel modum, vel in esse reali, vel in esse prædicabili, non sic Deus. Secunda interpretatio est, quod esse

esse per essentiam stat dupliciter, primo simpliciter. Secundo secundum quid. Primo modo illud est tale per essentiam, quod non solum est formaliter tale, quia scilicet prædicatum dicatur in primo modo per se de subiecto, verum & quia præ scindit ab omni causa, & ab intrinseco, & ab extrinseco, & ita solus Deus dicitur ens per essentiam, quia nullam habet causam, entia autem necessaria, & incorruptibilia, & si talia dicantur ab intrinseco, tamen habent Deum pro causa ab extrinseco, quia ab eo, ut a prima causa dependent, ut testatur est Arist. 2. Metaph. text. 4. in eiusdem text. 37. in 5. eiusdem text. 6. 8. Phys. text. 16. & clarissime 1. Metaph. cap. 2. ubi dicit, Deum esse omnium causam, & principium, & 12. Metaph. text. 52. appellat Deum ducem vniuersi, a quo cælum, & tota natura dependet, patet aut ibi Arist. loqui de dependentia in esse, & non in gradu perfectionis. Secundo autem modo plura possunt dici talia per essentiam. i. secundum essentiam, seu quo ad connexionem prædicati cum subiecto, sed non quo ad existentiam, & præcisionem ab omni dependentia cause, ut ostendi 5. Metaph.

Secundo deduco cum eodem S. D. ar. 2. quod Deus dicitur etiam causa materię primę, quod dictum aduersatur Philosophis antiquis dicentibus, ex nihilo nihil fieri; Hoc enim verum est. Primo ab agente particulari, non vero ab vniuersali, omnium conditore, scilicet Deo. Et secundo per generationem, non vero per simplicem emanationem. i. per creationem. Aduersatur etiam apud D. Augustinum de hæresibus cap. 59. Hermiti & Seleuco.

Item secundum Chrysost. Valentino, Marcioni, & Manicheo, de qua re vide D. Aug. 1. super Genes. c. 14. & lib. 2. contra Faustus cap. 14. Testatur enim Ioan. 1. omnia per Deum esse facta, & per Psalm. cælum, terra, mare, & omnia quę in eis sunt. Patet etiam quod materia est ens in potentia, creata tamen sub actu, unde non dicitur seorsum creata, sed concreata cum forma, idest sub forma. Hinc dicitur Deus omnia creare, quia dato quod ex materia aliquid faceret, sicut ex terra creauit Adam & Euam ex costâ Adę, tamen hæc vocari posset creatio, non immediate, sed mediate, idest quia ipse ma-

teriam ex nihilo produxit, ut optime docet D. Aug. lib. de Fide, & Symbolo. c. 2. Tertio deduco cum S. D. p. p. q. 45. artic. 3. creationem esse Dei actionem immanentem formaliter. Quod dico contra Gregorium in 1. d. 1. q. 16. Aureoli apud Cap. q. 2. art. 2. & Conimbr. hic q. art. 3. Habeas autem quod creatio bifariam considerari potest. Primo formaliter quoad id quod est de se, & sic dicitur actio immanens, nominat enim operationem prædicatam diuini intellectus, cum imperio, & potentia executiua intellectiua, cum voluntate adiuncta iuxta illud, dixit & facta hinc dicere enim ad intellectum pertinet. Si enim creatio non esset actio Dei immanens, sequeretur primo, quod esset quid medium inter creatorem, & creaturam, quod est impossibile, nam actio transiens mediat inter agens, & passum. Secundo sequeretur, quod Deus acciperet complementum ab actione transiente, & creatura nam ad rationem actionis transientis exigitur, quod non solum respiciat agentem, ut suam causam, sed etiam ut eius actualitatem, & complementum cum eum intelligatur ponere in esse vltimo actualis actionis. Tertio sequeretur quod aliqua perfectio adueniret Deo in tempore. Si enim creatio est actio Dei transiens, & hæc non est nisi in tempore. Ergo aliqua perfectio aduenit Deo in tempore, & sic non fuit semper perfectissimus simpliciter, & omnimode. Secundo autem modo potest creatio considerari virtualiter, & quo ad id quod infert in passum, & sic potest dici actio transiens, quia eius terminus non manet in agente, ut facit intelligere, sed transit in externum, & hæc vocatur creatio passiva, & quo ad hanc partem possumus etiam dicere cum S. D. p. p. q. 25. art. 1. ad quartum, quod præter intellectum, & voluntatem detur, in Deo potentia executiua ad creandum conservandum &c. hæc enim ab intellectu, & voluntate seceruitur secundum diuersam rationem, quia ipsa intelligitur inferre effectum, non sic intellectus, & voluntas ut sic, sed ut huic potentie coniungitur.

Quarto deduco ex supradictis, cum D. Th. 2. contra gentes cap. 35. & de pot. q. 3. art. 17. ad 26. & 30. quod creatio actiua bifariam considerari potest. Primo secundum

cundum rem, & ut est operatio practica diuini intellectus, & est diuinum dicere, & imperare, & sic dicitur de Deo ab æterno, idest quo ad id quod actio dicit in agente. Secundo secundum quod a nobis intelligitur, & explicatur, & ita quia non intelligimus Deum esse creatorem sine creatura, in tempore constituta, ita dicimus creationem dici de Deo ex tempore, idest quo ad id quod actio infert in passio. Et est simile aliquo modo quod sol semper est lucidus secundum se, sed non semper illuminat aerem, nisi quando ei applicatur. Ex creatione autem passioa consurgit quidam respectus realis in creatura, quo realiter vt effectus Dei, ad ipsum refertur, in Deo vero consurgit quidam respectus rationis formaliter, quia non est eiusdem ordinis cum creatura, nec ab ea dependet, qui tamen fundamentaliter potest dici realis, quia fundatur in vera, & reali, potentia actiua creaturæ Dei; relatio autem creaturæ ad creatorem realis est, & prædicamentalis, vt docuit S.D. p.p.q. 45. art. 1. & de pot. q. 3. art. 3. ad tertium; est enim relatio veræ causæ, & veri effectus; quæ prædicamentalis dicitur à Metaphysicis.

Quinto deduco, creationem, & conseruationem esse quidem re idem, quo ad actionem, vt explicuit S.D. p.p.q. 104. art. 1. ad 4. de pot. q. 3. art. 1. ad 2. sicut eadem est actio solis illuminatiua aeris, & conseruatiua; pro eo tunc lucis in aere, attamen formaliter, & realiter virtualiter possunt dici actiones distinctæ, quia non possumus dicere creaturam toto eo tempore quo in esse conseruatur, in esse etiam creetur, immo conseruatio præsupponit esse, cui dicitur addi, vt seruetur in esse, quod iam intelligitur esse recepisse. Creatio autem considerata secundum esse rei creaturæ eadem mensura mensuratur, qua esse illius mensuratur, ita & eius conseruatio. At si spectetur, vt dicit simplicem rei productionem, instanti nostri temporis dicitur mensurari, ex quo in initio temporis, idest in primo eius instanti asserit Concilium Lateranense Deum ex nihilo vitamque condidisse creaturam scilicet corporalem, & spiritualement.

Sed septimo, loco redeuntes propinquus ad negotium nostrum dicendum venit,

cur cum Deus potuerit creare mundum ab æterno, vt quæstione sequenti dicemus, tamen in tempore elegerit ipsum creare. Est ergo animaduertendum, Deum Cur Deus creauit mundum in tempore. omnia fecisse propter se, ad ostendendum propriam bonitatem, quæ in eo æterna est, & perfecta, nec aliquo modo ex rerum creatione augmentabilis. Cum etiam creauit creaturam vt signum esset bonitatis illius, aptius effecta est signum istius bonitatis in tempore creata, quam si ab æterno fuisset effecta. Primo, quia sic certius, & clarius habemus Deum esse auctorem vniuersi. Nam quamuis potuisset etiam mundum ab æterno condere, tamē apud multos accidisset dubitatio de creatione vniuersi, videndo creaturam esse coæternam creatori. Secundo, quia sic Deo nobiliorem modum assignamus agendi scilicet libere, & non ex necessitate, propter hoc enim creauit mundum in tempore, quia voluit sic eum creare, hancque rationem habes ex S. D. 2. contra gentes cap. 38. Tertio, quia si creatura fuisset creatori coæterna, multæ essent difficultates de pluribus speciebus, vt de anima intellectua, ne daretur infinitum in actu, & de multis corruptibilibus, quæ in infinitum posset quis dubitare durare debuisset, vt infra dicemus.

Ostauo ergo notandum venit, quod cum habeamus vsque modo mundum a Deo in tempore ortum traxisse, vltieris progrediendum venit, & videndum quo anni tempore creatus fuerit. Aliqui ergo sunt in sententia mundum autumnali tempore esse conditum, idest mense Septembris. Ita docent Abulenſis 7. 21. in primū caput Genesis, Liranus. 1. & 7. Genesis. & Exod. 12. & ita placuisse Aegyptijs patet, quia annum a mense Septembris incipiunt. Deduciturque vltieris ex sacris litteris, ex quibus habemus, Deum fecisse arbores cum suis fructibus maturis, quod accidit mense Septembris, nam si in mense Martio orbem cum arboribus fructus ad maturitatem perductos creasset in mense Septembris, mense proprio, fructibus caruissent. Alij tamen defendunt orbem conditum esse mense Martio, eo tempore quo sol Arietem ingreditur: Sic docent Damascenus lib. 2. fidei Orthodoxæ cap. 7. Leo serm. 3. de passione, Athanasius in quæstionibus ad Antiochum



tiochum q. 17. (Si eius est illud opus) Rabanus. 12. Exod. c. Isidorus. 5. Etymologiarum, cap. de temporibus, August. in quæst. noui, & veteris testamenti. Cyrillus Hierosolymitanus, Catechesi. 14. Beda in lib. de ratione temporum, cap. 28. Ambrosius lib. 1. Hexameron cap. 4. & habetur in Synodo Palestina coacta a Theophilo Episcopo Cæsariensi, ex mandato Victoris Papæ, de qua apud Bedam, vt supra cap. 40. & idem docent omnes fere scholastici, Astrologi, & Poetæ, Hoc etiã suadent. Primo amenitas temporis, quæ in vere percipitur magis quam in alio tempore. Secundo, quia per illustriores Astrologos polus noster arcticus versus quem est aries, illustrior, & eminentior est numero, magnitudine, & pulchritudine stellarum, quam antarcticus polus ad quem declinat libræ signum, Autumni initium. Tercio, quia hoc tempus decoratum fuit incarnatione, passione, & resurrectione Christi Domini nostri, eodemque tempore Deus populum suum a seruitute Aegypti liberauit; Ad id autem quod primi opinatores adducebant dicitur, Deum forsitan non vbiq; fructibus onustos arbores creasse, sed aliquos tantum fructibus ditatos, alios floribus decoratos, & alios in proximo ad florendum dispositos, sed & si arbores cum fructibus creasset, hoc fecisset supra naturali virtute agendo, quia Deus perfecta opera sua fecit, & sic tunc expediebat, & quod fructus conseruauerit vsque ad autumnum non est difficile credere. Quo ad diem autem creationis. Strabus, & Rabanus, cap. 12. Exod. aiunt fuisse. 18. Martij, At. D. Hieronymus lib. de Ecclesiasticis scriptoribus diem 25. fuisse docet, eiusdem Mensis, quo die multi asserunt etiam quod Christus resurrexit, qui fuit dies dominicus, vt canit Ecclesia in Hymno diei dominicæ apud Romanos.

Nono tandem notandum venit, quod quamuis conaturi simus ostendere mundum non ab æterno, sed in tempore, & cum tempore conditum fuisse, attamen nolumus dicere, nos posse demonstrare hoc rationibus euidentibus, ita vt fide nõ sit opus; Nam tenemus mundum incepisse, esse articulum fidei; Articulus autem fidei duo dicit. Primum quod non sit demonstrabilis lumine naturali. Secun-

dum quod habeat singularem difficultatem, quod vtramque cernitur in creatione mundi. Nam ratio humana non conuincitur aliquo argumento humano, ad fatendum creationem esse certam, & euidentem in tempore, & habet singularem difficultatem, propter multos huic veritati auerfantes. Sed quod creatio mû di sit articulus fidei intelligitur. Primo eo modo, quo fides docet, scilicet ex nihilo, nam quod mundus non incepit ex materia præexistenti, vel sic, claris rationibus conuincere possumus. Secundo intelligitur de creatione in actu scilicet quod sit de facto creatus in tempore, nã quod Deus potuerit cum ab æterno creare probare possumus, quia omne ens per participationem, oportet esse a primo ente; & efficiente per essentiam. Tercio intelligitur de vniuersitate omnium creaturarum, nam quo ad aliquam videtur aliquo modo demonstrabile, vt quo ad speciem humanam, supposita anima immortali, ne daretur infinitum in actu.

Quo ad secundum ergo principale conclusio est negatiua, scilicet Mundus non est æternus, nec ab æterno creatus. Probatur primo testimonijs sacrarum litterarum. Nam Gen. 1. habetur. In principio creauit Deus calum, & terram &c. Item prou. 8. Dominus possedit me antequam quicquam faceret, & Ioan. 17. Clarifica me (dicitur) claritate quam habui antequam mundus fieret. Et Ephes. 1. Elegit nos ante mundi constitutionem &c. Et ita definitum fuit in concilio Lateranensi, & habetur cap. firmiter de summa Trinitate, & fide catholica his verbis, Creator omnium, sua omnipotenti virtute simul ab initio vtramque de nihilo condidit creaturam, spiritualem, & corpoream.

Secundo probatur rationibus, non repugnare rationi nostre, immo cum ea magnam convenientiam habere. Incredibile est mundum infinita per antea secula sine artibus, vixisse, ex Arist. primo Metaphys. cap. 1. dicente, hominum genus artibus, & rationibus viuere. Sed artes in tempore determinatio, & cognitio initium sumpserunt, vt est legere apud D. Athanasium in oratione contra Idola Clementem Alexandrinum, primo Stromatum. Iosephum primo antiquit.



cap. 1. Heliodorum lib. 2. Strabonem vltimo Geographiæ, Plinium lib. 7. naturalis hist. cap. 56. Polydorum lib. de inuentione rerum Diodorum li. 2. antiq. cap. 1. & alios. Ergo mundus initium habuit in tempore. Respondent aduersarij, artes cū hominibus infinitis perijisse igne, & diluuiū aquæ. Sed hæc responsio non facisfacit, quia & si legamus vnum diluuium generale fuisse, & aliqua prouincialia, vt Nillanum atticum, & Tesselonicense, & aliquasque conflagrationes ex terra in aliqua loca erupisse, non tamen constat memoria de his generalib. incendijs, & eluuiionibus, quibus artes infinites perire, & renasci poterint.

Tertio. Experientia comperimus, & D. D. tradunt, vt D. August. 15. de ciuitate Dei, cap. 9. D. Cyprianus aduersus Deme- trium. Plinius lib. 2. de nat. hist. cap. 16. Aulus Gell. 3. noctium Atticarum c. 10. &c. ergo quo magis ætatum decursus præterit, eo minora corpora, & debilio- ra breuiorisque vitæ fert natura, vnde legimus antiquos multos centenarios vi- tam traduxisse, &c. Ergo si homines ab æterno extitissent, iam ad minimam quã- titatem, debilitatem, ac vitæ breuitatem deuenissent.

Quarto. Mirabile est, quod si mundus ab æterno fuit, nullus scriptor extitisset, qui aliquid ante Adam, per actum scripserit, immo inuenimus omnes gentiles historicos post diluuium tantum acta me- moriæ hominum tradidisse. Nam Bero- sus Caldeus cuius historia vetustissima habita fuit a diluuiū exorsus est, vt Iose- phus contra Appionem obseruauit. Mar- cus Varro diligentissimus originum scri- ptator nihil diluuiū Ogygis antiquius re- tulit. At Ogyges fuit synchronos, idest contemporaneus Patriarchæ Iacob. Tro- gus Pompeius exordiū sumpsit a Nino, qui annis post mundi creationem non ge- tis, & mille Monarchiæ iecit Assiriorum fundamenta, & fuit tempore Abrahæ. Ergo est deducendum mundum in tempo- re incepisse.

Quinto. Arist. docuit infinitum in actu dari non posse tertio Phys. At si mundus fuisset æternus, præcessissent infinitæ horæ infiniti dies, anni, & sæcula, infiniti numeri, quod non concedit, quia infi- nitum non potest numerari. Sit in actu,

vel in potentia. Ergo mundus non est æternus.

Sexto. Vel Deus secundum Arist. co- gnouit omnia, quæ in vniuerso æterno futura erant, vel non. Secundum non est dicendum, cum ponatur sapientissi- mus, & prima omnium causa. Si primum aut omnia cognouit simul, vel successiue, si successiue, ergo est mutabilis, quia trã- sit de ignorantia ad scire, si simul, ergo cum infinita cognoscat, erat infinita po- tentia. Ergo mundum debuisset produ- cere infinitum, quod Arist. negat.

Septimo. Aut Deus dicitur causa effi- ciens æterna mundi, aut non. Non secun- dum, quia Arist. 12. Metaph. & alibi, vt diximus supra, & quia effectus finitus, & determinatus vt est mundus, oportet habere causam finientem, & determinan- tem, & quia si celi habent ab alio motū, ergo, & esse, cum vnum inferat aliud. Si primum. i. si Deus est causa æterna esse- tiua mundi totius, (non enim est maior ratio quod sit causa vnus, quam alterius, & maxime dato quod sit vniuersalissima causa) ergo necesse est quod illum ex ni- hilo produxerit. Quam autem necessita- tem potuit Deus habere ad faciendum aliquid ex nihilo ab æterno? nam eadem est perfectio causæ, immo maior facere effectum liberum, libere, quam ex ne- cessitate, eo tunc, quo eius sapientia, ac libertati consentaneum iudicatur.

Octauo. Per Arist. hic, tex. 4. mobile præcedit motum. Ergo non potest dari motus æternus, vt Aristot. intellexit probare.

Nono. Homo, immo omne agens per- fectum potest aliquid facere in tempore. Ergo & Deus. Ergo fecit. Probatur pri- ma sequela, quia maioris perfectionis est Deus, quam creatura. Probatu- secundum, quia maiorem perfectionem ponit in Deo agere libere, quam necessarium, sicut perfectius est agens liberum, quam ne- cessarium, & quia si Deus facit quod a- gens libere agit, ergo & ipse poterit li- bere agere necessarium enim non facit liberum, sed necessarium, & in æternis non differunt esse, & posse.

Decimo. Hoc probat cum S. D. 1. con- tra Gentes cap. 16. Deus est vniuersalis- sima & perfectissima causa. Ergo agit v- niuersalissime, & perfectissime. At de ra-

disse: Secundum, quod tenent Deum agere de necessitate naturæ, & non libere, id est quando voluit. Tertium est, quod loquuntur de Deo, vt de agente particulari, quod agit mouendo, & transmutando, & non vt de agente vniuersali, agente ad esse, & ad motum, & ad omnia consequentia rerum.

Ad tertium negatur minor, & ad probationem dicitur, quod ille dicitur inuidus, qui potest, & debet, & non vult bonum proprium communicare, cum oportet. Talis autem non est Deus, qui si distulit creationem mundi fuit, quia nec tenebatur, nec expediebat creaturam esse æqualem creatori, & dare indicium, quod de necessitate mundum produxisset, & non sua libertate, vt omnium est creator, sua sapientia, ac libera voluntate.

Ad quartum dicimus, Deum esse causam in actu. Ad consequentiam. Ergo producit effectum ab æterno, si causa in actu ab æterno, dicitur. Primo, quod valet de causa agente naturaliter, vt ignis in actu producit effectum, scilicet calorem in actu, non vero valet de causa libera, quæ potest esse quo ad deliberationem in actu, non pro vno nunc, sed pro alio. Secundo dicitur, quod Deus dicitur causa in actu quo ad id quod actio ponit in agente, nõ vero quo ad id quod infert in passio id est quo ad productum, nam etiam sol est causa in actu illuminationis non tamen cameræ clausæ, nisi dum aperitur.

Ad quintum dicitur, quod exemplar dupliciter sumitur. Primo, fundamentaliter tantum, quia scilicet est similitudo fundamentalis, id est habens aliquid, in quo alius potest ei assimilari, sicut habes albedinem potest assimilari alteri, si & ipse fiat albus. Secundo fundamentaliter & formaliter terminatiue, quia scilicet refertur in actu exercito ad suum exemplarum, & simile, & hoc secundo modo necesse est exemplar, & exemplatum esse simul, non autem primo modo, vt dictus est Deus exemplar mundi, antequam mundus sit productus. Nec sequitur, ergo si in tempore Deus dicitur factus exemplar terminatiue creaturæ, & tale non erat antea, dicitur mutatus: Respondetur enim quod mutatio fit quando aduenit aliquid alicui quod sit absolutum,

non vero si aliquid adueniat quod sit respectuum, & maxime secundum rationem, vt est noua relatio exemplaris, & creatoris, quæ aduenit Deo ex creatione, mutatio enim est in re producta, & non in producente, sicut etiam ignis d' se est calefactiuus, & non calefacit combustibile remotum, & si calefaciat, & comburat ex approximatione, mutatio non est in igne, sed in calefactibili combustibili.

Ad sextum dicendum, & primo ad maiorem, quod valet de agente, qui se mutat de potentia ad actum, Deum autem diximus semper esse in actu, quo ad id quod actio ponit in agente. Secundo dicitur, quod, & si Deus ab æterno mundum nou produxit, tamen semper fuit in actu. Nam duplex est actus. Primus dicitur perfectius agentis, quia cum de potentia ad actum traducit. Secundus dicitur perfectius producti, quia ad perfectionem eius tendit, sicut ars dicitur actus, & perfectio artificiat, & talis causa in actu fit Deus producendo vniuersum, non enim magis fit in actu propter se, sed propter mundum creatum.

Ad septimum similiter dicitur, quod Deus est perfectissima causa, & agit perfectissimo modo, prout tamen ei conuenit, ei autem conuenit agere prout sua sapientia iudicauit loquimur enim de causa perfectissima agente libere. Secundo dicitur, quod agere in actu, dicit maiorem perfectionem in causa in actu, quæ per actionem perficitur, non est autem talis causa Deus, quia ex creatione rerum nullam maiorem acquisiuit perfectionem.

Ad octauum dicendum, quod motui, & tempori presenti correspondeat mutatum esse ita dupliciter. Primo positue, & hoc est falsum, dato quod tempus, & motus per creationem inceperint per primum sui esse, antequam non habuerunt esse, vt nos affirmamus. Secundo imaginarie, & sic procedit argumentum, at imaginatio in hoc casu non facit factum.

Ad nonum idem dicitur, quod ly aliquando non denotat realem differentiam temporis, sed imaginariam.

Ad decimum diximus duplicem esse mutationem. Prima dicitur cum nouita-

Ad vigesimumsecundum dicendum, quod argumentum procedit data æternitate motus, & temporis, nos autem hoc negamus, & ideo dicimus tempus, & motum habuisse primum nunc, quod non fuit finis præteriti, sed solum initium futuri.

Ad vigesimumtertium dicendum, quod Deus est prior, mundo non tempore, sed duratione aliqua idest æternitate. Secundo dicitur, quod prius, & posterius temporis realis sunt positiua, prius autem ante creationem, est solum imaginarium.

Ad vigesimumquartum dicitur, quod Deus est causa sufficiens mundi, sed voluntaria, & ideo quamuis ab æterno potuerit mundum producere, non tamen eum produxit, non quod non potuerit, sed quia noluit.

Ad vigesimumquintum primo dicitur, quod maior procedit de causa agente naturaliter, Deus autem agit libere. Secundo dicitur a minore, quod procedit de actione Dei quo ad absolutum, nos loquimur quo ad respectum.

## QVÆSTIO V.

*An possibile fuerit Mundum esse productum ab æterno.*

**V**idetur quod non. Primo. Nam vel est productus in tempore, vel in instanti. Si in instanti, non erit æternus, quia in eo incipit esse. Si in tempore, vel finito, vel infinito. Si infinito, ergo habet initium, & sic non est æternus. Si in infinito, aut productio eius est determinata a parte post, aut non. Si terminata, ergo habet initium sui esse, & sic non est infinitus. Si non est terminata, sic mundus nunquam erit producibilis.

Secundo. Aut Deus produxisset motum totum simul, aut aliquid indiuisibile eius. Non totum, quia repugnat successivo, ut est motus, totum simul produci. Si aliquod eius indiuisibile, motus non erit æternus. Quia habet initium, scilicet illud indiuisibile primo productum.

Tertio contingens non potest esse ens necessarium. At tale esset data æternitate Mundi. Ergo. Probatur minor, Deus contingens in tempore æterno, tunc

non potest anichilari, quia si anichilaretur, sequeretur, quod ante instans anichilationis non fuerit tempus nisi finitum, idest terminatum ad instans anichilationis, & sic contingens non erit in tempore infinito, sed finito.

Quarto. Sic causa naturalis non posset producere effectum suum. Ergo neque Deus a simili. Antecedens probatur. Si ignis ab æterno produceret calorem, aut ex nihilo, aut ex materia. Non primum, quia sic esset Deus. Non secundum, quia talis esset mutatio, mutationem aut præcedit eius mensura, & sic non esset æterna productio.

Quinto. Sic daretur infinitum in actu contra Philos. tertio Phys. Probatur, quia præcessissent infinitæ animæ intellectiue, quæ cum sint immortales, remanerent, & sic daretur infinitum in actu.

Sexto. Infinito non potest fieri additio. At data æternitate Mundi ei fieret additio. Ergo. Maior est Aristot. tertio Phys. Minor probatur. Nam præcessissent infiniti dies, & infinitæ horæ, his autem fieret additio nouæ diei, & horæ, & sic extra infinitum esset aliud, & aliud accipere.

Septimo. De ratione infiniti est, quod sit actus permixtus potentie. Sed præterito infinito repugnat potentia, quia ad præteritum nulla est potentia. Ergo Mundus non potuit esse ab æterno.

Octauo. Pars non potest esse maior toto. Sed data æternitate Mundi pars esset maior toto. Ergo. Probatur minor. Supponamus tempus ex utraque parte esse infinitum, tunc necesse est præteritum esse æquale futuro. Tunc fit merides huius diei. A. merides diei crastinæ sit B. si tempus ex utraque parte est infinitum, pars erit maior toto. B. quæ dicit tempus infinitum a parte post, erit maior. A. tempore infinito a parte ante, tunc enim B. ratione partis. scilicet temporis intercedentis inter. A. & B. erit maius, quia dicit tempus infinitum, sicut & A. & B. nā ratione medij temporis excedit A. & B.

Nono. Motus non potest esse ociosus. Sed data æternitate Mundi esset ociosus. Ergo. Maior est nota. Minor probatur, quia infinitum non habet finem, ac quod non habet finem ociosum est, per Comment. & Arist. primo Phys. tex. 39.

Deci-

Decimo. De ratione facti est habere principium suæ factionis. Sed Mundus est factus, ergo habuit initium, & sic non erit æternus.

Vndecimo. Si Mundus factus dicatur ex nihilo, dicitur quoque habere esse post non esse. Ergo non esse præcessit esse. Sed æternum à nullo præcedi potest. Ergo &c.

Duodecimo. Agens per intellectum à quodam principio incipit. At Deus est agens per intellectum. Ergo à quodam principio incepit Mundum creare, & sic non potuit esse semper.

Decimotertio. Creatura non potest creatori æquari, nec etiam in duratione, quia Deus, & creatura habent esse diuersa, & consequenter diuersas mensuras. Sed data æternitate Mundi, Deus, & creatura essent æquales in duratione, id est in æternitate ergo.

Decimoquarto. Si Mûdus semper fuisset, infiniti dies præcessissent diem istum. Hoc est impossibile, cum infinitum sit impertransibile. Ergo Mundus non potuit esse ab æterno.

Decimoquinto. Sic esset processus in infinitum in causis efficientibus, quia generatio esset æterna, & vnus natus esset à patre, auuo &c. in infinitum. At in causis efficientibus non potest esse processus in infinitum, per Arist. 2. Metaph. ergo &c.

Decimosexto. Implicat mundum per creationem incipere, & nō incipere. Sed data æternitate Mundi sequitur hæc implicancia, nam cepisset per creationem, & non incepisset propter æternitatem, dicimus enim filium in diuinis non incepisse, quia coæternus est patri. Ergo mûdus non potuit esse ab æterno.

Decimosextimo. Creatio mensuratur instanti indiuisibili, & primo quia creatû ante creationem non fuit. At in æternitate non datur primum, implicat enim aliquid esse æternum, & in eo accipere primum. Ergo &c.

Decimooctauo. Implicat quod detur instans in quo primus Deus sit. Ergo & in quo Mundus sit, & ante non esset, nā æternorum eadem est ratio in æternitate.

Decimonono. Sic sequeretur quod tot præcessissent dies, quot horæ, & tot horæ, quot instantia. Probatur, quia omnia ista

essent infinita, vnum autem infinitum, non est maius alio.

Vigesimo. Propositio de præterito, debet habere aliquam propositionem de in esse veram v. g. si hæc propositio debet esse vera, Adam est, hæc quandoque debuit esse vera. Adam fuit. Sed hæc propositio, Mundus ab æterno fuit creatus, non potest habere aliquam propositionem veram de inesse, scilicet mundus nūc creatur, quia nunc non se extendit ad præteritū, ad quod se extendit æternitas. Ergo &c.

Vigesimoprimum. Hoc idem affirmant SS. patres. Nam D. Aug. super Genes. ad litteram c. 23. tom. 3. dicit trinitatem ita esse æternam, vt aliquid creatum ei co-æternum esse non possit, & 12. de ciu. cap. 15. dicit Angelos non potuisse esse co-æternos creatori, quod & docent Damasc. Ambrosius, & alij plures patres.

Vigesimosecundo. S. T. negat mundum non potuisse esse ab æterno quo ad speciem humanam, ne daretur infinitum in actu. Sed hæc ratio idem concludit de multis alijs, nam potuisset Deus in horis, & diebus infinitis datis in æternitate mundi vnum lapidem creare, & illum in esse conferuare, & sic daretur infinitum in actu, quod negat Philos. præcipue in materialibus.

Vigesimotertio. Nec valet dicere, quod in infinito non est accipere primum, & ita nec in æternitate mundi. Primo, quia si Deus creasset ab æterno primum hominem primum lapidem, vel primum diem, vel Deus hoc primum cognouisset, vel non. Secundum non est dicendum, cum Deus omnia sciat. Si primum, ergo non erit æternum, & ita implicat res incipere esse, & desinere &c. Secundo si Deus produxisset aliquam speciem ab æterno, eam signaret in aliquo primo indiuiduo determinato. Ergo necessario dandum esset primum indiuiduum, quod æterno, & infinito non consentit. Tertio, quia oportet rei signare primum indiuiduum ex nihilo factum. Quarto contradictoria non possunt simul esse vera. Sed hæc est falsa, nullus primus homo, vel equus, vel dies factus est a Deo, data etiā æternitate, ergo sua opposita erit vera scilicet aliquis primus homo, equus, vel dies factus est a Deo.

Vigesimoquarto. Impossibile est deuenire

nire ad ultimum in infinito, quia si ad illud deveniretur esset finitum. Ergo impossibile est etiam devenire ad primum in infinita duratione æternitatis mundi, & sic non potuit mundus creari ab æterno. Consequentia patet, quia eadem est ratio de infinito ante, & post, est enim utrinque infinitum.

Vigesimoquinto. Si mundus fuisset ab æterno, ergo & motus, & tempus, cum spectent ad constitutionem mundi. Hoc falsum. Ergo. Probatur minor, Detur ignis, & stippa ab æterno, quæro an calefactio æterna esse potuerit. Videtur enim quod non, quia motus non est in instanti, nec incipit per primum esse, & ita dicimus de cælo, & suo motu. Necesse est enim quod detur instanti cæli, & tamen adhuc non est motus, unde motus non potest habere coæternitatem cum ipso Deo. Idem dicitur, quod si mobile est æternum, & non motus, oporteret mobile esse sine motu per spacium æternum, quod est impossibile. Ita deducimus de muliere quæ ab æterno est gravis, potest enim an partus sit æternus, aut non sit æternus, ergo partus esset ita antiquus, sicut mulier. Si non, ergo nec mulier, quia per novem menses distat a partu.

Vigesimoquinto. Deus dicitur æternus, quia est sine principio, & mensuratur æternitate, dicitur quæ causa temporis. At mundus necessario habuit principium in tempore quo mensuratur, & eius est causa Deus. Causa autem est prior effectu. Ergo impossibile est quod creatura sit creatori coæterna.

Vigesimo sexto. Si mundus esset æternus, & creatori coæternus, non esset dabile aliquod instanti in quo non esset mundus Deo coæternus. Ergo non esset dabile instanti, in quo intelligimus potuisse Deum mundum creare, & non. At hoc est facere Deum de necessitate, & non libere mundum produxisse, quod non admittimus.

Vigesimo octavo. Dum sol ab æterno creatus esset (& in oriente ut conceditur) si pergisset ad occidentem, spatium 12. horarum, ut eius motus ostendit, necesse esset computare a situ quem haberet in occidente, usque ad motum quem incepit in oriente, & creatus est, 12. horas, & sic sol ab ortu suo haberet 12. horas. Ergo non esset æternus, quia in æterno, non est

accipere aliquod tempus determinatum.

Vigesimo nono. Sapientia Dei infinita, & ita alia attributa non possunt communicari creaturæ. Ergo nec æternitas mundo, quia est duratio infinita.

Trigesimo. Experientia docetur generationes hominum continuo debilitari naturaliter. Ergo si præcessissent infinitæ generationis, infinitæ esset debilitata generatio humana, ita ut nunc non viverent homines, supponimus enim mundum potuisse a Deo creari cum ea dispositione quam modo habet, de hoc enim controuersia est.

Trigesimo primo. Nam plures homines nascuntur quam moriuntur, ut patet ex viro Adam totum genus humanum processisse, ex Iacob totum genus hæbreorum, & sic discurrendo. Ergo si mundus fuisset ab æterno creatus, modo essent homines infiniti, quod est falsum, & contra Arist. non concedentem infinitum in actu. Immo ad tempus sic deveniremus, in quo nullus hominum esset, dato quod plures nascerentur quam moriantur, quia in infinitis ætatibus anterioribus deveniremus ad illam in qua nullus esset. Dicere autem, quod bello, fame, peste, & terræmotibus tolluntur plures homines quam nascuntur, per accidens est, rarum, & in aliqua tantum parte. Actio enim violenta parum durat, & ad pauciora redigitur, & vi naturæ opprimitur.

Trigesimo secundo. In æternis non differunt esse, & posse per Arist. tertio huius, tex. 32. Sed mundus ab æterno non fuit (ut fides catholica docet) ergo nec potuit esse.

Trigesimo tertio. Mundus ab æterno non potuit in nihilum redigi. Ergo nec creati. Consequentia patet, quia eadem est potentia ad creationem, & anihilationem. Antecedens probatur, quia necessario daretur esse, ante non esse, in æterno autem nihil datur ante.

Trigesimo quarto. Infinitum in actu negatur. Sed data æternitate mundi concedendum esset, quia in qualibet hora potuisset Deus creare unum Angelum, inde novum mundum. Ergo &c.

Trigesimo quinto. Nec valet dicere quod quavis mundus quo ad aliquam generationem in particulari, vel motum &c. non potuerit esse, quia sic in ea, vel

ea daremus primum, quod æternitati repugnat, non tamen hoc concludit de generatione vt sic &c. Nam creatio facta esse debet in aliquo indiuiduo primo.

Pro resolutione præsentis difficultatis, quæ his nostris temporibus multos oppressit, tria mihi sunt facienda. Primo enim quædam præmittam necessario ad enucleationem veritatis quæstionis. Secundo loco nostram conclusionem probabo. Tertio satisfaciám omnibus argumentis.

*Termini explicandi.* Quo ad primum ergo primo explicandi sunt termini quæstionis. Primus autem est, ly mundus. Per mundum ergo intelligimus vniuersitatem omnium creaturarum, prout vniuersum, seu mundus constat ex omnibus gradibus entium vniuersalibus, & specificis, prout de facto reperitur, non quo ad indiuidua, cum multa sint corruptibilia, sed quo ad species quæ perpetuæ sunt. Secundus terminus est ly potuerit esse. Possibile ergo ex quinto Meth. tex. 17. tripliciter sumitur. Primo secundum potentiam actiuam, quia scilicet datur potentia actiua, potens aliquid agere, vt virtus calefactionis in igne. Secundo secundum potentiam passiuam, quia scilicet potest suscipere actionem agentis, vt est in ligno potentia ad hoc vt possit comburi. Tertio secundum non repugnantiam terminorum, quia non dicit implicationem, vt Sortem esse Pontificem. Tertius terminus est ly ab æterno. Aeternum autem dupliciter sumitur. Primo large, pro tota duratione aliqua, vnde corpora celestia dicuntur æterna, quia non est dabile tempus in quo non fuerint, & etiam quæ diuturna sunt sic possunt dici æterna, vt montes, colles, columnæ, & similia. Secundo sumitur præse, scilicet per eo quod, nec habet primum initium, nec vltimum finem, & hoc modo hic sumitur, vnde queritur an totum vniuersum, prout nouimus ipsum a Deo creatum potuerit esse potentia actiua Dei, & passiuæ (non subiecti, & materiæ) sed non repugnantiz. i. non repugnauerit ei creari ab æterno. i. cum Deo coæternum.

*Opinio.* Secundo igitur notandum, quod circa præsentem difficultatem sunt plures modi dicendi. Primus enim negat absolute potuisse mundum ab æterno esse, & crea-

tori esse coæternum. Ita Albertus Magnus in summa tract. 1. q. 4. membro 2. & in 2. d. 1. art. 10. D. Bonauentura ibidem q. 2. Riccardus q. 4. Marsilius q. 1. art. 2. Henricus quod. 1. q. 7. & 8. Guglielmus Parisiensis li. 1. de vniuerso, Philos. c. 16. Toletus hic q. 2. & plures alij. At alij plures concedunt res permanentes permanentemente operantes ab æterno esse potuisse, non vero res successiue, vt motus, & tempus. Ita Durandus in 2. d. 1. q. 2. ar. 3. Sotus hic q. 3. Conimb. hic. q. 7. Bannes p. p. q. 44. art. 1. Ruuius hic q. 3. & alij multi, quod & dicunt, de generationibus, & corruptionibus rerum naturalium. Secunda sententia principalis affirmat, mundum ab æterno creari, a Deo fuisse possibile, excepta specie humana, propter immortalitatem animæ intellectiue, ne daretur infinitum in actu. Ita expresse docent S. D. p. p. q. 46. ar. 2. cum Caiet. 2. contra gentes cap. 35. cum Ferrariensi, de potentia q. 3. articulo 14. in 2. d. 1. q. 1. art. 5. Capreolus in 2. d. 1. q. 1. Paulus Venetus hic text. 15. Soncinas. 12. Metaph. q. 2. Perrerus lib. 15. cap. 13. Gregorius, Gabriel, Ocham; Aegidius in 2. d. 1. Herueus quod. 9. & alij non pauci, & generaliter teneas nos hic disputare, an Deus potuerit mundum creare ab æterno, secundum statum quem modo habet, nam secundum alium statum potuisse illum creare, pauci sunt, qui hoc negent.

Tertio igitur notandum venit, quod causa deceptionis illorum, qui tulerunt mundum non posse esse ab æterno, ista sunt. Prima est, quia non considerauerunt æternum, & infinitum secundum omnem suam extensionem, sed tantum in tantum in particulari, pro hac hora, die, momento, nunc temporis, vel motus, hac generatione, vel corruptione, &c. nam sic considerare corruptibilia, & generabilia, est facere ea generabilia, & corruptibilia, & non æterna. Est igitur speculandum, quod in æterno quocunque nunc dato, adhuc aliud, illud antecedit, & sic in infinitum, & quocunque homine, motu, planta, vel alia re data, adhuc huius datur prior homo, &c. vnde aduersarij cum infinito accipiant per modum finiti, & æternum pro habente principium, & finem, non est mirum quod dicant implicare, aliquid esse variabile, corru-

*Causa deceptionis illorum, qui tulerunt mundum non posse esse ab æterno.*



corruptibile, vel generabile, & eſſe æternum, & infinitum.

Secunda cauſa eſt, quia accipiunt corruptionem, & generationem non vt prædicatum rerum generabilium, & corruptibilium, ſecundum ſpeciem, ſed eam intuentur in hoc indiuiduo, quare non penſant generationem, & corruptionem poſſe ſaluari in æterno, & infinito ſecundum ſpeciem, quoniam eam intuentur in hoc indiuiduo vt dixi, quaſi hoc indiuiduum debeat eſſe æternum, cum tamen dicamus indiuiduum hoc, & illud eſſe corruptibile, ſpeciem vero poſſe eſſe æternam, ſecundum totam ſuam amplitudinem, ſecundum quam poteſt extendi ad infinita indiuidua, ſi darentur, quæ tamen eſſent generabilia, & corruptibilia. Et ita dicimus de tempore, & motu, nam accipiendo in tempore hunc vel illum diem cogitamus eos pertranſitos, & ita, hoc vel illud nunc, temporis, quod tamen conſpicitur falſum, non ſumendo in finitum diuiſim, ſcilicet pro hoc, vel illo die, vel nunc ſed coniunctim. i. pro omni ſimul collectiue, quæ ſi eſt duratio æterna, & infinita, eſt impertranſibilis.

Tertia cauſa eſt, quia in æterno, & infinito admittunt, quod non eſt admittendum. i. aliquid quod ſignificet, & dicat initium durationis. Nam duplex eſt principium. Primum dicitur effectiuium, & hoc poteſt eſſe coæternum eum eo quod eſt ab eo tanquam a principio, vt filius in diuinis dicitur coæternus patri, & ſi ſit ab eo tanquam a principio, & ita ſi ſol eſſet æternus, lux eſſet ei coæterna, & calorigo, & ſi pes ab æterno (inquit Auguſtinus) fuiſſet in puluere veſtigium: pe diſ fuiſſet æternum, vnde principium productiuium in inſtanti æterno, non tollit æternum, quia principium, & id quod eſt a principio intelliguntur meſurari eodem inſtanti. Secundum dicitur principium in duratione, quia intelligitur prius fuiſſe, & deinde alteri dedidiſſe durationem æternam, quod ſic inuoluit repugnantiam, ſecundum quem ſenſum plura aduerſariorum procedunt argumenta, non enim in mundo ab æterno producto eſt aliquid admittendum, quod initium durationis dicat, vel præſeſerat aliquid eſſe, poſt non eſſe, & ita ſtandum eſt in hoc, quod æterna accipiunt eſſe, ſed non hoc modo,

quod dicatur primum eſſe infinito enim non eſt dabile primum ſecundum eſſe, ſi ſit æternum ſecundum eſſe, nec ſecundum durationem, ſi eſt æternum ſecundum durationem, & ita dico primum, poſt non primum.

Quarta tandem, & vltima cauſa cenſeo eſſe, quia accipiunt æternum vt infinitum ex vtraque parte, ita vt non poſſit ei aliqua ex parte fieri additio. Nam ſi mundus ab æterno eſſet productus, quamuis in eo non poſſet a parte ante dari primum, a parte poſt tamen haberet vltimum, cum tale eſſet infinitum permixtum potentiz, id eſt patiens additionem ex parte, poſt, & ſi non ex parte ante, quia ad præteritum nulla poteſt eſſe potentia.

His ſtantibus deuenio ad ſecundum *Concluſio* principale, & pono hanc conſuſionem. *ſuo probatur.* Mundus per abſolutam Dei potentiam potuit creari ab æterno. Probatur primo. Illud ſolum Deus nō poteſt facere, quod implicat contradictionem ſi fiat. At mundum fieri ab æterno nullam implicat contradictionem. Non enim implicat ex parte Dei creatis, quia ſi potuit mundum creare in tempore, potuit & ab æterno, non enim ex tempore acquiſiuit maiorem virtutem. Nec implicat ex parte producibilis, id eſt mundi. Primo, quia ſi creaturæ eſſent ab æterno, non obſtaret quod vna eſſet ab alia, vt lux a ſole dicit D. Auguſt. 6. de trinitate ca. 1. ſicut, & verbum indiuiſis potuit eſſe ab æterno a patre, & Angelus ſi ab æterno fuiſſet creatus, potuiſſet habere actionem liberam intellectionis, & volitionis, & ita Deus liberam actionem creandi mundum. Nec repugnat ex parte creationis, quæ eſt ex nihilo, quia vt ſupra notauimus ly ex nihilo non ſonat aliquid poſitiuium præueniens, ſed negatiuium, & dicit ordinem tantum, id eſt poſt nihil. Secundo probatur etiam de rebus corruptibilibus, quia in eis pariter vnum potuiſſet aliud producere, & creat. o ſemper potuit terminari ad eſſe, nec cum eo repugnantia aliquam habet, maxime cum accelleriū non impediatur principale.

Secundo. Repugnantia ſonat prædicatum non poſſe conuenire ſubiecto. At æternitas poteſt creaturæ conuenire. Ergo &c. Maior eſt nota. Probatur minor.

K k Primo

Primo, quia potest dari æternum limitatum, & dependens, unde sola independentia, & infinitas in esse repugnare dicitur creaturæ, in eo quod creatura. Secundo, quia æternitas est prædicatum accidentale, nullum autem accidens potest variare substantiam. Tercio, quia æternitas non diceret perfectionem simpliciter, quæ sola creaturæ repugnat. Quarto, quia ratio essentialis æternitatis conuenit angelo, & animæ nostræ, immo celo, & elementis, secundum substantiam a parte post. Ergo potuit eis etiam conuenire a parte ante, conuincimur enim ex hoc æternitatem non habere repugnantiam cum creatura, quia nullo modo ei conuenire posset sicut, nullo modo potest homo esse irrationalis, quia irrationalitas cum eo habet repugnantiam.

Tercio. Mundum inexistisse est articulus fidei, & consequenter non potest demonstrari. Sed ea quæ repugnantiam dicunt maxime demonstrari possunt, quia hæc maxime nota sunt, ut quod homo non sit lapis, vel Afinus, vel Deus, & similia. Ergo &c. Respondent aduersarij, diuina esse in duplici differentia. Quædam omnino diuina, & reuelata, ut Deum esse vnum, & trinum: sacramenta gratiæ conferre, & similia, & hæc sola fide tenentur, & non possunt demonstrari. Alia vero sunt quidem reuelata, sed etiam lumine naturali cognoscibilia, ut Deum esse, animam intellectiuam esse immortalem, & mundum esse creatum, & hæc possunt etiam ultra fidem notificari per demonstrationem. Sed hæc responsio non subsistit. Primo, quia Deum esse, & animam immortalem esse, sunt præambula ad articulos fidei, ut docet S. D. p. q. 2. art. 2. non vero sunt articuli fidei. At mundum esse creatum a Deo, est primus articulus fidei. Secundo, quia dato quod ea, quæ sunt fidei ratione humana etiam possint adiuuari non tamen possumus dicere ista ostensione, & demonstratione posse conuinci, (ut asserit Toletus, Ruus, & Conimb.) Nam quæ sub demonstratione conuincente intellectum eadunt, euidentissima, & notissima esse debent, euidentia autem non ita cum fide, nec certitudo manifesta cum adhesionem ad dicentem, ut omnes Theologi docent. Tercio, quia sic inceptio mundi in tempore,

seu creatio notior esset, quam multa naturalia maxime intellectui nostro proportionata, quæ demonstratione probari non possunt, immo creatio notissima fuisset apud omnes, quod aperte dignoscitur falsum.

Quarto. Si successiuis repugnaret esse ab æterno, foret, quia in eis dantur prius, & posterius, quæ longe sunt ab æternitate. At hoc non dicit repugnantiam. Ergo. Probo minorem. Primo, quia possunt dari prius, & posterius, sed non primum, nam in æternis a parte post huius nostri temporis dabitur prius, & posterius, & tamē tempus erit infinitum a parte post. Secundo, quia aliud est dicere, quod creatio postulet determinatum indiuiduum in vnaquaque specie, & aliud quod huic indiuiduo debeamus primum esse assignare. Primum quidem est verum, sed secundum falsum, quia nos metimur æternum ac si esset temporale. Nam etiā filius in diuinis habuit principium determinatum, sed non determinatum duratione, ita ut in æternitate eius sit dabile primum sui esse, post non esse, unde totus error aduersariorum ex eo pullulat, quod volunt æternum mensurare, ut temporale.

Quinto. Non est a Deo subrahendum, quod in eo aliquam diminutionem dicit, cum sit vndeque perfectus, & omnipotens. Ergo non est negandum eum ab æterno potuisse vniuersitatem creaturarum creare. Antecedens patet, sequela probatur. Primo, quia sic poneremus Deum debuisse expectare ad creando mundum. At propter quid. Non enim pendet quoquo modo a creaturis. Secundo, quia si esset ex repugnantia facti, esset propter aliquod præteritum, vel præsens existens, ac tunc nullum erat præteritum, vel præsens impediens. Tercio, quia expectatio nihil acquisiuit.

Ad primum autem argumentum in contrarium dicitur, quod mundus fuisset creatus in instanti. At duplex est instanti. Primum dicitur terminus præteriti, & initium futuri, quia mediat inter ista. Secundum dicitur simplex, & initium tantum futuri. Primum est instanti temporis nostri successui, nec in tali potuit creari mundus, quia supponit prius. Secundum dicitur instanti creationis, quia dicit

dicit initium tantum . Sed hoc diuersimode habet in æternitate, nam diceret initium effectiōis, sed non durationis, sicut generatio filij in diuinis dicit instans æternum generationis, sed non alicuius incaptionis duratiuæ, esset enim instans æternum, & ideo sine principio duratione, vnde imaginatio nostra, est eleuanda a tempore, & transferenda ad æternitatem, & tunc non tantum angustiamur .

Ad secundum similiter dicitur quod Deus produxisset motum secundum aliquod eius indiuisibile, sed hoc non potest designari per primum in duratione, quia in æternitate non potest dari primū durationis, sed tantum potest intelligi primum effectiōis, quia causa, & effectus, principium, & id quod est a principio possunt intelligi æterna, & sine principio durationis .

Ad tertium dicendum, quod duplex potest esse contingens, & corruptibile in æternitate, primum, & non primum, de secundo nō est tanta difficultas, quod potuit esse, quia huic sufficeret esse ab alio in infinitum, & ita darentur generationes, & corruptiones in infinitum ascendendo a parte ante . De primo ergo est difficultas, quomodo potuisset esse primum, & æternum, idest sine principio . Sed dicimus vt supra, quod fuisset primum per dependentiam a causa efficiēte, non vero per durationem, non quod primum effectiōne non sit etiam primū duratione . Sed quia intellectus noster ex cogitare valet effectum suæ causæ sine repugnantia posse esse cœternum, & hocle teneat ex parte esse rei, non erit propter accidens, idest durationem intelligibilem primam, & æternam negandū principale propter accessorium .

Ad quartum dicimus, quod ignis æternus produceret calorem æternum, non ex nihilo, nec ex natura, sed ex propria virtute producente suas passiones; vel melius dicendum, quod Deus produciens ignem naturali sequela, & eadem productione produceret calorem, vnde esset mutatio instantanea, & non motus successiuis mensura autem præcedit mensuratum non tempore semper, sed natura .

Ad secundum multi multa dixerunt, quidam ponentes transmigrationem ani-

marum, alij vnā animam, & intellectum constituentes, alij animam cum corpore interiore affirmantes, & similia dicentes . At nos cum S.D. contra gentes cap. 8. dicimus quod rationes Arist. non concludunt, nisi contra infinitū in actu, in materialibus non vero in spiritualibus, & immaterialibus, vt sunt animæ intellectiue . At p. p. q. 46. art. 2. ad octauum dicit aliquos posse dicere hanc rationem esse particularem, & tantum concludere non potuisse Deum ab æterno creare animam intellectiua immortalem, non vero concludi de alijs speciebus, vel indiuiduis perpeuis, vnde Caiet. vt supra animaduertit Thomillas concedentes mundum posse esse ab æterno debere excipere speciem humanam . Sed & alij poterūt dicere, hoc infinitum, esse sine categorematicæ, & semper permixtū potentia a parte post, vnse erit infinitū sumptum per modum finiti, quod forsitan non intellexit negare Arist. sed vide quæ ad hoc propositum diximus in tertio Phys.

Ad sextum dicendum, quod duplex est infinitum . Primum dicitur infinitum simpliciter, quia omni ex parte infinitū est, & nullam patitur additionem, quia sic non esset infinitum, sed finitum . Secundum dicitur infinitum secundū quid, idest ex vna parte, vt essent dies, & horæ a parte ante, data æternitate mundi, vel a parte post, vt si motus celi modo duraret in æternum, & huic infinito ex ea parte quia finitum est potest fieri additio . Quare data æternitate mundi infiniti dies essent transacti, & nunquam possemus reperire primum diem, tamen a parte post essent finiti, & sic successiue adderentur, dies, & horæ, in infinitum, quia permiscerentur potentia .

Ad septimum dicendum, quod infinitum secundum habet actum permixtum potentia, quia ad diem præsentem potest fieri additio diei sequentis a parte post . A parte vero ante diuisim accipien do infinitum potest ei fieri additio alterius partis diuisæ, coniunctim vero nequaquam, quia sic non habet partem extrā partem .

Ad octauum omittis multis superfluis (veritas enim in paucis consistit) dicitur Primo, quod infinitum a parte antea,

& infinitum a parte post sunt æqualia, si ad idem instant terminentur, si autem inter ea ponamus medium tempus, & illud vni infinito addamus, hoc videbitur maius, sed hoc fieri non potest, quia sic esset ab infinito a parte post, separare partem suam, quod non est factibile, & propterea, ubi definit infinitum a parte ante, ab eo instanti debet incipere post, & ita ista duo infinita erunt æqualia, & non habebunt partes. Secundo dicitur, quod infinitum non debet sumi per modum discreti, diuidendo ipsum in dies, horas &c. hoc enim est ex parte nostri, cum secundum se infinitum sit continuū, & ideo nisi ratione nostri, ut accipimus infinitum per modum discreti, & finiti, dicimus in infinito aeterno fore plures dies, quam annos, & horas, quam dies.

Ad nonum negatur minor, & ad probationem dicitur, quod habere finem stat dupliciter. Primo, ut terminum, quia sci licet ordinatur ad finem, ut ad terminū, ultra quem non mouetur, & sic illud quod hunc terminum non consequetur, dicitur otiosum. Secundo habere finem idest intentionem, & sic cum de ratione infiniti sit habere hanc rationem, quod non habeat terminum terminantem, si tendat in infinitum, non erit otiosum, sed bene ordinatum.

Ad duodecimum diximus, de ratione facti, est habere factorem, sed non esse necessarium factorem, seu causam effectuiam duratione præcedere factum, sed tantum naturā. Nam duplex est causa. Prima agit per motum, & hæc duratione præcedit effectum. Secunda dicitur agere per instantaneam productionem, & hæc non procedit duratione factum, & ita dicimus mundum potuisse fieri ab æterno, si Deo placuisset illum ab æterno creare.

Ad vndecimum dicendum, quod si mundus ut dicit totam collectionem creaturarum fuisset ab æterno, ex nihilo conditus fuisset. Dicere autem esse post non esse stat dupliciter. Primo positue, secundum aliquam durationem, non esse præcedentem, & sic quod acciperet esse, non posset esse æternum, ut argumentum probat. Secundo negatiue, idest non habuisse prius aliquam durationem, qua mensurari posset eius esse, vel non

esse, & sic cōditum potest esse æternum, in quo sensu dicimus mundum ab æterno potuisse creari.

Ad duodecimum dicendum, quod duplex est agens per intellectum. Primum inuestigatiuum, & post inuestigationem deliberatiuum, ut est intellectus humanus. Secundum dicitur simpliciter deliberatiuum, & effectiuium, ut est diuinus, argumentum de primo procedit, & nos de secundo loquimur.

Ad decimumtertium dicendum quod data æternitate mundi adhuc creatura non parificaretur creatori. Primo, quia esse diuinum esset infinitum intensiue, & extensiue, idest in perfectione, & duratione, esse autem creaturæ perpetuum esset solum infinitum in duratione. Secundo, quia Deus esset causa, & creatura effectus, & ideo esse Dei esset independens, & creaturæ dependens. Tertio differrent etiam in duratione, quia esse diuinum æternitate mensuraretur, quæ est omnino, & simpliciter tota simul, sine aliqua successione, esse vero creaturæ tempore æterno mensuraretur quod successionem dicit, & hoc est quod docet S. D. p. q. 46. art. 2. ad quintum, vnde patet, entia successiua potuisse esse ab æterno, quod dixerim contra Thomistas illos, qui negant Deum potuisse creare mundum quo ad successiua.

Ad decimumquartum dicendum, infinitum impertransibile ex ea parte quæ est infinitum, non vero ex ea quæ est finitum, modo data æternitate mundi non esset dabilis primus dies, nec prima hora quia ex parte mundus esset infinitus in duratione, sed ex parte post esset finitus, quia illa infinitas horarum esset terminata ad hunc diem, & horam, & sic ex hac parte ei posset fieri additio.

Ad decimumquintum dicendum, quod causæ sunt in duplici differentia. Quarundam enim sunt per se subordinatæ, ita ut simul, & in actu concurrant ad producendum effectum, & in his non datur processus in infinitum. Aliæ vero dicuntur per accidens subordinatæ, quia vna potest agere sine alia, & in his potest dari processus in infinitum, ita autem se habent auis, arauis, &c. nam pater potest generare, quamuis eius parer, vel auis sint mortui. Habeas autem patrem,

auum,

aurum, aurum &c. esse causas ordinatas per se in esse, quia vna ab alia per se depe- det in esse, sed nō per se subordinatas in actione, quia vna potest agere sine alia.

Ad decimum sextum dicimus, implicare incipere per durationis primum, & nō incipere per primum durationis, non ve- ro incipere per causalitatem, & non inci- pere per primum instans durationis, & ita filius in diuinis incipit per generatio- nem, sed non per durationem aliquam. Vitamus autem in diuinis nomen inca- ptionis, quia videtur significare esse, post non esse, quod non potest diuinis conuenire.

Ad decimum septimum dicendum, quod creatio de nouo in nunc temporis dicit instans indiuisibile, sed tale quod ante ipsum potuit esse aliud instans. At creatio aeterna diceret primum instans productionis, sed non durationis, quia se- cundum durationem non potest in aeterno dari primum, imaginatio enim nostra communis tollenda est, & intuenda sunt naturae rerum, & non errabimus.

Ad decimum octauum dicendum, quod Deus dicit negationem, & productionis, & durationis, & ideo nullo modo habet primum. Creatura autem aeterna diceret primum productione, sed non dura- tione, & ideo non mensuraretur aeterni- tate omnino inuariabili, sed tempore aeterno, patiente successionem.

Ad decimum nonum diximus, quod procedit de infinito discrete sumpto, & non continue.

Ad vigesimum dicendum, quod nunc denotat durationem & non effectiōem; & ideo non possumus dicere in mundo aeterno, mundus nunc creatur, quia in aeterno non datur primum nunc, at bene valemus dicere mundus in tempore aeterno creatur & creatus est idest factus est, & perseverat.

Ad vigesimum primum dicendum, quod dum SS. patres negant creaturam non posse esse coaeternam creatori intel- liguntur primo per independentiam, s. quod a Deo non esset. Secundo per aequa- litatem in esse, & mensura. s. in aeternitate proprie sumpta, quae est mensura omni- no inuariabilis, & mensurat omnino inuariabilia, nam mundus tempore aeterno mensuraretur, & non propterea

aeternitate. Tertio ad sensum Arij, & Ma- cedonij cōtra quos disputabant, hi enim scripturas concedeabant, & tamen pone- bant verbum Dei esse creaturam: Hoc enim implicat (dicebant illi patres) quia creatura secundum scripturas non est co- aeterna creatori, & tamen legimus ver- bum diuinum esse patri coaeternum, vnde negant coaeternitatē stante facto, non de possibili, absoluta Dei potentia.

Ad vigesimum secundum dicendum, quod modo disputamus an mundus in ea dispositione in qua reperitur potuerit es- se ab aeterno, vnde impertinens est argu- mentum de lapidibus creatis in quolibet instanti, si enim Deus voluisset illos crea- re, forsitan alium ordinem excogitasset, per quem deueniremus in cognitionem Dei, potentis facere infinitum sineatego- rematice, quod est infinitum permixtum potentia. Sed ad quid crearet tot lapides? non. n. facerent ad perfectionem speciei, nec vniuersū sicut facit multiplicatio ho- minum in specie humana Deum laudan- tium, & ei ministrantium.

Ad vigesimum tertium argumentum dicimus, Deum potuisse cognoscere il- lud primum, vt primum effectum, non vt primum in duratione, non enim sien- dus est transitus. Ad secundum dicendum similiter, quod si Deus ab aeterno produ- xisset aliquam speciem, illam signasset, & produxisset in aliquo primo indiui- duo effectiue, sed non primo in dura- tione. Nec valet dicere, quod primum productum esset productum in duratio- ne, quia sibi correspondent. Hoc enim falsum est, quia nō implicat intelligere effectum esse a causa ab aeterno, & impli- cat effectum esse aeternum, & habere pri- mum sui esse in duratione, qui est defe- ctus intellectus nostri, & non rei in se. Ad tertium dicimus, primum indiui- dum quo ad durationem non posse nos assignare, quia in infinita duratione non est inuenire primum, sed vt diximus possumus tamen intelligere primum effi- cientia, sicut filius in diuinis diceret- ur primus, vt a primo principio, si post ipsum essent alij infiniti filij, & tamen non posset dici primus in duratione aet- ernitatis. Ad quartum idem dicimus, scili- cet quod aliquis potest dici primus homo, si- cut a Deo, & nō secundus, nec tamē dico-



tur primus duratiōe, sed causalitate.

Ad vigesimumquartum dicimus, illud concludere, de primo vt mensurato duratiōe, non causalitate producto. Sed quis interrogabit cum omne mensuratum, & productum habeat suam mensuram, quæ nam erit prima hominis producti, si non est primam nunc duratiōis, productiōis huius primi hominis, dato quod homo fuisset ab æterno productus. Responderetur, quod aliud est dicere, quod vere, & realiter esset primus homo productus, & primum nunc duratiōis temporis æterni (vtrumque enim simul produceretur) & aliud est dicere, quod hic primus homo, vel primum nunc possit designari in individuo. Primum est verum, quia (vt diximus) ex patribus non repugnat creaturam ab æterno esse productam. Secundum autem est falsum, quia ante quemcumque hominem in æterna hominum generatione est dabilis alius homo in infinitum, & ita ante quodcumque nunc, aliud nunc semper in infinitum, quia talis est natura æterni, & infiniti in numeratione.

Ad vigesimumquintum diximus, tunc motum fuisse æternum, & grauidatiōē, & combustiōem, vnde non est descendendum ad hunc motum, hanc combustiōem, vel hanc grauidatiōem, & dicendum quod sint prima, hoc enim falsum est, quia ante ista danda essent alia similia in infinitum, cum quo stat, quod talis motus, combustiō, & grauidatiō sint finita ex vtraque parte si in singulari accipiantur, vt supra explicuimus.

Ad vigesimumsextum dicimus, quod quamuis Deus dicatur sine principio nō tamen verbum, & tamen est æternum, vnde non est necessarium omnem causam præcedere effectum, si in instanti illum producat, verum est enim solum de causa mouente per motum Physicum.

Ad vigesimumseptimum dicendum, non repugnare causæ liberæ secum coæternaliter producere suum effectū, quando illa causa non habet inuestigare, & postea deliberare, vt est Deus, non enim eius libertas habet statum indifferentiæ, & determinatiōis, sed eodem modo libere operatur (operetur ab æterno, vel in tēpore) vnde in instanti non suo, sed sibi coæterno potuit mūdum producere.

Ad vigesimumoctauum dicitur, quod peccat accipiendo primum motum solis ab oriente, in occidentem, nam nullus talis primus motus posset designari, quia ante illum accipiendus esset alius in infinitum.

Ad vigesimumnonum dicendum, quod nec æternitas, nec alia diuina attributa possunt communicari creatis, vt sunt infinita secundum essentiam, in perfectiōe, & duratiōe, eis tamen possunt communicari finite, & imperfectiōe, & infinite in duratiōe, quia sola æternitas Dei dicit perfectiōem infinitam secundum essentiam.

Ad trigessimum dicimus, quod tunc Deus, vt natura vniuersalis prouidisset de reparatione caloris naturalis deperditi, sicut fecisset in paradiso terrestri neque enim sic inuertet naturas quo ad esse specificum, sed quo ad accidentia concomitantia.

Ad trigessimumprimum similiter dicimus, quod Deus disposuisset tot indiuidua specierum esse debere, secundum quandam latitudinem, maiorem, & minorem, & ita vt vno tempore possent esse in maiori numero, & in alio non, propter luem occasiones bellorum &c. multos de medio tollentes, esset enim variatio in multitudine non in esse.

Ad trigessimumsecundum Simplicius, & alij multi dicunt hanc propositionem, & æternis non differunt esse, & posse, nō esse Arist. vt propria, sed Archite, & Epicuriorum contra quos loco citato disputat vnde ex dictis eorum eos intēdit conuenire. Sed quia hæc propositio vt de mente Arist. communiter recipitur; Ideo dicitur, quod valet in æternis quo ad potentiam passiuam, quæ non est separata ab actu, sed ei coæterna. Sed & dicitur, quod non procedit de posse, vt dicit potentiam ad actum, sed vt dicit proportionem cum actu, nam actus æternus, habet potentiam æternam scilicet possibilitatem, & ideo quia actus creatiōis est æternus in Deo, ideo & potentialitas mundi ab æterno, debet esse æterna.

Ad trigessimumtertium negatur conseqüentia, & ad probationē dicitur quod eadē est potentia, sed non sub eodē modo, quia quod anichilatur, fecit, quod vero creat, nō ideoq. potuit creari ab æterno.

Ad



Ad trigefimumquartum dictum est supra, & ita ad 35. sapius.

## Q V A E S T I O VI.

*Verum Aristot. crediderit se demonstrasse aeternitatem mundi.*

**V**idetur quod sic. Arist. tenuit Deum agere de necessitate naturæ ex propria sententia; Sed hoc dato sequitur motum, tempus, celos, & alia necessario ab æterno fuisse. Nam causa in actu, naturaliter agens, necessario producit suum effectum. Ergo aeternitas mundi tenenda est firma Arist. sententia.

Secundo. Clarum est Arist. 4. huius, & in hoc octavo, 1. de Cælo, secundo de ortu, & interitu, 12. Metaph. ac multis alijs in locis pugnaciter defendere aeternitatem mundi, Ergo signum est eum sic tenuisse.

Tertio. Vbiq. Aristot. facit tempus, motum, & materiam æternam, neque alia via probat aeternitatem mundi, quam ex æternitate istorum. Ergo signum est quod firma fuit eius sententia.

Quarto. Aphrodiseus rogatus quid sibi de doctrina Arist. magis placeret, dixit sententia æternitatis mundi, quia hæc vna inuariabilis, eius sententia fuit.

In contrarium stat S.D. p.p. q. 46. art. 1. qui triplici ratione probat Arist. non putasse se demonstrasse aeternitatem mundi. Prima est, contradicere opinionibus aliorum non est demonstrare, id quod demonstrans tenet, sed quod aduersarij dicunt, falsum esse. At Aristot. hic, & 1. de Cælo, &c. contradicit tantum dictis antiquorum, ponit enim prius eorum opiniones, & postea eas reprobat. Ergo hoc non censet absolute verum.

Secunda. Probare aliquid ex dictis aliorum, non est demonstrare, sed probabiliter persuadere. Hoc vbiq. facit Philosophus dum de aeternitate mundi agit. Ergo.

Tertia. Idem Aristot. 1. Topicorum factum, quædam esse problemata Dialectica, de quibus rationes non habemus, vt vtrum mundus sit æternus.

Quarto. Addamus Arist. tenuisse animam immortalem, & non posse dari infinitum in actu, quæ implicarent data

æternitate mundi.

Quinto. Omnia ea inconuenientia sequuntur data æternitate mundi ex materia, cū motu, & tempore æterno, quia supra contra sententiam S.D. sunt adducta.

Circa hanc difficultatem sunt duæ opinioniones. Prima tenet Arist. tenuisse æternitatem mundi ad sensum suum. i. cum æternitate materię, motus, & temporis ita vt rationes ab eo adductæ contra antiquos non fuerint solum ad contradicendum, sed etiam ad ostendendum propriam mentem per rationes (vt ipse putauit) demonstratiuas. Ita fere communiter docent DD. Secunda vero fuit S.D. vt supra, Vldarici in sua summa lib. 4. Ar. gentinæ in 2. distin. 1. q. 2. art. 1. scilicet quod Arist. probabiliter tantum censuit mundum æternum, & rationes quas adducit fuerunt ad ostendendum mundum non potuisse incipere, non per creationem, sine nouitate essendi, sed cum nouitate essendi. i. ex materia supposita, vt videntur voluisse antiqui ab eo impugnari. Itaque Arist. rationes ad hoc tendunt, scilicet ad ostendendum quod mundus non potuit esse ex materia, non vero ex nihilo.

Sed secundo loco notandum etiam venit, quod aliud est dicere Arist. tenuisse creationem mundi in tempore, & aliud ab æterno. Primum enim non a firmamus, quia ex nullo dicto eius deduci potest, ac secundum docemus, quia vt alibi scilicet, in secundo Metaph. ostendimus, ipse cognouit creationem sine nouitate essendi, quam tamen, non creationem, sed dependentiam a prima causa appellatur.

Ad primum ergo dicitur, quod probat æternitatem mundi de mente Arist. sed sine nouitate essendi, nam aliud est dicere quod motus, tempus &c. sint æterna apud Aristot. & aliud quod non sine creata. Primum concedimus, & secundum negamus, & per hoc patet ad alia tria argumenta.

## Q V A E S T I O VII.

*Verum Deus agat de necessitate naturæ, aus libro.*

**V**idetur quod agat de necessitate naturæ. Primo enim hoc deducitur, vt de

de mente Aristot. multis in locis. Nam in hoc octauo text. 7. & octauo sic argumētatur. Si primum mouens ab aeterno non mouebat, ergo ab aliquo retardabatur. Hæc autem consequentia nulla esset dato, quod Deus libere agat, quia poterat responderi, non erat aliquid quod cum retardaret, sed ipse sua voluntate non mouebat. Secundo item tex. 52. ait, mundum esse æternum, quia eius principium est æternum, quod non valeret, si libere ageret. Tertio item tex. 79. dicit virtutem infinitam Dei non posse esse in magnitudine, quia sic moueret in instanti, cum moueat necessario. Quarto item, 1. cœli cap. 10. facit cœlum ingenerabile, & incorruptibile. At si Deus esset causa libera, illud generare posset, & corrumpere. Quinto item 9. Metaph. tex. 17. & 12. text. tertio affirmat cœlum necessario ab intelligentia moueri, & non posse cessare a motu. Sexto item facit Deum immutabile, & actum semper mouentē 12. Metaph. tex. 30. cum Commen. & tex. 38.

Secundo. Omnia quæ Deo ab intrinseco conueniunt, æterna sunt, quia nullam perfectionem ex tempore acquisiuit. At omnia, quæ sunt intrinseca, sunt necessaria. Ergo cum agere sit quid Deo intrinsecum, erit necessarium, & æternum.

Tertio. Intelligentiæ necessario mouent orbem, & hoc non dicit in eis imperfectionem, ergo nec in Deo.

Pro resolutione huius questionis. Primo aliqua obseruabo. Secundo loco conclusionem nostram probabo. Tertio satisfaciam argumentis.

Quo ad primum primo notandum venit, quod agere de necessitate naturæ dupliciter sumitur. Primo ut ly de necessitate naturæ distinguitur contra agere per intellectum, & voluntatem, prout solemus dicere, quædam agentia agere naturaliter, & quædam a proposito. Secundo ut dicit agere secundum intellectum, & voluntatem, sed determinate, & necessario id est sine aliqua indifferentia, & electione. Primo modo nullus verus Philosophus posuit Deum agere de necessitate naturæ, vnde in secundo stat controuersia, scilicet an agat libere, ita ut possit agere, & non agere, seu potius agat determinare, & sine aliqua indifferentia libertatis.

Secundo ergo notandum, quod circa præsentem difficultatem omnes DD. Catholici in hoc conueniunt, quod Deus non agat de necessitate naturæ, sed libere, adeo ut possit agere, & non, prout ei libet, & placet, diffusum ergo remanet solum quo ad mentem Aristot. quid ipse in hac parte senserit. Et quidem Scotus 1. sent. dist. 8. q. 4. Herueus 2. quod q. 4. Iauel. 12. Metaph. q. 10. Soncinus q. 30. Soto hic q. 1. & Ferret. 2. contra Gen. c. 27. & alij plures, tenent Deum de necessitate naturæ operari, & agere, ita ut non possit non agere. Oppositum docet. S. D. secundo contra gentes cap. 23. & 12. Met. tex. 38. circa finem. Toletus hic quaest. 3. & Magister Hieronymus Soncinus, Magister meus in sua Theologia Aristot. a c. 109. vsque 120. inclusiue, quæ opinio mihi etiam magis, quam prima placet.

Tertio ergo notandum venit, quod duo volita a Deo considerare possumus. Primum dicitur primum volitum, & primum obiectum diuinæ voluntatis, & tale est diuina essentia, quæ duo habet in ordine ad diuinam voluntatem, etiam de mente Aristot. Primum est, quod primo diuinæ voluntati obijciatur, nam sic potentia infinitæ volitui, & correspondet obiectum infinitum, scilicet diuina bonitas infinita, vnde Arist. 2. Phys. tex. 29. & 34. & quarto Metaph. tex. 2. dixit, Deum esse vltimum finem, & consequenter primum volitum, & ideo voluntas diuina non potest esse mouens motum ab aliquo extra se, sed ipsa diuina essentia est illa, quæ voluntatem diuinam mouet. Secundum est, quod diuina voluntas, & diuina essentia non distinguuntur secundum rem, nam si Deus est actus purissimus per Arist. 12. Metaph. tex. 30. 35. & 39. Ergo in eo non potest dari distinctio realis, & maxime accidentis, (ut est voluntas distincta realiter ab essentia) a substantia. Secundum dicitur secundario volitum, & secundarium obiectum voluntatis diuinæ, & hoc est omne aliud a Deo. Si ergo loquamur de primario obiecto diuinæ voluntatis, id est de diuina essentia, dicimus hoc obiectum necessarium, & determinate esse volitum, nam sicut intellectus determinatur necessario a primis principiis notissimis, ita & voluntas ab vltimo fine summo bono, quod non potest non esse volitum.

volitum; difficultas ergo remanebit de secundario volitis, idest de alijs à Deo.

Ideo, quarto notandum est ex Aristot. 5. Met. tex. 6. 12. Met. tex. 30. & 1. Periherm. quo 1 necessarium duplex est. Primum dicitur absolutum, idest ab intrinseco, quia aliter se habere non potest, in primo, & secundo modo dicendi per se. Secundum dicitur ex suppositione, quod quidem secundum se non est necessarium, sed facta aliqua suppositione utique, sicut sortem sedere dum sedet. Primum necessarium non saluatur in Deo nisi respectu obiecti primarij, ut diximus, & ideo volitio creaturarum non erit necessaria nisi secundo modo, idest ex suppositione, quia scilicet ipse decreto suo immutabili disposuit eas creare, ordinando eas ad se, Deum enim habere voluntatem immutabilem docuit Arist. 12. Met. tex. 36. 37. 38. & 41. quia Deus est mouens omnino immobile. Hinc dicimus Deum vnico actu quantum est ex parte volentis velle se, & alia à se, sed non ex parte volitorum, quia se vult necessario absolute, & alia à se ex suppositione. Non quod velimus dicere, Deum non habuisse libertatem ad volendum, sed quod noluit suam voluntatem habere voluntatis indifferentià cum decreuerit creaturas producere, & non aliter, quam ad se ordinatas, & ideo determinabimus Deum necessario agere, sed non ab alio determinatus ad agendum aliquo modo, sed quia ipse sic decreuit necessitate suppositionis, & immutabilitatis agere.

Quo ad secundum conclusio est. Deus non agit de necessitate naturæ, necessitate absolute, nec secundum Arist. nec secundum veritatem. Hæc conclusio habet duas partes. Prima de mente Aristot. Secunda de veritate. Primo ergo probatur Aristot. non tenuisse Deum agere de necessitate naturæ absolute. Primo. Agens intellectuale secundum Arist. 9. Metaph. tex. 10. est agens libere, At Deus est agens intellectuale, per Arist. ubique locorum suæ doctrinæ. Ergo erit agens liberum & non de necessitate naturæ.

Secundo. Finis dicitur necessario volitus, & quæ sunt ad finem libere, per Arist. 5. Ethic. cap. 7. Sed Deus vult se vt finem omnium creaturarum, ex 12. Met. tex. 39. & 52. & alia à se vt ad ipsum or-

dinata. Ergo sicut vult se necessario, ita creaturas libere.

Tertio. Illud agens est liberum, quod propter seipsum operatur, vt habetur ab Aristot. & explicatur à S. D. 1. Met. Sed Deus maxime propter seipsum operatur, cum sit omnium finis, & 12. Met. text. 52. Ergo.

Quarto. Necessitas primi motoris non est absoluta, sed ex fine per Arist. 12. Met. tex. 38. & ipse est finis à quo sumitur ista necessitas, tex. 52. & 53. Et agit per intellectum, & voluntatem à tex. 36. vsque ad tex. 52. Ergo ea quæ ordinat ad seipsum ordinat libere. Tenet sequela, quia ordinata ad finem subiacent voluntati ordinantis, vt artificia sunt à voluntate artificis, sic autem res se habent ad Deum, 1. Phys. tex. 86.

Quinto. Habet Aristot. quarto Topicorum, illum non esse furem nec calumniatorem, qui potest furari, & calumniari, sed qui furatur, & calumniatur, quia Deus & homines possunt multa facere, quæ non faciunt. Item 10. Ethic. cap. 8. confitetur Deum curare res humanas, & illos esse Deo clarissimos, qui sunt vere sapientes, & virtuosos, & his beneficia sua conferre. Amare autem, & non amare, beneficia his conferre, & non alijs, liberi agentis opera esse conitat. Dicere autem Arist. ibi secundum vulgum loqui, est illum in moribus impium, mendacem & inscium facere.

Sexto. Causa necessario mouet; At Deus mouet libera agencia libere, vt testatur Arist. secundo de generatione tex. 59. & 12. Met. tex. vltimo. Ergo &c.

Septimo. In libro de Mundo ad Alexandrum, postquam dixit omnia esse à Deo, tandem subdit, Deus cum in re immobili collocetur, omnia quæ vult, mouet, arbitraturque suo in diuersis rebus, generibus, & naturis versatur &c. Quare apud Laertium in vita Aristot. in suo vltimo testamento Deum orat, & aliqua fieri iubet religionis gratia, vt ipse de Deo monumenta, & 8. Ethic. c. 7. 12. & 14. tradit multa de cultu, & honore Deo exhibendo, quæ omnia confirmant mentem ipsum fuisse Deum, ad hæc aspicere, & iusta opera nostra nos punire, vel gratijs aspicere. Hocque scilicet Aristot. tenuisse Deum non de necessitate naturæ

Ll agere,

agere, deducitur ex sententia interpretum eius. Nam secundum Alexandrum, & Theophrastum, Deus est intellectus agens, immitens cogitationes contingentes hominibus. Ergo agit contingenter, quod expressius Alexander affirmavit in libro de fato ad Antonium, & Scuerum Imperatores. Item Simpl. 2. Phys. tex. 77. ait. Deum ut vult uti natura, & cuncta in æquitate dirigere, & 4. Phys. in digressionem de loco dicit. Deum in cælo Empirico illustrare mentes hominum, & ostendere illis ea, quæ per se sunt spectabilia, & tenet etiam intelligentias velocius, vel minus velociter pro eorum voluntate posse mouere cælos. Ita si Ammonius Themistius Eustratius, Psellus, Magentinus, ac alij plures ponunt providentiam in Deo, oportet ut etiam confiteantur in eo esse libertatem ad diuersimode, diuersis providendum.

Secundo loco probatur nostra conclusio secundum veritatem, & ex principiis Aristot. Primo. Si prima causa ageret de necessitate naturæ, homo non esset liber. Hoc est falsum, ergo Deus agit libere. Maior probatur. Primo, quia causa non potest dare, quod non habet in se, saltem virtualiter. Secundo, quia sic causa secunda ad sui beneplacitum haberet primam ad operandum, unde prima causa efficeretur secunda, & secunda prima. Tertio, quia prima causa modificaretur à secunda ad agendum, prout ei placet, & non prima modificaret secundam. Minor est Arist. 2. Physic. tex. 58. & 59. 2. Ethic. cap. 6. & in tertio, cap. 2.

Secundo. Perfectissimæ causæ non est negandum quicquid perfectionem dicit. Sed esse suarum actionum dominum dicit perfectionem. Ergo Deus erit liber, Maior patet, & est Arist. 1. de Anima tex. 8. & 3. Met. tex. 15. contra Empedoclem. Minor probatur. Primo, quia in hoc dicuntur intellectus agentia super bruta præstare. Secundo, quia agere nobilius est, quam agi, & ducere quam duci.

Tertio. Si Deus non est liber, multarum rerum non possemus assignare aliquam causam, ut rerum extra ordinarium cursum procedentium, primarum partium vniuersi &c. Nam cum causas ordinarias ignoremus, ad diuinam voluntatem recurrimus, ex communi inclinatione ho-

minum. Ergo Deus est liber.

Ad primum, autem argumentum respondendo breuiter dicemus ad singula motus. Ad primum ergo dicimus, illud argumentum factum esse contra antiquos, qui ponebant Deum esse ab æterno cum mobili, & illud non mouere, cum ad mouendum illud secundum illos recte ordinaretur, unde merito quaerit iusta eorum principia, quod non poterit illam retardare. Ad secundum dicendum est, Arist. fecisse mundum cum suo principio coæternum, non necessitate absoluta, sed suppositionis, quia voluit eam ab æterno ad se ordinare. Ad tertium multa infra ad hoc propositum erunt dicenda, pro nunc autem dicitur, quod ratio supponit, quod si virtus infinita esset in magnitudine, & vellet mouere secundum totum suum posse, moueret in instanti. Ad quartum dicitur, quod cælum ponitur ingenerabile, & incorruptibile ab intrinseco, non vero ab extrinseco. Ad quintum dicitur, quod Phil. ibi loquitur de necessario non absolute, sed ex suppositione. Nam dato quod intelligentia voluerit mouere cælum inuariabiliter ad generationem, & corruptionem rerum inferiorum, necessarium est quod illud semper moueat. Dictum autem Arist. videtur procedere de intelligentiis inferioribus prima, quæ perfectionem suam essentialem habent in intelligere, & velle, ut actus dicuntur, & accidentalem consequuntur perfectionem in semper mouendo, ut deputatæ sunt ad motum, quia sic assimilantur primo motori, qui per motum primi cæli inferiora producit. Ad sextum dicitur, quod omnimoda Dei inmutabilitas arguit necessitatem eius suppositionis.

Ad secundum dicitur, quod potentia actiua est Deo intrinseca, & absolute necessaria, sed agere ab extra conuenienti ex suo beneplacito, & dicit in Deo respectum rationis. Et ita Deus dicitur causa semper in actu, & nullo modo in potentia, quo ad id quod actio dicit in agente, non vero quo ad id quod infert in passio.

## CAPUT III.

## LECTIO.

S. D. 5. &amp; 6.

*Principium autem considerationis est &c.*  
text. 21.

**I** Nuelligans Arist. primi motus sempiternitatem, & primi motoris immobilitatem, duo facit principaliter. Primo enim quibusdam diuisionibus positis, & refutatis, à tex. 21. vsque ad 27. incipit iacere fundamenta æternitatis motus, & immobilitatis primi motoris. Secundo vero à tex. 27. exordium sumit ad agendum de hac re secundum propriam sententiam.

Quo ad primum, primo ergo præmittit quādam diuisionem trimembrem, & ei addit sub diuisionem tertij membri, quod est illud, quod facit ad propositum. Diuisio ergo est. Quæ sunt, aut omnia semper mouentur, aut semper quiescunt, aut quædam quiescunt, & quædam mouentur. Sed primum non potest esse, scilicet quod omnia semper quiescant, (vt Zeno aiebat negando omnino motum.) Nam quod est contra sensum omnem, & omnes artes, & scientias non est affirmandum propter Sophisticas, & imbecillas rationes. At negare motum, est contra omnem sensum, quia patet ad sensum quædam quiescere, & quædam moueri. Et est contra omnes artes, & scientias, nā scientiæ practicæ vtuntur motu, quasi dirigendo quosdam motus. Naturalis speculando motum, & naturam, quæ est eius principium, Mathematica vtendo motu imaginario, vt quod punctus motus facit lineā. Met. vero dum considerat primā principia, & ex his ad conclusionem procedit. Ergo contra negantes motum non est disputandum, vtpote contra negantem notissimum sensum, & primum principium intellectū. Falsum erit igitur primum membrum (ait Aristot. tex. 22.) scilicet quod omnia quiescant, & nullum ens moueatur, in tex. vero 23. & 24. transit ad probandum esse falsum secundum membrum, scilicet quod omnia moueantur, (vt dixit Heraclitus) putans omnia cor-

pore esse in continuo motu vel veloci, & noto, vel remisso, & occulto, vt patet in motu augmenti, quod semper fit (ait Heraclitus,) & si semper non deprehendatur, sed post aliquod tempus. Arguit hanc opinionem esse falsam in omni specie motus, & primo in motu augmenti, de quo erat instantia Heracliti, ratio ergo sic formetur. Motus augmenti non est continuus. Ergo quæ augetur non sunt in continuo motu. Sequela patet; Antecedens probat. Antequam forma introducat, materia prius disponitur. Ergo in hoc motu erit dispositio ad formam, & postea motus formæ sub augmento; Antecedens probat exemplo guttæ caderitis, & cauantis lapidem, nam non omnis gutta cauat lapidem, sed quædam disponit cauationem, & alia efficit illam. Secundo idem probat de motu alterationis, quem negat esse continuus, quoniam etsi corpus quod alteratur sit partibile in infinitum, non tamen est necessarium quod eodem modo alteretur, velox enim esse poterit alteratio, vt patet in congelatione parux quantitatatis aquæ, & tarda & interrupta transeundo de parte ad partem, vt patet in multa aqua congelata, cuius partes aliquæ non est inconueniens prius congelari, & quasdam per posterius. Ira qui sanatur quandoque ad sanitatem disponitur, & quandoque sanus efficitur, & ita lapis nec durior, nec mollior fit propter temporis longitudinem. Tertio hoc probat in motu locali. Primo, quia notum est sensibus, quod quando lapis projicitur sursum, mouetur, & quando iacet in terra, quiescit. Secundo, quia corpora mobilia si extra proprium locum mouentur, in proprio loco ea quiescere opus est, in tex. autem 25. & 26. reprobatis iam duobus membris scilicet quod omnia quiescant semper, & omnia mouentur semper, transi ad tertium membrum, & ait quod quædam quiescant, & quædam moueantur trifariam intelligi potest. Primo ita vt quædam moueantur semper, & quædam semper quiescant, & nihil sit quod aliquando sit sub motu, & aliquando sub quiete. Secundo ita vt omnia aliquando moueantur, & aliquando omnia quiescant. Tertio ita vt aliqua moueantur semper, & alia nunquam, aut tandem alia aliquando moueantur, & aliquando quiescant.

ſcant. His modis ſtantibus. Primum dicit eſſe falſum, quia ſenſu, & experientia cõpertum eſt, lapidem extra ſuum locum exiſtente, proicctum, vel per violentiam detentum, remoto impedimento, vel ceſſante impetu redire ad proprium locum, & in eo quieſcere. Ergo falſum eſt, quod quædam ſemper moueantur, & quædam ſemper quieſcant. Secundo addit, falſum quoque eſſe ſecundum membra, ſcilicet quædam ſemper moueri, & quædam ſemper quieſcere, vt dicebat Empedocles per licem moueri, & per amicitiam quieſcere. Hac ſic primo tolleretur motus augmenti, qui eſt ad determinatam quantitatem, & non in infinitum. Secundo tollitur motus violentus, qui eſt à quiete mobilis, ad motum violentum. Tertio tollitur generatio, & corruptio, nam generatio dicit ens prius ſub quiete (large loquendo de quiete) fuiſſe, & per generationem moueri, & e contra de corruptione. Quarto tollit omnem motum, ſiue communiter ſumatur, ſiue proprie, iuxta ea quæ dicta ſunt de motu in quinto lib. huius ſcientiæ. Ergo falſum eſt quædam ita ſub quiete eſſe, vt nunquam poſſint moueri, & e conuerſo. His duobus membris impugnatis tertium membrum amplexandum eſſe affirmat ſcilicet quod quædam mouentur ſemper, vt corpora cæleſtia, & quædam nunquam, vt primus motor, qui eſt omnino immobilis, & quædam aliquando moueri, & aliquando quieſcere, vt corpora ſublunaria, & ex his concludit dari vnum primum mouens immobile, & vnum primum mobile, ſemper ſub motu, quod infra probabit magis.

Circa ſupradicta autem primo venit notandum circa tex. 21. quod Ariſt. non eſt ſibi conerarius, dum in 2. Phyſ. tex. 71. dixit tria eſſe negotia Phyſica, id eſt (vt aliqui interpretantur) tres ſunt ſcientiæ. Prima, quæ conſiderat immobilia. Secunda, quæ ſpeculat ſemper mota, & tertia quæ intuetur, quæ mouentur, & quieſcunt, & in hoc tex. dicit hæc tria ad hanc ſcientiam pertinere, nam ſi iſta ſeorſum, & ſecundum ſua propria conſiderentur, ad tres ſcientias attingent. At ſi in ordine ad motum æternum intueantur tantum, ad hunc librum pertinere dicuntur.

Secundo notandum venit, circa tex. 22. quod in eo quadrupliciter reprehenditur opinio Zenonis, tollentis motum. Primo,

quod locutus ſit contra ſenſum, deprehendentem motum. Secundo quia negat omnes res naturales, quæ in ſe habent principium motus, & quietis, imò tollit omnes ſcientias, & opiniones, quæ vel ſupponunt motum, vt Metaphyſ. & Mathem. prima vt effectum, per quem deuenit in cognitionem primi motoris, & ſecunda vt id à quo abſtrahit ſecundum rationem, & conſiderat motum, vt ſcientiæ naturales, vel eo vniuntur, vt Rhetorica, & Dialectica, quæ dirigunt motum corporis in perſuadendo, & diſputando, & mentis in intelligendo, (nã de motu hic communiter agitur) Tertio, quia euerit totam ſcientiam naturalem, cum motum eſſe ſit eius principium, ſublatis autem principiis tollitur ſcientia. Et tunc quarto ſequitur, quod diſputare contra eum eſt munus vniuerſaliſſimi artificis, ſcilicet Metaph. quia contra negantes principia Phyſica, vel Mathematica non eſt diſputandum, niſi ab vniuerſaliſſimo artifice, probante principia omnium ſcientiarum, ſcilicet à Metaphyſico.

Tertio notandum circa eundem textum, quod hæc opinio negans motum ab his quæ ſunt, poteſt eſſe vera, & falſa. Vera enim erit primo in Deo, qui eſt, quod vere eſt, & eſt immobilis. Secundo in materia prima, quæ terminatiue eſt immobilis, id eſt ingenerabilis. Tertio in abſtractis à motu, & materia, vt abſtracta ſunt, vel ſecundum rationem, vt Mathematica, vel ſecundum eſſe, & rationem, vt Metaphyſica, quæ conſideratione, & locutione vititur Plato in Parmenide. Quarto in toto vniuerſo, ſecundum totum conſiderato, quod ſic eſt immobile, nam Ariſt. infra tex. 52. ait. Manente principio (nimirum Deo) neceſſe eſt manere vniuerſum, quod pendet ex eo. Falſa vero eſt primo loquendo de motu in communi, vt ſupra, & ſecundo loquendo proprie in naturalibus, vnde legimus quod dum Zeno Elates negabat motum, Diogenes ſurgebat, & ambulabat, ſic irridendo Zenonem.

Quarto conſidero circa eundem textum Ariſt. non eſſe ſibi contrarium, in eo, dū dicit contra negantes motum non eſſe diſputandum, & tamen hic diſputat contra Zenonem negantem motum. Nam verum eſt, quod contra tale nō eſt diſputandum ſerio, per rationes à priori, & Phyſicas, at bene oſtendendum eſt ex incidenti, quod hæc opinio eſt ſtulta, &



contradicit omnibus scientijs, & sensui. Etenim & si sensus possint quandoque decipi, (contra Empedoclem, Epicurum, & Lucretium tenentes sensus non posse decipi. Est contra Academicos dicentes eos non aliquando, sed semper decipi) tamen manifestum est sensum circa proprium obiectum, vel commune (vt est motus) debite approximatum, & circumstantiarum non posse decipi, vt experientia testatur, & nos ostendimus in secundo de Anima.

Quinto notandum venit circa 23. in quo Arist. inuehit contra Heraclitum, ponentem omnia moueri, quod tria de hac opinione enunciat Arist. Primum, quod est similis priori opinioni, quia sicut illa negabat motum ita hæc negat quietem. Natura autem ponitur principium vtriusque. Secundum, quod non loquitur Physice cum tollat vnum de principijs Physicis, scilicet quendam quiescere. Tertium, quod non tamen contradicit Physice tantum, quantum prima, quia motus magis facit ad res naturales, quam quies, quæ est priuatio motus.

Sexto notandum est, quod D. D. varie interpretantur dictum Phil. scilicet quod motus augmenti, & decrementi non sit continuus. Nam Theophilus, Simplicius, & Pselus collectivè sumunt motum augmenti, & decrementi, & dicunt hunc motum non esse continuum, quia & si quod augetur, continue moueatur, dum augetur, tamen dum decrescit, discontinuo motu mouetur, quia non amplius augmento, sed decremento mouetur. Sed hæc expositio non quadrat litteræ, in qua dicitur, quod si hoc verum est, sequeretur, quod si id quod augetur per decem annos, augetur per decem cubitos, quod per quinque augetur per quinque, & per vnum annum, per vnum cubitum, quia sicut se habet totum ad totum, ita pars ad partem. Hoc autem procedit de toto argumento, & parte argumenti, & non de augmento, & decremento. Secunda expositio est Toleti, & ei non contradicit Simplicius scilicet quod accipiendo totum tempus augmenti quamuis auctum aliquo toto tempore continue augetur, non tamen semper, quia si homo per 25. annos augetur, esse poterit, quod per annum continuo augetur, & deinde per diem, vel horam non augetur, & deinde augetur.

Sed nec hæc expositio consonat litteræ. Primo, quia dicit littera, quod sicut si decem homines trahant nauem per decem stadios, non est dicendum quod quinque illorum hominum eam trahant per quinque stadios, ita si mille guttæ aquæ effodiant lapidem perforatum, non est asserendum, quod quingentæ, afferent illum per medium digitum, quia primæ disponunt ad effusionem, & vltimæ effodiunt, ita dicendum venit, quod illud, quod augetur, non semper augetur, sed prius disponatur ad augmentum, & deinde augetur. Secundo, quia sic est considerare motum, & non motum augmenti. Ideo tertia expositio quæ est S. D. stat, scilicet, quod motus augmenti, ita & alterationis non dicitur continuus, quia alimentum prius disponitur ad hoc vt augeat, & post augeat, & ita alterabile prius disponitur ad alterationem, & postea alteratur, & sic procedendo de parte ad partem, quia alteratio simul fieri potest, vt in congelatione paræ aquæ patet, & quandoque per partes, vt comperimus in magna aqua congelanda.

Septimo notandum circa illam propositionem proportionalem. Sicut se habet totum ad totum, ita pars ad partem, quod est vera his seruatis. Primum, quod seruetur proportio, & non requiratur æqualitas. Secundo, quod non varietur proportio, vnde non valet decem homines per vnum miliare in vna hora ducunt nauem, ergo quinque per mediam horam eam ducunt per medium miliare. Nam naui decem hominibus comparatur vt totum toti, & non vt totum parti, & parti. Tertio, quod inspicitur semper opus, & non operantes, vnde bene dicimus 500. guttæ aquæ perficere medietatem fossionis lapidis, per digitum, dato etiam quod illæ disponant, & aliz 500. efficiant, quia opus fossionis inspicimus, & non modum, & totum opus consideramus, vnde non sunt guttæ scorsum sumendæ, sed coniunctim, quia quod vna non efficit, omnes simul, vel aliquæ earum efficere valent.

Octauo notandum circa eundem text. quod opinio ponens omnia in continuo motu, potest esse vera, & falsa. Nam non est omnino despicienda, quia non solum fuit opinio Heracliti, sed eam receperunt noui Academici. Pirronij Diædici, Megariti, Eutrici, Sceptici. Fuit sententia Homeri,

meri, Orphei poetæ. Hesiodi, Cratili, & Plotini, Ennead. 6. lib. 3. cap. 27. immo Arist. eam videtur tenere, cum lib. de longitudine, & breuitate vitæ dicat. Cuncta semper esse in motu, sunt, & intereunt, vera igitur erit in ordine ad periodum durationis rei, quia dato quod aliqua res corruptibilis vno motu quiescat, tamen si habet determinatum numerum annorum suæ durationis, dum crescit in annis, ad hunc finem properat, iuxta illud adagiū. Nascens morimur. Secundo est vera quo ad aliqua accidentia, præcipue in animatis, quoniam ijs continuo subijcitur, vel ab extrinseco, vel in intrinseco iuxta illud 4. Met. Res mutantur secundum quantum, idest secundum accidentia, seruantur secundum quale, idest secundum essentiam, quæ est inuariabilis, & ideo de rebus corruptibilibus, & variabilibus secundum accidentia datur scientia, quia earum essentia manet inuariabilis. Tertio erit vera in corporibus celestibus, quæ semper mouentur. Est vero falsa. Primo absolute, quia datur quies in rerum natura. Secundo in terra secundum totum, dato quod possit semper moueri aliquo motu, secundum partes. Tertio quo ad essentias rerum, vt supra, & quarto sumendo hunc motum in particulari, quia ab vno motu potest cessare præcipue locali, & augmenti.

Nono notandum venit circa text. 24. quod Arist. in eo vocat motum omnem aliquo modo ortum, & interitum, quia (ait) per motum fit aliquod, scilicet hoc vel in hoc, hoc autem intelligendum venit de ortu, & interitu late, prout deperditio vniuscuiusque dicitur interitus, & acquisitio ortus, quem etiã deprehendi possunt in motu cæli, prout secundum rationem, & partes vnum vbi acquirit, & aliud deperdit.

Decimo notandum venit circa text. 26. vbi facit hanc consequentiam. Datur opinio falsa, ergo datur motus, quod ideo valet, quia antiqui contra quos disputabar negabant non solum motum propriū, quod est corporum, sed omnem motum secundum sensum, etiã, & rationem, quæ e arguit, quod si datur imaginatio, quæ est motus, & opinio falsa, quæ est transitus de veritate ad falsitatem, qui motus sunt interni, multo magis motus externi corporum dari poterunt.

## QVÆSTIO VIII.

*Verum motus augmenti sit continuus?*

**V**idetur quod sic, vt arguit Marsilius. 1. de gener. quæst. 14. Primo. Nam causa sufficiens posita in actu, suum producit effectum; Sed potest esse quod animal, per mensem sanum exillar, calorem naturalem vigentem, & cibum digerentem eodem modo habeat; Ergo si in aliqua parte mensis augetur animal, in toto continue augmenti poterit.

Secundo arguit landunus hic quæst. 7. Motus proprie sumptus distinguitur à motu communiter sumpto, scilicet ab instantanea mutatione, quia motus proprius est continuus, & mutatio instantanea. Sed augmentum connumeratur à Phil. 5. Phys. inter species motus proprie sumpti, distincti contra mutationem. Ergo erit continuus.

Tertio. Idem est dicere motus, & vnus motus, sicut idem est dicere homo, & vnus homo, vt dicitur primo Elencorum. Sed augmentum est motus, ex 5. Phys. tex. 8. Ergo est vnus motus. Idem autem est dicere vnus motus, & continuus.

Quarto. Continuum continue acquiritur. Sed augmentum acquiritur continue, vt patet in iuvene crescente vsque ad determinatum quandam numerum annorum. Ergo erit motus continuus.

Quinto. Phil. 6. Physic. tex. 6. ostendit in motu augmenti, & locali non dari partem, quod etiã est de mente S. D. ibidem. At hæc est conditio motus continui. Ergo augmentum erit motus continuus.

Pro resolutione huius quæstionis. Primo erunt aliqua ànotanda. Secundo loco conclusio nostra erit probanda. Tertio erunt diluenda argumenta.

Primo ergo explicandi veniunt termini positi in quæstione, qui sunt tres. Primus est motus. Secundus augmenti, & tertius continuus. Motus ergo augmenti in proposito dupliciter sumi potest. Primo vt dicit simplex augmentum, vt fit etiã quando lapis addiditur lapidi, & fit magnus acerrus lapidum, vel linea additur lineæ & fit longior. Secundo vt dicit augmentum rei viuientis, factum per motum

motum nutritivus ab intrinseco, & hoc secundo modo sumitur hic. Quo ad secundum terminum, scilicet augmentum, dicimus, bifaria sumi posse. Primo communiter, secundo proprie. Communiter capitur pro omni concurrente ad extensionem maioris quantitatis viventis, ut sunt motus localis, cibi ad loca digestionis, alteratio eiusdem cibi, corruptio cibi, per quam propriam formam amittit, & formam nutriti acquirat, & pro reparatione perditum. Secundo vero modo sumitur pro maiori extensione quantitatis, orta ex alimento conuerso in substantiam aliam, & sic capitur hic. Primo enim modo est aggregatio multorum motuum. Quo ad tertium terminum, scilicet sit continuus sciendum est, quod continuum dicitur duobus modis. Primo simpliciter, & hoc requirit unitatem temporis, spacii, formae, & mobilis. Secundo secundum quid, & tale continuum dicitur, quando unam continuitatem habebit, scilicet vel mobilis, vel temporis, vel formae, vel spacii, & termini. De continuo non loquitur hoc secundo modo, sed primo, quod proprie dicitur continuum.

Secundo notandum venit, quod de continuitate motus viventis trifariam loqui possumus. Primo ut continuum idem sonat quod perpetuum, & numquam deficiens, & sic patet motum augmenti non esse perpetuum sed solum circularem, per Arist. infra tex. 54. Secundo ut idem dicit quod non interruptus, per mediam quietem, à primo instanti quo vivens, verbi gratia, Sortes incipit augeri, usque ad ultimum sui augmenti, vel accipiendo tempus determinatum anni, mensis, diei, vel horae, quod illo tempore semper creuerit, & nunquam fuerit sub quiete augmenti, & in hoc secundo modo stat intentio nostra. Et hoc quidem per se, nam ratione motus localis, qui est continuus potest auctum continue moveri, ut testatur Arist. 1. de generatione tex. 25. hoc enim convenit augmento non per se, sed per concomitantiam motus localis.

Tertio ergo videndum est, quam continuitatem possit habere motus augmenti, & quam non. Diximus ergo ad continuitatem simpliciter esse necessariam, unitatem mobilis, temporis, & formae, & termini. Loquendo ergo de continuitate

mobilis in augmento, eam non negamus, quia id quod augetur secundum substantiam idem semper manet, verbi gratia, Sortes puer, & vir factus. At loquendo de continuitate temporis, siue sumatur totum tempus augmenti, siue secundum aliquam determinatam partem, dicimus hunc motum non esse continuum, quia in toto tempore augmenti, non semper vivens augetur, nec secundum aliquod determinatum tempus, quia mediatur quies, ita ut illud tempus non possit correspondere partibus temporis, ut dicit Philosophus in text. Continuitatem autem formae non retinere augmentum dicimus, quoniam quolibet eius pars instanti mensuretur, & ideo non possumus absolute dicere motum augmenti esse continuum, quod & dicimus de motu decrementi.

Quarto tamen notandum, quod cum motus ad perfectionem, qui est motus augmenti, & decrementi saepe continuum dicatur, ideo dicitur hunc motum his modis posse dici continuum. Primo non repugnante, quia scilicet ut motus est, potest esse continuum, & si non ut talis motus. Secundo ratione mobilis, secundum substantiam considerati, quia semper remanet idem substantialiter. Tertio ut continuum distinguitur contra indivisibile secundum totum, non vero ut distinguitur contra indivisibile secundum partem. Nam haec est differentia inter generationem, & corruptionem, & motum augmenti, quod generatio terminatur ad esse indivisibile substantialiter, ita ut habeat duplicem simultaneitatem, quia scilicet fit in instanti, ut actio est, & habet terminum indivisibilem, scilicet formam substantialem, & esse substantiale. At motus augmenti dato quod fiat in instanti per additionem unius partis ad aliam, tamen habet terminum divisibilem, & fere divisibiliter acquisitum, quia non est acquisitus totus simul, scilicet quantitas aucta, & extensa, & ideo dicitur motus continuus, non sic generatio, & corruptio. Ideo motus augmenti calefcit ex pluribus instantaneis mutationibus quarum una ordinatur ad alteram, non sic generatio. Hinc quarto modo possumus dicere motum augmenti esse continuum virtualiter, & si non formaliter. Nam in augmento hoc reperimus, quod cum dicat extensionem in tempore

pore acquisibilem, quamvis per diuersa eius instantia, habet quod vna pars augmenti ordinetur ad aliam, & sic dispositio sequentis, quia si augmentabile debeat augeri per digitum, dum augetur per quartam partem digiti, hæc quarta pars non dicit vltimū terminum, vt dicit forma substantialis in generatione, sed dicit ordinem ad secundam partem digitalem, vnde se habet vt eius dispositio, & sita virtualiter retinet naturam, & conditionem continuatatis.

Quo ad secundum ergo ponitur hæc conclusio, motus augmenti non est simpliciter continuus, contra Marsiliū, Iandunum, ac alios plures modernos. Probat primo expresso testimonio Arist. hic dicentis, & probantis motum augmenti non esse continuum. Respondent aduersarij, Arist. negare motum esse continuū, prout affirmabat Heraclitus, scilicet quod omnia semper erant in motu, non vero negat, quod aliquis motus partialis possit esse continuus. Sed contra hanc responsionem aperte stant rationes Arist. prima de guttis lapidem cauantibus, quæ scorsum non dicuntur cauare lapidē, sed omnes simul, hoc tamen modo, quod excauatio tota non correspondet huic, vel illi gutti, sed omnibus, & medietas excauationis, medietati guttarum, patet autem quod medietas dicit aliquam continuatationem guttarum. Ad hoc idem facit exemplum de arbore erumpente ex lapide, & de trahentibus nauem, prout notauimus in expositione textus.

Secundo. In nullo motu continuo datur prima pars motus. Sed in augmentatione datur prima pars augmenti. Ergo. Maior est Arist. 6. Phys. tex. 49. Minor est Comm. 6. huius comm. 23. & S. D. hic, & clara est, quia prima pars quantitatis acquisita per augmentum, acquiritur in instanti. Nec valet dicere, quod & si in augmento detur prima pars vt dicit formam fluentem, idest quantitatem acquisitam, non tamen in eo datur, vt dicit fluxum. Nam primo fluxus cum sit fluxus formæ fluentis ei correspondet. Secundo, quia cum quantitas acquisita sit permanens, habet primum esse per motum, idest fluxum, vt dicit Phil. infra.

Tertio. Quod non habet condiciones continuatatis motus simpliciter, non po-

test dici motus continuus simpliciter. Talis est motus augmenti, vt supra ostensum est ergo non erit motus continuus.

Ad primum dicimus ad maiorem, quod est vera eo modo quo effectus est producibilis, modo quantitas non est producibilis continue, & ideo causa vltra suam conditionem non agunt.

Ad secundum dictum est in quarto notabili. Tertium concludit, quod motus augmenti est vnus, & cōtinuus, non simpliciter, sed secundum quid. Quattum concludit quod motus augmenti daret in tanto tempore, non vero quod continue.

Ad quintum dicitur, quod ibi Philosoph. loquebatur de motu augmenti, vt tantum dicit motum, non vt dicit talem motum.

## QVÆSTIO IX.

*Vtrum alteratio sit motus continuus.*

**V**idetur quod sic. Primo. Nam quod distinguitur ab instantanea mutatione, quia instantanee non fit, successiue fieri dicendum est. Sed alteratio distinguitur ab instantanea mutatione, quia nō fit in instanti. Ergo successiue. Maior est nota. Minor est Philosoph. 5. Phys. tex. 6.

Secundo. Quod partim est in termino à quo, & partim in termino ad quem successiue mouetur. Nam si in aliquo instanti quiesceret, non esset partim in termino à quo, & partim in termino ad quem sed esset in termino ad quem. Sed quod alteratur, partim est in termino à quo, & partim in termino ad quem, vt exemplificat Philosoph. 6. Phys. tex. 32. in albo, & fusco. Ergo erit &c.

Tertio. Arguitur ratione Gregorij Ariminensis. 1. sent. dist. 9. quæst. 1. Sit medium in summo dispositum ad suscipiendum lumen, accedat successiue, & ei magis appropinquet lumen, tunc videmus quod successiue fit lucidus, plusquam antea fuerit. At hic motus est alterationis. Ergo talis motus erit continuus.

Quarto. Denus calefactiuum debite approximatum calefactibili, bene disposito ad recipiendā calefactionem in summo, vel vsque ad decem gradus, non videretur maior ratio, quod in primo instanti approximationis in eo producat primum gradum

gradum caloris, & in secundo non, & sic successiue cū ponatur calefactibile ad hos gradus dispositum.

Quinto. Alia est ratio formæ intensibilis secundum essentiam suam consideratæ, & alia secundum quod recipitur in subiecto, quia secundum se dicitur indiuisibilis, sed in subiecto diuisibiliter recepta. Sed quod diuisibiliter recipitur, continue recipitur, vt patet. Ergo.

Sexto. Quando multa ita se habent, quod primum, est immediata dispositio secundi, & secundum tertij, & sic successiue, tunc motus qui est de primo ad secundum, & de secundo ad tertium, necesse est quod sit successiue. Sed sic se habet diuersi gradus formæ intensibilis, in quantum immediatus & instantaneus est transiuius de vno ad aliū. Ergo hic motus erit successiuius. Minor clara est, & maior etiam patet, quia tunc ibi nulla cadit media quies, cum subiectum in vltima dispositione exiitens, eam suscipiat in instanti.

Septimo. Sic nullus esset motus continuus nisi localis, quod est contra Aristot. 1. Physic. poneutem tres species motus continui, inter quas est alteratio.

Octauo. Arguitur auctoritatibus S. D. primo. Quia S. D. 6. Physic. tex. 49. habet, quod subiectum potest infinitis modis variari secundum magis album, & minus album, quod est facere motum alterationis continuum. Item secundo in quinto Physic. lect. 3. dicit, motum alterationis esse continuum, quia distinguitur a mutatione substantiali, quæ est in instanti.

Nono. Alteratio prius est motus, antequam sit talis motus. At vt motus est continua, ergo & vt talis.

Pro resolutione huius questionis. Primo notandum venit, quod alteratio bifariam considerari potest. Primo ratione formæ, ex alteratione acquisitæ, verbi gratia ex motu caliditatis, caliditas ipsa. Secundo ratione subiecti eam suscipientis, secundum esse magis perfectum, & minus perfectum. Primo modo eam hic non consideramus, quia quælibet essentia, secundum se considerata stat in indiuisibilis. Secundo ergo modo queritur, scilicet an suscipiatur a subiecto successiue.

Secundo. Notandum, quod sic dicatur continua stat tripliciter. Primo ad sensum

Heracleti, vt didatur continua, idest perpetua. Secundo ex parte subiecti sic, quod nulla pars eius in instanti alteretur, sed successiue per alterationem partis post partem, & forma partis partis, antequam tota pars alterata reperiatur. Tertio ex parte formæ, taliter quod non sit assignabile tempus in quo alterabile, verbi gratia calefactibile eodem modo se habeat respectu spacijs successiue semper, & sine aliqua quiete acquisiti, ita & alterabile semper sit in diuersa alteratione secundum magis, & minus, & in his duobus sensibus posterioribus, iurgium est inter Thomistas, & quosdam alios, dum Thomistæ cum Arist. Comment. & S. D. hic, & 1. sentent. dist. 8. quæst. 3. art. 3. ad tertium, & secundo contra gentes capit. 89. affirmant, alterationem esse motum continuum, alij vero oppositum tenent.

Tertio igitur ad memoriam reuocandum est, id quod etiam notatum fuit in 1. Physic. scilicet, quod in qualitatibus, ac alterationibus datur maximum, & minimum, idest ita minima alteratio, vt ea minorem non possit sustinere subiectum, nisi transeat ad qualitatem contrariā, verbi gratia ita subiectum fiet remisse calidum, quod post illum gradū caloris remissum, necesse est quod fiat frigidum, & ita dico de magna, quod maior esse non valeat cū integritate subiecti. Non enim forma intensibilis est infinita, & ideo nec habet partes, nec gradus infinitos, sed determinatos, & inter hos qui sunt maximus, & minimus gradus intensiōis formæ reperiuntur plures gradus vnius formæ, & vnius esse numero, sed diuersimode participatæ, & participati. Hi autem gradus medij quandoque dicuntur infiniti in potentia, & Mathematicæ, nō vero Physicæ.

Quarto igitur notandum, quod vt diximus supra de augmento, ita modo dicimus de alteratione, scilicet quod simpliciter non potest dici motus continuus, quia non habet omnes condiciones continuitatis, secundum quod tamen vocari potest motus continuus. Primo in quantum alterabile sine quiete est sub alteratione, quamuis quandoque sub dispositione ad vltiorē gradum, necesse est enim quod debitis causis datis, sufficientibus, & applicatis fiat continuo alteratio hoc modo, quod dum forma vnum gradum in-



ensionis formæ acquiri, quamvis possit esse sub quiete vterioris gradus quo ad formam, non vero quo ad dispositionem, quæ censetur eiusdem naturæ cum gradu formæ introducto, & ideo virtualiter etiam alteratio potest sic dici motus continuus, sed & applica alia superius adducta ad argumenta.

Secundo loco principali ponitur hæc conclusio: Alteratio non est motus continuus simpliciter. Probatur primo expressa auctoritate Philos. hic. Nec valet dicere quod loquebatur contra Heraclitum ponentem omnia semper moveri, idest perpetuo, Quoniam & si contra Heraclitum disputet, tamen impugnationes eius contra eum hoc suadent, & deducunt, quod alteratio non est motus continuus, nec perpetuus, quia congelatio potest fieri in instanti, & etiam per partes.

Secundo. Intensio causata ab alteratione est per additionem gradus ad gradum, sic, quod quilibet gradus in instanti acquiritur. At instans non potest esse immediatum instanti, sed inter duo instantia mediant tempus, & quies. Ergo alteratio quæ est intensio formæ per additionem gradus ad gradum non erit motus continuus.

Tertio. Mutatio quæ sit in subiecto in vltima dispositione existente, sit in instanti, vt patet ex his quæ dicta sunt in septimo. Sed transitus formæ de gradu ad gradum per alterationem est de vltima dispositione dispositio, quia secundus gradus est immediata dispositio tertij. Ergo talis motus non erit continuus.

Ad primum dicimus, quod duplex est instantanea mutatio. Prima dicitur tota simul, quia tota forma & totum eius esse vno instanti acquiritur. Secunda dicitur non tota simul, sed partis totius, idest aliquis gradus totius. Prima est mutatio substantialis. Secunda est accidentalis alterationis, & vtraque non est successiva.

Ad secundum notandum, quod esse in termino à quo, & ad quem partim stat dupliciter. Primo in ordine ad totam intentionem, verbi gratia decem graduum, & sic verum est quod alterabile transit de termino à quo, verbi gratia à secundo gradu ad decimum gradum successiue. Secundo in ordine ad singulos gradus in particulari, & sic alterabile in singulis

gradibus dicitur esse in termino ad quem tantum, & sic dicitur motus in instanti. Secundo dicitur, quod aliud est dicere aliquam alterationem esse continuam in ordine ad suum contrarium, & aliud in ordine ad seipsam. Primum enim dicit tantum subiectum transire ad intensiorem alterationem, verbi gratia ad caliditatem, sine regressu ad frigiditatem. Secundum vero dicit alterationem non admittere diuersa instantia secundum diuersos suos gradus, vnde primo modo alteratio sine regressu potest dici continua, non autem secundo modo, vt loquimur.

Ad tertium dicitur, quod in illa approximatione intelligitur præcedere dispositio ad illuminationem, & postea lumen, quia nulla forma introducit in materiam, nisi prius sit disposita.

Ad quartum dicimus, nos concedere actionem continuum agentis sufficientis &c. sed negamus quod agendo continuo traducat formam cum successione, & non per instantia, ad vteriores gradus.

Ad quintum dicimus, quod forma dicitur diuisibiliter recepta, quia non tota simul recipitur, non vero quod successiue, & non per instantia introducat, modo explicato.

Ad sextum dicimus, quod est successiue, vt successiue apponitur regressui, non vt dicit continuationem proprie.

Ad septimum dicimus, quod solus motus localis simpliciter dicitur continuus, alij vero secundum quid, vt supra, & per hoc ad octauum patet, loquutus est enim S. D. de continuo motu secundum quid.

Ad nonum dicimus, quod species retinet naturam generis, prout tamen ei conuenit, sicut rationale continet animal, prout ei congruit, & ita de ratione motus alterationis, est aliquo modo dicere continuationem, non vero simpliciter. Vel secundo dicitur, quod de ratione motus est dicere continuitatem, vt

continuum distinguitur contra id quod dicit totum esse simul, non vero vt dicit alterationem quousam in dispositionem, & terminum.



## CAPVT IV.

## LECTIO S. D. 7. &amp; 8.

*Mouentium igitur & contra qua mouentur tex. 27.*

**Q**uoniam intentio Philof. in hoc 8. principalis est probare, quod detur vnum primum mouens immobile, & vnum primum mobile, ideo propinquius accedendo ad hoc probandum in hoc capitulo tres diuisiones ponit, & vnam propositionem generalem, quam probat in omni motu. Prima ergo diuifio est. Mouentium, & mobilium quædam per se mouent, aut mouentur, & quædam per accedens, idest quia coniunguntur alicui, verbi gratia album coniungitur infirmo, nam infirmus vt infirmus per se sanatur, quod vero sanetur vt albus, per accedens est. Per accedens autem stat dupliciter. Primo vt significat motum per partes, vt Plato dicitur sanari, quia in oculo infirmo sanatur. Secundo vt annuit aliquid alteri coniunctum, vt diximus de albo sano. Secunda diuifio est, quæ per se mouentur, quædam à seipsis mouentur, idest à principio intrinseco, vt animal ab anima, & quædam mouentur ab extrinseco, vt inanimata. Tertia diuifio est, eorum quæ per se mouentur tam à se, quam ab alio, quædam mouentur secundum naturam, idest prout habent in se principium motus, & quædam per violentiam, idest contra eorum naturalem inclinationem. At quod mouetur secundum naturam bifariam considerari potest. Primo secundum totum, verbi gratia animal secundum totum, & sic semper dicitur moueri secundum naturam, quia habet in se sui motus principium. Secundo secundum partem, & modos motus, & ita motus corporis contra naturam prædominantis erit violentus, vt corpori graui moueri sursum, & secundum naturam prædominantis erit naturalis, vt graui moueri deorsum, & ita omnia quæ mouentur contra inclinationem propriam violentè mouentur, & secundum suam inclinationem, & propensionem naturaliter, & hæc omnia explicat in tex. 27.

In tex. 28. dicit, non esse difficul-

tatem quod omne quod mouetur ab alio moueatur, in his quæ ab extrinseco, & per violentiam mouentur, sed difficultas est de his quæ per se mouentur, data diuisione in toto moto in duas partes, & ratione vnius dicatur mouere, & ratione alterius moueri, vt patet in naturis, quæ mouentur, & habent in se principium mouens, & ita in animali dicendum venit, difficultas ergo est in grauib, & leuib.

In tex. ergo 29. & 30. quattuor rationibus ostendit grauiā, & leuiā ab alio moueri. Prima est. Quæ se mouent, habent in se principium vitæ, scilicet animam. Sed grauiā, & leuiā vt ignis, & terra non habent in se animam, cum sint inanimata. Ergo non se mouent. Secunda. Quæ se mouent, possunt quiescere ex se, vt patet in animali, quod habet potestatem ambulandi, & quiescendi. Sed grauiā, & leuiā non habent potestatem dum sunt in motu ex se quiescendi, nam si per impedimentum detinerentur à motu, eo remoto, subito mouerentur. Tertia. Irrationabile est ab animalibus negare diversos motus, quia habent in se principium motus. Ergo quæ habent in se principium motus diuersis motibus moueri possunt. Sed grauiā, & leuiā non possunt moueri diuersis motibus, nam ignis tendit tantum sursum, & non descendit naturaliter deorsum. Ergo non mouentur ex se. Quarta. Nullum continuum potest se mouere. At grauiā & leuiā sunt continua. Ergo non possunt se mouere. Maior ostenditur, quia actio, & passio est inter ea, quæ se tangunt. Hæc autem discontinua sunt. Minor est nota, & sensu apparet.

In tex. 31. ostendit quod si inanimata à se non mouentur, ab extrinseco ergo mouentur. Vt igitur hoc explicet, prius distinguit principia, & causas, dicit ergo duplex esse mouens, & duplex esse mobile, idest secundum naturam, & præter naturam. Mouens secundum naturam est quod mouet ab intrinseco per principium in se actiuum. Præter naturam quod in se non habet hoc principium actiuum intrinsecum, vt patet in vestis, & proietis contra eorum naturalem inclinationem sursum. Ita mobile secundum naturam est, quod habet in se principium passiuum, vt possit moueri, vt materia ad

Tertio. S. D. & Comm. hic dicunt animam esse principium mouens in animalibus, vt vidimus. Ergo non compositum. Quarto. Si dicatur quod mouens quod in animatis est generans extrinsecum, & vt quo, sit anima principium intrinsecum. Oblabit, primo quod animata distinguuntur ab inanimatis leuibus, & grauibz, quod graui, & leuia mouentur à principio extrinsecum, scilicet à generante vt quod, & à propria forma intrinseca vt quo, animata vero ab intrinsecum omnino mouentur. Ergo in eis non est petendum aliud principium, quam anima.

Quinto. Secundum doctrinam S. D. vna tantum est anima in composito, quæ est principium motus, mouens, & non mota. Ergo principium mouens in animali non erit nisi anima, & sic non compositum ex anima, & materia. Probatur, quia sic esset & ipsa mota.

Sexto. Neque verum videtur esse, quod affirmat. S. D. 3. de anima quod in motu progressiuo animalis pars mouens non est anima solum, sed illa pars animati corporis in qua est virtus sensitiva apprehensiva, puta cerebrum. Nam motor debet esse realiter distinctus à moto. Sed ista pars virtus sensitiva apprehensiva non est realiter distincta à toto animali, cum in eo claudatur. Ergo falsum est assumptum.

Pro intelligentia huius questionis primo notandum venit, quod circa præsentem difficultatem sunt duæ opiniones. Prima attribuitur. Auerro hic, comment. 27. & 2. de Anima, comment. 37. Item Themistio, Simplicio, & Alexandro, scilicet quod id quod mouet in animali est anima, & id quod mouetur est corpus, animal autem dicitur compositum ex anima, & corpore. Secunda sententia est S. D. tertio de Anima lect. 5. Ferr. hic quaest. 10. Iaulli, quaest. 8. Toleti quaest. 4. & aliorum pluriu, scilicet quod motor animalis est aliquod compositum ex materia, & forma.

Secundo ergo notandum venit, quod vna tantum forma datur in composito, quæ dicitur vna secundum essentiam, sed multiplex secundum virtutem, ac causalitatem, quia ex continentia virtuali inferiorum formarum agit, ac si esset adæquate, & præcise vnaqueque illarum formarum, vnde in animato anima vegetatiua, anima ipsa vegetatiua est quæ dat,

nutrire, augeri, & generare. Et ita anima sensitiva dat omnes actiones animæ vegetatiuæ, & vltcrius proprias, quæ sunt propriæ animæ sensitivæ, vt audire, videre, & ita dic de anima intellectiua respectu sensitivæ, & vegetatiuæ. Ideo esse principium primum motus in animali, animæ conuenit.

Sed tertio notandum est, quod aliud est esse principium motus in animali, & aliud esse in eo motorem. Esse principium actiuum motus, est esse id, quo motor aliquid mouet, sicut anima est quo homo intelligit. Esse vero motorem, est mouere, & agere, vt quod, quare moueri, & mouere conuenit composito, esse vero principium actiuum motus conuenit formæ, & passiuum materiæ. Hinc oritur, quod animata pro principio actiuo motus habeant animam, & pro passiuo materiam, sed pro motore habeant quoddam compositum ex materia & forma, & ita pro mobili in actu exercito. Hoc autem mouens compositum, si mouet secundum apprehensionem sensitivam erit cerebrum, & si secundum appetitum sensitivum erit cor, & hoc voluit annuere Aristot. in generali, dum dixit animata non esse continua, quia scilicet constant ex partibus ætherogeneis.

Quarto est vltcrius notandum, quod duplex est motus naturalis animalis. Primus dicitur progressiuus, & hic sequitur apprehensionem, & appetitum animalis mouentis se de loco ad locum propter apprehensionem alicuius conuenientie in vno loco, & non in alio. Secundus dicitur simpliciter naturalis, quia naturaliter inest sine aliqua apprehensione, vel desiderio, vt motus nutritionis, cordis, & similis. Loquendo igitur de primo motu patet, quod illud est mouens, cuius operatio est apprehendere, & appetere, secundum Philosophum autem operationes sensitivæ animæ, non sunt solum animæ, sed compositi, vt legitur primo de Anima tex. 64. Et ideo pars mouens erit composita. Loquendo vero de motu secundo modo, constat etiam quod erit cor, quod est pars composita, quod tamen cor mouetur ab anima, sicut instrumentum à causa principali. Dum ergo dixit Aristot. text. 28. habere animata in se quod mouet, & quod mouetur, non debet

debet intelligi de anima nisi vt quo, & de composito vt quod, vnde motor duplex erit, scilicet quod, & quo, & ita mobile, nam quo erit materia, & quod corpus.

Quinto notandum tamen, non esse inconueniens, quod illud quod per se mouet per aliud moueatur, sicut quod naua qui nauem mouet, dum eam mouet, à nauis moueatur, & ita anima quæ corpus vt quo per se mouet, per corpus ab ea motum moueatur quia in eo est. Composito autem duo attribuantur. Primum per se, & hoc est quod per se mouetur, quia omne mobile per se est corpus, per Aristot. 6. Physicor. Secundum est quod dicatur mouere, & moueri, & hoc etiam conuenit ratione partium, nam respectu animæ mouet, & respectu corporis mouetur, vt quo, & rationis motoris per se mouet, & ratione mobilis, per se mouetur.

Secundo loco ponitur hæc conclusio. Motor vt quo intrinsecus in animali, est quoddam compositum ex materia, & forma. Probatur primo. Actus habet rationem mouentis vt quo, & de anima testatus est Aristot. secundo de anima. At præter mouens quo datur mouens, vt quod. Hoc autem non potest esse nisi cor compositum ex sua materia, & forma. Ergo &c. Probo minorem. Nam mouens quod subsistit, est ens in actu, distinguitur à moto, & est primum in motu, & immediatum. Hæc autem condi conueniunt, quod subsistit in corpore, & non inhæret vt accidens, est ens in actu distinctæ complexiois, distincti sitis, & motus & figuræ, & est primum, & vltimum in motu.

Secundo. Mouens debet esse discontinuum à moto, per Arist. hic text. 30. At anima non potest dici discontinua à corpore. Si enim dicatur cum Alexandro, & Simplicio quod est discontinua, quia non est quanta, vt est corpus, obstat, quod hoc conuenit omni formæ, etiam leuui & grauium, & tamen Aristot. dicit, hæc esse continua.

Tertio. Motor dicit totum quoddam. At anima dicitur pars. Ergo non poterit dici motor corporis, sed principium motus.

Ad primum ergo dicitur ad maiorem, quod valet de eo cui aliquid primo, & per se conuenit vt tale est perfectum in

actu; idest valet de eo cui aliquid conuenit vt quod, & non vt quo, sicut conuenit mouere animæ. Nam corpori non conuenit esse album, nisi per albedinem, & tamen albedo non est illa, quæ dicitur primo alba. Secundum dicitur ad eandem maiorem, quod valet eo modo quo ei aliquid conuenit, & ita quia conuenit animæ primo, & per se, sed vt quo esse principium motus, ideo dicitur principium primum motus vt quo, sed non vt quod, sed hoc erit compositum ex materia, & forma.

Ad secundum negatur sequela, nempe verum est quod illud quod conuenit composito per se primo, conueniat etiam partibus. Nam partes sunt in duplici differentia. Quædam enim dicuntur quantitatiue, idest constituentes corpus vt quantum, & sic in istis verum est, quod illud quod conuenit toti, conuenit etiam partibus, vt si Sol est lucidus, qualibet pars eius integralis erit lucida, & si totum calidum mouetur, qualibet pars eius mouetur. Quædam vero dicuntur partes essentielles, ex quibus constat totum, vt quoddam essentialiter, & hæc sunt materia, & forma, & in his falsum est, quod id quod conuenit toti, conuenit etiam partibus, nam composito conuenit moueri vt quod, & non materię, nec formæ. Secundo dicitur, quod illud quod conuenit toti, conuenit etiam partibus, sed modo suo, vnde toti conuenit moueri vt quod, quia est ens in actu completo, formæ vero vt quo actiue, & materię vt quo passiue, quia talis est natura ipsorum.

Ad tertium dicimus Commeh. & S.D. affirmare animam esse principium motus, non vero esse motorem vt quod. Nota autem quod anima in motu non potest dici instrumentum motus, & non principale principium (vt hic dicit Ferr.) hoc enim videtur pugnare cum Aristot. secundo de anima, ubi dicit eam esse quod sumus, viuimus, & mouemur primo, vnde si cor mouet, in virtute animæ mouet, & non e contra, & ideo dicimus animam esse primum principium motus quo, & eor esse motorem instrumentalem animæ mouentem, vt quod.

Ad quartum dicendum, quod innanimata, & si habeant principium quod mouentur intrinsecum, idest propriam formam cum sua qualitate coniunctam,

tamen

nam habent principium motuum solum extrinsecum, mouens ut quod, idest generans, animata vero illud habent intrinsecum, idest cor, vel cerebrum.

Ad quintum dictum est, quod anima est principium omnis motus in animali, sed ut quo, & quod non est inconueniens quod moueat, & moueatur secundum diuersas rationes, scilicet quod moueat per se, & moueatur per aliud.

Ad sextum dicendum, sufficere, quod pars mouens distinguatur à mota, non in esse rei, sed in esse mouentis, & moti.

### QVÆSTIO XI.

*Utrum graua, & leuia à seipsis moueantur, & non à generante.*

**V**idetur quod sic. Quod habet in se principium actuum sui motus, à seipso mouetur, ut patet in uiuentibus, sed graua, & leuia habent in se principium actuum sui motus, scilicet grauitatem, & leuitatem, ut concedunt S. D. & Comment. Ergo à seipsis mouentur.

Secundo. Generans non mouet nisi mediante generato, ut testat Auerroes terro calis, comment. 28. nam generans graua, & leuia non ea mouet nisi mediante ipsorum grauitate, & leuitate: sed quod mouet per aliud, non per se mouet. Ergo generans hæc non per se mouet. Ergo mouentur per se à proprijs formis, quia hæc sunt immediatæ.

Tertio Arist. hic tex. 3. comparat corpus habens grauitatem, domini habenti scientiam, & non consideranti. Sed habens scientiam non indiget aliquo extrinseco ad considerandum. Ergo nec graue ad se mouendum. Generans autem extrinsecum est.

Quarto. Effectus in actu, requirit causam in actu. Si ergo graue mouetur deorsum, vel mouetur à remouente prohibens, aut à centro attrahente, aut à generante, aut à se ipso. Non primum quia remouens prohibens mouet tantum per accidens. Non secundum, quia dato vacuo in certo adhuc graue ad illud moueretur. Non tertium, quia contingit generans esse corruptum. Ergo à seipso moueretur.

Quinto. Comment. ex mente Aristot. quarto calis tex. comment. 22. ait, quod la-

pis mouet se in quantum est grauis in actu. Ergo per grauitatem, & non à generante.

Sexto. Motus ab extrinseco in fine remittitur, idest quia tunc mouens magis ab eo distat. Sed motus grauium, & leuium in fine intenditur, cum suo loco appropinquant. Ergo eorum motus non erit à generante.

Septimo. Arist. quinto Phys. tex. 29. dicit, quod contrarietas grauium, & leuium est actiua in motu, contrarietas vero duri, & mollis passiuæ. Ergo graua, & leuia se mouent actiue.

Octauo. Illud dicitur, habere potentiam actiuam ad motum, qui potest ipsum causare ubique, & semper, remotis tantum impedimentibus, At grauitas in graui semper, & ubique potest causare motum remotis impedimentis, ut patet. Ergo graue, & ita leue mouetur à proprijs formis, & qualitatibus.

Nono. Mouens immediatum, & proximum (de hoc enim controuertitur, an sit gerans) est simul cum moto. At potest contingere quod graue, uerbi gratia lapis generetur inferius, & postea in successu temporis proiciatur superius, & ibi stet per aliquod tempus, & tandem remoto impedimento descendet inferius, patet enim tunc mouens non esse simul cum moto, sed multum ab eo distare. Ergo non mouetur à generante.

Decimo. Sicut se habet aqua calefacta dum se reducit ad frigiditatem, ita se habet graue, vel leue dum suæ naturæ relinquitur. Sed aqua seipsa reducit se ad frigiditatem, Ergo & graue, vel leue ad suum locum.

Vndecimo. Natura in naturalibus est principium motus illorum per se, & proprium. At graua & leuia habent suam naturam formam essentialem, & qualitates quibus mediantibus forma agit, ut forma grauis mediante grauitate. Ergo à se ipsis mouentur, & non ab extrinseco, scilicet à generante, maior est Aristot. 2. Physicor. Minor est nota, & concessa ab omnibus.

Duodecimo. Aliud est disputare à quo generantur graua, & leuia, & aliud à quo moueantur, nam generans est primum principium, & mouens proximum. Hic autem querimus an à generante non primo,

primo, nec in generatione, sed immediate, & quo ad motum, mouetur.

Decimotertio. Quilibet actus habet suum immediatum principium sed actus primi, id est esse est principium generans. Ergo non actus secundi i. motus.

Decimoquarto. Dans formam, dat omnia consequentia formam, per formam, sicut dans rationalitatem, dat risibilitatem, per rationalitatem immediate. Ergo generans dans formam graui, vel leui, dat etiam eis vt sint principia immediata motus, & sic generans erit primum eorum principium, & non proximum.

Decimoquinto. Id est immediatū principium motus grauium, & leuium, quod est immediatum principium quietis illorum. Sed forma est immediatum principium quietis terræ in centro, & ignis in sua sphaera. Ergo &c.

Decimosexto. Non minus naturale est igni calefacere, quam sursum moueri. Nec minus naturalis est motus lapidis deorsum, quam sit motus dilationis, & constrictionis cordis, & respirationis. Sed hi motus non dicuntur esse à generante immediate; ergo nec motus grauium, & leuium.

Decimoseptimo. Contrarium non potest dici generans, nec mouens sui contrarij. Sed contingit ex graui generari leue, vt ex lapide, ignis, & ignem tunc sursum tendere. Ergo non potest hic motus dici à generante.

Decimo octauo. Sic generans posset etiam dici principium corruptionis, verbi gratia. Sortes pater genuit Platonem filium, At accidere potest quod Plato cadat ex alto. Ergo tunc dicitur pater eius præcipitare illum ex alto, quod non videtur verum, nec dicendum.

Decimo nono. Omne mouens mouendo mouetur secundum Aristot. 7. huius text. 3. Sed dum grauiā, & leuiā mouentur, non est necessarium quod generans moueatur, cum possit etiam esse corruptum. Ergo.

Vigesimo. Sic generans esset causa omnis motus grauium, & leuium, hoc falsum, quia motus illorum potest esse ad impediendum vacuum; Maior videtur nota, Minor probatur, quia hæc pertinet ad naturam vniuersalem.

Vigesimo primo. Sic esset causa etiam

motus argenti viui, cum sit graue; hoc falsum. Probat. Quia generans mouet ad suum terminum, & quietem. At argentum viuum sua natura non habet quietem.

Vigesimo secundo. Quod ab extrinseco mouetur, aut pellitur, aut trahitur, aut voluitur, aut vehitur, per Arist. 7. huius text. &c. At grauiā, & leuiā nullo horum modorum mouentur, cum hi motus sint contra naturam, & motus illorum secundum naturam.

Pro resolutione huius questionis, in substantia non admodum difficultis, aliqua primo annotabo, secundo loco nostram conclusionem probabo, tertio faciam satis argumentis.

Primo ergo notandum venit pro explicatione terminorum positorum in titulo questionis, quod per grauiā & leuiā intelligimus omnia corpora continua, id est similiarium partium, quæ sunt inanimata, vt expresse ex mente Philof. vt supra deducitur. Secundus terminus est ly moueantur, motu, scilicet naturali, seu secundum naturam. Nam quæ mouentur ab extrinseco sunt in duplici differentia; Quædam enim mouentur ab extrinseco per violentiam, quia mouens in eis non imprimit aliquam formam, quæ mediante dicatur ea mouere. Quædam vero moueantur ab externo mouente, sed cum impressione formæ, vel qualitatis naturalis. Primo modo mota, sunt mota contra naturam, vt est lapis proiectus sursum, secundo modo secundum naturam, vt leue sursum, & graue deorsum, & hoc secundo modo querimus, an grauiā, & leuiā moueantur à generante imprimente formam, aut moueantur à suis formis à generante impressis. Et aduerte quod addendum est in titulo, An moueantur à generante immediate, & per se, non in generatione ipsotum, quando generantur, sed in motu, quando genita de loco ad locum mouentur. Dixi immediate, quia nullus est qui dubitare recte valeat, quod primo moueantur à generante dante formam, quia dans formam, dat etiam omnia consequentia formam, sed quod in quolibet motu illorum generans immediate cum forma concurrat, hoc controuersum est. Dixi per se, quia elementa (in quibus maxime apparet ratio motus grauium,



de leuium) multipliciter possunt considerari sub motu. Primo enim considerantur vt effectiue mota, & sic dicimus ea moueri à triplici mouente. Primum dicitur vniuersalissimum, & hoc est cælum, quod ea mouet naturaliter, & non per violentiam, quia primus motus est causa aliorum motuum, vt primum in genere motus. Secundo dicitur particulare quod, idest subsistens, saltem in principio motus, & hoc est generans. Tertium dicitur particulare quo, & hoc est forma grauis, & leuis cum suis proprietatibus grauitatis, & leuitatis. Secundo considerantur, vt finaliter, & quodammodo formaliter mota, & sic moueantur à suis locis naturalibus, ad quæ mouentur, vt ad suas perfectiones, & quietem naturalem. Vnaqueque enim res perficitur in suo loco naturali, in quo conseruatur. Tertio possunt considerari, vt mota per accedens per remotionem impedimenti detinentis ea extra locum suum, dum sunt in actu essentiali, & in potentia tantum accidentali ad eum, & sic dicuntur moueri à remouente prohibens, illico enim quod impedimentum tollitur, subito motus sequitur. Quarto considerantur, vt adiuta in motu, & sic mouentur à medio, vt in septimo ostendimus. Tertius terminus est ly à generante, per generans autem Iauellus intellexit Cælum, sed male, quoniam cælum est generale, & vniuersale, & remotum generans, de proprio autem, & proximo disputationem facimus. Erit ergo sensus questionis. An grauia, & leuia inaninata, & continua moueantur motu naturali, immediate, & per se, à generante non vniuersali, sed proprio, idest ab eo quod vt proprium, & proximum generans concurret ad effectiorem rei, non dum res generatur, & est in potentia essentiali, idest ad esse, sed dum solum est in potentia accidentali, scilicet ad motum, sui loci naturalis.

Secundo norandum venit, quod circa præsentem difficultatem fuerunt plures modi dicendi. Nam Empedocles teste Arist. 2. cæli tex. 85. dixit, grauia, & leuia à calo moueri, quod est verum de motu circulari, non vero de motu. Nam verbi gratia de motu ignis bisariam loqui possumus. Primo, vt ei conuenit secundum suam naturam, & sic se mouet recte sur-

sum, scilicet ad spheram suam. Secundo, vt participat naturam superioris, & vt est in sphaera sua, & sic ei conuenit moueri circulariter.

Secundus modus dicendi fuit Academicorum, cum quibus Zenardus, & Tholomeus conseruiunt, dum elementis animam dant, per quam moueri dicuntur, & dum partes elementi extra suum locum seu spheram reperiuntur, dicunt, ad eam rapi ab anima totius elementi. Quæ opinio cum principijs peripateticis non consentiat, omittenda est.

Tertius modus dicendi fuit quorundam dicentium, quod grauia, & leuia per se mouent medium, idest aerem, vel aquam, ipsa autem per accedens, scilicet ad motum medij mouentur. Sed hoc est falsum. Primo, quia omne mobile per se, habet motiorem per se. Grauia, & leuia sunt entia per se mobilia, & secundum naturam per Arist. hic. Ergo habet motiorem per se, medium autem mouet per accedens. Secundo. Medium non mouet nisi motum, vnde per aduersarios est causa motus grauium, & leuium per accedens. Sed motum per accedens habet motiorem per se. Tertio, quia graue, & leue non mouentur à medio nisi prius moueant medium, vnde restat videndum quomodo se moueant, & se mouendo, moueant medium per se, & moueantur à medio per auxilium.

Quartus modus dicendi fuit Soto, & multorum hic dicentium, quod grauia, & leuia mouentur tantum naturaliter passiuè, quia habet in se principium passiuum sui motus, & non actiuum, ita vt secundum hos forma grauium, & leuium non sit principium actiuum motus ipsorum, sed tantum habeant grauia, & leuia quod possint moueri naturaliter à generante. Sed hoc est contra S. D. hic, & in 3. dist. 12. quæst. 3. art. 2. quaestiuicula prima, & Arist. dicentes, leuitatem, & grauitatem, in grauib, & leuib, esse principia actiua motus ipsorum. Secundo, quia grauitas, & leuitas sunt naturales potentie. Ergo principia actionum: Et quamuis Arist. 2. de generatione cap. 2. tex. 8. dixerit, grauitatem, & leuitatem non esse formas actiuas, tamen patet, quod ibi negat, eas esse formas actiuas ad producendas alias qualitates similes, sicut possunt facere



facere primæ qualitates, quoniam calor producit calorem, & frigiditas generat frigiditatem, non tamen negauit quod ætius ad motum non concurrant, vt etiã experientia testatur, vnde maior grauitas velociorem causat motum in graui, & ita maior leuitas in leui.

Quintus igitur modus dicendi (vt minus lectu dignum omittam) fuit Scoti in 2. distinct. 2. quæst. 39. Greg. distinct. 6. quæst. 1. art. 3. Mayronis distinct. 14. quæst. 6. Achilini lib. 3. de elementis quæst. 1. land. hic quæst. 12. Alberti de Saxonia quæst. 6. Niphi, & Burid. cap. præfenti. Pererij lib. 7. cap. 16. Vallesij contro. 11. & 42. ad Zenonem, & quorundam aliorum est, quod graui, & leui a seipsis moueantur, & non à generante. Vltimus modus dicendi fuit Arist. hic, & 4. de celo tex. 25. & 26. S. D. ibidem, & p. p. quæst. 1. artic. 3. q. 18. artic. 1. in 3. dist. 12. quæst. 3. art. 2. quæst. iuncula prima, & 3. contra gentes cap. 102. Capreo. in 2. dist. 6. quæst. 1. artic. 3. Caietan. p. p. vt supra. Ferr. hic & primo contra gentes, cap. 4. Alb. Magni hic c. 4. tractatu 2. Aegidij. Ruyij hic, quæst. 2. Iauelli, & fere omniū interpretum Arist. scilicet quod mouetur à generante vt quod, quod, à propria vero forma vt quod, mediante potentia grauitatis, & leuitatis.

Tertio ergo notandum venit, quod generans graui, & leui ad hoc vt moueantur in sua loca generat etiam ea cum omnibus his quæ sunt necessaria ad illū motum, quia quodlibet generans est determinatum, vt dicitur secundo Physicor. & ideo vnum vno modo generat, & aliud alio modo, quare viuientia ex determinato semine sunt, & inanimata à determinato generante, dante formam, & consequentia ad illam. Cum ergo in motu horum tria præcipua sint, scilicet generans, forma grauis, vel leuis, cum suis qualitatibus, & corpus graue, vel leue, quod est illud quod mouetur, dicimus quod si graue consideretur in ordine ad generantem, & formam suam, habet proportionem ad istam mobilis ad mouentem, si autem forma consideretur in ordine ad generantem habet rationem moti, idest geniti, si vero consideretur in ordine ad vtrumque, scilicet ad generantem, & mobile graue, vel leue, habet rationem mo-

ti, & mouentis, moti vt est producta à generante, & mouentis, quia concurrat cum generante ad motum, vnde generans se habebit vt mouens quod, & forma vt mouens quo, idest mediante quo generans mouet, sed formæ istæ substantiales mouebunt immediate per potentias, & qualitates proprias, idest per grauitatem, & leuitatem. Nec mihi obijcias, quod sic nec generans, nec forma substantialis grauis, vel leuis mouebit immediate, quia responderetur, quod duplex est immediatio. Prima dicitur suppositi, & illa non est necessaria in toto motu, sed in initio tantum. Secunda dicitur virtutis, quia, scilicet virtus mouentis ducat per totum motum, & sic generans mouet immediate, immo immediatius quam forma, quia quanto virtus est superior, & inde potentior, tanto dicitur immediatior. Nec iterum inles, quod hæc virtus non est nisi formæ agentis per medias qualitates, quia responderetur, quod in productione grauis tria inspicimus. Primum est generans, qui per propriam virtutem generat, & producit leue, vel graue. Secundum est forma, cum suis qualitatibus, & tertium est totum compositum, scilicet graue & leue. In generatione igitur grauis non solum est virtus data graui, vel leui, sed actio generantis, quam dicimus virtualiter durare in toto motu grauium, & leuium, quamuis generans sit corruptum, quia forma non mouet, nisi iu virtute illius actionis.

Quinto igitur animaduertendum venit, discrimen esse inter generationem animatarum, & inanimatarum, nam animatarum perfectio stat in operationibus, & motu, vnde his cessantibus in mouente, dicimus illum esse vita priuatum. Perfectio vero inanimatarum grauium, & leuium in quiete posita est, vnde non nisi per violentiam à proprijs locis dimouentur, & dimota non quiescunt, nisi ad sua loca reducantur. Hinc oritur, quod generatio viuientium dicitur perfecta fundamentaliter, sed non terminatiue, quia generans dat eis fundamentum, idest virtutem se perficiendi in suis operationibus ad quos mouentur, pro loco, & tempore. At inanimata à generante consequantur omnem suam perfectionem, ex vi suæ generationis, quia generans dat eis non so-

lum virtutem ad motum, sed etiam terminum, cum ea ex vi generationis ad suum locum moueat, & ideo actiones virtutum non attribuuntur generanti, sicut illi attribuuntur motus grauium, & leuium.

Quo ad secundum principale conclusio est. Grauium, & leuium mouentur, vt quod à generante. Probatur primo expressis verbis Arist. hic dicentis, & quarto de celo, quod grauium, & leuium non mouent seipsa, sed mouentur à generante.

Respondent Aduersarij dupliciter. Primo, quod Philosophi loquuntur de motu ad actum essentialem, scilicet ad generationem, & non ad actum accidentalem, scilicet ad terminum motus. Secundo, quod intelligit ab eis negare talem motum ex seipso, scilicet more animalium se mouentium appetitu, & apprehensione. Sed hæc responsiones fugæ sunt. Nam contra primam stat. Primo, quod ibi Arist. loquitur non de generatione, sed de motu ad sensum illius propositionis, quod omne quod mouetur, ab alio mouetur. Quis dubitat quod genitum non habeat generantem? Ad quod propositum esset quod omne quod mouetur, diuiditur in partem mouentem, & motam, quod continuum non potest se mouere, & similia. Secundo totus discursus Arist. tendit ad probandum quod vnum datur primum mouens immobile. Ergo non disputatur de fieri, & generatione grauium, & leuium, sed de motu ipsorum. Vis enim rationis Arist. in hoc stat. Nec animata, nec inanimata, scilicet grauium, & leuium mouent seipsa, sed ab alio mouentur. Ergo commune quod mouetur, ab alio mouetur, & in mouentibus, & motis non sit processus in infinitum, deueniendum erit ad vnum primum mouens immobile. Contra secundam responsionem stat vis omnium quatuor rationum Arist. quæ tendit ad ostendendum non modum motus distinctum per apprehensionem, & non, sed à seipso, vel ab alio. Confirmatur, quia Arist. duo dicit de his. Primum quod non moueant seipsa. Secundum quod moueantur ab alio, & exprimit à quo scilicet à generante videtur, etiam eundem Arist. tex. 17.29.32. & de motu animalium cap. 3.

Secundo. Quod mouet se principaliter, vt quod, viuuntque grauium, & leuium sunt

priuata vita. Ergo non se mouent, sed mouentur à generante; Minor est nota, Maior est Arist. hic tex. 29. 1. de Anima tex. 19. lib. 2. de Anima tex. 13. & Platonis decimo de legibus & in Phidro.

Tertio. Quod se mouet principaliter ab intrinseco, diuiditur in partem mouentem, & in partem motam, præter materiam, & formam, vt anima diuiditur præter materiam, & formam in cor, quod mouet, & corpus, quod mouetur. At in grauiibus, & leuiibus non dantur ista. Ergo. Minor nota, quia sunt homogenea, Maior est Arist. tex. 28. & supra à nobis fuit probata, & declarata, idest quæ illi non præcedenti.

Quarto. illud quod conuenit alicui ex vi suæ generationis, conuenit ei per generationem. Sed mouentur ad loca sua naturalia conuenit grauiibus, & leuiibus ex vi suæ generationis quia non generantur nisi cum illo motu perpetuo, & inuariabili, ad differentiam animatorum, vt supra ostensum est. Ergo. Maior patet, quia tunc res non est, sed sit. Minor est nota, & adde quod in instanti generationis hoc obtinent.

Quinto. Quando duo ita necessario, & inseparabiliter se consequuntur quod simul in esse ponuntur, dans primum, dat etiam secundum, sicut dans rationale, dat etiam risibile. Sed forma grauis, & leuis simulcum motu ad suum locum producit. Ergo sicut forma grauis est à generante, ita motus eius ab eodem erit.

Sexto. Actiones sunt suppositorum; Sed motus est actio, ergo generantis, quod est suppositum, & non forma. Minor est Arist. 30. Physicor. Maior est eiusdem 1. Metaphysicæ & 7. Metaphysicæ ubi dicit formam non posse esse primo, & per se terminum actionis, sed compositum, quod autem est terminus vt quod, est etiam principium vt quod.

Ad primum autem argumentum dicitur, quod maior valet de mouente vt quod, quod concedimus esse formam grauis, cum sua qualitate grauitatis, sed præter principium quo, dicimus esse necessarium principium quod, & hoc esse generans.

Ad secundum dicitur, quod mouere mediante alio stat dupliciter. Primo in eodem genere, & modo, vt quando mouens

nens quod, mouet per aliud mouēs quod, & tale non dicitur mouere immediate, immediatione supposito, nec virtutis, si utatur solum virtute alterius, non distribuendo illam. Secundo in diuerso genere, & modo; ita ut vnum dicatur mouere ut quod, & aliud ut quo, & sic vtrumque potest suo modo mouere immediate, sicut diximus de generante mouente per formam, & qualitatem, ut est instrumentum formæ.

Ad tertium dicendum, quod similitudo non stat in hoc, quod sicut intelligens per seipsum intelligit, ita graue per seipsum mouetur, sed in hoc stat, quod sicut habens habitum scientiæ statim considerat, nisi aliquid impediat, ita etiam habens grauitatem statim mouetur, nisi aliquid impediat.

Ad quartum dicitur, quod mouetur à generante, neque necessarium est quod mouens, & motum sint simul in toto motu; sed tantum in initio, nam semen agit ad generationem postquam decidit est à generante, etiam si generans sit corruptum. Secundo dicitur, quod & si generans sit corruptum supposito, non tamen virtute, quæ remanet in moto.

Ad quintum dicitur, quod Comm. intendit lapidem se mouere per grauitatē, ut per principium quo, minus principale, nam primum quo est forma, quæ concipitur ut instrumentum generantis, & qualitas formæ secundum.

Ad sextum dicitur, quod procedit de motu causato ab intrinseco, sine impressione formæ naturaliter mouentis, qui motus dicitur violentus, nolter autem naturalis est, & ideo intenditur in fine.

Ad septimum dicitur, quod illa contrarietas est actiua instrumentaliter, & ut quo, non ut quod.

Ad octauum dicimus, quod maior est vera hoc addito scilicet motu generantis, & non aliter, quia sine eo non habet formalem virtutem, & potentiam actiuam.

Ad nonum dicimus, quod simul sunt virtute, & hoc sufficit.

Ad decimum dicimus, quod aqua calefacta reducit se ad frigiditatem virtute generantis ut quod, & à propria forma reducit cum sua qualitate frigiditatis, ut quo.

Ad undecimum dicimus, quod natura

in animatis est principium motus intrinsecum, & ut quo initiatiue, ac in animatis est principium intrinsecum, & ut quo terminatiue etiam, hoc autem non potest esse nisi à generante, dante vtrumque simul, vnde inaninata dicuntur moueri à generante speciali modo.

Ad duodecimum dicimus, quod quando actus primus, & secundus inseparabiliter, & in actu exercito se consequuntur, dans primum dat etiam secundum, hoc autem modo se habent esse leuium, & grauium, & motus calidi.

Ad decimum quartum dicimus, generans dare formam, & motum, per formam ut quo, ipso concurrente ut quod.

Ad decimum quintum idem dicimus, scilicet quod generans dat motum, & quietem ut quod, & forma ut quo, nam si mouet leue, vel graue, illud mouet, ut quieteat in propria sphaera.

Ad decimum sextum aliqui negant maiorem, & dicunt disparitatem stare in hoc, quod moueri conuenit graui, vel leui, ex vi sui generationis, & ex instanti generationis, non sic calefacere. Sed & dicitur secundo, quod illi motus sunt à generante ut quod, & si non ut quo.

Ad decimum septimum dicendum, quod contrarium formaliter, & virtualiter non potest generare suum contrarium &c. ac bene formaliter contrarium, non vero virtualiter, ut quando ex petra generatur ignis, nam tunc actio attribuitur generanti & quo ad esse, & quo ad motum.

Ad decimum octauum dicendum, quod generans bifariam considerari potest. Primo ut est talis natura, & conditionis, & sic patet non dicitur precipitare filium, dum ex alto cadit, quia hoc non intendit. Secundo ut est simpliciter generans dans grauitatem, & sic ut dat grauitatem dicitur esse causa precipitationis filii, sed non ut dixi voluntaria, vel voluntarie, sed naturalis, & extra suam intentionem.

Ad decimum nonum dicitur, quod omne mouens in mouendo mouetur, saltem in principio motus, & sic facit generans. Vel secundo dicas, quod dum grauium, & leuium mouentur ut quo, mouetur & generans in ipsis, quia semper mouent, ut eius instrumenta.

Ad vigesimum dicitur, quod motus grauium, & leuium esset etiam à generante.

rante, vt disposito à natura vniuersali ad ea mouendum, vt habeant debitum ordinem, & dispositionem in vniuerso.

Ad vigesimum primum dicendum, quod argentum viuum mouetur, vt quoddam graue ad deorsum, quod autem illud non acquirit permanentem, causa est eius fluxibilitas, humiditas, & figura rotunda. Nam grauitas illud mouet deorsum, sed quia conglobatum est, ideo non potest sistere, & ideo si non quiescit, non est, vt graue non moueatur deorsum, sed quia impeditur ab eis figura rotunda.

Ad vigesimum secundum dicitur, quod procedit de motu ab extrinseco, sine qualitate intrinseca, & forma mouente, habente tamen similitudinem reductiuam ad pulsionem, vt aduertit S. D. septimo huius cap. 2.

### D V B I A.

**P**RO vltimo complemento intelligentiz supradictorum textuum, quedam dubia remanent soluenda.

Primo ergo dubitatur, in quo sensu sit accipienda illa propositio Arist. in septimo assumpta, & hic repetita. Omne quod mouetur, ab alio mouetur. Vel enim erit vera de motu Physico, qui corporibus conuenit, vel etiam erit vera de motu Metaphysico, vt est intellectio, volitio, simplex emanatio, vt est creatio, vel etiam fluxus passionum ab essentia. Vel etiam erit vera in motu per accidens, & partitum, & communiter erit vera de omni mobili, vel de hoc. Est enim hoc explicandum, vt recte intelligatur. Immo non videtur vera in nullo genere motus. Nam si propositio Arist. esset vera, esset quia idem potest esse simul in actu, & in potentia. At hoc est falsum in causis equiuocis, quia idem potest esse in potentia essentiali, vt est aqua calefacta ad suam frigiditatem, & in actu virtualis, quia, scilicet habet in se suam virtutem reducendi se ad frigiditatem, vnde idem sic potest mouere seipsum, & sic idem erit agens, & patiens, mouens, & motum. Secundo. In viuentibus mouens non distinguitur à mobili, nam si distinguerentur esset per diuersas partes, quarum vna moueat, & aliz moueantur, vt in animalibus, cor, vel cerebrum, per immisionem spirituum anima-

lium videtur mouere ceteras partes, hoc autem dato sequitur, quod pars mouens non sit mota, nec etiam à generante, cum Arist. inanimatis tantum attribuat moueri à generante.

Circa intelligentiam huius propositionis pauca dicam, quia in septimo vt facit quæstionem specialem de ea dixi. Notandum est tamen primo, quod de veritate eius duæ sunt opiniones. Prima est Scoti. 1. dist. 3. quæst. 7. & 9. Metaphys. quæst. 14. & ibidem Antonij Andrez, Greg. in secundo distinct. 6. quæst. 1. artic. 13. Iand. hic quæst. 12. & 1. de celo tex. 28. Hi enim dicunt hanc propositionem non esse omnino veram, neque necessarium esse, quod id quod mouetur, realiter distinguendum sit in partem mouentem, & motam, vnde idem potest mouere seipsum, quare ratio ad probandum primum motorem immobilem, fundata supra hac propositionem, infirma est, & debilis.

Altera est sententia sustinens veritatem, & soliditatem huius propositionis, & hanc defendunt S. D. hic, & septimo huius. Aegidius. Quod 3. quæst. 16. cap. 1. distinct. 3. quæst. 3. Ferr. 1. contra gentes cap. 23. Suarez 1. Metaphysicor. disp. 18. sec. 7. num. 1. Conimb. & Ruuio hic, & est amplexanda, vt satis ab Arist. probata, & vt maxima ad probandam immobilitatem primi motoris assumpta.

Secundo tamen notandum est, quod habet has exceptiones. Prima quod valet in motu Physico corporum compositorum ex duabus partibus, mouente, scilicet & mota, non vero in motis motu Metaphysico proprie, & stricte, nisi vt diximus, quia non est necesse omnem intellectiionem, & volitionem esse ab alio motore mouente. Secunda, quod non valet in his, quæ naturali sequela fluunt ab essentia. Tertia quod nec valet de motu partium, quia ne sit processus in infinitum, opus est deuenire ad vnam, quæ non moueatur ab extrinseco, sed seipsam moueat. Vnde verificatur de mouente vt quod, distincto à mobili, & diuiso in partes integrantes, non in essentielles quæ non dicuntur moueri vt quod.

Ad primum autem in contrarium dicitur primo sufficere ad verificandam propositionem Arist. quod idem non sit simul in actu, & in potentia, vnde vt est in potentia

entia indiget motore ad reducendum se in actum, ideo dum aqua calida fit frigida, mouetur tunc à generante vt quod, & à propria forma, & qualitate, vt diximus supra. Sed vide quæ de hac re etiam diximus in nono Metaphysic. Secundo dicitur quod idem non potest simul esse in actu, & potetia, sed necesse est vt distinguatur in mobile, & mouens, quando motus est Physicus, de quo loquimur, & supra hac ratione se fundat Phil.

Ad secundum dicimus, quod loquimur de motu perfecto, & rei subsistentis, & completæ, scilicet quod omne quod mouetur, vt completum, ab alio completo, & subsistente ente mouetur, pars autem est ens incompletum, vt diximus.

Secundo dubitatur circa text. 20. in quo Arist. dicit, quod falsum est velle putare animal non ab alio extrinseco moueri. Ergo falsum est quod in text. 20. dicitur, quod à seipso mouetur.

Respondetur quod pro nunc duplex est motus. Primus dicitur appetitiuus, & hoc motu mouetur animal ab extrinseco obiecto appetibili, quia bonum est in rebus. Secundus dicitur localis, id est de loco ad locum, & sic dixit animal mouere se ipsum, id est ab intrinseco, & non ab extrinseco, vt mouentur grauias, & leuias.

Tertio dubitatur circa text. 27. in quo affirmat Philosoph. animal naturaliter se mouere. Hoc autem videtur falsum, quia quod naturaliter mouetur, necessarius mouetur. Animal autem secundum appetitum mouetur, & homo libere. Ergo non naturaliter, & necessario.

Ad hoc respondetur, quod naturale dupliciter sumitur. Primo vt distinguitur contra violentum. Secundo vt distinguitur contra libere, Arist. accepit ly naturaliter, vt idem sonat quod non violentem, quia motus localis animalis, vt simpliciter dicitur corporis grauias potest aliquo modo dici violentus, dum sursum ducitur, sed vt est motus corporis animati nequaquam, quia anima vt animat, potest mouere naturaliter corpus sursum, deorsum &c. & ad omnem positionem, ad quam est in potentia.

Quarto dubitatur contra text. 30. vbi dicitur, continuum non agere in se. Nam aqua est continua, & tamen habet partes magis, & minus calidas, prout sunt proxi-

miores caleficienti, & partes eius calidiores, agunt in minus calidas.

Ad hoc dicitur, quod agere in se stat dupliciter. Primo per alterationem causatam ab extrinseco, & hoc potest etiam continuo conuenire, vt argumentum probat. Secundo per actionem partium distinctarum realiter, quarum vna se habet, vt mouens, & alia vt mota, & sic dictum est hoc conuenire tantum discontinuis.

Quinto. Quæritur, à quo voluntas mouetur ad appetendum finem. Non enim videtur moueri ab auctore naturæ, sicut vt à primo mouente mouetur grauias, & leuias, prout dixit S.D. p.p.q. 105. artic. 4. & quæst. 107. artic. 2. & 3. contragentes cap. 89. Caiet. p. 2. quæst. 9. art. 4. Ferr. contragentes vt supra. Aegidius 2. distinct. 25. quæst. 5. & cap. 9. vnica. Nam inquit Scotus in 2. distinct. 25. quæstio vnica. Et laud. quod non & Conimb. hic. Primo, quod actiones vitales solus sunt à viuente, & non ab extrinseco, vt est motus grauium, & leuium. Et secundo, quia actus volendi, & intelligendi non ordinantur ad obtinendam naturalem subiecti dispositionem, & conseruationem, sicut ad hæc ordinatur motus grauium, & leuium.

Ad hoc dicitur sustinendo sententiam S.D. quod similitudo stat in hoc, quod sicut grauias, & leuias diriguntur in finem necessario, vt necessarium distinguitur contra indifferenter, & naturaliter mota à generante, ita voluntas mouetur ad suum finem necessario specificatiue, & non indifferenter, sicut mouetur ad media, vnde primum argumentum non tangit sensum nostrum, fundatum supra proportionem, & non super indentitate. Ad secundum autem dicitur, quod voluntas perscitur in appetitu, & coniunctione cum ultimo fine,

sicut etiam perscitur  
tur grauias, &  
leuias, dum  
in suum  
finem tendunt,  
& suam sphericam attingunt.



## CAPVT VI.

## LECTIO 9. 10. 11. S. D.

*Hoc autem dupliciter, enim non propter se  
ipsum est mouens. tex 33.*

**H**ic incipit Philof. probare minorem  
affumpti fyllogifmi, fcilicet quod  
omne quod mouetur, ab alio mouetur,  
fub hac enim maxima affumpta fuit mi-  
nor, quod in mouentibus & motis non  
potelt elfe processus in infinitum, vnde  
deueniendum elt ad vnum, quod fit om-  
nino immobile. In rex. 33. dittinguit er-  
go de duplici mouente. Primum dicitur  
independens, quia mouet propria virtute.  
Secundum dicitur dependens, quia mouet  
ab alio motum, fiue per vnum medium,  
vt dum manus mouet baculum, fiue per  
plura, vt dum baculus mouet lapidem  
motum à baculo, & à manu, Primum au-  
tem mouens dicitur magis mouere quam  
fecundum, quod dupliciter probat. Pri-  
mo. Qui mouet, non motum, magis mo-  
uet quam moues motum. At primum elt  
mouens immotum, verbi gratia homo,  
fecundum vero elt mouens motum, verbi  
gratia manus, vel baculus. Ergo magis  
mouet primum fecundo, idelt magis mo-  
uet, quod potelt fine alio mouere, quam  
illud quod non mouet, nifi motu ab alio.  
Primum mouens potelt fine alio mouere,  
fecundum vero nequaquam. Ergo pri-  
mum magis mouet.

In rex. 34. intendit probare ex iam ha-  
bitis, & declaratis, quod datur vnum pri-  
mum mouens, qui ab alio non mouetur,  
fed fi mouetur, à feipfo mouetur, & sum-  
ma rationis in hoc itat. Omne quod mo-  
uetur, ab aliquo mouetur. Sed in mouen-  
tibus non elt processus in infinitum. Er-  
go deueniendum elt ad vnum primum  
motorem immobilem. Maior oftenta elt  
in feptimo, & etiam minor, fed hoc loco  
magis consolidatur, quia, fcilicet fi in mo-  
uentibus, & motis elt processus in infi-  
nitum, non datur primum mouens, quia in  
infinito non elt primum, & fic non dabi-  
tur vltimum mouens, quia in infinito non  
datur nec primum, nec vltimum, & quia  
vltimum non mouet nifi in virtute pri-  
mi, & fic fi non datur nec primum, nec

vltimum mouens, non dabitur aliquod  
mouens, quod falum cernitur.

In tex. 35. repetit eandem rationem,  
fed alio ordine, quia fic prima ordinata  
elt afcendendo ad primum motorem, ita  
hæc ordinata elt defcendendo ad vltimū,  
quia, fcilicet mouens mouet aliquid, &  
aliquo, & ratio fic formatur. In motu non  
folum funt motores inftrumentales, idelt  
qui concurrunt vt inftrumenta, idelt, vt  
mota ab alio, vt baculus à manu, & lapis  
à baculo, & manu, fed necelfe elt vltius  
aduuenire vnum motorem, qui non in-  
ftrumentaliter, fed feipfo moueat. Ergo  
deueniendum elt ad vnum primum mo-  
torem. Confequentia clara elt, & mani-  
fcita. Antecedens probatur, quia motores  
inftrumentales, funt alicuius per fe mo-  
toris inftrumenta, vnde dato motore in-  
ftrumentali, vno, vel pluribus, oportet  
inuenire motorem principalem, mouen-  
tem feipfum.

In text. 36. intendit idem alia ratione  
probare, fcilicet per diuifionem, quam  
profequitur vfque ad text. 40. ratio igitur  
fit. Si omne mouens mouetur, ita vt non  
detur vnus motor, qui ab alio non mo-  
ueatur, aut hoc mouens motum mouetur  
per accidens, aut per fe. Sed quod moueat  
per accidens non potelt itare. Primo,  
quia quod elt per accidens, non elfe po-  
teft, quia non elt neceffarium, & fic po-  
ffibile erit hunc motorem per accidens  
non mouere. Quod fi ita erit, non erit ne-  
ceffarium femper motum elfe, quod fu-  
pra confutatum fuit. Secundo. In motu  
tria inueniuntur, fcilicet mouens qui mo-  
uet, mobile quod mouetur, & medium  
quod concurret vt inftrumentum, quo  
mouens mouet. Mobile autem necelfe elt  
vt moueatur, quia ponitur moueri. Me-  
dium vero neceffario mouet, vt quo mo-  
uens mouet, & mouetur, vt elt motum à  
mouente, vnde de vtroque participat. Er-  
go rationale elt quod mouens moueat,  
& non moueatur, patet, quia ei coniun-  
gitur (per fuppoftum) moueri, per ac-  
cidens autem leparabile elt. Tertio hoc  
probat teftimonio Anaxagoræ, ponentis  
intellectum immixtum, & impaffibilem,  
& primum principium motus, vnde ne-  
ceffe erat cum facere immixtum, quia  
quod alteri commifcetur, mouetur quo-  
dāmodo ad motum eius cui commifcetur.

Neque



Neque dicendum est, quod hoc mouens motum moueatur per se. Primo. Nam si est necessarium, quod mouens moueatur, & semper, aut mouebitur eadem specie motus cum mobili, aut diuersa. Sed impossibile est utrunque. Ergo. Probat minorem quo ad hanc partem, quod non possit moueri eadem specie motus, quia sic deueniendum esset vsque ad speciem specialissimam, & ita verum esset, quod qui docet, quod id quod docet, verbi gratia Geometriam, doceatur, id est Geometria, & si proijcit lapidem de loco ad locum, quod & ipse tunc proijciatur, quod falsum deprehenditur. Secundo probat eandem minorem quo ad aliam partem, scilicet quod non moueatur alia specie motus, verbi gratia si mouet localiter, moueatur secundum augmentum. Nam species motus finitæ sunt. Ergo in eis nõ dabitur processus in infinitum, vnde dabitur regressus ad eandem, & sic ibimus in primum inconueniens, quod mouens moueatur, eadem specie motus, qua mouet, & sic docens adiscet, dum docet &c. Sed & maius inconueniens sequitur, quia sic sequitur, quod omne mouens sit mobile, vt edificator, edificabile.

In text. 40. postquam Philos. ostendit quod in mobilibus, & mouentibus non est processus in infinitum, sed est status in mouente immobili, vel mouente seipsum, transit dico in text. 40. ad ostendendum quomodo hoc primum mouens se moueat. Dicit ergo, quod omne per se mobile ( vt excludantur quæ mouentur per accidens vt animæ & puncta ) & corporeum ( vt excludantur pro nunc immaterialia ) diuiditur in partem mouentem, & in partem motam, ita vt mouens sit impossibile moueri eo motu quo mouet, nam sic vna pars, verbi gratia forma ferret, & ferretur, & eadem ratione, alterabit, & alterabitur, docebit, & docebitur, sanabit, & sanabitur, quod conspicue est absurdum. Idem enim non potest esse in actu, & in potentia, quare si mouet vt est in actu, mouebitur vt est in potentia.

In text. 41. excludit quosdam modos, quos aliqui possunt exitumare esse in motu mouentis seipsum. Intendit ergo excludere hunc modum, scilicet quod totum seipsum mouet, quia partes seinuicem

mouent, altera, alteram per se, quod facit quatuor rationibus. Prima est. Vbi non datur primum, tollitur motus. At si totum sic moueretur, scilicet quod totum moueret seipsum, quia partes seinuicem mouent, non daretur primum mouens, quia equaliter hæ partes se mouerent, cum vna alteram mouere non dicatur. Secunda. Dato quod vna pars primo moueat, sicut & altera, cum non sit necessarium quod illud quod primo mouet, moueatur ab altero, quia primo mouet. Ergo poterit mouere totum, absque hoc quod ab altera parte moueatur. Dato autem hoc possibili, ad quod nullum sequitur impossibile, sequitur intentum, scilicet quod in eo quod à se mouetur, datur aliquid mouens, & non motum. Tertia est fere similis. Demus quod ista pars primo moueat, vel ergo erit immota, vel seipsam mouebit, nā per accidens est, quod ab alio moueatur. Si est immota, habemus intentum. Si seipsam mouet, & sine ea non est motus, totum non mouebit seipsum, quia vtraq. pars se inuicem mouet, quod est contra suppositum. Quarta. Si partes se inuicem mouerent, idem esset actu, & potentia. Probatur, quia vt mouet est actu, vt mota, in potentia.

In text. 42. reijcit alium modum dicendi, scilicet quod totum seipsum moueat, quia eius pars, aut aliquæ partes eius seipsas mouent. Hoc sic reprobatur. Nam si totum se mouet, aut hoc facit ratione partium, quia pars aliqua primo se mouet, & inde totum se mouat, vel hoc habet ratione propria quia, scilicet totum se mouet. Si primum, pars illa dicitur primo se mouere, & seorsum posita se mouebit, totum autē amplius non se mouebit, nos autem quærimus modum quo totum se moueat. Si secundum, cum id quod toti conuenit, per accidens conueniat partibus, & quod alicui per accidens conuenit ab eo separari possit sequitur, quod vna pars, vel plures se moueant falsum esse. Secundo. Si totum diceretur se mouere, quia pars se mouet, tunc totum à se, & à parte dicitur moueri, verbi gratia compositum ex anima, & corpore, & à se & ab anima, dicitur moueri. At hoc est falsum, quia vnus motus vnus est per se, & proximus motor.

In text. 43. incipit ostendere quomodo

Q o partes

partes mouentis seipsum se habeant in motu. At ergo quod id quod seipsum mouet, duplici parte per se, & necessario constat. Prima quæ mouet immota, altera quæ mouetur, sed aliud non mouet. Nam duplex est mouens, idest mouens immotum, & mouens motum, & ita duplex est mobile, scilicet mobile tantum, & mobile mouens aliud. Ad motum ergo mouentis seipsum, opus est tantum parte mouente immota, & parte mota non mouente, & si moueat, erit per accidens. Subdit, quod hæc duæ partes, scilicet mouens, & mota se debent tangere, aut saltem vna alteram tactu corporeo, vt se tangunt ambo, neruus mouens, & caro mota, & non tantum vt intelligentia tangit cælum sua virtute, & non tangitur à cælo. Hinc concludit quod cum mobile sit continuum, non aliter dicendum erit se mouere, nisi quia ratione vnius partis mouet, & ratione alterius mouetur.

In tex. vero 44. mouet quandam dubitationem circa præmissa, & eam soluit. Dubitatio est, quomodo possit esse verum, quod in eo quod mouet seipsum detur pars mouens, & pars mota. Nam demus talem magnitudinem puta. A. B. & A. sit pars mouens, & B. pars mota, & A. & B. sint partes diuisibiles, modo diuidatur A. & B. & sumatur magnitudo composita ex parte. A. & ex parte. B. talis magnitudo mouebit seipsam. Ergo. A. B. non erat prima quæ seipsam mouebat. Quod autem illa seipsam moueat patet, quia si B. mota erat, quilibet eius pars erit mota, & similiter de A. si autem hoc verum est sequitur, quod si pars quæ remanet se moueret, posset iudicari primum mouens se, & non totum. A. B. nam primum se mouens nõ includit aliquid primo se mouens, alioquin esset primum, & non primum, nec debet se per partem primo motam mouere. Respondet autem huic difficultati, negando quod id quod superest se moueat, quia quamuis sit in potentia diuisibilis, tamen hæc potentia Physice non est ad actum reducibilis, cum permanentia totius, sicut animal potest diuidi in duas partes, si tamen in eas diuidatur, nõ mouebitur motu animalis, quia datur minimum in viuentibus. Hinc concludit conclusionem principaliter intentam scilicet quod datur primum motor immobi-

lis, in quem resoluitur id quod dicitur se mouere. Qui primum motor est. Est primus vel absolute, vel in animali, quod ex se mouetur.

Circa supradicta autem quædam digna annotatione hic veniunt obseruanda. Primo ergo notandum venit circa id quod dictum est, in textu, quod primus motor magis mouet, quam secundus, quod hoc bisariam intelligi potest. Primo vt ly magis idem sonat, quod independentius, vniuersalius, & virtuosius, & sic verum est, vnde cælum, & Sol generant viuientia, non accipiendo virtutem ab eis, & dando illis (vni, & multis) tollendo impedimenta multa, & cauendo cõcursum multarum causarum. Secundo vt ly magis idem sonat quod immediatius, in mediatione suppositi, & proprius, & sic hoc falsum est, quia homo generat hominem immediate, in mediatione suppositi, & non sol, & ab homine, homo genitus homo dicitur, & non à sole, vnde in primo sensu loquutus est Philof.

Secundo notandum venit circa tex. 34. in quo dicitur, quod in infinito non datur primum, quod hoc verum est sumendo infinitum per modum infiniti, & vt infinitum est, non vero si sumatur secundum aliquam eius partem, & cõsequenter per modum finiti, vt si in infinito tempore acciperetur dies hodierna, & compararetur ad hellenam, vt ad priorem, & ad sequentem vt ipsi posteriorem. Dicitur autem ibi in mouentibus, & motis non esse processum in infinitum, quod est verum in necessario sub ordinatis vt septimo huius scientiæ diximus.

Tertio notandum circa ea quæ dicit in tex. 35. scilicet quod omne mouens mouet aliquo scilicet seipso, vel alio, quod tunc de motore corporeo mentionem facit, & de eo plura exempla adducit, vt ex notitia eius ascendamus ad motorem, qui non solum mouetur seipso, verum etiam alia seipso mouet immotus. Primum autem absolute inter mouentia mota est cælum, & primum mouens immotum erit intelligentia, de qua infra ab hoc autem primo quadrupliciter sub eo collocata pendet. Primo quod ad esse, vt tradit Arist. 1. de cælo tex. 100. dum dicit quod à primo omnibus tributum est esse, his quidem clarius, his autem obscurius. Secundo

cundo quo ad conseruationem in quo sen-  
su Auerroes in 41. cap. de substantia or-  
bis affirmat, quod si calum quiesceret,  
mundus totus dissolueretur. Tercio quo  
ad actionem, & motum, vt hic probat Arist.  
& in 1. Meteororum testatur, quod est  
necesse mortalem orbem; superis lationi-  
bus esse continuum, vt omnis eius virtus  
ab illis gubernetur. Quarto quo ad ordi-  
nem, & sic dixit Arist. nono Metaphysic.  
quod nisi darentur separata à materia,  
non daretur ordo. Quod autem affirmant  
Peripatetici non producere causam pri-  
mam effectus distantes nisi per causas me-  
dias, & proximas, intelligunt Theologi,  
quando prima causa naturaliter agit, &  
iuxta ordinarium cursum causarum, non  
vero quando supernaturaliter operari in-  
tendit, & secundum quod suæ absolute  
potentiæ placeat.

Quarto venit notandum circa id quod  
dicitur in tex. 36. scilicet, quod ex veris  
concluditur verum, intellige posteriori-  
stice, & si propositiones debite subsumā-  
tur. Et scias etiam vnam esse veritatem,  
& ex parte veri vnum verum non esse  
formaliter magis verum quam aliud, quia  
veritas formaliter consistit in indiuisibili.  
At materialiter, & ratione subiecti, vnum  
ens dicitur magis verum alio, idest magis  
conforme alicui regulæ, & mensuræ inua-  
riabili. Ita est vna falsitas, sed plura falsa,  
magis, & minus, prout magis & minus  
recedunt à vera regulâ, vel mensura.  
Quod dixerim contra Stoicos, asserentes  
omnia æque esse falsa, & peccata omnia  
esse æqualia.

Quinto circa textum 37. nota quod ibi  
Arist. tradit hanc regulam. Datur tertium  
quod solum mouetur, verbi gratia lapis,  
datur medium, quod mouet, & mouetur,  
verbi gratia baculus, qui mouet lapidem,  
& mouetur à manu. Ergo consentaneum  
est rationi, quod detur primum, quod so-  
lum moueat, & non moueatur, ita vt sit  
immobile. Circa autem hanc regulam  
varij sunt modi dicendi. Nam Simplicius  
eam probabilem censet, sed non neces-  
sariam. Auerroes sustinet eam esse neces-  
sariam in oppositis positue, quia si datur  
vnum illorum in rerum natura, oportet,  
& reliquum reperiiri. Alij iudicant pro-  
positionem esse veram ratione mediij,  
quia mediū debet esse medium inter duo

extrema. S. D. idem annuit, quod scilicet  
si datur medium compositum ex duobus,  
& reperitur vnum illorum seorsum ab al-  
tero, ergo & aliud potest reperiiri, & sic  
ab hoc exordiri dicitur Arist. Alij autem  
addunt hoc esse necessarium propter per-  
fectionem vniuersi, & necessitatem gra-  
dum eius, quia si datur id quod solum  
mouetur, & id quod mouet, & mouetur,  
dandum erit etiam mouens tantum, &  
tanto magis cum hoc faciat ad perfectio-  
nem vniuersi, scilicet habere primum mo-  
torem immobilem, idest agentem solum,  
& non patientem.

Sexto notandum venit circa text. 38.  
quod aliud est loqui de primo motore  
mouente seipsum, idest non moto ab alio,  
& aliud de primo motore omnino immo-  
bile. Primum enim potest esse composi-  
tum, ex parte mouente, & mota, & conse-  
quenter corporeum, & tale erit corpus  
animatum, ab anima motum. Secundum  
vero erit incorporeum, & ad hunc vsque  
modo non peruenit vt supra annuimus,  
sed ex dictis perueniet.

Septimo notandum est circa text. 39.  
quod esse ex accidenti, non est idem quod  
esse per aliud, quia omne per accidens est  
per aliud, sed non omne per aliud est ex  
accidenti, seu per accidens, quia omnis  
effectus est per aliud, idest per causam, &  
passiones per subiectum, & tamen sunt  
per se, & non per accidens, vnde ly per  
aliud idem sonat quod per se, sed non  
primo.

Octauo notandum venit circa tex. 40.  
in quo Arist. dixit, idem non potest mo-  
uere, & moueri, esse in actu, & in poten-  
tia, & addit (quæ necesse est habere mo-  
torem vniuocum) per motorem autem  
vniuocum. S. D. cum Scoto 2. Sententia-  
rum dist. 2. quæst. 9. & Greg. distinct. 6.  
quæst. 1. intelligunt motorem proprium,  
distinctum à motore æquiuoco, quia in  
eo non est absurdum, quod se moueat, &  
moueatur, vt quod aqua calida reddat se  
frigidam, elementa se moueant de loco  
ad locum, mens, sensus, & imaginatiua in  
se duas actiones producant. Nam per mo-  
uentem vniuocum, corporeum motorem  
intellexit, vnde motores incorporeos, vt  
mentem &c. æquiucos motores esse in-  
tellexit, & ita etiam corporeos motores,  
sed simplices, & homogeneos, qui non di-

uiduntur in partem mouentem, & motum realiter, quare oportet ut motor diuidatur realiter a remota; in continuis enim homogeneis non apparet hæc distinctio.

Circa text. 41. nono loco obseruandum venit, dum Aristot. dicit non esse necessarium, quod motor corporis moueatur, verbi gratia: anima ad motum corporis. Hoc quidem non esse necessarium ita dupliciter. Primo absolute, & hoc verum est, quia ipsa secundum se considerata, non habet moueri, sed mouere, vnde separata agere potest sine corpore. Secundo ex suppositione quod sit in corpore, & sic necessario mouetur ad motum corporis, quia est eius pars, moto autem toto, necessario etiam partes mouentur.

Decimo notandum venit circa text. 42. quod quamuis Eudemus, Auerroes, Theophrastus, & alij plures modos mouendi se distinguant, tamen sunt ex accidenti, vnde modiper se sunt tantum duo, scilicet quod totum se totum moueat, & quod pars immobilis alteram moueat.

Vndecimo nota circa text. 43. & 44. quod primum se mouens potest esse multiplex. Primum dicitur absolute, & simpliciter primum se mouens, & hoc est suprema sphaera. Secundum dicitur primum se mouens vt totum subsistens, & hoc est animal. Tertium dicitur primum se mouens inter membra corpus animati, & hoc est cor, quod est illud quod primo viuit, & vltimo moritur. Quartum dicitur primum se mouens instrumentale, & hic est calor, id est spiritus cordis, qui per imaginationem primo excitatur. Quintum dicitur primum mouens, animal instrumentale in motu progressiuo, & tale dicitur pes dexter, qui est ille qui primo mouetur.

### D V B I A.

**S**ed dicta ab Arist. non vacant dubijs, & ideo circa quædam eorum difficultates moueo.

Primo ergo dubitatur contra id quod dicitur in text. 33. scilicet, quod primum mouet & non mouetur. Contra. Omne agens agendo repetitur, verbi gratia baculus repetitur a manu cum mouente, & modo aliquo contra mouetur. Ergo falsum est, quod dicitur primum mouens, & non motum.

Respondetur, discrimen esse inter moueri, & repati, nam primum dicit aliquam remissione actionis, quando sit cum relinquentia mobilis, quod verum est. Secundum vero dicit motum in passionem sine actione, id est moueri, & non mouere, & hoc est quod negamus in primo, dicentes quod mouet, & non mouetur.

Secundo dubitatur contra id quod in eodem textu dicitur, quod quia prima causa potest operari sine secunda, sed non e contra. Nam sol, qui est prima causa non potest generare hominem sine homine, quia est secunda causa, nec homo sine manu proieciat lapidem.

Respondet, quod duplex est actio. Prima dicitur communis utrique causæ, scilicet primæ & secundæ, vt exempla dubijs probant. Secunda dicitur propria primæ causæ, vt est illuminare aerem in Sole, vel se mouere de Oriente in Occidentem in celo, & de hoc dictum est, quod prima causa potest operari, scilicet propria operatione sine secunda, non vero e contra quia homo non generabit hominem sine Sole, & celo.

Tertio dubitatur circa exemplum allatum ab Arist. text. ad declarandum esse motorem qui seipso mouet, & alio. Nam exemplificauit de vento qui seipso mouet, & per lapidem euellit plantam. Contra enim ita quod ventus non potest dici mouere seipso. Nam quod seipso mouet; primo se mouet. At ventus non primo se mouet, quia hoc est proprium tantum viuentium, ergo exemplum falsum est maior, & minor sunt Arist. supra.

Respondet Auerroes, Arist. assumptisse tale exemplum ad ostendendum aliquem motorem seipso, & alio mouere, quoniam sic nobis videtur clarum in venio, non tamen quod ita sit. Sed hoc non placet, quia sic Arist. viros inexpertos deciperet, & non doceret. Respondet igitur, quod primum mouens dupliciter dicitur. Primo simpliciter, & sic duo requirit. Primum quod moueat seipsum, & secundum quod sine medio moueat aliud. Secundum dicitur secundum quid, & hoc tantum dicit mouere aliud sine medio. Argumentum procedit de primo, vnde sensus Aristot. est, quod

quod ventus potest seipso idest immediata mouere, & mediate, vt dum per lapidem euellit plantam.

Quarto dubitatur circa id quod dicitur in textu 36. scilicet quod illud quod accidit, seu est per accidens caret necessitate, & potest non esse, quod etiam affirmat primo Physic. textu 28. & 1. Post. Sed contra est primo, quod priuatio est principium per accidens, & tamen necessarium ad generationem; Secundo, quia vna passio de alia predicatur per accidens, vt risibiles de disciplinabili, & tamen in homine necessario coniunguntur. Tertio, quia datur accidens inseparabile, vt est albedo in cigno & nigredo in coruo, & hoc quidam necessarium est.

Respondet primo Alpharabius, quod necessarium est duplex. Primum dicitur necessarium secundum essentiam, & speciem, & huic per accidens coniungitur accidentaliter, & sine eo potest esse, vt coruus secundum essentiam sine nigredine & c. Secundum dicitur necessarium ex suppositione, vt quod vna passio ex alia oritur, vt quod nigredo fluat ex principijs indiuidualibus coiui, & sic facta tali suppositione non potest abesse. Primo autem modo locutus est Aristot. hic. Et hæc responsio bene intellecta est vera, & Porphyriana, vnde patet ad secundum & tertium, primum vero arguit necessitate priuationis in fieri, vt ostendimus primo Physicor.

Quinto dubitatur contra id quod dicitur in tex. 37. scilicet tria esse necessaria ad motum, scilicet motor, mobile, & motor motus, idest id quo motor mouet. At hoc videtur falsum in intelligentijs mouentibus orbes, nam in hoc motu solum duo sunt, scilicet motor, & mobile, non vero medium, quod moueat, & moueatur.

Respondetur quod motus bifariam considerari potest. Primo in vniuersali. Secundo in particulari, pro hoc, vel illo motu. Ad primum, tria dictum, est esse necessaria, non quidem in omnibus, melius dicitur, id esse verum in medijs mouentibus, quæ mouent, & mouentur.

Sexto dubitatur circa eundem text. in quo dicitur, quod mobile moueat. Contra instat Macrobius. Mobile est corpus, quod ge loco ad locum transit. At tunc mouet

aerem, & superficiem, ergo mobile mouet.

Respondetur quod mouere hic sumitur pro applicatione virtutis ad mouendum; modo dum corpus mobile vltimo mouetur, non applicat suam virtutem ad mouendum aerem, vnde ille motus est ferre per accidens.

Septimo dubitatur circa id quod pariter affirmatur in eodem tex. Nam in hoc laudat Anaxagoram, dum dixit, mentem solam non esse in illo magno Chaos permixtam, sed separatam, vt ei præflet, & dominaretur, & immobilis manens esset principium motus. Huic autem interpretationi obstat, id quod idem Aristot. 3. de Anima tex. 4. dixit de eodem Anaxagora, scilicet ipsum posuisse mentem immixtam, ad hoc vt intelligeret.

Respondetur quod Anaxagoras propter duo posuit mentem immixtam, & separatam vt dicitur 1. de anima text. 5. scilicet ad hoc vt intelligat in intelligentibus, & sit principium motus in materialibus, primum autem hic tacuit, quia non faciebat ad eius propositum.

Octauo dubitatur contra id quod dicitur in tex. 38. quod inconueniens est, quod mouens moueatur eadem specie motus qua mouet. Hoc autem videtur falsum, nam manus mouet baculum, & baculus mouet lapidem, & ventus lapides, eadem specie motus.

Respondetur quod hoc non est inconueniens in his quæ media sunt, idest mouent, & mouentur, sed bene in mouentibus principalibus, quæ mouent propria virtute, & in quibus est status.

Nono dubitatur contra id quod in eodem tex. affirmatur, scilicet quod in ordinatis essentialiter non potest dari processus in infinitum. Hoc enim videtur pugnanare cum eodem Arist. ponente generationem æternam, & consequenter infinitam, & ideo necesse est, quod indiuidua sint infinita in tempore infinito.

Ad hoc dicitur, quod aliud est dicere, quod in generatione æterna indiuidua sint infinita, & aliud quod sint secundum se ordinata essentialiter, ita vt vnum sine infinitis præcedentibus non agat (de agere enim, & mouere est sermo) primum concedimus, sed non est contra nos, secundum autem est quod negamus.

Decimo

Decimo arguitur contra id quod Arist. dicit tex. 41. quod non est inconueniens quod id quod mouetur, per accidens possit mouere se, sed per se, non valet se mouere. Nam respectu vtriusque sequitur idem inconueniens, quod idem respectu eiusdem, erit simul in actu, & in potentia.

Respondetur disparem esse rationem, quia quod est ex accidenti, per aliud est, & ideo non dicit diuersam contradictionem, quæ est per se oppositio eiusdem de eodem, secundum idem, & eodem modo, quod sit in eo quod mouet se, secundum se.

Vndecimo dubitatur contra id quod in tex. 44. autumat Arist. scilicet, quod quiescente toto, potest quod superest, idest pars moueri. Hoc enim contradicit eidem Arist. 7. huius tex. 2. vbi ait, quod quiescente parte, necesse est totum quiescere.

Respondet Alexander, quod pars bifariam considerari potest. Primo vt coniuncta est toti. Secundo vt est ab eo separata, vt patet in parte abscissa lacertæ, vel plantæ, quæ si quiescant, idest non moueantur, quod superest, idest totum quod remanet, potest se mouere. De parte primo modo locutus est in septimo, & de ea in secundo sensu hic. Sed hæc responsio videtur pari difficultatem, etiam in parte toti coniuncta, quæ potest quiescere toto moto, vt patet in lacerta mouente solum extremam caudam. Sed dicitur, quod Arist. hic considerauit partem vt potest habere rationem totius; & sic se mouere. In septimo vero eam considerauit, vt habet unionem mouentis, & mobilis, nam sic est impossibile, quod mouens moueat, & mobile non moueatur.

## C A P V T VI.

### L E C T I O.

S. D. 12. & 13.

**P**ostquam Phil. ostendit, quod in mouentibus non est procedere in infinitum, sed est deueniendum ad vnum primum mouens, hic intendit ostendere, quod ponendum est vnum primum mouens incorruptibile, quod non moueatur, nec per se, nec per accidens, vt mo-

uetur anima in corpore animato, ab ea moto. In tex. ergo 45. proponit, quod intendit, sic arguendo. Motus secundum iam dicta est æternus, & habet motorem. Ergo necessarium est quod motus æterni, motor sit æternus, & quod sit immobilis, quia est primus motor, non ab alio motus, quia in mouentibus non est procedere in infinitum.

In textu vero 46. dixit ad rem præsentem non facere, an omnis motor immobilis sit æternus, sed bene ad institutum suum iuuabit manifestare, quod datur vnus primus motor immobilis omnino, ita vt non moueatur (externo motu, non interno vt est intelligere) nec per se, nec per accidens. Hoc probat. Perpetuus motus generabilium, & corruptibilium sub generatione, & corruptione non potest esse ab aliquo mouente particulari, quia hic non semper est, Motus vero generationis, & corruptionis est semper, nec potest esse ab omnibus, nam hi motores erunt infiniti, & non omnes simul; ergo nec possunt simul causare. Ergo deueniendum est ad vnum perpetuum motorem, qui perpetuo moueat, vt causa correspondeat effectui.

In tex. autem 48. ostendit hunc motorem perpetuum esse tantum vnum sic. Frustra sit per plura, quod potest fieri per pauciora, & æque bene, quia natura abhorret superfluum, & vitat in ordinatū. Sed æque bene fieri potest, quod detur tantum vnus primus motor perpetuus, ac si daretur mille, & mille motores perpetui. Ergo dicendum est quod tantum sit vnus primus motor perpetuus.

In tex. 49. idem probat alia ratione sic. Motus semper est, & continuus, ergo erit tantum vnus primus motor, & vnum primum mobile. Antecedens supponitur ostensum. Consequentia probatur, quia continuus motus, & perpetuus oportet vt sit a continuo, & perpetuo mouente, tales autem non possunt esse motores particulares.

In tex. 50. postquam Philos. perpetuitatem primi motoris, ex perpetuitate generationis, & corruptionis animalium mouentium seipsa ostendit, modo idem intendit ostendere comparando adinuicem motores immobiles animalium, cum motore primo absolute, & in summa ratio sic



fic conficitur, elicitā non solum ex text. 50. sed etiam § 1. Quod aliquo modo ab alio mouetur, non potest dici omnino immobile, & perpetuum. Sed animalia de quibus dictum est supra quod seipsa mouent, ab alio quodammodo mouentur. Ergo cum dandum sit vnum perpetuum mouens, hoc non erunt animalia. Maior est manifesta, minorem probat, quia ista mouentur motu locali, & antequam ad terminum motus localis perueniant, mutantur prius alijs motibus extrinsecis, puta alteratione augmentatione, alimenterationis, & excitationis, vltierius in ipsis pars quæ mouet, per accidens mouetur, vnde animal non est omnino immobile.

Et quamuis intelligentiæ inferiores ob res mouentes videantur moueri per accidens, cum suis orbibus, sicut mouetur anima cum corpore, non tamen sic est. Quia anima mouetur, vt pars corporis, & vt illud informans, non sic intelligentia, quæ non est forma, nec pars orbis, vnde dicitur solum moueri non cum alio, sed in alio, quia, scilicet orbis mouetur.

In text. 53. ostendit mobile quoque esse vnum primum, & vnus primus motus, & ratio est. Quia vnus motor perpetuus, & vniformis, oportet habere vnum mobile sibi vniforme. Tale autem dicitur primum, per quod causat diuersitatem in inferiori.

Circa supradictos autem textus plura veniunt notanda. Notandum est primo, quod Philosoph. in text. 45. ex motu æterno deducit motorem æternum, sed cum his conditionibus. Prima, quod sit vnus, nam si multiplex esset, & sine dependentia vnus ab altero, non esset primus, cum primum dicat ordinem, & respectum ad sequentes. Secunda, quod sit continue mouens, id est sine intermissione, per quam conditionem excludimus motum animalium, quia eius principium, scilicet anima sicut est principium motus, ita est etiam aliquando principium quietis. Tertia, quod correspondeat vni mobili adæquate, nam causa adæquata, effectum adæquatū habet, & ideo cum nullum mobile particulare possit motori vniuersali correspondere adæquate, dicendum venit, quod datur vnus primus motor, Quarta est quod sit immobilis, quæ conditio implicite deducitur. Primo, quia primus motor per-

petuo mouens, non potest ab alio moueri, si enim est primus motor, non habet à quo moueri possit, & si perpetuo mouet, moueri non poterit, cum idem non possit esse in actu, vt mouens, & in potentia, vt mobile, & esse sub rationibus contrariis, id est mouere, & moueri in eodem tempore, cum detur semper mouens. Secundo deducitur, quia si est motor æternus, non erit mobilis, quia sic daretur aliquid instans in quo non esset motor.

Secundo notandum venit circa text. 46. quod omnia quæ sunt, à primo motore dependent. Primo in esse, quia vt dicitur primo de celo, esse omnibus tributum est à primo, & secundo Metaphys. Nisi essent substantiæ separatæ nihil esset. Secundo in conseruatione, vt habetur secundo de celo text. 17. vbi dicitur, quod opus Dei est æternitas, & quod si calum desineret moueri, cuncta confunderentur. Tercio in operatione, quia primo cessante à motu, omnia alia à motu cessarent, quia secunda mouentia, non mouentur nisi mota à primo. Quare primus motor non solum dicitur causa omnium ordinatorum secundum se, sed etiam ordinatorum ex accidenti, quia omne per accidens, reducit ad id quod est per se, cum & hæc habeant suam causam.

Tercio notandum venit, quod Arist. in text. 47. negat numerum infinitum in materialibus, & in immaterialibus, per ea quæ natura sunt includeudo etiam immaterialia, quoniam & ipsa sunt substantiæ, & non arte conficta. Nec per hoc S. D. est contrarius sibi dum 2. contra gentes cap. 8. dixit, Aristot. non probare repugnantiam infiniti nisi in materialibus, non vero in immaterialibus, quia loquitur de Arist. hoc probante ex professo, sicut facit in 3. Physicor. non hic, teat tamen secundum veritatem non posse nec etiam dari potentia Dei ordinaria infinitum in immaterialibus, de qua re diximus satis in tertio.

Quarto notandum est circa text. 51. & 52. quod anima dicatur moueri per accidens itat dupliciter. Primo vt ly per accidens significat rem motam, & nō causam motus, nam sic anima dicitur moueri casualiter per se, quia est propria, & per se causa motus, Physici corporis. Secundo vt idem sonat quod per aliud, & ita verum est,

est, quod anima quæ est motrix in animali per se, mouetur per accidens, idest per corpus, quia motis nobis, moueantur quæ sunt in nobis, dum pendent à nobis, vt facit anima dum est in corpore. Et hoc modo dicitur crescere extrinsece per corpus, dum corpus crescit, ita dicitur dormire, vigilare, currere, & stare per aliud, idest per corpus, non quod hæc formaliter redundent in animam, sed quia sequitur pro hoc statu dispositionem corporis, in actionibus coniuncti, quod expressit hic Arist. dum dixit, animam non solum moueri motu locali per accidens, sed etiã alijs motibus.

Quinto notandum venit ex text. 53. quod motores sunt in tripli differetia. Nam vnus est primus motor, alij sunt motores orbium, & alij animalium mortalium. Hi autem distinguuntur. Primo in viuere, & vita, quia primus est perpetuus, & independenter. Motores orbium sunt perpetui, sed dependenter, motores vero mortalium corporum, idest animæ, si eductæ sunt de potentia materiæ, subiectæ sunt interitui, si vero à de foris veniat, vt anima intellectiua, ipsa manet, sed mouere, & viuificare corpus desinit. Secundo differunt, quod primus motor non mouetur villo modo ab alio, nec per accidens, nec per se, motores vero orbium secundum Aueroem mouentur ab alio, idest à primo motore, non tamen vt partes orbium, sicut mouentur animæ animalium. Vel secundum alios motores orbium dicuntur moueri ab alio, sed non ex accidenti, cum non dependeant ab orbibus, at motores animalium dicuntur moueri ab alio, quia nõ sunt primi motores, & ex accidenti, quia dependent à corpore. Tertio differunt, quia primus motor nullo motu mouetur ab alio, nec vt ab efficiente, nec vt à fine, motores vero orbium per se mouentur, & tantum à primo motore, mouente per modum amati, & desiderati, vt scilicet ei assimilentur, at per modum causæ efficientis à primo motore mouentur quidem, sed & ipsi vt proprii motores mouent. Motores vero animalium mouentur à primo motore, vtroque modo, sed per motores orbium, quia primus motus descendit per inferiores orbis, & eius causalitas. Quarto differunt, quia primus motor, & motores orbium

semper mouent, & motu vniformi, & regulari, non sic motores animalium. Quin to differunt, quod primus motor immediate virtutis, & suppositi dicitur mouere omnia quæ ab alijs motoribus mouentur, at motores orbium immediate suppositi non mouent nisi suum orbem, & motores mortalium mouent immediate virtutis in suo ordine, & suppositi in suomet genere.

Sexto notandum venit, quod Arist. dicit mundum esse cõtinuum Deo, per continuum autem duo possumus intelligere. Primum est indiuisibilitas in actu, vt illud dicatur continuum, quod est indiuisum in actu, sed diuisibile in infinitum in potentia, quod continuum dicitur quantitatum. Secundum est dependentia, & nexus inter mundum, & Deum, quod dicitur continuum per causalitatem, & dependentiam, & hoc modo dicitur mundus Deo continuus, quo pacto etiam dixit primo Meteororum, oportere mûdum mortalem esse continuum superis latronibus.

Septimo notandum est etiã quod mundus ab Academicis dictus est imago sensibilis, insensibilis Dei, & filius Dei, quia ab alio quam à Deo produci non potuit. Dicitur autem similis Deo. Primo in vnitatem, quia Deus est vnus, & mundus est vnus, & si non infinitus, vt est Deus, sed finitus. Secundo in continentia, quia mundus omnia creata continet, vnde hoc vniuersum dicitur quasi omnia in vnum versa, Deus etiam omnia continet, & si mundus contineat quodam ordine superioris, & inferioris, & quibusdam gradibus generabilibus &c. at Deus omnia continet formaliter, quo ad ea quæ simpliciter dicunt perfectionem, & eminenter causaliter, quo ad ea quæ dicunt secundum se imperfectionem, vnde Deus dicitur intelligens formaliter, & lapis eminenter, & causaliter. Tertio vtrique tribuitur conditio spheræ, & circuli, ideo dicitur Deus sphaera immobilis, & circulus, cuius centrum est vbique, quia in omnibus rebus est per essentiam, præsentiam, & potentiam, cum hoc, quod sicut omnia ab eo sunt effectiue, ita ad eum tendant tanquam ad eorum finem. Quinto in permanentia, quia vterque dicitur permanere, quatinus Deus omnino permanens sit, mundus vero quo ad substantiam, quo

vero

vero ad multa accidentia nequaquã. Sexto ambo dicuntur eſſe in ſe, vnde Ariſt. hic dicit, Deum manere in ſe, & ita mundus, quatenus nullo ſui generis eget. Septimo dicitur eſſe in alio. Deus in vniuerſo per imenſitatem, & mundus dicitur ſecũdum imaginationem eſſe in quodam intervallo vãcuo re ſolida, vel melius in ſeipſo, per partes in quibus intelligitur eſſe, vel in Deo, vt effectus in ſua cauſa. Octauo in perfectione, quia Deus eſt perfectus omnino, & ſimpliciter, & mundus in genere creatorum.

Octauo notandum venit circa illã propoſitionem in tex. 5. aſſumptam. Si motor eſt æternus, mobile eſt æternum, quod talis conſequentia non eſt absolute vera de omni mouente, ſed vera eſt ratione materiæ de qua erat ſermo, vnde non inſicitur talis conſequentia, dicendo non currere, quia anima noſtra eſt motor æternus, & tamen mobile, id eſt corpus eſt corruptibile. Nam primo dicimus animã non mouere corpus immediate, ſed mediante phantafia, corde, & ſpiritibus, quæ ſunt entia corruptibilia. Secundo, quia anima non dicitur motor corporis æternus, quia non mouet ipſum æternaliter, ſed temporaliter, quamuis in ſe dicatur æterna, id eſt immortalis. Tercio, quia eius actus non eſt æternus, & vniſormis, quia varia intelligit, & vario modo.

## QVÆSTIO XII.

*Utrum neceſſe ſit eſſe vnum primum  
ens immobile principium  
omnium entium.*

**V**idetur quod non. Primo. Nam nihil pertinens ad genus quantitatis ponendum eſt in eo, quod eſt ab omni quantitate remotum, vt eſt primum principium. Sed vnum eſt de genere quantitatis, cum ponatur principium numeri. Ergo non poſſumus dicere eſſe vnum primum ens immobile, principium omnium entium.

Secundo. Ab vno ſemper eodem modo ſe habente non poteſt immediate procedere multitudo entium. Sed à primo principio procedit immediate multitudo entium. Ergo non poteſt eſſe vnum primum principium immobile. Maior eſt

Ariſt. hic, vbi dicit. Immobile quidem enim eundem ſemper mouebit, eodem modo, & vnum motum, velut, nihil ipſum mutans, ad id quod mouetur. Minor eſt nota.

Tercio. Si hoc eſſet, eſſet quia non poſſet dari proceſſus in infinitum in mouentibus motis, quia ſi daretur non reperiretur primum mouens, & ſi non eſſet primum mouens, nec eſſent ſecunda mouentia, quoniam hæc mouent mota à primo vt argumentatus eſt Ariſt. Sed hæc ratio fallax eſt, quia ſupponit id quod eſt probandum. Nam ſi in mouentibus, & motis eſſet proceſſus in infinitum primum non eſſet cauſa ſecundorum.

Quarto. Articuli fidei demonſtrari nõ poſſunt. Sed eſſe vnum primum principium viſibile, & inuiſibile continetur in primo articulo fidei. Ergo hoc vt verum, & neceſſarium, non poterit demonſtrari, vt hic facit Ariſt.

Quinto. Quo magis bona multiplicentur in vniuerſo, eo amplius ipſum faciunt perfectum. At eſſe vnum principium dicit bonum. Ergo eſſe plura principia dicit plura bona. Ergo melius erit eſſe plura principia. Quam vnum tantum.

Sexto. Minor mundus id eſt homo ſecundum Ariſt. hic text. 17. aſſimilatur maiori mundo. At in minori mundo id eſt inter homines multi ſunt principes abſoluti, ergo & in ſuperiori, & ita non erit vnum primum.

Septimo. Si daretur vnum primum principium, aut dominaretur dominio diſpotico, aut politico; Si diſpotico, tollitur libertas hominum, quia tale dominium eſt domini in ſeruos absolute. Si politico, non eſſet cauſa, & principium morium inuariabile, quia tali dominant poteſt fieri reſiſtentia, & inobediencia.

Octauo. Quod affirmatur de motu, aſſirmandum quoque eſt de mobili. Sed de motu aſſirmit Ariſt. hic 1. de celo, & mundo, & 12. Metaphyſ. eum eſſe æternum, nec fieri, nec corrumpi, & conſequenter non habere cauſam effectiuam. Ergo nec cælum, nec eorum motores. Minor vt diximus eſt Ariſt. Maior probatur, quia motus ſubieſtatur in celo.

Nono. Ingenitum, & incorruptibile, quæ contra genitum, & corruptibile ponuntur, nullo modo poſſunt non eſſe, vt

asserit Arist. primo de celo tex. 120. 121. & 124. Sed entia incorruptibilia sunt ingenta. Ergo non possunt non esse. Ergo horum causa non poterit esse primum principium idest Deus.

Decimo Arist. 2. Metaphys. tex. 4. expresse dicit quod prima principia corporum celestium, quæ sunt intelligentiæ non habent causam. Ergo primum principium horum non erit causa.

Vndecimo. Idem Arist. 5. Metaphys. tex. 6. affirmat esse multa necessaria, quæ nullam causam habent. Ergo.

Duodecimo. Substantiæ quæ nullam potentiam passivā habent sunt suum esse, nec illud habent ab alio per participationem, quia sic esse esset actus & essentia, potentia. Sed substantiæ separata nullam in se habent potentiam passivam secundum Arist. 12. Metaphysicor. tex. 30. Ergo &c.

Decimotertio. Aristot. 12. divinorum postquam concludit dari substantiam, sine magnitudine impassibilem, & inalterabilem, mouentem tempore infinito, & infinitæ virtutis, in tex. 42. mouet difficultatem, an hæc substantia sit vna, vel plures, & in text. 43. determinat esse plures. Sed substantiæ infinitæ virtutis hoc habent, quod vna non dependet ab alia, per eundem. Ergo.

Decimoquarto. Illud quod intrinsece est necessarium, ab alio non habet esse effectiue. At intelligentiæ sunt entia in se intrinsece formaliter in corruptibilia, & necessaria. Ergo non habent esse à primo principio. Minor est Arist. 9. Metaphys. tex. 21. & 22. & 12. eiusdem tex. 41. 42. & 43. Maior probatur, quia quod ab alio est, & sit, potest non esse.

Decimoquinto. In æternis, & perfectis idem est esse, & posse esse, quia in eis potentia non est distincta ab esse: At si perpetua à Deo sunt effectiue habent potentiam ad esse, & ad non esse. Ergo perpetua non sunt ab alio effectiue. Minor est nota. Maior est Aristot. 9. Metaphys. text. 18.

Decimosexto. Arist. 1. Phys. text. 54. ex communi Philosophorum sententia deducit ex nihilo nihil fieri, & ideo esse in omni factione supponendam aliquam substantiam, quam materiam dicit. Ergo materia est improducta.

Decimoseptimo. Si totus mundus esset à Deo esset per simplicem emanationem, Sed hæc apud Arist. non datur, quia ea data ruit totus processus Philosophi, in hoc 8. facti, ad probandam æternitatem motus. Ergo &c.

Decimo octauo. Dum Aristot. causam effectiuam definit, eam per esse principii motus definit, vt patet secundo Phys. & quinto Metaphys. sed æterna non possunt esse producta per motum, quia quæ per motum producuntur non sunt æterna, vt patet ex dictis Philosophi in hoc octauo cap. 1. & 2. Ergo primum principium non est causa effectiua totius vniuersi.

Decimonono. Si Deus producere has omnes, illas produceret per aliquam actionem transeuntem in externam materiam, sed actio transiens non est in Deo formaliter, vt docent Theologi. Ergo &c.

Vigesimo. Quod conuenit alicui per essentiam, non ei conuenit ab alio, vel per aliud. Sed omnibus rectus conuenit esse talis naturæ per essentiam suam, vt quod homo per essentiam sit animal rationale. Ergo &c.

Vigesimo primo. Primum in vnoquoque genere, non est necessarium quod sit causa effectiua omnium eorum quæ sunt in illo genere, nam albedo quæ est primum colorum, non est causa effectiua omnium colorum, sed exemplaris, vel signalis. Ergo nec propter hoc quod Deus est primum principium, potest deduci quod sit principium effectiuum, & effecerit omnes res.

Quoniam de efficientia mundi, & productione omnium creaturarum supra fuisse egimus, ideo non erit hic multum laborandum in ponendis fundamentis, sed illico procedendum est ad probationem notæ conclusionis, ostendendo quæ Phil. hic literaliter dixit, & supra à nobis sunt explicata.

Conclusio igitur affirmatiua est. Datur vnum primum principium immobile. Quod est causa effectiua omnium rerum. Hæc ponitur contra Comment. & asseras Comment. 41. 12. Metaphys. inter quos est Greg. de Arimino 2. dist. 1. Nam hi dicunt, quod vel loquimur de rebus generationi, & corruptioni subiectis, vel de incorruptibilibus, & sempiternis. Si de primis, concedunt Deum esse causam

fam effectiuam, & finalem omnium illorum. Si de secundis, affirmat eum esse tantum causam finalem, non vero effectiuam. Nos autem cum S.D. p.p. quæst. 44. art. 1. de pot. quæst. 3. art. quinto, secundo, contra gentes cap. 15. cap. 2. dist. 1. quæst. 2. conclus. 4. Caict. p.p. quæst. 44. artic. 1. Soncinæ 12. Metaphyl. quæst. 16. lauello quæst. 28. & omnibus modernis, tenemus Deum de mente Arist. & secundum veritatem esse causam finalem, & effectiuam omnium rerum corruptibilem, & incorruptibilem. Probat. Ergo primo de mente Arist. Nam primo Politicorum cap. quinto ait, Deum fecisse omnia propter hominem, quod & affirmat secundo Physl. tex. 24. Item 2. Meth. cap. 23. dicit Dæmones etiam esse opus Dei, & secundo de generatione tex. 59. asserit Deum omnia compleuisse, quibusdam dando æternitatem, & alijs continuam successionem in diuersis indiuiduis, & tex. 51. ait, tot principia in rebus sempiternis requiri, quot sunt in primis, idest in elementis nempe, materiam, formam, & efficiens. Et ad Alexandrum sæpe contestatur omnia esse Dei opera, cælum, terram, animantia, & omnibus vitam dare, regere, ac gubernare omnia, ac conseruare.

Secundo probatur ex octauo Physl. tex. 15. ubi reprehendens Democritum, & Empedoclem; opinantes nulli rei sempiternæ esse assignandam aliquam causam subdit. Quod autem in omnibus non recte, etenim trigonum semper habet duobus rectis æquales angulos, sed tamen ex perpetuitate huiusmodi altera causa. Patet ergo quod sempiternorum, idest corporum cælestium, & substantiarum separata facit aliquam causam.

Sed commentitæ simpliciter respondent. Primo quod ibi Arist. loquitur piteris complexis, idest propositionibus sempiternæ veritatis, non vero de incomplexis subsistentibus, vt sunt intelligentiæ. Secundo quod dato quod loqueretur de incomplexis, verificaretur non de causa effectiua, sed de finali. Tertio quod dato quod etiam loquatur de habente causam effectiuam, non tamen sequitur, quod de intelligentijs loquatur, sed de successiuis, vt est motus, & tempus. Sed contra primam responsionem stat. Primo, quod ibi loquitur expresse Aristot. contra De-

mocritum de motu æterno, hic autem nõ est quid complexum, sed incomplexum. Secundo, quia necessitas complexorum dependet ab existentia subiecti, & predicati, quæ secundum se, & vt in rerum natura existunt sunt incomplexa, vnde ad primam radicem pergendum est. Contra secundam est primo, quod pro subiecta materia concludendum est ibi Arist. loqui de causa effectiua, quia propositiones ex quibus deducitur conclusio eam inferunt, per modum causæ efficientis, & non finalis. Secundo, quia habere tres in trigono, de quo ibi exemplificat Arist. nõ provenit ex causa finali, sed effectiua. Tertio, quia quæ habent causam finalem, habent etiam causam effectiuam. Nam definitio finis id explicat. Finis enim dicitur id cuius gratia aliquid fit effectiue. Contra tertiam responsionem est exemplum de triangulo, qui est res permanens, vnde si verificatur in successiuis, non redditur falsa in permanentibus.

Tertio principaliter. Arist. 2. Metaph. tex. 4. sic scribit. Vnumquodque vero maxime ipsum aliorum dicitur, secundum quod & in alijs inest vniuocatio, vt puta ignis calidissimus, etenim est causa alijs sic caloris, quare est vniuersum, quod posterioribus causa est, vt sint vera. At per eundem Arist. 12. Meth. tex. 37. Deus est maxime ens, & verum. Ergo Deus est causa omnium effectiuum.

Respondent aduersarij, Deum esse maxime ens, & verum, sed non effectiue. Sed contra primo stat exemplum de primo calido, quod sicut primum calidum est causa omnium calidorum, ita & Deus omnium entium. Primum autem calidum est causa effectiua omnium calidorum. Secundo, quia si dicatur Deus causa finalis, erit & effectiua, vt supra. Tertio, quia si Deus est causa conseruatiua omnium, ergo & effectiua, quia ad eundem pertinent esse, & conseruare.

Quarto principaliter, ex eodem text. elicitur tale argumentum. Quod est tale per essentiam, est causa effectiua omnium aliorum, quæ sunt talia per participationem, vt calidum per essentiam, omnium participantium caliditatem. Sed Deus dicitur ens per essentiam, & bonus per essentiam &c. Ergo erit causa effectiua omnium aliorum, quæ sunt talia per participationem.

Quinto. Omne necessarium, aut est necessarium ex se, aut ex alio; sed Deus non est necessarium ex alio, ergo ex se. At Deus distinguitur ab omni alio, quod non est Deus. Ergo illa erunt necessaria ab alio. Maior est Arist. 7. diuinorum tex. 6. Respondet Ariminenfis, Arist. loqui de necessario complexo, idest de propositionibus necessariis, quæ sunt demonstrabiles conclusiones. At contra eum stant verba sequentia Arist. quæ sunt illa. Quare primum, & proprie necessarium quidem simplex, & communiter illa verba exponuntur de prima causa.

Sexto 12. Metaphysic. cap. 2. docet Deum esse omnium causam, & principium, & tex. 38. ab eo dependere cælum, & naturam. Quæ verba si Auerroës voluerint exponere de causa finali, obstat verbum principij, & causæ, & dependentiæ nomen, & quia quæ habent causam finalem, habent etiam causam effectiuam. Et insuper, quod idem Arist. tex. 52. facit Deum causam ordinis vniuersi effectiuam, quod autem est causa passionis, est etiam causa subiecti, quia mutuo se consequuntur. Si igitur ordo vniuersi est passio vniuersi, & efficitur à Deo, ergo Deus erit quoque causa vniuersi.

Septimo. Vel intelligentiæ (de quibus est principalis difficultas) habent esse à se, vel à Deo. Si à Deo, habemus intentum. Si dicatur à se, ad quid referuntur ad Deum, ut ad causam finalem, ut dicunt contrarij. Nam ordinari in Deum, est in esse, motu, & conseruatione dependere à Deo, nec esse propter se. Sed propter Deum.

Octauo. Vel omnes intelligentiæ sunt æque perfectæ, vel non. Si primum, ergo nulla est subordinatio inter eas, & consequenter tollitur ordo mouentium, & mobilium, superiorum, & inferiorum, conceditur confusio possibilis inter eas, immo dissolutio totius vniuersi, si non concordarent ad inuicem. Si secundum, idest si non sunt æque perfectæ, & distinguuntur per esse magis perfectum, & minus perfectum, necesse erit, ut minus perfectæ dependant in esse, in quo stat propria perfectio naturæ à primo perfecto, & summo omnium duce, Deo ipso.

Nono, per Arist. tertio Physic. Si daretur corpus infinitum hoc non esset nisi vnum

quia contineret eminenter omnem perfectionem corporum At Deus est infinitum ens, continens omnium entium perfectiones, ut dicitur hic tex. 62. Ergo non est nisi vnum. Cum ergo dentur plura euntia, ab illo vno dependere, dicendum erit.

Ad primum dicimus, quod currit de vno de genere quantitatis, nos autem dicimus Deum esse vnum unitate formali, & transcendentali.

Ad secundum dicitur, quod minor procedit de mouente de necessitate naturæ, Deus autem est primum mouens liberum. Vel secundo dicito, quod concludit eum operari necessario, & eodem modo, ex suppositione, non absolute, vt docuimus supra. Tertio dicitur, quod multitudo prouenit immediate ab hoc vno, ut in causa, quia elegit cælum, ut agar ad plura.

Ad tertium diximus supra, nos negare posse esse processum in infinitum in mouentibus, quia secunda mouentia non mouent nisi mota à prima, vnde concludimus dari primum, & non supponimus, quia datur motus.

Ad quartum dicimus, quod articuli fidei non possunt à priori, & demonstratione potissimum probari, sed bene à posteriori ostendi, & ex principijs naturalibus conuinci, apud eos qui ea concedunt. Secundo dicitur, cum S. D. p. p. quæst. 2. art. 2. quod Deum esse, est quoddam præambulum ad articulos fidei, præambula autem lumine naturali possunt probari. Sed adde, quod ponitur inter articulos, ut facit ipsum omnipotentem, creatorem &c. ad hoc ut sicut per rationem naturalem de hoc habemus aliquam euentiam abstractiuam, non intuitiuam, ita per fidem de hoc habeamus omnimodam adhesionem, & tenemus firmissimam sententiam.

Ad quintum dicendum, quod maior valet quando illa bona sunt finita, & possibilia, modo Deus est infinitum bonum, & multa infinita bona esse non possunt, nec expedit, nec possibile esse plura prima principia.

Ad sextum primo dicitur, quod inter homines vnus principatur, qui vices Dei in terris obtinet, idest summus Pontifex. Secundo dicitur, quod homo est similis maiori mundo quo ad hoc, quod anima in eo regit omnes potentias inferiores, sicut



primum principium omnia inferiora. Tertio dicitur, quod alia est ratio de homine, & alia de primo principio mouente, &c. Nam homines naturali ordine vniuersi non sunt adinuicē subordinati, sicut sunt omnia entia Deo.

Ad septimum dicimus, Deum dominari dominio dispositio, cui non licet resistere, nec possibile est, fuit manus non potest resistere animæ eam volenti mouere. Sed per hoc non tollitur libertas quo ad potentiam liberam, & actum eius liberum, (& si tolli possit, & impediri quo ad executionem) nam quamuis dominum eius absolutum sit per independentiam, tamē participat de politico quo ad actiones, quia agit in omnibus causis secundum eorum naturam, & conditionem, ita ut in liberis operetur libere, & in necessarijs necessario.

Ad octauum dicimus, Arist. negare motum fieri, &c. cum nouitate essendi, non sine nouitate essendi, ut supra est dictum.

Ad nonum dicendum, quod incorruptibilia dicuntur ingenita omnino per naturalem transmutationem, & motum, materiam supponentem, non vero quod non sint genita, & producta, per simplicem emanationem.

Ad decimum primo dicitur, quod duo de intelligentijs ibi dicit Arist. Primum, quod sunt principia, & causæ motuum celestium. Secundum, quod in eis non est processus in infinitum, unde venit ad primum independentem, & causa aliorum. Dum ergo dixit intelligentias non habere causam, eas primo modo considerauit, id est, ut causæ sunt celestium motuum, non dicuntur effectus, sed causæ, & secundo modo non negat immo affirmat ens dependere à primo principio. Alij dicunt, quod ibi accipitur plurale pro singulari, & sit sensus, quod primum principium non habet causam, sed est causa omnium. Hoc autem scire Arist. fecit, dum de intelligentijs loquitur, ut patet 12. Met. tex. 30. & alibi, agit enim de eis, ut de vno genere tertio alij dicunt ibi non esse de causa absolute sermonem, sed de non habere causam ad esse in aliquo tempore, & in alio non, unde est sensus. Intelligentiæ non habent causam, ut aliquando sint, & aliquando non, sed ipsæ per motum sunt causæ, ut inferiora aliquando sint, & aliquan-

do non sint. Alij dicunt, quod intelligitur quo ad motum. scilicet non habent causam, ut sint mobilia, sed ipsæ sunt causæ motuum. Alij dicunt, hoc non esse intelligendum positue pro omnibus intelligentijs, sed non repugnanter pro aliquo superiori. scilicet pro Deo, qui nullo modo habet causam, prout etiam dixit idem Arist. 7. Met. tex. 41. quod in separatis à materiâ, quod quid est, idem est cum eo cuius est, hoc est natura, & suppositum, quod tamen non est absolute verum, nisi in Deo ipso.

Ad vndecimum dicitur sicut ad decimum. sumit enim ibi plurale, pro singulari, & loquitur non repugnanter stando in primo, id est Deo.

Ad duodecimum dicitur ad minorem, quod valet non repugnanter, id est, pro primo, id est Deo, qui est actus purus. Secundo dicitur, quod duplex est potentia passiva. Prima dicitur propria, & est potentia materiæ. Secunda communiter prout essentia esse comparata habet rationē potentie. Primam negat in omnibus separatis à materiâ. Secundam vero in solo Deo, qui est actus simplicissimus.

Ad decimum tertium dicendum, quod Aristot. in tex. 43. determinat plures esse substantias immateriales, sempiternas, & impassibiles, non vero quod plures, qui sint, sint infinitæ virtutis intusivæ, hoc enim voluit esse intelligendum tantum de prima cum posuerit vnam tantum infinitam virtutem in infinito principio, omnia alia regentem, & mouentem, & est responsio Caietan. in quæst. de infinitate primi motoris, & Ferrar. 1. contra gentes cap. 20.

Ad decimum quartum negatur minor de causa extrinseca, ut est Deus. Secundo dicitur ad probationem, quod illud quod ab alio fit possit non esse, potest dupliciter intelligi. Primo effectiue, id est potest non produci, & hoc verum est, unde dicimus Deum libere omnia creasse. Secundo esse, & non esse ab intrinseco, quia. scilicet habet esse corruptibile, & hoc negamus cum Arist. in intelligentijs differentibus per hoc à corruptibilibus, quod eorum esse non est in potentia ab intrinseco ad non esse, ut est esse corruptibile.

Ad decimum quintum dictum est scire, quod ex nihilo nihil fit per generationem, non vero per simplicem emanationem,

& quod valet de agente particulari, & finitæ virtutis, non vero de vniuersali infinitæ virtutis, qui potuit omnia creare ex nihilo.

Ad decimum sextum diximus etiam supra quod rationes Arist. sunt efficaces ad contradicendum antiquis, ponentibus mundum factum ex chaos, vel aliqua materia, non vero absolute, quia non concludunt contra creationem.

Ad decimum octauum dicimus primo, quod illa definitio causæ per motum agentis est definitio causæ particularis, non vniuersalis. Secundo dicitur, quod potentia actiua dicitur principium transmutandi non solum Physicæ, sed etiam Metaphysicæ, & sic intellexit Aristot. quamuis per motum, vt per rem nobis notio rem distinctiorem explicuerit. Tertio dicitur, quod ibi non diffiniuit potentiam actiuam absolute, vnde p. diuinorum dixit, potentiam esse ampliores ambitus, quam potentia agens per motum.

Ad decimum nonum dicendum, quod actio transiens bifariam considerari potest. Primo formaliter quo ad id quod dicit ad extra, & in subiecto, in quo ponitur terminatiue, & sic non dicitur esse in Deo, quia actio Dei est æterna, infinita, & diuina substantia. Secundo causaliter, & effectiue, id est, vt habet causam, & sic ponitur in Deo, vt efficit creaturas, & dicitur creatio passiuæ.

Ad vigesimum dicitur, quod ly per essentiam duo significare potest. Primo id quod independeret. Secundo idem, quod intrinsece. Primo modo esse Deo conuenit solum per essentiam. Secundo autem modo omnibus rebus creatis, in quo sensu procedit argumentum.

Ad vigesimum primum dicitur, quod quamuis illa maxima possit verificari, etiam de causa exemplari, & finali, tamen necesse est, quod etiā verificetur in causa effectiua, & si hoc est verum, maxime in prima, quæ includit omnem causalitatem, propter infinitam suam perfectionem.

### QVÆSTIO XIII.

*Vtrum motores corporum celestium mouentur per accidens.*

**V**idetur quod sic. Omne quod est in eo, quod per se mouetur, per acci-

dens mouetur. Sed motores corporum celestium sunt in ipsis corporibus celestibus, alioquin etiam non diceretur mouere seipsum. Ergo mouentur per accidens.

Secundo. Secundum Arist. aut motor orbis inferioris vnitur orbi ab eo moto, vt forma vnitur materiæ, aut sicut motor vnitur mobili, toti mobili suam virtutem applicando. At vtroque modo est moueri per accidens, vt dicit hic Philof. tex. 51. Ergo mouetur per accidens.

Tertio. Arist. hic posuit discrimen inter primum motorem absolute, & motores orbium, quod primus absolute non mouetur, nec per se, nec per accidens, inferiores vero vtique. Ergo, &c.

Quarto. Omne per participationem reducitur ad illud quod est tale per essentiam, Sed omnia mobilia, & mouentia inferiora mouent, & mouentur per participationem. Ergo intelligentiæ mouent, & mouentur per essentiam.

Quinto. Intelligentiæ magis vniuntur celo quam anima nobis, vt dicitur secundo celi, comment. tertio. A anima nostra propter vniorem quam habet cum corpore ad eius motum mouetur per accidens. Ergo, & intelligentia ad motum orbis.

Sexto. Quod ita est hic, quod non alibi modo, & deinde alibi, & non hic mouetur totaliter, vt patet. Sed Angeli quandoque sunt in vno loco, & quandoque in alio, vt docent scripturæ, patres, & eorum actio. Ergo per se mouentur.

Septimo. Si motores orbium dicerentur moueri per accidens, per hoc solum quod motus eorum recipitur in orbe, non vero quod in eis aliquo modo recipiatur, sequeretur, quod sicut vnus talis motor, sic dicitur mobilis per accidens, ita etiam possit dici sphæricus, lucidus, & quantus, quia omnia ista insunt orbibus quibus appropriantur. Sed hoc est falsum. Ergo motores orbium non dicentur moueri per accidens denominatione extrinseca, sed intrinseca.

Octauo. Si motores orbium dicerentur solum moueri per accidens, quia mobilia quibus applicantur dicuntur moueri. Ergo & primus motor diceretur moueri per accidens, quia primo mobili applicatur. Sed hoc negat Philof. in primo motore.

Ergo

Ergo negandum est etiam in inferioribus, & sic dicuntur alio modo moveri, quia, scilicet moventur ad motum ipsorum.

Pro resolutione huius questionis. Primo considerandum venit, quod multis modis possumus imaginari motorem orbis, cælo vni, & sic ipsum mouere. Primo enim possumus imaginari ipsum vni ei, vt anima cæli. Secundo, vt forma dans esse, & non vitam. Tertio vt motor vnitur mobili. Primum pronunc exclusum esse volumus, nam infra ostendimus cælum non esse animatum anima informante. Secundum vero nec potest ita esse, tum quia forma dans esse est pars eius cui dat esse, ac intelligentia, est totum subsistens. Item talis forma defatigatur in mouendo, non sic intelligentia &c. Intelligentur ergo tertio modo tantum.

Secundo ergo notandum venit, quod etiam multipliciter possumus imaginari substantiam separatam mouere cælum. Primo de loco ad locum. Secundo circa totum sic, quod totum cælum non mutat locum, quia circulariter mouetur in eodem loco, sed solum dicitur mutare locum secundum partes, quia quandoque pars orientalis secundum se, erit in meridie, vel occidente, hoc autem bifariam accidere potest. Primo quasi intrinsece, idest non deferendo partem motam, vt si imaginemur intelligentiam esse applicatam parti orientali, & ita mouere illam, vt quando illa est in oriente, & intelligentia sit in oriente, & quando in meridie in meridie, & sic discurrendo. Secundo quasi extrinsece, considerando Angelum itare immobilem in aliquo loco, verbi gratia in oriente, vel in connexo cæli, & sic mouere cæli partem, post partem, sicut hylus immotus stando, rotam mouet. Primo modo non intelligimus intelligentiam totum cælum mouere deferendo illud de loco ad locum secundum totum, cum constet cælum secundum totum non mutare locum. Quare etiam dato quod vniretur ei vt forma non diceretur in rigore moueri per accidens, quia quod sic mouetur, mouetur ad motum mobilis, per se localiter transiens secundum se, de loco ad locum, secundum totum, vnde, &c. vnde anima intellectiva non dicitur moueri per accidens in homine, nisi homo secundum

totum mutat locum, non vero si tantum manum, vel pedem moueat, quia non intelligitur proprie, & in rigore formam moueri secundum accidens, nisi suum ad æquatum subiectum mutat locum. Secundo ergo modo dicitur intelligentia moueri, scilicet mouendo cælum circa locum. Mouendo ergo sic cælum, dicimus eam esse applicatam immobiliter vni parti, ita vt semper stet ei coniuncta, deferendo eam de oriente ad meridiem, occidentem, inum cæli, & iterum ad orientem eam reducendo, sic enim moueretur per accidens ad motum partis, quia pars, & intelligentia habent vnionem immobilis, & mouentis, & ita sicut pars mutaret locum, ita & motor. Dicendum igitur erit, quod intelligentia mouet cælum sicut hylus rotam, hylus autem non rotatur cum rota, & ideo denominatione intrinseca non dicitur moueri per accidens, sed tantum denominatione extrinseca, idest quia quod mouetur ab Angelo, idest cælum mutat locum per accidens, idest, secundum diuersas suas partes.

Ideo quarto notandum est, quod cum Angelus non vnitur cælo secundum esse, sed tantum secundum applicationem virtutis, quia scilicet applicat suam virtutem cælo, quod mouet, ideo non est necesse, quod Angelus moueat, sed tantum, quod virtus eius moueat. Bifariam autem possumus considerare Angelum suam virtutem applicare cælo. Primo toti cælo, ita vt in toto agat. Secundo vni parti, per quam totum moueat, non vni tantum precise, sed indefinite, scilicet quod semper vnā contactu virtutis tangat. Primo modo mouendo, nullo modo dicitur moueri, quia intelligitur totum cælum correspondere sibi, vt rota sphaera eius actiuitatis, Angelus autem non dicitur aliquo modo moueri dum intra sphaeram suę actiuitatis aliquid operatur, quauis diuersum, verbi gratia in vna parte incendat, in alia frigidificat. At secundo modo mouendo non dicitur quidem secundum se moueri, quia ipse non mouetur, sed mouet tangendo virtute, & non comitando motum supposito, tamen magis quā primo modo potest dici moueri, quia. scilicet dicit ordinem sic ad partes quæ secundum diuersa vbi dicuntur mutare locum, sed hæc est denominatio extrinseca.

Quo

Quo ad secundum principale ponitur hæc conclusio. Intelligentia mouens orbem, non mouetur per accidens, ad motum orbis. Probatur primo. Tunc mouens mouetur, quando tangit secundum suam substantiam motum, vt patet in anima respectu corporis. At intelligentia non tangit orbem secundum suam substantiam, quia non est ei applicata, vt ostendimus. Ergo ad motum orbis non mouetur per accidens.

Secundo. Quod est mobile per accidens reducit ad illud quod ad mobile per se, quia quod est per accidens, reducit ad id quod est per se, per Arist. 2. Physicor. Sed intelligentia nullo modo reducitur vt eius pars ad mobile per se, sicut facit anima nostra ad motum corporis, Ergo &c.

Tertio. Probatur autoritate Arist. 12. Metaphys. tex. 4. & hic tex. 43. vbi vocat eas immobiles, & infatigabiles.

Ad primum negatur minor de esse in celo, vt forma dans esse, vel dans mutationem celo. Quod autem celum dicatur mouere seipsum, dupliciter potest intelligi. Primo ab intrinseco, & actiue, & hoc est falsum. Secundo ab extrinseco actiue, & passiue ab intrinseco, scilicet quod habet potentiam mobilitatis, & hoc est verum, vnde verius dicitur esse primum mobile, quam primum mouens.

Ad secundum negatur minor, quando illa vnio est mouentis ab extrinseco, scilicet non suscipientis motum, sed tantum dantis, & sic ab extrinseco, & improprie motor orbis planetæ potest dici moueri per accidens.

Ad tertium Alexander videtur distinguere, quod moueri per accidens stat dupliciter. Primo ab alio, quia scilicet sunt in orbibus ab alio motis, vt orbes planetarum mouentur a motore primi celi, mouente moto diurno 24. horarum. Secundo motu ab ipsis motoribus causato, sicut anima causat motum corporis, & ad motum eius mouetur. Secundo modo dicit Arist. negare eos moueri per accidens, primo autem modo concedere, ad differentiam primi motoris, quia nullo mouetur. At Simplicius negat Aristot. ipsos moueri per accidens, & tantum concedere quod moueantur ab alio potest autem motor orbis inferioris moueri ab alio, & non moueri per accidens, quia

non mutat locum sicut mutat corpus motum ab anima, & hæc responsio conformior est textui, & dictis superioribus.

Ad quartum dicimus ad maiorem, quod valet quando vna forma, vel vna ratio apta nata est duobus conuenire, vni per essentiam, alteri per participationem, non autem valet in disparatis, vnde mouere per essentiam conuenit primo motori, & per participationem motoribus planetarum, non vero moueri, quia est prædicatum disparatum.

Ad quintum dicitur, quod intelligentia magis vniatur orbi, quam anima corpori, potest dupliciter intelligi. Primo, vt ly magis idem sonat, quod immobilis. Secundo vt significat idem quod intimius. Primum est verum, quia illa non suscipit contrarium dissolutum, sicut facit vnio animæ cum corpore. Secundum est falsum, quia anima dat esse corpori, non motor orbi.

Ad sextum dicimus, quod valet de Angelis non applicatis orbibus, de quibus est disputatio. p. p. quæst. 53. de his enim non est hic locutus Aristot. isti enim mouentur per se localiter, quia non sunt immensi, & habent sphaeram determinatam suæ actiuitatis.

Ad septimum. Primo dicitur, esse disparatem rationem, quia motus non est prædicatum repugnans intelligentiæ, sicut sunt prædicata dicta, quæ quantitati conueniunt. Secundo dicitur, quod motus causatur ab intelligentia in orbibus, non autem figura, &c. sed hæc sunt à dante esse.

Ad octauum dicendum, quod moueri per accidens ab extrinseco conuenit intelligentiis, & non primo motori, quia hæc etiam mouentur ab alio, id est à primo motore, & quia virtus earum recipitur in suo orbe tantum, vnde habet appropriationem, non sic motiua virtus primi motoris, & ne cogitemus ipsum ab alio moueri, non dicimus, ipsum aliquo modo moueri per accidens.

#### D V B I A.

Sunt etiam multa dubia de his, quæ dicta sunt supra Philosoph. vnde ad maiorem explicationem.

Dubium. Primo circa tex. 48. vbi dicitur,

citur, necessarium esse potest vnum mouens immobile propter perpetuitatem generationis. Contra. Quilibet generatio habet suam causam, vt generatio hominis hominem. Ergo non est querenda alia causa.

Ad hoc dicitur, quod præter causam secundam, & immediatam danda est causa prima, quæ sit causa perpetuitatis, nam hoc, & illud agens non sunt causæ perpetuæ generationis, sed temporales. Ergo danda est causa vna prima perpetua, quæ causet perpetuitatem.

Secundo dubitatur. Circa eundem text. vbi dicitur, quod vnum est primum principium. Ergo deducitur omnia alia sua natura sunt eius effectus. At hoc est falsum, quia ratio causalitatis quibusdam conuenit per se.

Respondetur de facili, hoc esse verum in suo ordine, non vero in ordine ad primum principium, vnde eis conuenit non per se primo. Commentistæ tamen responderent, quorundam esse causam effectuum, & quorundam primum principium per modum finis.

Tertio dubitatur circa text. 49. vbi ex motu æterno primi cæli, ostendit motorem æternum. At hoc est contra id quod diximus in initio huius libri, scilicet quod Arist. demonstrat æternitatem de motu in communi, non de primo motu.

Respondetur, quod in initio octauæ demonstrat æternitatem de motu in communi, hic autem aliam ostendit subiectam in primo mobile, quod est causa omnis motus, & ideo vtrumque stat. Est enim hic motus primum Analogatum ad motu.

Quarto dubitatur. Circa text. 52. vbi dicitur, primum principium non indueri, nec per se, nec per accidens. Contra. Aut dicitur primo, quod primus motor non mouetur, nec per se, nec per accidens, quia secundum suam substantiam est indiuisibilis. Aut secundo, quia non videtur primo mobili secundum esse. Aut tertio, quia primum mobile non mutat locum. Si primum, hoc etiam conuenit animæ, quæ est indiuisibilis, vnde dicitur tota in toto, & tota in qualibet corporis parte, & tamen mouetur per accidens. Si secundum, hoc etiam conuenit intelligentiæ mouentibus orbes planetarum. Si tertium, hoc idem conuenit ex supradictis

secundis motoribus, & est commune omni corpori circulari moto circa locum. Ergo hoc non est singulare in primo motore.

Ad hoc dicitur, quod primus motor dicitur omnino immobilis vt supra diximus, quis à nullo mouetur, vnde quod dicitur omnino immobile duo obtinet. Primum iure suæ naturæ, quia est primus motor omnino mouens, à nullo motus, & hoc ei conuenit secundum se. Secundum iure eius quod mouet, quia est primum mobile, vno motu tantum mobile, id est motu diurno. Nam motores orbium & si mouent suos orbes motu proprio, qui est ab occidente in orientem, mouentur tamen cum suis orbibus, vel moueri possunt solum, & sic non repugnat eis motus per accidens. At primum mobile mouetur tantum motu diurno, & à nullo mouetur, vnde eius motor non habet quod cum eo, aliquo modo moueatur, & ideo non dicitur moueri, nec per se, nec per accidens, quia de se in hoc apparet eius excellentia, & eminentia.

## CAP. VI. VII.

## LECTIO

S. D. 14. 15. 16. 17. 18.

De vero alioque facientibus principium

Postquam ostendit Philosoph. quod primum mouens est immobile, & primus motor perpetuus, hic in text. 54. incipit ostendere quæ sit primus motus, & quale primum mobile. Dicit ergo quod motus quo primus motor mouens, dicitur esse primus, continuus, & perpetuus, & ideo videndum venit, an sic motus continuus, & primus, & quis sit. In textu autem 55. incipit ostendere quæ sit primus motus, ponit hanc conclusionem. Motus localis est omnium primus. Hanc multipliciter probat primo sic. Tres sunt species motus (vt dictum est in quinto) scilicet augmentum, & decrementum, alteratio, & motus localis. Sed augmentum præcedit alteratio, & motus localis alteratione, ergo motus localis est omnium primus. Minore probat

Qd primum

primo quo ad hanc partem, scilicet quod alteratio precedit augmentum, quia augmentatio sic ex dissimili in principio, idest ex cibis diuersis secundum substantiam ab alieno in principio, similibus vero in fine nutritiouis, quando calor naturalis alterat cibos, & illos conuertit in substantiam aliti, quod non fit nisi per alterationem. Quod vero loci mutatio precedat alterationem probat, quia quod modo alteratur, prius non alterabatur, quia ab alterante distabat, modo vero alteratur, quia ei appropinquauit, at appropinquatio fit nlla per mutationem loci. In eodem quoque textu eandem conclusionem secunda ratione sic probat. Secundum antiquos rari, & densum sunt principia, rerum, pro quatuor faciunt congregationem, & disgregationem precedentium partium. At coagregatio, & disgregatio non fit nisi cum mutatione loci, ut partes distantes congregentur, & cinix disgregentur, & separentur. Nec augmentum fit sine acquisitione partium, & decrementum sine deperditione, quæ important mutationem loci, ergo motus localis erit prior alteratione, & augmento. In textu 76. 77. 78. & 79. idem persuadet alijs rationibus supposito, quod prius tripliciter dicitur. Primo per independentiam, quia potest esse sine alio, ut animal sine homine. Secundo per prioritatem temporis, ut Adam fuit prius Abraham. Tertio secundum perfectionem, ut substantia sic dicitur prior accidente, idest perfectior. Ratio igitur tertia est. Ille motus dicendus est prior, qui alios precedit natura, idest per independentiam, tempore, & perfectione. Talis est motus localis. Ergo est prior alijs motibus. Maior est clara, ex distinctione prioris. Minor probatur de prioritate naturæ. Primo. Motus magis continuus, natura est prior minus continuo. Motus localis est magis cõtinuus alijs motibus. Ergo erit eis prior natura. Maiorem probat, quia motus recipit continuitatem spati, & temporis, & hæc recipit motus localis, non vero alij motus, ut infra ostendetur. Quarto hoc idem probat, quæ ratio etiam facit ad probandum motum localem esse alijs priorẽ per independentiam sic. Ille motus per independentiam est prior, qui sine alijs esse potest, alijs vero non sine ipso. Sed

motus localis potest esse sine motu alterationis, & augmenti, ut patet in corporibus celestibus, qui solum mouentur motu locali, motus vero alterationis, & augmenti non possunt esse sine motu locali celorum, quia eo non existente, non essent alij motus. Ergo est prior. Quinto idem sic probat. Is motus prior est, qui solis corporibus perpetuis inest. Talis est motus localis, qui inest corporibus celestibus perpetuis. Ergo motus localis erit prior, & tempore, ad hoc enim facit hoc argumentum. Notat autem Philos. quod motus localis dicitur primus stat dupliciter. Primo in hoc individuo, & hoc est falsum; quia prius eius materia per præuias dispositiones alteratur, sic, & augetur, antequam motus locali moueatur. Secundo absolute, & sic motus localis est primus, & non dicitur genitus, sed prima causa generationis. Sexto idem probat, sed de prioritate perfectionis tripliciter. Primo ratione subiecti, quia nihil mouetur motu locali nisi sit perfectum, quasi plantæ, conchæ, spongiæ, & alia quæ instrumentis motui careant, sint imperfecta. Secundo ratione mutationis, quia motus augmenti, & decrementi mutat sic motum cum acquisitione, vel deperditione, vel substantiæ, vel eorum, quæ substantiæ insunt, at motus localis non mutat substantiam, quia est ad locum existentem extra substantiam. Tertio ratione principij motus, quia, scilicet id quod seipsum mouet, maxime se mouet, secundum motum localem, & sic motus localis dicitur primus.

In textu 61. inquit, qui nam motus localis sit primus, & dicit illum esse, qui est cõtinuus, & perpetuus, unde talis erit motus circularis, quia præter illum nullus alius motus potest esse perpetuus.

In textu ergo 62. probat præter motum localem, nullum alium motum posse esse perpetuo continuum. Hoc sic probat. Nullus motus qui sit de contrario in contrarium potest esse perpetuo continuus. At omnis motus præter circularẽ est de contrario in contrarium. Ergo nullus motus præter circularẽ poterit esse perpetuus. Maiorem iudicio meo ostendit, quia cum omnis motus habeat terminum, oportet ut quandoque dicat subiectum sub termino, verbi gratia, album sub albedine, antequam



tequam transeat ad nigredinem, quies au-  
tem est in tempore, & sic tempus interce-  
dit in motu de contrario in contrarium.  
Minorem declarat, quia mutatio est inter  
ens, & non ens, alteratio inter contrarias  
qualitates, augmentum, & diminutio inter  
perfectam, & imperfectam quantitatem  
viuentium, qui sunt motus inter con-  
traria, seu inter opposita, & contrarieta-  
tem extendamus ad quamcunque opposi-  
tionem. Sed quoniam contra supradic-  
tam rationem possunt esse tres obiectio-  
nes, ideo eas soluit. Prima est, quod ali-  
quis posset dicere, quod generatio, & cor-  
ruptio non sunt contraria, & ideo possunt  
simul esse. Respondet, quod sunt oppo-  
sita, sed nec opposita possunt esse simul.  
Secunda est, quod videtur falsum, mobi-  
le debere quiescere in termino a quo,  
quia tunc non est, quia quod generatur,  
non est. Respondet, quod ibi est, ut in ter-  
mino a quo, qui fuit motus ad quem pra-  
cedentis motus, & quod sufficit, quod ibi  
aliquando quiesceat sub opposito. Tertia  
est, quoniam dictum est motus esse con-  
trarios, & postea dictum est, vnum inci-  
pere a quiete contraria, sic enim videtur  
vnum habere duo contraria. Respondet,  
sufficere quod motus opponat alteri mo-  
tui, & quieti, de qua re dictum est in s.

In textu 64. probat nullum motum localem præter circularem posse esse perpetuum sic: Omnis motus localis, aut est rectus, aut circularis, aut mixtus ex utroque, ut qui fit per chordam, & arcum. Sed nec rectus, nec mixtus possunt esse continuo perpetui. Ergo erit solus circularis. Maior patet ex sufficienti diuisione. Minorem probat decreto. Nam motus rectus, vel est simplex, idest de contrario in contrarium, vel reflexus, ut ab A, in B, & à B, in A, idest motus conuersus. At omnes hi motus sunt contrarij inter se, quia se impediunt, & motus contrarij, ut dictum est, non possunt esse continui. Ergo. Secundo hoc probat in textu 65. sic. Illi motus non sunt continui, inter quos mediatur quies. At inter motum rectum, & reflexum (de quo videtur dubitatio) mediatur quies, etiam in circulo. Ergo non sunt continui. Maior est nota. Minorem probat. Primo, quia experimur mobilia in his reflexionibus retardari. Secundo, ratione. Quia scilicet habent principium,

In tex. 66. mouet dubium, & soluit dicendo, & ostendendo, quod punctum in medio, cum non sit actu non potest dici-  
re, nec importare quietem, bene in prin-  
cipio, & in fine motus, & in summa du-  
bium, quod valde obscurum est, resoluit  
tunc dicendo, discrimen esse dum mobile  
est in medio motus, & in terminis, quia  
in medio motus est actus eius, vt existen-  
tis in potentia, cum cōtinua cadentia ad  
terminum, & ideo tunc non intelligitur  
quiescere, at in terminis vtique, quia tunc  
intelligitur motus terminatus in actu, &  
ideo cessare motum, & hoc prosequitur  
Phil. tex. 67. & 68.

In tex. 89. ostendit, quod in tempore  
constituendum est quoddam instans me-  
dium, habens rationem finis, ratione prio-  
ris, & rationem principij, ratione poste-  
rioris, & hoc quia res, quæ generatur per  
corruptionem præcedentium dispositio-  
num acquirit primum sui esse, quod est  
principium sequentis esse, & proprietate-  
rum. Hoc autem instans, quod est finis  
præcæriti, & principium futuri re vnum  
est, & duplex ratione. Pæsequitur ostē-  
dendo tempus non componi ex instanti-  
bus, & motum simplicem, & reflexum nō  
esse motus cōtinuus, quod parum refert,  
& nouum est in littera, & tu vide.

QVÆSTIO XIII.

*Virtus motus localis sit prior alijs moti-  
bus, ac mutationibus.*

**V**idetur quod non. Primo. Generatio  
præstantior est motu locali. Ergo  
motus localis non est prior. Sequela no-  
ta. Antecedens probatur. Motus accipit  
speciem à termino: At terminus gene-  
rationis est substantia, & motus localis vo-  
bi, quod est accidens. Substantia autem  
nobilior, ac prior est accidente, ut dicitur  
2. Metaphysicæ.

• Secundo. Cui magis convenit ratio motus, illud tale dicitur perfectior motus. Sed alij motibus à locali convenit magis ratio, idest definitio motus, scilicet esse actum existentis in potentia, quia alij motus sunt in potentia ad aliquod in-  
trinsecum, & mobile secundum locum so-

lum ad extrinsecum, scilicet ad locum. Ergo non est prior alijs motibus.

Tertio. Quæ sunt propria prædicamenta, dicuntur etiam priora perfectione, &c. Sed augmentum est de prædicamento quantitatis, & alteratio est de prædicamento qualitatis. Quantitas autem, & qualitas sunt prædicamenta priora prædicamento ubi. Ergo & motus augmenti, & decrementi, & alterationis sunt priores motui locali.

Quarto. Quæ sunt priora secundum originem, seu generem, nichil sunt posteriora secundum perfectionem, per Arist. At motus localis est prior generatione, & tempore alijs motibus, ut dicitur hic. Ergo non perfectione.

Quinto. Motus ordinatur ad quietem, ut ad suam perfectionem, ut dicitur super primo huius. Sed motus localis primus non ordinatur ad quietem, sed ad perpetuitatem circulationis. Ergo necesse est, quod sit imperfectus.

Sexto. De eodem ad idem procedere, & redire, videtur quid vane, & inane; unde propter hoc tollitur circularis demonstrationibus. At motus localis primus, id est celi de eodem procedit, & redit ad idem. Ergo vanus est.

Septimo. Illuminatio est actus nobilissimus corporis, scilicet Solis. At illuminatio est alteratio. Ergo alteratio est præstantior motui locali.

Octavo. Si motus localis esset perfectior alijs motibus, propterea esset, quia est mensura eorum, ut dicitur in textu. Hoc est falsum, quia mensura est minima, circularis vero est maxima. Mensura est eiusdem generis, & motus localis circuli non. Ergo &c. hic motus.

Pro resolutione huius questionis. Primo notandum venit, quod (ut vidimus in textu) tres prioritates attribuit Arist. motui locali supra alios motus. Prima est prioritas nature secundum dependentiam, quia motus localis potest esse sine alijs motibus, alij vero sine eo nequaquam, scilicet, nec alteratio, nec augmentum.

Hæc autem ratio currit. Primo. Supposito, quod alteratio, & augmentum non possint esse continua, & perpetua, ut apparet in his inferioribus, subiectis continuis mutationibus diversis, & contrariis. Secundo. Quod quæ alterantur, & augen-

tur, moueantur localiter, vel actiue, vel passiuè, ut dum combustium appropinquat combustibili, & ipsum comburit. Ita enim non esset, nisi motus localis præcederet alterationem, & motus combustii ad combustibile. Tertio, quod omnis alteratio supponit motui localem loquendo de alteratione coniuncta, sic perfectione, vel corruptione, nam illuminationem, quæ fit per accedum solis, per se fit, & non corrumpit. Secunda prioritas motui locali datur etiam temporis, quia est perpetua, non alij. Hæc autem prioritas intelligitur, non ut eodem indiciatur, quia prius indidit augere, & alteratur, antequam motus localis perfectus moueatur, ut intelligitur absolute, & simpliciter, & in alio, nam sic emittit & datur quod motus localis circularis celi, sit causa omnium aliorum motuum, ut dicit Philosoph. in textu. Sic enim deducendum venit, quod motus localis sit prior tempore alijs motibus. Sed secundo hoc intelligitur, quod totum entium, datur & regit mundum, & motus generationis (sic enim necesse est semper accipere motum alterationis, generationis, augmenti, & decrementi) Sed quoad rem repugnantiam, quia non repugnat primo motui, ut prius motus est, quod fit sine alijs, alijs vero repugnat, quod fit sine causa. Tertia prioritas dicitur perfectionis, quia sic motus localis posterior est generatione, & de hoc dicemus ad argumenta.

Secundo notandum venit, quod nobilitas motus localis in multis deprehenditur. Primo in motore, quia prius motus localis est à primo motore. Secundo in mobili primo, quod localiter mouetur, & est nobilissimum corpus, remotum à corruptione, & alteratione, & est instrumentum Dei ad generationem viventium. Tercio in conditionibus suis, ac circumstantijs. Nam primo in supremo corpore collocatur, & subiectatur quanto autem aliqua sunt superiora, tanto magis sunt nobiliora, ut dicitur secundo celi. Secundo est motus perpetuus, vniformis, & velocissimus. Tercio est circularis, figura autem circularis perfectissima est, quia ei nihil addi, vel ab ea detrahi potest, cum creat principio, & fine.

Ad primum ergo argumentum in oppositum

positum Iuallus hic, Ioannes Gandauensis, & Ferrariensis concedunt generationem præstare motui locali. Primo, quia terminus motus, qui est esse, præstat ubi, quod est accidens, & dicit relationem secundum S.D. 5. Metaph. cap. ad aliquid, & in tract. de relatione. Secundo, quia substantia præualeat cuilibet accidenti. Sed hæc responsio certe Philof. contradicit text. 58. 59. & 60. & de ortu, & interitu tex. 51. ubi expresse dicit, motum localem præstare etiam generationi. Primo, quia in eodem indiuiduo est generatione posterior, quæ autem sunt posteriora generatione, priora sunt perfectione. Secundo, quia per motum localem nihil ipsis mobilis deperditur, sicut in alijs motibus. Tertio, quia habet maximam unitatem, regularitatem, &c. Ideo dicendum venit, Primo, quod motus localis bifariam considerari potest. Primo ut excludit esse, quod est terminus generationis. Secundo, ut ipsum includit, & perficit, quia ei addit bene esse, nam bene genitum non ultimo perficitur, nisi sursum moueatur. Primo modo est ignobilior generatione, sed sic hic non consideratur, sed secundo modo, quo iure excellit ipsam. Secundo dicitur, quod generatio, & motus localis bifariam inspicitur. Primo, ut sunt motus. Secundo ut producant suos terminos. Si secundo modo ex opposito considerentur generatio, & motus localis, generatio præualeat, ut argumenta probant. At si primo modo, præualeat motus localis, quia generatio est actus omnino existentis in potentia, motus localis vero solum ad ubi, unde magis retinet de natura motus, qui est de positiuo, ad positiuum. A termino autem dicitur motus trahere suam denominationem, & specificationem, non nobilitatem absolute, sed & hoc valet comparando tres species motus ad suos terminos, & non generationem absolute, & simpliciter, & si possit accommodari per extensionem.

Ad secundum argumentum negatur minor. Ad probationem dicitur, quod esse magis in potentia non arguit maiorem præstantiam motus, ut motus est, aliter sic generatio esset propriissimus, & perfectissimus motus, sed ratio motus stat in hoc, quod sit actus existentis in actu, cum potentia ad terminum; nam quod minus

erit in potentia ad terminum, erit perfectior motus, quia magis participabit de positiuo, & magis recedet à motu communiter dicto. Hoc autem habet motus localis, ut dicit Philolophus in textu.

Ad tertium dicimus similiter ad maiorem, quod esse prius prædicto potest arguere prioritatem naturæ, & perfectionis, secundum esse, at nos loquimur de prioritate secundum motum, & in ratione causæ, & effectus independentis, & dependentis, & dicimus motum localem esse priorem causalitate, quia causat alios motus, nec ab eis dependet, ut diximus.

Ad quartum dicendum, quod motus localis bifariam considerari potest. Primo respectu vnius, & eiusdem, & sic dicitur posterior alijs motibus, ut diximus. Secundo respectu sui primi subiecti, scilicet primi orbis, & sic dicitur prior illis, & causa illorum.

Ad quintum. Primo dicimus, quod maior valet de motis motu recto, & extra locum suum constitutis, non vero de cælo, quod mouetur motu circulari, & non extra locum suum. Secundo dicitur, quod quies est perfectio motus, eo modo, quo ipsum terminat, quies autem motum cæli non terminat, nisi per successionem vnius partis post aliam, & sic mouetur.

Ad sextum. Primo dicitur, quod circulus ut circulus est inanis, sed quando per diuersas circulationes causat diuersas, est necessarius, & ita facit motus circularis cæli, ut tradit Ani. Secundo dicitur, quod valet de eadem circulatione ex beneplacito circulantis, non vero quando hoc prouenit ex dispositione ordinis vniuersi, ut est motus in orbem cæli, ad distinguendum tempora, dies, & annos, & ad causandam varietatem in rebus inferioribus.

Ad septimum dicitur, quod illuminatio causatur à motu cæli, & sic ut effectus eius est eo posterior.

Ad octauum dicitur, quod circulario sit maxima stat dupliciter. Primo duratione, & hoc verum est. Secundo velocitate, & vniiformitate, & sic est minima, & sic mensurat omnes alios motus, qui dicuntur velociores, vel non.

lum motus varij, possent fieri sine media quiete, quia non esset necessarius regressus. Tertio loquendo de continuitate motus proprie quo ad omnia ea, quæ cum faciunt continuum, nam non sola continuitas temporis sufficit, ut diximus 5. Physic.

Quarto loquendo de quiete non ut dicit cessationem motus cuiuscunque, sed talis motus, hoc enim est quod pensandum venit. Nam non negamus mobile sub moribus contrariis semper moveri, hoc, vel illo motu, sed affirmamus, quod dum de motu contrario ad contrarium transit, quiescit. Hoc igitur sic intelligo, quod dum mobile ad terminum ad quem pervenit, dicatur esse in quiete, non sumendo quietem pro cessatione motus, sed pro cessatione talis motus. Si enim habet terminum motus talis, in eo tali motu non movetur, quia nullum mobile in termino movetur. At quia terminus ad quem primi motus incipit esse in reflexione terminus à quo novi motus, ideo intelligitur mobile prius fuisse sub quiete, vnde hæc quies potius est naturæ, quam temporis pensato mobili tantum, quæ tamen sufficit ad veram discontinuitatem motus, quia mobile in reflexione non intelligitur amplius esse sub priori forma, fluente, quam motus dicit.

Ad primum ergo patet, quod mobile dicitur illico descendere, sed non eodem motu, quia non est sub eadem ratione sub fluxu. Et ita dicitur ad secundum, & tertium.

## LECTIO

S. D. 19. & 20.

## CAPUT VIII.

*Qui autem in circulari erit unus, &c.*

*Tex. 75.*

Postquam Philos. ostendit motum rectum, & reflexum non esse motus contrarios, & perpetuos, intendit modo ostendere motum circularem esse continuum, & perpetuum, quod primo sic probat. Illud est possibile, ad quod nullum sequitur impossibile. At nullum sequitur impossibile ponendo motum circularem perpetuo continuum. Ergo erit perpe-

tuo continuus. Maior est nota. Minor probatur ex destructione dicti superius. Nam dictum est, quod motus rectus, & reflexus non possunt esse perpetuo continui, quia sic sequeretur, quod tunc duo motus contrarii essent unus, & idem motus. Hoc autem non sequitur in motu circulari, quia in motu circulari non est oppositio, cum oppositio sit secundum lineam rectam. Secundo. Motus reflexus ideo dictus est discontinuus, quia per idem spacium regreditur ad idem punctum. At hoc non saluatur in motu circulari, quia ipse regreditur per aliud spacium. Ergo &c.

In textu 74. concludit, quod alterationes, & motus augmenti, & decrementi, quando etiam sunt motus reflexi, non possunt esse perpetuo continui, quia sunt per idem medium, vel media, ut ab albo in nigrum, & e contra.

In textu 75. incipit probare motum circularem esse primum dupliciter. Primo sic. Ille motus est prior, qui est simplicior, & perfectior. At motus circularis est simplicior, & perfectior, inter alios motus circulares, (nam supra probatum est motum localem esse alijs priorem.) Ergo erit prior, id est primus. Maior patet, quia simplex est prior composito, & simplicior. Minorem probat. Motus localis rectus, vel est simplex, id est absque reflexione, aut est reflexus. Si rectus, motus circularis est eo perfectior, quia in infinitum potest protrahi, & sic semper esse, non sic motus rectus; si reflexus, cum sit compositus, cum bis transeat ad idem spacium, & circularis sit simplicior, erit etiam prior. Secundo sic. Motus perpetuus est prior motu non perpetuo. At solus motus circularis est perpetuus, non vero rectus, quia ad punctum terminatur, nec etiam reflexus, quia ante reflexionem in eo cadit quies, ut supra probatum est. Ergo erit prior.

In textu 76. incipit idem probare, scilicet motum circularem esse continuum, & perpetuum, sed non per proprias rationes (ut supra probavit) sed per communes, & Logicas, & hoc tripliciter. Primo sic. Omnis motus, qui nunquam est in principio, & fine est continuus, & prior; sed solus motus circularis est eiusmodi. Ergo solus motus circularis est continuus, & prior. Maior patet. Minor probatur, quia

Ad primum autem in oppositum dicitur, quod talis motus est mixtus, quia dum mouetur per directum super centrum ab eo minus distat dum erit in medio, quam in fine lineæ. Et ita ad secundum dicitur, quod manebit motu recto, ac conuenit aeri. Ad tertium dicitur, quod motus pensatur ex principalibus sphaeris, in quibus sunt planetae, & eccentrici, hæc autem semper eodem modo mouentur circa centrum.

Tertio dubitatur, An corpora simplicia vno tantum motu moueantur. Videtur enim quod non. Primo, quia in aqua maris conspicitur duplex motus, scilicet fluxus, & refluxus, ascensus, & descensus. Secundo. Item sphaera primo mobili inferioris duplici motu mouentur, scilicet raptus, & proprio. In oppositum tamen stat Arist. 1. celi, cap. 1. & hic elicitur, & patet, quia naturaliter sibi determinat suam sphaeram, & motum localem (de hoc enim loquimur, & non de motibus alterationis, vel augmenti, & decrementi) vide ad argumenta dicitur, quod corpora motu locali mota bisariam considerari possunt. Primo secundum se, & sic per se naturaliter vendicant sibi vnum tantum motum, quare sic aqua vt gravis extra suam sphaeram deorsum tendit, & orbes planetarum ab Occidente in Orientem mouentur. Secundo vt habent naturalem connexionem cum corporibus superioribus, & sic mare mouetur motu fluxus, & refluxus, & orbes planetae similiter con primo mobili, ab Oriente in Occidentem.

Quarto dubitatur. An motus circularis naturaliter caelo conueniat. Videtur enim quod non. Primo. Natura abhorret infinitum, per Arist. 1. de generat. cap. 1. & quarto Physic. cap. 4. At motus circularis per reiterationem est infinitus: vt hic dicitur. Ergo non poterit esse naturalis. Secundo. Locus naturalis conseruat mobile ad ipsum, vt patet in quolibet elemento, in sua sphaera conseruato. Sed caelum quod circulariter mouetur, & inordinabile est, non habet ab aliquo conseruationem nisi a solo Deo. Tertio. Quia mobile quiescit, & non mouetur in suo loco naturali, caelum autem mouetur circulariter circa centrum, & non quiescit. Quarto. Quia motus naturalis non est liber. Motus autem celi est ab intelligentia, quæ

libere mouet. Quinto. Natura definit, & determinat ad vnum. At motus orbium planetarum duplici motu mouentur, vt diximus. Sexto. Natura operatur propter finem per Arist. 2. Physic. cap. 8. At motus circularis celi non est propter aliquem finem, quia à sua constitutione caelum est perfectum. Septimo. Sic ei naturaliter etiam conueniret quies, quia natura est principium motus, & quies, vt dicitur 1. Physic. cap. 1. At caelum naturaliter non potest quiescere. Ergo nec naturaliter mouetur.

Pro resolutione huius difficultatis notandum est, quod Scotus in 4. dist. 48. q. 2. & in 2. dist. 2. quæst. 6. cum Ayicenna lib. 9. suæ Metaphysic. cap. 2. Durando in 2. dist. 14. quæst. 2. & Ricardo quæst. 6. voluerunt, quod celi non moueantur circulariter, nec naturaliter, nec violententer, sed præter naturam, vnde præter potentiam naturalem, & violentam constituerunt aliam potentiam, quam appellauerunt actum, quæ caelos moueri dixerunt. Rationes horum reiaæ sunt. In contrarium stat S. D. 3. contra Gentes, cap. 23. cum Ferrariensi. Cap. 20. in 2. dist. 9. quæst. 1. artic. 3. Soncinas 12. Metaphysic. quæst. 12. D. Bonauentura in 2. dist. 1. 4. art. 3. Aegidius eadem dist. Porphyrus (teste Simplicio) 3. Physic. tex. 3. Philopponus, Simplicius, & Auerroes. Hi enim omnes cum multis alijs motum circularem celi dixerunt esse naturalem, & est expressa sententia Arist. hic. Sed sciendum venit, quod cum in caelo sit materia eius, forma eius propria, & intelligentia, materia, & forma celi comparatæ intelligentiæ dicuntur esse principium passiuum motus, & intelligentia effectiuum, ac forma celi, eius materia comparata dicitur eius principium formale, & appropinquat effectiuum, quia reddit materiam celi aptam ad motum naturalem circularem, & hoc est, quod docuit S. D. in 4. dist. 48. quæst. 2. art. 2. & 3. contra Gentes, cap. 23. cum Ferrariensi, & Soncinæ 12. Meth. quæst. 36. Probatur ergo quod motus celi circularis sit naturalis. Primo. Nam quolibet res ad suam perfectionem, & sub sua perfectione reperitur naturaliter. At moueri circulariter est perfectio motus celi, vnde propter hos hic dicitur moueri motu perfectissimo. Ergo naturaliter.



raliter. Secundo. Omne corpus Physicum naturaliter mouetur, actiue, vel passiue, vt docuit Arist. 2. Physic. cap. 1. At cælum est corpus Physicum. Ergo mouetur naturaliter. Tertio. Sicut terræ naturaliter vt corpori graui conueniunt deorsum tendere, ita cælo circulariter moueri, per Arist. 1. de cælo, cap. 3. At terræ conueniunt moueri deorsum naturaliter. Ergo & cælo moueri circulariter.

Ad argumēta ergo aduersariorum dicitur ad primum, ad maiorem, quod procedit de infinito indeterminato, non vero de determinato, quod dicitur infinitum per reiterationem, vt est motus cæli. Ad secundum dicitur ad maiorem, quod locus conseruat mobile ad ipsum, eo modo, quo ad ipsum mouetur, si recto motu recte, & si circulariter, circulariter, & ita perfectio cæli est moueri motu circulari, non acquisita de nouo, sed conseruata ab antiquo. Ad tertium dicitur ad maiorem, quod valet quando quies dicit perfectionem, non vero quando motus eam præfert, vt facit motus circularis in cælo, quia de eius ratione non est quiescere, sed moueri circa centrum circulariter. Ad quartum dicitur motum cæli esse naturalem ex parte principij passiu, idest cæli moti, & liberum ex parte principij effectiui motus, scilicet intelligentiæ. Sed & dicitur, quod ex parte eius, est naturalis in ratione mouentis, & mobilis, quia intelligentia mouet cælum maxima conaturalitate, & si non dicatur eius forma naturalis. Ad quintum dicimus, quod motus orbium proprii sunt determinati ad vnum, & vt participant, & connectuntur cum primo mobili possunt habere alium motum scilicet raptus. Ad sextum dicitur, quod motus cæli non est ad finem aliquem intrinsecum, scilicet ad acquisitionem alieuius perfectionis non habita, sed est ad finem generationis, prædestinatum, vt tradit S.D. de pot. art. 5. & in 4. distinct. 48. quaest. 2. artic. 2. & est ad assimilandum diuinæ bonitati quæ se inferioribus communicat, sicut & cælum suos influxus impartiendo, qui faciunt ad generationem, & periodum rerum sublunarium. Ad septimum dicitur, quod cælum bifariam considerari potest. Primo, vt est a Deo dispositum ad generationem viuentium, & sic non potest naturaliter

quiescere, quia ad hoc habet motorem. Secundo, vt corpus est, & sic poterit quiescere remota intelligentia, vt fiet post diem iudicii. Vide S.D. in 4. distinct. 48. quaest. 2. art. 2.

Quinto dubitatur, An motui circulari alius motus possit esse contrarius. Videatur enim quod sic. Nam hic text. 64. asserit Arist. motus factos in circulo ad partes oppositas esse contrarios, & se impedire. Et text. 73. dicit, motum factum per semicirculum ab A. in B. non posse continuari cum motu reflexo à B. in A. quia hi motus sunt contrarij.

In contrarium tamen est Aristot. 1. de cælo, cap. 4. quod probat. Primo. Vnum vni est contrarium. At motus rectus sursum contrariatur motui recto deorsum, ergo non motui circulari, & sic non habebit contrarium. Nota autem quod hic de contrarietate proprie directæ (de qua maior valet) loquitur Philof. nam communi oppositione, & diuersitate vnū potest pluribus esse contrarium, vt auaritia, & prodigalitas contrariantur liberalitati, & virtuti, quæ stat in medio, opponuntur extrema, quæ sunt vitiosa. Secundo probat, quod nec motui circulari alius motus circularis aduersatur. Nam motus contrarij poscunt terminos contrarios. At in motu circulari non dantur termini contrarij, cum sit de eodem puncto, ad idem punctum. Argumenta ergo procedunt de contrarietate sumpta communiter.

## CAPVT IX.

### LECTIO S.D. 21. 22. & 23.

Postquam Philof. egredere qualitate primi motus, modo intendit agere de qualitate primi mouentis. Aut ergo in text. 78. quod sicut supra dictum est, primum mouens esse immobile, ita nunc dicendum venit, & demonstrandum ipsum esse indiuisibile, & omni magnitudine, & corpore mole carere. Antequam autem hoc probet, præmittit quasdam propositiones. Prima quarum est. Nullum huiusmodi potest mouere tempore infinito. Probatur. Tria sunt necessaria ad motum. scilicet mobile, mouens, & tempus. Ad hoc ergo, quod motus sit infinitus, vel necessarium est, quod tria supradicta sint infinita, vel fini-



ea, vel quædam finita, & quædam infinita. Primum non potest esse, quia non datur corpus mobile infinitum, ex tertio huius. Nec secundum, quia tempus est infinitum ex 4. & 8. huius. Ergo tertium. At nullū mouens corporeum potest mouere tempore infinito. Nam denotetur virtus corporei motoris mouens per A. Mobile finitum per B. Tempus infinitum per C. Modo accipiat virtus minor A, sub decuplo, tunc mouebit solum partem sub decuplam mobilis per A, quia mobile, & mouens proportionantur. Moueat igitur virtus minor A, suum mobile in decennio, cum virtus A, sit decies ea maior, mouebit spacio centum annorum. At hoc spaciū est finitum. Ergo non mouebit tempore infinito. Et quia vltimius procedendum est ad habendum intentum, scilicet deueniendum est ad probandum, quod virtus infinita non possit esse in magnitudine finita. Ideo in textu 79. hoc probat in substantia sic. Motus non potest fieri in instanti. At sic fieret, si virtus infinita esset in magnitudine finita. Ergo in ea non potest dari. Maior est nota ex 3. Phys. Minor probatur. Quanto virtus mouens est fortior, tanto minuitur tempus, in quo mobile mouet, vnde virtus in duobus gradibus mouebit, verbi gratia, in duabus horis, & virtus, vt quatuor in vna hora, quia quanto virtus crescit, tanto tempus motus minuitur. Ergo data virtute infinita, si finita virtus mouet in tempore, infinita mouebit in instanti, quia ab ea distat in infinitum.

In textu vero 80. & 81. ostendit, quod nec in magnitudine infinita sit virtus finita. Supponit autem quod quanto maior est magnitudo in tali specie, quod etiam sit maior virtus in ea, vt in maiori igne maior virtus calefactiua, quam in minori. Tota autē vis ostensionis in hoc consistit. Quod si in mole infinita non esset virtus infinita, idem mobile, eadem velocitate moueretur a virtute finita, & infinita, & hoc, quia datus idem mobile moueri aliquo determinato spatio temporis, nam sic virtus potest augeri, & deuenire ad mouendum, vt facit virtus infinita. Inde concludit motores orbium non posse esse virtutes materiales, sed indiuiduas, materiæ expertes, quæ ideo semper poterunt mouere, quia non sunt iunctæ

materiæ, quæ est potentia contradictionis.

De textu 82. ligant DD. circa intentionem Aristot. in eo textu, cum parum cū superioribus videatur coherere. Nam aliqui dixerūt hanc textum per errorem hic fuisse insertum. Alij dicant in hoc textu posuisse dubitationem de proiectis, quæ mouentur, projiciente quiescente, ne crederemus ita etiam se habere primum motorem, scilicet, quod quauis alia ab eo dicantur mota, ipse tamen moueat, & quiescat. Sed hæc positio nō subsistit, quia projiciens, dum proicit, mouetur, non sic primus motor. Simplicius vero autumat, quod cum principale fundamentum immobilitatis primi motoris sit, quod in mouentibus & motis est deuenire ad vnum primum motorem immobilem, & proiecta in motu à seipsis moueri videantur, & nō à primo motore, ideo hoc erat explicandum. Sed hæc etiam expositio non quadrat, quia hanc difficultatem supra subleuit, dum dixit, ea moueri à projiciente. Remanet ergo interpretatio S. D. amplectenda, scilicet, quod postquam Aristot. ostendit potentiam infinitam non posse esse in magnitudine finita, nec potentia finita possit mouere tempore infinito, hic intendat probare vnitatem primi motoris, quod facit ostendendo, propter diuersitatem motorum deficere vnitatem, & continuitatem motus. Dubitat ergo de proiectis, an postquam proiecta sunt, à projiciente adhuc moueantur, vel à seipsis, nullo ea mouente. Dicit autem quoddam dixisse moueri à projiciente per aerem, quia, si mouet aerem, & aer proiecta. Sed hanc dicit esse futilem responsum, quia cum aer sit inanimatus, remanet adhuc dubium à quo moueatur, dum non tangitur ab impellente, nam impellente quiescente, aer quoque quiescere deberet. Respondet ergo, quod projiciens dum proicit proiectum simul mouet aliquam partem aeris sibi immediatam, & illa aliata sibi immediatam vsque in finem motus, in quo cum semper deficiat vis impellentis, ideo motus projectorum deficit, & remittitur in fine, cū autem diuersæ sint partes aeris mouētis, ideo ille motus non dicitur cōtinuus, sed consequenter se habens, quæ motio dicitur Antiperistasis, hoc est contra resistentiam, sed non vere, quia in Antiperistasi da

tur vnum mouens, & aliud motum, ac in hoc motu plura sunt mouentia.

In textu 83. postquam ostendit nō esse motum vnum, qui est à pluribus mouentibus, probat ideo primum motum esse vnum. Hoc autem elicitur sic probat. Vnus motus est ab vno motore. At datur vnus motus, vt patet ex superioribus. Ergo datur etiam vnus motor. Secundo. Motor, qui semper eodē modo mouet, oportet quod sit primus immobilis. Talis est intelligentia mouens cælum. Ergo est primus motor. Minorem relinquit vt notā. Maiorem probat, quia primus motor regulariter mouet, & semper eodē modo, quod non esset, si defatigaretur in mouendo, vt faciunt motores in magnitudine existentes, vnde eorum motus in fine retardatur.

In textu 84. tradit vbi sit primus motor. Nam aliqui voluerunt eum stare in medio vniuersi. At Arist. docet eum esse in circulo. Probatur. Sedes debet correspondere conditioni locali. At locatum, idest primus motor est vniuersi principium. Ergo erit in ea parte cæli, quæ habet rationem principij. At non centrum, sed circumferentia habet rationem principij, quia ibi velocior est motus. Ergo erit in circumferentia.

In textu 85. mouet dubitationem, an motor non primus, qui est immobilis, sed qui est secundus, scilicet corpus, & virtus in corpore valeant mouere motu continuo, non autem consequenter ordinato, vt est pulsio. Respondet negative, scilicet non posse moueri motu continuo, quia talis motus vel est pulsio, idest projectio, vel tractio, vel ex his mixtus. Hi autem motus non sunt continui, sed solum con-

sequenter dispositi.

In textu 86. concludit tandem primum motorem non posse esse in magnitudine. Nam vel esset infinita, vel finita. Non infinita, quia non datur, ex declaratis in tertio. Non finita, quia vis materiata non potest mouere tempore infinito, & omnia sunt clara.

Circa supradicta autem plura essent notanda, & plura dubitanda, sed generaliter dicitur, quod rationes Arist. in textu 75. &c. fundantur in hoc, quod motor in materia exultens mouendo defatigatur, & debilitatur, vnde non semper eodem modo mouet, primus autem motor semper eodem modo mouet, & sine labore, ideo non potest esse in magnitudine, seu in materia. Ellet autem hic disputandum, quomodo Deus sit vbique, & an primus motor, idest Deus sit virtutis infinitæ intelligentiæ, & extensivæ, ac primam questionem habebis p.p. quæst. 8. S. D. & secundam. q. 25. ibi videbis; cætera nota sunt.

Ad hanc tamen partem plura facient; quæ de vniuerso Philosophico disputatum sumus, & à Lectoribus Philosophiæ post octo Libros Physicorum tradenda erunt discipulis; ne intei, ac ieiuni maneant iocundarum Quæstionum, & magis necessarium his nostris temporibus. In hoc enim nostro vniuerso necessarios, ac iocundiores quæstiones Librorum de Cælo, & Mundo, de generatione, & corruptione, de meteorologicis impressionibus, & de paruis naturalibus colligemus, vt tandem (quoad præcipua) totum Aristotelicæ doctrinæ studium Philosophicum videamur amplectari. Laus Deo, eiusque Matri, & Sanctis omnibus.

F I N I S.

Corrigente Adm. R. P. Magistro F. Io. Pietro Astorio.